

8. 11 3. C. 1

mcē

---

B



8-13-C-1

Vos. -  
Jorge P.  
Baldwin



8. 43. 2. 7  
יהוה

ROBERTI  
**BELLARMINI**  
POLITIANI  
S. R. E. CARDINALIS  
*Solida Christianæ Fidei*  
DEMONSTRATIO..

OPERA  
V. P. F. BALDVINI IVNII  
Ordinis Minorum,  
*Ex eius operibus controuersiarum*  
*desumpta.*

ANTVERPIÆ,  
Sumptibus Hæredum MARTINI NVTTII.  
M. DC. XI.  
*Cum gratia, et Privilegio.*

THE  
HISTORICAL  
JOURNAL  
OF THE  
ROYAL ANTHROPOLOGICAL INSTITUTE  
OF GREAT BRITAIN AND IRELAND  
VOLUME 10  
PART 1  
1910



REV.<sup>mo</sup> ET ILL.<sup>mo</sup> D.<sup>no</sup>

MATHIAE HOVIO  
ARCHIEPISCOPO  
MECHLINIENSI.

S. D.

F. BALDVINVS IVNIVS.



*Q*UAM turpe vitium ingratitude sit,  
Illustrissime Præsul, patet Athenien-  
sum exemplis. Detrahe illis Theſea,  
nullæ, aut non tam claræ Athenæ erūt.  
Siquidem ille viciatim diſperſos ciues  
ſuos in vnā contraxit urbem, ſeparatimq; & agreſti  
more viuēti populo ampliſſimæ ciuitatis formam, at-  
que imaginem impoſuit. Idem ſæua potentiſſimi Regis  
Minois imperia vixdum atate pubeſcente repulit.  
Idem effrenatam Thebarum inſolētiam domuit. Idem  
opem liberis Herculis tulit, & quidquid vbique mon-  
ſtri, aut ſcleris fuit, virtute animi, ac robore dexteræ  
comminuit. Huius tamen ſummoti ab Athenienſibus  
Scyros, exule minor inſula, offa mortui cepit. Iam So-

n. 2

lon.



lon, qui tam præclaras, tamq̃ utiles Atheniensibus leges tulit, ut si his perpetuò uti voluissent, sempiternum habituri fuerint imperium: qui Salamina velut hostilem arcem ex propinquo saluti eorum imminentem recuperavit, qui Pisistrati tyrannidem primus vidit oriëntem, & solus armis opprimi debere, palam dictitare ausus est; senectutem Cypri profugus exegit: neque ei in patria, de qua optimè meritus erat, humari contigit.

Ego etiam præclara ab Illustrissima D. V. accepi beneficia: nam septem Ordinibus sacris à sacratis vestris manibus aliquando insignitus sum. De quorum distinctione audiamus D. Thomam in Supplemento partis 3. quæst. 37. artis. 2. Potestas, inquit, Ordinis aut est ad consecrationem ipsius Eucharistiæ, aut ad aliquod ministerium ordinatum ad hoc Sacramentum Eucharistiæ. Si primo modo, sic est Ordo Sacerdotum: & ideò cum ordinantur, accipiunt calicem cum vino, & patenam cum pane, accipientes potestatem conficiendi corpus, & sanguinem Christi. Cooperatio autem ministrorum est vel in ordine ad ipsum Sacramentum, vel in ordine ad suscipientes. Si primo modo, sic est tripliciter. Primo enim est minister, quo mi-

# DEDICATORIA.

niſter cooperatur Sacerdoti in ipſo Sacramento, quantum ad diſpenſationem ; ſed non quantum ad conſecrationem , quam ſolus Sacerdos facit: & hoc pertinet ad Diaconum . Secundò, eſt miniſterium ordinatum ad materiam Sacramenti ordinandam in ſacris vaſis ipſius Sacramenti : & hoc pertinet ad Subdiaconum ; & ideò accipit calicem de manu Epifcopi , ſed vacuum, cum ordinatur . Tertiò, eſt miniſterium ordinatum ad præſentandam materiam Sacramenti : & hoc competit Acolyto: unde accipit urceolum vacuum . Sed miniſterium ad præparationem recipientium ordinatum non poteſt eſſe, niſi ſuper immundos , quia qui mundi ſunt, iam ſunt ad Sacramenta percipienda idonei . Triplex autem eſt genus immundorum . Quidam enim ſunt omnino infideles , & credere nolentes : & hi totaliter etiam à viſione diuinorum , & à cætufidelium arcendi ſunt : & hoc pertinet ad Oſtiarios . Quidam autem ſunt volentes credere , ſed nondum inſtructi, ſcilicet Catechumeni: & ad horum inſtructionem ordinatur Ordo Lectorum ; & ideò prima rudimenta doctrinæ fidei, ſcilicet vetus Teſtamentum, eis legendum committitur . Quidam verò ſunt fideles , & inſtructi, ſed impedimentum habent.

tes ex dæmonis potestate, scilicet *Energumeni*: & ad hoc ministerium est *Ordo Exorcistarum*. Hactenus ille.

His omnibus muneribus sacris in *Ecclesia Dei Illustrissima D.V.* me fulgere voluit: & ad gratias agendas, si referre nequeam, tardus ero? Non ero. Videmus (cheu!) *Belgium nostrum*, varijs errorum ab annis aliquot circumfufum tenebris, & turbidis hæresum agitari fluctibus. Multietiam in *Hollandiæ* partibus mihi consanguinei, & amici, qui in antiqua *Romanæ Ecclesiæ* fide fortissimè hætenus persistentes, in gratiam eorum aliquid conscribi à me voluerunt, & coëgerunt. Quid facerem? Statim *Controuersias Illustrissimi Cardinalis Bellarmini* ab *Ecclesia* probatas, & laudatas arripui, & ex eis *Demonstrationem fidei Christianæ*, allegatis potissimum *Scripturis*, & *rationibus*, breuiter deduxi, ut fluctuantibus succurrerem *Belgis*, & expectantibus satisfacerem amicis. Nonne alienis vestigijs humiliter insistere melius fuit, quàm proprium sequendo iudicium, aberrandi fortè periculum incurrere?

Itaque gratitudinis ergo hunc laborem nostrum *Reuerendissimæ & Illustrissimæ D.V.* offero, ut illum  
ani-

DEDICATORIA.

*animare dignetur, fouere, tueri: rogans etiam Deum  
Opt. Max. vt Illustrissimam D. V. Ecclesiæ suæ,  
Belgio nostro, nobis, quàm diutissimè, & felicissimè  
seruet incolumem. Vale. Antuerpiæ VII. Idus  
Iulias. 1611.*

Reuerendissimæ, & Illustrissimæ  
D. V. Obsequentissimus  
F. Balduinus Iunius.





# DE VERBO DEI.

## LIBER PRIMVS.

### CAPVT I.

De Numero, & auctoritate Sacrorum Librorum.



**I**NSTITVENTI mihi de libris sacris differere, prima se offert questio:

*Sine Scriptura Prophetica, & Apostolica vt verbum Dei recipienda: an id solum pro Verbo Dei habendum sit, quod Spiritus sanctus priuatim, vnicuique, in corde loquitur?* Statuendum est in primis libros Quest. 1.

Propheticos, & Apostolicos iuxta mentem Ecclesie Catholice verum esse verbum Dei, & certam ac stabilem regulam fidei.

Principio Moyses, Prophetæ, Christus ipse, Ioannes, Apostoli, vel diuina Prob. 1.  
dogmata ex Scripturis confirmabant, vel certè ad Scripturas legendas alios hortabantur; nec vllum vnquam ad interni Spiritus iudicium, Scripturis neglectis remisissent.

Moyse: *Si difficile, & ambiguum apud te iudicium esse perpexeris, &c. Facies, quod-* Deut. 17.  
*quique dixerint, qui præsunt loco, quem elegerit Dominus, & docuerunt te iuxta legem eius.*  
Ad eundem modum & Isaias clamat: *Ad legem magis, & ad testimonium.* Et Malachias: Isaia 8.  
*Labis Sacerdotis custodient scientiam, & legem requirent ex ore eius: quia Angelus Domini exercituum est.* Malach. 2.  
Dauid: *Beati, qui seruantur testimonia eius.* Christus verò Psal. 118.  
primùm legationem suam Scripturæ testimonio confirmat illis Prophetæ verbis allatis: *Spiritus Domini super me, eò quòd vnxit me.* Deinde, Saducæos ex Lucæ 4.  
diuinis litteris confutat, dicens: *Nonne ideò erratis, nescientes Scripturas?* Et infra: Matth. 22.  
*De mortuis autem, quòd resurgant, non legistis in libro Moysi, &c.*

Porrò Phariseis quo alio argumento silentium imposuit, quàm illo, quod ex Dauide deprompsit? Et rursus illos non ad spiritum aliquem internum, sed ad Scripturas diuinas reijcit, dicens: *Scrutamini Scripturas.* Iam verò Ioannes Baptista testem legationis suæ non spiritus interni iudicium, sed Isaiam Prophetam adhibuit. Siquidem interrogatus, quis esset: *Ego, ait, vox clamantis in deserto, dirigite viam Domini, sicut dixit Isaias Propheta.* De Beroeënsibus illud nō sine laude commemoratur, quòd cum Paulum Apostolum audiuisent, scrutabantur quotidie Scripturas, si hæc ita se haberent. Ioan. 5.  
Ioan. 1.  
Act. 17.

Ipsum verò Apostoli Petrus, Paulus, Ioannes, Iacobus, Iudas non modò in singulis epistolis frequenter adhibent testimonia legis, & Prophetæ. sed interdum etiam Scripturæ auctoritatem vniuersè prædicant: *Habemus inquit S. Petrus, firmiorem propheticum sermonem, cui bene facitis attendentes, tanquam lucerna lucenti in caliginoso loco.* Et S. Paulus: *Ab infantia sacris litteris nosti, quate possunt* 2. Pet. 1.  
2. Timoth. 3.

A

instruere

*instruere ad salutem. Omnis scriptura diuinitus inspirata utilis est ad docendum, ad arguendum, ad corripiendum, ad erudiendum in iustitia, ut perfectus sis homo Dei ad omne opus bonum instructus.* Denique Deus ipse ad Iosue: *Non recedat volumen legis huius ab ore tuo, &c.*

Iosue 1.

Prov. 2.

Deinde, Regula Catholicae fidei certa, notaque esse debet: nam, si nota non sit, regula non erit nobis; si certa non sit, ne regula quidem erit. At Scripturae sacrae, quae Prophetis, & Apostolicis litteris continentur, notissimae sunt, ut probat consensus omnium gentium, apud quas multis iam saeculis summam semper auctoritatem obtinuerunt.

Certissimae etiam sunt, & verissimae, ut testis est Primò, incredibilis quaedam, & planè diuina conspiratio tot virorum, qui diuersis locis, temporibus, linguis, occasionibus sacra volumina conscripserunt; ut non tam ipsi scriptores diuersi, quam vnus scriptoris diuersi calamifuisse videantur.

Deinde, testis est ipse Deus, qui aliquando caelesti animaduersione Scripturam hanc suam ab humana prophanatione defendit. Miranti siquidem Ptolomæo Regi, cur diuinorum librorum nulli, neque historici, neque Poetae veteres meminissent; Demetrius Phalerius respondit, (ut refert Iosephus, & Eusebius) diuinam hanc Scripturam esse, & à Deo datam: propterea siqui prophanorum hominum eam attingere vulerunt, eos à Deo percussos continuo resiliisse. Affirmauitque Theopompum quendam, quòd aliquid diuinorum librorum Graeca oratione ornare voluisset, subito mentis quædam agitatione diuinitus immissa vehementer perturbatum, & ab incepto opere coactum esse desistere: Theodorum verò Tragædiarum scriptorem, quòd nescio quid è diuina scriptura ad fabulam quendam transferre decreuisset, luminibus captum, orbatumque esse: ita repentina calamitate insignem temeritatem continuo esse repressam.

Lib. 12.

Antiq. c. 2.

1. &amp; 2. præpar.

Euang. c. 1.

Testis etiam est ipsa Scriptura, cuius si veræ fuerint prædictiones rerum futurarum, ut uentus postea comprobauit; cur vera non sint rerum praesentium testimonia? Verum igitur est, quod ait David: *Spiritus Domini locutus est per me, & sermo eius per linguam meam.* Verum quòd Zacharias: *Benedicite Dominus Deus Israel, &c.* sicut locutus est per os sanctorum, qui à saeculo sunt. *Prophetarum eius.* Verum quod ait Petrus: *Spiritus sancto inspirati locuti sunt sancti Dei homines.* Et Paulus: *Omnis scriptura diuinitus inspirata est.* Verum denique, quod Prophetæ identidem repetunt: *Hæc dicit Dominus.*

2. Reg. 23.

Lucæ 1.

2. Petri 1.

2. Tim. 3.

Sanè non omnes vulgò Dominus per internum afflatum docet, quid de se credi, quid uè à suis agi velit, sed per corporales litteras, quas & cerneremus, & legeremus erudire nos uoluit, ut per ea, quæ sensibus corporis percipiuntur, quasi per gradus, ad spiritualia deducamur. Neque verò si David, Moyses, Isaïas, Petrus, Paulus, Ioannes, & alij quidam pauci, in eorum quodammodo Angelorum admisi, ab illo fonte veritatis per se sapientiam hauserunt, continuo ceteri etiam homines neque diuinis litteris, neque ullis doctoribus opus habebūt. Nunquid omnes Apostoli? nunquid omnes Prophetæ? nunquid omnes fundamenta? nunquid omnes montes? Et si omnes montes, ubi colles? Et si omnes fundamenta; ubi domus? si omnes Apostoli, & Prophetæ; ubi Synagoga populorum? De qua scriptum est: *Synagoga populorum circumdabit te.* Nos

Psalm. 7.

itaque

Itaque *superadificamur* (vt Apostolus ait) *super fundamentum Apostolorum, & Prophetarum*, quorum prædicatione, & litteris erudimur: illi verò, qui ipsi viderunt, & ministri fuerunt sermonis, sustentantur, & nituntur *ipso summo angulari lapide Christo Iesu*. Postremò; Si in quavis humanà Rep. sublati legibus, institutisq; Maiorù, id vnicuiq; liceret, quod naturali suà prudentiâ æquum, ac iustum censeret; quanta perturbatio rerum omnium, quanta confusio sequeretur! Quàm breui tempore tota ea Resp. funditus interiret! Et nemo tamè est, qui non aliquid sapiat in rebus humanis, quique omni prorsus iudicio careat. Quid igitur fieret, si in eà Rep. quæ diuina potius, quàm humana est, & in quàm multa necessariò supra ratione naturalè credenda, multa supra humanas vires agenda sunt, sacra eloquia diuinitus inspirata tollerentur è medio, & solus internus afflatus expectandus, & sequendus esset? Quid, quòd maxima pars hominum ex rudibus, & imperitis constat, qui nihil sibi diuinitus inspirari, ne per somnium quidem vnquam senserunt? Quid igitur isti? expectabunt semper? Nihil interim credent? In omnem æternitatem peribunt? An assequentur sine fide iustitiam? vel beatitudinem sine iustitia?

Altera questio est: *Qui sint verè Prophetici, aut Apostolici libri?* Quidam Scripturæ libri sunt, de quorum auctoritate nulla vnquam fuit inter Catholicos disceptatio: vt sunt.

<i>Pentateuchus Moysis,</i>	<i>Iob, Psalterium 150. Psalmorum,</i>
<i>Liber Iosue, Iudicum,</i>	<i>Proverbia, Ecclesiastes, Cantica,</i>
<i>Ruth, Regum. 4.</i>	<i>Propheta maiores. 4. Minores. 12.</i>
<i>Paralipomenon. 2.</i>	<i>Euangelia. 4. Acta Apostolorum,</i>
<i>Esdra, &amp; Nehemia, 2.</i>	<i>Epistola Pauli. 13. Epistola Canonica duæ:</i>
	<i>Petri una, Ioannis altera.</i>

Quidam autem tametsi verè Prophetici & Apostolici sint, non tamen semper æquè certa, & explorata fuit eorum auctoritas: vt sunt:

<i>Hester, Baruch, Danielis pars,</i>	<i>Posterior Petri.</i>
<i>Tobias, Iudith, Sapientia, Ecclesiasticus,</i>	<i>1. Ioannis particula.</i>
<i>Macchab. primus &amp; secundus, Marci, Luc.</i>	<i>2. &amp; 3. Ioannis.</i>
<i>Ioannis partes quædam.</i>	<i>Epistola Iuda,</i>
<i>Epistola ad Hebræos, Epistola Iacobi.</i>	<i>Apocalypsis.</i>

Quidam denique, qui, quanquam à nonnullis clarissimis, & doctissimis viris aliquando in numero diuinorum voluminum haberentur; publico tamen totius Ecclesiæ iudicio nunquam approbati sunt: vt:

<i>Oratio Manassæ,</i>	<i>Psalmus 151.</i>
<i>Tertius &amp; quartus Esdra.</i>	<i>Appendix libri Iob,</i>
<i>Tertius &amp; quartus Macchab.</i>	<i>Liber Hermetus, inscriptus, Pastor.</i>

Ac primi quidem ordinis libros in Ecclesia Catholicà diuinam auctoritatem semper habuisse, testes sunt omnes summi Pontific. omnia Concilia, Libr. 1. omnes  
A 2 omnes

1. Quia nomine Pauli Apostoli legitur in Ecclesia in die Natalis Domini, & aliàs frequenter.

2. Quia in testimonium producta, & recepta est, vt Pauli, à multis antiquissimis Pontif. vt Clemente I. Innocent. I. Gelazio I.

3. Quia ponitur in canone sacrarum Script. nomine Pauli à Concilio Laodicensi, Carthaginensi III. Trident. & agnoscitur etiam vt Pauli à Nicæno I. & Chalcedonensi, & Arausicano II.

4. Quoniam recepta fuit semper ab omnibus Græcis Patribus : vt patet, tum quia omnes eam, vt Apostoli, citant; tum etiam, quia omnes, qui canonem exponunt, hanc epistolam cum ceteris Paulinis numerant.

5. Recepta etiam fuit ab omnibus Latinis post Lactant. Soli enim Tertullianus, Cyprianus, Lactantius, Arnobius hanc epistolam non videntur agnoscere, nec enim eam vquam citant, quod sciam.

6. Videtur S. Petrus huius epistolæ mentionem facere. Scripsit enim Petrus priorem epist. ad Hebræos inter Gentes dispersos, vt patet ex titulo: posterioriorem ad eisdem scripsit, vt patet ex illis verbis: *Hanc vobis, charissimi, secundam scribo epistolam.* In eodem autem capite postea subiungit: *Sicut & charissimus frater noster Paulus scripsit vobis.* Scripsit igitur Paulus, teste Petro, epistolam aliquam ad Hebræos.

Postremò, Epistola hæc Catholicorum omnium consensu, vel est Pauli, vel Lucæ, vel Barnabæ, vel Clementis Rom. vel certè Tertulliani. Sed Tertulliani esse non potest, cum Clemens Alexandr. qui aliquantò antiquior Tertulliano fuit, affirmet hanc epistolam esse Pauli. Quid, quod ipse Tertullianus putauerit esse Barnabæ? Neque etiam potest esse Clementis Roman. cum ipse Clemens eam citauerit tanquam Apostoli Pauli : & eam tribuat Paulo in canonibus Apostolorum: ac demum cum in fine eius Apostolus dicat: *Amplius autem deprecor vos hoc facere, quod celerius restituar vobis.* Ista enim verba nullo modo Clementi conuenire possunt, qui, cum esset Episcopus Rom. non in Iudæa, sed Romæ habitaturus erat. Denique, nec Lucæ, nec Barnabæ esse, nec alterius omnino, quàm Pauli, satis probant argumenta iam allata. Sed quando etiam aut Lucæ, aut Barnabæ esset, Apostolici viri esset, nec Apostolica auctoritate carere deberet.

De epistola Iacobi, Iudæ, secunda Petri, secunda & tertia Ioannis quidam olim dubitarunt: nobis autem non licet aliud sentire, quàm esse has epistolas Apostolicas, & diuinas. Prob. de omnibus simul, quia ponuntur in catalogo nomine Apostolorum Petri, Iacobi, Ioannis, & Iudæ, à Concilio Laodicensi, Carthaginensi III. Florent. & Trident. ab Innocent. I. & Gelazio, & Patribus. Habent etiam singulæ sua testimonia. 2. Petri etiam legitur ab Ecclesia in festo Transfigurationis.

Præterea, vel oportet confiteri hanc epistolam esse Petri, vel continere intolerabilem errorem: quod nullus hæcenus dicere ausus est. Nam auctor dicit: *Hanc vocem nos audiuimus, cum essemus cum illo in monte sancto, &c.* At certè in monte sancto, cum Dominus transfiguratus est, soli cum Domino fuerunt Petrus, Iacobus, & Ioannes, vt Euangelium loquitur. Igitur epistolæ huius auctor aut insignis aliquis impostor fuit, aut est vnus è tribus Apostolis Christi

2. Petri 3.

Hebr. 13.

Epist. Iacobi,  
Iudæ, 2. Petri  
2. & 3. Ioan.

2. Petri 1.

Matth. 17.

Christi primarijs. Et quamvis parum refert, cuius sit è tribus, quàm attinet ad auctoritatem; tamen satis constat, non esse Iacobi, aut Ioannis; tum quia nemo hoc vnquam dixit; tum etiam quia auctor initio epistolæ vocat se apertè *Simonem Petrum Apost. Iesu Christi*.

*Apocalypsim* tum Ioannis Apostoli verum esse scetum, tum librum admirabilem & diuinissimum esse prob. I: ex Concilijs, Ancyrano ante annos 3. *Pat. 1.* M. C. C. Carthaginenſi III. Romano sub Gelazio I. & Toletano IV. *Apocalypſis*. Deinde, ex Patribus Græcis, & Latinis.

Tertij ordinis libri sunt *Apocryphi*. Est autem *Apocryphus* vox Græca. Et rem occultam, ac reconditam significat: siquidem ἀποκρύπτειν celare est; ἀποκρύφει, latibulum. Porro Ecclesiastici scriptores non semper eodem modo hanc vocem vsurpant. Interdum enim vocant scripturas apocryphas, quas non est certum, an sint canonicæ, & diuinæ, etiā si satis constet nullos in eis errores inueniri. Interdum autem vocant Apocryphos eos, qui errores admixtos habent. Numerantur autem plurimi Apocryphi, sed magna ex parte non extant, nisi superius numerati, qui non ponuntur in canone ab aliquo Concilio, vel Pout. vel Patre.

## CAPVT II.

## De varijs editionibus librorum sacrorum.

Parum prodesset librorum diuinorum numerum non ignorare, si, cui editioni ex tam varijs, quæ nunc extant, auctoritas tribuenda sit, ignoremus. Et quidem de *editione Hebraicâ* duo sunt, quæ veniunt in quæstionem. Vnum: *An Scriptura illa ipsa, quæ à Moysse, & Prophetis condita est, ad nos vsque peruenierit?* *De editione Hebraica Quæst.*

Alterum: *An ea Scriptura, quæ Hebraicis codicibus continetur, peruerso studio Hebræorum ita corrupta sit, vt auctoritatem nullam in Ecclesiâ mereatur?* *Quæst. 2.*

De priore quæstione duplex est sententia. Vna eorum, qui docent Scripturam sacram vniuersam perijisse tempore captiuitatis Babylonice, quando ciuitas euerſa, & templum incensum fuit: ac deinde ab Esdra fuisse rursus reparatū Spiritu sancto ei suggerente, & dictante omnia, sicut antea fuerant. Ita Basilus. *Resp. vna ad 1.*

Hæc opinio videtur nobis improbabilis. Non enim alio fundamento nititur, quam testimonio libri Apocryphi. Vbi desertis verbis scribitur, Esdram totis 40. diebus diuino spiritu afflatum dictasse 5. viris, qui summa celeritate dicta excipiebant. Quod autem quidam dicant id colligi ex libro 2. Esdræ, tantum abest, vt sit verum, vt potius inde contrarium colligatur. Sic enim habemus: *Dixerunt Esdra Scriba, vt adferret librum legis Moysi: attulit ergo Esdras, &c.* non dixerunt, vt iterum componeret librum legis, sed vt adferret, quia sciebant adhuc inueniri. *Refutat. 4. Esd. 14. 2. Esd. 2.*

Præterea

Præterea; & si Scriptura, quæ publicè seruabatur, in templo fuerit incensæ, & perierit; tamen incredibile est, non fuisse etiam aliqua exempla, vel certè partes eorum apud priuatos homines, maxime Ezech. Daniele, Hierem. Aggæum, Zachariam, Mardocheum, & ipsum Esdræ, qui tunc uiuebant, & quibus lex Domini curæ erat.

*Resp. vera.* Est ergò altera sententia, fuisse quidem Esdræ librorum sacrorum instauratorem, non omnia iterum dictando, sed colligendo, & ordinando Script. in vnum corpus, quarum partes in varijs locis inuenerat; & etiam emendando, si quæ deprauata essent negligentia scribarum, cum toto tempore captiuitatis lex negligenter seruata sit, cum non haberent Iudæi templum, & tabernaculum. Ita sentisse videntur grauissimi auctores. Nam si Esdras libros sanctos iterum dictasset, verisimile est, id facturum fuisse non lingua Hebraica, sed Chaldaea, vel mixta ex Hebraica, & Chaldaea, quæ tunc in vsu erat, & qua scripti sunt libri Esdræ, & Dani. At certum est, sanctos libros, præter illos, lingua Hebraica esse scriptos, & illa ipsa, qua Adam & Eua, & Patriarchæ omnes locuti sunt. Quod manifestè colligitur ex nominum propriorum etymologia, quæ sæpe non inuenitur in alia lingua. Porro lingua Hebraica ante diuisionem linguarum communis erat omnibus hominibus, & ideo non habebat certum nomen: at tempore Heber, cum multæ linguæ esse capissent, illa communis ad distinctionem aliarum dicta est Hebræa, qua mansit in domo Heber: vnde *Hebræi*.

*Resp. ad 2.  
l. 3. in  
Isaia.*

De secunda questione sic argumentatur Origenes: Si Scripturas Hebræi aliquando corruperunt, vel id fecerunt ante Christi aduentum, vel postea. Si antea, quare Christus, & Apostoli nunquam eos de tam insigni crimine reprehenderunt, præsertim cum leuiora non tacebant? Quare Dominus ait: *Scrutamini Scripturas?* Et: *Super Cathedram Moysi sedebunt Scribæ & Pharisei; quæcumq; ergò dixerint vobis, seruate. & facite?* Sin autem post Christi aduentum, quo pacto testimonia, quæ à Christo, & Apostolis citantur, omnia ferè inueniuntur nunc in Moyse, & Prophetis, vt ab illis citata sunt?

*Ioan. 5.  
Matth. 23.*

Argumentum alterum sumitur ab incredibili religione Iudæorum erga sacros libros. Quilibet enim Iudæus centies potius moreretur, quàm pateretur legem in aliquo mutari.

Tertium: Si Iudæi falsare voluissent sacros libros, sine dubio in odium Christianorum præcipua vaticinia sustulissent. Id autem minime fecerunt: siquidem ea in quibus discrepant Hebræa à Græcis, & Latinis, sæpe nullius momenti sunt, quantum ad fidem, & religionem: sed partim negligentia, vel ignorantia librorum, partim ex ignorantia Rabbiorum, qui puncta addiderunt, irrepserunt errores.

Quantum ducitur ad prouidentia, qua Deus Ecclesiæ suæ semper prospicit, non enim est verisimile, passurum Deum, vt verba illustrium tot Prophetarum falsarentur.

*De Chaldaica  
lingua editi  
sunt.*

*Chaldaicæ linguæ editi sunt libri Tobie & Iudith, & ex parte libri Esdræ & Danielis. Tota etiam Scriptura vetus translata est paraphrastice ex Hebræo in Chaldæum. Quæ paraphrastice translationes magnæ sunt apud Hebræos auctoritatis, & ideo nobis etiam vtiles, vt ex ijs Hebræos conuincamus: ab*

*Ecclesiæ*

Ecclesia autem non ita magnifunt, qui à Iudaicis fabulis confperſe ſunt.

De editione Syriaca tria dicenda ſunt:

Primum; Quid interſit inter linguam Syriacam, & Chaldaicam?

De Syriaca  
quaſi. 170.

Deinde; Qui libri illa lingua ſcripti ſint?

Tertiò; Quanta ſit eius auctoritas?

Quoad primum: Syriaca lingua quaſi proles quædam eſt Hebraicæ, & Chaldaicæ. Hebræi ſiquidem vſque ad captiuitatem Babyloniam Hebraicè ſolùm loqui conſueuerant: ſed cum abducti eſſent in Babylonem, cæperunt obliuiſci linguam propriam, & addiſcere alienam: quia tamen non perfectè Chaldaicam pronunciare poterant, & ſemper aliquid ex Hebræo retinebant, factum eſt, vt lingua quædam tertia naſceretur mixta ex Hebraica, & Chaldaica, quam pro vulgari, ac materna deinceps Hebræi habuerunt. Diſtinguuntur autem hæ linguæ characteribus, verborum coniugationibus affixis, punctorum notis, ſono vocalium idiotiſmis, ac tota ſerè linguæ ſtructure, & multis etiam proprijs diſtinctionibus.

Reſp. ad 1.

Quoad ſecundum: Certum eſt, nullum librum veteris Teſtam. ſcriptum eſſe hæc linguâ à primo auctore, niſi fortassis liber primus Machab. & Eccleſiaſticus: qui tamen non extant hoc tempore, niſi Græcè. De Teſtamento nouo maior eſt dubitatio. Et quidem valdè probabile eſt, Euangelium S. Matthei, & epistolam ad Hebræos Syriaca lingua eſſe ſcriptos. Neque his repugnant veteres ſcriptores, qui hos libros, maxime Euangelium S. Matthæi, fuiſſe Hebraicè ſcriptos dicunt: loquuntur enim de lingua Hebraica, quæ Apoſtolorum tempore vulgaris erat: quia paſſim in Euangelio legimus dictum aliquid Hebraicè, quod tamen conſtat Syriacè dictum. Vt: *Exiuit in eum,* *Ioan. 19.* *qui dicitur Caluarie locum, Hebraicè autem, Golgotha.*

Reſp. ad 2.

De 3. quæſtione: Quòd ſi editio Syriacæ ætate Clementis, Origen. Eusebij, Athanaſij, Theophili, Epiphaniij, Hierony. &c. Poſterior ſit, vt certò mihi perſuadeo, cum ipſi vel in Syria, vel in Ægypto, aut Episc. aut Presbyteri fuerint, & vel de varijs Script. editionibus accuratè diſputarint, vel certè multa de ſcripturis ſanctis poſteritati ſcripta reliquerint; & tamen eius editionis nullam prorsus mentionem faciant; non poteſt eius auctoritas tanta eſſe, vt cum editione Græca, aut Latina poteſt comparari.

Reſp. ad 3.

Editiones Græcæ Teſtament. veteris nouem omninò ſunt, præter eum, cuius meminit Clemens Alexan. quæ, antequam rerum potiretur Alexander Magnus, incertum quo auctore, prodijt, & ex qua Plato, cæteriſque Philoſophi non pauca hauſerunt. Sed ſuccedente poſteà translatione illa celeberrima 70. Seniorum, primum negligi; deinde etiam amitti cepit, ita vt longo iam tempore vix memoria eius ſeruata ſit.

De Græcæ  
editionibus.  
Li. 1. Strom.

De interpretatione 70. Seniorum, quæ prima inter Græcas, ſunt 5. quæſt.

Prima, de tempore quo ſit facta.

Secunda, Quorum librorum ſit?

Tertia, Quomodo facta.

Quarta, Quanta auctoritatis?

Quinta, Num hoc tempore Germanam illam interpretationem habeamus?

De interpretatione  
LXX. qu. 5.

Reſp. ad 1.  
lib. 3. c. 25.  
Li. 1. Strom.

Quoad primum, Irenæus, & Clemens Alex. ſcribunt, Ptolomæo Lagi filio regnante

B

regnante

*De manu  
v. & pos  
derisum.*

regnante id factum: alij tamen omnes scriptores Ptolomæum Philadelphum nominant. Intervallum autem non est vsque adeò magnum, cum hic alteri proximè successerit. Scribit etiam Epiphanius anno 17. Philadelphi factum esse: atque ab eo tempore vsque ad Christi natalem diem effluxisse annos 291. Est autem posterior sententia multò probabilior, tum quòd plures, tum quòd antiquiores testes habet.

*Resp. ad 2.*

Quoad secundum, videtur velle Hieronym. quòd solum Pentateuchum verterint: omnia tamen vertisse scribunt alij. Nam Apostoli vsi sunt Græca versione in testimonijs Prophet. citandis, quo tempore nulla alia versio Græca extabat. Deinde, non est verisimile Regem illum, qui ex toto orbe terrarum libros adducebat in suam bibliothecam, noluisse etiam Prophet. oracula, & alios antiquissimos Iudeorum libros. Præterea, quomodo mirabile fuisset spacio 72. dierum potuisse absolui versionem Pentateuchi? Neque Aristus (ex quo probat Hieronym.) solum Pentateuchum intelligebat nomine legis, sed omnes libros sacros. Hinc Dominus dicit, in lege Iudeorum scriptum esse id, quod in Psalmis scriptum est. Et Paulus in lege scriptum dicit, quod habetur in Isaia.

*Joan 10.  
C. 15.  
1. Cor. 14.*

*Resp. ad 3.*

De 3. illud videtur certum, quod omnium consensu celebratur, 72. viros Hebræos, senes, scilicet ex qualibet tribu filiorum Israël vtriusque lingue peritissimos, spacio dierum 72. mirabili consensione divinas litteras apud Phæarum Ægypti ex Hebræo sermonè in Græcum idioma transulisse. Vtrum autem singuli separatim; an bini, & bini; aut potius omnes simul inter se conferentes interpretationem fecerint, est incertum. Postremum tamen probabilius videtur.

*Resp. ad 4.*

Quoad 4. certissimum esse debet 70. interpret. optimè transluisse, & peculiari modo Spiritum sanctum assistentem habuisse, ne qua in re errarent, vt nontam interpret. quàm Prophetæ fuisse videantur. Apostoli etiam hac versione frequenter vtuntur: & postmodum Ecclesia Catholica multis sæculis eandem interpretationem secuta est. Accedit, quòd non sine miraculo fieri potuerit, vt tanta celèritate, tantaque consensione tantum opus conficeretur. Quò factum est, vt Philo scribit de vita Moyfis, vt singulis annis festus dies in loco, vbi facta est interpretatio, multis temporibus ageretur.

*Resp. ad 5.*

Quoad 5. probabilius censeo, illam versionem adhuc superesse, sed adeò corruptam, & vitiatam vt omnino alia esse videatur. Quòd namque adhuc super sit, fidem faciunt plurima testimonia ex versione septuaginta, quæ eadem nunc in nostris codicibus inveniuntur. Deinde, cum hæc fuerit semper celeberrima & communissima, quis credere poterit hæc abolita, vel neglecta aliam aliquam esse conseruatam?

*De Græco  
Testamen.  
nouo.*

Constat etiam Testamentum nouum Græcè scriptum esse ab ijs Apostolis, vel Evangelistis, quorum nomina in singulis librorum titulis præferuntur: excepto dumtaxat Evangelio Matth. & Marc. & Epistola ad Hebr. Mattheus namque scripsit sermone Hebraico, & Athanas. existimat ab Apostolo Iacobo in Græcam linguam esse translatum; Alij Ioanni Apostolo, alij ipsi Matth. illam translationem tribuunt. Sed cuiuscunque sit, ita recepta est ab Ecclesia illa translatio, ac si ea lingua primùm scriptum fuisset Evangelium.

Marci



Marc' liber Latinè ab ipso Marco Romæ scriptus est, ac deinde ab eodem Aquileiæ in Græcam linguam conuersus. Epistola ad Hebræos, vel ab ipso Paulo Græcè scripta est, vel certè ab Apostolico aliquo viro ex Hebraico sermone in Græcum translata est. Itaque Græca editio Testamenti noui vniuersa Apostolos, & Euangelistas auctores habet.

Quare dubium non est, quin summè sit auctoritatis, nisi fortè constet eam esse corruptam. De qua re ita sentiendum cenfeo, vt de Hebraicis, non esse Græcos codices corruptos generaliter: nec tamen esse fontes purissimos, vt necessario, quidquid ab eis dissentit, corrigendum sit.

*Ediciones Latina* Testam. veteris ex Græca versione septuaginta, & Testam. noui ex Græco fonte propè innumerabiles fuerunt ante tempora Hieronymi. Vna tamen erat communior, quæ vetus, & vulgata editio dicebatur. At S. Hieronymus bis Testamentum vetus in Latinum conuertit. Primum ex Græco septuaginta. Et rursum ex Hebræo. Nouum verò Testamentum non conuertit de Græco in Latinum, sed solum à multis erroribus emendauit. Porro versio eius ex Hebræo in Latinum mox cepit à quibusdam Ecclesijs recipi, & publicè legi. Post tempora autem B. Gregor. videntur omnes Latinæ editiones euauisse præter viam istam, quam nunc veterem, & vulgarem vocamus.

Non parua quæstio est de hac nostra vulgata Latina editione; *Sine illa antiqua, quæ erat ante Hieronymum; an verò ipsius Hierony. an mixta ex vtraque?* *Quæst. de vulgata Latina.*

Propositio prima:

*Testamentum nouum Latinum editionis vulgata ex antiquâ versione habemus, quam* *Propositio 1.* *tamen B. Hierony. emendauit.*

Id probamus potissimum, quòd multa loca, quæ B. Hierony. reprehendit in antiqua versione, nos in nostra ita correctâ inuenimus, vt ipsè affirmat corrigenda. Verbi gratia dicit illud; *in Bethlehem Iudæa*, debere esse, *Iudæa.* *Prob. in comment. Matth. c. 2.*

Præterea; Constat Hieronymum emendasse nouum Testamentum iussu Damasi Pontif. Constat etiam, eius emendationem fuisse receptam, & valde placuisse hominibus eius temporis. Non est igitur verisimile postea fuisse receptam, sed potius retentam, & conseruatam.

Propositio secunda:

*Psalterium vulgatæ editionis Latina non est illud, quod D. Hieron. translulit ex Hebræo; neque illud, quod translulit ex versione Græcâ LXX. interpretum; sed illud, quod ipse emendauit, translatum ab antiquo interprete ex editione S. Luciani Mart.* *Prob.*

Siquidem S. Hierony. quater circa Psalterium laborauit. Translulit enim illud ex Hebræo in Latinum; item ex Græco in Latinum, ex pura editione LXX: Denique, bis emendauit antiquam editionem, quæ translata erat ex Græca communi, & vulgata. Dicimus igitur nostrum non esse illud, quod ipse translulit ex Hebræo: nam illud extat in operibus S. Hierony. & ferè vbique dissentit à nostro, saltè quoad verba. Addimus, neque esse illud, quod ipse vertit ex Origenis exemplis; sed illud commune, quod bis emendauit. Nam in tota epist. ad Suniam, & Fretellam sæpissimè ponit verba Latini Psalterij, vt tunc erat in communi vsu, & Ecclesijs cantabatur. At illa omnia in nostro inuenimus. Porro commune ab Hierony. vocatur

illud, quod Origenes, & postea Lucianus emendauit.

Propositio tertia:

*Propositio 3. Probabile nobis est, librum Sapientia, Eccli. & Machabæorum nos non habere ex versione Hieronymi, sed ex antiqua translatione cuius auctor ignoratur.*

*Prob.* Prob. I. quia nusquam affirmat se transfussisse hos libros, neque ullæ extant præfationes eius in hos libros, cum tamen dicat se singulis libris præfatiunculas præfixisse.

*Epist. ad Augustin.*

II. Quia S. Hieronym. hos libros arbitratur Apocryphos: proinde verisimile est eum neglexisse horum librorum interpretationem.

III. Quia multa citantur ex his libris à B. Cypriano, & alijs Patribus S. Hieronymo antiquioribus, eo prorsus modo, ut nos in nostra vulgata editione habemus.

Propositio quarta:

*Propositio 4. Reliqua omnia ex Hieron. versione ex Hebræo habemus in editione vulgata.*

*Prob.* Prob. I. Quia constat S. Hieronym. primum, & solum ex antiquis, transfussisse ex Hebræo in Latinum Testamentum vetus: & rursus constat, nostram editionem translationem esse ex Hebræo in Latinum, exceptis Psalmis, Sapientia, Ecclesiastico, & Machabæis.

*Præfat. in Antiquæ.*

II. Quia illa omnia, quæ B. Hieronym. dicit, non haberi in editione LXX. & se addidisse ex sua translatione ex Hebræo, in nostra vulgata editione inuenimus.

III. Prob. ijs locis, quæ S. Hieronym. monet, se aliter vertisse, quàm LXX. verterint: quæ in nostra editione inuenimus, ut ipse se vertisse dicit.

*Epist. ad August.*

IV. Prob. ex præfationibus: nam testatur, se editioni ex Hebræo singulis penè libris præfatiunculas præfixisse, quas etiam nunc videmus in Biblijs vulgatæ editionis, nec ullus vnquam negauit, eas esse Hieronymi. At certe non est credibile, totum opus perijisse, præter solas præfatiunculas.

*Prob. 1. auctoritas Latina editionis vulgate.*

Porro auctoritas Latinæ editionis vulgatæ Prob. I. argumento ipsius Concilij Trident. Ait enim Synodus Tridentina eam à se probari sacrorum librorum Latinam editionem, quæ longo tot sæculorum vsu in Ecclesia ipsa probata est. Nec enim temerè per annos ferè mille, id est, à tempore sancti Gregorij, omnis Ecclesia Latina hac vna editione vsa est, omnes concionatores hanc explanauerunt, & populus proposuerunt, omnia Concilia ex hac editione testimonia protulerunt ad confirmanda dogmata fidei. Ecclesiam autem totis octingentis annis, vel nongentis, germana Script. editione caruisse, atque in ijs, quæ ad fidem, & religionem pertinent, errores interpretis, nescio cuius, pro verbo Dei coluisse, mirum est, si cui mirum, & absurdum esse non videatur; præsertim si ex Apostolo didicerit, eam esse *columnam, & firmamentum veritatis.*

*1. Tim. 3.*

*Prob. 2. & 3.*

Prob. I I. Testimonij veterum.

Prob. I I I. Habuerunt Hebræi sua lingua authenticam Scripturam Græci quoque habuerunt Græcè authenticam Script. id est, Testamentum vetus ex versione LXX. & Testam. noui ipsos fontes primos. Igitur æquum fuit, ut Latina Ecclesia, in qua sedes Petri est, & in qua perpetuo fides Christiana erat manfura, haberet sua lingua authenticam Scripturam.

Prob.

**Prob. 4.** In Concilijs generalibus Ecclesiæ, aut paucissimi, aut interdum nulli inueniuntur linguæ Hebraicę periti. Malè igitur prouisum esset Ecclesię, si in rebus grauissimis non posset fidere Latinę editioni, sed deberet recurrere ad Hebraicos codices, & mendicare à Rabbinis, hostibus suis, veritatem. Idem dicere possumus de Gręca lingua. Nam, & si nunc vt cunq; inueniuntur, qui Gręcè nouerint, tamen non semper ita fuit. Nam, si Rufinus credimus, ex sexcentis Episcop. qui ad Concilium Ariminense conuenerunt, nemo fuit, qui sciret, quid sibi vellet, *ἐμὸς υἱός*. Et propterea, cum callidi quidam hæretici Arriani proponerent Synodo, an vellet Christum colere, an *ἐμὸς υἱός*, omnes clamauerunt se nolle *ἐμὸς υἱός*, sed Christum. Quęstio est inter Catholicos & hæreticos: *An oporteat, vel certè expediat diuinarum Scriptur. vsum communem esse in lingua vulgari, & propria vniuscuiusque regionis?* At Catholica Christi Ecclesia non quidem prohibet omninò vulgares translationes: nam in iudice librorum prohibitorum à Pio IV. edito, videmus concedi lectionem eiusmodi librorum ijs, qui vtiliter, & cum fructu ea vti possunt, id est, ijs, qui facultatem ab ordinario obtinuerunt: prohibet tamen, ne pafsim omnibus sine discrimine concedatur eiusmodi lectio, & ne in publico, & communi vsu Ecclesię Script. legantur, vel canantur vulgaribus linguis, vt in Concilio Trident. statuitur: sed contenti simus illis tribus linguis, quas Dominus titulo crucis suę honorauit; & quę omnium consensu antiquitate, amplitudine, & grauitate omnibus alijs præstant; ac demum, quibus ipsi libri diuini ab auctoribus suis initio scripti fuerunt, hoc est, Hebręa, Gręca, & Latina.

**Prob. I.** Hęc consuetudo Catholicę Ecclesię, ex vsu Ecclesię veteris Testamenti, qui fuit à tempore Esdrę vsque ad Christum. Nam à temporibus Esdrę desijt in populo Dei lingua Hebraica esse vulgaris. Siquidem in illis LXX. annis, quibus Hebręi fuerunt inter Chaldęos in Babylone, obliti sunt linguam propriam, & Chaldaicam didicerunt, & deinceps Chaldaica, seu Syriaca fuit illis materna. Quocirca habemus, quòd, cum legeretur liber legis Domini vnuerfo pop. Nehemias, & Esdras, & Leuitę interpretabantur, quia alioqui nihil pop. intelligebat. Itaque propterea facta est lætitia magna in pop. qui intellexerant verba legis, Esdra interpretante.

Pręterea; Id apertissimè colligitur ex verbis Christi, & Evangelistarum. Nam verba illa, *Talitha cumi, Abba, Hacedema, Golotha* Syriaca sunt: & apud omnes Evangelistas habemus *Pascha*, quod non est Gręcum, nec Hebręum. Itaque dubium esse non potest, quin eo tempore lingua vulgaris non esset Hebręa, & tamen Hebraicę solum Script. in templo, aut Synagogis publicè legebant, aut canebant. Huc etiam pertinet illud: *Turba hac, quæ non nouit legem*. Denique; vsque ad hanc diem in Synagogis Iudęi Script. Hebraicę legunt, cū tamen nulli nationi hoc tempore lingua Hebraica vulgaris sit.

**Prob. 2.** ex vsu Apostolorum. Nam Apostoli per totum orbem terrarum Euangelium prædicarunt, & Ecclesias constituerunt; vt patet ex Paulo, & Marco: & tamen non scripserunt Euangelia aut epistolas linguis earum Gentium, quibus prædicabant. Quòd prob. quia nullum extat vestigium vilius scripti Apostolici, nisi Hebraicę, aut Gręcę, aut Latine.

Ab. 2.

Ibidem.

Prob. 3.

Prob. 4.

Prob. 5.

Cant. 1.  
Cant. 2.  
Osee 1.

Præterea; Paulus Rom. Græcè scripsit, cum tamen Rom. non Græca, sed Latina esset vulgaris. Petrus etiam, & Iacobus scripserunt Græcè Iudæis per orbem terrarum dispersis; quibus tamen non Græca erat materna, nec Hebræa; sed lingua eius regionis, in quâ habitabant. *Nōne isti, qui loquuntur, Galilæi sunt? & ecce nos audiuimus eos loquentes nostris linguis, &c.* Ista dicuntur à Iudæis, qui ex varijs regionibus conuenerant ad Urbem Hierosolymę. Et: *Erant autem in Hierusalem Iudæi, viri religiosi, ex omni natione, quæ sub cælo est.* Item, Ioannes Græcè scripsit primam epistolam Parthis, cum tamen Græca non esset illis materna.

Prob. 3. Ex vsu vniuersalis Ecclesiæ, contra quem disputare insolentissimæ insanię est. Vniuersa autem Ecclesiâ semper his tantum linguis, Hebræa, Græca, & Latina, vsa est in communi, & publico vsu Script. cum tamen iam dudum desierint esse vulgares. Porro, quod in vniuersa Ecclesiâ seruatur, si non possit eius assignari initium, de Apostolica traditione descendere, & sic semper fuisse meritò creditur.

Prob. 4. Nam conuenit omnino ad vnitatem Ecclesię seruandam, vt publicus vsus Script. sit in aliquâ linguâ communissimâ; nam alioqui tolleretur communicatio Ecclesiarum: nemo enim, doctus, aut indoctus, frequenter Ecclesiâ, nisi in suâ patriâ.

Præterea, non poterunt fieri generalia vlla Concilia: nec enim Patres omnes, qui ad Concilium conueniunt, habent donum linguarum. Et hæc est ratio à priori, cur Apostoli ferè omnia Græcè scripserint, quia tunc lingua Græca erat omnium communissima. Deinde autem conuersi sunt Script. in linguam Latinam, quia paulò post crescente Imperio Rom. desijt Græca lingua esse communis in Occidente, & cœpit Latina esse communis, saltem apud eruditos, in tota Italia, Gallia, Hispania, Africa, alijsque regionibus. Cum igitur etiam nunc nulla sit communis toti Occidenti, nisi Latina, certè in eâ Script. diuinę legendę sunt.

Prob. 5. Si vlla ratio esset, cur Script. lingua vulgari in cœtu fidelium legi deberent, ea certè esset potissima, vt omnes intelligerēt. At certè populus non intelligeret Prophetas, & Psalms, & alia, quę in Ecclesijs leguntur, etiam si linguâ maternâ legerentur. Quid, quod pop. etiam caperet detrimentum ex Script. Acciperet enim facillimè occasionem errandi, tum in doctrinâ fidei, tum in præceptis vitæ, & morum: nam ex Script. non intellectu naturæ sunt omnes hereses.

Præterea; Si pop. rudis audiret linguâ suâ vulgari legi ex Cant. *Osculetur me osculo oris sui. Et: Luna eius sub capite meo, & dextera illius amplexabitur me.* Et illud Osee: *Vade, & fac tibi filios fornicationum.* Nec non adulterium Dauidis, incestum Thamar, mendacia Iudith, & quemadmodum Ioseph fratres suos inebriaui, Sara, Lia, & Rachel dederunt ancillas viris suis in concubinas, & multa alia eorum, qui in Script. magna cum laude commemorantur, vel prouocaretur ad eiusmodi imitandâ, vel contemneret SS. Patriarchas, vel putaret mendacia esse in Script. Et, cum tam multas apparentes contradictiones in Script. esse videret, & soluere non posset, periculum esset, ne tandem nihil crederet.

6. Si oporteret vulgari lingua Scriptur. sacras publicè legere, oporteret etiam singulis ætatibus mutare translationes. Nam linguæ vulgares singulis sæculis magna ex parte mutantur, vt docet experientia. Tot verò translationum mutationes, non sine grauissimo periculo, & incommodo fierent. Nam non semper inueniuntur idonei interpretes, atque ita multi errores committerentur, qui non possent postea facile tolli, cum neque Pont. neque Concilia de tot linguis iudicare possent.

Prob. 6.

7. Videtur omnino maiestas diuinorum officiorum requirere linguam magis grauem, & venerandam, quam sint illæ, quibus vulgo vtimur, si id commodè fieri possit: præsertim cum in sacris mysterijs multa sint, quæ secreta esse debent; vt etiam veteres docent.

Prob. 7.

## CAPVT III.

## De Verbi Dei interpretatione.

PRIMA Quæstio est: *Sintne Script. sacra per se facilissima, atque apertissima; an verò interpretatione indigeant?* Script. ipsa de sua difficultate, atque obscuritate testimonium perhibet. *Da mihi intellectum, & scrutabor legem tuam.* Ibidem: *Reuera oculos meos, & considerabo mirabilia de lege tua.* Ibidem: *Faciem tuam illumina super seruum tuum, & doce me iustificationes tuas.* Et certè Dauid nouerat totam Script. quæ tunc erat, & nouerat phrasas linguæ Hebraicæ, nec erat superbus, aut infidelis.

Quaest. 1.

Resp.

Prob. 1.

Psal. 119.

Præterea; Dominus interpretatur Script. Discipulis suis, qui certè nouerant phrasas Hebraicas, cum essent Hebræi; nec erant superbi, aut infideles. Eunuchus Reginx Æthiopum versabatur in Script. easque diligenter legebat, & sanctus, pius, & humilis erat; & tamen interrogatus à Philippo: *Putas, intelligis, quæ legis?* Respondit: *Et quomodo possum, nisi aliquis ostenderit mihi?* Denique; Apostolus Petrus asserit, in epistolis Pauli esse quædam difficilia intellectu, quæ indocti, & instabiles deprauant. Vbi notandum, Apostolum Petrum non dixisse, esse quædam difficilia indoctis, & instabilibus, vt hæretici exponunt; sed difficilia absolutè. Nam S. Augustinus, qui certè indoctus, & instabilis non erat, fatetur sibi difficillimum esse intellectu locum illum: *Si quis autem super edificat super fundamentum, &c.* Et dicit, hunc esse vnum ex illis locis, quæ S. Petrus monuit, esse difficilia intellectu.

Luc. vii.

AB. 8.

2. Pet. vii.

Lib. de fide.

Op. 6.

1. Cor. 16.

1. Cor. 3.

Prob. 2. Difficultas Script. ex communi consensu veterum Patrum.

Prob. 2. &amp;

Prob. 3. ratione. Nam in Script. duo considerari possunt: res, quæ dicuntur; & modus, quo dicuntur. Si res consideres, necessario fatendum est, Script. esse obscurissimas: siquidem tradunt summa mysteria diuinæ Trinitate, de incarnatione Verbi, de Sacramentis cœlestibus, de natura Angelorum, de operatione Dei in mentibus humanis, de æterna prædestinatione, ac reprobatione, de quæ alijs rebus arcanis, & supernaturalibus, quæ non sine magno

3.

magno studio, & labore, nec sine grauissimi erroris periculo, inuestigantur. Certè, si scientia Metaphysicorum difficilior, atque obscurior est omnibus alijs naturalibus disciplinis, quia causas altissimas tractat; quomodo non, obscurissima erit Script. sacra, quæ de rebus longè altioribus agit? Quid, quòd magna pars Script. vaticinia continet de rebus futuris, & vaticinia carmine scripta, quibus certè nihil difficius, nihil obscurius. Si verò modum dicendi consideremus, inueniemus innumerabiles rationes difficultatis.

**I.** Sunt in Script. plurima, quæ primà fronte videntur contraria. Vt illud: *Ego Deus zelotes, visitans peccata Patrum in filios in tertiam, & quartam generationem.* Et illud: *Filius non portabit iniquitatem Patris; sed anima, quæ peccauerit, ipsa morietur.*

**II.** Sunt verba, & orationes ambigux. Vt, petentibus Iudæis: *Tu, quis es?* Respondit Iesus: *Principium, qui & loquor vobis.* Mirè enim torquent se hic omnes interpretes: nec adhuc scitur, quid illud sit: *Principium, qui:* Et in Græco res est adhuc obscurior, vbi, *Principium*, est accusatiui casus *Τὸν ἀρχαῖον*.

**III.** Sunt orationes imperfectæ: *Sicut per vnum hominem peccatum intrauit in mundum, & per peccatum mors; & ita omnes homines mors pertransiit, in quo omnes peccauerunt, & quæ sequuntur.* Vbi in tota periodo non est verbum principale.

**IV.** Sunt orationes præposteræ. Vt: *Ipsi sunt filij Sem secundum cognationes, & linguas, & regiones in Gentibus suis.* Nam continuò sequitur: *Erat autem terra labij vniui, & sermonum eorundem.*

**V.** Sunt Phrasæ propriæ Hebræorum. Vt: *Thronus eius, sicut dies cæli.* Et: *Anima mea in manibus meis semper.* Et alix permultæ.

**VI.** Sunt orationes figuratæ plurimæ, Tropi, Metaphoræ, Allegoriæ, Hyperbatæ, Ironiæ, & alix id genus sine numero.

Accedat postremò testimonium aduersariorum, quod, velint, nolint, huic veritati perhibere coguntur. Nam, si Script. esset tam clara, vt ipsi dicunt, cur tot commentaria Lutherus, & Lutherani ederent? Cur tam diuersas Script. versiones? Cur tam variè Script. explicarent?

**Quæst. 2.** Quæstio II. Num Scriptura interpretatio ab vno aliquo visibili, & communi iudice petenda sit; An vniuscuiusque arbitrio relinquenda?

Script. duplex sensus est: Litteralis, seu Historicus; Spiritualis, seu Mysticus.

**Sensus litteralis.** Litteralis, quem verba immediate præferunt.

**Spiritalis.** qui aliò refertur, quàm ad id, quod verba immediatè significant. Quæ partitio ex Apostolo colligitur, vbi dicit omnia accidisse Iudæis in figurâ ad correctionem nostram. Et quæ ad litteram dicuntur de egressu Iudæorum ex Ægypto, de transitu maris rubri, de mannâ, de aquâ quæ fluxit ex petrà, spiritualiter accommodat Christianis.

Quos etiam duos sensus significatos per librum scriptum intus, & foris, de quo agit in Apocalypsi, & apud Ezechielem, docet Hieronymus Nazianzenus ad Nemesium, litteralem comparat corpori, spiritualem animæ: & sicut Verbum Dei genitum habet naturam diuinam inuisibilem, & humanam visibilem: ita verbum Dei scriptum habet sensum externum & internum.

Litteralis

Litteralis duplex est: Simplex. & Figuratus.

*Simplex*, qui consistit in proprietate verborum.

*Figuratus*, quo verba transferuntur à naturali significatione ad alienam. Et huius tot sunt genera, quot sunt genera figurarum. Cum Dominus dicit: *Aliae oves habeo, quæ non sunt de hoc ovili.* Sensus litteralis est, sed figuratus, alios homines, præter Iudeos, congregandos in Ecclesiam significans, quod propriè dictum est, *vt filios Dri, qui erant dispersi, congregaret in vnum.*

*Simplex.*  
*Figuratus.*

*Joan. 10.*

*Joan. 11.*

Spiritualis sensus triplex est:

Allegoricus. Tropologicus. Anagogicus.

*Allegoricus*, cum verba Script. præter litteralem sensum significant aliquid in nouo Testam. quod ad Christum, vel Ecclesiam pertineat. Quomodo Abraham, qui reuerà ad litteram habuit duas vxores, liberam, & ancillam; duos filios, Isaac, & Ismaël, Deum auctorem duorum Testamentorum, & Patrem duorum pop. significauit, vt Apostolus explicat.

*Allegoricus.*

*Gal. 4.*

*Tropologicus* appellatur, cum verba, aut facta, referuntur ad aliquid significandum, quod pertineat ad mores. Quomodo, *Non alligabis os boni trituranti,* quod ad litteram de bobus veris intelligitur, significat spiritualiter, non debere prohiberi concionatores, quin victum accipiant à populo; vt Apostolus explicat.

*Tropologicus.*

*1. Cor. 9.*

*Anagogicus*, cum verba, aut facta referuntur ad significandam vitam æternam. Quomodo illud: *Quibus iuravi in ira meâ, si introibunt in requiem meam;* quoad litteram, de terrâ promissionis; spiritualiter etiam refertur ad vitam æternam.

*Anagogicus.*

*Psal. 94.*

*Heb. 4.*

Ex his sensibus litteralis inuenitur in omni sententia tam veteris, quàm noui Testam. Nec est improbabile, plures interdum litterales in eadem sententia reperiri. At spiritualis inuenitur quidem in vtroque Testamento: Nam de veteri nemo dubitat: idem sentiunt permulti, & meritò de nouo. Nam allegoricè exponit August. illam capturam piscium, quando scindebatur rete. Anagogicè autem illam, quando rete non scindebatur. Et similiter allegoricè exponit, quod dictum est Petro; *Sequere me:* & anagogicè, quod dictum est de Ioanne: *Sic eum volo manere, donec veniam.* Tropologicè autem exponit ipse Dominus illam suam humilitatem, quâ discipulorum pedes lauit. Non tamen inuenitur sensus spiritualis in omni sententia Script. nec in Testam. veteri, nec in nouo. Illud enim: *Diligas Dominum Deum tuum ex toto corde tuo;* & similia præcepta, non habent nisi vnum sensum, id est, litteralem.

*Traict. 122.*  
*in Ioannem.*

*Luc. 5.*

*Joan. 21.*

*Traict. 124.*

*ibid.*

*Joan. 13.*

*Dent. 6.*

*Mat. 22.*

Ex solo itaque litterali sensu peti debent argumenta efficacia; nam eum sensum, qui ex verbis immediatè colligitur, certum est, sensum esse Spiritus sancti. At sensus mystici, & spirituales, varij sunt, & licet ædificent, cum non sunt contra fidem, aut bonos mores, tamen non semper constat, an sint à Spiritu sancto intèti. Quocirca B. August. merito ridet Donatistas, qui ex illis verbis mysticè explicatis; *Indica mihi, vbi pascis, vbi cubas in meridie;* colligebant, Ecclesiam Christi in solâ Africâ remansisse.

*Epist. 42. ad Vincent.*

*Can. 1.*

De sensu autem litterali duabus de causis interdum dubia oriuntur. Prior est, verborum ambiguitas. Vt: *Bibite ex hoc omnes.* Illud, omnes, est ambiguum: nescitur enim an omnes homines absolute significant, an omnes fide-

*Mat. 26.*

les tantum, an omnes Apostolos. Posterior, & grauior est, verborum proprietates. Cum enim litteralis sensus modò sit simplex, modò figuratus, dubium est in multis locis, an sensus verus sit simplex, an figuratus. Illud enim; *Hoc est corpus meum*, Catholici volunt accipi simpliciter secundum verborum proprietatem; Swingliani autem per figuram Metonymiam. Et ex hac causa in grauissimos errores nonnulli inciderunt.

*Ibid.*

*Resp. ad  
quæst.*

*Sess. 4*

*Prob. 1.  
Exod. 18.*

*Ibid.*

*Obiect.*

*Solut.*

*Psal. 98.*

*Obiect.  
2. Reg. 8.  
Sicut.*

*1. Paral. 6.  
Exo. 28. 29.*

*Dmt. 17.*

*Obiect.*

Quæstio attem tota posita est in eo: Vbi sit iste Spiritus? Nos existimamus hunc spiritum, & si multis priuatis hominibus sæpe concedatur, tamen certè inueniri in Ecclesia, id est Concilio Episcop. confirmato à summo Ecclesiæ totius Pastore: siue à summo Pastore cum Concilio aliorum Pastorū. Vt habetur expressè in Concil. Trident.

Prob. I. ex Testam. veteri. Nā habemus I. quòd cū cepisset populus Dei redigi ad quandam formam Ecclesiasticæ Reip. sedebat Moyses, tanquam princeps, & caput illius Ecclesiæ, & ad omnia dubia circa Dei legem exorta respondebat, nec homines remittebat ad spiritum aliquem reuelantem. Cū constituiisset, iuxta consilium foci sui, minores magistratus, qui populo iudicarent, semper tamen sibi reseruabat dubia circa religionem, vt scilicet intelligeremus, vnum debere esse tribunal commune, à quo omnes petant diuinæ legis interpretationem, & cui omnes acquiescant.

Hoc argum. à quibusdam eludi solet, quòd dicant, Moysen fuisse Principem politicum, non Pontificem, aut Sacerdotem, cū Aaron esset summus Pont. Resp. Moysen fuisse Pont. & quidem summum, & Aaronem maiorem; non quidem ordinarium, cui succederetur, (is enim vnus tantum esse poterat, & ille erat Aaron) sed extraordinarium à Deo specialiter constitutum. Sicut in nouo Testam. Apostoli omnes non quidem maiores, nec omnino pares, sed tamen aliquo modo æquales erant Petro in Ecclesiastica potestate: cum hoc tamen discrimine; quòd Petrus ordinarius erat Pastor totius Ecclesiæ, cui soli succedi debebant; reliqui extraordinarij, quibus non erat in illa potestate succedendum. Quòd autem Moyses fuerit Sacerdos, testatur Dauid: *Moses, & Aaron in Sacerdotibus eius, & Samuel inter eos, qui inuocant nomen Domini*. Sed, inquiunt, Sacerdos Moyses dicitur, quia fuit vir primarius, quomodo filij Dauid sacerdotes dicuntur.

At contrā, sic etiam Samuel, qui erat vir primarius, fuisset vocatus sacerdos. Quòd Dauid non fecit, quia sciebat eum non esse sacerdotem, sed iudicem tantum: non enim descendit ex familiā Aaron, sed Core confobrini eius. Verè autem & propriè Moysen fuisse sacerdotem, patet, quia exercuit omnia munera sacerdotalia; vt sacrificare, docere, consecrare vestes: & quòd maius est, Pontificem, & Sacerdotes inunxit, & instituit.

2. Si difficile, atque ambiguum apud te iudicium esse perspexeris, &c. Veniesque ad Sacerdotem Leuitici generis, & ad Iudicem, qui fuerit illo tempore, &c.

Obijcit Brentius, ad iudicem etiam remitti eos, qui dubitant: iudicem autem fuisse Principem politicum.

Resp. nomine iudicis posse etiam intelligi Principem sacerdotum. Nam in Hebr. est: Ascende ad sacerdotes, & ad iudicem. Deinde, etiam si Principem politicum intelligamus, sunt distincta officia: nam sacerdoti tribuitur sententia.



contia definitiua, iudici autem executio in contumaces: *Qui superbiebit*, inquit, *uolens obedire Sacerdotis imperio, ex decreto iudicis moriatur.*

3. *Verba Sapientum, sicut stimuli, & sicut clauis in altum defixi, quæ per magistrorum Eccle. 12. consilium data sunt à pastore vno. His amplius fili mi, ne requiratur.*

Quòd si hæc dicuntur de sacerdote veteris Testam. quanto magis possunt dici de sacerdote noui Testam. qui longè maiores promissiones à Deo accepit?

4. *Hæc dicit Dominus Deus exercituum; interroga Sacerdotes legem. Item: La- Aggei 2. bia Sacerdotis custodient scientiam, & legem requirunt ex ore eius, quia Angelus Domini Malac. 2. exercituum est.*

5. Nam sic loquitur ad sacerd. Rex optimus Iosaphat: *Omni causam, quæ 2. Par. 19. uenerit ad vos, &c. Ostendite eum, ut non peccent in Domum. Amarias autem Sacerdos, & Pont. uerter, in his quæ ad Deum pertinent, præstabit: porro Zabadias, filius Ismael, qui est Dux in domo Iuda, super ea opera erit, quæ ad Regis officium pertinent.* Vides, quàm clarè Rex distinguit officium Pont. ab officio Regis, & soli Pont. tribuat iudicium de dubijs rebus.

Prob. 2. ex nouo Testam. I. testimonium: *Tibi dabo clauis regni cælorum. Per clauis illas non solum intelligitur potestas soluendi à peccatis, sed etiam ab omnibus alijs vinculis, & impedimentis, quæ nisi tollantur, non potest intrari in regnum cælorum. Nec dicitur, quemcunque soluatis, sed, quodcunque: ut intelligamus, nodos omnes, seu legum dispensando: seu peccatorum & poenarum, relaxando: seu dogmatum, & controuersiarum, explicando, à Petro, eiusque successoribus, solui posse.* Prob. 2. Mat. 16.

2. *Si Ecclesiam non audierit, sit tibi sicut ethnicus, & publicanus.* Non potest fieri, Mat. 12. ut deferatur talis ad congregationem omnium fidelium: ergò nomine Ecclesie intelligi debet Prælatus, vel Prælatorum congregatio. si ergò, qui Ecclesiam, id est Ecclesie Pastores, non audit, debet esse, ut ethnicus, & publicanus, sequitur, Pastorum esse ultimum iudicium.

3. *Super cathedram Moysi sederunt Scribae, & Pharisei: quacunque dixerint vobis, seru- Mat. 23. uate, & facite, secundum opera eorum nolite facere.*

Nota I. toto illo cap. Dominum reprehendere vitia Scribarum, & Phariseorum: & quia poterant infirmi ex eo colligere, non esse credendum Prælati, qui malè viuunt, idèò initio cap. apertè docere uoluit, non obstante mala vitæ Prælatorum, sequendam esse eorum doctrinam.

Nota II. nunquam Dominum, neque Apostolos, in totâ scriptura reprehendisse Pontif. & sacerd. Iudæorum, nominando eos, Pontif. & sacerd. sed solum sub nomine Scribarum, & Phariseorum, ut intelligamus, honorem deberi sacerdotio, & Pontificatui, etiam si fortè persona, quæ in cathedrâ sederet, sit minùs idonea.

Tertio nota: quod Dominus de cathedrâ Moysi dicit, intelligi à fortiori de cathedrâ Petri. sic enim veteres intellexerunt.

4. *Simon Petre, pascue oues meas.* Ioan. 21.

Quòd Petro dicitur, etiam successoribus dicitur: neque enim uoluit Christus Ecclesie providere 25. annis, sed quousque mundus duraret. Illud, *pascue*, præcipue de doctrina intelligitur: sic enim pascuntur oues rationales, iuxta illud:

- Mat. 3.* illud : *Dabo vobis pastores iuxta cor meum , & pascunt vos scientiâ , & doctrinâ.* Illud (oues) etiam significat omnes Christianos : qui enim non vult pasci à Petro, non est ovis Christi. Docere ergo debent Petrus, & successores, quid circa doctrinam fidei tenendum sit. Nam, si de concionibus intelligamus tantum, nunquam hoc præceptum implebitur : nec enim Pont. potest omnibus hominibus concionari, nec opus est. Si etiam intelligamus de concione, & commentarijs in sacras litteras, reprehendimus plurimos sanctissimos Pont. qui nihil tale fecerunt.
- Luc. 22.* 5. *Rogavi pro te, vt non deficiat fides tua, & tu aliquando conuersus, confirma fratres tuos.* Ex hoc loco deducunt Patres, Romanum Pont. ex cathedrâ docentem non posse errare : cuius iudicio ergo meritò est acquiescendum.
- Act. 15.* 6. Legimus, cum orta esset quæstio grauis de fide, an seruanda esset lex Moysis à Gentibus conuersis, non fuisse remissos vnumquemque ad spiritum suum, sed ad Concilium Ierosolymæ habitum, cui Petrus præerat : & Petrum omnium primum in Concilio esse locutum : deinde Iacobum sententiâ Petri confirmasse, & sic quæstionem solutam illis verbis : *Visum est Spiritui Sancto & nobis,*
- Gal. 2.* 7. *Ascendi, inquit, Paulus, Ierosolymam cum Barnabâ, & consuli cum illis Euangelium, quod prædico in gentibus, &c.* Quinam autem essent illi, inferius explicat, dicens, fuisse Petrum, Iacobum, & Ioannem. Vbi Patres docent, non credituram esse Ecclesiam Paulo, nisi eius Euangelium esset à Petro confirmatum.
- 1. Cor. 12.* 8. *Alij datur per Spiritum sermo sapientiæ, alijs sermo scientiæ, alijs interpretatio sermonum, alijs prophetia, &c.* Ergo non omnibus fidelibus datur spiritus interpretandi, Script. Et præterea constat ex illo : *Omnis Prophetia Scriptura propria interpretatione non fit*, non posse sine spiritu interpretandi bene Scripturam exponi. Ergo vllus homo priuatus non est iudex veri sensus Script. Quid enim faciet, qui spiritum non habet? Imò quis erit certus, se habere hunc spiritum, cum sciamus, non dari omnibus; & non sciamus, quibus detur? At, inquit, scriptum est: *Quanto magis Pater vester dabit spiritum bonum petentibus se?* Et : *Si quis vestrum indiget sapientiâ, postulet à Deo, qui dat omnibus abundanter.* Resp. in his, & similibus locis Dominum loqui, non de spiritu interpretandi, qui est gratia quædam gratis data; sed de spiritu fidei, sp̃s, & charitatis, & sapientiæ necessariæ ad salutem. Deinde, petens adhuc certus non est, quia nescit, an bene petat : Spiritus est enim : *Petitis, & non accipitis, id quod malè petatis.*
- 1. Ioan. 4.* 9. *Charissimi, nolite omni spiritui credere, sed probate spiritus, si ex Deo sunt. Multi enim pseudoprophetae exierunt in mundum.* Spiritus hominum priuatorum probandi sunt, si ex Deo sint ; multi enim iactant Spiritum Sanctum, qui agitantur spiritu vertiginis, & mendacij, vt dicitur 3. Reg. vlt. 2. Paral. 18. 12. 19. & 19.
- Prob. 3.* Prob. 3. veritas ex praxi Ecclesiæ : nam omnibus seculis in Ecclesia exorta sunt noua dubia, & semper terminata sunt iudicio Pontif. Rom. & Episc.
- Prob. 4.* Prob. 4. testimonij Pontificum, Imperat. & Patrum.
- Prob. 5.* Prob. 5. ratione.
- I. Ratio : Non ignorabat Deus, multas in Ecclesiâ exorituras difficultates circa fidem : debuit ergo iudicem aliquem providere Ecclesiæ, At iste iudex

dex non potest esse scriptura, neque spiritus reuelans priuatus, neque princeps secularis. Ergo princeps Ecclesiasticus, vel solus, vel cum concilio, & consensu Coepiscoporum. Neque enim aliquid aliud, ad quod hoc iudicium pertinere videatur, fingi potest.

Non Scriptura, quia varios sensus recipit, nec potest ipsa dicere, quis sit verus. Deinde, in omni Rep. bene instituta, lex, & Iudex, distinctæ res sunt. Lex enim docet, quid agendum sit; & Iudex legē interpretatur. Denique, de scripturæ interpretatione quæstio est; non autem se ipsa potest interpretari.

Non spiritus reuelans vnicuique priuato homini, quia ille, qui est in te, à me videri non potest, nec audiri. Iudex autem videri debet, & audiri ab vtraque parte litigante. Si autem spiritus essemus fortè sufficeret iudicium spiritus. Deinde in Rep. temporali omnes homines habent verum lumen naturale, quo lex condita est, & quod sufficit ad legem exponendam, & tamen nunquam permittitur legis interpretatio priuato iudicio vniuscuiusque, alioqui Resp. diu stare non posset: quanto minùs interpretatio script. cū non habeant omnes verum illud supernaturale lumen, quo script. condita est. Præterea, Iudex debet habere auctoritatem coactiuam, alioquin nihil proderet eius iudicium. At priuati homines nullam habent talem auctoritatem. Deinde plurimi sunt adeò rudes, vt ipsimet fateantur se nullo modo posse iudicare de quæst. fidei: & tamen etiam illi saluari possunt. Adde, quod nemo sit hæreticorum, qui spiritum non iactet, & qui spiritum suum non præponat spiritibus aliorum: sicut cum Michæas diceret se loqui in nomine Domini; Pseudoprophetas autem agitari spiritu mendacij. Respondit ei sedechias Pseudoproph. *Et per quam viam pertransiuit spiritus Domini à me, vt loqueretur tibi?* 2. Par. 18.

Nec etiam Princeps secularis: Nam nihil potest ultra virtutem à causis suis acceptam. Causæ autem principatus secularis, humanæ, & naturales sunt. Efficiens namque est electio pop. finis est pax, & tranquillitas temporalis Reip.

Neque obstat, quod dicitur: *Non est potestas nisi à Deo. Et: Qui potestati resistit, Obstat. Dei ordinationi resistit.* Nā illa intelligi debent, mediātē: quia Deus instinctu illū naturalem posuit in hominibus, vt crearent sibi Regem: sicut etiam leges humane dici possunt à Deo, quia fiunt lumine naturali, quod Deus in mente humana in creatione impressit. *Rom. 13. Solus.*

At principatus Ecclesiasticus causas habet & diuinas, & supernaturales: nam efficiens immediatē est Deus: neque enim Pont. ab Ecclesia auctoritatem habet, sed à Christo, qui dixit ei: *Pasce oues meas. Et: Tibi dabo clauis regni caelorum.* Finis autem est æterna beatitudo. *Iou. 20. Mat. 16.*

## CAPVT IIII.

## De Verbo Dei non scripto.

**A**NTEQVAM ad rem accedamus, videndum quid, & quotuplex sit Traditio.

*Nomen  
Traditionis.  
Exod. 17.*

Nomen *Traditionis*, generale est, & significat omnem doctrinam, siue scriptam, siue non scriptam, quæ ab vno alteri communicatur: *Scribe hoc ob monumentum in libro, & trade in auribus Iosue.* Et lex Moysis scripta vocatur traditio:

*Ab. 6.*

*1. Cor. 11.*

*2. Thess. 2.*

*Audiui meum dicentem, quoniam Iesus destruet locum istum, & mutabit traditiones, quas tradidit nobis Moyses.* At ibi: *Ego enim accepi à Domino, quod & tradidi vobis.* Traditio, vocatur doctrina viua voce expressa. Et ibi: *Tenete traditiones, quas didicistis, siue per sermonem, siue per epistolam.* Tamen hoc ipsum nomen accommodatum est à Theologis ad significandum tantum doctrinam non scriptam. Vocatur autem doctrina non scripta, non ea, quæ nusquam est scripta; sed quæ non est scripta à primo auctore. Paruulos baptizandos namque, non inuenitur scriptum in villo Apostolico libro, tametsi scriptum sit in libris fere omnium veterum Patrum.

Prima Traditionum diuisio est penes auctores traditionum.

*1. Diuina  
Traditionis.*

Traditiones, alix sunt.

{ Diuinæ.  
Apostolicæ.  
Ecclesiasticæ.

*Diuinæ.*

*Diuinæ* dicuntur, quæ acceptæ sunt ab ipso Christo, Apostolos docente, & nusquam in diuinis litteris inueniuntur. Talia sunt, quæ ad materiam, & formam Sacram. pertinent: pauca enim de his habemus in diuinis litteris, & tamen certum est Sacramenti essentiam non potuisse, nisi à Christo institui. Propterea Apostolus, loquens de Sacram. Eucharist. dicebat: *Ego enim accepi à Domino, quod & tradidi vobis.*

*1. Cor. 11.*

*Apostolicæ.*

*Apostolicæ* sunt, quæ ab Apostolis institutæ sunt, non tamen sine assistentia Spiritus sancti, & nihilominus non extant scriptæ in eorum Epistolis; vt est ieiunium Quadragesimæ, & 4. temporum, &c. Solent tamen diuinæ traditiones dici Apostolicæ, & Apostolicæ diuinæ. Quomodo omnes epistolæ Apostolorum dicuntur diuinæ, & Apostolica scripta, etiamsi quædam sint in eis præcepta diuina, & quædam propriè Apostolica. Vt patet ex illo: *Præcipio non ego, sed Dominus.* Et postea: *Dico ego, non Dominus.*

*1. Cor. 7.*

*Ecclesiasticæ.*

*Ecclesiasticæ* propriè dicuntur, consuetudines quædam antiquæ, vel à Prælati, vel à populo inchoatæ, quæ paulatim tacito consensu populorum vim legis obtinuerunt. Et quidem Traditiones diuinæ eandem vim habent, quam diuina præcepta, siue diuina doctrina scripta in Euangelij. Apostolicæ traditiones non scriptæ eandem vim habent quàm Apostolicæ traditiones scriptæ. Vt in Concil. Trident. asseritur. Nam verbum non est tale, nec habet vim

*Ess. 4.*

lam

Iam auctoritatem, quia scriptum est in membranis; sed quia à Deo profectum est, vel immediatè, vt sunt sermones Domini; vel mediantibus Apostolis, vt est decretum Apostolorum. Ecclesiasticę traditiones eandem vim habent, quam decrera, & constitutiones Ecclesię scriptę: nam etiam in Republica eadem est vis consuetudinem approbatarum, & legum scriptarum. Altera diuino est penes materiam.

AB. 15.

Diff. 1. can-  
construendo  
l. diuina,  
ff. de legibus,

Traditiones, { De fide.  
alię sunt. { De mori-  
                  { bus.       { Perpetuę,       { Vniuersales,       { Necessarię.       2. Diuino.  
                  {               { Temporales,       { Particulares,       { Libere.

*Transmissio de fide* est, quod B. Maria semper fuerit virgo, quod quatuor tantum sint Euangelistę: *Transmissio de fide.*

*Transmissio de moribus* est, quod signum crucis in fronte pingendum sit; quod certis diebus ieiunia, aut festa celebrauda. *De moribus.*

*Transmissio Perpetua*, quę instituitur, vt semper seruetur, vsque ad mundi consummationem. Vt prædicta exempla. *Perpetua.*

*Transmissio Temporalis* est, quę instituitur ad certum tempus. Vt obseruatio legalium quarundam cęrimoniarum, quę seruanda erant vsque ad plenam Euangelij promulgationem. *Temporalis.*

*Transmissio Vniuersalis* est, quę toti Ecclesię seruanda traditur; qualis est Paschatis, Pentecostes, &c. *Vniuersalis.*

*Transmissio Particularis*, quę vni tantum Ecclesię traditur, aut pluribus. Qualis erat tempore Augustini Ieiunium Sabbathi, quod Petrus Roman. Ecclesię tradiderat, & ab eā solā, & quibuscum alijs seruabatur. *Particularis.*

*Transmissio necessaria*, quę traditur in formā præcepti, vt celebratio Paschę die Dominico post 14. lunam Martij. *Necessaria.*

*Transmissio Libera*, quę traditur in formā consilij; vt aspersio aquę lustralis, &c.

*Libera.*

Cōtrouersia igitur inter nos, & hęreticos in his consistit: I. quod nos asseramus, in Script. non contineri expressè totam doctrinam necessariam siue de fide, siue de moribus; & proinde præter verbum Dei scriptum, requiri etiam verbum Dei non scriptum, id est, diuinas, & Apostolicas traditiones. At ipsi docent, in Script. omnia contineri ad fidem necessaria, & mores; & proinde non esse opus villo verbo non scripto.

Deinde: Illi existimant, Apostolos quidam quędā instituisse præter Script. quę ad ritus, & ordinem Ecclesię pertinent; quę tamen non sunt necessaria, nec præcepta: sed libera. Nos autem agnoscimus traditiones Apostol. omnium generum.

Denique; Illi putant, traditiones Apostolicas, si quę fuerint, nunc non extare, id est, non posse certo demonstrari aliquam Apostolicam traditionem. Nos asserimus, non deesse certas vias, & rationes, quibus Apostolicę traditiones ostendantur. Nos itaque tria demonstrare conabimur. Primum, Script. sine traditionibus nec fuisse simpliciter necessaria, nec sufficientes.

Necessitas igitur traditionum prob. I. ex varijs ætatibus Ecclesię. Nam ab Adam vsque ad Moysen fuit Ecclesia Dei aliqua in mundo, & colebant homines Deum fide, spe, & charitate, & externis ritibus: vt patet ex Gen.

Prob. 1.  
Necessitas  
Traditionum.

vbi

vbi introducuntur Adam, Abel, Seth, Enoch, Noë, Abraham, Melchisedech, & alij iusti; At nulla fuit Scriptura diuina ante Moysen: tum, quia omnium consensu Moyses & primus scriptor facer; tum, quia in Gen. non fit mentio doctrinæ scriptæ, sed solum traditæ. Scio, inquit Deus, quodd Abraham præcepturus sit filijs suis, & domus sue post se, vt custodiant viam Domini. Ergo annis bis mille conseruata est religio solâ traditione.

Deinde; à Moysè vsque ad Christum, per alia duo annorum millia, extiterunt quidem Scripturæ; tamen ex solæ erant Iudeorum: reliquæ autem Gentes, in quibus etiam erat apud aliquos vera religio, & fides, solâ traditione non scriptâ vivebant. Nam præter Iudeos multi alij ad Ecclesiam pertinebant, vt patet ex Iob, & amicis eius. Et in ipso populo Dei & si Script. extarent, tamen magis vtebantur Iudei traditione, quàm Script. vt patet ex illo: *Narrabis filio tuo in illo die, dicens; hoc est, quod fecit Dominus, &c.* Et: *Interroga patrem tuum, & annuntiabit tibi, maiores tuos, & dicent tibi.* Et: *Interroga generationem pristinam, & diligenter inuestiga patrum memoriam.* Et: *Vbi sunt mirabilia, quæ narrauerunt Patres nostri? Et: Deus auribus nostris audiuiimus, Patres nostri annuntiauerunt nobis, &c.* Et: *Quanta mandauit Patribus nostris nota ea facere filij suis, vt cognoscat generatio altera: filij, qui nascentur, & exurgent, & narabunt ea filij suis.* Et: *Non te prætereant narratio seniorum: ipsi enim didicerunt à patribus suis.* Et tamen cur vterentur Iudei magis traditione, quàm Scriptura, est quia vsque ad tempora Esdræ, Script. non erant redactæ ad formam librorum, vt facili, & commodè haberi possent; sed erant dispersæ in varijs annalibus, & chartis; & interdum ex negligentia Sacerd. longo tempore non inueniebantur vt patet ex eo, quod narretur tanquam nouum quid, quod in diebus Iosæ fuerit inuentum vnum volumen legis Domini in templo: Esdras autem post captiuitatem omnia collegit, & simul in vnum corpus redegit, addens in Deut. vltimum cap. de vitâ Moysis, & quædam alia hinc inde ad historię continuationem.

Porro à Christi aduentu per annos multos fuit Ecclesia sine Script. ita vt Lib. 3. ca. 4. adhuc suo tempore scribat Irenæus, fuisse gentes Christianas, quæ solis traditionibus sine Script. optimè viuerent.

Hæretici autem aperte dicunt, totum canonem Script. esse necessarium ad hoc, vt sufficiens doctrina habeatur. Contrâ: Multi libri verè sacri, & canonici perierunt. Ergo non habuimus à 1600. annis sufficientem doctrinam, si tota sita sit in Script. Esdras nanque non reparauit libros perditos, sed emendauit, & collegit eos, qui extabant. *Gesta autem David, inquit, priora, & nouissima, scripta sunt in libro Samuel videntis, & in libro Nathan Prophetæ, atque in volumine Gad videntis.* Et: *Reliqua autem opera Salomonis scripta sunt in verbis Nathâ Prophetæ, & in libris Abiæ Silonitis, in visione quoque Addo videntis.* Et: *Locutus est Salomonia millia parabolarum, & fuerunt carmina eius quinque & mille.* Vbi nâ sunt hæc omnia? Ex Testam. nouo certum est periisse Epistolâ Pauli ad Laodicenses, cuius ipse meminit. Et fortè etiam ad Corinth. cuius mentio fieri videtur in illis verbis: *Scriptis vobis in Epistola:* Et facili potest fieri adhuc aliqua alia periisse.

Secundò prob. ex discrimine inter Prædicationem, & Script. Apostolorum:

Nam

Exod. 13.

Deut. 32.

Iob. 8.

Iud. 6.

Psal. 43.

Psal. 77.

Ecclesi. 8.

4. Reg. 22.

Lib. 3. ca. 4.

1. Paral. vis.

2. Paral. 9.

3. Reg. 4.

Coloss. vis.

1. Cor. 5.

Prob. 2.

Nam, si Christo, & Apostolis fuisset propositum verbum Dei coarctandi, & restringendi ad Script. in primis rem tanti momenti Christus aperte præcepisset, & Apostoli alicubi testarentur, se ex Domini mandato scribere: quem admodum ex eius mandato in toto orbe docuerunt. Deinde; ad prædicandum viua voce non expectarunt Apostoli occasionem, vel necessitatem, sed sponte sua, & ex proprio instituto perrexerunt: at ad scribendum non nisi necessitate quadam coacti animum applicuerunt. Matthæum scribit Euseb. eâ occasione scripsisse, quia, cum prædicasset Hebræis & ad Gentes ire pararet, utile iudicauit, si eis, quos corpore deserebat, aliquod memoriale doctrinæ suæ, & prædicationis relinqueret. Marcum refert idem nec sua sponte, nec à Petro (cuius discipulus erat) iussu, sed compulsu precibus Rom. scripsisse Euangelium. Lucam idem tradit id eo solum scripsisse, quia viderat multos alios temerè præsumpsisse ea litteris mandare, quæ non perfectè nouerant; vt nimirum eos abstraheret ab incertis aliorum narrationibus. Ioannem scribit ibidem vsque ad extremam senectutem sine vllâ scripturâ Euang. prædicasse: & addit Hieron. tandem eum compulsu fuisse ab Asiæ Episcopis Euangelium scribere, propter Ebionitarum hæresim tunc exortentem.

Lib. 3. hist. cap. 24.

Lib. 2 c. 15.

Li. 3 ca. 24.

li de script. iordan be. claf.

Præterea; Silibros suos ex professo litteris consignare voluissent, certè Catechismum, aut similem librum confecissent. Denique vel singuli Apostoli edidissent scriptam doctrinam Euangelicam, cum singuli haberent curam alicuius Prouinciæ; vel certe omnes simul congregati, antequam discederent in suas Prouincias, communem aliquem librum edidissent, sicut constat eos communiter Symbolum fidei composuisse, quod tamen non scripserunt, sed viua voce tradiderat.

Prob. tertio ex multis, quæ ignorari non possunt, & tamen in Script. non continentur. Primum, tempore Testam. veteris sine dubio non minus fœmine, quàm viri remedium aliquod habebant, quo à peccato originali purgarentur; & tantum pro masculis instituta erat Circumcisio, secundum multorum opinionem: quid autem esset pro fœminis, nusquam habet Script. Deinde, eo tempore non est vllò modo credibile, non fuisse remedium vllum pro masculis morientibus ante octauum diem, quo solo poterant circumcidi, & tamen nihil extat de hæc re in Scriptura. Tertio, multi Gentiles saluari poterant, & saluabantur temp. Testam. veteris, & verè ad Ecclesiam pertinebant: & tamen nihil de eorum iustificatione à peccato Script. habet. Quarto, necesse est nosse, extare libros aliquos verè diuinos: quod ex Script. haberi non potest. Nam etiamsi Script. dicat, libros Prophet. & Apostolorum esse diuinos, tamen non certò id credam, nisi prius credidero, Scripturam, quæ hoc dicit, esse diuinam. Quinto, necesse est, non solum Script. posse legere, sed etiam intelligere. At sepiusimè Script. est ambigua, & perplexa, & nisi ab aliquo, qui errare non possit, explicetur, non posset intelligi. Nam equalitas Personarum diuinarum; processio Spiritus Sancti à Patre, & filio, & ab vno principio, peccatum originis; descensus Christi ad inferos; & multa similia deducuntur quidem ex sacris litteris, sed non adeò faciliè, vt si solis pugnandum sit Script. testimonijs, nunquam lites cum pro-

Prob. 3.

D

teruis

terius finire possint. Sextò, credendum est, B. Mariam semper fuisse virginem contra errorem Heluidij, vt semper tota Ecclesia credidit: & tamen nullum de hæc rein Script. est testimonium. Septimò, credendum est, in nouo Testam. Pascha esse celebrandum die Dominico: nam hæretici habiti sunt ab Ecclesia antiqua Quartadecimani. Octauò, credere oportet, Baptismum paruulorum esse ratum. Quæ omnia non habentur in Script. Sicut esse purgatorium asserit Lutherus non posse probari ex sacris litteris: quod tamen esse credit. Credūt omnes Hæretici huius temporis, nullum esse verbum Dei, nisi scriptum: at hoc certè in Script. tota nusquam inuenitur. Nequæ ibi: *Non additis ad verbum quod vobis loquor, nec auferetis ex eo*: Moyse, ex verbo scripto, dicit; sed, ex verbo, quod loquor. Secundò demonstrare conabimur Traditiones Apostolicas non solum de fide, sed etiam de ritibus reperiri.

Deut. 4.

Prob. 1. esse  
aliquas ve-  
ras Traditi-  
ones.  
Joan. 16.  
Joan. vlt.  
Act. 1.

1. Corin. II

Itaque esse aliquas veras traditiones ostendi potest, primò. *Multa habeo vobis dicere, sed non potestis portare modò. Et: Sunt autem & alia multa, quæ fecit Iesus: quæ, si scribantur per singula, nec ipsum arbitror mundum capere posse eos, qui scribendi sunt, libros.* Illa, quæ promittebat Dominus priore loco, dixit haud dubiè post resurrectionem suam, vt Lucas testatur: *Per dies 40. apparuit ei, & loquens de regno Dei.* De gestis autem post resurrectionem paucissima scripserunt Euangelistæ. Constat igitur multa Dominum fecisse, & dixisse, quæ non sunt scripta. Secundò, Paulus duas quæstiones tractat: vnam de modo orandi in Ecclesia, alteram de modo sumendi Eucharistiam primam exorditur à traditione: *Lauda, inquit, vos, quod per omnia mei memores estis, & sicut tradidi vobis, præcepta mea tenetis.* Ista præcepta nusquam scripta inueniuntur. Deinde, quia adhuc aliquid deerat præceptis traditis, addit, vt etiam hoc seruent, vt viri in Ecclesia orent capite aperto, mulieres capite velato. Et concludit: *Siquis autem videtur contentiosus esse, non talem consuetudinem nos habemus, nec Ecclesiam Dei.* vbi reprimit contentiosos ex Ecclesiæ consuetudine.

2. Tess. 2.

Alteram quæstionem exorditur etiam à traditione: *Ego enim, inquit, accepi à Domino, quod & tradidi vobis.* Et concludit: *Cætera, cum venero, disponam.* Quid autem disposuerit, nusquam scriptum inuenitur. Tertiò, itaque, fratres tenetis traditiones, quas acceperitis, siue per sermonem, siue per epistolam nostram. Ad hunc locum respondent Kemnitijs, & Hermannus. Primò dicunt, Apostolum eadem tradidisse, prius sermone: deinde epistolâ, & idcirco non loqui de traditione non scriptâ. At ridicula est expositio. Primò, quia illa particula disiunctiua, *siue*, apertè indicat, diuersa esse, quæ tradiderat, & quæ scripserat. Secundò, quod si ita esset, deberet Epistola vna ad Thessal. continere omnem doctrinam, quam illis Apostolus prædicauerat. Sine dubio autem totum Euangel. plenè illis prædicauerat, vt colligitur ex cap. 1. & 2. prioris epistolæ. Deberet igitur completi totum Euang. At non completitur centesimam partem. Secundò respondent, Apostolum hic loqui de sermone, quem ore pronunciauerat, & quem ipse non scripserat, sed qui tum scriptus erat, vel fuit postea ab Euangelistis. At contra. Primo in hoc ipso cap. Apostolus dicit, se illis prædicasse de Antechristo, & præter alia docuisse, quando esset venturus: *Et nunc, inquit, quid detineas, scitis.* Et: *Num retinetis, quia, cum essetis*



*esset vobiscum, hac dicebam vobis?* Hoc autem nusquam scriptum est, quando scilicet Antichristus esset venturus.

Præterea; siue scripta postea fuerint, siue non, quæ Apostolus docuerat, non multum refert, quantum ad argumentum nostrum: nam Apostolus non promittit se, vel alium ea scripturum, quæ ore tradiderat, sed simpliciter præcipit, vt non minùs obseruent, quæ acceperant siue scripto, quàm, quæ per epistolam. Et hoc modo hunc locum veteres intellexerunt. Quarto, O *Timothee, depositum custodi*. Et: *Formam habere sanorum verborum, quæ à me audisti*. *Bo-* 1. Tim. vls.  
*num depositum custodi per Spiritum sanctum, qui habitat in nobis*. Et: *Tu ergo, fili mi,* 2. Tim. 1.  
*confortare in gratia, quæ est in Christo Iesu: & quæ audisti à me per multos testes, hac* 2. Tim. 2.  
*commenda fidelibus hominibus, qui idonei erunt & alios docere*. In his locis nomine *Depositi* non potest intelligi Script. sed thesaurus doctrinæ, intelligentia dogmatum diuinorum, id est tam sensus Script. quam aliorum dogmatum, quæ totam doctrinam propagari volebat per traditionem, vt explicant Chrysost. & Theophylactus. Et facillè ex verbis ipsis colligitur. Nam, si loqueretur de verbis scriptis, non tam anxie commendaret depositum. Script. enim facillè conseruantur in thecis, & à librarijs: Apostolus autem vult seruari in pectore Timothei per Spiritum sanctum. Et deinde, non adderet, *Hac commenda fidelibus*, &c., sed diceret: commenda librarijs, vt alia multa exempla transcribant. Nec diceret: *Quæ audisti à me per multos testes*: sed, quæ scripsi tibi. Itaque non verba solum, sed etiam sensum commendat, ac, vt per manus tradat successoribus suis, iuber. Vltimò; *Multa habens scribere vobis, nolui per chartam, &* 2. Ioan.  
*per discipulos Ecclesie vniuersæ, quæ tamen non sunt scripta*. Idem ostenditur testimonijs Pont. & Conciliorum, & Patrum.

Prob. etiam argumentis alijs. Nam id ipsum etiam suadet consensus hæ- Prob. 2.  
 reticorum in traditionibus contemnendis. Vt enim ex communi consensu & 3.  
 SS. Patrum, omnium ætatum, recipientium traditiones colligimus, eas esse recipiendas: ita ex communi consensu hæreticorum, omnium ætatum, reiicientium traditiones, colligimus, eas non esse reiiciendas. His adde morem omnium gentium. Nam Iudæos habuisse aliquas traditiones extra Script. docent aliqui Patrum: non enim omnia sufficienter continuit lex vetus scripta, & multo tempore populus ille, etiam post Moysen natum, sine lege scripta vixit. Deinde; Omnes profanæ Resp. magnâ ex parte legibus non scriptis reguntur.

Pericles apud Thucydidem partitur ius Athenarum, in scriptum, & non scriptum. Aristoteles partim optimis legibus, partim arbitrio optimi viri, ciuitatem regendam esse statuit: & iudicem, siue arbitrum, ius animatum vocat, quod videlicet aliud quoddam extet ius scriptum, veluti mortuum. Lib. 3. Polit. c. 11.

Præterea; Lacedæmonijs Licurgus nullam legem scriptam dare voluit, sed solis traditionibus viuere, quo essent in agendo, quàm in legendo, diligentiores. Idem placuisse Ciceroni, satis apparet ex libro primo de legibus. Et idem de Sapientibus Gallorum scribit Cæsar. Nobilissimi Philosophorum, Pythagoras, & Socrates, cum plurima docuerint, nihil tamen scripserunt: nisi quod Socrates fabulas ab Æsopo scriptas versibus profecutus sit. Li. 6 de bello Gallico.

*L. diuturna,  
ff. de legibus.  
Dist. 1. can.  
consuetudo*

Denique; in Iure ciuili, & canonico, eadē auctoritas tribuitur legi scriptæ, & consuetudini non scriptæ. Itaque natura ipsa quodammodo clamare videtur, traditiones non scriptas, vel necessarias, vel certè vtilissimas esse. Accedat Ecclesiæ Catholicæ dignitas. Nam, vt olim Iudæi excelebant omnibus nationibus, quia credita illis erant eloquia Dei: ita nunc præstat Ecclesiæ Christi omnibus sectis, quod ipsa sola, quippe quæ sponsa Christi est, nouerit omnia mysteria veræ religionis, & conscia sit secretorum sponis, & propterea appelletur *Columna, & firmamentum veritatis*. At, si omnia essent scripta, & apertissima, vt hæret. dicunt, nullum esset priuilegium Ecclesiæ: nam nihil minus scirent hæretici, & Pagani, & Iudæi de mysterijs fidei nostræ, quàm nos ipsi, atque Antistites nostri sciunt. Accedat postremò dignitas mysteriorum multorum, quæ silentium requirunt, nec decet, vt in Script. quæ toti mundo leguntur, explicentur. Si enim ad videnda tremenda mysteria Missæ non licet admittere vllos non baptizatos, quomodo eis licebit eadem scripta tradere? Hinc Dominus seorsim discipulis interpretabatur parabolas, quas populo locutus erat. Et Apostolus ait: *Sapientiam loquimur inier perfectos*. Et passim veteres, cùm de Sacram. Eucharistiæ loquuntur, dicere solent: *Norunt fideles, norunt initiati*.

*Rom. 3.  
1. Tim. 3.  
Luc. 8.  
1. Cor. 2.*

Tertiò, demonstrare conabimur non deesse certas vias, & rationes, quibus Apostolicæ traditiones demonstrantur.

*1. Regula  
cognoscendi  
traditiones  
Apostolicas.  
Ratio,  
1. Tim. 3.  
Mat. 16.*

I. Regula est: Quando vniuersa Ecclesia aliquid, tanquam fidei dogma, amplectitur, quod non inuenitur in diuinis litteris, necesse est dicere, ex Apostolorum traditione id descendisse.

Ratio est, quia, cùm Ecclesia vniuersa errare non possit, cùm sit *Columna, & firmamentum veritatis*, & cùm de eà dictum sit à Domino: *Portæ inferi non præualebunt aduersus eam*: Certè, quod Ecclesia de fide esse credit, sine dubio est de fide. At nihil est de fide, nisi quod Deus per Apostolos, aut Prophetas reuelauit, aut quod euidenter inde deducitur. Non enim nouis reuelationibus nunc regitur Ecclesia, sed in ijs permanet, quæ tradiderunt illi, qui ministri fuerunt sermonis: & propterea dicitur: *Ædificata est supra fundamentum Apostolorum, & Prophetarum*. Igitur illa omnia, quæ Ecclesia fide tenet, tradita sunt ab Apostolis, aut Prophetis, aut scripto, aut verbo. Talis est perpetua virginitas B. Mariæ, numerus librorum Canonicorum, & similia.

*Ephe. 2.*

*2. Regula.*

II. Regula: Quando vniuersa Ecclesia aliquid seruat, quod conscribere nemo potuit, nisi Deus, quod tamen nusquam inuenitur scriptum, necesse est dicere, ab ipsa Christo, & Apostolis eius traditum.

*Ratio.*

Ratio est similis superiori. Nam Ecclesia vniuersa non solum non potest errare in credendo, sed nec in operando, ac præferim inritu, & cultu diuino: rectèque S. Augustinus docet, insolentissimæ infantiæ esse, existimare non rectè fieri, quod ab vniuersa Ecclesia fit. Ergò ea, quæ Ecclesia non potest rectè seruare, nisi à Deo sint instituta, & tamen seruat, necesse est dicere, à Deo instituta, etiam si nusquam id legatur. Tale est Baptismus paruulorum; & Baptismus hæreticorum ratum esse. Nec enim potest Ecclesia Baptismo dare auctoritatem, si eam à Christo non habet.

*Epist. 118.*

*3. Regula.*

III. Regula est: Id, quod in vniuersa Ecclesia, & omnibus retro temporibus seruatum est,

est, merito ab Apostolis creditur institutum, etiam si illud tale sit, ut potuerit ab Ecclesia institui. Tale est ieiunium Quadragesimæ.

IV. Regula: Cum omnes Doct. Ecclesia communi consensu docent, aliquid ex Apostolica traditione descendere, siue in Concilio generali congregati, siue scribentes seorsum in libris, illud credendum est, Apostolicam esse traditionem.

Ratio est, quia, si omnes Doct. Ecclesiæ, cum in aliquâ sententia conueniunt, errare possent, tota Ecclesia erraret, quippe quæ Doctores suos sequi teneret, & sequitur. Exemplum primi est imaginum veneratio, quam esse ex Apostolica traditione, asseruerunt Doct. Ecclesiæ congregati in Concilio Niceno II. generali. Exemplum secundi vix inuenitur, si debeant omnes penitus Patres, qui scripserunt, expressè aliquid dicere: tamen videtur sufficere, si aliquot Patres magni momenti id asserant, & ceteri non contradicant, cum tamen eius rei meminerint: tunc enim illa esse omnium sententia non temerè dici poterit. Quando enim in re graui aliquis veterum errauit, semper multi inueniuntur, qui contradicunt.

Hâc regulâ probamus Apostolicam traditionem esse, ritus, qui seruantur in Baptismo: quod nimirum, qui baptizatur, baptizetur aqua prius à Sacerdote benedicta; quod iubeatur abrenunciare Satanae, & pompis eius; quod signetur signo crucis; quod vngatur oleo benedicto, &c. Item, Quadragesimam diuinam esse, vel Apostolicam traditionem.

V. Regula: Id sine dubio credendum est ex Apostolica traditione descendere, quod pro tali habetur in illis Ecclesiis, ubi est integra, & continua successio ab Apostolis.

Ratio est, quia Apostoli tradiderunt successoribus suis cum officio Episcopatus etiam doctrinam religionis. Si ergo in aliqua Ecclesia, ascendendo per Episcopos sibi inuicem succedentes, perueniamus ad Apostolum aliquem, & non possit ostendi, quod vllus eorum Episcoporum introduxerit nouam doctrinam, certi sumus, ibi conseruari Apostolicas traditiones. Et quidem olim inueniebatur successio non interrupta, non solum Romæ, sed etiam Ephesi, Corinthi, Antiochiæ, Alexandria, Ierosolymæ, & alibi. At nunc defecit certa successio in omnibus Ecclesijs Apostolicis, præterquam in Romana: & ideo ex testimonio huius Ecclesiæ solius sumi potest certum argumentum ad Apostolicas traditiones; actum potissimum, cum doctrina, vel ritus earum Ecclesiarum à doctrina, & ritibus Ecclesiæ Rom. dissentiant.

FINIS.

D 3

DE

30  
**D E C H R I S T O,**  
**C A P I T E T O T I V S**  
**E C C L E S I A E.**  
**L I B E R S E C V N D V S.**

**C A P V T I.**

**De Diuinitate Christi.**



**R I A** Nobis hic probanda sunt.

**I.** Vnam esse numero veram diuinitatem, siue vnum tantum esse verum Deum.

**II.** Christum esse illum ipsum verum Deum.

**III.** Spiritum sanctum esse illum eundem verum Deum.

Hinc enim sequitur, Christum esse vnum numero Deum cum Patre, & Spiritu sancto. Nam, quod Pater sit verus Deus, omnes fa-  
 tentur.

*Prob. 1.  
 vnum esse  
 verum Deū.  
 Deut. 4.  
 Deut. 6.  
 Deut. 12.*

Quantum ad primum, prob. vnitas numerica Dei primo ex Script. In lege: Dominus ipse est Deus, & non est alius prater vnum. Et paulò post: Scito ergò bodie, & cogitato in corde tuo, quod Dominus est Deus sursum, & in terrà deorsum, & non sit alius. Et: Audi Israël, Dominus Deus noster, Dominus vnus est. Et: Videte, quod ego sim solus, & non est alius prater me. Nec possunt hæc referri ad vnitatem specificam: nam qui loquitur in Script. non est Deus vniuersalis, neque ipsa species Dei: sed est Deus quidam singularis, vt patet, cum sola singularia sint in re, & loquantur, atque agant. Item, ex libris historialibus: Non est sanctus, vt est Dominus. neque enim est alius extra te. Et: Deus Israël, non est similis tui, Deus, in cælo desuper, neque in terra deorsum. At, quare Deus Israël non habet sibi similem, si sint duæ alix indiuiduæ naturæ sub eadem specie? Item, ex Prophetis: Ante me non est formatus Deus, & post me non erit. Ego sum, ego sum Dominus, & absque me non est saluator. Et: Ego Dominus, & non est amplius, extra me non est Deus. Et infra: Nunquid non ego Dominus, & non est vltra Deus absque me? Deus iustus, & saluans non est prater me. Similia passim docent omnes Prophetæ.

*1. Reg. 2.  
 3. Reg. 8.*

*Isa. 43.*

*Isa. 45.*

*Psal 17.  
 Psal 42.  
 Psal 85.  
 Sap. 12.  
 Eccli. 1.  
 Math. 4.  
 Marc. 12.  
 Ioan. 17.*

Idem prob. ex Psalmis: Quis Deus prater Dominum, aut quis Deus prater Deum nostrum? Et: Tu solus altissimus in omni terrâ. Et: Tu es Deus solus. Item ex Sapientialibus: Non enim est alius Deus, quàm tu. Et: Vnus est altissimus. Idem patet ex Euangelio: Dominum Deum tuum adorabis, & illi soli seruias. Et: Vnus est Deus, & non est alius prater eum. Et: Vt cognoscant te solum verum Deum. Est enim sensus: Tu habes

habes Deitatem, quæ sola est vera Deitas: non ergò inuenitur alia Deitas. Denique ex Apostolo: *Scimus, quod nullus est Deus, nisi vnus.* Ibidem: *Nobis vnus est Deus.* Et: *Mediator vnus non est; Deus autem vnus est.* Et: *Vnus Deus, & Pater omnium.* Et: *Vnus Deus, vnus & mediator Dei, & hominum.* Et: *Qui solus est potens, Rex Regum, & Dominus dominantium.* Porro ex his omnibus, & singulis locis apertè colligi, vnum numero esse verum Deum, non vnum specie, ex similibus locutionibus potest intelligi. Non enim de vno aliquo homine rectè diceremus: *Iste est solus homo; iste est solus verus homo; aut, præter istum nullus est homo; aut, iste est homo, & nemo alius.* Cuius rei non potest reddi alia causa, nisi quia natura humana non est in vno solum indiuiduo, sed in multis. Rectissimè autem de Sole, cui vna tantum natura indiuidua est, dicimus: *Iste solus est verus Sol; Vnus est in mundo Sol; Præter eum non est alius Sol.*

Prob. 2. veritas ex Patribus. Ac primùm omnes Patres passim dicunt, esse vnum Deum. Sed quia posset responderi, eos loqui de vnitate specificâ, adeò ostendemus ex ijs, vnum esse numero Deum.

1. Si multa essent indiuidua diuina, possent quidem illa dici vnus Deus, id est, vna species diuina; sicut Porphyrius dicit: *Plures homines sunt vnus homo*, id est, vna species humana. At non posset tamen negari, quin etiam rectè dicerentur plures dii, sicut rectè dicimus: *Adam, Abel, & Cain sunt tres homines.* At Patres perperuò negant tres personas esse tres Deos: vnum igitur numero Deum esse volunt.

2. Patres negant numerum inueniri in diuinitate, & solum in proprietatibus personalibus eum admittunt. At certè, non posse diuinitatem numerari, esset falsum, si diuinitas non esset vna numero.

3. Patres sæpe vocant Deum singularem, aut naturam eius indiuiduam.

4. Patres non semel negant, Deum esse vnum specie.

5. Patres dicunt, esse mysterium ineffabile, quomodo tres personæ sint vnus Deus: at, si esset vnus Deus specie, nullum esset mysterium.

6. Patres dicunt, Sabellium ad Iudeos, Arium ad Paganos pertinere; Ecclesiam verò mediam viam tenere, quæ nimirum nec vnâ personam credat cum Iudeis, nec plures naturas cum Gentilibus. Adde, quòd Patres docent, Gentiles, etsi vulgò plures Deos colerent, tamen naturaliter vnum Deum cognoscere potuisse; sicut reipsa Philosophi vnum Deum cognouerunt, & eâ ex parte quasi naturaliter Christiani fuerunt.

Prob. 3. Rationibus. I. Ratio: Deus est summum eius: *Ego sum, qui sum.* Igitur est summè vnus. Nam vnum est passio entis, & proinde, quo aliquid est magis ens, est magis vnum. Item: Quòd aliquid perfectius habet esse, eò longius abest à non esse, & proinde à diuisione, quæ est via ad non esse. Ergò Deus est summè vnus non specie, sed numero. Nam hæc est maxima vnitas, quæ non est vltèrius diuisibilis.

2. Ratio: Deus est suum esse, vt patet, tum ex eodem textu; tum etiam, quia Deus omnium cōsensu caret omni compositione. Ergò in Deo idem est, esse, & essentia. Ergò Dei natura non est multiplicabilis, & diuisibilis in plura indiuidua, Nam esse proprium vnus non potest vllò modo diuidi, vt conueniat

1. Cor. 8.  
Gal. 3.  
Ephes. 4.  
1. Tim. 2.  
1. Tim. 6.

Prob. 2.

Cap. 2.

Prob. 3.  
1. Ratio.  
Eand. 3.

2. Ratio.

Obiect. ueniat pluribus: sed esse huius Dei est ipsa essentia Dei: ergò nec essentia Dei est ullo modo diuisibilis in plures. Dices, argumento hoc tantum probari non posse essentiam huius Dei multiplicari. Resp. probari etiam de essentia Dei in communi. Pro quo nota, esse, siue existentiam, non esse aliquid abstrahibile ab inferioribus, vt est natura; nec esse aliquid contrahibile per differentias, aut contrahens instar differentia; sed esse ipsam actualitatem omnium, quæ sunt in re. Ex quo fit, vt in creaturis, in quibus non est idem omnino esse, & essentia, possit multiplicari vnum sine altero: potest enim abstrahi à singularibus natura communis, remanente vnique singulari sua existentia. At in Deo, vbi est omnino idem, esse, & essentia, sicut est proprium huius Dei, esse hunc Deum, ita est proprium esse Deum, nec potest abstrahi natura communis.

3. Ratio.  
Psal. 12.  
Eccl. 1.

3. Ratio: Deus est altissimus, vt Script. passim docent. Tu solus altissimus. Et: Vnus est altissimus. Ergò vnus tantum. Nam, si plures essent, vel essent æque alti; & sic nullus, qui supra omnes: vel vnus altior cæteris; & sic ille solus esset vnus Deus verus.

4. Ratio.  
Pron. 16.  
Apost. 1.

4. Deus est vltimus finis omnium rerum, vt: Vniuersa propter semetipsum operatus est Dominus. Et: Ego sum α, & ω, principium, & finis. Ergò, &c. Nam, si plures essent, vel referrentur omnes ad vnum, & ille tantum esset verus Deus; vel non, & tum nullus esset finis vltimus omnium.

5. Ratio.  
Psal. 144.

5. Deus est infinitus essentia, potentia, sapientia, &c. Ergo, &c. Nam infinitum omnia comprehendit: Et magnitudinis eius non est numerus.

6. Ratio.

6. Si plures essent dii, vel sine principio sunt omnes, vel vnus ab alio. Primum est impossibile: quia tunc essent multa principia prima disparata & in varias partes mundum distraherent, saltem, quia non necessario conuenirent in vnam, eandemque voluntatem; sed possent vnus, vnum, alius aliud velle. Vnde & Ethnici vocabant Iouem ideorum parentem. Si vnus est ab alio, vel creatione, vel generatione. Si primum; ergò Deus est creatura: ergò nec Deus. Si secundum, vel dedit totam substantiam, vel partem. Si partem; ergò partibilis est Deus. Si totum; ergò habent eandem deitatem numero.

7. Ratio.  
Sap. 14.

7. Deus est rector mundi. Vt: Tua autem Pater, providentia cuncta gubernat. At simplex monarchia optimum est regimen, quando inueniri potest Princeps bonus, & sapiens.

Prob. 1.  
Christum  
esse Deum  
Denum.  
Ioan. 17.

Probandum est 2. Filium Deie esse verum Deum, & proinde vnum numero Deum cum Patre. Nam Patrem esse verum Deum nemo negat: vt patet ex eo. Vt cognoscant te solum Deum verum. Prob. 1. ijs testimonijs, quæ in Testamento veteri habentur de vnico, & vero Deo Israël, & in nouo exponuntur de Christo.

Num. 21.

1. Locutus est pop. contra Dominum, & Moysen, & ait: Cur eduxisti nos de Aegypto? &c. Quamobrem Dominus immisit in pop. ignitos serpentes. Hic omnium consensu de Deo vero & summo Deo agitur, quem soli Iudei nouerant. At Paulus ait illum Deum esse Christum: Neque tentemus, inquit, Christum, sicut quidam eorum tentauerunt, & à serpentibus perierunt.

1. Cor. 10.

Exod. 20.  
Deut. 32.

2. Ego sum Dominus Deus tuus, qui eduxi te de terra Aegypti, Et: Dominus solus dux eius fuit, & non erat cum eo Deus alienus. At Iudas ait: Iesus pop. de Aegypto saluans, secundo

*Secundo eos, qui non crediderunt, perdidit; Angelos autem, &c.*

3. Dicitur de Deo Israël: *Curus Dei decem millibus multiplex, millia latantium: Dominus in eis, in sinu, in sancto. Ascendisti in altum, cepisti captiuitatem, accepisti dona in hominibus.* Hoc idem Paul. tribuit Christo: *Vnicuique nostrum data est gratia secundum mensuram donationis Christi, propter quod dixit; Ascendens in altum, captiuam duxit captiuitatem, dedit dona hominibus.* Psal. 67. Ephes. 4.

4. *Adorate Deum omnes angeli eius. Et: Tu Domine initid terram fundasti, & opera manuum tuarum sunt cali: ipsi peribunt; tu autem permanes, &c.* Vtrumque locum Paulus Christo applicat, ubi probat illum maiorem Angelis, quia Angeli iubentur Christum adorare, & quia Christus dicitur creator cæli, & terræ, quod Angelis non conuenit. Psal. 96. Psal. 101. Hebr. 1.

5. *Vidi Dominum sedentem super solium excelsum, & eleuatum, &c.* Plena est omnis terra gloria eius. Et infra: *Et dixit Dominus ad me, dic populo huic, excæca oculos ipsum, & cor eorum aggraua, &c.* Et quamuis aduersarij soli Patri hoc tribuant, tamen Ioannes exponit de Christo. Nam posteaquam posuit verba illa: *Excæcauit oculos eorum, & indurauit cor eorum, ut non videant oculis, &c.* subiungit: *Hæc dixit Isaias, quando vidit gloriam eius, & locutus est de eo.* Quare idem Ioannes dicit fe audiuisse clamantes: *Sanctus, Sanctus, Sanctus Dominus Deus omnipotens, qui est, qui erat, & qui venturus est.* At quis venturus est, nisi Christus? Isa. 6. Ioan. 12. Apoc. 4.

6. *Dominum exercituum ipsum sanctificate, ipse paup vester, & ipse terror vester: & eris vobis in sanctificationem, in lapidem autem offensionis, & in petram scandali duabus domibus Israël; in laqueum, & in ruinam habitantibus Ierusalem & offendent plurimi, & cadent, & conterentur.* Hic apertissimè, etiam Iudeis omnibus consentientibus, vocatur summus Deus, & Dominus omnipotens, quibusdam sanctificatio, quibusdam lapis offensionis, petra scandali, laqueus, & ruina. At hoc ipsum tribuunt Christo Lucas, Petrus, Paulus. Nam Simeon de Christo dicit: *Positus est hic in ruinam & in resurrectionem multorum.* Et Paulus: *Quid ergo dicemus? quod Gentes, quæ non sectabantur iustitiam, apprehenderunt iustitiam: iustitiam autem quæ ex fide est, Israël vero sectando legem iustitiæ, in legem iustitiæ non peruenit. Quare? Quia non ex fide, sed quasi ex operibus. Offenderunt enim in lapidem offensionis, sicut scriptum est: Ecce pono in Syon lapidem offensionis, & petram scandali.* Petrus autè: *Vobis honor credentibus; non credentibus autem lapis offensionis, & petra scandali.* Isa. 8. Luc. 2. Rom. 9. 1. Pet. 2.

7. *Vox clamantis in deserto, parate viam Domini rectas facite in solitudine semitas Dei nostri.* Hæc de Deo Israël dicuntur ab Isaiâ: & tamen hanc vocem esse Ioannem, qui parauit viam Christo, testantur omnes Euangelistæ. Isa. 40. Matih. 3. Mar. 1. Luc. 1. Ioan. 1.

8. *Ego Deus, & non est alius: in memetipso iuravi, quia mihi curuabitur omne genu.* Et Apostolus: *Omnes stabimus ante tribunal Christi. Scriptum est enim: Viuo ego, dicit Dominus, quia mihi flectetur omne genu.* Isa. 45. Rom. 14. Isa. 41. 144.

9. *Ego sum primus, ego nouissimus.* Hæc passim dicuntur de Deo Israël. At de Christo: *Ego sum æ, & ω.* Et infra: *Ego sum primus, & nouissimus, & viuens, & fui mortuus, &c.* Luc. 1. Apoc. 1.

10. *Ecce ego mitto Angelum meum, & preparabis viam ante faciem meam.* Et Christus Angelum hunc esse ait Ioannem Bap. qui preparauit viam ante faciem Christi. Et Zachar. ait: *Præbīs ante faciem Domini parare vias eius.* Mal. 3. Matih. 11. Luc. 1.

Prob. 2. Ex veteri Testamento. Primò. *Filius meus es tu, ego hodie genui te.* Prob. 2. Psal. 2.

AB. 1. &  
13.  
Hebr. 1.  
Psal. 2.

Qui Psalmus de Christo intelligitur, tum quia Rabbi Salomon, & ceteri Rabbini de Christo exponunt; tum etiam, quia de Christo intelligitur alibi. Ac, ne putemus Messiam esse Dei filium per adoptionem, subiungit: *Et nunc Reges intelligite, erudimini, qui indicatis terram: apprehendite disciplinam*, &c. Vbi nota in Hebræo esse: osculamini filium, id est, in signum subiectionis osculamini manum filij, aut pedem. Neque obstat, quod L. X. verterint: *Apprehendite disciplinam*. Illi enim ad sensum, non ad verba, respexerunt. Tunc enim verè adoramus Christum, cum eius doctrinam recipimus. Hinc argumentum est. Messias est filius Dei, adorandus ab omnibus Regibus; & quibus ille irascitur, ij omnino peribunt; & qui in illo confidunt, ij beati erunt: Ergo Messias est verus Deus. Nam solus verus Deus habet imperium vitæ, & mortis. Item, in Script. passim in solo Deo confidendum dicitur. Vt: *Maledictus homo, qui confidit in homine*. Et infra: *Beatus vir, qui confidit in Domino*.

Isa. 48.

Secundò: *Audi me Iacob, & Israël, quem ego voco. Ego ipse, & ego primus, & ego novissimus: manus quoque mea fundavit terram, dextera mea mensa est cælos*. Et infra: *Acedite ad me, & audite hoc. Non à principio in abscondito locutus sum: ex tempore, antequam fierent, ibi eram, & nunc Dominus Deus misit me, & Spiritus eius*. Certum est hunc missum non esse Patrem; tum, quia Pater non habet, à quo mitti posset; tum etiam, quia filius testatur se esse missum à Patre: & à Spiritu sancto. Et tamen videmus hunc ipsum missum esse illum Dominum Deum, qui fecit cælum, & terram, & qui est primus, & novissimus. Deinde, sic exponunt Patres.

Ioan. 8.  
Luc. 4.

Isa. 35.

Tertiò: *Deus ipse veniet, & saluabit nos. Tunc aperientur oculi caecorum, & aures surdorum patebunt: tunc saliet cæcus, claudus, & aperta erit lingua mutorum*.

Matt. 11.

Hunc locum de Christo intelligi patet primo, quia Dominus respondit discipulis Ioannis: *Euntes nunciate Ioanni, &c. Cæci vident, surdi audiunt, claudi ambulant, &c.*

Ioan. 15.

Secundò, quia nunquam Deus per illum Prophetam hæc signa fecit. Quis enim tempore Testam. veteris miracula fecerunt, sunt Moyses, Iosue, Elias, Elizeus, & ipse Isaïas. At nulli eorum curarunt cecos, &c. Præterea; dicit Isaïas in futuro: *Deus ipse veniet*: at omnes alij Prophetae ante tempora Isaïæ fuerunt. Vnde Dominus: *Si opera non fecissem, quæ nemo alius fecit, &c.*

Isa. 53.

Tertiò, Patres sic exponunt. Quòd autem Dominus Deus, de quo hic est sermo, sit Deus Israël, patet quia Deos falsos, & metaphoricos nunquam Prophetae absolute appellant Deos: & præsertim illud prænomen, *ipse*, indicat verum Deum, non autem ministrum aliquem loco eius venturum.

Quartò, dicit Dominus; *lugiter tota die nomen meum blasphematur: propter hoc scies populus meus nomen meum in illa die, quia ego ipse, qui loquebar, ecce adsum*. Quod is, qui initio loquitur, sit Dominus Deus, certum est, nam virtutis nomine infabili, & conqueritur, quod blasphemetur nomen suum, & nominat se Deum Israël, & vocat Iudeos pop. suum; ac denique dicit se esse, qui per Prophetas loquebatur. Quod autem idem ipse sit Christus, probatur, nam dicit: *Ego, qui loquebar, ecce adsum*, scilicet cum natus est Christus. Vnde hæc prophetia legitur in nocte Natalis Domini, & statim Propheta, quasi videret Christum iam



iam perambulantes montes Iudeæ, & euangelizantes, subiungit: *Quam pulchri super montes pedes euangelizantis pacem, prædicantis bonum?* Et infra explicans fructus huius aduentus: *Consolatus est Dominus populum suum, redemit Ierusalem, parauit brachium sanctum suum in oculis omnium gentium, & videbunt omnes fines terræ salutare Dei nostri.* Et infra: *Præcedet vos Dominus, & congregabit vos Deus Israël.* Denique sic exponunt Patres.

Quinto, *Hæc dicit Dominus: Labor Aegypti, & negotiatio Aethiopiæ, & Sabaim, viri sublimis, ad te transibunt, & tui erunt; post te ambulebunt, vincti manibus pergent, & te adorabunt, tegē, deprecabuntur: tantum in te est Deus, & non est absque te Deus.* Verè tu es Deus absconditus, Deus Israël Saluator. Hæc manifestè dicuntur à Domino de filio suo incarnando. Nam etsi in superioribus loquebatur de Cyro, tamen, quia Cyro non conuenit illud; *Non est absque te Deus*, oportet vel hæc dici de Cyro, ut Christum referebat; vel simpliciter de Christo. Nec de Patre possunt intelligi, cum ipse Pater sit, qui dicit de alia persona: *Te adorabunt, tegē, deprecabuntur.* Et subiungit verba deprecantium: *Tantum in te est Deus, & non est absque te Deus.* Adde, quod Patri non rectè diceretur: *In te est Deus.* Christo autem omnia rectissimè conueniunt: nam & in ipso est Deus, cum sit eius humanitas quasi templum diuinitatis: & absque ipso non est Deus, quia ipse solus cum Patre, & Spiritu sancto est verus Deus.

Sexto, *Hic est Deus noster, & non assimilabitur aliis ad eum. Hic adinuenit omnem viam disciplinæ, & tradidit eam Iacob dilecto suo.* Post hæc in terris visus est, & cum hominibus conuersatus est. Hic de Deo Israël clarissimè agitur, qui solus similem non habet, & qui, postquam tradidit legem in monte Syna, tandem homo factus, in terris visus est, & cum hominibus conuersatus est. Baruch 3.

Septimo, *Hæc dicit Dominus exercituum; Post gloriam misit me ad gentes, quæ spoliauerunt vos, qui enim tangit vos, tangit pupillam oculi mei, &c. Lauda, & latere, Iherusalem, quia ego ecce venio, & habitabo in medio tui, &c. Et scies, quia Dominus exercituum misit me ad te.* Hic locus efficacissimus est. Nam verè Dominus exercituum dicitur missus à Domino exercituum, idque frequenter repetitur. Zach. 2.

Octauo, *Offendit mihi Dominus Iesum Sacerdotem magnum stantem coram Angelo Domini, & diabolus stabat à dextris eius, ut aduersaretur ei, & dixit Dominus ad diabolum: Incepet te Dominus, Satan, Dominus, qui elegit Ierusalem.* Hic apertissimè videmus Dominum dicere diabolo: *Incepet te Dominus.* Ex quo sequitur Dominum non esse vnā personam, sed plures. Quod autem altera harum sit Christus, docent Patres. Et rationem reddit Theodoretus, cur filius potius sit, quam Spiritus S. qui ait: *Incepet te Dominus*, quia nimirum Satan aduersabatur Iesu filio Iosedech, qui gerebat figuram Christi: vnde, cum non posset ille Iesum per se Satanæ resistere, filius Dei, qui etiam Iesus dicendus erat, increpauit pro illo Satanam: & simul hæc increpatione significauit, se, cum carnem acciperet, diabolum increpaturum, quod fecit, quando ait: *Vade, Satana.* In bono locum. Matth. 4. Zach. 12.

Nonò, *Effundam super domum Dauid, & super habitatores Ierusalem spiritum gratiæ, & precum, & aspicient ad me, quem confixerunt.* Hic locus intelligitur de Christo confixo in cruce, & tamen loquitur Deus Israël, qui solus potest effundere in homines spiritum gratiæ, & precum. Et Ioannes dicit hoc impletum, quando Christus crucifixus est, & lancea perforatus. Ioan. 19.

Prob. 3.  
Math. 16.

Prob. 3. ex nouo Testam. Primo ex cōfessione Petri per reuelationem Patris: *Tu es Christus filius Dei viui*. Vbi nota, hic Petrum alserere Christum esse filium verum, & naturalem Dei. Idē enim addidit: *viui*, quia proprium est viuientium gignere sibi simile in naturā. Et cōfirmatur ex alijs locis. Nam dicitur Christus filius vnigenitus, filius proprius, filius verus, filius naturalis: nam dicitur imago, seu character hypostasis paternæ, quod nō cōuenit adoptitijs. Item, ibidem dicitur talis filius, vt respectu illius Angeli serui dicantur qui tamen alioqui filij Dei sunt adoptiui, & quidem præcipui. Denique Christus accusatus fuit, quod se prædicasset filium Dei: *Nos legem habemus; & secundū legē nostram debet mori, quia filium Dei se fecit*. Et certum est, non fuisse accusatum, quod se fecisset filium Dei adoptiuum, aut metaphoricum. Nam etiam Iudei dicebant: *Vnum Patrem habemus Deum*. Et tamen Christus non diluit hāc accusationem, sed tamquam veram admisit, & in confessione illā mori voluit.

Luc. 1.

2. *Multos filiorum Israël conuertes ad Dominum Deum ipsorum, & ipse precedet ante illum in spiritu, & virtute Elia*. Constat autem Ioannem præcessisse ante Christum, non ante Deum Patrem. Paulus ait: *Eduxit Deus Israël Saluatorem Iesum, prædicante Ioanne ante faciem aduentus eius Baptismum paenitentiae*. Ioannes namque non conabatur nisi conuerte re homines ad Christum: illum enim assidue prædicabat. Vnde, cū vidisset Ioannes Iesum ait: *Ecce agnus Dei, ecce, qui tollis peccata mundi*. Et continuō ad illa verba, Andreas qui Ioannis discipulus erat, conuersus est ad Christum, & secutus est eum.

Ioan. 5.

3. *Magis quærebant Iudei illum interficere, quia non solum soluebat Sabbathum, sed etiam Patrem suum dicebat Deum, æqualem se faciens Deo*.

Ioan. 10.

4. *Ego, & Pater vnum sumus*. Hoc testimonio vtuntur omnes Patres contra Arianos, vt probent vnam essentiam Patris, & filij.

De vnitæ essentia: autem debere intelligi, prob. primo, cum Basil. & Chrysost. Nam Christus, vt probet non perituras suas oues, facit hoc argumentum: Nemo potest eripere oues de manibus Patris mei: quia ipse maior omnibus est. Ergo nec de manibus meis. Ego enim, & Pater vnum sumus. Quod non concluderet, nisi significaretur vna & eadem esse manus Patris, & Filij, id est potentia. Quod si eadem potentia, certè etiam eadem essentia, quæ in Deo non distinguuntur.

Ibid.

Prob. 2. cum August. & Chrysost. in hunc locum quia audito hoc verbo Iudei sustulerunt lapides, vt iacerent in eum. Ergo intellexerunt Christum se verè Deum vnum cum Patre prædicare: si enim de concordia voluntatum intellexissent, non sustulissent lapides: Nec tamen Christus eorum sententiam correxit.

Prob. 3. quia Christus sic exposuit. Nam, cum Iudæi eum propter hoc vellent lapidare, dixit: *Vos dicitis, quia blasphemauimus, quia dixi, Filius Dei sum*.

Ioan. 14.

5. *Creditis in Deum, & in me credite*. Si non esset ille verus Deus, non posset sibi arrogare fidē, quæ illi soli debetur. Nec mouere debet particula (&) quasi Christus faciat se alterum Deum: nam addita est propter naturam humanam, quā distinguitur à Deo. Sic ibidem: *Si cognouissetis me, & Patrem vtrique cognouissetis*. Et: *Philippe, qui videt me, videt & Patrem*. Nouerant autem bene Apo-

Ibid.

stoli

stoli Iesum esse hominem bonum, sapientem, Prophetam, Christum, & tamen audiunt: *Si cognovissetis me. Et rursum: Tanto tempore vobiscum sum, & non cognovistis me?* Restabat ergo, vt cognoscerent illum esse Deum verum, & vnum cum Patre.

6. *Omnia, quæ Pater habet mea sunt.* Ergo essentiam Patris habet Filius. Ac ne quis dicat hoc intelligi de rebus, quæ sunt extra Deum, præcessit: *Ille me clarificabit, quia de meo accipiet.* Illud ergo est commune Patri, & Filio, quod accipit Spiritus S. ab utroque. Et quid accipit à Filio? Scientiam sine dubio. Nam dicit: *De meo accipiet, & annuntiabit vobis.* Et suprà: *Non loquetur à se, sed quacumque audierit, loquitur.* Scientia ergo eadem est Patris, & Filij: sed scientia Deo, & essentia sunt idem. Ergo, &c.

7. *Dominus meus, & Deus meus.* Certum est hic Dominum Deum significare verum Deum Israël, quia Thomas Israëlita non nouerat alium Deum. Adidit Chrysol. Thomas tunc impleuisse illud: *Manibus meis Deum quasi, & non sum deceptus.* Vbi non est dubium, quin de vero Deo sit sermo.

8. *Ex quibus Christus est secundum carnem, qui est super omnia Deus benedictus in sæcula.*

9. *Notum vobis facio Euangelium, quod predicatum est à me, quia non est secundum hominem: neque enim ego ab homine accepi illud, neque didici; sed per reuelationem Iesu Christi.* Et initio Epistolæ: *Paulus Apostolus non ab hominibus, neque per hominem, sed per Iesum Christum, ac Deum Patrem, &c.* Vbi B. Paulus opponit Christum hominibus, ac proinde docet eum non esse purum hominem, sed etiam Deum, vt est Deus Pater. Nec solum hominibus, sed etiam Angelis opponit, ac proinde omnibus creaturis. Addit enim: *Si nos, aut Angelus de calo euangelizauerit vobis, præterquam quod euangelizauimus vobis, anathematizati sitis.*

10. *Qui, cum in formâ Dei esset, non rapinam arbitratus est, esse se æqualem Deo, sed semetipsum exinaniuit, formam serui accipiens.* Hic clarissimè explicatur Christum esse verum Deum, cum habeat formam, id est naturâ Dei, & secundum illam non sit rapina, sed natura æqualis Deo Patri.

11. *Tres sunt, qui testimonium dant in calo, Pater, Verbum, & Spiritus S. & hi tres vnum sunt: & tres sunt, qui testimonium dant in terrâ Spiritus, aqua, & sanguis.* Per testes, qui sunt in calo, intelliguntur testes diuini, vt distinguantur à testibus humanis, & creatis: ideoque paulò post ait: *Si testimonium hominum accipimus, testimonium Dei inanis est.* Alioqui etiam Angeli sunt in calo, & testimonium Christo non semel dederunt. Sicut igitur Spiritus, aqua, & sanguis sunt testimonia terrena, & comprobant Christi veram humanitatem quando scilicet in morte Christi ex ore ipsius spiritus, ex latere aqua, & sanguis fluxerunt; ita quoque Pater, Verbum, & Spiritus S. sunt personæ diuinæ, & testimonij diuinam perhibuerunt de verâ Christi diuinitate, tum alibi sæpe, tum etiam in Baptismo, & transfiguratione.

12. *Vt sumus in vero filio eius. Hic est verus Deus, & vita æterna.* Attamen solus est verus Deus: Tr solum verum Deum. Ergo, &c.

13. *In principio erat verbum, & Verbum erat apud Deum, & Deus erat verbum.* Item: *Omnia per ipsum facta sunt.* Tria hinc sumuntur argumenta. I. Verbum seu

λόγος est mentis proles, seu notitia, & conceptus. Et quamvis conceptus mens sit in nobis nō dicitur filius, quia est accidens, tamē est valde similis generationi eius productio. Nā mens intelligens vices patris gerit; obiectum verō matris; species est quasi materia generationis, quam mater suppediat; inde ex complexu mentis, & obiecti, mediaute specie prodit notitia, seu verbum. Est autem notandum, in Deo idem esse, vt etiam docet Aristot. intelligētē intellectum, intellectiōnem, & speciem intelligibilem, exceptis tamen relationibus mutuis producentis, & producti. Ex quo sequitur, Verbum Dei necessario idem esse cum Deo id est eiusdem numero substantiæ, & naturæ. Sed Christus est verbum Dei: Nam. *Verbum caro factum est.* Ergo, &c. 2. Nā hoc loco Verbum Dei, quod est Christus, expressē nominatur Deus, & sine dubio idem Deus, qui est etiam Pater. 3. *Omnia per ipsum facta sunt.* Hinc enim sequitur, vt rectē colligit August. Verbum non esse factum, & proinde non esse creaturam, & proinde esse vnum Deum cum Patre.

Ibid.

Li 1 de Trin  
cap. 6.

Coloss 1.

14. *In ipso condita sunt vniuersa in calu, & in terrā, visibilia, & inuisibilia, siue throni, siue dominationes, siue principatus, siue potestates: omnia per ipsum, & in ipso creata sunt. Et ipse est ante omnes, & omnia in ipso constant.* Hic explicatur, quæ sint illa omnia, quæ Christus creauit, & conseruat, & dicuntur esse omnia terrestria omnino, & cælestia vsque ad summos Angelos.

Heb. 1.

15. De Filio dicitur: *Per quem fecit & sacula.* Et infra: *Et tu Domine, initio terræ fundasti, & opera manuum tuarum sunt cali.* Vbi clarissimē habemus Christum fecisse calum, & terram.

Prob. 4.  
1. Nomen.

Prob. 4. Ex nominibus veri Dei. I. Nomen est: *Deus.* Scriptura autem non solet absolute vocare Deum, nisi Deum verum. Hoc autem nomen tribuitur absolute Christo. Et: *Vocabitur nomen eius admirabili, Deus, fortis, &c.* Et: *Dominus meus, & Deus meus,* Et: *Attendite vobis, & vniuerso gregi, in quo vos Spiritus Sanctus posuit Episcopos regere Ecclesiam Dei, quam acquisiuit sanguine suo,* Et: *Qui est super omnia Deus.* Et: *Domine Deus omnipotens, qui erat, qui est, & qui venturus est.* Et: *In hoc cognouimus charitatem Dei quia ille pro nobis animam suam posuit.* Si Christus non est vnus cum Patre Deus, quomodo cohærent hæc cum illis: *Non habebit Deus alienos coram me.* Et: *Nobis vnus est Deus?* Alterum est nomen Dei tetragrammatum, quod noster interpret vertit. *Omnipotens nomen eius;* in Græco autem non est propriè Omnipotens, sed ineffabile illud nomen. Hoc autem Deo proprium etiam conuenire Christo, patet. *Et suscitabo Dauid germē iustum, & regnabit rex & sapiens erit.* Et infra: *Et hoc est nomen, quod vocabunt eum, Dominus iustus noster,* seu iustitia nostra. Vbi est illud nomen in Hebræo. Huic etiam nomini in versione 70. semper respondet *κύριος*, & in versione Hieron. Dominus: Porro Euangelistæ Christum passim vocant Dominum. vt: *Quia Dominus hic opus habet.* Et: *Vos vocati me, Magister, & Domine, & benedicti: sum etenim.*

Isa. 9.  
Ioan. 10.  
Act. 20.Rom. 9.  
Apo. 4.  
1. Ioan. 3.Exod. 20.  
1. Cor. 3.  
Exod. 15.

Ier. 23.

Matt. 21.  
Ioan. 13.Psal. 22.  
Psal. 26.  
Luc. 1.  
Philip. 2.  
Rom. 9.

Altissimus, etiam nomen est solius veri Dei: *Tu solus altissimus in omni terra.* Hoc autem Christo conuenit: *Homo natus est in eā, & ipse fundauit eam altissimus.* Et: *Tu puer propheta altissimi vocaberis, praebis, &c.* Paulus etiam ait, Christo datum. *Nomen super omne nomen.* Et: *Ex quibus est Christus, qui est super omnia Deus.*

Inui-

Inuisibilis nomen est ferè proprium veri Dei. Paulus: *Inuisibili soli Deo honor, & gloria. Et: Qui lucem inhabitat inacessibilem.* Solus autem Deus est verè inuisibilis, quia non potest videri, nisi seipsum manifestet. Angeli enim licet nobis sint inuisibiles, tamen alijs angelis, & ipsi Deo non possunt se abscondere. At filius simpliciter inuisibilis est, sicut & Pater. Dicitur enim: *Nemo nouit filium, nisi Pater, nec Patrem qui nouit, nisi filius, & cui voluerit filius reuelare.* Et dicitur imago Dei inuisibilis: quia scilicet ipsa imago etià est inuisibilis; est enim simillima exemplari, & proinde talis, qualis ipsum. Et: *Et nomen habet scriptum, quod nemo nouit, nisi ipse, & nomen eius est, Verbum Dei.*

Aliud nomen Deo vero proprium est, Deus gloriæ, siue Rex gloriæ. Vt: *Deus gloriæ apparuit Patri nostro Abraham. At de filio dicitur: Si cognouissent, nunquam Dominum gloriæ crucifixissent.* Et: *Attollite portas Principes vestras, & eleuamini portæ æternales, & introibit Rex gloriæ.*

Aliud nomen est, Rex Regum, & Dominus Dominantium. Vt: *Qui solus est potens Rex Regum, & Dominus Dominantium.* At de filio dicitur: *Agnus vincet illos, quoniam Rex Regum est, & Dominus Dominantium.* Et: *In semore scriptum habet, Rex Regum, & Dominus Dominantium.*

Denique, Deo Patri tribuunt Transyluani, quod dicatur vnus, verus, solus, magnus, Pater omnium. Vt: *Dominus Deus tuus, Dominus vnus est.* Et: *Vt cognoscant te solum Deum verum.* Et: *Videte, quid ego sim solus, scilicet Dominus.* Et: *Eccè Deus magnus, vincens scientiam nostram.* Et: *Nōne Deus Pater vnus omnium nostrum?* At hæc omnia dicuntur de filio. *Nobis est vnus Dominus, Iesum Christum.* Et: *Hic est vnus Deus. Et: Solum dominatorem, & Dominum nostrum, Iesum Christum negantes.* Et: *Expectantes beatam spem, & aduentum gloriæ magni Dei, & Saluatoris nostri Iesu Christi.* Et: *Parvulus natus est nobis, &c. Et vocabitur Admirabilis, Consiliarius, &c. Pater futuri sæculi.* Ergo Christus est Pater omnium nostrum. Vnde dicit: *Non relinquam vos orphanos. Et filios Apostolos vocat.*

Prob. etiam ex attributis Dei. Vt sunt: Æternitas: *Inuocauit ibi nomen Dei æterni.* Et: *Secundum præceptum æterni Dei.* Et: *Qui solus habet immortalitatem.* Immensitas. Vt: *Magnus Dominus, & laudabilis nimis, & magnitudinis eius non est finis.* Cælum, & terram ego impleo. Potentia. Vt: *Qui solus est potens, &c. Sapientia.* Vt: *Soli sapienti Deo. Bonitas. Nemo bonus, nisi solus Deus. Maiestas digna summo cultu.* Vt: *Dominum Deum adorabis, & illi soli seruias.* Atque Æternitas filio tribuitur. Vt: *Ab æterno ordinata sum.* Hic sapientia loquitur, non autem sapientia essentialis, quæ est omnino idem cum essentiali Dei: nam illa nongignitur, hæc autem dicit: *Ante omnes colles ego parturiebar.* Nec est sapientia creata, nam nihil creatum est ab æterno.

Præterea, distinguit se hæc à creaturis, dicens: *Dominus possedit me ab initio, antequam quidquam faceret à principio.* Ergo necessariò est sapientia genita, id est filius, de quâ Apostolus: *Christum Dei virtutem, & Dei sapientiam.* Hunc locum etiam habemus apud Michæam. Et tu Bethlehem Ephrata parvulus es in millibus Iuda, &c. Et egressus eius ab initio, à diebus æternitatis. Quem locum etiam Scribæ Iudæorum intellexerunt de Christo.

Præterea: *In principio erat Verbum.* Quid est enim hoc, nisi, Verbum non cepit esse, sed fuit semper? Tertiò, *Antequam Abraham fieret, ego sum,* id est, vidi Abraham,

1. Tim. 1.

1. Tim. 6.

Matt. 11.

Coloss. 1.

Apost. 19.

Apost. 7.

1. Cor. 2.

Psal. 23.

1. Tim. 6.

Apost. 17.

Apost. 19.

Deut. 6.

Ioh. 17.

Deut. 32.

Ioh. 36.

Malac. 2.

1. Cor. 1.

1. Ioh. 5.

Epistol. Iud.

Tib. 2.

Isa. 9.

Ioh. 14.

Matth. 10.

Ioh. 13.

Prob. 3.

Gen. 21.

Rom. 16.

1. Tim. 6.

Psal. 144.

Ier. 23.

1. Tim. 6.

Rom. 16.

Luc. 18.

Deut. 6.

Matt. 4.

Prob. 8.

1. Cor. 1.

Mich. 5.

Matt. 2.

Ioh. 1.

Ioh. 8.

- Abraham, quia antequam ille nasceretur, ego eram. Quartò : *Clarifica me tu, Pater apud te ipsum claritate, quam habui, priusquam mundus esset apud te.* Sollet autem Script. describere æternitatem per illud, *antequam mundus fieret, siue, ante mundi constitutionem.* Vt: *Elegit nos ante mundi constitutionem.* Et: *Dilexisti me ante mundi constitutionem.* Et: *Præcogniti ante mundi constitutionem.* Quintò: *Neque initium dierum, neque finem vitæ habens.* Sextò: *Iesus Christus heri, & hodie, & in secula.* Id est semper fuit, semper est, semper erit. Quod in Apoc. spissimè repetatur, *Qui erat, qui est, & qui venturus est.* Septimò: *Hic est verus Deus, & vita æterna.* Immenfitas tribuitur Filio. Vt: *Magnus est, & non habens finem, excelsus, & immensus.* Et paulò post: *Hic est Deus noster, & non asstimabitur aliis ad eum.* Nec obstat, quod videatur Proph. loqui de loco magno Dei, quia præcedit: *O Israël, quam magna est domus Dei, & quam ingens locus possessionis eius!*
- Nam, vt notat Theodoretus in commentar. Non loquitur de loco materiali, sed spirituali Sanctorum qui est ipse idem Deus: nec de finitâ aliqua possessione, sed de infiniti boni possessione, quæ est ipse Deus.
- Secundò: *Nemo ascendit in cælum, nisi qui descendit de cælo, Filius hominû, qui est in cælo.* Ergo cælum simul, & terram replet, si in cælo erat, quando loquebatur in terris: non autem corpore tunc erat in cælo, cum diceret se ascensurum in cælum. Ergo alia in eo erat natura.
- Vbi fuerint duo, vel tres congregati in nomine meo, ibi sum in medio eorum. Nam in cælo, & in terrâ, & in omnibus provincijs, ac regionibus simul necesse est eum esse qui præsens adsit, vbicumque sunt aliqui cõgregati in nomine Christi. Potentia sæpe tribuitur Filio Dei in Apoc. vt: *Ego sum a, & u, principium, & finis, dicit Dominus Deus, qui erat, qui est, & qui venturus est, omnipotens.* Et: *Sanctus, sanctus, sanctus, Dominus Deus omnipotens, qui erat, qui est, & qui venturus est.* Et: *Gratia tibi agimus Domine Deus Omnipotens, qui es, qui erat, & qui venturus es.*
- Sapientia tribuitur Filio adeò frequenter vt à Theologis Sapientia vocetur appropriatum eius. *Christum Dei Sapientiam.* Et: *In Christo sunt omnes thesauri sapientiæ, & scientiæ absconditi.* Et: *Domine, tu omnia nosti.* Bonitas tribuitur Filio. Vt: *Omnibus mobilibus mobilior est Sapientia: attingit autem obique propter suam munditiam. Vapor est enim virtutis Dei, & emanatio quadam claritatis omnipotentis sinceræ, & nihil inquinatum in eum occurrit. Candor est enim lucis æternæ, & speculum sine maculâ maiestatis Dei, & imago bonitatis illius, & cum sit vna, omnia potest, &c.* Et: *An oculus tuus nequam est, quis ego bonus sum?* Maiestas adoranda tribuitur Christo. Vt: *Adorent eum omnes Angeli eius.* Hæc verba allegantur à Paulo ex\* Psal. vbi agitur de adoratione patriæ soli Deo propriâ. Nam præcessit: *Confundantur omnes, qui adorant sculptilia, &c.* Vbi opponitur idololatria cultui Dei. Deinde: *Christus habet templum, quod est proprium patriæ signum.* Vt: *Tunc veniet ad templum sanctum suum dominator, quem vos queritis, & angelus testamenti, quem vos vultis.* Item, inuocatur. Vt: *Si quid petieritis in nomine meo, hoc faciam.* Et: *Domine Iesu suscipe spiritum meum.* Et Ananias Christo: *Hic habet potestatem alligandi omnes, qui inuocant nomen tuum.* Et: *Ter Dominum rogavi, & dixit mihi: sufficit tibi gratia mea.* Dominum ibi appellari Christum, patet ex sequentibus: *Libenter igitur, inquit, gloriabor in infirmitatibus meis, vt inhabitet in me virtus Christi.* Denique: *Gratia vobis, & pax à Deo Patre nostro, & Domino Iesu Christo.*

*Christo.* Ac in omnibus fere epistolis ita Paulus salutatur Christianos. Omnes etiam ferè Prophetæ prædixerunt post aduentum Messie exterminandâ idololatriam; Ecclesia autem semper in toto orbe terrarum Christum coluit templis, aris, inuocationibus, Festis diebus. Quòd si Christus nō est verus Deus, nunquam fuit tam insigne idolum in mundo, nec tam floruit idololatria, quâ post Christi aduentum. Et tamen clamat Spiritus Sanctus. *Eleuabitur Dominus solus in die illâ, & idola penitus conseruentur.* Et: *In die illâ erit fons patens domui David, & habitantibus Ierusalem, in absolutionem peccatorum, & mensuata; & erit in die illâ, dicit Dominus exercituum, disperdam nomina idolorum de terrâ, & non memorentur ultra.* Vide etiam Isa. 31. Ezech. 6. & 30. Ose. 10. & Mich. 1.

Prob. etiam ex operibus soli Deo proprijs. I. est, Creatio. *Ego sum Dominus* Prob. 6. *extendens celos solus, stabiliens terram, & nullus mecum.* Et: *Qui extendit celos solus.* Isa. 44. Vnde per hoc opus Deus vult distingui à non veris dijs: Vt: *Dij gentium damonia, Dominus autem calos fecit.* Et: *Dij, qui calum, & terram non fecerunt, pereant de terrâ, & de sub calo.* Hoc autem tribuitur Christo. Vt: *Omnia per ipsum facta sunt.* Ioan. 1. Ibid: *Et mundus per ipsum factus est.* Et: *Omnia per ipsum creata sunt.* Et: *Et tu, Domine initio terram fundasti, & opera manuum tuarum sunt cali.* Et: *Quando appendebat fundamenta terræ, &c. Cum eo erant cuncta componens.* Quilocus non potest intelligi de sapientiâ essentiali, quia illa non gignitur: hæc autem dicit: *Antequam omnes colles ego parturiebar.* Nec de sapientiâ creatâ, quia illa non fuit ante mundum. Et: *Quæcunque Pater facit, hæc & Filius similiter facit.*

Alterum opus est, Conseruatio totius mundi. *In ipso vivimus, mouemur, & sumus* At hocidem conuenit Filio: Vt. *Qui portat omnia verbo virtutis sue.* Et: *Omnia in ipso constant.* Id est, Omnium subsistentia pendet à Filio Dei, ita vt si ab ipso conseruetur, consistat; sin minus, continuo intereat.

3. Opus est, Saluatio. *Ego sum Dominus & non est absque me Saluator.* Et: *Deus in-* Isa. 43. *ter me.* At quid magis conuenit Christo, quàm saluare? *Vocabis nomen eius Iesus, ipse enim saluum faciet pop. suum.* Ac ne dicas, eum saluare ministrando, audi Paulum: *Qui portat omnia verbo virtutis sue, per semetipsum purgationem peccatorum faciens.* Item: *Deus ipse,* per se, non per legatos, *veniet, & saluabit nos.* Isa. 35. Item Apostoli se Christi ministros dicebant, non comministros. Vt: *Sic nos existimet homo, vt ministros Christi.* Et in nomine eius baptizabant, reconciliabant, miracula faciebant, &c.

4. Opus est Prædictio futurorum, & scrutatio cordium. Vt: *Annunciate, quæ futura sunt, & sciemus, quia dii estis.* Et: *Tu solus nosti omnia cor filiorum hominum.* Et: *Præuim est cor hominis, &c. Ego Dominus scrutans corda, & probans renes.* At hæc omnia Christo conueniunt. *Hoc dixi vobis, priusquam fiat, vt cum factum fuerit, credatis, quia ego sum.* Et: *Scrutantes in quod, vel quale tempus significares in eis Spiritus Christi præannunciens eas, quæ in Christo passionem, & posteriores gloriam.* Et: *Ipse sciebat, quid esset in homine.* Item: *Et sciens omnes Ecclesia, quia ego sum scrutans cor-* Apoc. 2. *da, & probans renes.*

5. Opus est Patratio miraculorum. *Qui facit miracula solus.* Et: *Faciens mirabilia tu es Deus solus.* Et: *Qui facit miracula magna solus.* Quod tamen intelligitur, propriâ auctoritate. At ita faciebat Christus miracula, tum quia imponebat:

*Obiect.* ueniat pluribus: sed esse huius Dei est ipsa essentia Dei: ergo nec essentia Dei est vlllo modo diuisibilis in plures. Dices, argumento hoc tantum probari non posse essentiam huius Dei multiplicari. Resp. probari etiam de essentia Dei in communi. Pro quo nota, esse, siue existentiam, non esse aliquid abstrahibile ab inferioribus, vt est natura; nec esse aliquid contrahibile per differentias, aut contrahens instar differentia; sed esse ipsam actualitatem omnium, quæ sunt in re. Ex quo fit, vt in creaturis, in quibus non est idem omnino esse, & essentia, possit multiplicari vnum sine altero: potest enim abstrahi à singularibus natura communis, remanente vnicuique singulari sua existentia. At in Deo, vbi est omnino idem, esse, & essentia, sicut est proprium huius Dei, esse hunc Deum, ita est proprium esse Deum, nec potest abstrahi natura communis.

*3. Ratio.* 3. Ratio: Deus est altissimus, vt Script. passim docent. *Tu solus altissimus.* Et: *Vnus est altissimus.* Ergo vnus tantum. Nam, si plures essent, vel essent æquæ alti; & sic nullus, qui supra omnes: vel vnus altior cæteris; & sic ille solus esset vnus Deus verus.

*4. Ratio.* 4. Deus est vltimus finis omnium rerum, vt: *Vniuersa propter semetipsum operatus est Dominus.* Et: *Ego sum a, & u, principium, & finis.* Ergo, &c. Nam, si plures essent, vel referrentur omnes ad vnum, & ille tantum esset verus Deus; vel non, & tum nullus esset finis vltimus omnium.

*5. Ratio.* 5. Deus est infinitus essentia, potentia, sapientia, &c. Ergo, &c. Nam infinitum omnia comprehendit: *Et magnitudinis eius non est numerus.*

*6. Ratio.* 6. Si plures essent dii, vel sine principio sunt omnes, vel vnus ab alio. Primum est impossibile: quia tunc essent multa principia prima disparata & in varias partes mundum distraherent, saltem, quia non necessario conuenirent in vnam, eandemque voluntatem; sed possent vnus, vnum, alius aliud velle. Vnde & Ethnici vocabant Iouem deorum parentem. Si vnus est ab alio, vel creatione, vel generatione. Si primū; ergo Deus est creatura: ergo nec Deus. Si secundum, vel dedit totam substantiam, vel partem. Si partem; ergo partibilis est Deus. Si totum; ergo habent eandem deitatem numero.

*7. Ratio.* 7. Deus est rector mundi. Vt: *Tu autem Pater, prouidentia cuncta gubernas.* At simplex monarchia optimum est regimen, quando inueniri potest Princeps bonus, & sapiens.

*Prob. 1.* Probandum est 2. Filium De esse verum Deum, & proinde vnum numero Deum cum Patre. Nam Patrem esse verum Deum nemo negat: vt patet ex eo. Vt cognoscant te solum Deum verum. Prob. I. ijs testimonijs, quæ in Testamento veteri habentur de vnico, & vero Deo Israël, & in nouo exponuntur de Christo.

*Num. 21.* 1. *Locus est pop. contra Dominum, & Moysen, & ait: Cur eduxisti nos de Aegypto? &c. Quamobrem Dominus immisit in pop. ignitos serpentes.* Hic omnium consensu de Deo vero & summo Deo agitur, quem soli Iudei nouerant. At Paulus ait illum Deum esse Christum: *Neque tentemus, inquit, Christum, sicut quidam eorum tentauerunt, & a serpentibus perierunt.*

*Exod. 20.* 2. *Ego sum Dominus Deus tuus, qui eduxi te de terra Aegypti, Et: Dominus solus dux eius fuit, & non erat cum eo Deus alienus.* At Iudas ait: *Iesus pop. de Aegypto saluans, secundo*



*Secundo eos, qui non crediderunt, perdidit; Angelos autem, &c.*

3. Dicitur de Deo Israël: *Currus Dei decem millibus multiplex, millia latantium: Dominus in eis, in Sinai, in sancto. Ascendisti in altum, cepisti captiuitatem, accepisti dona in hominibus.* Hoc idem Paul. tribuit Christo: *Vnicuique nostrum data est gratia secundum mensuram donationis Christi, propter quod dixit; Ascendens in altum, captiuum duxit captiuitatem, dedit dona hominibus.* Psal. 67.  
Ephes. 4.

4. *Adorate Deum omnes angeli eius. Et: Tu Domine initidit terram fundasti, & opera manuum tuarum sunt cali: ipsi peribunt; tu autem permanes, &c.* Vtrumque locum Paulus Christo applicat, ubi probat illum maiorem Angelis, quia Angeli iubentur Christum adorare, & quia Christus dicitur creator cali, & terræ, quod Angelis non continet. Psal. 96.  
Psal. 101.  
Hebr. 1.

5. *Vidi Dominum sedentem super solium excelsum, & eleuaturn, &c.* Plena est omnis terra gloria eius. Et infra: *Et dixit Dominus ad me, dic populo huic, excaca oculos ipsorum, & cor eorum aggraua, &c.* Et quamuis aduersarij soli Patri hoc tribuant, tamen Ioannes exponit de Christo. Nam posteaquam posuit verba illa: *Excacauit oculos eorum, & indurauit cor eorum, ut non videant oculis, &c.* subiungit: *Hec dixit Isaias, quando vidit gloriam eius, & locutus est de eo.* Quare idem Ioannes dicit se audiuisse clamantes: *Sanctus, Sanctus, Sanctus Dominus Deus omnipotens, qui est, qui erat, & qui venturus est.* At quis venturus est, nisi Christus? Isa. 6.  
Ioan. 12,  
Apo. 4.

6. *Dominum exercituum ipsum sanctificate, ipse paup vester, & ipse terror vester: & eris vobis in sanctificationem, in lapidem autem offensionis, & in petram scandali duabus domibus Israël; in laqueum, & in ruinam habitantibus Ierusalem & offendent plurimi, & cadent, & conterentur.* Hic apertissime, etiam Iudeis omnibus consentientibus, vocatur summus Deus, & Dominus omnipotens, quibusdam sanctificatione, quibusdam lapis offensionis, petra scandali, laqueus, & ruina. At hoc ipsum tribuunt Christo Lucas, Petrus, Paulus. Nam Simeon de Christo dicit: *Positus est hic in ruinam & in resurrectionem multorum.* Et Paulus: *Quid ergo dicemus? quod Gentes, quæ non sectabantur iustitiam, apprehenderunt iustitiam: iustitiam autem quæ ex fide est, Israël vero sectando legem iustitiæ, in legem iustitiæ non peruenit. Quare? Quia non ex fide, sed quasi ex operibus. Offenderunt enim in lapidem offensionis, sicut scriptum est: Ecce pono in Syon lapidem offensionis, & petram scandali. Petrus autem: Vobis honor credentibus; non credentibus autem lapis offensionis, & petra scandali.* Isa. 8.  
Luc. 2.  
Rom. 9.  
1. Pet. 2.

7. *Vox clamantis in deserto, parate viam Domini rectas facite in solitudine semitas Dei nostri.* Hæc de Deo Israël dicuntur ab Isaiâ: & tamen hanc vocem esse Ioannem, qui parauit viam Christo, testantur omnes Euangelistæ. Isa. 40.  
Matth. 3.  
Mar. 1.  
Luc. 1.  
Ioan. 1.

8. *Ego Deus, & non est alius: in memetipso iuravi, quia mihi curuabitur omne genu.* Et Apostolus: *Omnes flabimus ante tribunal Christi. Scriptum est enim: Viuo ego, dicit Dominus, quia mihi flectetur omne genu.* Isa. 45.  
Rom. 14.  
Isa. 41. 144.

9. *Ego sum primus, ego nouissimus.* Hæc passim dicuntur de Deo Israël. At de Christo: *Ego sum a, & ω.* Et infra: *Ego sum primus, & nouissimus, & viuens, & fui mortuus, &c.* 48.  
Apo. 1.  
Mal. 3.  
Matth. 11.

10. *Ecce ego mitto Angelum meum, & preparabit viam ante faciem meam.* Et Christus Angelum hunc esse ait Ioannem Bap. qui preparauit viam ante faciem Christi. Et Zachar. ait: *Praebis ante faciem Domini parare vias eius.* Luc. 1.  
Prob. 2.  
Psal. 2.

Prob. 2. Ex veteri Testamento. Primò. Filius meus es tu, ego hodie genui te.

E

Qui

AB. 1. &  
13.  
Hebr. 1.  
Psal. 2.

Qui Psalmus de Christo intelligitur, tum quia Rabbi Salomon, & ceteri Rabbi de Christo exponunt; tum etiam, quia de Christo intelligitur alibi. Ac, ne putemus Messiam esse Dei filium per adoptionem, subiungit: *Et nunc Reges intelligite, erudimini, qui indicatis terram: apprehendite disciplinam*, &c. Vbi nota in Hebræo esse: osculamini filium, id est, in signum subiectionis osculamini manum filij, aut pedem. Neque obstat, quod L. X. X. verterint: *Apprehendite disciplinam*. Illi enim ad sensum, non ad verba, respexerunt. Tunc enim verè adoramus Christum, cum eius doctrinam recipimus. Hinc argumentum est. Messias est filius Dei, adorandus ab omnibus Regibus; & quibus ille irascitur, ij omninò peribunt; & qui in illo confidunt, ij beati erunt: Ergò Messias est verus Deus. Nam solus verus Deus habet imperium vitæ, & mortis. Item, in Script. passim in solo Deo confidendum dicitur. Vt: *Maledictus homo, qui confidit in homine*. Et infra: *Benedictus vir, qui confidit in Domino*.

1. Reg. 3.

Hier. 17.

Isa. 48.

Secundò: *Audi me Iacob, & Israël, quem ego voco. Ego ipse, & ego primus, & ego novissimus: manus quoque mea fundavit terram, dextera mea mensa est cælos*. Et infra: *Accedite ad me, & audite hoc. Non à principio in abscondito locutus sum: ex tempore, antequam fieret, ibi eram, & nunc Dominus Deus misit me, & Spiritus eius*. Certum est hunc missum non esse Patrem; tum, quia Pater non habet, à quo mitti posset; tum etiam, quia filius testatur se esse missum à Patre: & à Spiritu sancto. Et tamen videmus hunc ipsi missum esse illum Dominum Deum, qui fecit cælum, & terram, & qui est primus, & novissimus. Deinde, sic exponunt Patres.

1. Ion. 2.

Luc. 4.

Isa. 35.

Tertiò: *Deus ipse veniet, & saluabit nos. Tunc aperientur oculi cæcorum, & aures surdorum patebunt: tunc saliet, sicut ceruus, claudus, & aperta erit lingua mutorum*.

Matth. 11.

Hunc locum de Christo intelligi patet primo, quia Dominus respondit discipulis Ioannis: *Euntes nunciate Ioanni, &c. Cæci vident, surdi audiunt claudi ambulant, &c.*

Joan. 13.

Secundò, quia nunquam Deus per illum Prophetam hæc signa fecit. Qui enim tempore Testam. veteris miracula fecerunt, sunt Moyses, Iosue, Elias, Elizeus, & ipse Isaïas. At nulli eorum curarunt cæcos, &c. Præterea; dicit Isaïas in futuro: *Deus ipse veniet*: at omnes alij Prophetæ ante tempora Isaïæ fuerunt. Vnde Dominus: *Si opera non fecissem, quæ nemo alius fecit, &c.*

Isa. 52.

Tertiò, Patres sic exponunt. Quòd autem Dominus Deus, de quo hic est sermo, sit Deus Israël, patet quia Deos falsos, & metaphoricos nunquam Prophetæ absolurè appellant Deos: & præsertim illum prænomen, *Ipse*, indicat verum Deum, non autem ministrum aliquem loco eius venturum.

Quartò, dicit Dominus; *Iugiter totà die nomen meum blasphematur: propter hoc sciet populus meus nomen meum in illa die, quia ego ipse, qui loquebar, ecce adsum*. Quod is, qui initio loquitur, sit Dominus Deus, certum est, nam vitur nomine inefabili, & conqueritur, quod blasphemetur nomen suum, & nominat se Deum Israël, & vocat Iudæos pop. suum; ac denique dicit se esse, qui per Prophetas loquebatur. Quod autem idem ipse sit Christus, probatur, nam dicit: *Ego, qui loquebar, ecce adsum*, scilicet cum natus est Christus. Vnde hæc prophetia legitur in nocte Natalis Domini, & statim Prophetæ, quasi videret Christum

iam

iam perambulantes montes Iudeæ, & euangelizantes, subiungit: *Quam pulchri super montes pedes euangelizantis pacem, prædicantis bonum?* Et infra explicans fructus huius aduentus: *Consolatus est Dominus populum suum, redemit Ierusalem, parauit brachium sanctum suum in oculis omnium gentium, & videbunt omnes fines terræ salutare Dei nostri.* Et infra: *Præcedet vos Dominus, & congregabit vos Deus Israël.* Denique sic exponunt Patres.

Quinto, *Hæc dicit Dominus: Labor Aegypti, & negotiatio Aethiopiæ, & Sabaim, viri* Isa. 45. *sublimis, ad te transibunt, & tui erunt; post te ambulant, vinclum manibus pergent, & te adorabunt, tegi, deprecabuntur: tantum tu es Deus, & non est absque te Deus. Verè tu es Deus absconditus, Deus Israël Saluator.* Hæc manifestè dicuntur à Domino de filio suo incarnando. Nam etsi in superioribus loquebatur de Cyro, tamen, quia Cyro non conuenit illud; *Non est absque te Deus*, oportet vel hæc dici de Cyro, vt Christum referebat; vel simpliciter de Christo. Nec de Patre possunt intelligi, cum ipse Pater sit, qui dicit de alia persona: *Te adorabunt, tegi, deprecabuntur.* Et subiungit verba deprecantium: *Tantum in te est Deus, & non est absque te Deus.* Adde, quod Patri non rectè diceretur: *In te est Deus.* Christo autem omnia rectissimè conueniunt: nam & in ipso est Deus, cum sit eius humanitas quasi templum diuinitatis: & absque ipso non est Deus, quia ipse solus cum Patre, & Spiritu sancto est verus Deus.

Sexto, *Hic est Deus noster, & non assumabitur alius ad eum.* Hic adinuenit omnem *Baruch 3.* *viâ disciplinæ, & tradidit eam Iacob dilecto suo.* Post hæc in terris visus est, & cum hominibus conuersatus est. Hic de Deo Israël clarissimè agitur, qui solus similem non habet, & qui, postquam tradidit legem in monte Syna, tandem homo factus, in terris visus est, & cum hominibus conuersatus est.

Septimo, *Hæc dicit Dominus exercituum; Post gloriam misit me ad gentes, quæ spoliauerunt vos, qui enim tangit vos, tangit pupillam oculi mei, &c.* *Lauda, & latare, filia Sion, quia ego ecce venio, & habitabo in medio tui, &c.* Et scies, quia Dominus exercituum misit me ad te. Hic locus efficacissimus est. Nam verè Dominus exercituum dicitur missus à Domino exercituum, idque frequenter repetitur.

Octauo, *Offendit mihi Dominus Iesum Sacerdotem magnum stantem coram Angelo* Zach. 1. *Domini, & diabolus stabat à dextris eius, vt aduersaretur ei, & dixit Dominus ad diabolum: Incepet te Dominus, Satan, Dominus, qui elegit Ierusalem.* Hic apertissimè videmus Dominum dicere diabolo: *Incepet te Dominus.* Ex quo sequitur Dominum non esse vnâ personam, sed plures. Quod autem altera harum sit Christus, docent Patres. Et rationem reddit Theodoretus, cur filius potius sit, quàm Spiritus S. qui ait: *Incepet te Dominus*, quia nimirum Satan aduersabatur Iesu filio Iosedech, qui gerebat figuram Christi: vnde, cum non posset ille Iesus per se Satanæ resistere, filius Dei, qui etiam Iesus dicendus erat, increpauit pro illo Satanam: & simul hæc increpatione significauit, se, cum carnem acciperet, diabolum increpaturum, quod fecit, quando ait: *Vade, Satana.*

Nonò, *Effundam super domum Dauid, & super habitatores Ierusalem spiritum gratiæ, & precum, & aspicient ad me, quem confixerunt.* Hic locus intelligitur de Christo confixo in cruce, & tamen loquitur Deus Israël, qui solus potest effundere in homines spiritum gratiæ, & precum. Et Ioannes dicit hoc impletum, quando Christus crucifixus est, & lancea perforatus.

E 2

Prob.

Ioan. 19.

Matth. 4.  
Zach. 12.

In hunc locum.

Prob. 3.  
Matth. 16.

Prob. 3. ex nouo Testam. Primo ex cōfessione Petri per reuelationem Patris: *Tu es Christus filius Dei uiui*. Vbi nota, hic Petrum asserere Christum esse filium verum, & naturalem Dei. Ideo enim addidit: *uiui*, quia proprium est uiuentium gignere sibi simile in naturā. Et cōfirmatur ex alijs locis. Nam dicitur Christus filius vnigenitus, filius proprius, filius verus, filius naturalis: nam dicitur imago, seu character hypostasis paternæ, quod nō cōuenit adoptitijs. Item, ibidem dicitur talis filius, vt respectu illius Angeli serui dicantur qui tamen alioqui filij Dei sunt adoptiui, & quidem præcipui. Denique Christus accusatus fuit, quodd se prædicasset filium Dei: *Nos legem habemus, & secundū legē nostram debes mori, quia filium Dei se fecit*. Et certum est, non fuisse accusatum, quod se fecisset filium Dei adoptiuum, aut metaphoricum. Nam etiam Iudei dicebant: *Vnum Patrem habemus Deum*. Et tamen Christus non diluit hāc accusationem, sed tamquam veram admisit, & in confessione illā mori voluit.

Ioan. 3.  
Rom. 8.  
1. Ioan. 5.  
Coloss. 1.  
Heb. 1.

Ioan. 19.

Ioan. 8.

Luc. 1.

Act. 13.

Ioan. 1.

Ioan. 5.

Ioan. 10.

2. *Multos filiorum Israël conuertet ad Dominum Deum ipsum, & ipse procedet ante illum in spiritu, & virtute Elia*. Constat autem Ioannem præcessisse ante Christum, non ante Deum Patrem. Paulus ait: *Eduxit Deus Israël Saluatorem testum, prædicante Ioanne ante faciem aduentus eius Baptismum penitentiae*. Ioannes namque non conabatur nisi conuertere homines ad Christum: illum enim assidue prædicabat. Vnde, cū vidisset Ioannes Iesum ait: *Ecce agnus Dei, ecce, qui tollis peccata mundi*. Et continuō ad illa verba, Andreas qui Ioannis discipulus erat, conuersus est ad Christum, & secutus est eum.

3. *Magis quærebant Iudæi illum interficere, quia non solum soluebat Sabbatum, sed etiam Patrem suum dicebat Deum, aequalem se faciens Deo*.

4. *Ego, & Pater vnum sumus*. Hoc testimonio vtuntur omnes Patres contra Arianos, vt probent vnam essentiam Patris, & filij.

De vnitæte essentiae autem debere intelligi, prob. primo, cum Basil. & Chrysost. Nam Christus, vt probet non perituras suas oues, facit hoc argumentum: *Nemo potest eripere oues de manibus Patris mei: quia ipse maior omnibus est*. Ergo nec de manibus meis. Ego enim, & Pater vnum sumus. Quod non concluderet, nisi significaretur vna & eadem esse manus Patris, & Filij, id est potentia. Quod si eadem potentia, certè etiam eadem essentia, quæ in Deo non distinguuntur.

Ibid.

Prob. 2. cum August. & Chrysost. in hunc locum quia audito hoc verbo Iudæi sustulerunt lapides, vt iacerent in eum. Ergo intellexerunt Christum se verè Deum vnum cum Patre prædicare: si enim de concordia voluntatum intellexissent, non sustulissent lapides: Nectamen Christus eorum sententiam correxuit.

Prob. 3. quia Christus sic exposuit. Nam, cum Iudæi eum propter hoc vellent lapidare, dixit: *Vos dicitis, quia blasphemamus, quia dixi. Filius Dei sum*.

Ioan. 14.

5. *Creditis in Deum, & in me credite*. Si non esset ille verus Deus, non posset sibi arrogare fidē, quæ illi soli debetur. Nec mouere debet particula (&) quasi Christus faciat se alterum Deum: nam addita est propter naturam humanam, quā distinguit à Deo. Sic ibidem: *Si cognouissetis me, & Patrem vtiq; cognouissetis*. Et: *Philippe, qui videt me, videt & Patrem*. Nouerant autem bene Apo-

Ibid.

stoli

stoli Iesum esse hominem bonum, sapientem, Prophetam, Christum, & tamen audiunt: *Si cognouissetis me.* Et rursum: *Tanto tempore vobiscum sum, & non cognouistis me?* Restabat ergo, vt cognoscerent illum esse Deum verum, & vnum cum Patre.

6. *Omnia, quæ Pater habet mea sunt.* Ergo essentiam Patris habet Filius. Ac ne quis dicat hoc intelligi de rebus, quæ sunt extra Deum, præcessit: *Ille me clarificabit, quia de meo accipiet.* Illud ergo est commune Patri, & Filio, quod accipit Spiritus S. ab utroque. Et quid accipit à Filio? Scientiam sine dubio. Nam dicit: *De meo accipiet, & annuntiabit vobis.* Et suprà: *Non loquetur à se, sed quacumque audiet, loquetur.* Scientia ergo eadem est Patris, & Filij: sed scientia Deo, & essentia sunt idem. Ergo, &c.

7. *Dominum meum, & Deum meum.* Certum est hic Dominum Deum significare verum Deum Israël, quia Thomas Israëlita non nouerat alium Deum. Addit Chrysost. Thomam tunc impleuisse illud: *Manibus meum Deum quasiui, & non sum deceptus.* Vbi non est dubium, quin de vero Deo sit sermo.

8. *Ex quibus Christus est secundum carnem, qui est super omnia Deus benedictus in sæcula.*

9. *Notum vobis facio Evangelium, quod predicatum est à me, quia non est secundum hominem: neque enim ego ab homine accepi illud, neque didici; sed per revelationem Iesu Christi.* Et initio Epistolæ: *Paulus Apostolus non ab hominibus, neque per hominem, sed per Iesum Christum, ac Deum Patrem, &c.* Vbi B. Paulus opponit Christum hominibus, ac proinde docet eum non esse purum hominem, sed etiam Deum, vt est Deus Pater. Nec solum hominibus, sed etiam Angelis opponit, ac proinde omnibus creaturis. Addit enim: *Si nos, aut Angelus de celo euangelizauerit vobis, præterquam quod euangelizauimus vobis, anathema sit.*

10. *Qui, cum in formâ Dei esset, non rapinam arbitratus est, esse se aequalem Deo, sed semetipsum exinanivit, formam serui accipiens.* Hic clarissime explicatur Christum esse verum Deum, cum habeat formam, id est naturâ Dei, & secundum illam non sit rapina, sed natura æqualis Deo Patri.

11. *Tres sunt, qui testimonium dant in celo, Pater, Verbum, & Spiritus S. & hi tres vnum sunt: & tres sunt, qui testimonium dant in terrâ spiritus, aqua, & sanguis.* Per testes, qui sunt in celo, intelliguntur testes diuini, vt distinguantur à testibus humanis, & creatis: ideoque paulò pòst ait: *Si testimonium hominum accipimus, testimonium Dei maius est.* Alioqui etiam Angeli sunt in celo, & testimonium Christo non semel dederunt. Sicut igitur Spiritus, aqua, & sanguis sunt testimonia terrena, & comprobantur Christi veram humanitatem quando scilicet in morte Christi ex ore ipsius Spiritus, ex latere aqua, & sanguis fluxerunt; ita quoque Pater, Verbum, & Spiritus S. sunt personæ diuinæ, & testimoniū diuinam perhibuerunt de verâ Christi diuinitate, tum alibi sæpe, tum etiam in Baptismo, & transfiguratione.

12. *Vt simus in vero filio eius. Hic est verus Deus, & vita æterna.* Anus solus est verus Deus: Te solum verum Deum. Ergo, &c.

13. *In principio erat verbum, & Verbum erat apud Deum, & Deus erat verbum.* Item: *Omnia per ipsum facta sunt.* Tria hinc sumuntur argumenta. I. Verbum seu

λόγος est mentis proles, seu notitia, & conceptus. Et quamvis conceptus mentis in nobis nō dicatur filius, quia est accidens, tamē est valde similis generationi eius productio. Nā mens intelligens vices patris gerit; obiectum verò matris; species est quasi materia generationis, quam mater suppediat; inde ex complexu mentis, & obiecti, mediante specie prodit notitia, seu verbum. Est autem notandum, in Deo idem esse, vt etiam docet Aristot. intelligentē intellectum, intellectionem, & speciem intelligibilem, exceptis tamen relationibus mutuis producentis, & producti. Ex quo sequitur, Verbum Dei necessārio idem esse cum Deo id est eiusdem numero substantiæ, & naturæ. Sed Christus est verbum Dei: Nam. *Verbum caro factum est.* Ergo, &c. 2. Nā hoc loco Verbum Dei, quod est Christus, expressē nominatur Deus, & sine dubio idem Deus, qui est etiam Pater. 3. *Omnia per ipsum facta sunt.* Hinc enim sequitur, vt rectē colligit August. Verbum non esse factum, & proinde non esse creaturam, & proinde esse vnum Deum cum Patre.

Ibid.

Li 1 de Trin  
cap. 6.

Coloss 1.

14. *In ipso condita sunt vniversa in calu, & in terrā, visibilia, & inuisibilia, siue throni, siue dominationes, siue principatus, siue potestates: omnia per ipsum, & in ipso creata sunt. Et ipse est ante omnes, & omnia in ipso constant.* Hic explicatur, quæ sint illa omnia, quæ Christus creauit, & conseruat, & dicuntur esse omnia terrestria omnino, & cælestia vsque ad summos Angelos.

Hob. 1.

15. De Filio dicitur: *Per quem fecit & sæcula.* Et infra: *Et tu Domine, initio terræ fundasti, & opera manuum tuarum sunt cali.* Vbi christimē habemus Christum fecisse cælum, & terram.

Prob. 4.  
1. Nomen.

Prob. 4. Ex nominibus veri Dei. I. Nomen est: *Deus.* Scriptura autem non solet absolūtē vocare Deum, nisi Deum verum. Hoc autem nomen tribuitur absolūtē Christo. Et: *Vocabitur nomen eius admirabilū, Deus, fortis, &c.* Et: *Dominus meus, & Deus meus.* Et: *Attendite vobis, & vniverso gregi, in quo vos Spiritus Sanctus posuit Episcopos regere Ecclesiam Dei, quam acquisiuit sanguine suo.* Et: *Qui est super omnia Deus.* Et: *Domine Deus omnipotens, qui erat, qui est, & qui venturus est.*

Isa. 9.  
Ioan. 20.  
Act. 20.Rom. 9.  
Apoc. 4.  
1. Ioan. 3.Exod. 20.  
1. Cor. 3.  
Exod. 15.

Ier. 23.

Et: *In hoc cognouimus charitatem Dei quia ille pro nobis animam suam posuit.* Si Christus non est vnus cum Patre Deus, quomodo cohærent hæc cum illis: *Non habebū Deos alienos coram me.* Et: *Nobis vnus est Deus?* Alterum est nomen Dei tetragrammatum, quod noster interpretes vertit. *Omnipotens nomen eius;* in Greco autem non est propriē Omnipotens, sed ineffabile illud nomen. Hoc autem Deo proprium etiam conuenire Christo, patet. Et *fuscitabo Dauid germē iustum, & regnabit rex & sapiens erit.* Et infra: *Et hoc est nomen, quod vocabunt eum, Dominus iustus noster,* seu iustitia nostra. Vbi est illud nomen in Hebræo. Huic etiam nomini in versione 70. semper respondet *χρίστος*, & in versione Hieron. Dominus. Porro Euangelistæ Christum passim vocant Dominum. vt: *Quia Dominus huius opus habet.* Et: *Vos vocatū me, Magister, & Domine, & benedictus: sum etenim.*

Matt. 21.  
Ioan. 13.Psal. 92.  
Psal. 86.  
Luc. 1.  
Philip. 2.  
Rom. 9.

Altissimus, etiam nomen est solius veri Dei: *Tu solus altissimus in omni terra.* Hoc autem Christo conuenit: *Homo natus est in eā, & ipse fundauit eam altissimus.* Et: *Tu puer propheta altissimi vocaberis, praebis, &c.* Paulus etiam ait, Christo datum. *Nomen super omne nomen.* Et: *Ex quibus est Christus, qui est super omnia Deus.*

Inui-

Inuisibilis nomen est fere proprium veri Dei. Paulus: *Inuisibili soli Deo honor, & gloria.* Et: *Qui lucem inhabitat inaccessibleem.* Solus autem Deus est verè inuisibilis, quia non potest videri, nisi seipsum manifestet. Angeli enim licet nobis sint inuisibiles, tamen alijs angelis, & ipsi Deo non possunt se abscondere. At filius simpliciter inuisibilis est, sicut & Pater. Dicitur enim: *Nemo nouit filium, nisi Pater, nec Patrem qui nouit, nisi filius, & cui voluerit filius reuelare.* Et dicitur imago Dei inuisibilis: quia scilicet ipsa imago etià est inuisibilis; est enim simillima exemplari, & proinde talis, qualis ipsum. Et: *Et nomen habet scriptum, quod nemo nouit, nisi ipse, & nomen eius est, Verbum Dei.*

Aliud nomen Deo vero proprium est, Deus gloriæ, siue Rex gloriæ. Vt: *Deus gloriæ apparuit Patri nostro Abraham.* At de filio dicitur: *Si cognouissent, nunquam Dominum gloriæ crucifixissent.* Et: *Attollite portas Principes vestras, & eleuamini portæ æternales, & introibis Rex gloriæ.*

Aliud nomen est, Rex Regum, & Dominus Dominantium. Vt: *Qui solus est potens Rex Regum, & Dominus Dominantium.* At de filio dicitur: *Agnus vincet illos, quoniam Rex Regum est, & Dominus Dominantium.* Et: *In semore scriptum habet, Rex Regum, & Dominus Dominantium.*

Denique; Deo Patribus Transyluani, quod dicatur vnus, verus, solus, magnus, Pater omnium. Vt: *Dominus Deus vnus, Dominus vnus est.* Et: *Vt cognoscant te solum Deum verum.* Et: *Videte, quid ego sum solus, scilicet Dominus.* Et: *Ecce Deus magnus, vincens scientiam nostram.* Et: *Nōne Deus Pater vnus omnium nostrum?* At hæc omnia dicuntur de filio. *Nobis est vnus Dominus, Iesu Christus.* Et: *Hic est verus Deus. Et solum dominatorem, & Dominum nostrum, Iesum Christum negantes.* Et: *Expectantes beatam spem, & aduentum gloriæ magni Dei, & Saluatoris nostri Iesu Christi.* Et: *Parvulus natus est nobis, &c.* Et vocabitur *Admirabilis, Consiliarius, &c.* *Pater futuri sæculi.* Ergo Christus est Pater omnium nostrum. Vnde dicit: *Non relinquam vos orphanos. Et filiolos Apostolos vocat.*

Prob. etiam ex attributis Dei. Vt sunt: *Æternitas: Inuocauit ibi nomen Dei æterni.* Et: *Secundum præceptum æterni Dei.* Et: *Qui solus habet immortalitatem.* Imensitas. Vt: *Magnus Dominus, & laudabilis nimis, & magnitudinis eius non est finis.* Cælum, & terram ego impleo. Potentia. Vt: *Qui solus est potens, &c.* Sapientia. Vt: *Soli sapienti Deo. Bonitas. Nemo bonus, nisi solus Deus. Maiestas digna summo cultu.* Vt: *Dominum Deum adorabis, & illi soli seruias.* Atque *Æternitas filio tribuitur.* Vt: *Ab æterno ordinata sum.* Hic sapientia loquitur, non autem sapientia essentialis, quæ est omninò idem cum essentia Dei: nam illa non gignitur, hæc autem dicit: *Ante omnes colles ego parturiebar.* Nec est sapientia creata, nam nihil creatum est ab æterno.

Præterea, distinguit hæc a creaturis, dicens: *Dominus possedit me ab initio, antequam quidquam faceret a principio.* Ergo necessariò est sapientia genita, id est filius, de quâ Apostolus: *Christum Dei virtutem, & Dei sapientiam.* Hunc locum etiam habemus apud Michæam. *Et tu Bethlehem Ephrata parvulus es in millibus Iudæ, &c.* Et egressus eius ab initio, à diebus æternitatis. Quem locum etiam Scribæ Iudæorum intellexerunt de Christo.

Præterea: *In principio erat Verbum.* Quid est enim hoc, nisi, Verbum non cepit esse, sed fuit semper? Tertiò, *Antequam Abraham fieret, ego sum,* id est, vidi Abraham,

1. Tim. 1.  
1. Tim. 6.  
Matt. 11.  
Coloss. 1.  
Apo. 19.  
Alt. 7.  
1. Cor. 2.  
Eph. 2.3.  
1. Tim. 6.  
1. Tim. 6.  
Apo. 17.  
Apo. 19.  
Dent. 6.  
Ioan. 17.  
Dent. 32.  
Iob. 36.  
Malac. 2.  
1. Cor. 1.  
1. Ioan. 5.  
Epist. Iud.  
Tit. 2.  
Isa. 9.  
Ioan. 14.  
Matth. 10.  
Ioan. 13.  
Prob. 5.  
Gen. 21.  
Rom. 16.  
1. Tim. 6.  
Psal. 144.  
Ier. 23.  
1. Tim. 6.  
Rom. 16.  
Luca. 18.  
Dent. 6.  
Matth. 4.  
Pron. 8.

**Christo.** Ac in omnibus fere epistolis ita Paulus salutatur Christianos. Omnes etiam fere Prophetæ prædixerunt post aduentum Messie exterminandâ idololatriam; Ecclesia autem semper in toto orbe terrarum Christû coluit templis, jaris, inuocationibus, Festis diebus. Quod si Christus nō est verus Deus, nunquam fuit tam insigne idolum in mundo, nec tam floruit idololatria, quâ post Christi aduentum. Et tamen clamat Spiritus Sanctus. *Eleuabitur nomen Iſa. 2. nus solus in die illâ, & idola penitus conterentur.* Et: *In die illâ erit fons patens domui Zach. 13. David, & habitantibus ierusalem, in absolutionem peccatoris, & menstruata; & erit in die illâ, dicit Dominus exercituum, disperdam nomina idolorum de terrâ. & non memorentur ultra.* Vide etiam Iſa. 31. Ezech. 6. & 30. Ose. 10. & Mich. 1.

Prob. etiam ex operibus soli Deo proprijs. I. est, Creatio. *Ego sum Dominus Prob. 6. extendens celos solus. stabiliens terram, & nullus mecum.* Et: *Qui extendit celos solus. Iſa. 44. ob. 9. Vnde per hoc opus Deus vult distingui à non veris dijs: Vt: Dij gentium danonia, Dominus autem celos facit. Et: Dij, qui calum, & terram non fecerunt, pereant de Hier. 10. terrâ, & de sub calo.* Hoc autem tribuitur Christo. Vt: *Omnia per ipsum facta sunt. Ioan. 1. Ibid: Et mundus per ipsum factus est. Et: Omnia per ipsum creata sunt. Et: Et tu, Coloss. 1. Domine initio terram fundasti, & opera manuum tuarum sunt cali.* Et: *Quando appendebat fundamenta terræ, &c. Com eo etiam cuncta componens.* Qui locus non potest intelligi de sapientiâ essentiali, quia illa non gignitur: hæc autem dicit: *Anteq. 1. omnes colles ego parturiebar. Nec de sapientiâ creatâ, quia illa non fuit ante mundum. Ioan. 5. dum.* Et: *Quacunque Pater facit, hæc & Filius similiter facit.*

Alterum opus est, Conseruatio totius mundi. *In ipso vivimus, mouemur, & sumus At hoc iudicio conuenit Filio: Vt. Qui portat omnia verbo virtutis sue. Et: Omnia in ipso constants. Id est, Omnium subsistentia pendet à Filio Dei, ita vt si ab ipso conseruetur, consistat; sin minus, continuo intereat.*

3. Opus est, Saluatio. *Ego sum Dominus & non est absque me Saluator. Et: Demi- Iſa. 43. flus, & saluator non est prater me. Et. Ego sum Dominus Deus, & Saluator non est prater me. At quid magis conuenit Christo, quàm saluare? Vocabis nomen eius Iſa. 45. sus, ipse enim saluum faciet pop. suum. Ac ne dicas, eum saluare ministrando, audi Paulum: Qui portat omnia verbo virtutis sue, per semetipsum purgationem peccatorum faciens. Item: Deus ipse, per se, non per legatos, veniet, & saluabit nos. Iſa. 35. Item Apostoli se Christi ministros dicebant, non comministros. Vt: Sic nos existimet homo, vt ministros Christi. Et in nomine eius baptizabant, reconciliabant, miracula faciebant, &c.*

4. Opus est Prædictio futurorum, & scrutatio cordium. Vt: *Annunciate, quæ futura sunt, & sciemus, quia dii estis. Et: Tu solus nosti omnia cor filiorum hominum. Et: Præuam est cor hominis, &c. Ego Dominus scrutans corda, & probans renes. At Hier. 17. hæc omnia Christo conueniunt. Hoc dixi vobis, priusquam fiat, vt cum factum fuerit, credatis, quia ego sum. Et: Scrutantes in quod, vel quale tempus significaret in eu Spiritus Christi præannunciens ea, quæ in Christo passionis, & posteriores glorias. Et: Ipse sciebat, quid esset in homine. Item: Et scient omnes Ecclesia, quia ego sum scrutans cor- Apoc. 2. da, & probans renes.*

5. Opus est Patratio miraculorum. *Qui facit mirabilia solus. Et: Faciens mirabilia tu es Deus solus. Et: Qui facit mirabilia magna solus. Quod tamen intelligitur, propriâ auctoritate. At ita faciebat Christus miracula, tum quia im-*

F

pesabat:



*Matth. 4.  
Matth. 8.  
Ioan. 4.  
Matth. 10.  
Act. 3.*

imperabat: Vt, *Dixit mari, tace, & obmutescere.* Et: *Surdo, & mute spiritus, ego praecepit tibi, exi ab eo.* Tum quia sola voluntate etiam absens curabat. Tum denique, vt verus Dominus totius naturae concessit etiam alijs potestatem faciendi miracula. Et ad inuocationem eius Apostoli miracula faciebant: *In nomine Iesu Christi Nazareni surge, & ambula.*

*Prob. 7.  
8. & 9.*

Prob. 7. veritas ex Patribus omnium aetatum.

Prob. 8. ex Sibyllis, quae multo clarius hoc praedixerunt, quam vlli Prophetarum.

Prob. 9. ex diuinis testimonijs visionum, & miraculorum. Praeuidens enim Spiritus S. Arianam haeresin sapientius renouandam, & plurimum Ecclesiae nocituram, testatissimum esse voluit, eam verissimam esse haeresin.

I. Igitur annis circiter 50. ante exortam Arii haeresin, apparuit S. Gregorio Thaumaturgo Virgo Maria, & cum ea S. Ioannes Euangelista, & Virgine imperante Ioannes tradidit S. Gregorio eam fidei confessionem, in qua praedicatur Verbum Deus verus, aeternus, inuisibilis, increatus, & Trinitas consubstantialis.

II. Paulo ante Arianam haeresin reuelauit Deus S. Antonio horribilia illa mala, quae Atrius in Ecclesiam inuecturus erat. Ex quo factum est, vt Antonius nullum Arianum ad montem suum ascendere pateretur, sed vt pestem quandam ex toto illo monte fugaret.

III. Circa idem tempus S. Petro Martyri, Episcopo Alexandrino cum iam prima semina Arianae haeresis apparere cepissent, apparuit in carcere Christus veste fuscâ à summo vsque deorsum, & cum S. Petrus rogaret, quid hoc sibi vellet, responsum accepit: Arius hoc fecit, quia populum meum à me separauit.

IV. Atrius ipse Constantinopoli in publicis latrinis, subita ventris solutione occupatus, intestina omnia cum vita profudit. Antequam autem hoc fieret, Constantino Arius iureiurando affirmauit, se Catholicam fidem colere: à Constantino vero audiuit: *Si recta est fides tua, bene iurasti: si autem impia est, & tamen iurasti, Deus te pro iuramento condemnet.* Deinde, cum vellet Arius vi in Ecclesiam intrare, S. Alexander Episcopus Constant. orauit Deum, vt, si permitteret Arium ingredi in Ecclesiam, tolleretur se de hoc mundo: sin autem Ecclesiae parceret, tolleretur Arium. Ex quo intelligimus, non casu factum, vt tam fœda morte Arius extingueretur, sed planè Dei prouidentia singulari, qui eam ratione implere voluit & pij Principis comminationem, & S. Pontificis orationem.

V. Cum Lucius Episc. Arianus Catholicos vbique persequeretur, his verbis Monachi miracula faciebat: *In nomine Iesu, quem Lucius persequitur, surge, & ambula.*

VI. S. Hilarius ab Arianis in exilium relegatus, insulam quandam solo imperio, & praesentia sua à serpentibus liberauit, & postmodum etiam mortuum ad vitam reuocauit.

VII. S. Martinus vehementer ad eò Arianis resistebat, vt publicè virgis caesus, & à patria expulsus fuerit, cum interim innumerabilibus quotidie miraculis coruscaret.

VIII. S. Basil cum quæstio esset de quadam Ecclesia, vtrum eam Catholici, an Ariani possidere deberent, conditionem illis iuxtulit, vt Ecclesia firmissimis repagulis recluderetur, & eorum esset, qui iuxta suam fidem orantes, solo verbo, nulla vi alia externa adhibita, eam aperirent. Accepta conditione, priores Ariani diu orantes, iuxta fidem suam nihil efficere potuerunt. Deinde, Basilio cum Catholicis orante, tanta vi continuo fores Ecclesiæ apertæ sunt, ac si verba illa tonitrua quædam fuissent.

IX. Cum Iustina Imperatrix Ariana cum suis, Ambrosium, & Catholicos persequeretur, reuelauit Deus eidem Ambrosio corpora incorrupta S. Geruasij, & Prothasij, & per ea cæcum illuminauit, multa quæ alia edidit miracula. Quæ sanè ad Arianorum confusionem erant, vt patet ex eo, quod ipsi, quantum poterant, ea miracula calumniabantur.

X. Cùm S. Martyres pro fide Catholica ab Arianis flagellarentur vsque ad ossium denudationem, sæpe accidit, vt sequenti die diuino miraculo incolumis conspicerentur. Item, à S. Eugenio cæcus illuminatus fuit eo tempore, quo Ariani Catholicos maxime vexabant. Denique, aliquot Catholicis iussu Regis Ariani linguæ radicitus euulsæ fuerunt, qui tamen semper optime locuti sunt, donec vixerunt.

XI. S. Gregor. tria mirabilia narrat, quæ acciderant suo tempore.

1. Accidit in vrbe Spoletana. Cùm enim Arianus Episcopus in Ecclesiam S. Pauli intrare, & suo errori eam Ecclesiam dedicare veller, Catholici mentes, Ecclesiam lampadibus omnibus extinctis, diligentissime clauerunt: sed cum accederet Arianus cum suorum grege impetum facturus, continuo omnes portæ simul magno fragore edito per se patuerunt, & effuso cælitus lumine lampades omnes sunt accensæ, & simul cecitate Episcopus percussus est, tantoque terrore omnes affecti, vt intrare auli non fuerint, sed Episcopum suum cecitate affectum in domum suam confusi retulerint.

2. Romæ accidit: nam, cùm Ecclesiam quandam, quæ Arianorum fuerat, ipse B. Gregorius, introductis Sanctorum reliquijs, reconciliaffet, diabolus in specie horrendæ suis exiuit. Item, nubes lucidissima super altare descendit, & ingens simul suauitas odoris in eum locum effusa est, lampadesque omnes accensæ diuinitus.

3. In Hispaniâ, vbi, cùm Herminigildus Regis filius à Patre Ariano propter fidem necatus esset, visæ sunt nocte circa eum lampades accensæ, & Angelorû cantus à multis est auditus.

XII. Cùm in Africa Cirola quidam, Patriarcha Arianorum, Catholicos persequeretur, & eodem tempore tres S. Episcopi, Eugenius, Vindemialis, & Longinus, qui præter ceteros ei resisterant, omnes miraculis coruscarent, voluit etiam hæreticus miraculum facere. Itaque cuidam 50. aureos numerauit, vt se cæcum fingeret. Sed dum transeunte per viam Cirola, ille auxilium eius postularet, accessit Cirola, & oculos eius tetigit, imperans, vt videret in signum veritatis, quam prædicabat: repente verò tantus ardor oculos illius miseri occupauit, vt coactus fuerit manibus eos comprimere, ne fronte exlirent: tum verò detexit dolum, & fidem Catholicam altâ voce confessus, à S. Eugenio signo crucis repente curatus est.

*Lib. 3. Dial.  
c. 29. 30. 31.*

orbem terrarum. Item, solus Deus est omnipotens. At de Spiritu sancto legimus: *Omne habens virtutem*. Item, solus Deus cognoscit seipsum perfecte. At de Spiritu sancto legimus: *Nemo scit, quid sit in Deo, nisi Spiritus Dei*. Et rursum: *Spiritus omnia scrutatur, etiam profunda Dei*. Denique, solus Deus habet templum. At de Spiritu sancto legimus: *Membra vestra templum sunt Spiritus sancti*. Et ita: *Portate, & glorificate Deum in corpore vestro*.

Sexta classis ex operibus sumitur. Primò solius Dei opus est creatio: & tamen legis: *Spiritus Dei fecit me*. Et: *Verbo Domini confirmati sunt, & spiritu oris eius omnis virtus eorum*. Et: *Emittes spiritum tuum, & creabuntur*. Secundò solius Dei est conservare: & tamen legis: *Spiritus Domini replevit orbem terrarum, & hoc vult, quod continet omnia, &c.* Tertiò solius Dei est saluare: & tamen legis: *Iustificati estis in nomine Domini Iesu Christi, & in Spiritu Dei nostri*. Quartò solius Dei est futura prædicere, & scrutari corda: & tamen legis: *Spiritus sancto inspirati, locuti sunt sancti Dei homines*. Et: *Renum illius testis est Deus, & cordis illius scrutator est verus, quoniam Spiritus Domini replevit orbem terrarum, & hoc, quod continet omnia, scientiam habet vocis*. Id est; Ideò Deus scrutatur corda, quia Spiritus eius est vbique, omnia penetrat, omnia novit genera linguarum, etiam quæ in intimo corde sunt. Quintò solius Dei est miracula facere: at Christus ipse in Spiritu Dei eiecit dæmonia. Et Paulus facit auctorem doni linguarum, sanitatum, &c. Spiritum sanctum. Et omnia miracula, quæ per Apostolos fiebant, vocat *Spiritus sancti distributiones*. Sextò solius Dei est Ecclesiam regere absolute potestate. At Spiritus sanctus gubernat Ecclesiam, quæ est regnum Christi, planè vt Dominus absolutus, & non minùs, quàm Pater, & filius. Dixit Spiritus Petro: *vade ad eos nihil hæsitas, quia ego misseos*. Et: *Ait Spiritus sanctus, congregate mihi Saulum, & Barnabam in opus, ad quod assumpsi eos*. Ibidem: *Et ipsi misisti Spiritu sancto*. Et: *Visum est Spiritui sancto & nobis, nihil vlt ra imponere vobis oneris*. Et: *Vetati sunt à Spiritu sancto loqui verbum in Asia*. Et: *Attendite vobis, & vniuerso regi, in quo vos Spiritus sanctus posuit Episcopos regere Ecclesiam Dei*. Et: *Omnia operatur vnus, atque idem Spiritus diuidens singulis, prout vult*.

Septima classis consistat ex comparatione Spiritus sancti ad Christum. Nam, si probemus, Spiritum sanctum maiorem Christo esse, quatenus Christus homo est, probatum quoque erit, Spiritum sanctum vnum esse Deum cum Patre. Siquidem aduersarij nihil omnino esse voluit Christo, quem nudum hominem faciunt, maius, præter Deum Patrem. Esse igitur Spiritum sanctum homine Christo maiorem, demonstratur illis omnibus argumentis, quibus aduersarij probant, Deum Patrem esse Christo maiorem. Maior est Pater homine Christo, quia eum misit. At eundem misit Spiritus sanctus. Et nunc Dominus meus misit me, & Spiritus eius. Pater sanctificauit filium: Quem Pater sanctificauit, & misit in mundum. Sanctificauit etiam Spiritus sanctus. Spiritus Domini super me, eo quòd vnixerit me, euangelizare pauperibus misit me. Item; Pater filij incarnationem operatus est: Misit filium suum in similitudinem carnis peccati. Idem operatus est Spiritus sanctus. Quod in ea natum est, de Spiritu S. est. Item, in virtute Patris filius faciebat miracula: Pater in me manens ipse facit opera. At de Spiritu dicit: Si ego in virtute Dei eieci dæmonia. Item, Pater filium obtulit ad mortem, Proprio filio non peperit, &c. Idem Spiritus sanctus fecit: Per Spiritum sanctum

Cap. 7.

1. Cor. 2.

1. Cor. 6.

Prob. 6.

Job 33.

Psalm. 32.

Psalm. 103.

Sap. 1.

1. Cor. 6.

2. Pet. 1.

Sap. 1.

Matt. 12.

1. Cor. 12.

Heb. 2.

AB. 10.

AB. 11.

AB. 15.

AB. 16.

AB. 20.

1. Cor. 12.

Prob. 7.

Joan. 9.

1. Jo. 4.8.

Joan. 10.

1. Jo. 5.1.

Luc. 4.

Rom. 8.

Matt. 1.

Joan. 10.

Math. 12.

Rom. 2.

AB. 2.

*sanctum obtulit semetipsum. Denique; Pater Filium suscitavit. Idem Paulus dicit de Spiritu sancto. Spiritus eius, qui suscitavit Iesum à mortuis, habitat in nobis. Accedit, quòd grauius sit peccare in Spiritum sanctum, quàm in Christum hominem.*

Rom. 8.  
Matth. 12.  
Prim. 8.  
C. 2.

8. Classis sumitur ex Patribus. Nam, qui pro Christi diuinitate loquuntur, iidem ferè omnes de Spiritu sancto agunt.

9. Classis constat ex miraculis, nam miracula quæ facta sunt ad confirmandam Christi diuinitatē, eadem confirmant etiam diuinitatem Spiritus Sancti.

## CAPVT II.

## De vocibus quibusdam in diuinis.

Essentia  
Luc. 13.

PRIMA vox est *Essentia*, Græcè *είσα*, quæ in Script. inuenitur. Vbi enim adolescentior filius petit à Patre portionem substantiæ, in Græco est, *μῖσος ἡ οὐσία*. Vbi *οὐσία* opes paternas significat. Quæ sunt autem Dei opes, nisi ipse diuinitas, quæ est summum, & infinitum bonum? Quia tamen non expresse hoc loco Dei natura vocatur *οὐσία*, meritò dicere potuit Epiphanius:

Heres. 73.

*Essentia nomen nudo modo in veteri, ac nouo Testam. non habetur sensus autem, & significatio vbique habetur.* Itaque etsi hæc vox non habetur in Script. tamen habentur eius synonyma. Nā de Deo dicitur: *Sempiterna quoque virtus eius, ac diuinitas*,

Rom. 1.

Græcè *θειότης*. Quid est autem *θειότης*, nisi *οὐσία τοῦ Θεοῦ*? Item, *μορφὴ τοῦ Θεοῦ*,

Philip. 2.

*Forma Dei*. Certè non minùs philosophicum est forma, quàm essentia. Et: *Diuina consortes nature*;

2. Pet. 1.

Græcè *θειὰς οὐσιῶν*. At idem omnino sunt, essentia, & natura. Denique, habetur nomen *Essentiæ* in suâ radice: nam *Essentia* dicitur ab *esse*, & est abstractum eius nominis, quod in cōcreto dicitur *Ens*. Porro *ens*, & *esse* in Script. de Deo dicitur: *Ego sum, qui sum: qui est, misit me ad vos*,

Exod. 3.

Græcè *ὁ ὢν*. Si igitur Deus dicitur ens secundum Script. cur eius natura non poterit dici essentia?

ἀποστόλῃ.

Ex hoc nomine fit *θεοοσίος*, id est, eiusdem essentiæ: quod nomen Ariani, & veteres, & noui, maximè oderant, tum quia extra Script. tum quia nouū illis videbatur. Et tamen utebantur ipsi nominibus multò magis nouis, & qui in nullâ Script. reperiuntur, vt *ἑτεροοσίος*, id est, alterius essentiæ. Sed primam calumniam Patres duobus modis refutarunt. I. Demonstrarunt nomen hoc non esse idèò reiiciendum, quòd in Script. non sit, cū constet in Script. sensum huius nominis reperiri, dicente Domino: *Ego, & Pater unum sumus*.

Ioan. 10.

Secundo ostendere conati sunt, non esse nomen hoc alienum à Script. quia similibus vocibus vtitur Script. Dominus enim: *τὸν ἀπρὸς ὁμῶν ἐπιούσιον*, dixit

Luc. 6.

Et Moyses vocat filios Israël, *ἁδὸν πατριούσιον*. Sunt autè planè similia *ἐπιούσιος*,

Deut. 7. 14.  
10.

*θεοοσίος*, & *πατριούσιος*: vt etiam Latina, Super substantialis, & Consubstantialis. Alteram calumniam Patres apertissimè confutarunt, atque ostenderunt, non fuisse inuentum hoc nomen in Nicæno Concilio, sed fuisse etiam antea

antea in vsu Patrum. Nam Dionysius Rom. & Alexand. Theognostus, & Origenes hoc nomine vsi sunt. Videtur autem hoc nomen diuinitus inuentum: siquidem destruit simul contrarias hæreses Arij, & Sabellij. Nam non dicitur *ὑποούσιος* de ijs, quæ quomocunque habent similem essentiam, sed de ijs tantum, quorum vnum est ab altero, & ab illo recipit eandem essentiam. Sabellij fatebatur Patrem, & filium habere eandem essentiam, sed negabat vnum esse ab alio: Ariani fatebantur filium esse à Patre, sed negabant accepisse eandem essentiam.

*Hypostasis* significat primam substantiam, quam vniuersè dicimus suppositum, & in natura intelligente personam. Distinguitur autem ab essentia, quòd hæc significatur per modum formæ totalis existentis in alio: Hypostasis autem significatur per modum totius, quod non in alio, sed in se, & per se existit. Ex quo sequitur, Hypostasin non addere ad essentiam aliquem gradum naturæ, aut actum, sed solum modum essendi. Ipsa enim essentia, si re ipsa existat, & non sit in alio, vt pars in toto, vel vt forma in subiecto, dicitur Hypostasis. Ex quo iterum sequitur, essentiam esse communicabilem; Hypostasin incommunicabilem: repugnat enim, vt, quod est in se, sit in alio. Nam esse in alio, est non esse in se: ex quo vltimo sequitur, Hypostasin superaddere essentia: proprietatem aliquam, id est, aliquid, seu aliquem modum, ratione cuius incommunicabilis fiat. Hæc igitur vox, licet quibusdam suspecta videretur, vt quæ ad significationem substantia:, id est, essentia:, trahi posset: tamen omnino recipienda est, & rurò dici possunt in Deo tres Hypostases. Et prob. 1. ex Apostolo, vbi dicit de filio: *Qui cum sit splendor gloriæ, & figura substantia: eim:* Græcè *Κατὰ τὴν τῆς ὑποστάσεως εἰκόνα*. Vbi nomine Hypostaseos, licet aliqui essentiam intellexerint, tamen alij rectius acceperunt personam paternam: non enim filius est imago essentia:, sed personæ. Illius enim est imago, cuius est filius: imago enim distinguitur ab exemplari vt res producta à producente. Prob. 2. ex vsu Ecclesiæ, & Patrum.

*Substantia* nomen ambiguum est. Nunc enim Hypostasin, nunc essentiam significat. Quocirca in rigore dici possent in Deo tres substantia:, præsertim cum hoc vocabulo vsus sit vulgatus interpres epist. ad Hebræos: tamen absolute negandæ sunt in Deo tres substantia:, & vna asserenda, quia communis vsus Latinorum accipit substantiam pro essentia: nam semper Aristoteles in prædicamento substantia: *ὕλην* vocat, quam nos dicimus substantiam.

*Persona* nomen, quamuis sæpe pro qualitate, & larua histrionum accipitur, tamen etiam pro substantia prima à Script. & Patribus accipi, non ignoramus. Nam & in Script. passim legimus, Deum non esse acceptorem personarum, in quibus locis persona significat ipsam hypostasin humanam. Nam tunc est acceptio personarum in distributione præmiorum, quando, qui distribuit, non respicit merita hominum, sed ipsos homines, id est, tribuit plus vni, quàm alteri, non quia ille plus meretur, sed quia illam personam plus diligit. Præterea, Patrem, Filium, & spiritum sanctum, tres personas vocant Patres. In d. & Grammatici hoc modo accipiunt nomen personæ.

*Propria: Relatio, Notio*, non sunt nomina script. tamen ex script. colliguntur per euidentem consequentiam. Nam si filius est *υἱογενής*: ergò proprium est

*Hypostasis**Hebr. 1.**Substantia**Hebr. 1. 3.  
Cp 11.**Persona**Ab. 10.  
Rom 2.  
Cp alibi.**Propria: Relatio,  
Notio.  
Rom. 1.**est*



Prob. 2.

Gen. 1.

Gen. 3.

Gen. 11.

Gen. 19.

Ose. 1.

Zach. 3.

Apud Hilari  
I. de Synodu.

Ioan. 10.

Ioan. 14.

Prob. 5.

Exod. 3.

Num. 6.

Deut. 6.

Psal. 66.

Psal. 135.

Isa. 6.

Prob. 6.

Ioan. 8.

Ioan. 15.

1 Ioan. 5.

Prob. 7.

4. Argumentum ex eo sumitur, quòd Script. inducit Deum loquentem in numero multitudinis, vel loquentem de Deo; tanquam de alià personà. Dixit Deus: *Faciamus hominem ad imaginem nostram.* Et: *Ecce Adam quasi vnus ex nobis factus est.* Et: *Venite, descendamus, & confundamus linguam eorum.* Et: *Pluit Dominus à Domino.* Et: *Dicit Dominus: saluabo eos in Domino Deo suo.* Et: *Dixit Dominus ad Satan: Increpet te Dominus, ô Satan.* Et licet Rabbini hæc omnia eludant, dicentes esse phrasas linguæ, & difficile sit eos conuincere; tamen apud Catholicos habent suam auctoritatem, quia Patres passim his argumentis vtuntur, & Concilium Syrmiense dicit anathema ijs, qui aliter explicant loca citata ex Gen.

Præterea; habemus alia loca in Testam. nouo, quæ nullâ ratione possunt eludi. *Ego, & Pater vnum sumus.* Et: *Ad eum veniemus, & mansionem apud eum faciemus.* Nec enim vna, & eadem persona, quæ plura nomina, vel officia habeat, verè dicere potest, ratione eorum nominum, vel officiorum: Nos faciemus; aut; Nos veniemus.

V. Argumentum sumitur ex eo, quòd Script. sæpe de Deo loquens, vtitur numero ternario: *Ego sum, qui sum, qui est, misit me ad vos.* Ibidem: *Ego sum Deus Abraham, Deus Isaac, Deus Iacob.* Et: *Sic benedicetis filiis Israël: Benedicat tibi Dominus, & custodiat te: ostendat Dominus faciem suam tibi, & misereatur tui: conuerstat Dominus vultum suum ad te, & det tibi pacem.* Et: *Dominus Deus, Dominus vnus est.* Et: *Benedicat nos Deus, Deus noster, benedicat nos Deus, & metuant eum omnes fines terræ.* Et: *Constitemini Domino, quoniam bonus, constitemini Deo Deorum, constitemini Domino Dominorum.* Et: *Sanctus, sanctus, sanctus Dominus Deus.* Vbi notandum, Deum in Testam. veteri noluisse proponere mysterium Trinitatis expressè, quia Iudæi incapaces erant, & quia recens exierant de Ægypto, vbi colebantur multi Dij, & intraturi erant in terram Chanaan, vbi etiam multi habebantur Dij, ne videlicet putarent, sibi etiam tres Deos fore colendos: voluisse tamen Deum adumbrare hoc mysterium, idque multis modis, vt, cum in Testam. nouo prædicaretur, non videretur omnino nouum, vel repugnans Testam. veteri.

VI. Argumentū sumitur ex numeris binario, & ternario in Script. expressis. *In lege vestrà scriptum est, quia duorum hominū testimonium verum est, ego sum qui testimonium perhibeo de me ipso, & testimonium perhibet de me, qui misit me, Pater.* Vbi aperte se, & Patrem, duos testes facit. Et de Spiritu S. addit: *Ille testimonium perhibebit de me.* Et: *Tres sunt, qui testimonium dant in cælo: Pater, Verbum, & Spiritus S.* Vltimò, addi possunt congrue itæ naturales, quæ non demonstrant fidem, sed eâ suppositâ ostendunt id, quod, asserimus, non esse contra rationem.

I. Est: Summi & infiniti boni est, se summè, & infinitè communicare. Non autem Deus se summo, ac infinito modo communicat in productione creaturarum.

II. Est: Perfecta beatitudo comprehendit omnia bona: & vnum, & quidè insigne bonum est consortium æqualium personarum.

III. Generare sibi simile est perfectio, quæ non debet abesse à Deo, qui est vndeque perfectus.

IV. Me-

IV. Melius est, ab æterno Deum aliquid produxisse, quàm otiosum fuisse.

V. Quia inuenitur vna natura in hypostasi, vt in quolibet Angelo; plures in pluribus, vt in multis Angelis; plures in vnâ, vt in homine, vbi duæ naturæ, anima, & caro, vna spiritualis, altera corporalis, in vnam hypostasim humanam conueniunt; credibile est, esse quoque vnam naturam, id est, diuinâ in pluribus hypostasibus; hoc est, in Patre, & Filio, & Spiritu sancto.

VI. Ratio sumitur ex vestigijs, quæ Deus impressit quodammodo in creaturas. Nam res omnes ita affectant numerum ternarium, vt planè omnia clamare videantur, auctorem suum esse Trinitatem, quæ omnia fecit in pondere, numero, & mensurâ. Primo tres solum sunt passiones omnibus rebus communes, vnum, verum, bonum. Deinde; Tota rerum vniuersitas distribuitur in tres partes: quidquid enim est, aut spirituale est, aut corporale, aut mixtum ex vtroque. Res spirituales in tres Hierarchias diuiduntur: singulæ Hierarchiæ in tres ordines: singuli verò spiritus Angelici, non tam vestigiū, quàm imaginem Trinitatis referunt, cū tribus sint prædicti facultatibus, memoriâ, intelligentiâ, voluntate; atque in eis ex mente nascatur notitia, ex notitiâ amor procedat. Porro in rebus corporalibus penè innumerabilia reperiuntur vestigia Trinitatis.

Probandum secundo est in particulari, Filium distingui à Patre, propter eos, qui Filium *ἀποθύον* esse dicunt, id est, Deum à seipso esse, non à Patre. Nā is modus loquendi Caluini, Filium habere à se essentiam, simpliciter est repudiandus, & contrario modo loquendum est.

Prob. 1. *filium  
distingui à  
patre.*

Primo repugnat is modus loquendi cum verbo Dei. Legimus enim: *Pater dedit Filio vitam habere in semetipso.* Et: *Ego vivo propter Patrem.* At, si vitam dedit Pater Filio, certè & essentiâ. Idem enim in Deo est, esse, & viuere, Item; *Omnia mihi tradita sunt à Patre meo.* Cur nō & essentiâ? Et: *Ego scio eum, quia ab eo sum.* Et: *Sicut docuit me Pater, loquor in mundo, & quæ audiui à Patre meo,* &c. At non potest intelligi, quomodo Pater tradiderit Filio scientiam, nisi tradendo essentiam.

*Iohn. 5.  
Iohn. 6.  
Matth. 11:  
Iohn. 7.  
Iohn. 8.*

Pugnat etiam eum Concilijs. Nam omnia ferè Concilia, post Nicænum, receperunt Symbolum Nicænum cum illis verbis: *Deum de Deo, lumen de lumine;* vt Sardicense, Constantinop. I. Ephesinum I. & omnia alia.

Prob. 2.

Pugnat tertio cum doctrinâ Patrum. Pugnat denique cum ratione, & cum ipsâ Caluini sententiâ. Nam, si ipse asserit, Patrem communicasse Filio essentiam, quomodo potest verè dicere, Filium habere à se essentiâ? Item, si dicat, Filium esse productum à Patre, quomodo potest negare, essentiam, & vitam in Filio esse à Patre? Nec enim Filius dicitur sola proprietate, sed integra Hypostasi.

Prob. 3.  
C. 4.

Probandum est tertio in particulari Spiritum S. procedere à Patre. Prob. primo ex Script. *Omnia, quæ habet Pater, mea sunt.* Et: *Omnia tua mea sunt.* Ex quibus verbis ita concludi potest argumentum. Quidquid Pater habet, etiam & Filius, exceptâ solâ relatione paternitatis: sed Pater habet esse principium Spiritus sancti. Ergo & Filius id ipsum habet. Ex quo manifestè sequitur, esse etiam Filium spiratorem Spiritus sancti. Nam hoc non est esse Patrem; & tamen habet hoc Pater, vt sit spirator.

Prob. 1. *Spi-  
ritum S. à  
patre proce-  
dere.  
Iohn. 16.  
Iohn. 17.*

Deinde; Si Pater, & Filius non haberent omnia communia, exceptâ rela-



tione opposita, distinguerentur plusquam relatione; & proinde distinguerentur substantia. Nam Pater, vt spirator, non est relatiuum ad Filium: ergò, si, vt spirator, distinguitur à Filio, distinguitur per spirationem, non vt est relatio, sed vt est forma quædam in Patre subsistens; proinde Pater, & Filius in substantia differrent, quæ est hæcæsis Ariana.

Ioan. 16.

Item: *Ille me clarificabit, quia de meo accipiet, & annuntiabit vobis.* Quid, quæso, accipiet in Filio spiritus, nisi scientiam? Nam paulò antè dixit: *Non enim à seipso loquetur, sed quacunque audiet, loquetur:* Et de scientia exponunt Patres. Quomodo autem potest spiritus accipere à Filio scientiam, nisi accipiendo ab illo essentiam? Quidquid enim aliud dicatur, fiet spiritus sanctus creatura.

Ioan. 16.

Ioan. 15.

Item: *Si non abiero, paraclætus non veniet ad vos: si autem abiero, mittam eum ad vos.* Et: *Cùm venerit paraclætus, quem ego mittam vobis à Patre.* Omnis missio, aut est per imperium, quomodo mittuntur serui à Dominis; aut per consilium, quomodo mitti dicuntur, qui instruuntur à sapientioribus; vt, cùm mittuntur ægroti à medico ad capiendam medicinam: aut per naturalem productionem; quomodo arbores mittere dicuntur radices, emittere flores, &c. Certum est autem, spiritum sanctum non posse mitti, vt seruum, vel ignorantem à potentiore, vel sapientiore: constat enim inter nos, & Græcos, spiritum sanctum esse Deum. Ergò missio eius erit intelligenda secundum productionem.

Ioan. 20.

Rom. 8.

Gal. 4.

Rom. 8.

Matth. 10.

Prob. 2.

¶ 3.

Item: *Insufflauit, & dixit: Accipite spiritum sanctum.* Hæc enim caremoniâ, vt exponunt Patres, significare voluit Christus, à se procedere spiritum sanctum. Item: *Si quis spiritum Christi non habet, hic non est eius.* Et: *Quoniam esset Filius Dei, misit Deus spiritum Filij sui in corda vestra, clamantem, Abba Pater.* Cur enim dicitur spiritus sanctus spiritus Filij? Certè non quia est seruus eius, vel quia est frater eius; sed quia spiratur ab eo: quomodo etiam dicitur spiritus Patris. *Si spiritus eius, qui suscitauit Iesum, &c. Et spiritum Patris vestri loquitur in vobis.*

Prob. I I. Testimonijs Conciliorum, & Patrum Latinorum, & Græcorum.

Prob. denique ratione. Præcipua autem S. Thomæ est hæc: si spiritus sanctus non procederet à Filio, non distingueretur ab illo: hoc autem est contra fidem, quia tunc esset dualitas, non Trinitas. Igitur procedit à Filio spiritus sanctus.

Propositio prob. Omnis distinctio in Deo nascitur ex relationibus originis: at, si spiritus non procederet à Filio, non esset inter eos relatio originis. Ergò, si spiritus non procederet à Filio, non distingueretur ab eo.

Huius argumenti prob. iterum propositio. Nam in Deo nihil est, nisi essentia, & relatio, siue absolutum, & relatiuum: sed essentia, & omnia absoluta sunt communia: ergò sola relatio distinguit. Vnde in Concilio Toletano X I. dicitur, in solis relationibus numerum cerni: proinde omnem distinctionem ex relationibus ortum ducere: vbi enim non est distinctio, nec numerus esse potest.

C. 1.

C. 2.

Præterea; si non essent communia tribus personis omnia absoluta, non essent tres personæ vna res, vt docet Concilium Lateran. Item, non possemus defendere Dei simplicitatem; nec possemus ostendere, nullam perfectionem

nem esse in vna persona, quæ non sit in alia. Quare dubitari non debet, quin sola relatio distinguat Trinitatem. Rursum; Non quælibet relatio sufficit ad distinctionem faciendam: nam relationes non oppositæ non distinguunt, vt patet, quia in vno Patre sunt duæ relationes, paternitas, & spiratio actiua; & tamen non distinguunt duas personas. Rursum; Non quælibet oppositæ distinguunt, sed reales esse debent. Nam relatio identitatis dicit oppositionem, sed non distinguit, quia non dicit oppositionem realem. Rursus; Relationes oppositæ, & reales, vel fundantur super quantitate, vt æqualitas, vel super qualitate, vt similitudo; vel super actione, vt paternitas, & filiatio: sed in Deo non sunt relationes reales fundatæ in quantitate, aut qualitate. Ergo solum remanent relationes fundatæ in actione, quæ dicuntur relationes originis, quæ distinguere possunt personas. Prob. assumpt. Nam in Deo est quidem æqualitas, & similitudo, sed quia fundamentum omnium horum est sola essentia, quæ est vna numero, ideò istæ relationes rationis sunt, non reales. Non enim possunt esse relationes reales, vbi non sunt fundamenta proxima distincta realiter. Et licet æqualitas, & similitudo in Deo essent relationes reales, vt vult Scotus; tamen adhuc non posset inde sumi distinctio personarum. Nam Scotus putat, ad hoc, vt sint relationes reales, non requiri distincta fundamenta, sed sufficere distincta relationum subiecta: & quoniam Pater, & Filius sunt extrema realia, ideò putat, eorum æqualitatem, & similitudinem esse relationes reales. Itaque secundum hanc sententiam non sunt distinctæ personæ, quia æquales, aut similes sunt reali relatione æqualitatis, vel similitudinis; sed è contrario, ideò reali relatione sunt æquales, aut similes, quia distinctæ personæ sunt. solæ igitur relationes originis distinguunt: & inde sequitur, vt iam probatum est, aut Spiritus S. originem ducere à Filio, & ad eum referri relatione originis, quod est ab ipso procedere, aut certè ab eo non distingui, quod ne Græci quidem vnquam docuerunt.

Probandum 4. rectè additionem factam in symbolo, *Filiq.*. Ac primum debuisse Latinos explicare symbolum, prob. Nam necessarium est ad salutem, non credere, spiritum s. à solo Patre procedere: ergo ortà hæresi, quæ docebat, spiritum à solo Patre procedere, debuit adhiberi remedium per explicationem, quia debent tolli occasiones errandi. Prob. Antec. Nam Athanasius, vbi posuerat, à Patre, & Filio, &c. dicit: *Hæc est fides Catholica, quam nisi quisque integrum, inuiolatamq. serauerit, in æternum peribit.* Prob. 1. debuisse Latinos explicare Symbolum.

Prob. etiam ex decreto Concilij Florent. Denique ratione. Nam credere, spiritum non esse à Filio, est, vt demonstrauius, error contra script. Ergo necessariò est vitandus. Est tamen obseruandum, non semper necessarium fuisse, non credere, non esse à Filio Spiritum sanctum. Nam antequam oriretur, & definiretur quæstio, satis erat credere, Spiritum à Patre procedere, in quod includebatur etiam, quòd procederet à Filio: nec erat opus quærere, an à Filio procederet, nec ne; non enim tenemur omnia scire, sed tamen tenemur posituè nunquam asserere errores. Itaque posteaquam mota est quæstio, & multi cepcrunt errare, necesse fuit remedium adhibere. Et hoc ipsum etiam definiuit Concilium Florent.

Deinde, potuisse hanc explicationem à Latinis sine Græcorum consensu fieri;

# 34 DE CHRISTO, CAPITE TOTIVS ECCLESIAE:

Prob. primo  
possisse.

Ioh. ult.

fieri, prob. primo, Papa Rom. est pastor, & Doctor totius Ecclesie, vt in ipso Concilio Florent. Græci confelsi sunt, & patet ex illo: *Pasce oves*; Ergo potest ipse etiam sine Concilio definire res fidei. Nam quia pastor, & doctor vniuersalis est, non potest errare, cum docet ex cathedra: alioquit tota Ecclesia erraret, quæ illum sequi teneretur: definire autem res fidei, ad illum pertinet, qui non potest errare.

Prob. 2.

Secundò etiam si Papa non esset Pastor totius Ecclesie, nec posset definire controuersias fidei sine Concilio, tamen non propterea requireretur Concilium Græcorum, & Latinorum, sed sufficeret Concilium aliquot Episcoporum ab ipso Rom. Pontifice conuocatum. Est enim ipse, vt minimum, primæ sedis Episcopus, & sine ipso Concilia non habent robur, & cum ipso habent. Nam firmitas Conciliorum non oritur ex multitudine, & diuersitate Episcoporum, sed ex connexione cum sede Petri, cui dictum est: *Rogau pro te, vt non deficiat fides tua.* Id quod etiam exemplat estantur. Nam Concilium Ariminense habuit DC. Episcopos, partim Græcos, partim Latinos; & tamen, quia Rom. Pontifex disensit, semper est habitum erroneum ab omnibus, tam Græcis, quàm Latinis. Contrà, Concilium II. CL. Episcoporum Græcorum, in quo nullus fuit Latinorum, quia à Pont. Damaso fuit confirmatum, à quo Ariminense fuerat reprobatum, semper habitum est in honore.

Prob. 3.

Tertiò etiam si Papa non esset caput totius Ecclesie, nec primæ sedis Episcopus sed vnus Patriarcha nihilo maior ceteris, adhuc Græci non posset cõqueri propter istam additionem. Nam vel est quæstio de fide, vel de ritu: id est, vel uolunt Græci hanc additionem, quia est falsâ, & contra fidem; vel quia licet sit vera, tamen non placet illis in Symbolo. Si est quæstio de ritu, certè sicut multi sunt alij ritus diuersi Græcorum, & Latinorum, & non propterea fieri debet scisma; ita etiam ritus iste tolerari poterat, sine scismate. Præterea, potest vnus Episcopus in suâ Ecclesiâ aliquem ritum institueri sine consensu aliorum; quantò magis tota natio Latinorum simul? Si autem est quæstio de fide, non possunt Concilia prouincialia, vel nationalia aliquid ita definire, vt statim debeat ab omnibus recipi, tamen possunt definire, & alij non debent conqueri, sed probare, si viderint rem esse benè definitam, sin minùs, conuocare maius Concilium. Nam ita sæpissimè factum videmus in Ecclesiâ. Hæresin Pauli Samosatani damnauit Concilium Antiochenum paucorum Episcoporum, nec alij multò plures in toto mundo conquesti sunt, sed ratum habuerunt. Hæresin Macedonij damnauit Concilium Constantinop. in quo nullus fuit Latinorum, nec Latini conquesti sunt, sed probauerunt. Hæresin Pelagij damnarunt Concilia prouincialia, Mileuitanum, & Carthaginense, nec vllus propterea fecit scisma, quia non fuisset vocatus. Hæresin Nestorij damnauit Concilium Ephesinum, antequam adessent Latini, quos Pont. Celestinus mittebat; non tamen Latini conquesti sunt, sed voluerunt cognoscere rem gestam, & cognitam approbarunt. Et huiusmodi sunt infinita exempla. Græci ergo non possunt conqueri, quòd sine ipsis quæstio definita est, præsertim cum post illam definitionem sint vocati ad Concilia generalia non semel, neque bis, sed sæpius, & rursum quæstio proposita, & discussa sit ipsis præsentibus.

CAP.

## CAPVT QVARTVM.

## De Incarnatione Christi.

**P**rimum, probandum est, duas esse in Christo naturas contra primam Eutychetis errorem. Prob. ex illis verbis: *Nemo ascendit in celum, nisi qui descendit de celo, Filius hominis, qui est in celo.* Certè iste, qui loquebatur, & videbatur, & Filium hominis se dicebat, secundum eam naturam, per quã videbatur, & loquebatur, & Filius hominis erat, non erat tunc in celo, sed tantum in terrã, id est, in domo Nicodemij; neque erat Deus, sed homo, quia Deus non potest audiri, videri, tangi corporeis sensibus. Neque descenderat de celo, sed natus erat in terra ex muliere. Et tamen iste idem asserit, se de celo descendisse, & etiam tunc, cum loquebatur in terrã, dicebat se esse in celo. Ergo alteram naturam Christus habuit præter humanam, secundum quam potuit esse in celo, quando secundum humanam erat in terrã. Item ex illis: *Non solum solvebat Sabbatum, sed etiam Patrem suum dicebat Deum, æqualem se faciens Deo.* Et: *Ego, & Pater vnum sumus.* Vnde Pharisei rectè collegerunt, Christum ea verba se Deum asserere voluisse. At: *Pater, inquit, maior me est.* Non autem potest villo modo fieri, vt secundum eandem naturam esset Patri æqualis, immò vnum cum illo, & tamen minor Patre.

Præterea; *Antequam Abraham fieret, ego sum.* At ille idem natus erat in diebus Augusti Cæsaris, & habuerat XXX. annos, anno X. Tiberij. Non autem potest fieri, vt idem secundum idem fuerit ante Abraham, & post Abraham. Thomas etiam, postquam viderat, & tetigerat Domini cicatrices, exclamavit: *Dominus meus, & Deus meus.* At certè, quod viderat, & tetigerat, non erat Deus, & tamen ipsum ipsum Deum, & Dominum confitetur, cuius carnem tetigerat. Igitur ille & Deus, & homo erat. Quod etiam apertè docet sanctus Petrus: *Dextera igitur Dei exaltatus, effudit hoc donum quod vos videtis, & auditis.* Nam exaltari non est Dei, sed creature: effundere Spiritum sanctum non est creature, sed Dei.

Item, Paulus sic ad Episcopos loquitur: *Spiritus sanctus posuit vos regere Ecclesiam Dei, quam acquisiuit sanguine suo.* At Deus, vt Deus, non habet sanguinem: nam spiritus est Deus, & qui habet sanguinem, vt sic, non est Deus: ergo qui est Deus, & sanguinem effudit, necessariò habet duas naturas. Et: *Quorum Patres, inquit, ex quibus est Christus secundum carnem, qui est super omnia Deus benedictus in secula.* Hic Apostolus dicit, Christum esse ex parentibus Iudeis secundum carnem, & tamen simul esse Deum super omnia, nimirum secundum diuinitatem. Denique, Idem Paulus, asserit, Christum, *cum in formã Dei esset, formam serui accepisse.*

Iam verò, quod illa natura non sit permixta, nec sit diuinitas versa in humanitatem, contra secundum errorem, prob. Nam tota Script. clamat, esse permixtum Deum & h.

*Malach. 3.* Deum esse immortalem, & incorruptibilem. *Ego Dominus, & non mutor.* Et: *Non est Deus vt filius hominis, vt mutetur.* Et: *Apud quem non est transmutatio.* Et: *Regi seculorum immortalis, & immutabilis, &c.* Et: *Qui solus habet immortalitatem, &c.*

*Ioc. 1.* Non esse autem diuinitatem natam, passam, mortuam, vt tertius error asserit, tum ex dictis colligitur, nam qui est immutabilis, & immortalis, nec in tempore nasci, nec mori villo modo potest secundum id, vnde est immortalis, & immutabilis: tum etiam, quia Script. cum docent Christum in tempore natum, passum, & mortuum, addunt, secundum carnem; quâ voce clarè indicant, Christum non esse natum, nec passum, nec mortuum secundum diuinitatem. *Qui factus est ei ex semine David, secundum carnem.* Et: *Ex quibus est Christus secundum carnem.* Et: *Mortificatus quidem carne, &c.* Et: *Christo igitur in carne passio.* &c. Accedant testimonia Patrum.

*Rom. 1.* Quod autem Christi caro sit eiusdem speciei cum nostra, contra quartum errorem; & Christum non simulatoriè, sed verè natum, passum, mortuum esse, nullo negotio probari potest. Nam Beata Virgo dicitur peperisse Filium suum primogenitum: quomodo autem potuit Virgo Christum habere Filium, si Christi caro, non fuit vera caro ex carne Virginis concepta? Item,

*Heb. 2.* *Paulus: Quia pueri communicauerunt carni, & sanguini, & ipse participauit eisdem.* Quid quæso est, *eisdem*, nisi eiusdem naturæ carni, ac sanguini? Iam verò euangelia, & Apostolorum epistolæ, nonne plurimorum mendaciorum argui deberent, cum passim Christum hominem, & hominis filium vocent, & matrem, atque cognatos habuisse, nec non esuriuisse, comedisse, ambulasse, fatigatum esse, denique passum, mortuum, suscitatum, affirmet? Nec enim aliquid horum de phantasmate verè affirmari potest. Nec solùm Script. Christum hominem vocant ante resurrectionem, sed etiam postea: *Video cælos apertos, & filium hominis stantem à dextris Dei.* Et Paulus: *Statuit Deus diem, in quo iudicaturus est orbem in viro, quem designauit, &c.*

*1. Cor. 15.* Deinde, Si Christus non verè mortuus, nec verè resurrexit: ergò non verè nos redemit, & adhuc sumus in peccatis nostris, vt Apostolus dicit. Denique, cum discipuli suspicarentur phantasma esse, videl spiritum, quod videbant non verum hominem, Dominus ait: *Palpate, & videte quia spiritus carnem, & ossa non habet, sicut me videtis habere.* Idem etiam prob. ex Concilij & Patribus.

*Prob. 1. vna in Christo persona.* Probandum est secundo, vnam in Christo esse personam contra Nestorium, & non purum hominem, sed ipsum Deum verum, secundum carnem, de Virgine natum, passum in cruce, ac mortuum esse. Ac primùm omnia testimonia, quæ supra protulimus ad probandum, Christum esse verum Deum; non minorem vim habent aduersus Nestorium.

*Matth. 16.* Præterea, Nouum Testamentum plenum est testimonijs. *Quem dicunt homines esse filium hominis? Respondit Petrus? Tu es Christus Filius Dei viui.* Vbi apertè B. Petrus ipsum filium hominis, filium Dei viui esse confitetur. Et: *Ideoque & quod nascetur ex te sanctum, vocabitur Filius Dei.* Ille igitur ipse, qui natus ex Virgine, non aliquis alius, verè vocatur, & est Filius Dei. Et: *Nemo ascendit in cælum, nisi qui descendit de cælo, Filius hominis, qui est in cælo.* Hunc enim locum non facile est aliter exponere, quàm Patres exposuerunt, nimirum quod Domi-

nus

nus et eundem asserat Filium hominis, & Filium Dei. Et: *Ego, & Pater vnum sum* Ioan. 10.  
*mus*. Quæ certè verba humanæ personæ conuenire non possunt; ac propterea  
 ille homo Christus, qui tunc loquebatur, non Verbi templum tantummodo,  
 sed Verbum ipsum erat. Et Dominus de cæco paulò ante illuminato: *Tu credis* Ioan. 9.  
*in Filium Dei?* Respondit ille: *Quis est, Domine, ut credam in eum?* Dixit ei Iesus: *Et vidisti*  
*eum, & qui loquitur tecum, ipse est.* At ille ait: *Credo, Domine: & prociðens adorauit eu* 4.  
 Non poterat sanè Dominus apertius demonstrare, vnam esse personam Filij  
 Dei, & Filij hominis. Nam illum ipsum, quem cæcus illuminatus vidit, audi-  
 uit, adorauit, Filium Dei appellari videmus. Dixit etiam Thomas Domino,  
 quem videbat: *Dominus meus, & Deus meus*. Nam & ipse S. Ioannes scribens Ioan. 10.  
 contra Cherinthum eadem hæresi laborantem, mox subdit: *Hæc autem scripta*  
*sunt, ut credatur, quia Iesus est Christus, Filius Dei*, id est, ut non diuidatis Christum  
 in duas personas, in Filium Dei, & Filium hominis; sed credatis, Iesum Fi-  
 lium Mariæ eundem esse Christum, Filium Dei. Iam Apostolus: *Qui proprio* Rom. 8.  
 inquit, *Filius non pepercit, sed pro nobis omnibus tradidit illum*. Quid clariùs? Et: *Ex* Rom. 9.  
*quibus est Christus secundum carnem, qui est super omnia benedictus in sæcula, Amen*.  
 Ille igitur Christus homo, qui filius erat Abrahæ secundum carnem, non Dei  
 templum, aut instrumentum erat, sed ipse Deus verus, super omnia benedi-  
 ctus in sæcula. Et: *Qui cum in forma Dei esset, non rapinam arbitratus est, esse se aqua-* Philip. 2.  
*lem Deo, sed exinaniuit semetipsum, formam serui accipiens*. Et infra: *Humiliauit*  
*semetipsum, factus obediens usque ad mortem*. Et: *Si enim cognouissent, nunquam Domi-* 1. Cor. 2.  
*num gloriæ crucifixissent*. Hinc habemus, illud ipsum Verbum, quod est apud Pa-  
 trem in forma Dei, hominis formam accepisse, atque in eo crucifixum, &  
 mortuum esse. Rursum Apostolus, cum ait: *Vnus Dominus Iesus Christus, per quem* 1. Cor. 8.  
*omnia*. Illud: *Per quem omnia*, idem significat, quod Ioannes illis verbis: *Om-* Ioan. 1.  
*nia per ipsum facta sunt*. Quæ de verbo Dei omnium consensu intelliguntur.  
 Itaque Apostolus dicere voluit, vnum, & eundem esse Iesum Christum, de  
 Maria natum, & illum Filium Dei, per quem omnia facta sunt. Et clarissimè:  
*Multifariam, multisq; modis olim loquens Deus Patribus in Prophetis, nouissimè diebus* Heb. 1.  
*istis locutus est nobis in filio, quem constituit heredem vniuersorum, per quem fecit & se-*  
*cula*. Vbi, cum dicit: *Locutus est nobis in filio*, de Christo homine loquitur: & ta-  
 men de eodem dicit: *Per quem fecit & secula*. Et: *Decebat eum, propter quem omnia,* Heb. 2.  
*& per quem omnia, per passionem consummari*. Et infra: *Quia ergo pueri communicate-*  
*ruut carni, & sanguini, & ipse participauit eisdem, ut per mortem destrueret eum, qui*  
*mortis habebat imperium*. Vbi dicit, eum, propter quem, & per quem omnia, id est, ve-  
 rum Deum, qui est principium, & finis omnium rerum, mori debuisse pro  
 nobis, & ut verè mori posset, quomodo nos morimur, participasse carnem,  
 & sanguinem eo modo, quo nos participamus, id est, verè factum esse homi-  
 nem, ut nos sumus.

Præterea; Ioannes nihil aliud ferè docet, quàm vnam esse Dei, & hominis  
 in Christo personam: *Quod fuit ab initio, quod audimus, quod vidimus oculis nostris*, 1. Ioan. 1.  
 &c. Ait, se vidisse oculis corporalibus verbum, quod fuit ab initio: quod non  
 potest esse verum, nisi ratione vnitatis personæ. Et: *Quæ est mendax, nisi qui ne-* 1. Ioan. 2.  
*gat, quoniam Iesus est Christus*, id est, qui diuidit Salvatore in duos, ut Cherin-  
 thus, & Nestorius faciunt. Et: *In hoc cognouimus charitatem Dei, quoniam ille ani-* 1. Ioan. 3.

*man suam pro nobis posuit.* Quid est, Deus pro nobis animam posuit, nisi pro nobis mortuus est? Non igitur alius est Dei Filius immortalis, alius Mariæ Filius, qui mortem pertulit, sed vnus, & idem, qui quâ Filius Dei, semper immortalis, quâ Filius Mariæ, aliquando mortalis fuit. Et: *Omnis spiritus, qui soluit Iesum, ex Deo non est, & hic est Antichristus.* Et infra: *Quisquis ergo confessus fuerit, quoniam Iesus est Filius Dei, Deus in eo manet.* Et: *Quis est, qui vincit mundum, nisi qui credit, quoniam Iesus est Filius Dei?*

1. Ioan. 4.

1. Ioan. 5.

Prob. 2. &amp; 3.

Prob. secundo veritas ex omnibus Symbolis fidei, Apostolorum, Nicæno, Constantinopolit. Athanasij.

Prob. 3. ex Concilijs, & Patribus.

Qualis.

3. Ostendendum est; *In quo consistat vnio hypostatica duarum naturarum?* Vera sententia est, vniri hypostaticè Deum, & hominem, nihil aliud esse, quàm, naturam humanam non habere propriam subsistentiam, sed assumptam esse à Verbo æterno ad ipsam Verbi subsistentiam.

Resp.

Tribus modis  
plura vni  
untur,

Quod vt intelligatur facilius, obseruandum est, tribus modis posse plura aliqua vnio: primo essentialiter, cum videlicet ex pluribus sit vna essentia: quomodo vniuntur materia, & forma, genus, & differentia. Et hoc modo nō est facta vnio incarnationis, vt patet, tum quia vna esset in Christo natura, & illa nec esset diuina, nec humana, sed tertia quædam; tum etiam, quia vnio essentialis nunquam fit, nisi ex imperfectis naturis, vel si ex perfectis, per corruptionem, aut conuersionem aliquam: in Christo autem sunt duæ naturæ perfectæ, & integræ. Secundo accidentaliter, vt cum accidentia subiecto adiunguntur, vel cum substantia substantiæ copulatur, sed ex hac copulâ nō exurgit, nisi forma accidentalis; vt cum ex lapidibus, vel lignis fit domus. Et hoc etiam modo non est facta vnio hypostatica, quia Deus nec potest accidēs esse, nec accidentium subiectum. Tertiò substantialiter, vt cum substantia, quæ aliqui per se existeret, trahitur ad esse alterius suppositi, & ab illo pendet, tanquam pars ipsius: & hoc modo facta est incarnatio.

Similitudi-

Et licet nullum sit exemplum omninò simile, tamen aliqua dantur à Doctoribus, quæ vtcumque rem explicant. Primum est de animâ, & corpore. Nam anima rationalis extra corpus per se subsistit, & corpus etiam, antequam animeretur, per se subsistit, & tamen, quando vniuntur, vna tantum est vtriusque subsistentia. Sed hoc exemplum valdè deficit, tum quia anima, & corpus sunt naturæ imperfectæ; tum etiam, quia faciunt vnam naturam; tum denique, quia neutrum trahit alterum ad suam subsistentiam, sed vtrumque pendet à tertiâ subsistentiâ, quæ est totius compositi. In hoc autem mysterio Verbum in se perfectè subsistens trahit ad se humanam naturam. Secundum est de homine, in quo sunt duæ formæ accidentales, vt ars medicinx, & iuris prudentiæ. Vnum enim suppositum est, suscipit tamen varias appellationes, & varia opera facit, & communicantur idiomata. Deficit tamen ista similitudo, quia istæ formæ accidentales sunt, & proinde non trahuntur ad subsistentiam hominis; quod est in hac re præcipuè considerandum. Tertiò est de ferro ignito, quia ferrum candens est quid vnum, & tamen habet proprietates ferri, & ignis. Deficit tamen hoc in multis: nam in ferro candenti sustentatur calor à ferro, non contrâ; & tamen aduersarij volunt calorem referre

ferre Deum, & ferrum hominem. Item, calor non est substantia, sed acci-  
dens. Item, non fit communicatio idiomatum: non enim calor dicitur fer-  
rum, nec ferrum calor. Denique, non trahitur calor ad substantiam ferri,  
neque contrā. Quartum est de arbore, cui inferitur ramus alterius speciei.  
Existat exemplo pyrus, cui malus inferatur: illa certē pyrus substantia est  
prima, atque adeo verum suppositum, nec pendet ab illo ramo mali insito, &  
post insitionem sustentat ramum illum, qui alioqui per se existeret, & voca-  
tur iam pyrus, & malus, & facit pyra, & mala, & potest pyrus vocari malus;  
& contrā: & si ramus ille fortē siccetur, & deinde reuiuiscat, non propterea  
arbor pyri mutatur, sed omnis mutatio in illo ramo existit. Ita prorsus Ver-  
bum diuinum instar magnæ arboris suscipit ramusculum humanæ naturæ,  
suo trunco à cœlesti agricolâ mirabiliter insertum; inde fuit Verbum Deus, &  
homo, & opera, diuina. & humana faciebat, nec Verbum ab humanitate, sed  
humanitas à Verbo pendebat. Et cum paulò post per passionem, & mortem  
humanitas illa quodammodo exaruisset, ac deinde per resurrectionem flo-  
ruisset, nulla mutatio in Verbo facta est, sed omnis mutatio humanitatis fuit,  
Hæc tamen similitudo deficit in duobus. Nam & ille ramus non est perfecta  
arbor, sed pars arboris: non enim habet radices, truncum, & alia. Et ante-  
quam infereretur, per se existeret: natura verò humana, quam ramo inserto  
comparauimus, & perfecta natura est, & nunquam habuit propriam subsi-  
stentiam. Quod si diuinâ virtute aliquis ramus simul produceretur, & infer-  
retur, non deficeret similitudo, nisi in vno. Quoniam igitur similitudines  
omnes aliquo modo à veritate deficiunt, ideò Patres comparant mysterium  
Incarnationis mysterio Trinitatis, vt ex vnâ re singularem illustrent aliam  
aqué singularem. Vt enim singulare est, quoddam sint in Deo tres perfectæ Hy-  
postases cum vna sola, & simplicissima natura, ita singulare est, quoddam sint  
in Christo tres naturæ, Deitas, anima, & caro, cum vna simplicissima Hy-  
postasi.

His ita explicatis demonstrandum est, rem ita se habere, id est, vnionem  
Hypostaticam consistere in communicatione substantiæ Verbi, non in com-  
municatione attributorum Deitatis. Ac. I. patet ex dictis. Nam ostendimus *Prob. 1.*  
ex Script. in Christo vnâ esse personam, duasque naturas: at non potest hoc *Resp.*  
esse verum, nisi vna tantum sit in Christo substantia: nam si duæ essent, duæ  
essent personæ, cum persona sit natura intellectualis per se existens. Quod si  
in Christo vna tantum est substantia; ergo aut Verbum communicauit suam  
humanitati, aut contrā humanitas Verbo. Non autem communicauit Ver-  
bo substantiam suam humanitas, vt consentitur omnes; igitur communi-  
cavit Verbum substantiam suam humanitati, atque ita facta est vnio Hy-  
postatica.

Secundò prob. testimonijs grauiſsimorum Cōciliorum eorum, quæ etiam *Prob. 2.*  
ab aduersarijs recipiuntur. *Cap. 3.*

Tertiò prob. argumento Concilij Toletani VI. Solus Filius Dei est incar-  
natus: ergo vnio facta est per communicationem eius, quod est proprium Fi-  
lij, non eius, quod est commune alijs personis. Sed sola substantia Filij est  
propria Filio; attributa autem omnia essentialia communia sunt omnibus



tribus personis. Ergò vnio hypostatica facta est per communicationem soli-  
lius subsistentiæ.

Prob. 4.

Quartò, Pater æternus communicauit filio omnia sua attributa perfectis-  
simè, & multò perfectius, quàm Brentiani velint, eadem illa communicari  
à Filio Dei, Filio hominis: & tamen quia subsistentiam suam propriam non  
communicauit filio, non sunt vniti hypostaticè, sed distincti potius hyposta-  
ticè Pater, & Filius. Ergò vnio hypostatica non consistit in communicatio-  
ne attributorum, sed solum subsistentiæ. Duo etiam alia absurda sequerentur  
ex sententia aduersariorum, & contra fidem, quæ possunt esse quintam, &  
sextum argumentum.

Prob. 5.

Primò, corpus Christi in triduo mortis non fuisse vnitum hypostaticè  
Verbo. Nam corpus mortuum non est capax omnipotentis, omni sapientiæ,  
omni iustitiæ.

Prob. 6.

Secundò, Christum hominem non semper fuisse Deum. Nam Christus  
meruit sibi aliqua dona, vt gloriam corporis, & exaltationem nominis; immò  
& ascensionem in cælum, & sessionem ad dexteram Dei. *Oportuit Christum  
pati, & ita intrare in gloriam suam.* Et: *Factus obediens vsque ad mortem,* &c. *Propter  
quod & deum exaltauit illum.* Et: *Videmus lesum propter passionem gloria, & honore co-  
ronatum.* At, si omnium donorum communicatio requiritur ad vnionem hypo-  
staticam constituendam, ergò Christus meruit sibi aliqua saltem ex parte  
vnionem hypostaticam: ergò fuit, antequam vniretur, neque enim mereri  
potest, qui non est: proinde semper fuit hypostaticè vnitus; quæ fuit hæresis  
Pelagiana.

Prob. 7.

7. Si vnio hypostatica requireret communicationem omnium propieta-  
tum, atque attributorum, esset omnino impossibilis talis vnio: nam multa  
sunt Dei propria, quæ implicant contradictionem, communicari creaturæ;  
quale est, esse increatum, & esse actum purum, esse infinitum ens, & similia.  
Quædam etiam sunt, quæ siue potuerint communicari, siue non, certum est,  
non esse communicata humanitati Christi; vt carere principio temporis,  
creare cælum, & terram, & Angelos; & reliqua, quæ fuerunt ante illam hu-  
manitatem. Quædam etiam sunt, quæ, licet collata sint humanitati Christi,  
non tamen ante resurrectionem; vt impassibilem esse, esse immortalem, &  
tamen ante resurrectionem fuit vnio hypostatica.

Prob. 8.

8. Fatentur aduersarij ipsi, hæc dona per accidens conuenire humanitati  
Christi: at vnio hypostatica non est accidentalis, sed substantialis. Item, quia  
tunc Christus homo esset Filius Dei per gratiam, non per naturam: quod sa-  
nè repugnat omnium Patrum sententiæ. Item, Non posset homo verè nomi-  
nari Deus, nec Deus homo. Nam vnio ista accidentalis non est per inhæren-  
tiam donorum, vt ipsi dicunt, & rectè dicunt, quia loquuntur de donis in-  
creatis, quæ sunt ipsa essentia Dei; sed est per coniunctionem extrinsecam,  
qualis est inter agens principale, & instrumentum, vt inter nauem, & nau-  
tam. Docent enim, vnionem Dei in eo consistere, quòd Deus omnia per il-  
lum hominem operetur.

At eiusmodi vnio non satis est ad communicanda nomina, & proprietate-  
tes: nec enim nauta dici potest nauis, neque nauis nauta. Non igitur Christus  
homo

homo dici potest Deus, neque Christus Deus dici potest homo. Atque hoc idem de proprietatibus dicemus.

Vt enim nauta non potest dici expers sensus, & rationis, quæ sunt proprietates navis, neque navis potest dici sensu & ratione prædita, quæ sunt proprietates nautæ: sic etiam Christus Deus dici non poterit crucifixus, & mortuus, quæ propriè conveniunt homini: nec Christus homo dici poterit omnipotens, & cæli, terræque creator, quæ propriè conveniunt Deo. Denique; si unio hypostatica tantum esset ista communicatio accidentaria donorum, etiam nos hypostaticè essemus uniti cum Deo, licet minùs arcè; nam quod illè plura dona habeat, nos pauciora, non mutat speciem.

## CAPVT V.

## De Communicatione Idiomatum.

**C**ATHOLICA Doctrina duo docet. Primò, ex unione hypostatica consecuta esse in Christi humanitate multa dona creata, & infusa; vt excellentissimam gratiam, sapientiam maximam, potentiam singularem, & alia id genus, quæ tamen non sunt attributa Deitatis, nisi per participationem quandam: quomodo etiam nos participamus Dei attributa per creatas qualitates, licet minùs perfectè, quàm Christi humanitas ea participet. Neque in his consistit communicatio idiomatum: nam illa communicatio est mutua, horum autem communicatio donorum non est mutua: nihil enim Deitatis accessit.

Secundò, ex unione hypostatica sequitur communicatio idiomatum: quæ quidem communicatio non est realis respectu ipsarum naturarum, quasi ipsa diuinitas facta sit passibilis, & humanitas realiter sit facta omnipotens, neque est planè verbalis: sed est realis quidem, sed respectu hypostasis vtriusque naturæ, non autem respectu ipsarum naturarum.

Itaque communicari idiomata, nihil aliud est, quàm proprietates vtriusque naturæ applicari communi hypostasi, & proinde ipsius naturis in concreto, quia concreta nomina pro supposito accipi possunt, licet formaliter naturas significent. Quare rectè dicimus. Deus est natus ex Virgine, passus, mortuus, &c. quia Deus accipi potest pro quolibet supposito diuino, & proinde pro supposito secundæ personæ, quod est simul diuinum, & humanum. Quod suppositum verè, & realiter est Deus, & verè, & realiter est homo. & proinde verè, & realiter est natum ex Virgine, passum, mortuum, &c. Par ratione rectè dicimus, Christus homo est omnipotens, æternus, & bique, &c. quia homo in concreto stat pro supposito humano. In Christo autem suppositum humanum, & diuinum vnum est, & cum sit diuinum, consequenter est omnipotens, æternum, & ubique, &c.

Prob. non  
communica-  
re realiter  
idionota.

AR. 3.  
AR. 4. &  
17. can. 9.  
AR. 17.  
Cas 10. 11.  
& 12. &  
[et]  
AR. 4.

Potro, non communicari realiter attributa, siue idiomatica vnius naturæ alteri naturæ ex vi Hypostaticæ vnionis, docent sacra Concilia. Nam in Concilio Chalcedonensi sic legimus: *Saluâ utriusque naturæ proprietate, & in vnâ concurrente personâ.* Quod eidem habetur in Concilio VI. in Concilio Martini Papæ, & in epist. 10. Leonis ad Flavianum. Præterea; In Concilio VI. & Concilio Martini Papæ, definitur contra Monothelitas, in Christo nõ solum duas esse naturas cum suis proprietatibus, sed etiam duas existerẽ voluntates, & operationes, inconfusas. Denique; In epist. Agathonis Papæ, quæ recitatur in Concilio VI. & à toto Concilio approbatur, habemus, in Christo omnia esse duplicia, id est, naturas, proprietates, voluntates, operationes, solâ exceptâ subsistentiâ, quæ est vna. Et ibidem additur, duas inconfusas naturas colligi ex naturalibus earundem naturarum proprietatibus. Ex quo sequitur, proprietates etiam manere inconfusas, & distinctas. Ex his colligimus, multis modis erroneam esse aduersariorum sententiam. Nam primo, si communicantur verè, & realiter propria vnius naturæ alteri naturæ, & contrâ: ergo non manent distinctæ, & inconfusæ proprietates. Quomodo enim manent distinctæ, si humana natura habet diuinas, & diuina habeat humanas propriates? Item; Si communicantur, ergo non sunt amplius proprietates, sed communitates. Item; Proprietates harum naturarum, vt plurimûs, sunt impossibiles, vt est esse creatum, & increatum; finitum, & infinitum; vbique, & non vbique. Ergo, si diuina natura humanas recipit proprietates, cogitur amittere suas; & si humana recipit diuinas, cogitur amittere suas. Quomodo ergo saluis proprietatibus facta est incarnatio?

Refellitur 1. *Vbiq̃uitas Christi.* Iam verò in particulari, quòd ex vnione hypostaticâ non sequatur realis communicatio Immenſitatis, siue Vbiq̃uitatis, prob. I. Nam Vbiq̃uitas ista repugnat expressis Script. quæ dicunt, Christum hominem ratione humanitatis alicubi non fuisse, & proinde non semper fuisse vbique. *Lazarus mortuus est, & gaudeo propter vos, vt credatis, quia Iesus non esset ibi. Et: Non est hic, sed surrexit.*

Ioan. 1.  
Matth. ult.  
Refellitur 2.  
Ierem. 23.  
Psalm. 138. 2. Repugnat illis Script. quæ dicunt, Deum esse vbique, vt hoc modo illi discernunt ab omnibus creaturis. *Cælum, & terram ego impleo. Et: Quid ibi à Spiritu tuo, & quid à facie tua fugiam:* Vnde Patres ex hoc Dei attributo probant, Spiritum S. esse verum Deum, non creaturam, quia scriptum est: *Spiritus Domini repleuit orbem terrarum.*

Sap. 1.  
Refellitur 3.  
Ioan. 3. 3. Repugnat Vbiq̃uitas testimonijs, quibus Patres probant, in Christo esse duas naturas. Præcipuus locus est ille: *Nemo ascendit in cælum, nisi qui descendit de cælo, Filius hominis, qui est in cælo.* At, si vera est Vbiq̃uitas sententia; hoc argumentum nihil concludit. Nam dicerent Eutychariani ab Vbiq̃uitas edocti, etiam carne tunc fuisse Christum in cælo, & in terrâ, & vbique. Præterea; Probant Patres, Christum Deum esse & hominẽ, ex illis locis vbi dicitur Christus iter fecisse, & mutasse loca, nunc naui, nunc pedibus, nunc etiam a seculo, cum tamen, vt Deus, vbique esset, & moueri non posset. At secundum Vbiq̃uitas, ista omnia nihil probant. Nam, si caro Christi erat vbique, certè non pote. at moueri, nisi metaphoricè: sicut Deus aliquando dicitur descen-

dere

dere de cælo in terram, quia apparet hominibus, non vbi non erat, sed vbi non videbatur. Nam moueri propriè de loco ad locum, est vnum locum deferere, & alium acquirere: qui autem est vbique, nec potest deferere vnum, nec acquirere alium.

4. Repugnat Vbiquitas cum articulis Symboli. Ac I. cum conceptione Christi: nam fides habet, in solius Mariæ vtero fuisse carnem Christi. At secundum Vbiquistas, mox à conceptione fuit illa caro in vteris omnium mulierum, imò & virorum; & proinde laus illa communis est omnibus: *Beatus venter, qui te portauit.* *Refellitur 4.*

2. Cum Natiuitate Christi. Docet enim fides, Christi corpus post nonum mensem prodijisse ex vtero in lucem, & sic verè esse natum. At secundum Vbiquistas ante nonum mensem, imò primo die Conceptionis fuit extra vterum, & post decimum mensem adhuc erat in vtero; imò inde numquam exiuit. *Luce 11.*

3. Pugnat cum Morte Christi. Fides enim requirit, vt in Morte Christi corpus, & anima separata fuerint; & corpus quidem in sepulchro iacuerit, anima verò ad infernum descenderit. At secundum Vbiquistas; in sepulchro etiam erat anima cum corpore, & in inferno erat caro cum animâ.

4. Repugnat cum Resurrectione Christi. Tradit enim fides, corpus post tres dies à morte redijisse ad vitam, & exijisse de monumento clauso, & intrasse ad Discipulos ianuis clausis, quæ notantur ab e uangelistis tanquam miracula. At secundum Vbiquistas nunquam exijt Christus de sepulchro, nec intrauit ad Discipulos, sed manifestauit solum se extra sepulchrum, quamuis ibi manserit inuisibiliter: nec mirum vllò modo fuit, quod scribit Ioannes de ingressu Christi ad Discipulos ianuis clausis, quandoquidem non verè intrauit ianuis clausis, sed tantum fecit se visibilem in loco, vbi erat inuisibiliter.

5. Fides habet, Christum ascendisse in cælum, & inde venturum ad iudicium: at secundum Vbiquistas, nec ascendit, nec descendit. Porrò Catholici credunt, Christum in verum cælum corporeum ascendisse, siue maneat intra ipsum cælum: siue maneat supra & extra omnes cælos, ita vt pedibus conuexum summum cæli tangat. Ista enim non sunt certa. Illud certum est, Christi corpus nunc esse visibile, & palpabile, & tantum spaciū occupare, quanta est moles corporis, & esse in cælo isto corporeo, siue sit intus, siue supra.

Et prob. I. quia Christus ad illud cælum ascendit, vbi est sedes Dei: illud autem cælum corporeum est: *Cælum celi Domino, terram autem dedit filiis hominum.* Vbi, cum opponatur cælum terræ, & terra propriè accipiatur corporea ista, quam calcamus, certè & cælum propriè accipi debet. *Cælum mihi sedes est, terra autem sicut abellum pedum meorum.* Et: *Nolite iurare per cælum quia thronus Dei est, neque per terram, quia sicut abellum est pedum eius.* Et: *Pater noster, qui es in cælo.* Et infra: *Fiat voluntas tua, sicut in cælo, & in terrâ.* Vides, vbicumque dicitur cælum sedes Dei, semper opponi terræ, quam nos habitamus. Quæ antithesis apertissimè docet, cælum istud corporeum, quod supra nos cernimus, sedem esse Dei, & proinde ad hoc cælum Christum ascendisse. *Prob. 1.  
Christum  
ascendisse ad:  
cælum cor-  
poreum.  
Ier. 113.  
Ier. 66.  
Matth. 6.  
Matth. 3.*

Prob.

Prob. 2.  
Act. 1.

Prob. I I. ex historia Ascensionis, quæ ita describitur in Script. vt non possit vlllo modo per tropos euerti, nisi quis impudens planè esse velit. *Videntibus illis eleuatus est, & nubes suscepit eum ab oculis eorum.* Huc vsque non est locus tropis. Nam Apostoli viderunt eum euntem vsque ad nubes: quæ autem videntur, corporea sunt, nisi fortè præstigiatores faciant Christum. Quòd autem terminus, ac finis illius veri motus non esset nubes, patet; *Et factum est, dum benediceret illi, recessit ab eò, & ferebatur in cælum.* Christum autem verè eo peruenisse, quò ibat, testatur Marcus: *Ei Dominus quidam Iesus, postquam locutus est eis, assumptus est in cælum, & sedet à dextris Dei.* Itaque narrant Euangelistæ initium, progressum, & finem ascensionis.

Luc. 24.

Marc. 16.

Initium autem fuit verum, ac proprium, non metaphoricum, non phantasticum: igitur & progressus, & finis, vera, ac propria fuerunt. Verè igitur, ac propriè Christus ascendit in cælum.

Prob. 3.  
Act. 1.

Matth. 24.  
1. Thess. 4.  
1. Thess. 1.

Prob. I I I. Ex descensu de cælo ad iudicium: nam ad iudicium de eo cælo descendet, ad quod ascendit. *Ita veniet, sicut vidistis eum euntem in cælum.* Et: *Tunc apparebit signum filij hominis in cælo.* Et: *Ipsa Dominus in insu, & in voce Archangeli, & in tuba Dei descendet de cælo.* Et: *In reuelatione Domini Iesu de cælo.* At certum est, Dominum non descensurum de cælo metaphoricè, ita vt, descendere de cælo, sit, relinquere gloriam, Regnum, & Maiestatem; quin potius tunc maxime apparebit in potestate magna, & maiestate. Igitur cælum, vnde descendet, non est Regnum, & Maiestas, sed locus quidam.

Prob. 4.  
Ioan. 14.

Prob. I V. Ex loco Sanctorum. Nam ibi est homo Christus, vbi sunt, & erunt sancti homines. *In domo Patris mei mansiones multæ sunt. Si quò minus, dixissem vobis, quia vado parare vobis locum, & si habiero, & preparauero vobis locum, iterum veniam, & accipiam vos ad meipsum, vt vbi ego sum, & vos sitis.* At Sancti non erunt vbiq; sed in certo loco; & si in certo loco, certè in nobilissimo, id est, in cælo. Ergò & Christi homo in eo loco est, & erit. Denique, hæc est sententia omnium sanctorum.

Resolutio  
5. & 6.

5. Repugnat Vbiquitas cum ipso Sacram. Eucharistiæ, pro quo stabiliendo est excogitata. Nam, si caro Christi est vbiq; certè non egemus Eucharistiâ, & frustrâ imus ad templa, frustrâ recitamus verba cœnæ, frustrâ paramur ad illam cœnam, cum domi habeamus in pane, & vino, & alijs omnibus cibis corpus Christi. Refellitur denique Vbiquitas testimonijs Patrum.

## CAPVT SEXTVM.

## De Christi anima.

**D**VAE sunt de Christi anima huius temporis controuersia. Vna de perfectione ipsius. Altera de descensu ad inferos.

De priore communis Catholicorum sententia semper fuit, Christi animam ab ipsa sua creatione repletam scientia, & gratia, ita vt nihil postea didicerit, quod antea nesciret, nec vllam actionem fecerit, aut facere potuerit, quae emendatione egerit.

Prob. I. ex Script. *Egreditur virga de radice Iesse, & flos de radice eius ascendet, & requiescet super eum spiritus Domini, spiritus sapientia, &c.* Quem locum de Christo omnes omnino intelligunt. Et hoc idem significabant omnia illa loca, vbi dicitur Christus vnctus à Deo Spiritu S. *Vnxit te Deus, Deus tuus, &c.* Et: *Spiritus Domini super me, eò quòd vnxit.* Et: *Conuenerunt verè aduersus sanctum puerum tuum Iesum, quem unxisti.* Et: *Vnxit eum Dominus Spiritu S. & virtute.*

*Perfectio  
anime  
Christi.*

*Psal. 44.  
Isa. 61.  
Act. 4.  
Mat. 10.  
Prob. 2. &  
3.*

Prob. II. ex Patribus.

Prob. 3. Ratione.

**I.** Ratio: Non est vllò modo credibile, vt Verbum personaliter factum sit homo, & non effuderit simul in ipsa incarnatione in illam humanitatem omnia dona, quorum capax erat. Nam, si fecit illam animam suam propriam, ita vt verè dicatur, & sit anima Dei, quomodo verisimile est, non illam continuo sapientissimam reddidisse? Absurdum est enim, animam sapientiae aliquando insipientem fuisse.

*1. Ratio.*

**II.** Ratio: Sapientia, & gratia Christo homini naturalis fuit, non quidem quòd non fuerit à Deo animae infusa, sed quia in Christo ab intrinseco principio, & per modum naturae fluebat: siquidem ipse Christus seipsum gratia, & sapientia replebat, id est, ex vna Christi natura in alteram haec dona redundabant. Ergò non accepit Christus illam sapientiam, vel gratiam post incarnationem, sed in ipsa incarnatione: nam ideò dicitur naturalis, quia statim, & abundantissime manauit.

*2. Ratio.*

**III.** Ratio: Christus homo in incarnatione cepit esse filius Dei. Ergò tunc debuit repleri omnibus donis. Nam filius haeres est omnium bonorum paternorum. Nec debuit Christus expectare successione ex morte Patris, vt notum est.

*3. Ratio.*

**IV.** Ratio: Christus homo in ipsa incarnatione factus est caput, non solum hominum, sed etiam Angelorum, vt omnes concedunt. Ergò debuit tunc repleri sapientia, gratia, & ipsa etiam beatitudine. Nec enim conueniebat, vt caput esset minus ornatum, & minus sapiens, quàm sint membra.

*4. Ratio.*

**V.** Ratio: Adam creatus est sapientissimus, vt ex eo colligitur quòd mox à creatione

*Gen. 2.*

Prob. 2.  
Act. 1.

Prob. II. ex historia Ascensionis, quæ ita describitur in Script. vt non possit villo modo per tropos eueri, nisi quis impudens planè esse velit. *Videntibus illis eleuatus est, & nubes suscepit eum ab oculis eorum.* Huc vsque non est locus tropis. Nam Apostoli viderunt eum euntem vsque ad nubes: quæ autem videntur, corporea sunt, nisi fortè præstigiatores faciant Christum. Quòd autem terminus, ac finis illius veri motus non esset nubes, patet; *Et factum est, dum benediceret illi, recessit ab eis, & ferebatur in cælum.* Christum autem verè e operuenisse, quò ibat, testatur Marcus: *Et Dominus quidem Iesus, postquam locutus est eis, assumptus est in cælum, & sedet à dextris Dei.* Itaque narrant Euangelistæ initium, progressum, & finem ascensionis.

Luc. 24.

Marc. 16.

Initium autem fuit verum, ac proprium, non metaphoricum, non phantasticum: igitur & progressus, & finis, vera, ac propria fuerunt. Verè igitur, ac propriè Christus ascendit in cælum.

Prob. 1.

Act. 1.

Math. 24.

1. Thess. 4.

1. Thess. 1.

Prob. III. Ex descensu de cælo ad iudicium: nam ad iudicium de eo cælo descendet, ad quod ascendit. *Ita veniet, sicut vidistis eum euntem in cælum.* Et: *Tunc apparebit signum filij hominis in cælo.* Et: *Ipsa Dominus in iussu, & in voce Archangeli, & in suba Dei descendet de cælo.* Et: *In reuelatione Domini Iesu de cælo.* At certum est, Dominum non descensurum de cælo metaphoricè, ita vt, descendere de cælo, sit, relinquere gloriam, Regnum, & Maiestatem; quin potius tunc maxime apparebit in potestate magna, & maiestate. Igitur cælum, vnde descendet, non est Regnum, & Maiestas, sed locus quidam.

Prob. 4.

Ioan. 14.

Prob. IV. Ex loco Sanctorum. Nam ibi est homo Christus, vbi sunt, & erunt sancti homines. *In domo Patris mei mansiones multæ sunt. Si quid minus, dixissem vobis, quia vado parare vobis locum, & si habiero, & preparauero vobis locum, iterum veniam, & accipiam vos ad me ipsum, vt vbi ego sum, & vos sitis.* At Sancti non erunt vbique, sed in certo loco; & si in certo loco, certè in nobilissimo, id est, in cælo. Ergò & Christus homo in eo loco est, & erit. Denique, hæc est sententia omnium sanctorum.

Refellitur

1. & 6.

5. Repugnat Vbiquitas cum ipso Sacram. Eucharistix, pro quo stabiliendo est excogitata. Nam, si caro Christi est vbique, certè non egemus Eucharistiâ, & frustra imus ad templa, frustra recitamus verba cœnæ, frustra paramur ad illam cœnam, cum domi habeamus in pane, & vino, & alijs omnibus cibis corpus Christi. Refellitur denique Vbiquitas testimonijs Patrum.

CAPVT

## CAPVT SEXTVM.

## De Christi anima.

**D**VAE sunt de Christi anima huius temporis controuersia. Vna de perfectione ipsius. Altera de descensu ad inferos.

De priore communis Catholicorum sententia semper fuit, Christi animam ab ipsa sua creatione repletam scientia, & gratia, ita vt nihil postea didicerit, quod antea nesciret, nec vllam actionem fecerit, aut facere potuerit, quae emendatione egerit.

Prob. I. ex Script. *Egreditur virga de radice Iesse. & flos de radice eius ascendet, & requiescet super eum spiritus Domini, spiritus sapientiae, &c.* Quem locum de Christo omnes omnino intelligunt. Et hoc idem significabant omnia illa loca, vbi dicitur Christus vnctus à Deo Spiritu S. *Vuxit te Deus, Deus tuus, &c.* Et: *Spiritus Domini super me, eò quod vnxit.* Et: *Conuenerunt verò aduersus sanctum puerum tuum Iesum, quem vnxit.* Et: *Vnxit eum Dominus Spiritu S. & virtute.*

*Perfctio  
anima  
Christi.*

*Prob. 1.*

*Psal. 44.*

*Isa. 61.*

*Mat. 4.*

*Mat. 10.*

*Prob. 2. & 3.*

*1. Ratio.*

*2. Ratio.*

*3. Ratio.*

*4. Ratio.*

*Gen. 2.*

Prob. II. ex Patribus.

Prob. 3. Ratione.

**I.** Ratio: Non est vllò modo credibile, vt Verbum personaliter factum sit homo, & non effuderit simul in ipsa incarnatione in illam humanitatem omnia dona, quorum capax erat. Nam, si fecit illam animam suam propriam, ita vt verè dicatur, & sit anima Dei, quomodo verisimile est, non illam continuo sapientissimam reddidisse? Absurdum est enim, animam sapientiae aliquando insipientem fuisse.

**II.** Ratio: Sapientia, & gratia Christo homini naturalis fuit, non quidem quòd non fuerit à Deo animae infusa, sed quia in Christo ab intrinseco principio, & per modum naturae fluebat: siquidem ipse Christus seipsum gratia, & sapientia replebat, id est, ex vna Christi natura in alteram hæc dona redundabant. Ergò non accepit Christus illam sapientiam, vel gratiam post incarnationem, sed in ipsa incarnatione: nam ideo dicitur naturalis, quia statim, & abundantissime manauit.

**III.** Ratio: Christus homo in incarnatione cepit esse filius Dei. Ergò tunc debuit repleri omnibus donis. Nam filius hæres est omnium bonorum paternorum. Nec debuit Christus expectare successione ex morte Patris, vt notum est.

**IV.** Ratio: Christus homo in ipsa incarnatione factus est caput, non solum hominum, sed etiam Angelorum, vt omnes concedunt. Ergò debuit tunc repleri sapientia, gratia, & ipsa etiam beatitudine. Nec enim conueniebat, vt caput esset minus ornatum, & minus sapiens, quàm sint membra.

**V.** Ratio: Adam creatus est sapientissimus, vt ex eo colligitur quòd mox à creatione



*De defensione  
Christi pro-  
pos. 1.  
Prob.*

creatione imposuit nomina omnibus animantibus. Ergo multo magis secundum Adam debuit in ipsa conceptione sapientissimus fieri. De descensu Christi ad inferos sit propositio 1. *Descendere ad inferos non est omnino extinguere.* Patet, nam contraria sententia est fundamentum Atheismi. Si enim Christus, quia diuinitate suffultus erat, animam immortalem retinuit in morte corporis: igitur ceteri homines, qui non sunt suffulti diuinitate, in morte penitus extinguuntur. Non igitur anima humana est immortalis.

*Propos. 2.  
Prob. 1.*

*Propositio 2. Christus non pertulit penas damnatorum.*

*Philip. 2.*

Prob. 1. quia Script. totam salutem nostram tribuunt sanguini, & morti corporali Christi, & post mortem corporalem nullam vltius poenam agnoscunt. *Humiliauit semetipsum factus obediens vsque ad mortem, mortem autem crucis: propter quod & Deus exaltauit illum, &c.* Vides hic nullam mentionem fieri infernorum, sed obedientiae vsque ad mortem omnia tribui, & mox subiungi exaltationem. Alibi etiam describuntur sigillatim omnes Christi afflictiones: nulla autem mentio fit inferni. Prædicat quoque Dominus passionem suam, & nominat flagella, sputa, crucem, mortem; & subiungit continuò: *Et tertiâ die resurget.* Et vbi, quæso, reliquit dolores damnatorum? *Commendat autem charitatem suam in nobis, quia, cum adhuc peccatores essemus, Christus pro nobis mortuus est.* Et: *In quo habemus redemptionem per sanguinem eius.* Et: *Pacificans per sanguinem crucis eius, quæ in caelo, & quæ in terris sunt.* Et: *Per proprium sanguinem introiuit semel in sancta, æternâ redemptione inuenta.* Et: *Non corruptibilibus, auro, vel argento redempti esis, sed precioso sanguine, quasi agni immaculati, & incontaminati Christi.* Et: *Sanguis eius emundat nos ab omni peccato.* Denique; Sancti clamant in caelo: *Redemisti nos, Domine Deus, in sanguine tuo.* Vide ergo, quàm sit verum, quod dicit Calvinus, corporali morte Christum nihil egisse, sed inferni doloribus; cum Script. passim inculcent, nos Christi morte redemptos; dolorum autem inferni ne meminerint quidem.

*Prob. 2.*

Prob. 2. Ex circumstantiis passionis Christi. Nam, si ab illâ oratione in horto, vsque ad resurrectionem Christus fuit in inferno, & Deum, vt sibi auersum, & iratum, apprehendebat, & non erat securus de sua salute, quomodo tam audacter dicebat Caiphæ: *A modo videbitis Filium hominis venientem in nubibus caeli?* Item, Pilato: *Regnum meum non est de hoc mundo?* Item, quomodo orat Patrem pro crucifixoribus suis? Quomodo promittit latroni Paradisum? Quomodo Patri animam suam commendat? Certè hæc non sunt signa diffidentis de Patris beneuolentiâ, multo minus desperantis, aut metuentis de salute propria.

*Prob. 3.*

Prob. 3. Quia, si redempti essemus per infernales penas Christi, deberent figuræ præcessisse: deberet etiam aliquod Sacramentum extare in memoria tanti beneficii; vt est Eucharistiâ in memoriam passionis. Item, Ecclesia deberet celebrare memoriam huius beneficii; vt celebrat memoriam Natalis Domini, passionis, mortis, resurrectionis. Item, deberet depingi Christus ita igne gehennæ, in medio damnatorum; vt depingi solet in cruce inter duos latrones. *At nihil tale videmus fieri, aut legimus vnquam factum.* Ergo Ecclesia, vel semper fuit ingratißima, vel sigmenta sunt, quæ Calvinus dicit.

• Prob.

Prob. 4. Nam omnes Patres, qui describunt Christum ad inferos descensum *Prod. 4.* describunt ut descensum victoris, & triumphatoris, non ut rei; nec villo modo indicant Christum aliquid passum in inferno.

Propos. 3. *Inferi sunt loca subterranea distincta à sepulchris.*

*Propos. 3.  
'Prod. 4.'*

Prob. 1. Ex nomine Inferorum, quo vtuntur Script. Hebraicæ, Græcæ, & Latinæ. Nomen *inferni* Latinum non est dubium, quin sit distinctum à nomine sepulchri, & cum significet aliquid inferius nobis, & infra nos nihil sit, nisi centrum terræ, necessariò loca inferorum intelliguntur loca profunda subterranea. Nomen Græcum, quod habemus, vbi cumque Latine est infernus, est, *ᾅδης*; sepulchrum autem Græcè dicitur, *τάφος*; vnde Epitaphia dicuntur etiam à Latinis carmina, quæ ad sepulchra scribi solent. Certè, cum dicitur: *Et tu Capharnaum vsque ad cælum exaltaberis, vsque ad infernum descendes.* Non potest accipi pro sepulchro vox, *ᾅδης*. Esset enim ridicula antithesis, cum cælum multis millibus stadiorum distet à terræ superficie, vbi erat Capharnaum, & sepulchrum non distet, nisi paucis vlnis. Vult autem Dominus dicere, illam urbem tam profundè descensuram, quàm altè videbatur exaltata, Similiter, quando dicitur diues purpuratus in inferno fuisse in tormentis, nò potest vox, *ᾅδης*, exponi de sepulchro, nisi quis velit animas esse in sepulchris cum corporibus. Nomen Hebræum, quod habetur passim in Testam. veteri, *Si heol*, significat voraginem & ordinariè accipitur pro loco animarum subterraneo, & vel rarò, vel nunquam pro sepulchro. *Descendam lugens ad filium meum in infernum.* Vbi vox, *Scheol*, non potest accipi pro sepulchro, quia dicit se iturum ad filium suum, quem putabat mortuum, & deuoratum à feris, & proinde caruisse sepulchro. Et: *Descenderunt viuentes in infernum, aperti humo.* Quod de loco damnatorum intelligunt Patres, etiam qui Hebraicè doctissimi erant. Item: *Si ascendero in cælum, tu illic es; si descendero ad infernum, & ades.* Vbi opponuntur terræ superficiei, vbi tunc erat David, loca distantissima, altissimum cælum, & profundissimus infernus. Sepulchrum autem non abest à terræ superficie duobus palmis: sæpe etiam supra terram extant marmorea sepulchra. Item; Regi Babylonis dicitur, & in eius figurâ Diabolo: *Dixisti, in cælum conscendam, &c. Verumtamen vsque ad infernum deiraberis, in profundum laci.* Vbi, quatenus agitur de Diabolo, non potest infernus significare sepulchrum, quia Diabolus non est in sepulchro: quatenus agitur de Rege Babylon, non potest etiam significare sepulchrum, & quia periret antithesis, & quia ibidem dicitur Rex ille cariturus sepulchro. Huc accedit consensus ferè omnium illorum, qui de hac re iudicare poterant. Nam LXXXII. seniores, *Scheol*, vbi que verterunt *ᾅδης*, nusquam *τάφος*. Hieronymus vbi que vertit infernum, nusquam sepulchrum. Chaldeus gehennam.

*Matth. 11.  
Luc. 11.  
Ab. 2.*

*Matth. 11.*

*Luc. 16.*

*Gen. 37.*

*Num. 16.*

*Psalm. 139.*

*Prod. 2.  
Luc. 2.*

Prob. 2. Ex nomine abyssi. Nam Dæmones rogabant Christum, ne mitteret eos in abyssum. Certum autem est, abyssum esse profundam voraginem, & proinde infra superficiem terræ. Item, certum est, non esse sepulchrum: nec enim Dæmonibus parantur sepulchra.

Prob. 3. Ex Apoc. vbi legimus, non esse inuentos, qui soluerent librum, *Prod. 3.* *Nec in cælo, nec in terrâ, nec sub terram.* Et infra: *Dixerunt laudem Deo omnes creatu- Apoc. 5.* *ra in cælo, in terrâ, & sub terram.* Et: *Ut in nomine Iesu omne genu flectatur, caelestium, Philp. 2.*

*terrestrium, & infernorum.* In quibus locis vox, *καταχθονιον*, nihil aliud significat, quàm, subterraneorum. At certè non sunt cadauera sepulchrorum, quæ non poterant aperire librum, vel quæ Deum laudant, & in nomine Iesu flectunt genua. Igitur spiritus sunt, qui dicuntur subterranei, eò quòd in locis subterraneis degant.

Prob. 4.  
O 5.

Prob. 4. Ex Patribus.

Accedat postremò etiam naturalis ratio: Nam consentaneum rationi est, ut locus dæmonum, & hominum impiorum, ac reproborum, longissimè distet ab eo loco, in quo Angelos, & beatos homines perpetuò futuros, non dubitamus. Locus autem beatorum (etiam testimonio aduersariorum) cælum est: à cælo verò nihil longius abest, quàm terra.

Propof. 4.  
Prob. 1.  
Gen. 37.

Propof. 4. *Anima Sanctorum non fuerunt in cælo ante Christi ascensionem.*

Prob. 1. quia ea est sententia prorsus inaudita in Ecclesia Dei. Id quod sanè deberet sufficere ad refutationem. Iacob ait: *Descendam ad filium meum Iugens in infernum.* Pius erat Iacob, pius erat Ioseph: & tamen utrumque non ascendisse ad cælum sed ad inferos descendisse, Script. significat.

Luce 16.

Item: Diues in inferno cum esset, vidit à longè animam Lazari in sinu Abrahamæ, & audiuit inter loca ipsorum magnum hiatus esse. Id enim significat *χάσμα*. Ex quo apparet, nihil solidi fuisse interiectum inter locum dampnatorum, & sinum Abrahamæ, sed ytrasque animas in eadem voragine fuisse, licet multum inter se distantes.

1. Reg. 28.

Item: Anima Samuëlis apparens Sauli, de terra visa est ascendere. Fuisse autem illam veram animam Samuëlis, communior, probabilior, & tutior est opinio. Et satis apertè deducitur ex textu Script. *Cum vidisset, inquit, mulier Samuëlem.* Item: *Dixit Samuël ad Saul. Intellexit ergò Saul, quòd Samuël esset.* Certè non diceret Script. *Intellexit*, sed, putauit, vel, cogitauit, si non esset verum.

Eccli. 46.

Præterea: Ponitur in laudibus Samuëlis, quòd mortuus prophetauerit, & annunciauerit Regi, quæ ventura erant. At quæ laus esset Samuëlis, si non ipse, sed dæmon aliquis in eius forma apparens futura prædixisset? Item: *tis, qui in carcere erant, spiritibus predicauit, qui increduli fuerunt aliquando, quando expectabant Dei patientiam in diebus Noë, cum fabricaretur arca.* Hic dicuntur animæ in carcere fuisse: non ergò erant in cælo. Nam ridiculum est, dicere, animas in cælo, tanquam in carcere, fuisse inclusas.

Zach. 9.  
In comment.

Item: *Tu autem in sanguine Testamenti eduixisti vinctos de lacu, in quo non erat aqua.* Quem locum Hieron. & Rupertus exponunt de descensu Christi ad inferos. Denique: Patres id communi consensu docent.

Propof. 5.  
Prob.  
2. Sol. 107.

Propof. 5. *Christus verè descendit ad inferos.*

Prob. ex Script. *Contrivit portas aëreas, & vestes ferreas confregit.* Quem locum Patres intelligunt de descensu ad inferos, sed in sensu mystico. Nam ad litteram certum est, tractari de liberatione ab Ægypto. Itaque non conuincit, sed probabiliter suadet.

Eccli. 34.

Item: *Sapientia Dei loquitur: Penetrabo omnes inferiores partes terræ, & inspiciam omnes dormientes, & illuminabo omnes sperantes in Domino.* Hic locus non conuincit hæreticos, tum quia ipsi non recipiunt hunc librum; tum etiam, quia hæc

hæc verba defunt in Græco textu: tamen apud Catholicos suam habet auctoritatem.

Item: *Sicut fuit Iona in ventre ceti tribus diebus, & tribus noctibus, sic erit filius hominis in corde terræ.* Vbi Christus dicit, ventrem ceti similem fuisse cordi terræ. *Matth. 12.*  
At cor terræ non est mors, sed locus aliquis sub terrâ.

Item: *Non relinques animam meam in inferno.* Vbi in Græco est, *ψυχή*, quod non, nisi animam, propriè significat: & *ἀδύς*, quod infernum significat. *AB. 2.*

Item: *Ne dicas in corde tuo: Quis descendat in abyssum? id est, Christum à mortuis re- Rom. 10.*  
tuocare. Ergo Christus post mortem fuit in abyssu.

Item: *Qui ascendit, ipse est & qui descendit in inferiores partes terræ.* Quem locum Hieron. Ambros. Chrysost. Theophylactus exponunt de inferno, infra quem nihil est. Deinde, habemus verborum proprietatem. Nam inferior pars terræ non significat totam terram, sed unam partem, eamque alijs inferiori. Non ergo significat terræ superficiem, quæ est pars superior, nec etiam sepulchrum Christi, quod fuit quoque supra terram. *Ephes. 4.*

Denique: Pro nobis facit id, quod sequitur: *Ut adimpleret omnia.* Voluit enim Christus descendere usque ad verum infernum, sicut descenderat in terras, ut præfens visitaret omnes partes regni sui, quod est tripartitum, iuxta illud: *Ut in nomine Iesu omne genu flectatur, cælestium, terrestrium, & infernorum.*

Item: Christus semel pro peccatis nostris mortuus est, iustus pro iniustis, ut nos offerret Deo, mortificatus quidem carne, vivificatus autem spiritu, in quo & his, qui in carcere erant spiritibus veniens prædicavit, qui increduli fuerant aliquando, quando expectabant Dei patientiam in diebus Noë. Cui loco alius adiungendus videtur: *Idem & mortuus prædicatum est Evangelium, ut iudicentur quidem secundum hominem in carne, vivant autem secundum Deum in spiritu.* Quæ exponunt Patres, quod Christus in carcere inferni S. S. Patribus prædicaverit. Prob. etiam descensus Christi ad inferos ex traditione Patrum. *Philip. 2. 1. Pet. 3.*

Propos. 6. Christus propriè, & reipsa descendit ad inferos: & non per effectum. *Propos. 6. Prob.*

Prob. I. quia Script. Concilia, & Patres dicunt, Christi animam descendisse ad inferos, & carnem mansisse in sepulchro. Certum est autem, carnem verè, ac propriè, non per tropum, per se, non per effectum mansisse in sepulchro.

II. Si per effectum fuisset Christus in inferno, non solum anima, sed etiam caro in inferno fuisset: causa enim illius effectus etiam caro fuit. *Sanguis eius emundat nos. 1. Ioh. 1.*

III. Si per effectum tantum descendit ad inferos: ergo eodem tempore anima Christi fuit in multis locis simul, in inferno, in Paradiso terrestri, in terra, in cælo. Nam sine dubio, mors Christi habuit aliquem effectum in his omnibus locis, illustrans Patres in limbo, lætificans Angelos in cælo, consolans Enoch, & Eliam in Paradiso; & in terrâ compunctionem in hominibus efficiens.

IV. Christi anima triduo fuit in corde terræ: at ille effectus in momento peractus est. Item, Christi anima rediit tertia die, nimirum quando resurrexit: tunc enim rediit ab inferis ad superos. At secundum effectum nunquam rediit, quia effectus ille semper manebat, aut, si rediit peracto negotio suo, certè

ipso die redijt, quo mortuus est; nam continuò post mortem dispulit Dominus tenebras inferni, & Patres diuinâ visione illustravit. Vtrumque autem Symbolo fidei, Script. ipsis, & Patrum confessioni repugnat.

**Dubium 1.** *Resp.* 1. Dubium est: *Ad qua loca inferni Christus descendit?* Probabile est, Christi animam ad omnia loca inferni descendisse, iuxta illud: *Penetrabo omnes inferiores partes terræ; inspiciam omnes dormientes,* Illud etiam magis conforme est traditioni Patrum.

**Dubium 2.** *Resp.* 2. Dubium: *An Christo fuerit aliqua pœna, esse in inferno?* D. Bonaventura dicit, Christi animam; dum esset in inferno, non fuisse in loco pœnæ, sed sine pœnâ: cuius modus loquendi magis mihi videtur conformis Patribus. Itaque etsi, quòd maneat anima separata à corpore, pœna, vel pœnalitas, vel potius minor perfectio dici possit, tamen mansionem animæ Christi in inferno & corporis in sepulchro, non auderem vocare pœnam, nec pœnalitatem. Nam illæ animæ pœnam trahunt ex inferno, quæ ibi sunt tanquam in carcere; nec possunt egredi, quando volunt. At Christus fuit in inferno liber, & liberator aliorum, ut omnes Patres clamant. Pari ratione, esse in sepulchro, non est pœna, nec malum corpori simpliciter, immò bonum est corpori de-functo. At malum est, corrumpi in sepulchro, & putrefieri: caro autem Christi in sepulchro fuit, sed sine corruptione.

**Dubium 3.** *Resp.* 3. Dubium. 3. *Quid consulit animabus iustorum, descensus Christi ad inferos?* *Resp.* cum communem Catholicorum sententiâ, duo magna bona eis contulisse. 1. beatitudinem essentialem. 2. Educationem ex eo carcere, ac deductionem in cælum. Quorum primum continuò illis præstitit: secundum autem non diu postea. De primo habemus illud: *Penetrabo omnes inferiores partes terræ, illuminabo omnes sperantes in Domino.* Item: *Hodie mecum eris in Paradiso.* Quod verbum non solum latroni, sed etiam omnibus iustis, qui in inferno erant dictum fuit. Item consensum Scolasticorum. De secundo habemus consensum Patrum.

**Dubium 4.** *Resp.* 4. Dubium. 4. *An præter animas iustorum, quæ erant in sinu Abrahe, aliqua alia liberata sint?* *Resp.* in primis, non esse liberatas villas animas damnatorum ad gehennam: nam videtur implicare contradictionem, quòd aliqui fuerint damnati ad æternas pœnas, & tamen postea salvari fuerint. Nam æterna damnatio includit certitudinem pœnæ nunquam finiendæ. At quomodo certi esse possunt, se sine fine puniendos, qui aliquando liberantur? Adde illud: *illuminabo omnes sperantes in Domino.* Hinc enim deducitur, nullos eorum fuisse illuminatos, qui damnati erant ad pœnas æternas, quippe qui sine dubio non sperabant in Domino. Adde & illud: *Venit nox, in qua nemo potest operari.* Et: *Omnes stabimus ante tribunal Christi, ut referat unusquisque propria corporis.* Et: *Quæ seminaueris homo, hæc & metet. Dum tempus habemus, operemur bonum.* Hæc enim omnia satis aperte indicant, non esse post hanc vitam locum pœnitentiæ, & reconciliationis. Adde postremò consensum Theologorum. De animabus

**P. 1. q. 52. ar. 5.** Purgatorii maius dubium esse potest. At B. Thomas docet, animas Purgatorii non esse liberatas simpliciter ex descensu Christi ad inferos: nec enim Christus ad inferos: nec enim Christus aliquid cõtulit ulli, nisi quòd meruerat passionis suæ: passio autem Christi non habet effectum temporalem sed æternum. Semper enim est æquè efficax. Non ergò tunc liberasset Christus, nisi illos, qui

qui habuerunt talem dispositionem, qualem habent, qui nunc liberantur. Ad-  
dit tamen B. Thomas, duobus modis potuisse accidere, vt tunc aliqui libe-  
rarentur.

I. Si expleuerant tempus purgationis suæ.

II. Si ex deuotione peculiari ad Christi passionem meruerant id in hac vi-  
tâ, vt tunc liberarentur, cum Christus in eum locum descenderet.

## CAPVT VII.

## De Christo Mediatore, &amp; eius Merito.

**P**RIMA Controuersia est: *Secundum quam naturam Christus sit Mediator?* *Questio. 1.  
de Mediator.*  
Notandum, Mediatorem esse eum, qui inter aliquos diffidentes, aut cer-  
tè non coniunctos medium se interponit, vt eos redigat ad concordiam, vel  
nouo fœdere coniungat. Contingit autem hoc dupliciter. I. per substantialē  
aliquam mediationem. 2. per operationem.

Primo modo, Christus dici potest Mediator, quatenus personalitas eius  
coniunxit nouo, & mirabili fœdere diuinam, & humanam naturam. Et licet  
de hac mediatione sæpe loquantur Patres tamen non est ea, de quâ nunc dis-  
putamus. Nam de istâ mediatione non est opus quærere, secundum quam na-  
turam fiat: non enim secundum aliquam naturam fit; sed secundum perso-  
nalitatem, quæ connectit duas naturas. Præterea; Ista mediatio non est inter  
naturas dissidentes. Nec enim vnquam Christi humanitas fuit Diuinitati cõ-  
traria. Nos autem loquimur de mediatione, quâ Christus innocens Patri re-  
conciliauit peccatores.

Mediatio autè, quæ in opere consistit, quatuor modis potest fieri. I. discer-  
nèdo, & iudicando causam: quomodo arbitri dici possunt mediatores. Et hic  
modus tribuitur Christo à Patribus. Ipse enim factus fuit arbiter à Deo, &  
iudicauit sic fieri posse pacem, si Deus primùm agnosceret, & homo deinceps  
in Dei fide permaneret.

2. Referendo hinc inde pacta, & conditiones vtriusque partis: quomodo  
omnes internuncij dici possunt mediatores. Et in hac significatione accipien-  
dum videtur nomen Mediatoris, cum Moyses dicit: *Ego medius, & sequester fui* *Deut. 5.  
Gal. 3.*  
*inter Deum, & vos in illo tempore.* Et: *Data est lex per Angelos in manu Mediatoris*, id  
est, Moysis. Et hic etiam modus Christo conuenit, qui annunciauit homini-  
bus Dei voluntatem, & leges. Et propterea dicitur *Angelus Testamenti*: & *Me-* *Malach. 3.  
Heb. 9. &  
12.*  
*diator noui Testamenti.* Vbi Paulus alludit ad Moysen, qui fuit Mediator Te-  
stamenti veteris.

3. Orando, & supplicando vni parti pro alterâ. Id quoque conuenit Chri-  
sto, qui dicitur *Intercessor pro nobis*: & *Advocatus noster.*

4. Soluendo, & satisfaciendo vni parti pro alterâ. Et hic modus media-  
tionis propriissimè conuenit Christo, qui in totâ Script. describitur, vt ho-  
stia

*Rom. 8.*

*1. Ioan. 2.*

1. Tim. 2.

Rom. 8.

1. Ioh. 3.

stia pro peccato. Ided, postquam Apostolus dixerat: *Vnus Mediator Dei, & hominum, homo Christus Iesus*; Mox addidit causam, dicens: *Qui dedit semetipsum redemptionem pro multis*. Et ided etiam, quando Christus dicitur advocatus, & interpellator pro nobis apud Deum, non dicitur vnus advocatus, aut interpellator, quia etiam alij interpellant pro nobis. Nec solus ipse Mediator fuit per modum arbitri, aut internuncij, sed etiam Moyses. At solus ipse pro nobis soluit, nosque proprio sanguine Deo reconciliauit. Itaque tres modi priores mediationis communes sunt Christo cum alijs : quartus propriè soli Christo conuenit. Hoc tamen loco de omnibus modis potest intelligi quæstio nostra.

Resp. ad  
quæst.

Est autem sententia communis Catholicorum, ipsum quidem Mediatorem, siue (vt Theologi loquuntur) principium, quod operabatur opera Mediatoris, non fuisse Deum solum, vel hominem solum, sed vtrumque simul, id est, verbum incarnatum, siue Deum humanatum. Principium tamen, quo illa opera à Mediatore fiebant, fuisse naturam humanam, non diuinam. Tamen si enim Deus incarnatus erat, qui o abat, patiebarur, obediens, satisfacerebat; tamen hæc omnia faciebat secundum formam serui, non secundum formam Dei.

Prob. prior  
pars.

Quod principium quod operum Mediatoris fuerit suppositum diuinum, & non humana natura tantum, Prob. 1. nam iste error defecit ad Nestorianismum. Voce enim faretur vnâ personam in Christo: re autem ipsa ponit duas, & euacuat planè mysterium redemptionis. Nam, si sola natura humana egit opera illa satisfactoria; ergò natura humana per se existebat, & proinde suppositum erat à diuino supposito distinctum. Duo igitur in Christo supposita erant, quæ est ipsissima hæres Nestorij.

Act. 20.

1. Cor. 2.

Philip. 2.

Prob. 2. Nam repugnat hæc sententia Script. & Patribus. Nam opus Mediatoris præcipuum fuit, passio Christi. Hæc autem ipsi Deo, & Domino tribuitur in Script. atque ided necesse est, illi conuenire, saltem ratione suppositi. An non enim dicitur Deus *sanguine suo Ecclesiam acquisiuisse*? Nōne dicitur *dominus gloria crucifixus*? Nōne dicitur ille, *qui in forma Dei erat equalis Patri, humiliatus esse, & obediens factus vsque ad mortem, mortem autem crucis*? Patres etiam dicunt, Christum ided vocari à Paulo vnicum Mediatorem, quia ille solus est verè medius inter Deum, & hominem, cum vtriusque naturam habeat. Vbi Patres volunt ostendere, non potuisse Christum esse efficacem Mediatorem, nisi esset diuina persona, quæ officium Mediatoris exerceret. Non autem poterat esse diuina persona, nisi haberet diuinam naturam: propterea illi dicunt, vnicum, & verum Mediatorem, Deum, & hominem esse debuisse. Accedit vltimò, quodd, si humana persona pro nobis satisfecit, non ex rigore iustitiæ satisfecit, ac propterea non fuit necessaria incarnatio.

Prob. post.  
rior.

1. Tim. 2.

Porro si sit sermo de principio quo, seu formali. non de supposito, Christum fuisse solum Mediatorem secundum humanam naturam.

Prob. 1. Nam habemus locum illum B. Pauli: *Vnus Deus, vnus & Mediator Dei, & hominum, homo Christus Iesus*. Cur, quæ so, addit, *homo*, nisi ad exprimendam naturam, secundum quam Christus est Mediator? Præterea; hic distinguit Christus Mediatorem à Deo. Ergò Christus non est Mediator secundum naturam diuinam,

diuinam, sed tantum secundum humanam, secundum quam Christus à Deo distinguitur.

Prob. 2. Testimonijs Patrum.

Prob. 3. Rationibus.

I. Ratio ex definitione, & conditionibus Mediatoris. Mediator debet esse medius, id est, distans ab utraque parte dissidente aliquo modo. Nam, si omnino sit idem cum vna parte, non potest cogitari, imo nec fingi, quomodo sit Mediator. Porro hæc definitio conuenit Christo, ut homo iustus est, non autem, ut est Deus. Nam ut homo, distat à Deo: ut iustus, conuenit cum Deo. Et contrà, ut homo, conuenit cum ceteris hominibus; ut iustus, distat ab hominibus. Omnes nascuntur natura filij iræ. At Christus, ut Deus, non distat à Deo villo modo, id est, nec natura, nec iustitia, nec villo alio modo. Igitur non ut Deus, sed ut homo iustus, Mediator est inter Deum, & homines peccatores.

Prob. 2.  
Op. 1.  
1. Ratio.

II. Ratio: Si Christus est Mediator secundum utramque naturam, vel secundum utramque coniunctam sumptam, vel secundum utramque seorsim acceptam. Non secundum utramque simul, quia Christus sic distat quidem à ceteris hominibus. & etiam à Deo Patre, & Spiritu sancto. At non distat à Deo Filio, nec persona, nec natura: & tamen ab illo etiam distare debet, cum & ipse sit pars offensæ, ad cuius placationem Mediatore opus sit. Quod autem non secundum utramque seorsim, patet, quia non secundum diuinam seorsim acceptam, cum illa sit pars offensæ, & secundum illam nihil distet Christus à Deo. Restat ergo, ut solum secundum humanam Christus sit Mediator.

1. Ratio.

III. Ratio: Si Christus esset aliquo modo Mediator secundum naturam diuinam, omnes tres personæ essent Mediatores. Nam, cum natura diuina sit communis tribus, quidquid secundum illam conuenit vni personæ, id conuenit omnibus tribus. Vnde est illa maxima S. S. Patrum: *Opera Trinitatis esse indiuisa*. Porro absurdum esse, ut omnes tres personæ dicantur Mediatores, non videtur egere probatione. Nam, si tota Trinitas sit Mediator, cuius, quæso, est Mediator?

1. Ratio.

IV. Ratio: Officium Mediatoris proprium est sacrificare, & sacrificando satisfacere, ut constat ex Apostolo. At sacrificare non potest Christo conuenire secundum diuinitatem, sed solum secundum humanitatem: siquidem facere diuinitatem filij Sacerdotem, est apertissimus Arianismus. Nam omnis Sacerdos est minor eo, cuius est Sacerdos: officium enim eius est ministrare. Idem dici potest de alijs officijs Mediatoris Christi, ut quod *interpellat pro nobis*: quod *Adiuuatus noster est*: quod *dedit semetipsum redemptionem pro nobis*. Hæc enim omnia arguunt naturam inferiorem. Non igitur potest Christus, ut Deus, esse Mediator, nisi, ut Deus, sit minor Patri, & Patri seruiat, ut minister.

4. Ratio.  
Heb. 7.  
Op. 2.

Rom. 8.  
1. loc. 2.

V. Ratio est: Si operatio propria Mediatoris conuenit Christo ratione vtriusque naturæ, sequitur confusio operationum, & consequenter naturarum in Christo, quæ est hæresis Monothelitarum, & Eutychianorum, damnata in VI. Synodo.

1. Ratio.

K

Nam



Nam, cum in VI. Synodo reijcitur vna operatio in Christo, non reijcitur vna operatio respectu Dei, tanquam principalis agentis, & hominis, vt instrumenti. Nam certum est, in Christo multa eiusmodi opera inueniri. Talia enim erant omnia miracula qui fiebant à Deo Verbo per carnem, vt instrumenti. Sed reijcitur vna operatio respectu Dei, & hominis, tanquã propriæ, & principalis causæ. Illa autem dicitur causâ propria, & principalis, quæ agit ex virtute sua, quam habet ex propria sua forma, & essentia. Ac, vt exemplis rem illustremus, quando Christus curabat febres imponendo ægrotis manus, impositio manuum erat operatio propria, & principalis humanitatis, quia ex propria sua forma id habebat. At expulsio febris erat propria & principalis ipsius Deitatis operatio, quia nō habebat hoc ex sua forma manus Christi, sed tantum vt applicaretur à Deo ad illud opus. Dicere autem, imponere manus, fuisse propriam operationem Deitatis, vel expellere febrim, fuisse propriam humanitatis, & proinde vnam tantum fuisse operationem imponere manus, & expellere febrim, est confundere operationes, & naturas. Et hæc est hæresis in eo Concilio damnata. Iam verò sacrificare, quod est officium Mediatoris, proprium est Christi, vt homo est. Nam conuenit ei secundum humanam formam, vt patet, quia conuenit etiam puris hominibus. Ergo, si hoc idem conuenit Christo, vt Deus est, eadem erit operatio vtriusque naturæ, vt causâ propriæ, & principalis; nisi velint, Deitatem esse instrumentum humanitatis, quo nihil absurdius cogitari potest.

*Questio. 2.*  
*Resp.* Altera controuersia est: *An Christus operibus, ac laboribus suis, non solum nobis omnibus gratiam, & gloriam, sed etiam aliquid sibi acquisierit?* Conueniunt Doct. Theologi, atque vno ore docent, Christum, præter ea bona, quæ suis laboribus peperit nobis, meruisse etiam sibi corporis gloriam, & nominis exaltationem.

*Prob. 1.*  
*Phil. 2.* Prob. I. *Humiliavit semetipsum, factus obediens usque ad mortem, mortem autem crucis: propter quod & Deus exaltauit illum, & dedit illi nomen, &c.* Et: *Videmus Iesum propter passionem mortis gloriâ, & honore coronatum.*

*Prob. 2.* Prob. 2. Ex Patribus. Accedit 3. congruentia rationis: nam melius est, ceteris paribus, aliquid ex merito habere, quam sine merito. At gratia, & gloria, scientia, & præcipue vnio Hypostatice, quæ Christus habuit ab initio, tam sunt excellentiæ, vt melius sit illis nunquam carere, quam acquirere ea ex merito.

# DE ROMANO

## PONTIFICE.

### LIBER TERTIVS.

#### CAPVT I.

Quodnam sit optimum regimen?



**N**EMINI dubium esse potest, quin & potuerit, & voluerit Saluator noster Iesus Christus suam Ecclesiam eâ ratione, & modo gubernare, qui sit omniû optimus, & vtilissimus. *Tres forma gubernationis.* Tres autē sunt formæ bonæ gubernationis: Monarchia, id est, vnus principatus; cuius contrariû vitium est Tyrannis: Aristocratiâ, id est, regimen optimatum; cui opponitur Oligarchiâ, hoc est, factio paucorum: & Dimocratiâ, hoc est, imperium quod in seditiones non rarò degenerat. Quamquam autem tres tantum sint formæ simplicis gubernationis: possunt tamen inter se ille quasi permisceri, ex quâ permixtione quatuor aliæ formæ mixti regiminis producentur. Vna temperata ex omnibus tribus: Altera ex Monarchiâ, & Aristocratiâ: Tertia ex Monarchiâ, & Dimocratiâ: Postrema ex Dimocratiâ, & Aristocratiâ. Prima itaque nascitur quæstio: *Quæ sit ex septem formis gubernationis optima?* Nos B. Thomam, aliosque Theologos Catholicos secuti, statui-  
mus primam propositionem: *Ex formis simplicibus præstantissima est Monarchia.* Secunda sit: *Regimen temperatum ex omnibus tribus formis propter humana naturæ corruptionem vtilius est, quàm simplex Monarchia.* Tertia: *Circumstantijs seclusis, simplex Monarchia simpliciter, & absolute excellit.*

Prima propositio prob. primò, quia in eam conueniunt omnes scriptores, *Prob. 1.* Hebræi, Græci, Latini, Theologi, Philosophi, Oratores, Historici, Poëtæ. *Propos. 1.* Secundò prob. auctoritate diuina, quæ tribus modis ostendit, Monarchiam esse optimum regimen. Primùm, institutione humani generis. Deus enim ex vno facit omne genus hominum. vt Apostolus ait. Non enim virum & feminam pariter ex humo produxit; sed virum ex humo, feminam ex viro. Deinde, indicauit Deus sententiam suam, cum non solum hominibus, sed etiam omnibus penè rebus in seuit naturalē propensionē ad Monarchicum regimē. Neque dubium esse potest, quin naturalis propensio ad auctorem naturæ, Deum referenda sit. Principatum autem vnus maximè naturalem esse, declarat

clarat inprimis, quòd in qualibet domo naturaliter ad vnum Patrem familias pertinet gubernatio coniugis, filiorum, seruorum, rerum denique cæterarum. Item, quòd maxima pars orbis terrarum à Regibus gubernatur. Prætereà, quòd longè verustiora sunt regna, quàm Respub. *Principio rerum* (inquit Iustinus) *gentiumq, nationumq, imperium penes Reges erat.* Denique, quòd etiam animantia rationis expertia vnus principatum expetere videantur: vt patet de apibus, gregibus, armentis, gruibus.

Tertiò indicauit Deus suam sententiam in eà Rep. quam in populo Hebræorum instituit. Non enim gubernatio Hebræorum Aristocratia fuit, aut politicæ vicina, sed planè monarchia. Principes apud Hebræos fuerunt primò Patriarchæ; vt Abraham, Iacob, Iudas, &c. Deinde Duces; vt Moyses, & Iosue: tum Iudices; vt Samuël, Samson, & alij: postea Reges; vt Saul, Dauid, Salomon: postremò iterum Duces; vt Sorobabel, & Machabæi. Ac Patriarchas quidem regia potestate præditos fuisse, indicant res gestæ ipsorum. Nam Abraham bellum gessit aduersus quatuor Reges, nec legitur ab vlllo Senatu optimatum potestatem accepisse, sed nec vllum quidem Senatum consultuisse. Iudas etiam nurum suam, quæ stupri fuerat accusata, igni adiudicauit: nec ipse vllum Senatum consultuit, aut rogauit. Moyses quoque, vt verus, & summus princeps populi Iudaici, multa millia Iudæorum, propter vitulum aureum, quem erexerant, vno die iussit occidi: neque legimus vllum Senatum consultum, aut Plebiscitum præcessisse. Certè Gedeon, post victoriam de Madianitis, occidit 70. viros vrbs Socoth, & turrim Phaniel subuertit. De Regibus idem indubitatum est.

Tertiò prob. propositio prima à proprietatibus, quas omnes habent pro comperto, optimo regimini conuenire.

1. *Proprietas regiminis opt.*

Prima est, ordo. Eò siquidem melior gubernatio est, quò magis est ordinata. Talem autem esse Monarchiam, ita demonstratur. Omnis ordo in eo positus est, vt alij præsent, alij subijciantur: nec enim inter pares, sed inter superiores, & inferiores ordo dignoscitur. Vbi autem est monarchia, ibi omnes omninò ordinem aliquem habent, cum nemo sit, qui non subijciatur alicui, eo solum excepto, qui curam omnium gerit. Hæc ratione in Ecclesia summus est ordo, vbi plebes subijciuntur Parochis, Parochi Episcopis, Episcopi Metropolitanis, Metropolitanis Primatibus, Primates Pontifici Max. Pontif. Max. Deo. Vbi verò gubernatio penes optimates est, plebes quidem ordinem suum habent, cum subijciantur Optimatibus; sed Optimates inter se ordinem nullum habent. Multò etiam magis Democratia ordine caret, cum omnes ciues eiusdem conditionis, & auctoritatis in Repub. censeantur.

2. *Proprietas aut.*

Altera proprietas est, affectio proprii finis, qui est ciuium inter se coniunctio, & pax: quæ coniunctio in eo potissimum sita esse videtur, vt idem sentiant, idem velint, idem sequantur omnes. Id verò multo certius, & facilius obtinebunt, si vni parendum sit, quàm si multis. Vix enim fieri potest, vt multi, quorum vnus ab alio non dependeat, de rebus iisdem, eodem modo sentiant. Confirmat hoc idem vsus, & experientia. Siquidem apud Romanos sub Regibus rarè admodum inter ciues dissensiones leguntur fuisse: ex actis autem Regibus, cum pex annuos magistratus Resp. gereretur, rarus ille an-

nus fuit, in quo non contenderent patricij cum plebeis; ac tandem eo usque ciuiles contentiones progressæ sunt, vt suis quodammodo manibus potentissima illa Respub. interierit. Accedit etiam illud, quod nunquam maiori, & diuturniori pace Romana ciuitas vñ sit, quàm sub imperio Augusti, qui primus Romæ stabilem Monarchiam instituit.

Tertia proprietas est, robur, ac potentia Reipub. Illa enim gubernatio omnium iudicio cæteris antecellit, quæ potentio-<sup>3. Propri-</sup>riorem, & fortio-<sup>iam.</sup>riorem Rempub. facit. Illa vero fortior Respub. est, in qua maior est ciuium inter se coniunctio, & conspiratio: vires enim coniunctæ seipsis dissipatis sunt fortiores. At maior est coniunctio, vbi ab vno pendent omnes, quàm vbi à multis. Accedit experientia. Siquidem ex quatuor potentissimis imperijs tria sub Regibus creuerunt: imperium videlicet Assyriorum, Persarum, & Græcorum. Vnum est Romanum, quod sub populari dominatu creuit; sed & illud in maximis rerum perturbationibus sine Dictatore, id est. Rege ad tempus constituto, cōseruari non poterat; & multo magis postea sub Augusto Monarchâ floruit, quàm tempore Reipub. vnquam florisset.

Quarta proprietas est, stabilitas, & diuturnitas. Neque enim negari potest, quin illa sit melior gubernatio, quæ stabilior, ac diuturnior est. At Monarchiam talem esse, iam ostendimus, cum docuimus, eam sine dubio cæteris esse fortio-<sup>4. Propri-</sup>riorem, si de externa vi agatur: casibus autem, & mutationi minus esse obnoxiam, etiam nullâ adhibita externa vi, ita potest demonstrari. *Omne reg-*<sup>iam.</sup>  
*num in se diuisum desolabitur.* Difficilius autem diuidi potest Monarchia, quàm vlla alia forma regiminis. Id enim minus facile diuiditur, quod magis est vnum. Magis autem est vnum ipsum simplex vnum, quàm multitudo conspirans in vnum. Illud enim est vnum per se, & naturaliter, & nihil aliud est, quàm vnum: Hæc autem solum ex arte est vnum, per se vero, & naturaliter multa. Ergo, &c. Hinc nimirum Monarchia Assyriorum à Nino ad Sardanapalum sine interruptione durauit annis M. C C C. X L. vt Euseb. docet: vel M. C C C. vt colligit Iustinus: vel supra M. C C C C. vt vult Diodorus. Sic autem durauit hoc regnum vt semper successor in regno fuerit de mortui Regis filius.

Scytharum autem regnum, quod est habitum omnium vetustissimum, nec ab vñlo externo hoste destrui potuit, vt scribit Iustinus, nec per se vñlo vnquam tempore dissolutum. Quocirca aliquot annorum millibus illud stetit, necesse est.

Nulla autem est Respub. quæ diuturna, & stabilis fuit. Certè Resp. potentissima Romanorum vix annos C C C C. L X X X. potuit numerare. Tot enim sunt ab exactis Regibus vsque ad Imperium Iulij Cæsaris. At sub Monarchis in Oriente à Iulio vsque ad Constantinum vltimum, sine interruptione durauit annis M. C C C C. X C V. in Occidente autem ab eodem Iulio vsque ad Augustulum, supra quingentos; & à Carolo magno vsque ad præsentem Imperatorem annos ferè D. C C C.

Sed nec illis C C C C. L X X X. annis, quibus floruit in Romano Imperio Democritia, semper eodem modo Respub. regebatur. Initio enim

annui Consules creati sunt; paulò post additi Tribuni; tum Consulibus, & Tribunis sublatis creati Decemviri: illis etiam post annum electis, iterum, Consules, & Tribuni reuocari: non raro etiam Dictatores. & aliquoties Tribuni militares cum Consulari potestate introducti. Itaque nulla una forma diu durauit, nec omnes simul ad statem nobilium Regnorum peruenire potuerunt.

5. *Propria-  
tas,*

Quinta proprietas est, facilitas gubernationis. Facilius autem esse, ut ab vno rectè ciuitas regatur, quàm à multis, his rationibus probari potest. Primum; Facilius est vnum hominem bonum reperire, quàm multos: Deinde; Facilius vni homini parebunt, quàm multis. Præterea; Magistratus, qui per vices, atque ad breue tempus Rempub. gerunt, prius sæpe deponere coguntur prouinciam, quàm Reipub. negotia planè cognouerint: Rex autem, qui semper eodem officio fungitur, tametsi interdum tardioris ingenij sit, tamen vsu, atque experientia multis alijs præstat. Item; Annui magistratus negotia Reip. eò, quòd non propria, sed communia sint, quasi aliena respiciunt; Rex verò tanquam sua, & propria: certum autem est, cum facilius, tum etiam diligentius propria, quàm aliena curari. Ad hæc; Vbi multi sunt, qui regunt, vix fieri potest, ut inde absit æmulatio, ambitio, contentio: ex quo non raro solet accidere, ut alij alios impediunt. Postremò; Sicut in amplis familijs, vbi multis seruis idem ministerium assignatur, negligenter negotia procurantur, quòd vnus alij prouinciam communem relinquit: sic etiam est, vbi multi sunt principes Reipub.

Prob. 1.  
Propos. 2.

Altera propositio ita demonstratur: Nam talis gubernatio id requirit, ut sit quidem in Rep. summus aliquis Princeps, qui & omnibus imperet, & nulli subijciatur. Præsides tamen prouinciarum, vel ciuitatum non sunt Regis vicarij, siue annui iudices; sed veri Principes, qui & imperio summi Principis obediant, & interim Prouinciam vel ciuitatem suam, non tanquàm alienam, sed ut propriam moderètur. Itaque cum haberet in Rep. tam Regia quædam Monarchia, quàm etiam Principum optimatum Aristocratia. Quòd si his adderetur; ut neque summus ille Rex, neque principes minores hæreditariâ successione dignitates illas acquirerent, sed ex vniuerso populo optimi quique ad eas eueherentur, iam esset etiam suus quidam locus Democratiz in Repub. attributus. Hanc esse optimam formam regiminis, duobus argumentis comprobamus. Primum enim, haberet huiusmodi gubernatio bona omnia, quæ supra demonstrauius inesse Monarchiz: & esset præterea in hac vita gratiores, & vtiliores. Ac bona quidem Monarchiz in hac nostra gubernatione inesse, planum est, cum hæc gubernatio Monarchiam quandam verè, ac propriè comprehendat. Futuram autem in omnibus gratiorem ex eo perspicere potest, quòd omnes illud genus regiminis magis amant, cuius participes esse possunt: quale sine dubio est hoc nostrum, cum virtuti, non generi deferatur. De vtilitate verò nihil est, quod dicamus, cum certum sit, non posse vnum aliquem hominem per se prouincias, & ciuitates singulas regere, & velit, nolit, cogatur earum procuracionem, vel administris vicarijs suis, vel proprijs earum principibus demandare: & rursum æquè sit certum

certum, multò diligentius, ac fidelius principes res suas, quàm alienas vicarios procuraturos.

Accedit alterum argumentum ex auctoritate diuina. Deus enim eiusmodi regimen in Ecclesia sua semper tam veteris, quàm noui Testamenti instituit. De veteri quidem facile potest probari. Habuit enim populus Hebræorum semper vnum, siue Ducem, siue Iudicem, siue Regem, qui toti multitudini imperaret, quod pertinet ad Monarchiam. Habuit præterea multos principes minores, de quibus ita legimus: *Elegit viris strenuis de cunctis Israël constituit eos Principes populi, Tribunos, & Centuriones, & Quinquagenarios, & Decanos qui iudicabant plebem omni tempore.* Id autem ad Aristocratiam pertinet. Denique ex omni plebe, non ex vna aliqua tribu, principes assumebantur, vt patet ex Exodo, & Deuteronomio. quod aliquo modo Democratia est. De Ecclesia Testamenti noui postea probabimus, esse in eà summi Pontificis Monarchiam, atque Episcoporum (qui veri principes, & pastores, non vicarij Pont. Max. sunt) Aristocratiam: ac demum suum quendam in ea locum habere Democratiam, cum nemo sit ex omni Christiana multitudine, qui ad Episcopatum vocari non possit, si tamen dignus eo munere iudicetur.

Tertia propositio prob. Nam si ea de causa mixtum regimen inter homines Monarchia simplici anteponimus, quòd nequeat vnus homo omnibus locis adesse, & necessariò cogatur, aut per administratos vicarios suos, aut per principes negotia Reip. procurare; certe hac personæ circumstantia, & alijs, si quæ sunt eiusmodi generis, exclusis, nulla erit ratio, cur simplex Monarchia alijs formis regiminis non præferatur.

Sed aliud præterea efficacius argumentum habemus. Siquidem Monarchia simplex in imperio Dei, & Christi locum habet: debent autem Deo, & Christo optima quæque attribui: ergò optimum regimen simplicem Monarchiam esse necesse est. Si quis autem id negare voluerit, non video quemadmodum in Marcionis, ac Manichæi, atque etiam Ethnicorum errorem non probatur. Nam, cum mundus ab effectore suo sine controuersia optime gubernetur; si Aristocratia præstantissima est forma regiminis, multi erunt mundi huius moderatores & quod inde sequitur, multi effectores, multa principia prima, multi Dij.

## CAPUT

## CAPVT II.

Debeatne Ecclesiasticum regimen esse  
Monarchicum?

Com. 6.  
Ad. 9.  
Hebr. 13.

Rom. 1. 2.  
1. Tim. 3.

Psal. 11.  
Lamb. 1.

1. Cor. 4.

Propos. 1.  
Prob. 1.

**I**N tribus nobis cum aduersarijs conuenit. Vnum est, in Ecclesia esse aliquod regimen. Nam dicitur: *Castrorum acies ordinata*. Et: *Attendite vobis, & vniuerso gregi, quos Spiritus sanctus posuit Episcopos regere Ecclesiam Dei*. Et: *Obedite praeceptis vestris*. Secundum est, regimen Ecclesiasticum esse spirituale, & distinctum à politico. Quando enim Paulus dicebat: *Qui praesit, in sollicitudine*. Et: *Qui bene praesunt, duplici honore digni habeantur*; & familia, nondum erant vlli, aut certe rarissimi in Ecclesia seculares Principes. Tertium est, Regem absolutum, & liberum totius Ecclesiae, solum Christum esse, de quo dicitur: *Ego autem constitutus sum Rex ab eo super Sion montem sanctum eius*. Atque: *Et regni eius non erit finis*. Itaque non quiritur in Ecclesia absoluta, & libera Monarchia, vel Aristocratia, vel Democratia; sed talis, qualis esse potest ministrorum, & dispensatorum, cum dicat Paulus: *Sic nos existimet homo, ut ministros Christi, ac dispensatores mysteriorum Dei*. Iam vero Doctores Catholici in eo conueniunt omnes, ut regimen Ecclesiasticum hominibus à Deo commissum sit illud quidem Monarchicum, sed temperatum ex Aristocratiâ, & Democratia.

Propositio prima. *Regimen Ecclesiae non est praeipue penes populum*. Prob. primo ex quatuor rebus, quae inesse debent in omni populi gubernatione.

Primo; Vbi est popolare regimen, magistratus ab ipsa plebe constituuntur, atque ab eadem auctoritatem sumunt. Cum enim plebs per se ad ius dicendum sedere non possit, debet saltem alios constituere, qui nomine suo id faciant. Quocirca M. Tullius consularum, qui summus erat in Rep. Rom. magistratus populi beneficium vocat.

Secundo; vbi est popolare regimen, appellatur à sententia magistratus in rebus grauioribus ad iudicium populi. Id consuetum fuisse in Rep. Rom. Liuius docet, & Plutarchus.

Tertio; Leges, quibus Resp. gubernanda est, à magistratu quidem proponuntur, sed à populo iubentur.

Quarto; Accusari solent magistratus apud populum, nec non dignitate priuari, & in exilium deportari, vel etiam morte mulctari, si ita populo videatur. Exempla sunt plurima.

Romani enim ex duobus primis Consulibus, quos creauerant, Tarquinium Collatinum, solum propter odiosum nomen Tarquiniorum, ante tempus magistratu priuarunt: iidem, cum Decemuiros creassent, eosdem postea inuitos deposuerunt. Iam quod nihil horum conueniat Christianae ple-

bi, est

bi, est facillimum demonstrare. De primo satis constat, quod in tota Scriptura non est vnum verbum, quo detur auctoritas plebi creandi Episcopos, vel Presbyteros: est autem, quo detur Episcopo talis auctoritas: *Huius rei gratiâ Tit. 1. reliqui te Cretæ, vt constituas per ciuitates Presbyteros, sicut & ego disposui tibi.* Deinde, Apostoli, qui primi fuerunt Ecclesiæ ministri, à Christo, non ab Ecclesiâ, le- *Mat. 6.* guntur electi, & constituti.

Primi quoque Episcopi post Apostolos, quo tempore purissima erat Ecclesia, non à populo, sed ab Apostolis facti sunt. Neque secundum conuenit plebi Christianæ. Nusquam enim est auditum in Ecclesia, vt appellaretur ab Episcopis ad populum, neque vt populus absoluerit, quos Episcopus ligauerat, vel ligauerit, quos Episcopus soluerat. Neque etiam vnquam accidit, quod populus iudicauerit de controuersijs fidei: at nos proferimus multa iudicia Episcoporum, & præcipue summi Pontificis, quæ extant in tomis Conciliorum.

Adde, quod sint innumera Scripturæ, Conciliorum, & Patrum testimonia, quibus probatur, nullo modo conuenire Christianæ plebi, exercere iudicia ecclesiastica.

Porro tertium minus conuenit plebi. Omnes enim leges Ecclesiasticæ, vel à Pontificibus, vel à Concilijs inueniuntur lætæ, nec vnquam est expectatum suffragium populi, vt ex eo censerentur auctoritatem habere. Hinc B. Paulus transiens Syriam, & Ciliciam, præcipiebat populis, vt custodirent præcepta Apostolorum, & seniorum. *Act. 15.*

Nulla autem extat lex, quæ dici posset plebiscitum in Ecclesia, quales leges permultæ extabant in Rep. Romanorum. Denique illud postremum minimè omnium conuenit. Nullus enim poterit ostendi Episcopum, qui à populo fuerit vel depositus, vel excommunicatus; cum plurimi inueniantur depositi, & excommunicati à summis Pontificibus, & Concilijs generalibus.

Prob. secundò propositio à sapientiâ Dei. Non enim credibile est, Christum, Regem sapientissimum, instituisse in Ecclesiâ suâ illud regimen, quod est omnium deterrimum. Deterrimum autem regimen esse Democraticum, patet ex Philosophis, & Patribus, & ratione. Nam non potest non pessimum esse regimen, vbi sapientes reguntur à stultis, periti ab imperitis, boni à malis. *Prob. 2.*

Tale autem est regimen Democraticum; nam vbi viget Democratia, plurimum suffragijs omnia statuuntur. Constat autem semper plures esse stultos, quàm sapientes; malos, quàm bonos; imperitos, quàm peritos.

Postremò prob. propositio; Si plebs haberet auctoritatem aliquam in Ecclesia gubernandi, vel eam à se haberet, vel ab alio: non à se, quia non est de iure naturæ, vel gentium hæc potestas; sed de iure diuino, & supernaturali. Non enim est similis ciuili potestati, quæ est in populo, nisi à populo transferatur in Principem. Neque habet plebs ab alio. Debet enim à Deo habere, si ab alio habet. At à Deo non habet, siquidem in libro Dei, id est, in sacris litteris, nusquam traditur populo potestas docendi, pascendi, regendi, ligandi, soluendi; sed semper populus vocatur grex, qui pasci debeat. Petro autem *Prob. 3.*

L dicitur;



Joan. vii.  
Ab. 20.

dicitur: *Pasce oves meas.* Et. *Episcopos posuit Spiritus sanctus regere Ecclesiam Dei.* Habemus igitur non esse popularem Ecclesiæ gubernationem.

Propo<sup>2</sup>.  
Duo errores.

Propositio secunda. *Ecclesiasticum regimen non est penes Principes seculares.* Duo Brentij errores sunt. Primus, Optimates Ecclesiæ esse principes seculares. Alter est, ad hos optimates curam, & regimen Ecclesiæ præcipuè pertinere. Quos etiam errores habuit Henricus VIII. Angliæ Rex. Is enim se caput Ecclesiæ Anglicanæ constituit, & eodem modo censuit alios principes capita suprema Ecclesiæ in suis ditionibus esse debere.

1. Error re-  
futatur. 1.  
1. sol. 49.

Primus error facilè refutatur primò ex illis verbis: *Pro patribus tuis nati sunt tibi Filij, constitues eos principes super omnem terram.* Sic enim hunc locum B. Augustinus exponit, *Pro patribus*, id est, Apostolis, *nati sunt filij*, id est, fideles multi, quos Deus constituit Episcopos, & eo modo principes super omnem terram. Nec multò aliter Græci Patres Chrysostomus, Theodoretus, exponunt, qui per patres Patriarchas; per filios principes Apostolos intelligunt.

1. Cor. 12.  
Ephef. 4.

Item Apostolus: *Deus*, inquit, *in Ecclesiâ posuit primum Apostolos, deinde Prophetas, tum Pastores, & Doctores.* Si primi sunt Apostoli, qui Episcopi fuerunt, & quibus Episcopi succedunt; certè primi non sunt reges, & principes seculares. Secundò refutatur ex Patribus. *He error.* Tertio ex gestis Episcoporum, & Regum. Nam Fabianus Papa primum Imperatorem Christianum, Philip-pum, exclusit à communione Sacramenti altaris, in die Paschatis, propter quedam ipsius peccata publica: nec antea eum admisit, quàm ille confessione, & poenitentia peccata purgavit.

Li. 6. hystor.  
6. 23.

Scribit Euseb. Item Constantinus apertè professus est, de Episcopis se iudicare non posse, vt qui Dij quidem sint; sed contra potius, eorum se stare subiectum iudicio.

Li. 1. hystor.  
6. 2.

Scribit Rufinus. Theodosium seniore B. Ambrosius ab Ecclesiæ liminibus expulit, & poenitentiam publicam subire coëgit, ac deinde cum Imperator in Ecclesiâ ad loca sacerdotum ascendere, atque ibidem sedere vellet, iussit eum Ambrosius descendere, & cum plebe consistere; quod ille libenter fecit.

Li. 5. hystor.  
6. 17.

Scribit Theodoretus. Denique Maximus Imp. cum in conuiuio federet, assidente quoque B. Martino, & pinserna primum calicem Imperatori, vt omnium nobilissimo, vellet offerre, ille ad Episcopum misit, qui non recusauit, sed primum bibit, & postea non Imperatori, sed Presbytero suo, calicem tradidit.

In vita B.  
Martini.  
Refutatur 4.  
lib. 7.

Scribit Sulpitius. Postremo refellitur error duplici ratione. Primum; Episcopus Regem inungit, docet, ligat, soluit, benedicit: Ait autem Apostolus: *Sine contradictione minor à meliore benedicitur.* Præterea; Principatus secularis institutus est ab hominibus, estque de iure gentium: at principatus Ecclesiasticus est à solo Deo, & de iure diuino. Ille regit homines, vt homines sunt, & magis ratione corporum, quàm animarum: iste verò, vt Christiani sunt, & magis ratione animarum, quàm corporum. Ille habet pro fine temporalem quietem, & salutem populi: iste vitam, & felicitatem sempiternam. Ille vritur naturalibus legibus, & institutis humanis: iste legibus diuinis, & Sacramentis diuinitus institutis, Ille gerit bella cum hostibus paucis, & visibilibus;

bilibus: iste cum inuisibilibus, & infinitis.

Posterior error ex ijs, quæ dicta sunt, facile refutatur. Si enim principes non sunt Ecclesiæ optimates, ad eos non pertinet Aristocratia Ecclesiæ. Possunt etiam adiungi hæc argumenta. Primum; Regimen Ecclesiæ supernaturale est: nemini igitur conuenit, nisi cui Deus commisit. Legimus autem in Scripturis, commissum Apostolis, & Episcopis eorum succelloribus. Nam Petro Apostolo dictum est: *Pasci oues*. Et de Episcopis dicitur: *Quos posuit Deus Episcopos regere Ecclesiam Dei*. De Regibus nihil eiusmodi usquam legimus. Deinde; Ad annos ferme CCC. nullus fuit in Ecclesiâ secularis princeps, excepto solum Philippo Imperatore, qui breuissimo tempore superuixit: & fortè aliquis alius in prouincijs non subiectis imperio Romano: & tamen eadem fuit Ecclesiâ, quæ nunc est, & eandem habuit regiminis formam: non igitur principes sæculi sunt, qui Christi Ecclesiâ regunt.

*Posterior error refutatur.*  
*Iuan. vii. ad. 10.*

Item qui habent summam potestatem in Rep. ij possunt omniâ, quæ inferiores Magistratus possunt. At non possunt Reges officium Episcopi, Presbyteri, Diaconi sibi usurpare: qualia sunt, Verbum Dei predicare, baptizare, consecrare, non igitur sunt Reges supremi Ecclesiæ magistratus. Non posse autem Reges officia sacerdotum inuadere, probamus: nam Reges non solum viri, sed etiam feminae esse possunt: at feminitas publicè docere Apostolus prohibet. Deinde Iosaphat, Rex optimus: *Amarias, inquit, sacerdos, & Pontifex in omnibus, quæ ad Deum pertinent, præsidebit: porro Zabadias super ea opera erit, quæ ad Regis officium pertinent*. Et cum Ozias rex vellet thus adolere, prohibuit eum Pontifex dicens: *Non est tui officij, Ozia, adolere incensum Domino, sed sacerdotum*. Et cum ille perseveraret continuò grauisimâ leprâ diuinitus percussus est. Multò ergo minus hoc licitum est in Testamento nouo. Quod idem patet ex Concilijs, & Patribus.

*1. Cor. 14.  
1. 1. Tim. 2.  
2. Paral. 19.  
2 Paral. 26.*

Propositio tertia: Regimen Ecclesiæ non est præcipuè penes Episcopos. Duo hic Caluini errores sunt. Prior est, Episcopos, & Presbyteros, iure diuino patres esse. Posterior, in ceteris seniorum supremam Ecclesiæ potestatem relidere. Prior error refutatur ex posteriore, siquidem hi duo inter se pugnant. Si enim Ecclesiâ regitur ab optimatibus, vt habet secundus error, certè Presbyteri non sunt optimates: vel si Presbyteri sint optimates, Ecclesiâ non regitur ab optimatibus, vt habet secundus error. Constat enim in Concilijs generalibus, in quibus de administratione totius Ecclesiæ agitur, & vbi leges, quibus Ecclesiâ regitur, feruntur, vel abrogantur, nunquam interfuisse Presbyteros cum auctoritate definiendi, nisi essent Legati, & locum tenerent aliquorum Episcoporum, vt patet ex actis Conciliorum.

*Propos. 3.  
Duo errores.  
Prior refutatur.*

Posterior error confutatur primò: Nusquam in Scripturâ legitur collata summa potestas Concilio sacerdotum. Quæcumque enim auctoritas Apostolis, cæterisque discipulis concessa à Christo est, non solum omnibus, sed etiam singulis concessa est: neque ad eam exercendam erat opus Concilio. Poterât enim sine dubio Apostoli singuli, & possunt etiam nunc singuli Episcopi docere, baptizare, soluere, ligare, ordinare Ministros, &c.

*Posterior refutatur.*

Secundò; Si penes optimates esset Ecclesiæ regimen, sequeretur Ecclesiâ ferè semper carere rectoribus, &, vt plurimum, neminem esse, cui curæ

*Refutatur 2.*

sit commune bonum: proinde Remp. Ecclesiasticam omnium esse miseriam. Optimates enim, cum pares inter se sint, non possunt commune bonum, ut par est, administrare, nisi vel congregati sint, vel aliquem elegerint communi consensu magistratum, cui omnes obediant: quemadmodum Romani suos Consules eligebant. At in Ecclesia rarissime congregantur optimates ad generale Concilium.

Primis enim C C C. annis nulla fuit congregatio generalis: postea verò, vix centesimo quoque anno. Magistratum autem, cui Ecclesia vniuersa, saltem ad tempus, pareret, nullum vnquam optimates illi crearunt. Nam, si creassent vnum, is maximè fuisset ex primarijs quinque Patriarchis, qui semper in Ecclesia præ cæteris emicuerunt: At Patriarcham Rom. nunquam habuisse hanc potestatem, aduersarij contendunt. De cæteris quatuor res est certissima: nunquam enim Alexandrinus Patriarcha aliquid iuris habuit extra Ægyptum, neque alij extra suas regiones.

Refut. 3.

Tertiò; Si esset in cætu optimatum summa potestas, quò numerosius congeretur Concilium, eò plus haberet auctoritatis: neque vnquam euenire posset, ut minori Concilio plus tribueretur, quàm maiori.

At Concilium Ariminense Episcoporum D C. nullius vnquam auctoritatis in Ecclesia Catholica habitum est.

Concilium autem primum Constantinopolitanum C L. Episcoporum, summæ semper auctoritatis fuit.

Ac nos quidem Catholici huius rei causam reddimus, quòd illud fuerit à Pont. summo, in quo est summa Ecclesiæ potestas, reprobatum: Hoc autem confirmatum. Qui autem summam potestatem tribuunt optimatibus, nullam huius rei causam adferre possunt.

Refut. 4.

Quartò; Tameñsi Democratia est absolutè pessimum regimen, tamen Ecclesiæ perniciosior esse videtur Aristocratia. Siquidem summum Ecclesiæ malum hæresis est; Hæreses autem ab optimatibus potius, quàm à plebeis hominibus excitantur. Certè hæresiarchæ ferè omnes aut Episcopi, aut Presbyteri fuerunt.

Itaque sunt hæreses, quasi quedam optimatum factiones, sine quibus nullæ essent in Ecclesia populorum seditiones. Factiones autem nunquam facilius, aut frequentius oriuntur, quam cum optimates regunt, ut patet experimento, & Philosophorum testimonio.

Propos. 4.

Prob. 1.

Propositio quarta: *Regimen ecclesiasticum præcipuè Monarchicum esse debet.*

Prob. primo, quia tres sunt regiminis formæ, & iam probatum est, Ecclesiæ regimen nec esse Aristocraticum, nec Democraticum, quid aliud superest, quam ut sit Monarchicum?

Prob. 2.

Hæb. 8.

Deinde, si Monarchia est optimum, & præstantissimum regimen, certum est, Ecclesiam Dei à sapientissimo Principe Christo institutum, optimè gubernari; quis inficiari potest eius regimen debere esse Monarchicum?

Prob. secundò, à similitudine, quam habet Ecclesia mortalium hominum cum Ecclesiâ immortalium Angelorum. Siquidem certum est, istam illius exemplar, & quasi ideam quandam esse, ut Apostolos indicare viderur: ideoque Bernardus militantem Ecclesiam in Apocal. *Iherusalem nonam descend-*

*tem de celo*, appellatam esse dicit; propterea, quod ad exemplum cœlestis illius civitatis instituta, & conformata sit. Nec minùs certum, inter Angelos, præter summum Regem omnium, Deum, esse vnum, qui alijs omnibus præsit. At initio quidem præditum hâc dignitate eum fuisse, qui nunc diabolus dicitur, testantur Patres, & deduci potest ex Iob: Nam Behemeth, id est, diabolus, dicitur *principium viarum Domini*. Et apud Isaiam comparatur Lucifero, id est, stellarum maximæ, & pulcherrimæ, saltem quoad apparentiam, & vulgi opinionem, ad quam se Scripturæ accommodare solent.

Hunc autem Luciferum esse diabolum, docent Patres. Et apud Ezechielem: *Omnis lapis pretiosus operimentum tuum*. Et mox enumerantur novem lapides, quibus significantur, vt Gregorius exponit, novem Chori Angelorum, qui hunc Angelum, tanquam principem suum, circumstant.

Post casum verò diaboli S. Michaëlem principem esse omnium Angelorum, colligitur ex Apocalypsi: *Michaël, & Angeli eius*: id est, Michaël, & exercitus eius. Vt enim, cum ibidem dicitur, *Diabolus, & Angeli eius*, intelligimus, omnes Angelos malos diabolo esse subiectos, vt milites Imperatori: ita cum dicitur: *Michaël, & Angeli eius*, intelligere debemus, omnes Angelos bonos Michaëlem principem suum agnoscere. Quocirca rectè in Ecclesiastico officio S. Michaël paradisi præpositus, & princeps cœlestis militiæ nominatur.

Prob. tertio, propositio ex Ecclesia Testamenti veteris. Constat enim, Testamentum vetus fuisse figuram novi, teste Apostolo: *Hæc omnia contingant illis in figura*. Tempore autem Testamenti veteris semper fuit vnus, qui omnibus præerat in ijs, quæ ad legem, & religionem pertinebant. Ac præsertim ab eo tempore, quo cæperunt Hebræi redigi ad formam populi, & gubernari legibus, & magistratibus: quod fuit post egressionem ab Ægypto. Tunc enim Moyses ordinavit Remp. Iudæorum, scripsit eis leges, quas à Deo acceperat, Aaronem consecravit Pontificem, eique vni Sacerdotes omnes, & Levitas subiecit.

Ac deinde, vsque ad Christi tempora, nunquam defuit vnus princeps sacerdotum, qui omnes Synagogas totius mundi gubernaret.

Prob. quarto, ab ijs similitudinibus, quibus Ecclesia in Script. describitur. Omnes enim ostendunt, necessariò in Ecclesia debere esse vnum caput. Comparatur Ecclesia *exercitui ordinato*: Corpori humano, seu mulieri *speciosa*: *Regno: Ovis: Domui: Navi*, seu *Arce Noë*: Iam nulla sunt castra ordinata, vbi non sit vnus Imperator, multi Tribuni, plures Centuriones, &c.

Pari ratione in quolibet corpore humano vnum est caput. Ac ne fortè dicas, habet Ecclesia suum caput Christum; propterea non comparamus hoc loco Ecclesiam cum Christo, vt membra cum capite, sed vt sponsam cum sponso, quâ similitudine Scripturæ vtuntur.

Ac profectò si Ecclesia, quæ est in terris, Christo secluso, non ineptè comparatur sponsæ: secluso etiam Christo, vnum caput habere debet. Præsertim cum diserte inter alia eius membra, etiam caput numeretur. *Caput tuum*, inquit sponsus ad sponsam, sicut *Carmelus*. Et sponsa de sponso: *Caput eius aurum optimum*. Et sponsus quidem comparat caput sponsæ in monti Carmelo, quoniam

niam etsi summus Pontifex vnus est mons, tamen nihil aliud est, quàm terra, id est, homo. Comparat autem sponsa sponsi caput auro, quia caput Christi Deus est. Iam verò quod vnquam regnum fuit, quod non regeretur ab vno? Et quanquam Rex ecclesie Christus est, tamen ex eo colligimus, ecclesiam habere debere præter Christum aliquem vnum, à quo regatur, quòd regna semper administrantur regiè, id est, per vnum, qui omnibus præsit, & siquidem Rex præsens est, per se id facit: si abest, per alium, quid dicitur Prorex. Spectetiam, Rege præsentè, generalis aliquis vicarius constituitur.

Iam. 10.

Quòd verò ouile vnum pastorem quoque vnum requirat, ex Evangelio colligitur: *Fiet vnum ouile*, inquit Dominus, & vnus pastor. Vbi obiter notandum, posse illud; & vnus pastor, intelligi de pastore secundario, id est, de Petro, eiusque successoribus, vt Cyprianus exponit. Nam, cum Dominus *aliam ouem habere se dicit, quæ non sunt ex hoc ouili*, de populo Gentili, & Iudæorum loquitur: ac docet, se habere inter gentes multos electos, qui vel iam fideles sint, vel certè futuri sunt, & tamen ad populum illum Iudaicum non pertineant. Quamuis autem, si de Pastore Deo agatur, semper fuerint populus Iudæorum & populus Gentilium vnum ouile, & Deus vnus eorum pastor: non tamen semper fuerunt vnum ouile, & vnus pastor, respectu gubernationis humanæ. Nec enim Gentiles, vel qui inter eos ad Ecclesiam pertinebant, à Iudæorum Pontifice regebantur. At voluit, post aduentum suum Christus ex vtroque populo vnum ouile fieri, omnesque homines ab vno Pastore homine gubernari.

Lucæ 12.

Omnis etiam domus vnum habet Dominum, & vnū Oeconomum, iuxta illud: *Quis, putas, est fidelis dispensator, & prudens, quem constituit Dominus super familiam suam?* Quæ verba dicuntur Petro, & de ipso Petro. Nam paulò antè, cum Dominus dixisset: *Beati serui illi, quos, cum venerit Dominus, inuenierit vigilantes*; quæsiuit Petrus: *Domine, ad nos dic hanc parabolam, an ad omnes?* Respondit Dominus Petro: *Quis, putas, est fidelis dispensator.* &c. Quasi diceret: Tibi, O Petre, inprimis dico: tibi enim incumbit cogitare, quid requiratur in Oeconomo fidei, & prudenti, quem constituet Dominus super familiam suam. Et paulò post, vt ostendat, se loqui de vno, qui præsit omnibus conseruis, & qui soli Domino subijciatur, subiungit: *Quod si dixerit malus iste seruus in corde suo; moram facit Dominus meus venire; & caperit percussore seruos, & ancillas, & manducare, & bibere cum ebriosis: veniet Dominus serui illius in die, quæ non sperat, & horâ, quæ nescit, & diuidet eum, partemque eius cum infidelibus ponet.* Quibus verbis Dominus apertè indicat, se vnum seruum toti domui suæ præpoliturum, qui à se solo iudicari possit.

Prob. 5.

Prob. quintò à primordijs gubernationis Ecclesie. Nam constat, Ecclesiam à Christo congregatam capisse initio regimen visibile, & externum habere Monarchicum, non Aristocraticum, aut Democraticum. Christus enim, cum in terris degeret, eam visibiliter administrabat, vt summus eius pastor, & rector. Ergò etiam nunc habere debet Ecclesia externum, & visibile regimen Monarchicum: alioqui non esset Ecclesia, quæ nunc est, eadem ciuitas Dei cum illâ. Ciuitas enim, vt docet Philosophus, dicitur eadem specie, donec remanet eadem forma. Reip. id est, communis gubernationis modus,

quo

quo mutato mutatur etiam ciuitas.

Prob. sextò propositio à simili. Rectè in locis singulis singuli constituuntur Episcopi, qui ceteris omnibus eius loci ministris, & pastoribus præfunt. Rursus, in prouincijs singulis rectè constituuntur Metropolitani singuli, qui suar prouinciarum Episcopis præfideant; & in maioribus urbibus Primates, seu Patriarchæ, qui curam suscipiant ampliore. Ergo æquum est, vt sit etiam vnus aliquis, qui toti Ecclesiæ præsit, & cui Primates quoque, & Patriarchæ subijciantur. Nam, si Monarchicus principatus conuenit vni ciuitati, vni prouinciarum, vni nationi; cur non etiam Ecclesiæ vniuersæ.

Prob. septimò: à propagatione Ecclesiæ. Nam Ecclesia semper creuit, & crescere debet, donec in toto mundo prædicatum sit Euangelium: *Prædicabitur hoc Euangelium regni in vniuerso mundo, & tunc veniet consummatio.* Non autem potest id fieri, nisi sit vnus summus Ecclesiæ præsul, cui sollicitudo incumbat totius huius corporis conseruandi, & propagandi. Nam nemo debet prædicare, nisi mittatur: *Quomodo prædicabunt, nisi mittantur.* Mittere autem in alienas prouincias, non est Episcoporum particularium. Illi enim habent suos certos fines Episcopatus sui, extra quos nullum ius habent; nec ad eos pertinet cura, nisi tuendi gregis sibi assignati.

Prob. octauò, ex vnitatem fidei. Necesse est enim, vt omnes fideles idem omnino sentiant in rebus fidei. *Est enim vnus Deus, vna fides, vnum baptisma.* At vna fides in Ecclesia esse non potest, si non sit vnus summus Iudex, cui omnes acquiescere teneantur. Ratio etiam docet: Cum enim multi sint pares, vix fieri potest, vt in rebus obscuris, & difficilibus, vllus velit alterius iudicium suo anteponi.

## CAPVT III.

Fueritne Apostolus Petrus Ecclesiæ totius caput  
& princeps loco Christi, ab ipso Christo constitutus?

**A**FFIRMATIVAM partem docent Catholici. Prob. primo duobus locis Euangelij, in quorū altero promittitur, in altero exhibetur. Prior locus est: *Tu es Petrus, & super hanc petram edificabo Ecclesiam meam, & tibi dabo claves regni celorum: & quodcumque ligaueris super terram, erit ligatum & in calis: & quodcumque solueris super terram, erit solutum & in calu.* Quorum verborum planus, & obuius sensus est, vt intelligamus, sub duabus metaphoris promissum Petro totius Ecclesiæ principatum. Prior metaphorā est fundamenti, ac ædificij. Quod enim est in ædificio fundamentum, id est, in corpore caput, in ciuitate rector, Rex in regno, paterfamilias in domo.

Poste-

Posterior est clauium. Qui enim traduntur clauēs ciuitatis, ille instituitur Rex, vel certe gubernator ciuitatis, qui, quos vult, admittat; quos vult excludat.

Quæst. 1.  
Resp.

Quæstiones igitur quatuor hic explicandæ sunt. Prima: *An Petrus sit illa petra, super quam fundatur Ecclesia?*

De hac communis Catholicorum sententia est, petram illam esse Petrum, id est, illam personam, quæ dicitur Petrus: non tamen ut persona erat particularis, sed ut pastor, & caput Ecclesiæ.

Prob. 1.

Hæc deducitur primum ex ipso textu. Nam illud pronomen, *Hanc*, cum dicitur, *Ei super hanc petram*, demonstrat aliquam petram, de quâ paulo ante Dominus sit locutus: proximè autem Dominus Petrum vocauerat petram; Syriacè enim loquebatur, & syriacâ linguâ Petrus dicitur Cephas. Cephas autem petram significat: nam vbicunque in textu Hebræo est petra, in Syriaco est Cepha. Dixit ergo Dominus: Tu es Cepha, & super hoc Cephas: vel Latine, Tu es petra, & super hanc petram, &c. Ex quo sequitur, illud, *Hanc*, non posse referri, nisi ad Petrum, qui eo loco vocatus est petra. At cur Latinus interpretis non vertit, Tu es petra? Quod Græcum codicem sit secutus. Non enim vertit ex Syriacò, sed ex Græcò: *ὁ ὃς πέτρος καὶ ἐπὶ ταύτῃ τῇ πέτρᾳ οἰκοδομεῖται τῇ ἐκκλησίᾳ μὲν*. Cur autem Græcus interpretis non verterit: *ὁ ὃς πέτρα, καὶ ἐπὶ ταύτῃ πέτρᾳ*. Causa est, quoniam, cum apud Græcos tam *πέτρος*, quam *πέτρα* significet lapidem, visum est interpreti, commodius homini nomen masculinum, quàm fœmininum tribuere.

Leon. 1.

Deinde verò ad explicandam metaphoram, secundo loco non voluit dicere, *ἐπὶ τῇ πέτρᾳ*. Quod fuisset ambiguum: sed *ἐπὶ τῇ πέτρᾳ*. Quod nihil aliud, quàm saxum significat. Accedat consensus Ecclesiæ totius, & Græcorum, ac Latinorum Patrum.

Prob. 2.

Quæst. 2.  
Resp.

Secunda quæstio est: *Quid sit super Petram edificari Ecclesiam?*

Catholici docent, hæc metaphorâ significari, Petro esse commissum regimen totius Ecclesiæ, & præcipuè circa fidem. Petræ enim fundamentali hoc est proprium totum ædificium regere, & sustentare. Atque hoc modo exposuunt Patres. Dices: Omnes Apostoli etiam dicuntur fundamenta: *Fundamenta eius in montibus sanctis*. Id est, ut exponit Augustinus, in Apostolis, & Prophetis. Et: *Et murus ciuitatis habens fundamenta duodecim, & in eis duodecim nomina duodecim Apostolorum Agni*. Et: *Super ædificati supra fundamentum Apostolorum, & Prophetarum*. Nihil igitur proprium, & singulare Petro datum, vel promissum est.

Obiect.  
Psal. 116.  
Apoc. 21.  
E, heb. 2.

Solut.

Respondeo, tribus modis Apostolos omnes fuisse Ecclesiæ fundamenta, sine vlllo tamen Petri præiudicio. Vno modo, quia ipsi primi Ecclesias vbique fundarunt. Nec enim Petrus conuertit ad fidem totum orbem terrarum; sed alias regiones Petrus, alias Iacobus, alias cæteri ad Christum adduxerunt. Quare B. Paulus: *Sic, inquit, prædicaui, non vbi nominatus est Christus, ne super alienum fundamentum edificarem*. Et: *Vt sapiens architectus fundamentum posui, alius autem super ædificat*. Atque hoc modo ex æquo sunt Apostoli fundamenta. Id quæ significatum credimus in Apoc. Altero, modo dicuntur fundamenta Ecclesiæ, Apostoli, & Prophetæ, ratione doctrinæ à Deo reuelatæ. Siquidem fides Ecclesiæ

Rom. 15.  
1. Cor. 3.

Ecclesiæ nritur reuelatione, quam habuerunt à Deo Apostoli, & Prophetæ. Nec enim semper reuelantur Ecclesiæ noui articuli, sed in eâ doctrinâ Ecclesiæ acquiescit, quam Apostoli, & Prophetæ à Domino didicerunt, & prædicatione, vel litteris ad Apostolos mandauerunt. Atque hæc ratione superædificamur, vt Apostolus ait ad Ephes. Nec in his duobus maior est Petrus cæteris.

Tertio modo dicuntur fundamenta omnes Apostoli ratione gubernationis. Omnes enim fuerunt capita, rectores, & pastores Ecclesiæ vniuersæ: sed non eodem modo, quo Petrus. Illi enim habuerunt summam, atque amplissimam potestatem, vt Apostoli, seu legati; Petrus autem, vt pastor ordinarius.

Deinde, ita habuerunt plenitudinem potestatis, vt tamen Petrus esset caput eorum, & ab illo penderent; non è contrario. Atque hoc est, quod promittitur Petro, cum ei soli coram alijs dicitur: *Super hanc petram ædificabo Ecclesiam* *Matt. 16.*

*Meam.*  
Tertia dubitatio est de personâ, cui dicitur: *Tibi dabo claues.*

Notandum autem, duobus modis potuisse Petrum personam Ecclesiæ gerere; Historicè, & parabolicè.

Historicè is gerit personam alterius, qui re aliquâ verè à se gestâ, rem ab alio gerendam significat, & eam quodammodò repræsentat. Sic Abraham verè duos filios habens, Deum significauit, qui duos populos habiturus erat; vt Apostolus exposuit. Sic Martha sollicita circa frequens ministerium, & Maria sedens secus pedes Domini, duas vitas demonstrarunt, quarum altera in actione, altera in contemplatione versatur.

Parabolicè per vnum aliud significatur, quando res verè gesta nulla proponitur, sed aliquid verisimile fingitur ad aliud significandum. Quomodo in Euangelio, qui seminat bonum semen, Christum prædicantem significat. Nos ergo priore modo Petrum Ecclesiæ personam gessisse dicimus?

Ita nimirum, vt ipse verè, & principaliter, ac immediatè claues acceperit, & simul eas accipiendo significauerit, vniuersam Ecclesiam suo quodam modo postèâ accepturam.

Prob. primò, quia tot modis Christus Petri personam designauit, vt non pluribus circumstantijs (quod rectè Caietan. notauit) describere soleant aliquem certum hominem notarij illi, qui instrumenta publica conficiunt. Nam in primis expresse substantiam personæ singularis, per pronomen, *Tibi*; deinde addidit nomen inditum in natiuitate, cum ait; *Beatus es Simon*: adiunxit nomen Patris, cum ait: *Filius Iona*: nec omittere voluit nomen à se recens impositum: *Et ego dico tibi*, inquit, *quia tu es Petrus*. Quorsum tam accurata descriptio, si nihil ipsi Petro propriè promittitur? Deinde non erat eo tempore Petrus Ecclesiæ legatus, aut Vicarius. Quis enim eiusmodi pro uinciam illi imposuerat? non igitur suspicari possumus, nomine illum Ecclesiæ, & non potius suo, claues accepisse.

Præterea; Illi propriè claues promittuntur, qui dixerat: *Tu es Christus, filius Dei viui*. Id enim significabant illa verba: *Et ego dico tibi*. Nam, vt S. Hieronymus dicit, mercedem recepit vera confessio. At illam præclaram confessionem

M

nem

Quæst. 3.

Historicè personam gerere.

Gal. 4.

Parabolicè personam gerere.

Prob.

Matt. 16.



nem Petrus edidit, & in persona sua edidit: ergò in persona sua clauium promissionem accepit. Ad hæc; Si propterea esset negandum, Petro promissas esse clauas, quia figuram gerebat Ecclesiæ; eadem certè ratione negabimus, Abraham duos filios habuisse, quia duo illi filij duos populos, Apostolo teste, significabant.

Neque verum esse fatebimur, Martham sollicitam fuisse circa plurima, dum foror eius Maria ad pedes federet, quia nimirum actionem, & contemplationem dux illæ famina adumbrabant. Quòd si graue est, tam apertas historias in dubium reuocare, graue etiam videri debet, dubitare, sitne Petro aliquid singulariter promissum, cum tam perspicue narretur in Euangelicâ historiâ. Denique; Illi dictum est à Domino: *Tibi dabo clauas regni calorum*, qui paullo post ab eodem Domino audiuit: *Vade post me Satana, scandalum es mihi*. Atque hæc posteriora verba soli Petro, & in personâ propriâ dicta sunt. Patet autem vtrumque illud dictum eidem, nam vtrumque habetur in eodem capite Euangelij, & vtroque nomen Petri exprimitur, & in hanc sententiam veteres Patres omnes conueniunt.

Quarta dubitatio est: *Quid intelligatur per clauas?*

Catholici omnes per clauas datas Petro, intelligunt summam potestatem in omnem Ecclesiam. Id tribus rationibus confirmamus.

Primum ipsâ metaphorâ clauium, vt in Script. accipi solet. Siquidem apud Isaiam describitur depositio vnius summi Pontificis, & institutio alterius his verbis: *Vade, & ingredere ad eum, qui habitat in tabernaculo, ad Sobnam prapositum templi, & dices ad eum, Quid tuis? Et infra: Expellam te de statione tuâ, & de ministerio tuo deponam te. Et erit in die: vocabo seruum meum Eliacim, filium Helcie, & induam illum tunicâ tuâ, & cingulo tuo confortabo eum, & potestatem tuam dabo in manus eius: & erit quasi Pater habitantibus Ierusalem, & domui tuâ. Et dabo clauem domus Dauid super humerum eius; & aperiet, & non erit qui claudat; & claudet, & non erit, qui aperiat. Hic aperte per clauas non intelligitur remissio peccatorum, aut ministerium verbi, sed principatus Ecclesiasticus. Quòd etiam pertinet illud: *Factus est principatus eius super humerum eius*. Idcirco enim dicitur principatus super humerum impositus, quoniam clauas, quibus principatus designatur, super humerum poni solebant. Neque per clauas Christi principatus significari, negare potest, qui legit illud de Christo: *Hæc dicit sanctus, & verus, qui habet clauem Dauid, qui aperit, & nemo claudit; claudit, & nemo aperit*. Accedit etiam communis consuetudo in rebus prophanis. Quando enim vrbes deduntur alicui principi, offerunt ei clauas in signum subiectionis; & ei, qui instituitur æconimus in domo, clauas tradi solent.*

Secundò prob. illis verbis: *Quodcumque ligaueris, &c.* Nam in Script. ligare dicitur, qui præcipit, & qui punit. De præceptis loquitur Dominus: *Alligant, inquit, onera grana, & importabilia in humeros hominum, &c.* De penis: *Quodcumque alligaueritis super terram, &c.* Hic enim loquitur Dominus de censurâ excommunicationis. Ligat enim Ecclesia eos, quos punit penâ excommunicationis. Hinc etiam dicimus communiter, homines obligari ad legem seruandam, & etiam obligari ad penam subeundam, si eam non seruēt. Soluere autem dicitur, qui remittit peccata, qui liberat à penâ, qui dispensat in lege.

Quæst. 4.  
R. p.

Prob. 1.

Isa. 12.

Isa. 9.

Apoc. 3.

Prob. 2.  
Matth. 16  
Matth. 23.

lege, in votis, iuramentis, & similibus obligationibus. Cum ergo dicitur Petro generaliter: *Quotiescunque solueris*, &c. Datur ei potestas præcipiendi, puniendi, dispensandi, remittendi proinde fit iudex, & princeps omnium, qui sunt in Ecclesiâ. Matth. 16.

Tertiò idem ex Patribus probatur.

Alter locus Evangelij, in quo scilicet exhibetur B. Petro Primatus, est iste: *Simon Ioannis, pascue oves meas.* Ac primum, soli Petro hoc fuisse dictum, prob. primò ex illo nomine: *Simon Ioannis.* Nam eo nomine solus Petrus vocabatur. Nec sine mysterio eodem modo Christus Petrum appellat, & cum promittit ei claves; & cum oves pascendas committit: vt nimirum intelligeremus, illud ipsum reipsâ dari Ioannis vlt. quod fuerat promissum Matth. 16. & eidem illi Simoni dari, cui fuerat autè promissum. Prob. 3.  
Prob. 2.  
Præmatum  
Petri,  
Ioan. vlt.  
Matth. 16.  
Ioan. vlt.

Secundò prob. ex illis verbis: *Diligis me plus hu?* Illi enim dicitur: *Pasce oves meas;* qui dicitur: *Diligis me plus hu?* Hoc autem soli Petro dici, manifestum est, cum disertis verbis excludantur ceteri illa comparatione, *plus his.* Porro qui excluduntur, non quicumque homines, sed præcipui Apostoli sunt. Erant enim tunc præsentes cum Petro Nathanaël, quem multi Bartholomæum esse putant, Iacobus, Ioannes, Thomas, & duo alij discipuli, quorum alterum credibile est, fuisse Andræam: Non igitur omnibus Apostolis, sed soli Petro dicitur: *Pasce oves meas.*

Tertiò prob. ex trinâ interrogatione. Nam ex Cyrillo, & Augustino, & alijs in hunc locum discimus, Petrum ter interrogatum; an diligeret plus ceteris; quia ter negauerat. At solus ipse ter negauerat: igitur solus ipse interrogatur.

Quartò prob. ex illis verbis: *Contristatus est Petrus*, &c. Propterea enim contristatus est Petrus, si Chrysostomo credimus, quia metuebat, ne fortè falleretur, cum diceret: *Tu scis Domine*, &c. quemadmodum falsus fuerat, quando dixerat: *Etiamsi oportuerit me mori tecum, non te negabo.* Sed ista causa tristitiæ soli Petro, qui Dominum negauerat, conuenit: ergò, &c. Matth. 26.

Quintò prob. ex illis verbis: *Cum senueris extends manum tuam*, &c. Illi Ioan. vlt. enim dicitur, *Pasce*, cui prædicitur crucifixio, quæ soli Petro, & in propria persona prædicitur.

Sextò, ex illis: *Hic autem quid?* & ex responsione Domini: *Quid ad te? tu me sequere.* Nunquam enim Petrus interrogasset, quid Ioannes acturus esset, si intellexisset dictum omnibus: *Pasce oves meas.* Neque Dominus dixisset: *Quid ad te? &c.* Sed dixisset: idem faciet, quod tu.

Septimò, idem probari posset ex Patribus. Sequitur iam, vt quid significet hoc, ipsum, *pascere*, videamus. Nobis autem difficile non erit, ex hac ipsa voce, *Pasce*, demonstrare summam potestatem illi attribui, cui dicitur: *Pasce oves meas.* primum enim non proprie dicitur pascere alium, qui cibum quaque ratione ministrat: sed qui procurat, & prouidet alteri cibum: quod certè prepositi, ac gubernatoris est. *Quis pascis*, inquit Dominus, *est fidelis dispensator, ac prudens, quem constituit dominus super familiam suam, vt det illi in tempore fructus mensuram?* Itaque illius est pascere, qui est super familiam constitutus. Deinde per verbum, *Pasce*, intelligitur ex communi vsu loquentium, omnis Quid pas-  
ci?

actus pastoralis. Idem est enim pascere, quod agere pastorem, siue esse pastorem. Porro actus pastoralis non est tantum, præbere cibum, sed etiam ducere, reducere, tueri, præesse, regere, castigare. Hinc videlicet in Script. pasim pascere accipitur pro eo, quod est regere: *Reges eos in virgâ ferreâ*. In Hebræo est: *Pasces eos*. Et sanè qui pascuntur in virgâ ferreâ, verissimam potestatem in pastore suo esse, negare non possunt. Et Cyro dicitur: *Pastor meus es tu*. Quo loco non ministerium præbendi cibum, sed amplissimum regnum Cyro prædicitur.

Deinde hoc manifestius potest demonstrari ex eo verbo, quod Ioannes in Euangelio suo posuit. Scripsit enim ποιμαίνω, id est, pasce, regendo, & præsidendo. Nam & Homerus, vocat frequenter Regem Agamemnonem ποιμαίνω λαόν, id est, pastorem populorū. Et in Script. vbi legimus: *Ex te enim exiit Dux, qui regat populum meum Israël*: in Græco est: *ἐκ σὺ μοι ἐξελθούσας ἀγγέλου, ὅστις ποιμαίνει τὸν λαὸν τῆς ἰσραήλ*. Et notandum in Hebræo apud Michæam, vnde Matthæus accepit, non esse verbum, quod pascere significat, sed quod dominari. Denique in Apoc. vbi dicitur: *Et ipse reget eos in virga ferrea*; Græcè est καὶ αὐτὸς ποιμαίνει αὐτοὺς ἐν ραβδῷ σιδηρῇ. Igitur cum ποιμαίνω non significet, pascere quocunque modo, sed regere, ac præesse, & Petro dictum sit à Domino, ποιμαίνε τὰ πρόβατα. Manifestè sequitur esse Petrum Rectorem, ac præsidem Ecclesiæ constitutum. Accedant postremo testimonia veterum Patrum.

*Quid per  
oues.*

Denique, per *oues meas*, intelligi omnes Christianos, etiam Apostolos ipsos, nobis exploratum, certumque est. Est autem obseruandum, Christum bis dixisse: *Pasce agnos meos*; & semel: *Pasce oues meas*. Tametsi enim in Græco textu semel est: *Pasce agnos*; & bis: *Pasce oues*: tamen corruptus videtur locus vitio librariorum, qui in secundo loco scripserunt, πρόβατα, cum scribere debuissent, προβάτια, id est, ouiculus, seu agnos. Facile autem fuerit excidere vnum Iota. Ita esse, colligo ex Patribus, & ex nostra versione. Nam, si fuisset in Græco bis, πρόβατα, ne indoctissimus quidem puer secundo loco vertisset, *Agnos*. Quis enim ignorat, agnos dici πρόβατα, non πρόβατα? Cum ergo omnes Latini codices legant, *Agnos*, nec vnquam fuerit hæc lectio à Hieronymo, vel villo alio improbata, necesse est dicere, interpretem legisse, πρόβατια, id est, ouiculas, & vertisse, *Agnos*, quia ouiculæ; & agni sæpe pro eisdem accipiuntur. Ex hac variatione probamus, Petro omnes Christianos esse subiectos. Nam, si per ouiculas intelligamus agnos, dicemus agnos bis repetitis esse, ad significandum duos populos, Iudaicum, & Gentilem: oues autem semel nominatas significare Episcopos, qui sunt veluti matres agnorum. Si verò per ouiculas intelligamus oues paruas, maiores agnis, minores perfectis ouibus, dicendum erit cum Ambrosio, Petro committi agnos, ouiculas, & oues, id est, incipientes proficientes, & perfectos, ita vt nulli sint in Ecclesiâ, quantumvis spirituales, eruditi, & sancti, qui Petro non subsint. Vel per agnos intelligemus populos, qui nullam habent curam pastorem, quique solum filij sunt, non parentes: per ouiculas accipiemus sacerdotes minores, id est, presbyteros, & parochos, qui sic sunt parentes populorum, vt sint filij Episcoporum: per oues denique sacerdotes maiores, id est, Episcopos, qui & agnis, & ouiculis

lis præfunt, & tamen etiam ipsi Petro subiiciuntur.

Deinde aliam rationem, eamque insignem nobis suppeditat pronomen, *Meas*. Nam, cum absque vllâ restrictione addatur ad nomen, *Oues*, manifestè significatur, eas omnes oues Petro commendari, ad quas extenditur pronomen, *Meas*. Certum autem est illud, *Meas*, extendi ad omnes simpliciter. Nec enim vllus est in Ecclesia, qui se Christi ouem esse non gloriatur. Ergo, &c. Sicut, cum Dominus ait: *Cognosco oues meas, & oues mea vocem meam audiunt, & Ioan. 10. ego pono animam meam pro ouibus meis*. Tametsi non dicat, omnes oues, & omnibus ouibus; tamen nemo negare potest, quin de omnibus sit locutus. Præterea, quid aliud est: *Pasce oues meas*, quàm, habe curam mei ouilis? Est autem vnum tantum Christi ouile: *Erit vnum ouile, & vnus pastor*. Ergo, &c. Ad hæc, cum Dominus ait: *Pasce oues meas*; vel commendauit Petro oues suas omnes; vel nullas; vel aliquas certas, & definitas; vel aliquas indefinitas. At nemo dixit, nullas, aut aliquas certas esse commendatas: id enim est manifestè falsum. Nec etiam aliquas indefinitas, quia non est sapientis prouisoris relinquere indefinitam curam, cum possit eam definire, præsertim cum certa confusio, & perturbatio ex illâ indeterminatione oriatur.

Præterea, commendare aliquas, & non indicare, quas, idem esse videtur, ac si commendarentur nullæ. Restat igitur, vt omnes omnino suas oues Petro Christus pascendas assignauerit. Atque hæc est sententia omnium veterum Patrum.

Potest etiam confirmari primatus Petri per singulares, variasq; prærogatiuas. Prima prærogatiua est mutatio nominis. Nā ait Dominus petro: *Tu es Simon filius Iona; tu vocaberis Cephas*. Vbi obseruandum cum Chrysost. in hunc locum, Deum nunquam imponere nomina noua, nisi maximis de causis, & ad significanda priuilegia eis concessa, quibus nomina mutantur. Ita Abrahamum, cum diceretur Abram, id est, pater excelsus, dici voluit Abraham, id est, pater multitudinis: vt eo nomine significaret, hominem illum, qui iam senex erat, & vxorem anum, & sterilem habebat, tamen ex dono Dei sic immutandum, vt fieret pater plurimorum filiorum, vel potius gentium, & populorū. Est autem duplex prærogatiua in hac mutatione Simonis in nomen Petri. Vna, quod soli Petro ex omnibus Apostolis nomen mutauerit. Nam etsi imposuit nomen filijs Zebedæi, Boanerges, tamen fuit illud potius quoddam cognomen, quàm proprium nomen. Itaque usquam postea ab Euangelistis vocantur Boanerges; sed tantum Iacobus, & Ioannes, vt antea vocabantur. At Petrus deinceps ferè semper vocatur Petrus. Et Paulus Petrum sæpe nominat, & nunquam aliter, quàm Petrum, aut Cepham, quod est idem: Ioannem autem sæpe quidē nominat, sed Ioannē perpetuò, nunquā Boanerges. Altera est, quod tale nomen ei dedit. Nam Syriacè Cephas significat petra: Græcè autē significat caput. Ac demū vnum est ex celeberrimis Christi nominibus. Nihil enim frequētius Christus in Script. nominatur, quàm petra. Vide Isā. 8. & 28. Dan. 2. Ps. 117. Matt. 21. Rom. 9. 1. Cor. 10. Eph. 2. 1. Pet. 2. & alibi. Christus ergo cū solo Petro suū ipsius nomē cōmunicans, & nomē illud, quo ipse significatur, vt fundamentum, & caput Ecclesiæ vniuersæ, quid aliud iudicare voluit, quàm se facere Petrum fundamentum, & caput Ecclesiæ loco suo?

2. Prærogati-  
ua

Matth. 10.  
Mar. 1.  
Luc. 9.  
Act. 1.  
Ioan. 1.  
Obiit.

Solus.

Ioan. ult.

Matth. 10.  
Mar. 3.  
Luc. 6.  
Act. 1.

Mar. 1.  
Luc. 9.  
Luc. 22.  
Matth. 17.  
Mar. 13.  
Ioan. ult.

Gal. 2.

Secunda Petri prærogatiua est, quòd, cùm ab Euangelistis nomi-  
nauit Apostoli, vel omnes, vel aliqui, semper primo loco ponitur Pe-  
trus. *Duodecim autem Apostolorum nomina sunt hæc; primus Simon, qui dicitur Pe-  
trus, &c.* Similiter legimus alibi. Quòd autem hoc non sit factum, quia Pe-  
trus fuerit primus à Christo vocatus, certum est: nam Andream Dominus pri-  
mum vocauit, vt Ioannes testatur.

Sed occurrunt Magdeburgenses, qui dicunt, Petrum vocari primum, vel  
propter insignia sua dona, vel propter ætatem, quia omnibus erat senior; vel  
denique casu factum. Sed nulla harum rationum valet. Non prima; nam vel  
loquuntur de insignibus donis, quæ Petrus habuit in ordine ad Ecclesiam, vt  
quòd accepit singulariter clauis quòd factus est fundamētum Ecclesiæ. quòd  
constitutus est pastor omnium ouium Christi, &c. & tunc pro nobis loquū-  
tur. Velloquuntur de donis personalibus, & proprijs, id est, de virtutibus  
eius; & tunc falsum est, quòd dicitur. Nam euangelista non facili scire po-  
tuit, nec iudicare ausus fuisset, quis esset inter Apostolos optimus: præsertim  
cùm sciret, Ioannem fuisse virginem, Petrum coniugatum; & Ioannem eun-  
dem ita diligere videret à Domino, vt vocaretur *Discipulus, quem diligebat Iesus*  
nec ignoraret Iacobum minorem tanta sanctitate præditi, vt iustus, & fra-  
ter Domini ab omnibus diceretur. Quòd autem dicunt de ætate, pugnat cum  
traditione Patrum, quæ tenet, Andræam Petro seniore fuisse. Quòd etiam  
Petrus non sit casu positus primus, patet ex duobus.

Primum ex modo enumerandi: nam Petrum nominatim vocat Mattheus  
primum; deinde alios non vocat vnum secundum, alium tertium, &c. Sed  
sine vlla obseruatione ordinis nominat. Itaque inter Petrum, & cæteros or-  
dinem esse, Mattheus docet; quia Petrus superior est, cæteri inferiores: at in-  
ter alios nullum statuit ordinem, quia sunt omnes æquales. Et ex hoc nomi-  
ne, *primus*, deducunt Patres primatum: sicut à principe principatus dicitur;  
& à consule consulatus.

Secundò idem colligitur ex eo, quòd ordo aliorum plerumque mutatur:  
Petrus autem semper ponitur primo loco. Nam Mattheus post Petrum po-  
nit Andream; Marcus post Petrum Iacobum; Lucas post Petrum numerat  
quidem Andream, sed mutat ordinem cæterorum; nam Mattheus aureposuit  
sibi Thomam, & Simonem Zelotem anteposuit Thaddæo; Lucas autem an-  
teponit Matthæum Thomæ, & Thaddæum Simoni. In Actibus post Petrum  
ponitur Ioannes: & in cæteris etiam magna mutatio inuenitur. Pari ratione  
vbi nominantur duo, vel plures, semper ponitur primus Petrus. *Non admi-  
sis quemquam se sequi, nisi Petrum, & Iacobum, & Ioannem. Misit Petrum, & Ioan-  
nem. Assumpsit Petrum, Iacobum, & Ioannem. Interrogabant eum Petrus, Iacobus, Io-  
annes, & Andreas. Erant simul Simon Petrus, & Thomas, & Nathanaël, & filij Zebedæi,  
& alij ex discipulis eius duo.* Vides vbique, Petrum esse primum. Vnus tantum  
locus est, vbi Petrus non nominatur primo loco, vbi dicitur Iacobus, Ce-  
phas, & Ioannes. Sed non est certum, an Paulus sic dixerit: nam Augusti-  
nus, Ambrosius, Hieronymus, Chrysostomus legunt; petrus, Iacobus, & Io-  
annes: & sic credibile est, Paulum esse locutum. Si verò admittamus aliter  
debere legi, dicendum erit, vel cum D. Anselmo, & D. Thoma in hunc locum

hoc,

hoc factum esse, quia Iacobus erat Episcopus Hierosolymorum, ubi tunc erant Apostoli, de quibus Paulus loquitur; vel Paulum hoc loco nullum ordinem seruasse. Nam quoddam alioqui intelligeret Paulus maiorem esse Petrum Iacobo, patet ex illa ipsa epistola, ubi dicit: *Deinde post annos tres veni Ierosolymam videre Petrum.* Non dicit: Veni videre Iacobum, etiamsi ipse quoque esset Ierosolymis. Et alibi: *Vnusquisque dicit, ego sum Pauli, ego Apollo, ego Cepha, ego Christi.* ubi aperte progreditur ascendendo, & Petrum proximum sub Christo constituit. Neque solum Petrus primo loco ponitur, & primus vocatur, sed etiam passim in Script. describitur, ut paterfamilias, ut dux, & princeps reliquorum. Nam sicut in Apoc. dicitur Diabolus, & Angeli eius; *Michael, & Angeli eius;* id est, dux, & milites eius: ita etiam dicitur: *Si profectus est cum Simon, & qui cum eo erant.* Et: *Dixit Petrus, & qui cum illo erant.* Et: *Petrus vero, & qui cum eo erant.* Et: *Dicite discipulis eius, & Petro.* Et: *Stans Petrus cum vnde.* Ibid. *Dixerunt ad Petrum, & ad reliquos Apostolos.* Et: *Petrum, & Apostoli dixerunt.* Et: *Nunquid habemus potestatem mulierem circumducendi, sicut ceteri Apostoli, & fratres Domini, & Cepha?* Ad eandem prerogatiuam pertinet, quod Petrus ferè semper loquitur nomine omnium. *Ecce nos reliquimus omnia: Et: Ad nos dicit hanc parabolam, an ad omnes? Et: Domine, ad quem ibimus?*

Tertia prerogatiua est, quando solus Petrus vnà cum Domino ambulauit super aquas. Simile est, quando ceteris discipulis in nauiculâ venientibus ad Dominum, qui in littore expectabat, Petrus se misit in mare, & natando venit.

Quarta prerogatiua est illa peculiaris reuelatio facta soli Petro: est enim insigne priuilegium, quod Petrus primus omnium Apostolorum, à Deo edoctus, cognouerit summa mysteria nostræ fidei, distinctione scilicet personarum in Deo, & incarnationem. Nam etsi antea non raro Christus fuerit vocatus filius Dei, ut cum dixerunt discipuli: *Verè Filius Dei es.* Et cum dixit Nathanaël: *Tu es Filius Dei;* tamen isti vocabant filium Dei Christum eo modo, quo omnes Sancti dicuntur filij Dei. At Petrus intellexit, Christum esse Filium Dei verum, & naturalem. Quod patet tum ex Græcō textu, ubi omnia exprimiuntur cum articulis emphasim habentibus: *ὁ υἱός, ὁ υἱός, τῷ υἱῷ,* τῷ υἱῷ, tum etiam ex veterum Patrum testimonijs.

Quinta prerogatiua est, ubi dicitur: *Et porta inferi non praualebunt aduersus eam.* Vbi non solum promittitur perpetua stabilitas Ecclesie vniuersæ, sed etiam petra, super quam fundatur Ecclesia. Itaque speciali priuilegio promissum est Petro, sedem eius nunquam esse ruituram. Quam promissionem si habuissent Apostoli ceteri, adhuc staret sedes Iacobi Hierosolymis; Ioannis Ephesi; Matthæi; in Æthiopiâ; Andreæ in Scythiâ: ceterum illæ omnes paulatim manus dederunt portis inferorum.

Sexta est, ubi Dominus iubet solui tributum pro se, & Petro: *Da, inquit, illis pro me, & te.* Ex quibus verbis collegisse Apostolos, Petrum omnibus alijs prelatum, scribunt Patres.

Septima est, quando duo miracula edita sunt in piscatione Petri. Quorum primum, ut Augustin. monet, manifestè designat Ecclesiam militantem; secundum Ecclesiam triumphantem. Nam idcirco primum factum est ante resur-

Gal. 1.

1. Cor. 1.

Apoc. 12.

Mar. 1.

Luc. 9.

Luc. 9.

Mar. 16.

Matth. 19.

1. Cor. 9.

Matth. 19.

Luc. 12.

Luc. 6.

1. Prærogatiua.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

Matth. 16.

urrectionem Christi, secundum post resurrectionem: item in primo retia nō iaciuntur in dexteram partem tantum, nec in sinistram tantum, ne solos bonos, aut malos ad Ecclesiam venire credamus; sed indifferenter dicitur: *Laxate retia in capturam*; at in secundo tantum in dexteram partem nauigij iaciuntur retia, quia soli boni colliguntur ad vitam æternam.

Præterea; In primo rumpebatur rete, & navis penè mergebatur, quod significat scismata, hæreses, & scandala, quæ Ecclesiam fluctuare cogunt; at in secundo non est ruptum rete, nec navis fluctuauit, quia in alia vita nulla erunt scismata, aut scandala. Ad hæc; In primo sine vilo numero comprehenduntur pisces, vt impletur, quod scriptum est: *Annunciavi, & locutus sum, & multiplicati sunt super numerum*; at in secundo nulli fuerunt super numerum, sed certus numerus C. L I I I. nulli enim præter numerum electorum colliguntur ad regnum.

Denique; In primo pisces introducuntur in nauem adhuc fluctuantem; in secundo trahuntur ad litus, quod propter stabilitatem vitam immortalem, & beatam significat. Iam verò insignis prærogatiua Petri est, quod in vtraque nauis, & piscatione, quæ apertissimè totius Ecclesiæ statum significant, semper Petrus princeps inuenitur. Nam, cum vidisset Dominus plures nauculas, *Intrauit in vnam, quæ erat Simonis*, & ex ea docebat, vt intelligeremus, in ea tantum Ecclesia esse, & docere Christum, cuius gubernator Petrus est. Ibidem soli Petro dicitur: *Duc in altum, & laxate retia in capturam*. Vbi Petrus iubetur tanquam summus nauclerus, & piscator, ducere alios ad piscandum. Ibidem etiam Dominus exponens figuram, dicit soli Petro: *Noli timere, ex hoc enim eris homines capiens*. Sic Petrus quoque dicit: *Vado piscari, dicuntq; ei alij: venimus & nos tecum*. Ibidem: *Ascendit Simon Petrus, & exiit rete in terram*.

Octaua prærogatiua est, vbi Dominus ait: *Simon, Simon, ecce Satanas expetiuit vos, vt cribraret sicut triticum: ego autem rogaui pro te, vt non deficiat fides tua. Et tu aliquando conuersus, confirma fratres tuos*. Quibus verbis clarissimè Dominus ostendit, Petrum fore principem, & caput fratrum suorum. Sic enim expouunt Græci, & Latini.

Nona est, quod Christus resurgens, primum omnium ex Apostolis Petro se videndum præbuerit. Colligitur illud ex illis verbis: *Surrexit Dominus verè, & apparuit Simoni*. Vbi notat Ambrosius, Simonem omnium primò Christum apparuisse ex viris. Nam antè Mariæ Magdalenz apparuerat. Colligitur hoc idem apertissimè ex verbis S. Pauli: *Tradidi, inquit, vobis i primis, quod & accepi, quoniam Christus mortuus est, & quia sepultus est, & quia resur exiit tertia die secundum Scripturas, & quia visus est Cepha, & post hoc vndecim: deinde visus est Iacobo, deinde Apostolis omnibus; nouissimè autem omnium, tanquam abortiuo, visus est & mihi*.

Decima est, quod Petrus primus fuit, cui Dominus pedes lauit, vt exponit Augustinus. Et quanquam Chrysostomus, & Theophylactus in eundem locum putant, primum fuisse Iudam, secundum Petrum, tamen etiam ipsi ex hoc loco colligunt primatum Petri. Dicunt enim, nullum alium præter Iudam passurum fuisse, vt sibi ante principem Apostolorum pedes lauarentur: Iudam autem impudenter se ante Petrum constituisse. Sed Augustini sententia videtur probabilior.

Vndeci-

Vndecima est, vbi Petro soli mortem Christus prædixit, & mortem crucis: vt sicut ei nomen suum donauerat, & officium suum imposuerat; ita & in morte focium illum haberet. Cùm senuerit, extendes manus tuas, & alius cinges te, & loan 21. ducet, quò tu non vis. Hoc autem dixit, addit Euangelista, significant, quia morte esset clarificaturus Deum.

Deinde subiungit Dominus loquens ad Petrum: *Sequere me.* Quæ verba quidam accipiunt de officio pastoralis; vt Theophylactus. Alij autem de similitudine mortis; vt Euthymius. Sed plenus erit commentarius, si vtramque sententiam coniungamus. Cùm enim Dominus oues Petro commendasset, & mortis genus prædixisset, quasi concludens omnia vno verbo, ait: *Sequere me.* Id est, esto id, quod fui, & viuens, & moriens: age pastorem animarum dum viuus, & postea per crucis mortem transi de hoc mundo ad Patrem. Et ne suspicaremur, hæc dici omnibus, diserte Dominus excludit Ioannem, qui tunc corporaliter eum sequebatur. Sic, inquit, eum volo manere, quid ad te, tu me sequere.

Duodecima est, vbi Petrus, tanquam paterfamil. colligit in vnum, cætum discipulorum, & vnum eligendum esse docet in locum Iudæ.

Decimatertia est, vbi, post acceptum Spiritum sanctum, Petrus omnium primus promulgat Euangelium, & prima illa concione tria millia hominum conuertit.

Decimaquarta est, vbi primum miraculum in testimonium fidei à Petro fit. Erant enim Petrus, & Ioannes simul erant, tamen solus Petrus dixit claudendo: *aurum, & argentum non est mihi, quòd autem habeo, hoc tibi do.* &c. Notat pulchrè Ambros. meritò Petrum primum miraculum edidisse in pedum confirmatione, vt ostenderet se fundamentum esse totius Ecclesiæ.

Decimaquinta est, vbi Petrus tanquam summus, & diuinus iudex agnouit, & damnauit hypocrisim, & fraudem Ananix, & Saphiræ, & eos verbo suo occidit.

Decimasexta est, vbi de Petro legimus: *Factum est, cùm Petrus transiret per omnes:* tanquam scilicet omnium dux.

Decima septima est, vbi Petrus omnium primus, incipit prædicare Gentilibus: sicut ipse omnium primus prædicauerat Iudæis. Et soli ipsi visio illa ostensa est, qua mouebatur, tempus esse prædicandi Gentilibus. Vbi etiam pulchrè dicitur ei: *Macta, & manduca.* Nam capitis est manducare, & per manducationem trahere cibum in stomachum, & illum sibi incorporare.

Sed obijcies: Nónne Philippus conuertit Ethnicum hominem, Eunuchum videlicet Regine Æthiopum? Et nónne Paulus loquebatur Gentilibus, & disputabat cum Græcis?

Respondeo Eunuchum illum, fuisse Profelytum, id est, iam conuersum ad Iudaismum; non autem planè Gentilem, vt erat Cornelius. Nam Petrus non mentitur, cùm indicat se primum prædicasse Gentibus. Deinde scribit Lucas, eos, qui dispersi fuerant à tribulatione, quæ facta est sub Stephano, perambulasse varias regiones euangelizando, *Nemini loquentes verbum, nisi Iudæis.* Vnum ex his fuisse Philippum patet Act. 8.

Præterea; Si Philippus iam prædicauerat homini Gentili, & nemo eum reprehendit.

11. Prærogativa. Act. 21.

12. Prærogativa. Act. 1.

13. Prærogativa. Act. 2.

14. Prærogativa. Act. 3.

15. Prærogativa. Act. 5.

16. Prærogativa. Act. 8.

17. Prærogativa. Act. 10.

Obijciat. Act. 8.

Solut. Act. 13.

Act. 11.



prehenderat, cur postea Petrus dubitat, an sit tempus prædicandi Gentilibus? cur celesti visione ad hoc animatur? cur hoc audito aliqui ex Iudeis obstupuerunt, alij Petrum accusauerunt, vt rem insolitam ausum? Adde, quòd iste Eunuchus ibat in Ierusalem ad templum, & Isaiam in curru legebat, quæ sunt aperta signa Iudaismi. De Paulo autem secundum Græcos codices nulla est difficultas. Non enim est in Græco illud: *Loquebatur Gentibus*: sed tantum est: *Loquebatur, & disputabat aduersus Græcos*. Græcos autem hic vocat Iudeos in Græciâ natos, & Græcè loquentes, vt indicant Chrysostomus, & Oecumenius nec est verisimile, Paulum prædicasse Gentilibus in ipsâ Ierusalem, & nullum rorem excitatum ab Hebræis, qui postea tam vehementer insurgabant in Petrum, qui prædicauerat Cornelio. Quia tamen Latini codices habent: *Loquebatur Gentibus, & disputabat eum Græcis*; dici potest eum locutum esse, & disputasse cum Gentibus, non eos ad fidem pertrahendo, sed fidem ab eorum calumnijs defendendo. Itaque ibidem Lucas addit, non aliquos esse conuersos, sed odium adeò graue in Paulum excitatum, vt quæsierint eum interficere. Primus ergo Pater tam Iudeorum, quàm Gentilium Petrus fuit.

17. Prærogativa.  
Ab. 12.

Decimaoctaua est, vbi pro Petro in carcere constituto oratio fiebat sine intermissione ab Ecclesia. Vnde etiam insigni miraculo liberatus est. Scimus ante illud tempus, Stephanum in periculo fuisse, & postea etiam lapidatum: item Iacobum in eodem carcere constitutum, & postea interfectum: nec tamè legimus, ita sine intermissione ab Ecclesiâ pro illis oratum. Quæ potest alia ratio esse, nisi quia multum interest, vtrum membrum vnum, an caput ipsum periclitetur.

19. Prærogativa.  
Ab. 15.

Decimanona est, vbi Petrus in Concilio primus loquitur, & sententiam eius Iacobus, omnesque alij sequuntur.

20. Prærogativa.  
Gal. 1.

Vigesima est, vbi Paulus dicit: *Post annos tres ascendi Ierosolymam videre Petrum*, tanquam scilicet Paulo maiorem.

21. Prærogativa.  
In epist.  
tò pñs.

Vigesimaprima est, quòd Christus suis manibus solum Petrum baptizauerit. Scribit enim Euodius, Petri successor in Episcopatu Antiocheno, à Christo ex mulieribus solum Virginem matrem suam; ex viris baptizatum solum Petrum: à Petro Andream, Iacobum, & Ioannem: ab ijs, cæteros.

22. Prærogativa.  
Ibid.

Vigesimasecunda est, quòd solus Petrus à Christo Episcopus ordinatus fuerit: cæteri autem à Petro episcopalem consecrationem acceperint. Id probat Ioannes de Turrecremata multis rationibus: sed præcipue sunt duæ.

Prob. 1.

Prima est, quoniam vel Dominus nullum ordinauit Episcopum, vel omnes, vel aliquos, vel vnum. Quod nullum, non potest dici. Nam, si ita esset, nullum haberemus iam Episcopum. Quòd non omnes Apostoli immediate à Domino sint ordinati, patet. Nam saltem Paulum, quem ipse de cælo vocauit, & Apostolum fecit, non Episcopum ordinauit, sed iussit ordinari per manuum impositionem ministrorum Ecclesiæ. Docet etiam Anacleus, Episcopum debere ordinari à tribus Episcopis; sicut Iacobus minor ordinatus est à Petro Iacobo maiore, & Ioanne. Quòd autem non aliquos Dominus ordinauerit, alios non, inde probatur, quòd Apostoli, excepto Petro, essent inter se æquales, & nullus in alium ius haberet, & omnis potestas eis tradita com-

Ab. 13.  
Epist. 2.

communiter omnibus sit tradita, quantum ex Euangelij colligi potest. Ergo si neque nullum, neque omnes, neque aliquos plures Dominus ordinauerit, sequitur solum Petrum ab eo ordinatum.

Secunda ratio, quia passim docent veteres, Romanam Ecclesiam esse matrem omnium Ecclesiarum; ab eâ omnes Episcopos habuisse consecratione, & dignitatem suam. Quod non videtur esse verum, nisi in eo sensu, quia Petrus, qui Episcopus fuit Romanus, omnes Apostolos, omnesque alios Episcopos per se, vel per alios ordinauerit. Alioqui enim, cum Apostoli plurimos Episcopos in varijs locis constituerint, si Apostoli ipsi non sint facti Episcopi à Petro, certè maxima pars Episcoporum non deducet originem suam à Petro.

Vigesima tertia est, quòd Petrus primum Hæresiarcham, & Principem, ac patrem omnium Hæreticorum, qui postea fuerunt, Simonem videlicet Magum, primus detexit, & postea damnauit, ac planè extinxit. Decuit enim omnino, vt princeps, & pater Ecclesiæ, principem, & patrem omnium Hæreticorum superaret.

Vigesima quarta est, quòd Romæ potissimum Petrus sedem suam diuino iussu collocauerit. Signum enim apertum principatus Petri esse videtur, quòd, cum Apostoli ab eo in totum orbem mitterentur, Petrus ad ipsum orbis terrarum caput, & vrbium reginam missus sit.

Vigesima quinta est, quòd sub finem vitæ Petri Christus ipse Petro apparere, & roganti: *Domine, quò vadis?* respondere dignatus sit: *Venio Romam iterum crucifigi.* Quid hoc significare voluit, nisi, petrum suum esse vicarium, & quod Petro sit, sibi ipsi fieri? Sic enim antea Samueli dixerat: *Non te abiecerunt, sed me, ne regnem super eos.*

Vigesima sexta est, quòd solæ illæ Ecclesiæ semper sint habitæ Patriarchales, & primæ, quas Petrus fundauerat. Siquidem apud veteres, tres Ecclesias tantum fuisse propriè Patriarchales, & primas, Romanam, Alexandrinâ, & Antiochenam, patet ex Concil. & Patribus. Porro Ierosolymitana per annos fere quingentos habita quidem est quarta Patriarchalis, sed nomine, non re; seu honore, non potestare. Nam Patriarcha Alexandrinus non solum secundo loco sedebat in Concilijs, sed etiam verè præerat omnibus Archiepiscopis, & Episcopis Ægypti, & Lybiæ: & Antiochenus non solum sedebat tertio loco, sed etiam præerat omnibus Archiepiscopis, & Episcopis Orientis: at Ierosolymitanus sedebat quarto loco, sed nulli Archiepiscopo, vel Episcopo præerat; immò subiectus erat Archiepiscopo Cæsariensi, qui erat Metropolitanus Palestinæ; & præterea Patriarchæ Antiocheno, qui toti Orienti præsidebat. His accessit postea Patriarchatus Constantinopolitanus. Nam tempore Nicæni Concilij nondum erat Constantinopolis, nedum Patriarchatus eius. Nam annò XXV. Imperij Constantini, id est, quinto anno post Nicænum Concilium Constantinopolis dedicata est. Postea tamen in Concilio I. Constantinopolitano, ac deinde in Chalcedonensi, conatus est Episcopus Constantinopolitanus non solum Patriarchatum adipisci, sed etiam secundum locum inter Patriarchas obtinere. Sed non ante Iustiniani tempora id à Romanis Pontificibus impetrauit. Tempore autem Iustiniani, id est, post an-

Prob. 1.

21. Prærogativa. A.R. 8.

24. Prærogativa.

25. Prærogativa.

26. Prærogativa.

num Domini D. tum Impetatoris operâ, tum Pont. Rom. permissione, cæpere Constant. & Ierosol. Episcopi in numero Patriarcharum haberi, nullo amplius reclamante.

27. *Præag.* Vigesima septima est festum Cathedræ Petri. Nam quodd publicè in Ecclesia celebratur dies festus in honorem institutionis Episcopatus Petri, & nihil tale fiat pro sedibus aliorum Episcoporum, argumentum est, sedem Petri singulariter præstare omnibus alijs: immò ipsam esse solam, & singularem cathedram, ex qua mundus doceri debeat.

28. *Præag.* Vigesima octaua est, quòd in litteris formatis, id est Canonicis, antiqui, post nomen Patris, & Filij, & Spiritus sancti, nomen Apostolorum principis adiungebant. Posset etiam primatus Petri testimonijs Patrum Græcorum, & Latinorum confirmari.

*Obiect. 1.* Sed duo argumenta sunt in contrarium. Primum sumitur ex comparatione Petri cum Iacobo. Probat enim Lutherus, Iacobum fuisse maiorem Petro, his rationibus.

Primò, Christus fuit Episcopus Ierosolymæ, non Romæ, & Apostoli eius Presbyteri fuerunt: Ergò Iacobus, qui post Christi passionem Episcopatum Ierosolymæ sortitus est, Christo succedit, vel certè Vicarius eius est, non Petrus.

2. *Ista. 2.* Deinde, Ierusalem est mater omnium Ecclesiarum: nam *de Sion exiit lex, & verbum Domini de Ierusalem.* Ergò Iacobus omnium Ecclesiarum pater est, non Petrus.

*Solut.* Respondeo ad primum, Christum non fuisse Episcopum ullius particularis vrbis; sed fuisse, & esse Pontificem, non solius Ierosolymæ, sed totius Ecclesiæ: neque ullum ei succedere, cum semper viuat. Porro Vicarium generalem magis decuisse, vt alibi, quàm Ierosolymis constitueretur: quoniam, sicut mutabatur per Christi aduentum lex, & sacerdotium; ita etiam decuit, vt locus mutaretur summi sacerdotis, & fierent verè omnia noua. Atque ideò fortasse templum, & Ierusalem euerfa breui, & incensa post Ascensionem Domini fuerunt. Ad alteram rationem dico, Ierosolymorum Ecclesiam esse matrem omnium Ecclesiarum antiquitate, & multis priuilegijs insignem, ob Domini, & Apostolorum præsentiam, quam longo tempore habuit, & præcipuè ob mysteria redemptionis nostræ eo loco perfectæ, & consummatæ: sed nihil hoc tamen præiudicare Petri primatui. Nam, quemadmodum Ecclesiæ Ierosolymorum Iacobus fuit pastor, & Episcopus; ita Petrus fuit pastor, & Episcopus totius Ecclesiæ; ac proinde etiam Ierosolymæ, quæ vniuersalis Ecclesiæ portio quædam est.

*Obiect. 2.* Altera obiectio est ex comparatione Petri cum Paulo: nam Paulus per Antiochiam vocatur Apostolus. Accedit, quòd in antiquis sigillis, quibus diplomata summorum Pont. obsignantur, inueniuntur imagines Petri, & Pauli: sed huius à dextris, illius à sinistris.

*Solut.* Respondeo Paulum vocari Apostolum per Antiochiam, non, quia fuerit maior Petro potestate, vel auctoritate; sed duabus alijs de causis, quæ nihil detrahunt de primatu Petri. Vna, quia plura scripsit, & doctior, ac sapientior fuit cæteris.

Tunc

Tunc enim ferè vocamus eum Apostolum ita, quando scripta eius citamus. Altera fuit, quia ad Apostolum propriè, vt Apostolum, pertinet, plantare fidè. Paulus autem pluribus in locis plantauit fidem, quàm vllus alius. Nam ceteri Apostoli missi sunt ad certas prouincias, Paulus ad omnes Gentes, sine certa prouinciæ determinatione. Et ipse de se ait: *Plus omnibus laboraui.* Quod autem dicitur de imaginibus, multis modis solui potest. 1. Cor. 15.

Primum enim, tametsi constat, Petrum Paulo auctoritate maiorem fuisse, tamen etiam si Paulus Petro omnibus nominibus anteponendum esset, nihil id Romanis Pontif. officeret, aut ipsi etiam Petri summo Pontificatui. Non quidem Pont. Romanis, quoniam ipsi, tam Petrum, quàm Paulum prædecessorem agnoscunt: siquidem vterque Apostolus Romanam Ecclesiam fundauit, & gubernauit: & in vrbe Roma vterque per martirium vitam finiuit. Itaque omnis Pauli gloria ad Rom. Pont. pertinet. Nihil etiam Petri Pontificatui officeret, quia extraordinaria erat, quanta quanta tandè esset dignitas, & auctoritas Pauli. Quare sicut in populo Iudeorum maior erat Moyles Aaron, & nihilominus tamen Aaron verè, & propriè summus Pontifex fuit, & non Moyse, sed Aaronis posteri in summa illa dignitate patri successerunt, quoniam potestas Moyse extraordinaria, Aaronis ordinaria erat, ita etiam de Petro, & Paulo est dicendum.

Deinde potest etiam responderi non esse hoc perpetuum, vt in antiquis imaginibus Paulus dexteram partem occupet. Siquidem inijs, quæ Romæ nunc extant, vt in quibusdam Paulus cernitur ad dexteram, ita in alijs non paucioribus cernitur ad sinistram: & sicut in diplomatibus Paulus obtinet dexteram, ita in numismatibus obtinet sinistram. Et fortasse consultò id veteres obseruarunt, vt ex duobus summis Apostolis modò vnum, modò alterum anteponerent. Nimirum vt eo modo significarent, hos Apostolos, vel pares esse inter se, vel certè ignorari, vter alteri præflet. Nam & si Petrus maior est potestate, Paulus maior est sapientia.

Tertia responsio adhiberi potest. Nam, vt annotauit Antonius Nebrissenfis in annotatione ad 50. Script. loca, cum duo simul incedebant, olim id obseruabatur, vt senior, & honoratior ad leuam esset; iunior autem latus ei dexterum clauderet, & non nihil præcederet in signum obsequij. Inde enim dicitur sunt laterones, & per contractionem latrones, qui dextrum latus nobiliorum hominum defensionis causâ tegebant.

Iam igitur credibile est, initio xpisse depingi Paulum ad dexteram Petri, vt iuniorem, & minorem: nam idcirco in diplomatibus Pontificijs ita Paulus ad Petri dexteram collocatur, vt eum præcedat, & ferè totum tegat: quod est argumentum obsequij in Paulo, & dignitatis in Petro.

Quòd autem postea cepit pingi ad dexteram, etiam cum Petrum non tegit, vel cum Christus, aut B. Virgo, medium locum tenent, ex imperitia factum videtur: nimirum viderant alicubi Paulum depictum ad dexteram, nec aduerterant sic eum esse ad dexteram, vt Petrum tegeret, existimarunt ob honorem Pauli id fieri, ac propterea in sedibus quoque, vel cum inter se multum distarent, dexteram partem Paulo tribuerunt.

Cæterum non ob Pauli honorem id à veteribus factum esse, vel inde probari potest, quòd in omniibus alijs rebus semper Petrus Paulo antepositus. Si nominandi sunt, Petrus præcedit: si in præcibus inuocandi, Petrus præcedit: si festi dies in eorum honorem celebrandi, prior est Petrus: cur igitur in imaginibus ordo iste alioqui perpetuus mutaretur?

Denique, si hæc aliquibus non probantur, admitti potest honoris gratiâ Paulum à dextris Petri in signis, & imaginibus collocari. Cuius honoris res potissimum causæ esse videntur.

Prima, quia ipse plus videtur Ecclesiæ profuisse, quàm Petrus: plures enim ex Gentibus ad Christi fidem adduxit, plures provincias summo cum labore peragravit; pluraque scripta, & quæ utilissima nobis reliquit. Ecclesia verò in colendâ Sanctorum memoriâ, non tam respicit gradum honoris, quem habuerunt in terris, quàm utilitatis, quam posteris attulerunt. Cum enim gratitudinis causâ illis honoret, illos maiorem cultum deferret, quibus plus debet. Certè Stephanus, & Laurentius Diaconi tantum erat, quorum ille S. Iacobo Episcopo, & Apostolo; iste S. Sixto summo Pontifici ministravit, & tamen Ecclesia magis honorat Stephanum, quàm Iacobum; & Laurentium, quàm Sixtum, ut patet ex eo, quòd illorum dies natales habent octauas, istorum non habent.

Pariratione S. Hieronymus, & S. Thomas Aquinas simplices Presbyteri fuerunt; Antonius, Benedictus, Franciscus, ne Presbyteri quidem; & tamen ab Ecclesiâ, quod ad cultum attinet, multis sanctis Episcopis, & Martyribus, & summis etiam Pont. præponuntur: quoniam illi scriptis libris, isti ordinum religiosorum institutione plurimum Ecclesiæ profuerunt. Altera ratio est, quia Paulus Doctor Gentium præcipue fuit; Petrus Iudeorum: ut igitur significaret Ecclesia, Gentiles Iudæis tandem esse antepositos ab eo, qui dixit: *Maior seruiet minori*; Paulum anteposuit Petro.

Tertia ratio esse potest, quoniam Petrus à Christo vocatus fuit adhuc mortali, & quodammodo in sinistris constituto: Paulus autem de cælo vocatus est à Christo immortalis, regnante, & sedente à dextris Patris.

Addit Petrus Damiani quartam, quia videlicet Paulus de tribu Benjamin erat, & in ipso Benjamin demonstratus, ac typicè expressus in Script. Porro Benjamin, etsi postremus erat inter fratres suos, tamen & à patre filius dexteræ appellatus est, & à Ioseph omnibus fratribus antepositus.

Gen. 35.  
Ch 42.

## CAPVT IV.

An B. Petrus Romæ fuerit, ibidemque  
Episcopus existens mortuus sit?

**C**ONSTITVTIS ijs, quæ ad primatum Petri pertinent, nunc ad ea  
veniendum, quæ ad primatum successorum eius pertinent. Quoniam  
autem ius successionis, Pont. Rom. in eo fundatur, quod Petrus Romæ se-  
dem suam, iubente Domino, collocauerit, atque ibidem vsque ad mortem  
federit, quatuor hic in dubium vocantur.

Primum; *An Petrus fuerit Roma?*

*Dubio 4.*

Secundò; *An sit mortuus Roma?*

Tertiò; *An fuerit Episcopus Roma?*

Quartò; *An Romanum Episcopatum semel susceptum nunquam mutauerit?*

Ex his quatuor solum postremum, & requiritur necessariò, & sufficit ad  
Romani Pontificatus primatum constituendum. Nam illud primum neque  
requiri, neque sufficere planum est, cum multi veniant Romam, qui tamen  
Romani Pont. non euadunt, & multi Romani Pont. nunquam fuerunt Ro-  
mæ, vt Clemens V. Ioannes XXII. Benedictus XII. Clemens VI. Innocen-  
tius VI. qui in Gallijs ordinati, ibidem semper manserunt. Alterum item,  
neque requiri, neque sufficere, testantur multi Rom. Pont. qui extra Ro-  
mam mortui sunt. Nam Clemens I. obiit in Ponto, Pontanus in Sardinia,  
Ioannes I. Rauennæ, Agapetus Constantinopoli, Innocentius III. Perusie,  
Innocentius IV. Neapoli, Ioannes XX. Viterbij, & alij in alijs locis. Idem te-  
statur multò plures, qui quotidie moriuntur Romæ, nec tamen Rom. Pont.  
sunt. Tertium autem requiri, sed non sufficere, ex eo colligitur, quod Pe-  
trus Episcopus Antiochiæ fuit, & tamen, quoniam sedem aliò transtulit, nun-  
quam deinceps locum primum Episcopi Antiocheni habuerunt. Igitur quar-  
tum solum & requiritur, & sufficit. Quia tamen omnia vera sunt, suis, ac  
proprijs argumentis demonstrabimus.

Ac primum S. Petrum Romæ aliquando fuisse, ex ipsius testimonio ostē-  
ditur. *Salutat vos Ecclesia in Babylone collecta, & Marcus filius meus.* Hanc enim  
epistolam ex Româ scriptam esse, quæ dicitur Babylon à Petro, testis est Pa-  
pias Apostolorum discipulus, & alij patres. Præterea, Ioannes passim in  
Apoc. passim Romam vocat Babylonem; maximè vbi dicitur Babylon ma-  
gna sedere supra septem montes, & habere imperium super reges terræ.  
Nec enim alia ciuitas est, quæ Ioannis tempore imperium habuerit super re-  
ges terræ, quàm Roma: & notissimum est, supra septem colles Romam ædi-  
ficatam esse.

*Resp. ad 2.*

*Prob. 1.*

*1. Pet. ad He-*

*bræ.*

*Apoc. 17.*

Secun-

*Prob. 2.* Secundò prob. ex Act. vlt. & epistola ad Rom. ex quibus constat Romæ multos fuisse Christianos, immò Ecclesiam amplam, & florentem, antequam Paulus eò veniret. Peto igitur, quis hos Christianos fecerit, si Petrus non fuit Romæ? Nam quòd Petrus primus omnium prædicauerit Romanis, & Ecclesiam fundauerit, antequam Paulus eò veniret, multi veterum scribunt: quòd autem aliquis alius id fecerit, non potest villo firmo argumento demonstrari.

*Prob. 3.* Tertiò prob. ex historia de Euangelio Marci. Scribunt enim constanter grauissimi auctores, Marcum Romæ scripsisse Euangelium, prout ibidem Petrum prædicantem audiuerat.

*Resp. ad 2. prob. 1.* Iam verò Petrum etiam Romæ vnà cum Paulo pro Christi gloria vitam posuisse, testantur inprimis eorum sepulchra. Nam, si Romæ Petrus, & Paulus mortui non sunt, quis eorum corpora Romam detulit? vnde, & quando, & quibus testibus detulit? Si forte respondeant, Apostolorum corpora Romæ non esse; vbinam, quæso, sunt? certè nusquam alibi esse dicuntur. Nec est verisimile, summorum Apostolorum corpora fuisse neglecta, cum tot Sanctorum aliorum corpora videamus diligentissimè conseruata.

*Prob. 2.* Deinde, testatur hoc idem consensu totius orbis terrarum, qui præcipue ex peregrinationibus ad limina Apostolorum colligitur. Testantur hoc idem etiam testimonia veterum Patrum Græcorum, & Latinorum.

*Resp. ad 3. prob. 1.* Denique, Petrum Episcopum Rom. fuisse, & eum Episcopatum ad mortem vsque retinuisse, primum suadere videtur ipsa summa dignitas Romanæ Ecclesiæ. Semper enim omnium consensu habita est prima, & præcipua omnium aliarum. Non potest autem vlla ratio reddi huius excellentiæ, nisi quia princeps Apostolorum illius Ecclesiæ proprius pastor, & Episcopus fuit.

*Prob. 2.* Deinde; Si non fuerit Petrus Episcopus Romæ vsque ad mortem, exponant aduersarij, vbi Petrus sederit eo tempore, quo reliquit Antiochiam. Nã, non mansisse perpetuò apud Antiochiam, Antiocheni ipsi consentunt, & satis id probat Ecclesiæ consuetudo, quæ nunquam attribuit primum locum Episcopo Antiocheno, Et nulla Ecclesia est, aut fuit, quæ assereret, Episcopum suum fuisse Petrum, exceptà Antiochenà, & Romanà.

*Prob. 3.* Accedant testimonium, & consensus omnium veterum Patrum; & testimonia veterum Romanorum Pont. martyrum, vel confessorum; veterum etiam testimonia Conciliorum.

## CAPVT QVINTVM.

Romanum Pontificem Petro succedere in  
Ecclesiasticâ Monarchia.

**D**EMONSTRANDVM nunc est Romanum Pontif. succedere Petro non tantum in Episcopatu Romano, sed etiam in vniuersæ Ecclesiæ primatu.

Prob. primò ex iure diuino, & ratione successionis. Debet enim Petrus iure diuino aliquis succedere: ille non potest esse alius, quàm Pont. Romanus: igitur ille succedit. *Prob. 1. Primatus Pont. Rom.* Propositio prob. ex fine Pontificatus: nam certum est, Pontificem esse propter Ecclesiam, nō Ecclesiam propter Pontificem. Atqui Ecclesia non minus eget nunc vno pastore, quàm tempore Apostolorū: immò vero etiam magis, cum nunc sint Christiani & plures, & peiores.

Secundo ex vnitatem Ecclesiæ. Nam Ecclesia est vna, & eadem omni tempore: non igitur debet mutari forma regiminis, quæ est forma etiam Reip. & ciuitatis.

Tertio ex verbis Domini: *Pasce oues meas.* Nam officium pastoris est officium ordinarium, & perpetuum: siquidem ex natura rei, tam diu durare debet officium pastoris, quàm diu manet ouile. Ouile autem manet vsque ad mundi consummationem: ergo, &c. *Iam. ult.*

Quarto ex eodem loco: nam Dominus omnes oues Petro commisit; non solum omnes ratione loci, sed etiam ratione temporis, cum non minus nobis, quàm antiquis Christus prospicere debuerit. Sed Petrus non semper vi- & urus erat in carne; ergo successores eius Dominus allocutus est.

Quinto, Ecclesia est vnum corpus, & suum quoddam caput hic in terris habet, præter Christum: nam, postquam Paulus dixerat, Ecclesiam esse vnum corpus, subiecit: *Non potest caput dicere pedibus, non estis mihi necessarij:* quod certè non conuenit Christo. Nullum autem caput aliud assignari potest, præter Petrum; nec debet mori et Petro corpus Ecclesiæ manere sine capite: ergo, &c. *1. Cor. 12.*

Sexto: In veteri Testamento, successio erat summorum Pont. nam Aaroni successit Eleazarus: Eleazarus Phinees, & sic de cæteris. Denique huc faciunt omnia argumenta, quibus probatum est, regimen Ecclesiæ debere esse Monarchicum. Assumptio autè argumenti facillè probari potest. Nullus enim est, nec vnquā fuit, qui se Petri successorem vilo modo asseruerit, vel pro tali sit habitus, præter Romanum, & Antiochenum Episcopum: atqui Antiochenus non successit Petro in Pontificatu Ecclesiæ: otius. Nā non succeditur, nisi cedenti locū, vel per mortē naturalem, vel per mortem legitimā, id est, depositionem, vel renunciationem. Petrus, autem adhuc viuens, & Pontificatum gerens, Antiochenam Ecclesiam reliquit, & Romæ sedem suam fixit: restat igitur, vt

O. Romanus



mus, ergò alio tempore & alio auctore cæpit Rom. Pontificis Ecclesiasticus principatus. At nullum tempus assignari, nullus auctor notari potest, quin eo antiquiorem hunc primatum fuisse demonstramus, nisi ad Christum auctorem, & Christi tempora veniatur: ergò, &c.

Prob. etiam ex auctoritate, quem semper exercuerunt veteres Pont. in *Prob. 4.*  
Episcopos ceteros. Siquidem legimus, à Pont. Romanis Episcopos in toto orbe institutos, vel depositos, vel restitutos.

Prob. quoque ab auctoritate leges ferendi, dispensandi, & puniendi, quam *Prob. 5.*  
Rom. Episcopus in Ecclesiæ filios, quamvis maximos, & nobilissimos exercuit.

Prob. etiam ex eo, quòd Rom. Pontifex à nemine in terris possit iudicari. *Prob. 6.*  
Nota, nos hic non disputare de Rom. Pontifice, ut est princeps temporalis, hoc enim modo ne aduersarij quidem negant, eum non posse iudicari in causis temporalibus. Est enim cõmune omnibus absolutis Principibus, ut nullum agnoscat superiorem in negotijs temporalibus. Loquimur ergò de Pontifice ratione solius Pontificatus: ac dicimus eum, etiam si ditionem temporalem nullam haberet, non posse villo modo iudicari in terris ab villo Principe Christiano, siue seculari, siue Ecclesiastico, neque ab omnibus simul in Concilio congregatis.

Ratio autem præcipua, cur Papa iudicari non possit, est, quia Princeps est Ecclesiæ totius, & proinde superiorem in terris non habet: nam, quia summus Princeps est Ecclesiæ, non potest iudicari ab villo Ecclesiastico Antistite: & rursum, quia Resp. Ecclesiastica spiritalis est, ac proinde maior ac sublimior quavis Rep. temporali, propterea summus Princeps Ecclesiæ dirigere, & iudicare potest summum Principem Reip. temporalis; non autem ab eo dirigi, aut iudicari debet, nisi rectus ordo, & ipsa rerum natura peruertatur.

Prob. hoc etiam ex testimonijs Conciliorum, Pontificum, Imperatorum, *Prob. 7.*  
ac Doctorum Ecclesiæ.

Sed obijciunt Pontificem in casu hæresis posse iudicari ab Ecclesiâ, & deponi. *Obiect.*

Respondeo de hac re quinque esse opiniones. Prima est Alberti Pighij, qui *Resp. 1. Sententia.*  
contendit, Papam non posse esse hæreticum, proinde nec deponi in villo casu: quæ sententia potest defendi.

Secunda est, Papam eo ipso, quo in hæresin incidit, etiam interiorem tantum, esse extra Ecclesiam, & depositum à Deo; quocirca ab Ecclesiâ posse iudicari, id est, declarari depositum iure diuino, & deponi de facto, si adhuc recuset cedere. Hæc est Ioannis de Turrecremata, sed mihi non probatur. Nam iurisdictio datur quidem Pont. à Deo, sed hominum operâ concurrente: igitur non aufertur etiam à Deo, nisi per hominem. At Hæreticus occultus non potest ab homine iudicari: falsum ergò etiam est eum esse extra Ecclesiam. *2. Sententia.*

Tertia opinio est in altero extremo; nimirum Papam neque per hæresin occultam, neque per manifestam esse depositum, aut deponi posse. Sed hæc est valde improbabilis: miserima enim esset conditio Ecclesiæ, si suprum manifeste

nifestè grassantem propastore agnoscere cogeretur.

4. *Opinio.*

Quarta opinio est Caietani, qui docet, Papam hæreticum manifestum non esse ipso facto depositum, sed posse, ac debere deponi ab Ecclesia. Quæ sententia iudicio meo defendi non potest. Nam, quòd hæreticus manifestus ipso facto sit depositus, prob. auctoritate, & ratione. Auctoritas est B. Pauli, qui iubet, hæreticum post duas correptiones, id est, postquam manifestè apparet pertinax, vitari: & intelligit ante omnem excommunicationem, & sententiam iudicis. At non potest vitari manens Papa: Ergò, &c. Ratio etiam certissima est. Nam non Christianus non potest esse Papa, quia non potest esse caput, id, quod non est membrum: at non est membrum Ecclesiæ, qui non est Christianus. Ergò, &c. Posse etiam Papam hæreticum ab Ecclesia deponi verè, & ex auctoritate, non minùs videtur falsum: nam si Ecclesia inuitum Papam deponit, certè est supra Papam.

5. *Opinio.*

Quinta ergò opinio vera est, Papam hæreticum manifestum per se definire esse Papam, & caput, sicut per se definit esse Christianus, & membrum corporis Ecclesiæ: quare ab Ecclesia posse eum iudicari, & puniri. Hæc est sententia omnium veterum Patrum, qui docent, hæreticos manifestos mox amittere omnem iurisdictionem: & etiam doctissimorum recentiorum.

*Prob.*

Fundamentum autem est, quia hæreticus manifestus nullo modo est membrum Ecclesiæ; id est, neque animo, neque corpore; siue neque vniione interna, neque externa. Nam Catholici etiam mali vniiti sunt, & sunt membra animo, per fidem; corpore, per confessionem fidei, & visibilibus Sacramentorum participationem: hæretici occulti sunt vniiti, & sunt membra solum externa vniione; sicut è contrario boni Catechumeni sunt de Ecclesia interna vniione tantum; non autem externa: hæretici manifesti nullo modo.

*Prob. 2.*

Prob. etiam primatus Rom. Pontificis ex nominibus, quæ ipsi tribui solent: Quæ sunt quindecim: Papa, Pater Patrum, Christianorum Pontifex, Sacerdos summus, Princeps Sacerdotum, Vicarius Christi, Caput corporis Ecclesiæ, Fundamentum ædificij Ecclesiæ, Pastor ouilis Domini, Pater, & Doctor omnium fidelium, Rector domus Dei, Custos vineæ Dei, Sponsus Ecclesiæ, Apostolicæ sedis Præsul, & piscopus vniuersalis. Ex quibus omnibus, & singulis apertè colligitur eius primatus.

*Papa.*

Primum, & communissimum, & antiquissimum Episcopi Romani nomen est *Papa*. Est autem *papa*, seu *pappas* apud Græcos vox, qua blandientes, vel balburentes pueruli parentes suos appellare solebant: nam apud Homerum filia dicit Patri; *πάππας φίλε*. Apud Latinos veteres similiter patrem, vel auum, id est, patrem patris, significabat. Hinc ergò Ecclesiastici patrem spirituale blandio illo vocabulo *Papam* appellare ceperunt. Quamvis autem nomen hoc tribuatur à veteribus interdum cuilibet Episcopo, tamen tribus modis ex hoc nomine colligitur Episcopi Rom. primatus.

Primò, quia per antonomasiam, cum absolute pronuntiatur *Papa*, ipse solus intelligitur.

Secundò, quia ipse solus totius Ecclesiæ dicitur *Papa*.

Tertiò, quia Episcopus Rom. à toto mundo, & à generalibus Concilijs, vocatur

vocatur pater, siue Papa: ipse vero neminem vocat Papam, vel patrem; sed omnes filios, vel fratres.

De 14. nomine, nota interdum ab antiquis vocari sedes Apostolicas, non solum Romanam, sed etiam Antiochenam, Ierosolymitanam, Ephesinam, & alias: quas Apostoli fundauerunt, & in quibus, tanquam Episcopi, sederunt. Sed in tribus excellit Rom. Pontifex quantum ad hoc nomen. *Præful sedis Apostolica.*

Primo, quia cum dicitur absolute, sedes Apostolica, semper intelligitur Romana.

Secundo, quia Rom. Pontifex non solum dicitur sedem Apostolicam tenere, vt Antiochenus, & Ephesinus, sed etiam principatum Apostolicę sedis.

Tertio, quia Rom. Pontifex non tantum dicitur Præful Apostolicę sedis, vt Antiochenus, & quidam alij, sed etiam munus eius dicitur Apostolatus. Ex quo deducitur, Antiochenum & Ephesinum, & similes fuisse quidem Episcopos, Apostolicarum sedium, id est, earum, in quibus Apostoli sederant, sed non successisse Apostolis in Apostolatu villo modo: at Rom. Pontificem esse Episcopum Apostolicę sedis, & succedere aliquo modo in Apostolatu, id est, in cura totius orbis terrę, quę erat pars quędam Apostolatus.

## CAPVT VI.

De nomine Antichristi; & An sit vnus  
homo, an genus ho-  
minum?

**N**omen *Antichristi* solum significat aliquem Christo contrarium; & contrarium non quomocunque, sed ita, vt cum eo de sede, & dignitate Christi ceter: id est, qui sit æmulus Christi, & velit haberi Christus deiecto eo, qui verè est Christus. *Prob. 1.*

Prob. primo, quia apud Græcos illa vox *antichristi*, propriè significat oppositionem. Et quoniam opponi dicuntur non solum ea, quę pugnant inter se, sed etiam ea, quę æquipollent, hinc factum est, vt *antichristi* in compositione interdum significet contrarietatem, interdum æquiualentiam: nunquam autem subordinationem. Vt patet in exemplis. *antichristos* significat æmulum in lucra: *antichristos* contrarium remedium: *antichristus* contrariam locutionem: *antichristos* æquiualentem: *antichristos* æqualem Deo: *antichristus* pollex est, quia è regione opponitur, & æquiualeat toti reliquę manui: & sic de ceteris. Vicarius autem non significat oppositionem, sed subordinationem ad aliud: & ideo non potest exprimi per vocem *antichristi*. *Prob. 2.*

Secundo prob. ex Scriptura. Nam etiam si hoc nomē esset ex se ambiguum, tamen, vt in Script. accipitur, non est ambiguum: & nostra quęstio non debet

2. *Tess.* 2.

esse de voce ἀντίχριστος absolute, sed vt in Scripturā accipitur. Porro in Script. Antichristus dicitur is, qui extollitur super omne, quod dicitur Deus: quod non est esse Vicarium, sed hostem Christi Dei. Et apud Ioannem dicitur is, qui negat Iesum esse Christum; id est, qui negat Iesum esse Christum, vt seipsum pro Christo vendit. Apud Matth. etiam Antichristus dicitur affirmaturus seipsum esse Christum, quod sanè non est Vicarij, sed emuli.

Prob. 3.

Tertiò prob. ex omnibus auctoribus qui de Antichristo scripserunt, & ex communi sensu Christianorum. Quoad secundum, conuenimus cum aduersarijs in eo, quòd sicut nomen Christi accipitur dupliciter: interdum propriè pro quodam eximio, & singulari Christo, qui est Iesus Nazarenus; interdum communiter pro his omnibus, qui habent cum Christo similitudinem, quantū ad vnctionem, quomodo Prophetæ, & Reges & Sacerdotes omnes dicuntur Christi: Nolite tangere Christos meos: ita etiam nomen Antichristi interdum accipitur propriè pro quodam eximio Christi hoste; interdum communiter pro omnibus, qui quoquo modo Christum oppugnant. Audistis quia Antichristus venit, & nunc Antichristi multi facti sunt. Id est, audistis venturum Antichristum, & nunc, licet ille singularis Antichristus nondum venerit, tamen multi seductores iam venerunt, qui etiam Antichristi dici possunt.

Psal. 104.

2. *Tess.*

Ioan. 3. &amp; alibi.

1. Ioan. 2.

Quæst.

At dissentimus de Antichristo propriè dicto; An ille sit homo vnus singularis? Catholici autem omnes ita sentiunt.

Prob. 1.

Ioan. 6.

Prob. ex omnibus Script. & Patribus, qui de Antichristo agunt. Primus Script. locus est: Ego veni in nomine Patris mei, & non recipistis me; si alius venerit in nomine suo, illum recipietis. Hæc verba dicta de vno Antichristo, testantur Patres. Præterea Dominus opponit sibi alium hominem, id est personæ personā: non regnum regno, neque sectam sectæ. Deinde, Christus hic dicit, Antichristum à Iudæis pro Messia recipiendum. Constat autem Iudæos vnum certum, & singularem hominem expectare. Item; omnes falsi Prophetæ venerunt in nomine alterius, non in nomine suo: Falsæ Prophetæ vaticinantur in nomine meo, nō misi eos, &c. At hic Dominus loquitur de vno quodam, qui veniet in nomine suo, id est, qui non agnoscet Deum aliquem, sed extollet se, vt Paulus ait, supra omne, quod dicitur Deus. Denique; Falsi Prophetæ permulti venerant ante Christi aduentum; permulti etiam postea venturi erant. Non igitur Dominus dixisset: Si alius venerit, sed, multi veniunt, si de falsis prophetis loqui voluisset.

Ei. 12.

1. Ioan. 2.

2. *Tess.* 2.

Secundus locus est: Nisi veneris discessio primum, & reuelatus fueris homo peccati, filius perditionis. &c. Et infra: Et tunc reuelabitur ille iniquus, quem Dominus Iesus interficiet spiritu oris sui. Sed Apostolus loquitur de certā quādam, & particulari personā, vt patet ex articulis Græcis: ἀποκαλυφθήσεται ὁ ἄνθρωπος τῆς ἀμαρτίας ὁ υἱὸς τῆς ἀπολλύας. Et infra: καὶ τότε ἀποκαλυφθήσεται ὁ ἀνομος. Vt enim Epiphanius docet, articuli Græci contrahunt significationem ad vnam rem certam, ita vt ἄνθρωπος significet hominem in communi: at ὁ ἄνθρωπος hominē singularem.

2. Ioan. 2.

Tertius locus est: ἡκοῦσατε ὅτι ὁ ἀντίχριστος ἔρχεται, καὶ νῦν ἀντίχριστοι πολλοὶ γέγοναν. Vbi articulum præponit Antichristo propriè dicto: sine articulo verò effert nomen Antichristi communiter accepti.

Dan. 7. 11.

12.

Quartus est, vbi Daniel loquitur de Antichristo, & vocatur non vnum Regnum

Regnum, sed vnus quidam Rex: qui ex decem Regibus, quos in mundo inueniet, tres omnino tollet e medio, & alios septem sibi subiiciet. Sed Antiochus illustris, qui figuram gerebat Antichristi, certa quædam, & singularis persona fuit, ergo, &c.

Quintus est in Apoc. quæ loca intelligi de Antichristo, docet Irenæus, & perspicuum est ex similitudine verborum Danielis, & Ioannis. Vterque enim mentionem facit decem Regum, qui erunt in terrâ, quando veniet Antichristus, & vterque Antichristi regnum tribus annis cum medio duraturum prædicit, &c. Sicut ergo Daniel de vno certo Rege loquitur; ita & Ioannes in Apoc. Apoc. 13. 17.

Idem prob. ex Patribus, qui communi consensu de Antichristo docet. Primo, enim fore instrumētum Diaboli electissimum, ita vt in eo inhabitet omnis plenitudo diabolicæ malitiæ corporaliter: sicut in homine Christo habitat omnis plenitudo Diuinitatis corporaliter. Secundò, Antichristum non regnaturum, nisi tres annos cum medio; ac proinde docent, Antichristum vnum hominem tantum futurum. Prob. 2.

## CAPVT VII.

## De tempore aduentus Antichristi, &amp; mortis eius.

**D**E tempore, quo venturus est Antichristus, multi sunt Hæreticorum errores, & Catholicorū sententiæ: sed vera sententia est, nondum regnare cœpisse, neque venisse; sed venturum, & regnaturum circa mundi finem: qui quantum adhuc absit, nullo modo sciri potest. Tempus Antichristi.

Hæc sententia demonstratur sex rationibus. Sciendum est enim Spiritum S. in diuinis litteris sex signa certa aduentus Antichristi nobis dedisse. Duo præcedentia ipsum Antichristum; nempe prædicationem Euangelij in toto mundo, & Imperij Rom. desolationem: Duo comitantia; videlicet prædicationem, Henoch, & Helix; & persecutionem maximam & notissimam, ita vt publica sacra omnino cessent: Duo sequentia; nimirum interitum Antichristi post tres annos cum medio, & finem mundi, quorum nullum adhuc videmus existere.

De primo Script. testantur, in toto mundo prædicandum Euangelium, antequam veniet vltima persecutio, quæ ab Antichristo excitabitur. *Prædicabitur hoc Euangelium regni in vniuerso orbe in testimonium omnibus Gentibus.* Quod autem hoc futurum sit ante aduentum Antichristi, prob. quia tempore Antichristi crudelitas persecutionis illius nouissime impedit omnia publica exercitia veræ religionis. Idem etiam docent Patres. Quod autem hoc nostro tempore non sit adhuc completum, prob. experientiâ. Inuentæ sunt enim in Oriente, & Occidente regiones vastissimæ, in quibus nulla extat memoria. 1. Signum Antichristi. Matth. 23.

Euan-

Euangelij. Neque dici potest fuisse ibi fidem, sed postea extinctam. Nam saltem aliqua vestigia remanerent, vel ibi, vel in scripturis veterum. Præterea; scimus, vbi prædicauerunt omnes Apostoli, fuisse loca multis nota, non dicam omnibus. At nouus orbis terræ nunciuentus, non fuit cognitus ab Apostolorum temporibus, nisi paulò ante nostram ætatem.

2. *Signum.* De secundo signo sciendum, Rom. Imperium tandem diuidendum in decem Reges, quorum nullus erit, vel dicetur Rex Romanorum, etsi omnes occupabunt provincias aliquas Rom. Imperij. Sicut modò Rex Galliz, Rex Hispaniz, Regina Angliz, & fortè aliqui alij tenent partes Romani Imperij; & tamen non sunt Rom. Reges, vel Imperatores: donec autem hoc non sit, non potest Antichristus venire.

L4. s. c. 26.  
Dan. 2.

Probat hoc Irenæus ex Daniele, & Apocalypsi. Nam apud Danielem describitur successio præcipuorum regnorum, usque ad cõsummationem mundi, per statuam quandam, cuius caput aureum significat primum regnum, id est, Assyriorum: pectus argenteum est regnum secundum, id est, Persarum: venter æneus regnum tertium, id est, Græcorum: tibiæ ferreæ regnum quartum, id est, Romanorum, quod longissimo tempore fuit bipartitum, sicut tibiæ duz sunt, & longissimæ. Porro ex duabus tibijs oriebantur decem digiti, & eis tota illa statua desinebat; quia videlicet Rom. Imperium tandem in decem Reges, diuidendum erat, quorum nullus erit Rex Romanorum, sicut nullus digitus est tibia.

Dan. 7.

Iam verò alibi Daniel clarissimè per quatuor bestias eadem quatuor regna designat, & addit ex vltimâ bestia proditura decem cornua, quæ decem vltimos Reges designant, qui orientur quidem ex Rom. Imperio, sed non erunt Rom. Imperatores: sicut cornua oriuntur ex bestia sed ipsa bestia non sunt. Denique Ioannes describit bestiam, cum septem capitibus, & decem cornibus, super quam mulier quedã sedebat: & explicat mulierem esse urbem magnam, quæ sedet super septem colles, id est, Romam: septem capita esse septem illos mōtes, & etiam septem Reges, quo numero intelliguntur omnes Rom. Imperatores. Decem cornua, dicit esse decem Reges, qui vno tempore simul regnabunt. Et ne putemus hos fore Rom. Reges, addit, quòd hi Reges odio habebant fornicariam, & desolatam facient, quia ita inter se diuidunt. Rom. Imperium, vt illud penitus destruant.

Apoc. 15.

2. Thess. 1.

Deinde prob. ex Paulo idem: Et nunc quid debeat scitis, vt reueletur in suo tempore, tantum, vt qui nunc tenet teneat, donec de medio fiat, & tunc reuelabitur ille iniquus, &c. Vbi Paulus non ausus apertè scribere de euerfione Rom. Imperij, quod tamen apertè illis coram explicauerat, sic loquitur, & sensus est: Scitis, quid impediatur aduentum Antichristi. Dixi enim vobis, Rom. Imperiũ impedire, quia non sunt adhuc impleta eius peccata: & non autem veniet Antichristus, qui hoc Imperium propter sua peccata tollat è medio. Ided, qui nunc tenet Rom. Imperium, teneat: id est, regnet, donec de medio fiat, id est, aboleatur & tunc reuelabitur ille iniquus. Ita exponunt Græci Patres, & Latini. Quòd autem hoc non sit impletum vnquam hætenus, patet, quia adhuc manet successio, & nomen Rom. Imp. & mirabili providentiã Dei, quando Imperium decreuit in Occidente, quod erat altera tibiæ statua Danielis,

manfuit

mansit incolume Imperium in Oriente, quod erat altera tibia. Quia verò imperium Orientis destruendum erat per Turcas, vt nunc factum videmus; iterum Deus erexit in Occidente priorem tibiam, id est, Imperium Occidentale, per Carolum Magnum, quod Imperium adhuc durat.

Tertium signum est ex aduentu Henoch, & Eliæ, qui adhuc viuunt; & ad hoc viuunt, vt venienti Antichristo se opponant, & conseruent electos in fide Christi, & tandem Iudæos conuertant: quod tamen certum est, nondum esse impletum. Quatuor Script. extant de hac re.

Prima: *Ecce ego mittam vobis Eliam Prophetam, antequam veniat dies Domini magnus, & conuertet corda patrum ad filios, & corda filiorum ad patres eorum.* Malach. 4.

Secunda, vbi de Elia legimus: *Qui receptus es in turbine ignis, in turbine aquarum igneorum. Qui inscriptus es in iudicijs temporum, lenire iracundiam Domini, conciliare cor Patris ad filium, & restituere tribum Iacob.* Et: *Henoch placuit Deo, & translatus est in paradysum, vt det Gentibus penitentiam.* Eccl. 44.

Tertia: *Elias quidem venturus est, & restituet omnia.* Math. 17.

Quarta: *Dabo duobus testibus meis, & prophetabunt diebus M. C. C. LX.* Quod verba Malachiz non possint intelligi de quibusdam Doctoribus, vt de Luthero, Zwinglio, &c. Patet, nam Malachias dicit, ab Elia conuertendos esse Iudæos, & propter Iudæos precipue mittendum; vt patet ex illo; *Mittam vobis.* Et Ecclesiastico: *Restituere tribum Iacob.* At Lutherus, & Zwinglius nullum Iudæorum conuerterunt. Quod etiam non possint intelligi de Ioanne Baptista ad litteram, sed solum de Elia, patet, quia Malachias loquitur de secundo aduentu Domini, qui erit ad iudicandum. Sic enim ait: *Antequam veniat dies Domini magnus, & horribilis.* Primus enim aduentus non vocatur dies magnus, & horribilis; sed *tempus acceptabile, & dies salutis.* Vnde subditur: *Ne forte veniens feriam terram anathematice; id est, ne veniens ad iudicium, & inueniens omnes iniuos, omnem terram condemnem, idè mittam Eliam, vt habeam aliquos, quos saluem.* Quod etiam Ecclesiast. loquatur de personis ipsis Henoch, & Elia, prob. nam dicit illum Henoch venturum, *vt det Gentibus penitentiam, qui translatus est in paradysum:* Et illum Eliam venturum ad restituendas tribus Israel, qui in curru equorum igneorum raptus fuerat. Quod etiam verba Domini intelligantur de vero Elia, planum est, quia Ioannes iam venerat, & absoluerat cursum suum, & tamen Dominus ait: *Elias venturus est.* Quod verò non intelligantur de omnibus Doctoribus, sed de vno vero Elia, prob. potest primò, quia Apostoli, qui mouerunt quæstionem de Eliâ, fuerunt, Petrus, Iacobus, & Ioannes, & occasionem acceperunt ex transfiguratione Domini, vbi Moysen, & Eliam viderunt. Itaque cum interrogant: *Quid ergo scriba dicunt, quia Eliam oportet venire primùm?* Loquuntur de illo Elia, quem viderant in monte cum Christo. Igitur Christus respondens: *Elias quidem venturus est, & restituet omnia.* Loquitur etiam de illo Elia particulari, qui apparuerat in transfiguratione. Secundo patet hoc ex illis verbis: *Et restituet omnia.* Idem enim non fecit Ioannes Baptista, nec vllus alius. Nam restituere omnia, est omnes Iudæos, & hereticos, & fortè multos Catholicos ab Antichristo deceptos reuocare ad veram fidem. Quod denique verba Ioannis in Apoc. intelligi debeant de singularibus personis, patet ex eo, quod ibidem Ioannes dicit, eos interficiendos.

ciendos ab Antichristo, & corpora eorum per tres dies manfura insepulta in plateâ Ierusalem, & post tres dies eos resurrecturos, & in cœlum ascensuros: quæ nulli hæcenus contigerunt.

4 Signum

Quantum signum sumitur ex eo, quod certum est, Antichristi persecutionem fore grauissimam, & notissimam, ita vt cessent omnes publicæ religionis ceremoniæ, & sacrificia, quorum nihil adhuc videmus. Fore persecutionem illam grauissimam patet: *Erit tunc tribulatio magna, qualis non fuit ab initio mundi, neque erit.* Et in Apoc. legimus. *Tunc Satanam soluendum*, qui vsque ad illud tempus fuerat ligatus. Fore notissimam istam persecutionem, probat Augustin. ex illis verbis: *Et cinxerunt castra Sanctorum, & dilectam ciuitatem.* Vbi significatur, omnes prorsus impios simul futuros in exercitu Antichristi, & aperto Marte oppugnaturus omnem Sanctorum Ecclesiam. Hoc sanè adeo non est impletum hoc tempore, vt nunquam ferè fuerit maior numerus falsorum fratrum, & fictorum Christianorum. Denique quod Antichristi tempore cessare debeat publicum Ecclesiæ officium, & sacrificium, aperte docet

Matth. 24.

Apoc. 20.

Li. 20. de ciuit. Dei.

6 11.

Apoc. 20.

Dan. 12.

Daniel: *A tempore, cum ablatum fuerit iuge sacrificium, dies M. CC. XC.* Vbi omnium consensu loquitur de tempore Antichristi. Hoc autem signum nondum impletum, docet experientia.

5 Signum.

Quintum signum est quod Antichristus non regnabit, nisi tres annos cum medio: Et Papa iam regnauit spiritaliter in Ecclesia, plusquam M. D. annis, nec potest assignari vllus, qui sit habitus pro Antichristo, qui præcisè regnauerit tribus annis cum medio.

Dan. 7. 12.

Apoc. 12.

Apoc. 11. 13

Apoc. 11.

Dan. 12.

Prob. hoc signum ex Daniele, & Apocalypsi. Vbi legimus, duraturum Antichristi regnum per tempus, & tempora, & dimidium temporis. Nam per tempus intelligitur vnus annus; per tempora duo anni; per dimidium temporis medius annus: Sic enim explicat idem Ioannes: nam alibi dicit, Antichristum regnaturum mensibus XLII. qui rectè faciunt tres annos cum medio. Dicit etiam, Henoch, & Eliam prædicaturos diebus M. CC. LX. quidem tempus efficiunt. Nam Hebræi ytebantur annis, & mensibus lunaribus et sic eos reuocarent ad solares, addendo sexto quoque anno vnam lunationem. Tres autem anni lunares cum medio faciunt rectissimè XLII. menses, siue M. CC. LX. dies: siquidem annus lunaris plenus, & perfectus constat ex duodecim mensibus, quorum quilibet habet dies XXX. Neque obstat, quod apud Daniele dicitur Christus regnaturus M. CC. XC. diebus, hoc est diebus XXX. amplius, quam dixerit Ioannes: nam Ioannes loquitur de Henoch, & Eliâ, qui ab Antichristo occidentur vno mense, antequam Antichristus peteat. Et hæc est communis veterum sententia.

Apoc. 12.

Apoc. 20.

Secundò prob. hoc signum ex eo, quod Script. dicunt, tempus Diaboli soluti, & Antichristi, fore breuissimum: *Vaterra, & mari, quia descendit Diabolus ad vos, habens iram magnam, sciens, quod modicum tempus habet.* Et: *Liganis eum per mille annos, & post hac oportet solui modico tempore.*

Matth. 24.

Tertio, quia, vt Augustin. & Gregor. argumentatur, nisi illa scruissima persecutio esset breuissima, multi perirent, qui non sunt perituri. *Nisi breuiati fuissent dies illi, non fieret salua omnis caro.*

Quartò, Christus prædicauit solum tribus annis cum medio: ergo decet etiam



etiam, ut Antichristus non permittatur diutius prædicare?

Quirò; quia summa annorum, mille ducenti sexaginta, quam aduersarii cõsuevunt, nullo modo accomodari potest ad illa verba Danielis, & Ioannis *Tempus, & tempora, & dimidium temporis*. Nam per *tempus* debet intelligi sine dubio aliquis vnus numerus; vt vnus dies, vna hebdomada, vnus mensis, vnus annus, vnum lustum, vnum Iubilæum, vnum sæculum, vnum millenarium. Sed, si accipiamus vnum millenarium, tunc Antichristus erit regnaturus tribus millibus annorum, & quingentis; quod aduersarii non admittunt. Si vñ sæculum, tempus Antichristi erit anni trecenti, quinquaginta; quod etiam nõ admittunt. Idem patet de vno Iubilæo, & alijs.

Sextò; quia, cum apud Danielé aliquoties legamus, *septem tempora transitura*, Dan. 4. quibus erit futurus extra regnũ suũ Nabuchodonosor, per illa tempora omnes intelligunt septem annos: aliàs oporteret dicere Nabuchodonosor vixisse extra regnum bis mille, & quingentos, quinquaginta quinque annos.

Sextum signum erit, mundi consummatio. Nam Antichristi aduentus erit paulò antefinem mundi. Ergò, si Antichristus iam dudum venisset, vt volunt aduersarii, deberet mundus iam dudum esse finitus. Daniel bis loquens de Antichristo semel narrans visionem suam, & semel exponens visionem, vtræque vice subiungit, post Antichristum se cuturum statim vltimum iudicium. *Considerabam*, inquit, *cornua, & ecce cornu aliud parvulum ortum est, & tria de cornibus primis evulsa sunt à facie eius. Aspiciebam, donec throni positi sunt, & antiquus diem sedit, &c.* Et infra explicans visionem: *Bessia quarta*, inquit, *quartum regnũ erit. Porro cornua decem, decem reges erunt, & alius conserget post eos, & ipse potentior erit prioribus, & tres Reges humiliabit, &c.* Et tradentur in manus eius per tempus, & tempora, & dimidium temporis, & iudicium Dei sedebit. Similis est propheta Ioannis: *Post hac oportet illum solui modico tempore, & vidi sedes, & sederunt super illas, & iudicium datum est eis, &c.* Et rursus idem Daniel, postquam dixerat, Antichristi regnum duraturum diebus mille, ducentis, & nonaginta, subiungit: *Beatus qui expectat, & pervenit vsque ad dies mille trecentos triginta quinque.* Dan. 12. id est, vsque ad dies XLV. post mortem Antichristi: tunc enim Dominus veniet ad iudicium, & coronas iustitiæ victoribus reddet, vt exponunt Hieronymus, & Theodoretus. Deinde idem colligitur ex Matthæo: *Prædicabitur hoc* Matth. 24. *Euangelium regi in universo mundo in testimonium omnibus gentibus, & tunc erit consummatio.* id est, paulò post erit mundi finis. Et infra: *Statim autem post tribulationem dierum istorum sol obscurabitur, & luna non dabit lumen suum, & tunc apparebit signum filij hominis, &c.* Idem ex Paulo: *Tunc revelabitur ille iniquus, quem Dominus Iesus interficiet spiritu oris sui, & destruet illustratione aduentus sui, &c.* Vbi Apostolus docet, ferè immediatè post Antichristum venturum Christũ, quia nimirum intercedet breuissimum tempus, & doli, ac fraudes Antichristi, quæ destrui ceptæ erant per Eliam, & Henoch, destruentur penitus per ipsum Christi aduentum, & horribilia signa præcedentia. Idem habetur apud Ioan- nem: *Filioli, nouissima hora est, & sicut audistis, quia Antichristus venit, & nunc Antichristi multi facti sunt, unde scimus, quia nouissima hora est.* Vbi Ioannes dicit, hoc tempus à Christo vsque ad finem mundi esse nouissimam horam, id est, nouissimum tempus, siue vltimam ætatem, vt Augustinus. exponit. Ioannes enim

6. Signum.

Dan. 7.

Apc. 20.

Dan. 12.

Matth. 24.

1. Thess. 2.

1. Iam. 2.

fic argumentatur: Scimus Antichristum venturum in fine mundi: at nunc videmus iam adesse multos eius præcursores, siue minores Antichristos: ergo signum est certum, hanc esse nouissimam horam, siue ætatem. Denique idem habetur ex communi consensu Patrum. Ex hoc signo coniuncto cum superiori efficitur demonstratio insolubilis: Nam si continuo post mortem Antichristi mundus finietur, & Antichristus non viuet, postquam apparuerit, & regnare ceperit, nisi tribus annis cum dimidio: ergo non apparebit nec regnare incipiet, nisi tribus annis cum dimidio ante mundi finem. At Papa regnauit iam cum vtroque gladio supra 500. annos; & tamen mundus adhuc durat.

## CAPVT VIII.

De nomine proprio, gente, sede, doctrina  
miraculis, regno, & prælijs  
Antichristi.

*Nomen  
Antichristi.  
Apo. 13.*

**D**E nomine fatentur omnes, pertinere omnino ad Antichristum verba illa Ioannis: *Et faciet omnes pusillos cum magnis, diuites, & pauperes, liberos, & seruos, habere charactrem in dextera manu, aut in frontibus suis; & ne quis possit emere, aut vendere, nisi habeat charactrem, & nomen bestia, aut numerum nominis eius: Hic sapientia est. Qui habet intellectum computet numerum bestia; numerus enim hominis est, & numerus eius 666.* Sed de hoc numero plures sunt opiniones. Verissima autem sententia est eorum, qui suam consentunt ignorantiam, & dicunt adhuc ignorari nomen Antichristi. Idque duplici ratione probat Irenezus. Prima, quia multa inueniuntur nomina, quæ numerum illum efficiunt: nec diuinare licet ex tam multis similibus, quod sit illud vnum, quod prædictum est. Deinde, quia si Deus vellet hoc tempore sciri nomen eius, per ipsum Ioannem vtrique id prodidisset. Tria autem nomina in medium attulit Irenezus, *Εωάννης, Λατίνος, & τέρας*, ex quibus secundum verisimilius esse primo, & tertium secundo, affirmauit, nullo vero modo certum. Notandum autem, nomen Antichristi fore notissimum, cum ille venerit. Nam etiam antequam Christus veniret, Iudei non certo nouerant, quo nomine appellandus esset, etiam si multa de eius nomine Prophetæ prædixerant. Quin etiam Sibyllæ quædam, ut est in primo libro Sibyllinæ carminum, notauerat numerum nominis Christi futuri, ac dixerat esse 888. Et tamen nondum poterant homines ante Christi aduentum dicere, vocandum esse Iesum. Ex his etiam insolubile argumentum sumi potest de Pontifice. De charactere etiam illo duæ, vel tres sunt opiniones: sed ego crediderim positivum charactrem excogitandum ab Antichristo, sicut Christus habet signum crucis omnibus notum; sed ignorari,

*L. 5. c. 30.*

rari, quisnam iste sit character, donec Antichristus veniat, sicut de nomine diximus.

De generatione Antichristi quedam probabilia sunt, quædam certa. Primum probabile est, Antichristum de muliere fornicaria nasciturum, non ex legitimo matrimonio. Docent hoc Damascenus, & quidam alij, sed non est certum.

*Generatio  
Antichristi*

Secundum, Antichristum nasciturum de tribu Dan. Docent hoc multi Patres, & probant ex eo: *Fiat Dan coluber in via, cerastes in semita*, &c. Item ex eo: *Ex Dan audiuimus fremitum equorum eius*. Denique ex eo, quod, ubi signantur ab Angelo duodecim millia ex omni tribu filiorum Israël, omittitur tribus Dan: quod videtur factum in odium Antichristi. Hæc sententia est valde probabilis, propter multorum Patrum auctoritatem, non tamen omnino certa; tum, quia plerique eorum Patrum non dicunt hoc se scire, sed probabile esse insinuant: tum, quia nulla earum Scripturarum conuincit.

*Gen. 49.  
Ier. 1.  
Apoc. 7.*

Videtur enim Iacob in Gen. ad litteram loqui de Samson. Samson enim fuit de tribu Dan, & fuit verè Philistæis tanquam coluber in via. Nam ubiq; eis occurrebat, eosq; vexabat: & videtur Iacob benè precari filio suo, cum hæc dicit.

Ieremias autem sine dubio non loquitur de Antichristo, neque de tribu Dan; sed de Nabuchodonosor, qui venturus erat ad Ierusalem euertendam per eam regionem, quæ dicebatur Dan; vt ibid. exponit Hieron. Cur autem in Apoc. Dan omittatur, non satis constat, cum præsertim etiam Ephraim sit omisus, cuius tribus vna est ex maximis. Sunt autem aliqua certissima. Vnum, Antichristum præcipuè propter Iudæos venturum, & ab eis, tanquam Messiam, recipiendum. Alterum, ex gente Iudæorum nasciturum, & circumcidendum, & Sabbathum obseruaturum, saltem ad tempus.

Primum habetur ex Euangel. ubi Dominus Iudæis dicit: *Ego veni in nomine Ioh. s. Patri mei, & non recepistis me: si alius venerit in nomine suo, illum recipietis*. Et ex Apostolo: *Ed, quiddam charitatem veritatis non receperunt, vt salui fiant, idem mittet illis Deus operationem erroris, vt credant mendacio*, &c. Ita exponunt de Iudæis hoc omnes interpretes. Ratio etiam id suadet: nam Antichristus inprimis illis se adiunget, qui parati sunt eum recipere: at Iudæi tales sunt, qui expectant Messiam, Regem temporalem, qualis erit Antichristus. Gentiles autem neminem expectant. Sicut ergo Christus primum ad Iudæos venit, quibus erat promissus, & à quibus expectabatur, ita quoque Antichristus faciet.

*2. Thess. 2.*

Secundum etiam patet, nam Iudæi nunquam reciperent hominem non Iudæum, aut incircumcisum pro suo Messia. Immo etiam, quia Iudæi expectant Messiam ex familia Dauid, & tribu Iuda, sine dubio Antichristus, licet verè de tribu Dan, fingat, se esse de familia Dauid. Deinde, omnes veteres ita clarescè docent. Ex his habemus demonstrationem euidentissimam, quod ipse non sit Antichristus. Nam ab anno 606. quo aduersarij dicunt Antichristum venisse, constat nullum Pontif. fuisse Iudæum, nec gente, nec religione, & vlllo modo. Constat etiam, Pont. nunquam hæctenus pro Messia fuisse ceptum à Iudæis, sed pro hoste, & persecutore præcipuo haberi.

*Sedes  
Antichristi*

De sede Antichristi vera sententia est, sedem eius fore Ierusalem, non Romanam;

nam; & templum Salomonis, non solum Davidis, non templum S. Petri, aut sedem apostolicam.

*Apoc. 11.* Prob. ex Apoc. ubi Ioannes dicit, Henoch, & Eliam pugnuros cum Antichristo in Ierusalem, & ibi ab eo occidendos. Et corpora, inquit, eorum iacebunt in plateis civitatis magnæ, quæ vocatur spiritualiter Sodoma & Aegyptus, ubi & Domini eorum crucifixus est. Ita exponunt omnes interpretes.

*Apoc. 17.* Secundus locus est, ubi Ioannes dicit, decem Reges, qui sibi diuidēt Rom. Imperium, & quibus regnantibus veniet Antichristus, odio habituros purpuratam meretricem, id est, Romam, & eam desolatam facturos, atque etiā igne crematuros. Quomodo ergo erit sedes Antichristi, si illo ipso tempore debet everti, & comburi? Adde, quod Antichristus erit Iudæus, & eorum Messias, & Rex; ergo sine dubio sedem suam constituet in Ierusalem, & templum Salomonis restituere aggredietur. Nihil enim aliud somniant Iudæi, quàm Ierusalem, & templum; neque vnquam videntur accepturi pro Messia vllum, qui non sedeat in Ierusalem, & templum aliquo modo restituat.

*2. Thess. 2.* Tertius locus est: Ita, ut in templo Dei sedeat. Nam etsi variæ dantur expositiones à Patribus, & quidam intelligunt mentes fidelium, per templum Dei, in quibus Antichristus sedere dicitur, quando eas seduxerit; vt exposuit Anselmus: quidam intelligant ipsum Antichristum cum toto suo populo, vt Augustin. exponit: quidam etiam intelligant Ecclesias Christianorum, quas sibi seruire iubebit Antichristus: tamen expositio communior, probabilior, & litteratior est eorum, qui docent per templum Dei intelligi templum Salomonis. Nam in primis in Scripturâ noui Testamenti, per templum Dei nunquam intelliguntur Ecclesiæ Christianorum; sed perpetuò templum Ierosolymitanum; & quod maius est, veteres Patres, Latini, & Græci, per aliquot sæcula, nunquam Ecclesias Christianorum templa vocauerunt, quæ dicuntur Græcè ναὶ, vt hoc loco Pauli; sed vocabant *λογία*, id est, oratoria, vt Ecclesias vel domos orationis, vel basilicas, vel martyria. Ratio duplex est. Vna, quia non habebant tunc vlla templa, sed solum in priuatis domibus loca quædam destinabant orationi, concioni, & sacris Missarum celebrationibus. Altera est, quia adhuc vigeat memoria templi Iudaici, ne viderentur Apostoli aliquid simile introducere; & vt distinguerent Ecclesiam à Synagoga, abstinebant à voce templi. Sicut etiam propter eandem rationem Apostoli in Script. nunquam vocant sacerdotes Christianos, sacerdotes; sed solum Episcopos, & Presbyteros. At, posteaquam fuit euersa Ierosolyma, & templum incensum, & abolita memoria veteris templi, & sacerdotij pascim experunt sancti Doct. vti nomine templi, & sacerdotij. Cum ergo Apostolus scriberet, Antichristum selsurum in templo Dei, diceret aliquid, quod vellet ab ijs intelligi, quibus scribebat, & illi tunc non intelligerent nomine templi, nisi templum Ierosolymorum; certum videtur Apostolum de illo fuisse locuturum. Quod etiam confirmatur ex communi Patrum expositione.

*De doctrina  
Antichristi.*

De doctrinâ Antichristi constat ex Script. quatuor esse futura capita doctrinæ eius. Primum enim negabit, Iesum esse Christum; & proinde oppugnabit omnia Saluatoris nostri instituta, vt Baptismum, Confirmationem, &c. & docabit, nondum cessasse Circumcisionem, Sabbathum, & alias legis

care,

ceremonias. *Quis est mendax, nisi qui negat, Iesum esse Christum? Et hic est Anti-* 1. Ioan. 2.  
*christus, qui negat Patrem, & Filium.* &c. Deinde, ubi persuaserit nostrum Sal-  
 uatorem non esse verum Christum, tunc asseret, se esse verū Christum in lege,  
 & Prophetis promissum. *Si quis venerit in nomine suo, illum recipietis;* nimirum 1. Ioan. 5.  
 pro Mesiā. Tertiò, affirmabit se Deum esse, & pro Deo coli vult. *Ita, ut in*  
*templo Dei sedeat, ostendens se, tanquam sit Deus.* Postremò, se non solum Deum,  
 sed etiam solum se Deum esse dicit: & oppugnabit omnes alios Deos, id est,  
 tam Deum verum, quàm etiam Deos falsos, & omnia idola. *Qui extollit se su-* Dan. 11.  
*per omne, quod dicitur Deus, aut quod colitur.* Et: *Et Deum Patrum suorum non repu-* 1. Ioan. 2.  
*sabit, nec quemquam Deorum turabit, quia adversum universa confurget.* Sed questio  
 est de intelligentia horum quatuor capitum. Catholici autem simpliciter  
 intelligunt, & ut verba Script. sonant.

Primum prob. primò ex dictis: nam si Antichristus natione, & religione  
 Iudeus erit, & à Iudejs pro Mesiā recipietur, certè non predicabit nostrum  
 Christum, sed eum palam oppugnabit.

Prob. secundò ex eo: *Quis est mendax, nisi qui negat Iesum esse Christum?* &c.  
 Nam omnes Hæretici dicuntur Antichristi, qui aliquo modo negant, Iesum  
 esse Christum: ergò ipse verus Antichristus simpliciter, & omnibus modis ne-  
 gabit, Iesum esse Christum. Et confirm. quia per hereticos Diabolus opera-  
 ri dicitur mysterium iniquitatis, quia occultè illi Christum negant: at Anti-  
 christi adventus dicitur esse reuelatio, quia ipse palam Christum negabit.  
 Idem docent Patres. Denique prob. quia tempore Antichristi, ob vehemen-  
 tiam persecutionis, cessabunt publica officia, & sacrificia divina. Secundum  
 patet ex illis verbis Domini, & passim hoc docent Patres.

Tertium prob. ex illis verbis Apostoli, ubi Paulus non solum dicit, Anti-  
 christum in templo sessurum; nam etiam nos sedemus in templis: sed expli-  
 cat modum, nimirum, quod sedebit ut Deus, cui soli propriè erigitur tem-  
 plum. Non enim dicitur in Græco, *ὅτις*; *Θεός*, tamquam Deus, sed *ὅτις ὁ Θεός*,  
 id est, ostendens, quod sit Deus. Et sic intellexerunt hunc locum omnes ve-  
 teres. Quartum etiam patet ex verbis Script. & docent ita omnes ve-  
 teres.

De miraculis Antichristi tria habentur in Script. Primò, multa miracula  
 eum facturum. Secundò, qualia illa erunt. Tertiò ponuntur tria exempla. *Miracula*  
 Primum docet Apostolus: *Cuius est aduentus secundum operationem Satana in fig-* Antichristi  
*nis, & prodigijs.* Et Dominus: *Dabunt signa, & prodigia magna, ita ut in errorem in-* 2. Thess. 2.  
*ducantur, si fieri potest, etiam electi.* Dabunt, inquit, non, dabit: quia non solum 2. Thess. 2.  
 Antichristus, sed etiam ministri eius signa facient. Denique: *Et fecit signa mag-* Apoc. 13.  
*na in conspectu hominum.* Quædā autem erunt, explicat Paulus: *In omni, virtute,*  
*& signis, & prodigijs magnis.* Porro mendacia signa erunt ratione omnium  
 causarum, Finalis, efficientis, materiæ, & formæ. Finis enim eorum mira-  
 culorum erit, ostendere Antichristum esse Deum, & Mesiā. Causa effi-  
 ciens principalis erit, patet mendacij, id est, Diabolus. Sic enim ait Aposto-  
 lus: *Cuius est aduentus secundum operationem Satana.* Et Patres omnes asserunt,  
 Antichristum futurum in signè Magum: immò Diabolum ab ipsa concep-  
 tione, vel saltem ab infantia, in Antichristo habitaturum, & per eum signa per-  
 petra-

petraturum. Erunt etiam signa mendacia ratione materiæ, quia erunt phantastica, & præstigiæ quædam. Videbitur enim excitare mortuos, & sanare ægros; sed illusiones demonum erunt, non veræ excitationes, aut sanationes.

*Apoc. 13.* Propter hoc dicitur Antichristus facturus miracula in conspectu hominū, id est, apparentia, & deludentia conspectum hominum, non solida, & vera. Denique quædam erunt mendacia ratione formæ, licet veræ ratione materiæ; quia interdum res veras operabitur, sed quæ non superabunt vires totius naturæ; & ideo non vera miracula erunt formaliter. Vera enim miracula sola dicuntur illa, quæ à solo Deo fieri possunt; id est, quæ non habent causas naturales, neque occultas, neque manifestas. Et ideo non solum in conspectu hominum, sed etiam in conspectu demonum, & Angelorum sunt mirabilia: at miracula Antichristi habebunt omnes causas naturales, sed hominibus occultas.

*Apoc. 13.* Exempla miraculorum Antichristi tria ponuntur in Apoc. Vnum, quod ignem de cælo descendere faciet. Alterum, quod faciet, ut imago bestię loquatur. Tertium, quod finget se mori, & resurgere. Propter quod miraculum præcipue totus feret mundus eum admirabitur. Ex quibus duo priora erunt vera ratione materiæ, non ratione formæ: tertium autem nullo modo. Posset autem obijci, quod non videantur hæc omnia miracula posse tribui Antichristo. Nam Ioannes in eo loco duas bestias introducit; Vnam quæ habet capita septem, & cuius vnum caput visum est mori, & resurgere: alteram minorem, quæ fecit ignem de cælo descendere, & imaginem loqui. Si ergo Antichristus erit prior bestia, non ei tribuuntur duo illa miracula de igne, & imagine: si erit posterior, non potest ei tribui miraculum resurrectionis.

*Solut.* Respondeo, priorem bestiam significare vel Rom. Imperium, vel multitudinem impiorum; vnum autem, id est, præcipuum eius caput, quod visum est mori, & resurgere esse Antichristum. Erit enim Antichristus supremum, & ultimum caput impiorum, & ultimus est Rex, qui imperium Rom. tenebit, tamen sine nomine Rom. Imperatoris, Et hoc fictum miraculum resurrectionis tribuunt antiqui auctores, & Patres Antichristo.

Posterior autem illa bestia, secundum Rupertum, significat eundem Antichristum. Idem enim Antichristus per duas bestias exprimitur: per vnam ratione regis potentiæ, & tyrannidis, quæ coget homines violenter; per alteram ratione magicæ artis, quæ callide homines seducet. At, secundum Richardum, & Anselmum, & alios, posterior bestia significat prædicatores Antichristi, qui miraculis ostendere conabuntur, Antichristum verum esse Messiam. Hunc etiam sequitur, Pontificem non esse Antichristum.

*Regnum, & prælia Antichristi.* De regno, & præliis Antichristi quatuor in Script. legimus. Primò, Antichristum ex humillimo loco prodeuntem, per fraudes, & dolos regnum Iudæorum adepturum.

Secundò, pugaturum cum tribus Regibus; nimirum Ægypti, Libiæ, atque Æthiopiæ, & eorum regna illis deuictis occupaturum.

Tertiò, subacturum sibi alios septem Reges, & eo modo Monarcham totius mundi euasurum.

Quarto,

Quartò, cum innumerabili exercitu toto orbe Christianos persecuturum, & hoc esse prælium Gog, & Magog. Et ex his etiam sequitur, Pontificem non esse Antichristum.

De primo sic loquitur Daniel: *Stabit in conspectu eius despectus, & non tribuetur ei honor regum, & veniet clam, & obtinebit regnum in fraudulentia.* In quem locum Hieronymus scribit, quod etsi hæc aliquo modo intelligantur de Antiocho Epiphane, tamen longè perfectius sunt implenda in Antichristo. Sicut, quæ dicuntur de Salomone, intelliguntur quidem de ipso Salomone, sed perfectius impleta sunt in Christo. Quæ etiam de causa comparat Daniel Antichristum cum cornu parvulo, nimirum propter ipsius vile, & obscurum principium.

De secundo idem Daniel: *Considerabam, inquit, cornua, & ecce cornu aliud parvulum ortum est de medio eorum, & tria de cornibus eius evulsa sunt à facie eius. Ex infra explicans: Porro cornua decem, decem Reges erunt: & alius consurget post eos, & ipse potentior erit prioribus, & tres Reges humiliabit.* Et alibi explicans, qui sint isti Reges tres: *Mittet, inquit, manum suam in terram, & terra Aegypti non effugiet, & dominabitur thesaurorum auri, & argenti, & in omnibus pretiosis Aegypti: Per Lybiam quoque, & Aethiopiam transibit. Idem docent Patres.*

De tertio habemus testimonia veterum antiquissima,

De quarto loquitur Ioannes: *Et, cum consummati fuerint mille anni, solvetur Satanas de carcere suo, & exibit, & seducet Gentes, quæ sunt super quatuor angulos terre Gog, & Magog, & congregabit eos in prælium, quorum numerus esset sicut arena maris. Et ascenderunt super latitudinem terre, & circuierunt castra Sanctorum, & civitatem dilectam. Et descendit ignis de caelo, & deuoravit eos, & diabolus, qui seducebat eos, missus est in stagnum ignis, & sulphuris, ubi & bestia, & pseudopropheta cruciabuntur die, ac nocte, in secula seculorum.* His verbis describitur vltima persecutio. Similia habentur apud Ezechielem. Porro de Gog, & Magog nouem sunt sententia: sed nostra, quæ est decima, tria continet.

Primo asserimus, prælium Gog, & Magog, esse prælium Antichristi contra Ecclesiam.

Secundo dicimus, probabile esse admodum, per Gog significari ipsum Antichristum, per Magog exercitum eius. Nam Ezechiel perpetuo Gog vocat principem; & Magog vocat terram, siue nationem.

Tertio dicimus, probabile esse, Gog dici à Magog, non è conuerso; ita vt dicatur Antichristus Gog, quia est princeps Gentis, quæ dicitur Magog. Porro exercitum Antichristi vocari Magog, à gente Scythica, non quod constet ex illis Scythiis, quos Iudei fingunt, esse vltra Caucasum, & Caspium mare, sed vel quod magna pars exercitus Antichristi constabit ex barbaris à Scythiâ oriundis, vt Turcis, Tartaris, &c. vel, quod magis reor, quia erit exercitus immanis, & crudelis valde. Quos enim suos dicere volumus Scythas vocamus. Nam quod Magog reuera Scythicam gentem significet, patet ex Gen. vbi legimus, filium Iaphet secundum dictum esse Magog, ex quo dicta est Magog regio, quam eius posterii habitarent: quam esse Scythiam docet Iosephus, & Hieron. Nam quemadmodum à tribus filijs Cham, id est, Chus, Mizraim, & Chanaham, dicta est Aethiopia Chus, Aegyptus Mizraim, & Palestina

Dan. 11.

Psal. 71.

Dan. 7.

Ibid.

Dan. 11.

Apos. 20.

Ezech. 38.

Gog, &amp;

Magog.

Gen. 10.

lestina Chanahan; sic omnino à Magog, filio Iaphet, dicta est Scythia Magog. Quòd autem Ezechiel, nominans Magog, respexerit ad gentem denominatam à Magog filio Iaphet, planum est, quia ibidem adiungit socios ipsi Gog, alias gentes denominatas ab alijs filijs, vel nepotibus Iaphet, ut Gomer, Togorma, Mosoch, Tubal, &c. Concludamus ergò, prælum Gog, & Magog, esse nouissimam persecutionem, quam in toto mundo còtra Ecclesiam Antichristus excitabit.

Obiect.

Ezech. 39.

Dan. 12.

Solut.

Neque obstat, quòd Ezechiel dicit, per septem annos cremanda arma Gog, & Magog, cum tamen constet, post Antichristi mortem non futuros, nisi XLV. dies, usque ad finem mundi, ut ex Daniele colligitur. Nam Ezechiel non loquitur propriè, sed figuratè, more Prophetarum: nec vult dicere, reuerà per septem annos comburenda illa arma, sed tam insignem cladem futuram, ut longissimo tempore sufficere possent ad ignem fouendum hastæ, & clypei hominum occisorum.

Porro scriptores omnes, qui de Antichristi persecutione loquuntur, ut Ezechiel, Daniel, Paulus, Ioannes, & Patres, dicunt, victoriam illius belli, seu persecutionis, penes Ecclesiam tandem futurà. Et sanè ratio ipsa id ipsum docet. Quis enim credit, in eo prælìo, in quo totis castris Deus, & Diabolus, Christus, & Antichristus pugnabunt, Deum à Diabolo, & Christum ab Antichristo esse vincendum? Hoc etiam vult Scriptura: *Et porta inferi non preualebunt aduersus eam. Et: Dabunt signa magna, ita ut in errorem inducantur, si fieri potest, etiam electi.*

Matth. 16.

Matth. 24.

## CAPVT IX.

## De Ecclesiastica iurisdictione Pontificis.

Quest. 1.

**Q**VAESTIO prima: An Papa sit summus index in controuersijs fidei, & morum iudicando? Hæc questio partim alibi disputata est, partim disputabitur: nunc tamen pro parte affirmatiuà duo adiceremus testimonia.

Prob. resp.

Deut. 17.

Primum est: Si difficile, inquit Moyses, atque ambiguum iudicium esse perspexeris inter causam, & causam, lepram, & lepram, & iudicium intra portas tuas videri verba variare, surge, & ascende ad locum, quem elegerit Dominus Deus tuus, veniesque ad Sacerdotem Leuitici generis, & ad Iudicem, qui fuerit illo tempore, quæresque ab eis, qui iudicabunt tibi iudicij veritatem, & facies, quodcumque dixerint, qui præsumt loco, quem elegerit Dominus. Quo loco est obseruandum, duas personas distingui, Sacerdotis, & Iudicis; hoc est, Pontificis, & Principis; & quidem Sacerdoti sententiæ pronuntiationem, Iudici Politico executionem demandari. Id, quod in sequentibus verbis explicatur: Qui autem superbierit noluus obedire Sacerdotis imperio, qui eo tempore ministrat Domino Deo tuo ex sententia Iudicis merietur. Alterum est in Euang. in quo nihil potest clarius dici, quàm quod



quod ait Dominus coram ceteris Apostolis: *Simon Ioannis, pasc oves meas.* Nam & soli Petro loquitur, & omnes suas oves, ita vt ne Apostolos quidem excludat, ei pascendas tradit. Dubium autem esse non potest, quin inter muneris pastoris sit, discernere bona pascua à malis. Idem docent Patres, & sanctissimi Pont.

Quæstio secunda: *Sitne certum Papa iudicium?* Pro quâ sit prima propositio: *Summus Pontifex, cum totam Ecclesiam docet, in his, quæ ad fidem pertinent, nullo casu errare potest.* Quæst. 2.  
Propos. 1.

Hæc prob. primò ex promissione illâ Domini: *Simon, Simon, (sicenim ha-* Prob. 1.  
Luc 22.  
*betur in Græco) ecce Satanas expetiuit vos, vt cribraret sicut triticum: ego autem ro-*  
*gaui pro te, vt non deficiat fides tua; & tu aliquando conuersus confirma fratres tuos.* Qui  
locus tribus modis exponi solet.

Prima expositio est quorundam Parisiensium, quòd Dominus hic orauerit pro Ecclesiâ vniuersali; siue pro Petro, vt totius Ecclesiæ figuram gerebat; & hoc impetrasse, vt fides Ecclesiæ Catholicæ nunquam deficiat: voluit enim pro solâ Ecclesiâ esse oratum. Quæ expositio falsa est primò, quia Dominus vnam tantum personam designauit, dicens his: *Simon, Simon,* & addens toties pronomen secundæ personæ, *Pro te, Fides tua, & tu, fratres tuos.* Secundò, quia Dominus cæperat loqui in plurali: *Satan expetiuit, vt cribraret vos.* Deinde mox mutauit formulam loquendi, & ait: *Ego autem rogaui pro te.* Tertiò, Dominus pro illo rogat, cui ait: *Et tu aliquando conuersus.* Quod non potest toti Ecclesiæ conuenire. Quartò; Pro illo rogat, cui ait: *Confirma fratres tuos.* At Ecclesia non habet fratres, quos debeat, aut possit confirmare: nam omnes fideles eius filij sunt.

Alterâ expositio est quorundam, qui hoc tempore viuunt, qui docent, Dominum hoc loco orasse pro perseuerantiâ solius Petri in gratiâ Dei vsque ad finem. At contrâ: Primò, quia orauit Dominus paulò post pro perseuerantiâ omnium Apostolorum, immò etiam omnium electorum: *Pater sancte, serua* Ioan. 17.  
*eos in nomine tuo, quos dedisti mihi.* Non erat igitur ratio, cur bis pro perseuerantiâ Petri oraret. Secundò, quia sine dubio hic Dominus aliquid speciale Petro impetrauit, vt patet ex designatione certæ personæ: perseuerantiâ autem in gratiâ est donum commune omnium electorum. Tertiò, quia certum est, Dominum, saltem mediâtè, hoc loco orasse etiam pro alijs Apostolis. Nam idèo præmisit, tanquam orationis causam: *Satan expetiuit, vt cribraret vos:* & postea subiunxit, tanquam effectum: *Confirma fratres tuos.* Non igitur pro solâ Petri perseuerantiâ Dominus rogauit, sed pro aliquo dono Petri communicando in aliorum vtilitatem. Quartò, donum hoc loco impetratum etiam ad successores pertinet. Nam Christus orauit pro Petro in vtilitatem Ecclesiæ: Ecclesia autem semper indiget aliquo, à quo confirmetur, cuius fides deficere non possit. Nec enim Diabolus petijt cribrare tantum eos, qui tunc erant fideles, sed omnes omninò: At certè perseuerantiæ donum non pertinet ad omnes Petri successores. Denique non dixit Dominus: *Rogaui, vt non deficiat caritas tua;* sed, *fides tua:* & reipsa scimus, defecisse Petri charitatem, & gratiam, quando negauit Dominum; fidem autem vnquam defecisse non scimus.

Est igitur tertia expositio vera, quòd Dominus duo priuilegia Petro impetrauerit. Vnum, quòd ipse non posset vnquam veram fidem amittere, quātumuis tentaretur à Diabolo: id quod est aliquid amplius quàm donum perseverantia: dicitur enim perseverare vsque in finem, qui licet interdum cadat, tamen refurgit, & in fide fidelis inuenitur: at Petro Dominus impetravit, quòd non posset vnquam cadere, quod ad fidem attinet. Alterum priuilegium est, quòd ipse tanquam Pontifex, non possit aliquid docere vnquam contra fidem: siue quod in sede eius nunquam inueniretur, qui doceret contra veram fidem. Ex quibus priuilegijs primum fortasse non manauit ad posteros: at secundum sine dubio manauit ad posteros, siue successores. De primo habemus expressa veterum testimonia: de secundo habemus testimonia veterum, & sanctorum Pont. & aliorum auctorum.

Prob. 2.  
Matth. 16.

Secundò prob. conclusio ex illa promissione facta Petro: *Super hanc petram edificabo Ecclesiam meam, & porta inferi non præualebunt aduersus eam.* Nam petra, & fundamentum Ecclesiæ dicitur Petrus, vt summus Rector Ecclesiæ; & proinde quilibet eius successor similiter est petra, & fundamentum Ecclesiæ. Ex quo duplex argumentum desumitur. Primum, ex nomine petræ: quare enim Pontifex dicitur petra, nisi ratione constantiæ, & soliditatis? Certè si petra est, non frangetur, nec circumferetur omni vento doctrinæ, id est, non errabit in fide, saltem quatenus petra, id est, quatenus Pontifex. Secundum, ex ratione fundamenti sustentantis ædificium, quod nullo modo ruere potest. Non enim intelligi potest, quomodo fundamentum destruat, & domus non cadat. Immo vero maiore ratione fundamentum non potest destrui, si domus non potest cadere: non enim fundamentum à domo, sed domus à fundamento accipit firmitatem. Et ita exposuerunt Patres omnes.

Prob. 3.  
Iacob. ult.

Tertiò prob. ex illò: *pasce oues meas.* Nam, si Pontifex sit Doctor, & Pastor Ecclesiæ, vt supra ostendimus: ergo tota Ecclesia illum audire, & sequi tenetur: ergò, si ille error, tota Ecclesia errabit.

Prob. 4.  
Exod. 28.

Quartò prob. ex Testamento veteri, quod fuit figura noui. Iubet autem Dominus in rationali Pontificis summi doctrinam poni, & veritatem. Sed obseruandum, nondum conuenisse inter Hebræos, nec etiam Christianos, quid sint ista duo. R. Salomon vult nomē Dei scriptum in rationali, ex cuius fulgore Sacerdos cognoscebat diuinum responsum, cum ab aliquo interrogaretur. Arias Montanus docet esse duos lapides lucidissimos, à Deo immediate productos, & datos Moyfi. Iosephus dicit esse illos 12. lapides, in quibus scripta erant duodecim nomina filiorum Israël, quos Deus iussit poni in rationali. Probabilius est, quod scribit B. Augustinus, hæc ipsa vocabula fuisse scripta in medio rationalis, quod pendeat ante pectus Sacerdotis. Ratio est, quia Dominus præcepit eis qui dubitant circa intelligentiam diuinæ legis, vt ascendant ad summum Sacerdotem, atque ab eo quantam solutionem: & subiungit: *Qui indicabunt tibi indicij veritatem.* Et signo ergò, & verbo Dominus promittit in pectore Sacerdotis habituram doctrinam, & veritatem; & proinde eum non erraturum, cum populum docuerit. Quòd si hoc Aaronico Sacerdoti conueniebat, certè multò magis Christiano.

Prob. 5.

Quinto prob. à duplici experimento. Nam in primis constat, omnes Patriarchales

triarchales sedes defecisse à fide; ita vt hæretici, & hæresin profitentes, ac docentes in illis sederint, excepta Romana sede. In sede Constantinop. sederunt Macedonius, Nestorius, Sergius Hæresiarchæ. In Alexandrina Georgius, & Lucius Ariapi, Dioscorus Eutychanus, Cyrus Monothelita, & alij. In Antiöchena Paulus. Samosatenus Hæresiarcha, Petrus Gnaphæus Eutychanus, Macharius Monothelita, & alij. In Ierosolymit. Ioannes Origenista, & ante eum Eutychi, Irenæus, & Hilarius Ariani federunt. Nihil tale potest ostendi de Ecclesia Romana.

Alterum experimentum est; quia Rom. Pontifex plurimas hæreses sine Concilio generali damnavit; vt Pelagij, Prisciliani, Ioviniani, Vigilantij, aliorumque multorum: quas eo ipso pro veris hæresibus tota Christi Ecclesia habuit, & exhorruit, quòd à Rom. Pontifice damnatæ essent. Ergò signum est, Ecclesiam totam sentire, Pontificem Rom. in eiusmodi rebus errare non posse.

Propositio secunda: *Non solus Pontifex Rom. non potest errare in fide; sed neque Propos. 2a. Romana particularis Ecclesia.*

Nota, in alio sensu accipi debere firmitatem Rom. Ecclesiæ in fide; & in alio firmitatem Pont. Nam Pontifex non potest errare, errore iudiciali; id est; dum indicat, & definit quæstionem fidei. At Ecclesia Rom. id est, populus, & clerus Rom. non potest errare, errore personali, ita vt omnes omnino errent, & nulli sint in Ecclesia fideles, & Pontifici adhærentes. Tametsi enim vnusquisque seorsim errare potest, tamen id fieri non potest, vt omnes errent simul, & tota Rom. Ecclesia apostatica efficiatur.

Nota præterea, Ecclesiam Rom. non posse errare modo prædicto, adhuc dupliciter posse intelligi: Vno modo, vt non possit errare, persistente Romæ Apostolica sede; secus autem, si sedes auferretur. Altero modo, vt simpliciter non possit errare, vel deficere; quia nec sedes Apostolica possit vnquam Roma alio transferri.

Et quidem secundum priorem sententiam, propositio nostra est verissima, Prob. & patet ex auctoritate Pont. Sanctorum, & Patrum. At secundum posteriorem sensum, propositio nostra pia est, & probabilissima; non tamen adeo certa, vt contraria possit dici hæretica, vel manifestè erronea. Quòd non sit omnino de fide, à Rom. Ecclesia non posse separari Apostolicam sedem, patet, quia neque Scriptura, neque traditio habet, sedem Apostolicam ita fixam esse Romæ, vt inde auferri non possit. Et omnia testimonia Pont. & Patrum, qui dicunt, Rom. Ecclesiam non posse errare, possent exponi de Rom. Ecclesia, donec in ea Apostolica sedes permanet; non autem absolute, & simpliciter. Quòd nihilominus tamen pia, sit, & probabilissima sententia, non posse separari Petri Cathedram à Roma, & proinde Rom. Ecclesiam absolute non posse errare, prob. primò ex eo, quòd tamdiu Romæ mansit sedes Apostolica, non obstantibus infinitis persecutionibus, & occasionibus recedendi.

Primò fuit maxima occasio transferendi sedem aliò, temporibus Imp. Ethnicorum. Illi enim ægerrimè ferebant, quòd Romæ esset Apostolica sedes; & idcirco mox, atque audiebant, nouum Pont. esse creatum, illum aut occidebant, aut in exilium deportabant. . .

*Occasiones:  
transferendi  
sedem Romæ.*

Q 3

Deinde,

Deinde, rursum occasio fuit tempore Gothorum. Nam in primis tempore Innocentij primi Alaricus Romam cepit, spoliavit, & incendit. Deinde tempore Leonis I. Gericus rursum Romam cepit, & spoliavit, quo tempore sine ullo habitatore ad aliquod spacium temporis Roma permansit. Rursum, tempore Papæ Vigiliij Totilas Romam penitus evertit, manibus magnâ ex parte deiectis, & domibus ferè omnibus incensis, adeoque eam desolavit, ut nullus neque vir, neque mulier, in ea permanferit. Denique, toto tempore Longobardorum Rom. Pontifices in summis miserijs fuerunt, nec tamen vnuquam de mutando Episcopatu Rom. cogitauerunt.

Tertia occasio transferendæ sedis fuit, tempore B. Bernardi, propter ipsorum ciuium Rom. persecutionem. Adeo enim per multos annos ciues Rom. suos Pont. vexauerunt, ut sapissimè compellerentur ab vrbe exulare.

Quarta occasio fuit, quando Rom. Pont. per LXX. annos manserunt in Gallijs. Cum enim ipsi cum totâ curiâ procul à Româ degere decreuissent; cur quæso, non transtulerunt sedem? cur non mutauerunt Episcopatum Rom. cum Auenione? Cum ergo tot occasionibus existentibus sedem transferendi, tamen Romæ manserit supra M. D. annos, valdè probabile est, non posse villo modo transietri.

Secundò prob. hoc ex eo, quod Deus ipse iussit Romæ figi Apostolicam sedem: quæ autem iubet Deus, mutari ab hominibus non possunt. Deum autem id iussisse testantur aliqui Patres, qui hoc narrant, ut historiam; sicut etiâ B. Marcellus Papa, & Martyr: non autem desinit hanc rem tamquam certam de fide.

*Propos. 3. Non solum in decretis fidei errare non potest summus Pont. sed neque in præceptis morum, quæ toti Ecclesiæ præscribuntur; & quæ, in rebus necessarijs ad salutem, vel in ijs, quæ per se bona, vel mala sunt, versantur. Dicimus primum, non posse errare Pontificem in ijs præceptis, quæ toti Ecclesiæ præscribuntur; quia in præceptis, & iudicijs particularibus, non est absurdum Pontificem errare. Addimus secundò, quæ in rebus necessarijs ad salutem, vel per se bonis, aut malis versantur; quia non est erroneum, dicere, Pontificem in alijs legibus posse errare, nimirum superfluum legem condendo, vel minus discretam, &c. verbi gratia non potest fieri, ut Pont. erret præcipiendo aliquid vitium, ut vsuram; vel prohibendo virtutem, ut restitutionem: quia hæc sunt per se bona, vel mala. Nec potest fieri, ut erret præcipiendo aliquid contra salutem, ut Circumcisionem, vel Sabbathum; vel prohibendo aliquid necessarium ad salutem, ut Baptismum, aut Eucharistiam: ut autem iubent aliquid, quod non est bonum, neque malum ex se, neque contra salutem, sed tamen est inutile, vel sub pœnâ nimis graui illud præcipiat, non est absurdum dicere, posse fieri; quanquam non est subditorum de hac re dubitare, sed simpliciter obedire.*

*Prob. 1.  
pars.*

*Item. 16.*

Prob. propos. pro primâ parte, quia tunc tota Ecclesia graniter læderetur, & erraret in rebus necessarijs; quod est contra promissionem Domini: Cum venerit ille spiritus veritatis, docebit vos omnem veritatem. Quod intelligitur, ut minimum, de veritate ad salutem necessaria.

Deinde, quia Deus deesset tunc Ecclesiæ suæ in necessarijs; quandoquidem præcepit

præcepit illi, vt sequatur Pont. At certe, si Deus nulli rei deest in necessarijs, quantò minùs Ecclesiæ suæ?

Secunda pars: scilicet, quòd non possit errare in moribus per se bonis, vel malis, prob. Nam tunc Ecclesia non posset verè dici sancta, vt in Symbolo Apostolorum vocatur. Nam sancta dicitur potissimum, ob sanctam professionem, quia nimirum legem, & professionem sanctam proficitur, quæ nihil docet falsum, nihil præcipit malum. Deinde quia tunc necessario erraret etiã circa fidem. Nam fides Catholica docet, omnem virtutem esse bonam, omne vitium malum: si autem Papa erraret præcipiendo vitia, & prohibendo virtutes, teneretur Ecclesia credere, vitia esse bona, & virtutes malas, nisi vellet contra conscientiam peccare.

Propositio quarta: *Probabile est, piè que credi potest, summum Pont. non solum vi Pont. errare non posse, sed etiam vt particularem personam, hæreticum esse non posse, falso aliqui contra si tem perinaciter credendo.* Propos. 4.

Prob. primò, quia id videtur requirere suavis prouidentia diuinæ dispositio. Nam Pont. non solum debet, nec potest hæresin prædicare, sed etiam debet veritatem semper docere; & sine dubio id faciet, cum Dominus illi iussit confirmare fratres suos, & propterea addiderit: *Rogavi pro te, vt non deficiat fides tua;* id est, vt saltem non deficiat in throno tuo prædicatio veræ fidei.

Prob. 2. abeuentu. Nam hæcenus nullus fuit hæreticus, vel certè de nullo probari potest, quod hæreticus fuerit. Prob. 2.

Quæstio tertia: *An summus Pont. habeat iurisdictionem verè coactiuam, ita vt possit leges condere, quæ obligent in conscientia, & iudicare, ac puniri transgressores?* Quod quidem seruata proportione de Episcopis cæteris intelligitur. Nota nos tantum quærere de iustis legibus. Nā leges iniustæ non sunt propriè dicendæ leges. Vt autem iusta sit lex, quatuor conditiones requiruntur. Quæst. 3.

Primò, ex parte finis, vt ad bonum commune ordinetur. Vt enim Rex differt à tyranno, quod ille communem, iste priuatam quærit utilitatem, ita etiam differt lex iusta à tyrannica. Iusta lex.

Secundò, ex parte agentis, vt sit ab habente auctoritatē: nemo enim potest legem imponere non sibi subdito.

Tertiò, ex parte materiæ, vt non prohibeatur virtus, nec præcipiatur vitium.

Quarto, ex parte formæ, vt debito modo, & ordine constituatur, & promulgetur: lex nimirum, vt lex eam proportionem seruet in honoribus distribuendis, & oneribus imponendis, quem habet subditi in ordine ad Remp.

Si enim Pont. iuberet, vt æqualiter in quadagesimā ieiunarent pueri, & viri maturi, fortes, & debiles, liberi, & ægroti, lex iniusta esset: item si statueret, vt soli diuites, & nobiles ad Episcopatum admitterentur, non autē pauperes, & ignobiles, licet alioqui doctores, & meliores, absolute esset iniusta, quanquam alicubi aliquando propter aliquam circumstantiam possit esse iusta. Est autem lex iniusta non sit lex, & ex vi suā in conscientia non obliget, tamen distinguendum est de legibus. Nam leges iniustæ ratione materiæ, id est, quæ sunt contrariæ diuino iuri, siue naturali, siue positiuo, non solum non obligant, sed etiam non debent villo modo seruari, iuxta illud: *Obediite magis*

*oportet*

*Mat. 5.* *magis oportet Deo, quam hominibus.* At quæ sunt iniustæ ex parte finis, vel auctoris, vel etiam formæ, seu modi, seruandæ sunt, quando sequeretur scandalum, si non seruarentur. Et potest deduci ex illo: *Qui angariauerit te mille passus, vade cum eo & alia duo; & si quis abstulerit tibi tunicam, da illi & pallium.* Est enim sensus, non ut hoc semper faciamus, sed ut parati simus id facere, quodcumque id erit necessarium ad gloriam Dei. Item ex illo: *Servi, subditi estote Dominis, non solum bonis, & modestis, sed etiam discolis.*

*Resp.* Iam in Ecclesia Catholica semper creditum est, Episcopos in suis diocesium, & Rom. Pontificem in tota Ecclesia, esse veros Principes Ecclesiasticos, qui possint sua auctoritate, etiam sine plebis consensu, vel Presbyterorum consilio, leges ferre, quæ in conscientia obligent, iudicare in causis Ecclesiasticis more aliorum iudicum, ac demum punire.

*Præf. 1.* *Prob. hæc sententia primo ex Script.*

*Deut. 17.* Primus locus est: *Qui superbiert, nolens obedire Sacerdotis imperio, qui eo tempore ministrat Domino Deo tuo, ex decreto iudicis morietur homo illi, & auferes malum de Israël.* Iste locus, vel à simili, vel à maiori, debet etiam intelligi de Pontificibus Christianis. Nam, sicut Iudaicus populus erat tunc populus Dei, ita nunc populus Christianus. Nec possumus dicere, Principem Ecclesiasticum in lege noua debere esse minoris auctoritatis, quam fuerit in lege veteri, cum è contrario huc omnia maiora, & augustiora videamus. At præcepta Pontificis Iudæorum erant vera imperia, non admonitiones, vel cohortationes, & obligabant conscientiam, alioqui non fuissent tam seuerè puniti transgressores.

*Mat. 18.* Secundus locus est: *Quodcumque solueris super terram, erit solutum & in cælis.* Hæc verba referri possunt, & debent ad omnia, quæ secundum vsum Scriptæ dicuntur ligari. Nam generaliter loquitur Dominus: nec dicit, Quemcumque ligaueris: sed, Quodcumque ligaueris. Inuenimus autem, ligare, significare, legem imponere: *Alligant enim opera gratia, & importabilia in humeros hominum: digito autem suo nolunt ea mouere.* Ergo Dominus Petro promisit, ut, quidquid ipse ligauerit, id est, quam obligationem præcipiendi fidelibus imposuerit, sit ligatum & in cælis, id est, seratum illam habiturum. Ergo Petri præceptum est præceptum Christi. Ergo peccat, qui non obtemperat.

*Joan. 21.* *Mat. 16.* *Joan. 20.* Tertius locus est: *Pasce oues meas.* Vbi Christus exhibiturus Petro, quod ei promiserat, utitur regio vocabulo, nimirum *ποιμαίνει τὰ πρόβατά μου.*

Quartus locus est: *Sicut misit me Pater, & ego mitto vos.* Vbi Dominus suum locum reliquit Apostolis, ac, ut sua vterentur auctoritate in regno suo gubernando, voluit. Quod etiam confirmatur ex illo: *Qui vos audit, me audit, qui vos spernit, me spernit.* Quæ verba propriè ad Apostolos, & eorum successores pertinere docent Cyprian. & Basil. At Christus missus est à Patre cum potestate, non solum prædicandi, & Sacramenta ministrandi, sed etiam præcipiendi, & iudicandi, ut omnes fatentur.

Quintus est, ubi Petrus, cum alijs Concilij Patribus, scribit Gentibus ad fidem conuersis: *Visum est Spiritui sancto, & nobis, nihil vltra vobis imponere oneris, nisi hæc necessaria, ut abstinere vos ab immolatis simulacrorum, à suffocato, & sanguine, & fornicatione.* Hic Apostoli nouam legem condunt, ut Chrysostomus annotauit,

taur; nam de suffocato, & sanguine nihil præcepit Christus: neque sunt hæc iure naturæ bona, vel mala, sed indifferentia, qualia docent Hæretici, non posse ab Ecclesia fieri necessaria. Quodd autem hæc Apostolorum fuit vera lex, obligans in conscientia, saltem pro eo tempore, quo vigeat, Prob. primo, quia Apostoli illam vocant onus. Secundo, quia dicunt esse necessaria: ergo necessario observanda erant, & non liberè. Tertiò, quia Lucas absolute præcepta vocat in hoc ipso capite in fine. Dicit enim de Paulo: *Petransiens ciuitates præcipiebat eis custodire præcepta Apostolorum, & Seniorum.* Et: *Tradebant eis custodire dogmata, quæ decreta erant ab Apostolis, & Senioribus qui erant in Ierusalem.* Denique, quia in canonibus Apostolorum imponitur grauissima pœna præuaricantibus hoc præceptum; nam sanguinem, aut suffocatum comedentes clerici deponuntur, laici excommunicantur. At pœna tam atrox non potest imponi, nisi pro mortali peccato.

Sextus locus est: *Omnis anima potestatibus sublimioribus subdita sit. Non enim est potestas, nisi à Deo, quæ autem à Deo sunt, ordinata sunt. Itaque qui resistit potestati, Dei ordinationi resistit: qui autem resistit, ipsi sibi dominationem acquirunt.* Et infra: *Idcirco necessitate subditi estote, non solum propter iram, sed etiam propter conscientiam.*

Hic locus non solum intelligitur de Principibus secularibus, sed etiam de Ecclesiasticis. Nam Apostolus loquitur in genere de omnibus potestatibus: *Non est potestas, nisi à Deo.* Quod æquiualeat huic: *Omnis potestas à Deo est. Esse autem aliquam Ecclesiasticam potestatem, idem Paulus docet: Hæc absens scripsi, ut non præsens diuini agam, secundum potestatem, quam dedit mihi Dominus.* Et etiam si Paulus ad litteram solum loqueretur de secularibus, tamè à simili, vel à maiori idem deberet intelligi de Ecclesiasticis potestatibus. Quodd autem leges eorum, qui sunt potestate præditi, in conscientia obligent, patet ex illis verbis: *Qui potestati resistit, Dei ordinationi resistit.* Item ex illis: *Qui resistunt ipsi sibi damnationem acquirunt.* Quod de damnatione tam temporali, quam æterna exponunt omnes. Item ex illis: *Idcirco necessitate subditi estote.* Id est, non est liberum hoc, sed necessarium. Item ex illis: *Non solum propter iram, sed etiam propter conscientiam,* id est, necessariò parendum vobis etiam intelligite, non solum propter metum pœnæ, sed etiam propter metum culpæ, quam incurritis, conscientia teste.

Septimus est: *Quid vultis? in virgâ veniam ad vos, an in spiritu mansuetudinis?* Vbi nomine virgæ intelligit Chrysostomus, & alij interp. potestatem iudiciariam puniendi peccatores. Christus enim vt Rex Ecclesiæ, habet virgâ, quæ dicitur ferrea, quia est inflexibilis; & alibi dicitur virga directionis, phrasi Hebræicâ, id est, virga recta, quia iuste punit. Hanc autem virgam communicat cum Episcopis, qui nomine suo Ecclesiam regunt. Vnde Augustinus conciliat quandam contradictionem apparentem Matthæi, & Marci. Matth. enim dicit Apostolis mandatum, vt non ferrent virgam: Marcus dicit mandatum, vt ferrent. Conciliat August. quia Matthæus loquitur de virgâ corporali: Marcus de spiritali, id est, de potestate Apostolicâ, propter quam debebantur Apostolis alimenta à populo. Sicut enim Regi propter virgam regiam debentur tributa, ita Episcopo propter similem virgam debentur decime.

R

Octauus

Act. 16.

Can. 62.

Rom. 13.

2. Cor. 13.

1. Cor. 4.

Psal. 2.

Psal. 44.

L. 2. de con-

sensu Euang.

c. 30.

Matth. 10.

Mar. 6.

1. Tim. 3. Octauus est: vbi Apostolus legem statuit, ne bigami ordinentur. *Quam legem obligare in conscientia, etiamsi planè positiua, & ecclesiastica sit, planum est. Pater enim, tum ex praxi Ecclesiæ, quæ nunquam autè est bigamos ordinare: tum ex Concil. Carthaginen. IV. vbi Episcopus, qui scienter ordinauerit bigamum, punitur grauissimè, priuatur enim ipsa auctoritate ordinandi.*
- Can. 69.
1. Tim. 5. Nonus est: *Aduersus Presbyteros accusationem noli recipere, nisi sub duobus, aut tribus testibus.* Hic apertissimè docet Apostolus, habere Episcopum suum tribunal, etiam extra forum conscientie, & more iudicum, accusationes, & probationes audire, & secundum allegata, & probata iudicare. Sanè Presbyterum intelligit Chrysostomus quemlibet hominem seniores, seu sacerdotem, seu laicum. Ex quo intelligimus etiam, laicos in foro exteriori propter aliqua crimina ab Episcopo iudicari. Ambros. autem intelligit, nomine Presbyteri, Sacerdotè, & fortè rectius: nec tamen propter hanc expositionem excluduntur laici à foro Episcopi; immò apertissimè includuntur. Vult enim Apostolus dicere, vt exponit Ambros. aduersus laicos facilius accusatores admitti, & audiri posse; aduersus Presbyterum autem, propter Ordinis dignitatem, non debere id fieri, nisi adsint duo, aut tres testes.
- Luc. 10. Decimus est: *Qui vos audit, me audit.* quem de Episcopis propriè intelligit decem Cyprianus, & Basilus.
1. Cor. 11. Vndecimus est: *Laudo vos, quòd præcepta mea tenetis.* Et: *Scitis, quæ præcepta dederim vobis.* Et ibid. *Qui hac spernit, non hominem spernit, sed Deum, qui Spiritum suum sanctum nobis dedit.* Et: *Si quis non obedit verbo nostro, per epistolam hunc notate, & ne commisceamini illi.*
1. Thess. 4.
1. Thess. 5. Duodecimus est: *Obedite præpositis vestris, & subiaceat eis: ipsi enim perurgilant, tamquam pro animabus vestris rationem reddituri.* Atque hæc ex Scripturis.
- Col. 3. Secundò prob. ex traditione Patrum: ac in primis nullum ferè est Concilium, quod non aliquid præcipiat, vel interdicit. sub pœnà anathematis, vel depositionis. Pari ratione, plenæ sunt epistolæ Pont. quæ vel in tomis Conciliorum, vel in corpore Iuris canonici legi possunt, præceptis, & censuris.
- Prob. 2.
- Quæst. 4. Quarta quæstio est: *An Christus iurisdictionem Ecclesiasticam soli summo Pont. immediatè contulerit?* Sciendum est, triplicem esse in Pont. alijque Episcopis potestatem. Vnam ordinis; alteram iurisdictionis interioris; tertiam iurisdictionis exterioris. Quarum prima refertur ad Sacramenta conficienda, & ministranda; altera ad pop. Christianū, regendum in foro interiori conscientie; tertia ad regendum in foro exteriori. De primà certum est apud omnes, illam æquè immediatè habere à Deo Episcopos, ac ipsam summum Pontificem. Confertur enim per quandam consecrationem, quæ æquè operatur in vno, quàm in altero. De secundà aliqua dissentio est inter auctores: nā Abulensis existimat hanc potestatem conferri omnibus sacerdotibus immediatè à Deo, quando ordinantur. Ioannes de Turrecrem. docet, hanc potestatem nō conferri à Deo ex vi ordinationis, sed ab homine per simplicem iniunctionem. Ambo tamen in eo conueniunt, quòd vsus huius potestatis pendeat à iurisdictione



atione exteriori: de qua igitur solum agendum est. Et quidem omnes in eo conveniunt, iurisdictionem Episcoporum, saltem in genere, esse de iure divino. Nam Christus ipse ita ordinavit Ecclesiam, ut in ea sint Pastores, & Doctores, &c. Sic enim Apostolus loquitur: *Ipse dedit quosdam quidem Apostolos, quosdam Prophetas, alios Pastores, & Doctores.* Et præterea, nisi ita esset, posset Pontifex hunc ordinem mutare, & instituire, ne vllus in Ecclesiâ sit Episcopus; quod sine dubio non potest facere. Ut questio est; An Episcopici canonice electi, accipiant à Deo suam iurisdictionem sicut eam accipit summus Pont. An verò à Pontifice? Sunt autem tres de hac re Theologorum sententiz. Prima eorum, qui volunt, tam Apostolos quam cæteros Episcopos immediate à Deo accepisse, & accipere iurisdictionem. Altera eorum, qui volunt Apostolos non à Christo, sed à Petro; & Episcopos non à Christo, sed à Petri successore accepisse, vel accipere iurisdictionem. Tertia est media eorum, qui volunt Apostolos quidem accepisse à Christo immediate omnem suam auctoritatem; tamen Episcopos non à Christo, sed à summo Pont. eâ accipere. Et hæc quidem verissima est.

Et quidem primum prob. ex verbis Domini: *Sicut misit me Pater, & ego mitto vos.* Quem locum sic exponunt Patres, Chrysostomus, & Theophylactus, ut aperte dicant, factos esse his verbis Apostolos Christi vicarios; immò ipsum Christi officium, & auctoritatem accepisse.

Secundò, ex electione Matthiæ in Apostolatam. Nam legitur, Matthiam Apostolum non fuisse ab Apostolis electum, nec datam ei vllam auctoritatẽ; sed imploratã diuinitus, & impetratã electione eius, mox inter Apostolos annumeratam.

Tertiò prob. ex paulo, qui ex professo docet, se auctoritatem, & iurisdictionem habuisse à Christo, & inde probat se verum esse Apostolum. *Paulus Apostolus, non ab hominibus, neque per hominem, sed per Iesum Christum, & Deum Patrem.* Et ibidem, ut ostenderet se non accepisse auctoritatem à Petro, vel alijs Apostolis, ait: *Cum autem placuit ei, qui me segregavit ex utero matris mee, & vocavit per gratiam suam, continuo non acquievi carni, & sanguini, neque veni Ierosolymam ad antecessores meos Apostolos, sed alij in Arabiam, & iterum reuersus sum Damascum: deinde post annos tres veni Ierosolymam videre Petrum.* Et: *Mibi enim, qui videbantur esse aliquid, nihil contulerunt.*

Quarto prob. ex euidenti ratione. Nam Apostoli à solo Christo facti sunt: *Vocavit discipulos suos, & elegit duodecim ex ipsis, quos & Apostolos nominavit.* Et: *Nonne ego vos duodecim elegi?* Quod autem Apostoli habuerint iurisdictionem, patet tum ex gestis Pauli, qui excommunicat, & passim leges constituit; tũ, quia Apostolica dignitas est prima, & suprema dignitas in Ecclesia. Et quosdam quidem posuit in Ecclesia, primum Apostolos, deinde Prophetas, &c.

Quod autem ante Christi passionem Apostoli essent, nec tamen adhuc essent Episcopi, vel Sacerdotes, nec vllam haberent iurisdictionem, non est mirum. Dominus enim varijs temporibus varias Apostolis contulit potestates. Et præcipue Ioan. vigesimo absoluit, quod ante passionem inchoauerat.

R 2

Quod

Prob. Aposto-  
lus à Christo  
accepisse po-  
testatem.  
Ioan. 20.

Act. 1.

Gal. 1.

Gal. 2.

Luc. 6.

Ioan. 6.

1. Cor. 5.

1. Cor. 7.

1. Cor. 14.

1. Cor. 6.

Ephef. 4.

## CAPVT DECIMVM.

## De potestate temporali Pontificis.

**C**OMMUNIS Catholicorum Theologorum sententia est, Pontificem, <sup>Sensum</sup> <sup>Calixt. 2. 1. 1.</sup> vt Pont. non habere directè, & immediatè vllam temporalem potestatem, sed solùm spiritualem, tamen ratione spiritualis habere saltem indirectè potestatem quandam, eamque summam in temporalibus: neque esse contra ius diuinum, quod Episcopi etiam a&u habeant, & directè, iurisdictionem temporalem in vrbes, & prouincias sibi donatas à regibus, vel alio iusto titulo acquisitas. De primo tria probabimus.

Primò, Papam non esse Dominum totius orbis.

Secundò, non esse Dominum totius orbis Christiani.

Tertiò, non esse Dominum vllius prouinciæ, aut oppidi, nullamque habere iure diuino iurisdictionem merè temporalem.

Primum prob. Papa non est Dominus earum prouinciarum, quas obtinent infideles: nam in primis Dominus solùm oues suas Petro commisit, infideles autem non sunt oues. Deinde non potest Papa iudicare infideles: <sup>Prob. Tamen non esse Dominum totius orbis. 1. Cor. 1.</sup> Quid ad me de his, quæ foris sunt iudicare. Denique, infideles principes sunt veri, & supremi suorum regnorum: nam dominium non fundatur in gratia, aut fide, sed in libero arbitrio, & ratione, nec descendit ex iure diuino, sed ex iure gentium, vt patet ex eo, quòd Deus approbat regna gentilium in vtroque testamento.

Tu es Rex Regum, & Deus cali dedit tibi regnum, & imperium, &c. Et: Reddite, <sup>Matth. 22. Rom. 13.</sup> ergo quæ sunt Cæsaris, Cæsari. Nota, Reddite, non donate, quæ sunt Cæsaris, id est, quæ iure illi debentur. Et: Reddite omnibus debita: cui tributum, tributum; cui vassal, vassal. Sec. Et iubet ibidem etiam propter conscientiam obedire principibus Ethnicis. At certè non tenemur in conscientia obedire illi, qui non est verus princeps. Si igitur non est. Papa Dominus earum prouinciarum, quas obtinent infideles, sequitur eum non esse Dominum totius mundi.

Secundum prob. Primùm, quia, si esset Dominus totius orbis Christiani, & quidem iure diuino, vt volunt, deberet id constare ex Script. aut certè ex Apostolorum traditione. Ex Script. non habemus, nisi datas Pontifici clauæ regni cælorum: de clauibus regni terrarum nulla fit mentio. Traditionem autem Apostolicam nullam aduersarij adferunt. Præterea, Christus non abstulit, neque auferat regna ijs, quorum erant: nam Christus non venit destruere ea, quæ benè se habebant, sed perficere: ergo, quando Rex sit Christianus, non perdit regnum terrenum, quod iure obtinebat, sed acquirit nouum ius ad regnum æternum.

R 3

Item;

80: *Nunc princeps huius mundi eicietur foras. Et: Expulsi Principatus, & potestates traduxit confidenter palam, triumphans illos in seipso. Et: in hoc apparuit Filius Dei, ut dissoluat opera Diaboli.* Quod non ex speciali dono, patet ex illo: *Regnum meum non est de hoc mundo. Et: Regnum meum non est hinc.* Vt enim exponunt Patres, Dominus his verbis liberare voluit Pilatum à suspicionem, qua credere poterat, se regnum temporale Iudæorum affectasse.

Itaque sensus est: Ego quidem rex sum, sed non eo modo, quo Cæsar aut Herodes: nam regnum meum non est de hoc mundo; id est, non constat honoribus, opibus, potentia mundana, &c.

Confirmatur hæc ratio primò testimonijs plurimorum auctororum.

Secundò; nam Christus nunquam exercuit in hoc mundo regiam potestatem.

Tertiò: nam auctoritas regia non erat Christo necessaria, neque utilis; sed superuacanea. & inutilis: nam finis aduentus eius in mundum erat redemptioni humani generis; ad hunc autem finem non erat necessaria temporalis potestas, sed spiritualis. Siquidem per ipsam spiritualem poterat etiam disponere de rebus temporalibus eo modo, quo iudicabar expedire ad humanam redemptionem. Quod fuisse inutiles patet, quia Christus debuit hominibus persuadere contemptum gloriæ, deliciarum opum, & omnium rerum terrenarum, quibus tamen maximè affluunt Reges huius mundi: *Quoniam mollibus vestiuntur, in domibus regum sunt.*

Quartò confirmatur, quia Christus verè pauper fuit, non solum quoad vsum, sed etiam quoad dominium. Quod docet S. Bonauentura, & Nicolaus III. ac Clemens V. Vltimò, quia omnia ferè loca Script. ubi de regno Christi agitur, necessario debent intelligi de regno spirituali, & æterno. Vt ibi: *Ego autem constitutus sum rex ab eo: ubi subditur: Prædicas præceptum eius, ut ostendatur regnum spirituale.* Item: *In diebus regnorum illorum suscitabis Democraticum regnum, quod in æternum non dissipabitur.* Et: *Regni eius non erit finis.* At regna temporalia non sunt æterna. Et si Christus fuit Rex Iudæorum humano more, dum vixit in terris, certè desijt eo modo regnare, quando ad Patrem ascendit. Et, cum idem regnum paulo post occupatum fuerit à Rom. deinde à Saracenis, & nunc à Turcis teneatur, quo pacto impletum est, quod dixit Daniel?

Non etiam fuit Rex temporalis titulo electionis, ut patet ex illo: *O homo, qui me in thronum constituit, aut divisorem inter vos?* Id est, neque Imperator, neque Rēsp. me iudicē elegit. Et ex illo: *Cum cognovisset, quia venturi essent, ut raprent eum, & facerent eum regem, fugit iterum in montem ipse solus.* Iam assumptio primi argumenti prob. nimirum Papam habere illud officium, quod habuit Christus, cum in terris inter homines humano more viueret. Quia enim Ecclesia ex hominibus constans, indiget capite visibili, & more humano viuente, ideo Christus, quando desijt more humano viuere, id est, post resurrectionem, reliquit Petrum loco suū, qui nobis exhiberet illam Christi gubernationem visibilem, & humanam, quam Ecclesia habuerat ante Christi passionem: ut patet ex illo: *Sicut misit me Pater, & ego mitto vos.* Adde, quod neque habet Pontifex omnem potestatem prorsus, quam habuit Christus, ut homo mortalis.

Ille

1. Ioh. 12.

Colos. 2.

1. Ioh. 3.

1. Ioh. 18.

Matth. 23.

Matth. 23.

Luc. 21.

Matth. 23.

Matth. 23.

Matth. 23.

Ille enim, quia Deus, & homo erat, habuit quandam potestatem, quam dicunt, excellenter, per quam præerat tam fidelibus, quam infidelibus: Papæ autem solum oues suas, id est, fideles commisit.

Præterea, Christus poterat Sacramenta instituere, & miracula facere propria auctoritate, quæ non potest Pontifex. Item, poterat absolvere à peccatis sine Sacramentis, quod Papa non potest. Solum ergo Pontifici illam potestatem communicauit, quæ puro homini communicari poterat, & quæ erat necessaria ad gubernandos ita fideles, ut sine impedimento vitam æternam consequi possent.

*Prob. 1.  
Papam habere summam potestatem temporalem iudicandam.*

Secundum in initio positum, scilicet, Papam habere summam temporalem potestatem indirectè, explicatur per similitudinem à Gregorio Nazianzeno: Vt enim se habent in homine spiritus, & caro, ita se habent in Ecclesia duæ illæ potestates. Nam caro, & spiritus, sunt quasi duæ Resp. quæ & separata, & coniunctæ inueniri possunt. Habet caro sensum, & appetitum, quibus respondet actus, & obiecta proportionata, & quorum omnium finis immediatus est sanitas, & bona constitutio corporis: habet spiritus intellectum, & voluntatem, & actus, atque obiecta proportionata, & pro fine animæ sanitatem, & perfectionem. Inuenitur caro sine spiritu in brutis: inuenitur spiritus sine carne in Angelis. Ex quo apparet, neutrum præcisè esse propter alterum. Inuenitur etiam caro adiuncta spiritui in homine, ubi, quia vnā personam faciunt, necessariò habent subordinationem, & connexionem. Caro enim subest, spiritus præest; & licet spiritus non se misceat actionibus carnis, sed finat eam exercere actiones omnes, ut in brutis exercet, tamen quando ex officio finit ipsius spiritus, spiritus carni imperat, eamque castigat, & si opus est, indicit ieiunia, aliasque afflictiones, etiam cum detrimento aliquo, & debilitatione ipsius corporis, & cogit linguam, ne loquatur, oculos, ne videant, &c. Parè ratione, si ad finem spiritus obtinendum necessaria sit aliqua carnis operatio, & ipsa etiam mors; spiritus imperare potest carni, ut se, ac sua exponat, ut in Martyribus videmus. Ita prorsus politica potestas habet suos principes, leges, iudicia, &c. Et similiter Ecclesiastica suos Episcopos, canones, iudicia. Illa habet pro finem temporalem pacem, ista salutem æternam. Inueniuntur quandoque separata ut olim tempore Apostolorum; quandoque coniunctæ, ut nunc. Quando autem sunt coniunctæ, vnus corpus efficiunt, ideoque debent esse connexæ, & inferior superiori subiecta, & subordinata.

Itaque spiritualis non se immiscet temporalibus negotijs, sed sunt omnia procedere, sicut antequam essent coniunctæ, dum modo non obsint fini spirituali, aut non sint necessaria ad eum consequendum. Si autem tale quid accidat, spiritualis potestas potest, & debet coercere temporalem omni ratione, & via, quæ ad id necessaria esse videbitur. Ut autem magis hæc explicentur, comparanda est potestas Papæ spiritualis cum personis iudicum, seu principum secularium; cum legibus eorum civilibus; & cum eorum foro, & iudicijs. Quantum ad personas, non potest Papa, ut Papa, ordinariè temporales Principes deponere, etiam iusta de causa eo modo, quo deponit Episcopos, id est, tanquam ordinarius Iudex; tamen potest mutare regna, & vii auferre,

atque

atque alteri conferre, tanquam summus Princeps spiritualis, si id necessarium sit ad animarum salutem. Quantum ad leges, non potest Papa, vt Papa, ordinariè condere legem ciuilem, vel confirmare, aut infirmare leges Principum, quia non est ipse Princeps Ecclesiæ politicus: tamen potest omnia illa facere, si aliqua lex ciuilis sit necessaria ad salutem animarum, & tamen Reges non velint eam condere; aut si alia sit noxia animarum salutem, & tamen Reges non velint eam abrogare.

Itaque, quando de eadem re contrariè inueniuntur leges, imperatorie, & pontificie, si materia legis est res, animarum periculum concernens, abrogatur lex imperatoria per pontificiam. Et hoc modo lex pontificia cap. finali. De præscriptionibus XXX. vel XL. annorum, etiam cum mala fide, quia non poterat seruari sine peccato mortali. At, quando materia legis est res temporalis, non concernens animarum periculum, non potest lex pontificia abrogare legem imperatoriam, sed vtraque seruanda est: illa in foro Ecclesiastico, ista in foro ciuili.

Quantum ad iudicia, non potest Papa, vt Papa, ordinariè iudicare de rebus temporalibus. At nihilominus in casu, quo id animarum salutem necessarium est, potest Pontifex assumere etiam temporalia iudicia, quando nimis non est vllus, qui possit iudicare; vt cum duo Reges supremi contendunt, vel quando, qui possunt, & debent iudicare, non volunt sententiam ferre.

Prob. autem hæc sententia rationibus.

Prima ratio: Potestas ciuilis subiecta est potestati spirituali, quando vtraque pars esteiusdem Reip. Christianæ: ergo potest Princeps spiritualis imperare Principibus temporalibus, & disponere de temporalibus rebus, in ordine ad bonum spirituale. Omnis enim superior imperare potest inferiori suo. Quod autem potestas politica non solum, vt Christiana; sed etiam, vt politica, sit subiecta Ecclesiasticæ, vt talis est. Primò demonstratur ex finibus vtriusque. Nam finis temporalis subordinatur fini spiritualis, vt patet; quia felicitas temporalis non est absolute vltimus finis, & ideo referri debet in felicitatem æternam. Constat autem ex Aristot. ita subordinari facultates, vt subordinantur fines.

Secundò; Reges, & Pontif. Clerici, & laici, non faciunt duas Resp. sed vnam, id est, vnam Ecclesiam. Sumus enim omnes *vnum corpus*. At in omni corpore membra sunt connexa, & dependentia vnum ab alio: non autem recte asseritur, spiritualia pendere à temporalibus: ergo temporalia à spiritualibus pendent, illisque subiiciuntur. Ram. 12.  
1. Cor. 12.

Tertiò; Si temporalis administratio impedit spirituale bonum, omnium iudicio tenetur Princeps temporalis mutare illum modum administrandi, etiam cum detrimento temporalis boni: ergo signum est, subiectam esse temporalem potestatem spirituali.

Secunda ratio: Respub. Ecclesiastica debet esse perfecta, & sibi sufficiens in ordine ad suum finem: tales enim sunt omnes Resp. bene institutæ: ergo debet habere omnem potestatem necessariam ad suum finem. Sed est necessaria

S. ria

Prob. 2.  
1. Ratio.

2. Ratio.

ria ad finem spirituales potestas vtendi, & disponendi de temporalibus rebus; quia alioqui possent mali Principes impunè fouere Hæreticos, & euertere religionem: igitur & hanc potestatem habet. Item, Potest qualibet Resp. quia perfecta, & sufficiens esse debet, imperare alteri Reip. non sibi subiectæ, & eam cogere ad mutandam administrationem; imò etiam deponere eius Principem & alium instituere. quando non potest aliter defendere se ab eius iniurijs: ergò multò magis poterit spiritualis Resp. imperare temporali Reip. sibi subiectæ, & cogere ad mutandam administrationem, & deponere Principes, atque alios instituere, quando aliter non potest bonum suum spirituale tueri.

3. Ratio.

Tertia ratio: Non licet Christianis tolerare regem infidelem, aut hæreticum, si ille conetur pertrahere subditos ad suam hæresin, vel infidelitatem: at iudicare, an Rex pertrahat ad hæresin, nec ne, ad Pont. pertinet, cui est commissæ curæ religionis: ergò Pontif. est iudicare, Regem esse deponendum, vel non.

Deut. 17.

Prob. propositio ex Deut. vbi prohibetur populus, eligere Regem, qui non sit de fratribus suis, id est, non Iudæum, ne videlicet pertrahat Iudæos ad idololatriam. Ergò etiam Christiani prohibentur, eligere Regem non Christianum. Nam illud præceptum morale est, & naturali æquirare nititur. Rursum; Eiusdem periculi, & damni est, eligere non Christianum, & non deponere non Christianum: ergò tenentur Christiani non pati super se Regem non Christianum, si ille conetur auertere pop. à fide. Addo istam conditionalem, propter eos infideles, qui habuerunt dominium super populum suum antequam pop. conuerteretur ad fidem. Si enim tales non conetur populi à fide auertere, non existimo, posse eos priuari suo dominio. At, si conetur populi à fide auertere, omnium consensu possunt, & debent priuari suo dominio. Quod si Christiani olim non deposuerunt Neronem, & Diocletianum, & Iulianum Apostatam, ac Valentem Arianum, ac similes, id fuit, quia deerant vires temporales Christianis. Nam, quod alioqui iure potuissent id facere, patet ex Apostolo, qui iubet, constitui novos iudices à Christianis, temporalium causarum, ne cogerentur Christiani causam dicere coram iudice Christi persecutore. Sicut enim noui iudices constitui potuerunt, ita & noui Principes & Reges, propter eandem causam, si vires adfuissent.

1. Cor. 6.

Præterea; Tolerare Regem hæreticum, vel infidelem conantem pertrahere homines ad suam sectam, est exponere religionem euidentissimo periculo: *Qualis enim est Rex ciuitatis, tales & habitantes in eâ.* Et experientia idem docet: nam quia Hieroboam Rex idolatra fuit, maxima etiam pars regni cōtinuò idola colere cepit. Et post Christi aduentum, regnante Constantino, florebat fides Christiana: regnante Constantio, florebat Arianismus: regnante Iuliano, iterum reffloruit Ethnicismus: & in Angliâ nostris temporibus, regnante Henrico, & postea Eduardo, totum regnum à fide quodammodo apostatauit: regnante Mariâ iterum totum regnum ad Ecclesiam redijt: regnante Helizabetha iterum exulare cepit vera religio, & regnare Caluinismus. At non tenentur Christiani, imò nec debent, cum euidenti periculo religionis tolerare regem infidelem. Nam, quando ius diuinum, &

Eccl. 10.

3. Reg. 12.

Præterea; Tolerare Regem hæreticum, vel infidelem conantem pertrahere homines ad suam sectam, est exponere religionem euidentissimo periculo: *Qualis enim est Rex ciuitatis, tales & habitantes in eâ.* Et experientia idem docet: nam quia Hieroboam Rex idolatra fuit, maxima etiam pars regni cōtinuò idola colere cepit. Et post Christi aduentum, regnante Constantino, florebat fides Christiana: regnante Constantio, florebat Arianismus: regnante Iuliano, iterum reffloruit Ethnicismus: & in Angliâ nostris temporibus, regnante Henrico, & postea Eduardo, totum regnum à fide quodammodo apostatauit: regnante Mariâ iterum totum regnum ad Ecclesiam redijt: regnante Helizabetha iterum exulare cepit vera religio, & regnare Caluinismus. At non tenentur Christiani, imò nec debent, cum euidenti periculo religionis tolerare regem infidelem. Nam, quando ius diuinum, &

ius

ius humanum pugnant, debet seruari ius diuinum, omisso humano: de iure autem diuino est, seruare veram fidem, & religionem, quæ vna tantum est, non multe; de iure autem humano est, quod hunc, aut illum habeamus Regem. Denique; Cur non potest liberari pop. fidelis à iugo Regis infidelis, & pertrahentis ad infidelitatem, si coniux fidelis liber est ab obligatione manendi cum coniuge infideli, quando ille non vult manere cum coniuge Christiana sine iniuria fidei? Non enim minor est potestas coniugis in coniugem, quæ Regis in subditos, sed aliquantò etiam maior.

Quarta ratio: Quando Reges, & Principes ad Ecclesiam veniunt, vt Christiani fiant, recipiuntur cum pacto expresse, vel tacito, vt sceptrum suum subijciant Christo, & polliceantur, se Christi fidem seruaturos, & defensuros, etiam sub pœnâ regni perdendi: ergò, quando fiunt hæretici, aut religioni obfunt, possunt ab Ecclesiâ iudicari, & etiam deponi à principatu; nec vlla eis fiet iniuria, si deponantur. Nam, non est idoneus Sacramento Baptismi, qui non est paratus Christo seruire, & propter ipsum amittere, quidquid habet. Ait enim Dominus: *Si quis venit ad me, & non odit patrem, & matrem, Luc. 14. & uxorem, & filios, adhuc autem & animam suam, non potest meus esse discipulus.* Preterea; Ecclesia nimis grauitè erraret, si aliquem admitteret Regem, qui vellet impunè fouere quamlibet sectam, & defendere hæreticos, ac euertere religionem.

Quinta ratio: Cum Petro dictum est: *Pasce oues meas*, data est illi facultas omnis, quæ est pastori necessaria ad gregem tuendum: at pastori necessaria est potestas triplex: nimirum, Vna, circa lupos, vt eos arceat omni ratione, quâ poterit. Altera, circa arietes, vt, si quando cornibus lædant gregem, possint eos recludere, & prohibere, ne gregem vterius præcedant. Tertia, circa oues reliquas, vt singulis tribuat conuenientia pabula. Ergò triplicem hanc potestatem habet summus Pont. & sic tria deducuntur ex hoc loco argumenta. Primum: Lupi, qui Ecclesiam Domini vastant, hæretici sunt: *Attendite à falsis prophetis, &c.*

Alterum: Princeps est aries furiosus destruens ouile, quando est Catholicus fide, sed adeo malus vt multum obfuit religioni, & Ecclesiæ, vt, si Episcopatus vendat, Ecclesias diripiat, &c. Ergo poterit pastor eum recludere, vel redigere in numerum ouium. Tertium: Potest pastor, ac debet, oues omnes ita pascere, vt eis conuenit: ergò potest, ac debet Pont. omnibus Christianis ea iubere, atque ad ea cogere ad quæ quilibet eorum secundum statum suum tenetur; id est, singulos cogere. vt eo modo Deo seruiant, quo secundum statum suum debent: debent autem Reges Deo seruire defendendo Ecclesiam, puniendoque hæreticos, & scismaticos. Ergò potest & debet Regibus iubere, vt hoc faciant, & nisi fecerint, etiam cogere per excommunicationem, aliasque commodas rationes.

Prob. tertio hæc Pont. potestas ab exemplis. Primum est, vbi legimus, Oziam Regem, cum Sacerdotum officium vsurparet, à Pont. fuisse de templo eiectum, & cum propter idem peccatum leprâ à Deo percussus fuisset, coactum etiam fuisse ex vrbe discedere, & regnum filio renunciare. Quod enim non sponte suâ, sed ex sententiâ Sacerdotis vrbe, & regni administratio-

*Leuit. 13.* tione priuatus fuerit, patet; nam legimus: *Quicumque maculatus fuerit lepra, & preparatus est ad arbitrium Sacerdotis, solus habitabit extra castra.* Si ergo propter lepram corporalem poterat Sacerdos olim Regem iudicare, & regno priuare, quare id non poterit modo propter lepram spiritualem, id est, propter hæresin.

*2. Exemplū.* Secundum est, vbi, cum Athalia tyrannicè occupasset regnum, & foueret cultum Baal, Ioiada Pont. vocauit centuriones, & milites, & iussit eis, vt Athalias interficerent, quod & fecerunt; & pro ea Ioas Regem creauit. *1. Par. 23.* Quodd enim Pont. non iussit, sed iussit, patet ex illis verbis. *4. Reg. 11.* Et fecerunt Centuriones iuxta omnia, quæ præceperat eis Ioiada Sacerdos. Item ex illis: *2. Par. 23.* Egressu autem Ioiada Pont. ad centuriones, & principes exercitus, dixit eis: Educite eam extra septem templi, & interficiatur foris gladio. Quodd autem causa huius depositionis, & interfectionis Athaliae, non solum tyrannis eius fuerit, sed etiam, quodd foueret cultum Baal, patet ex illis verbis, quæ ponuntur immediatè post occisionem eius: *Itaq; ingressus est omnis populus domum Baal, & destruxerunt eam, & altaria, & simulacra illius confregerunt: Matban quoque Sacerdotem Baal interfecerunt ante aras.*

*3. Exemplū.* Tertium est B. Ambrosij, qui, cum esset Episcopus Mediolanensis, & proinde pastor, & pater spiritualis Theodosij Imp. qui Mediolani sedem suam ordinariè tenebat, primum excommunicauit eum propter eandem, quam Theffalonicè fieri à militibus imperauerat: deinde, præcepit ei, vt legem ferret, ne sententiæ latæ de eade, vel bonorum publicatione ratæ essent, nisi post triginta dies à sententiæ pronuntiatione, vt, nimirum, si quid per iracundiam præcipitanter dictasset, intrat octidierum spacium reuocare posset. Atqui non potuit Episcopus excommunicare Theodosium propter eandem illam, nisi prius causam illam cognouisset, & diiudicasset, licet criminalis esset, & ad forum externum pertinere: non potuit autem cognoscere, & iudicare eiusmodi causam, nisi etiam in foro exteño legitimus iudex Theodosij fuisset. Præterea: cogere Imp. ad legem politicam ferendam, & præscribere ei formam legis, nonne manifestè ostendit, posse Episcopum interdum temporali potestate vt, etiam in eos, qui potestatem super alios acceperunt? Et, si Episcopus quilibet id potest, quanto magis Princeps Episcoporum?

*4. Exemplū.* Quartum est Gregorij I. in priuilegio, quod concessit monasterio S. Medardi, & habetur in fine epistolarum: *Si quis, inquit, Regum, Antistitem, Iudicum, vel quarumcunque secularium personarum, huius Apostolicæ auctoritatis, & nostræ præceptionis decreta violauerit, cuiuscunque dignitatis, vel sublimitatû sit, honore suo priuetur.*

*5.* Quintum est Gregorij II. qui Leoni Imp. Iconomacho à se excommunicato prohibuit solui vectigalia ab Italis, & proinde multauit eum parte imperij.

*6.* Sextum est Zachariæ, qui rogatus à primoribus Francorum, Childericum deposuit, & in eius locum Pipinum Caroli Magni patrem Regem creari iussit. Cuius causa fuit, quia propter socordiam Childerici & religioni, & regno in Gallia extrema ruina imminere videbatur.

*7.* Septimum exemplum est Leonis III. qui imperium transulit à Græciis in



in Germanos, propterea, quod Græci nullum auxilium laborant Ecclesie Occidentali adferre possent. Ex quo factum est, vt, licet imperatoria dignitas absolute considerata, non sit à Pont. sed à Deo, mediante iure Gentium; tamen Imp. qui fuerunt à tempore Caroli Magni, Pont. debeant suum imperium. Quod enim hæc potestas nunc sit apud Germanos, à Pont. est. Et licet non sit necessarium, vt Papa confirmaret Imp. nec vt Imp. Pontifici iuramentum fidelitatis præstaret; tamen à tempore translati imperij in Germanos, vtrumque requiritur. Qui enim potuit imperium Germanis conferre propter Ecclesie salutem, potuit etiam certas conditiones adiungere, propter eandem causam, ne videlicet contingeret hæreticum, vel scismaticum creari.

Octauum exemplum est Gregorij V. qui sanctionem edidit de Imp. eligendo per septem Germanie principes, quæ usque ad hanc diem seruatur. Is enim tempore Othonis III. Imp. conuocatis, & requisitis Principibus Germanie, instituit septem Electores officiales ipsius curie Imperialis: quatuor laicos, vt Regem Bohemie, Ducem Saxonie, Comitem Palatinum, Marchionem Brandenburgensem: & tres clericos, Archiepiscopum Maguntinensem, Treuirenses, & Coloniensem.

Nonum est Gregorij VII. qui Henricum IV. Imp. deposuit, & alium eligi iussit: quod & factum est.

Decimum est Innocentij III. qui Othonem IV. similiter deposuit.

Vndecimum est Innocentij IV. qui in Concilio generali Lugdunensi, consentientibus vniuersis Patribus, deposuit Fridericum II. & vacauit tunc imperium annis XXVIII. Idem Innocent. IV. dedit Regi Lusitanie coadiutorem quendam, qui regnum administraret; quandoquidem Regis negligentia & resp. & religio in Lusitania detrimentum patiebatur.

Duodecimum est Clementis VI. qui Ludouicum IV. Imper. à Ioanne XXII. & Benedicto XII. excommunicatum deposuit.

Tertia pars questionis, scilicet, Non repugnare cum verbo Dei, quod vnus homo sit princeps Ecclesiasticus, & politicus simul, prob. primò, exemplis Sanctorum, qui inueniuntur Reges, & Pontifices fuisse. Nam in lege naturæ Melchisedech fuit Rex, & Pontif. Immo etiam olim primogenitus semper Rex, & Pont. erat. Constat quoque Noë, Abraham, Isaac, Iacob, præfuisse suis tam in ijs, quæ ad religionem, quàm in ijs, quæ ad politicam vitam pertinent.

Deinde, Moyses erat summus Princeps temporalis, & summus Pont. vt est perspicuum ex Scriptura: *Sedit Moyses, vt indicaret pop.* Iussit etiam occidi plurimos de populo propter peccatum idololatriæ. Adoleuit quoque Domino incensum, quod erat proprium munus Pont. vt patet ex Paral. Consecrauit etiam Aaronem in sacerdotem, sanctificauit tabernaculum, & altare, obtulit sacrificia, & holocausta, quæ solus sacerdos facere potest. Præterea; Heli & summus Pont. & Iudex politicus fuit annis XL. Denique; Machabæi, Iudas, Ionathas, Simon, Ioannes, & ceteri vsque ad Herodem, simul Pont. & Duces politici fuerunt.

Prob. secundò ratione. Primò; Potestas Ecclesiastica, & politica non sunt

Prob. 1. non  
esse contraria  
ius diuinum,  
quod vnus  
sit Princeps  
Eccles. &  
polit.  
Gen. 14.  
Hebr. 7.

Exod. 18.  
Exod. 32.  
Exod. 40.  
2. Cor. 16.  
Leuit. 10.  
1. Reg. 14.

Prob. 2.  
1. Ratio

contraiz; sed vtraque bona, vtraque à Deo, vtraque laudabilis, & vna alteri seruit. Ergo possunt esse in eodem.

2. *Ratio.* Secundo: Magis diuersa sunt pax, & bellum, quàm bona temporalia, & spiritualia: at vnus, & idem Rex simul præest senatui, & exercitui, togatis, & armatis: ergo multò magis poterit vnus præesse in temporalibus, & spiritualibus rebus.

3. *Ratio.* Tertiò: Potest vnus Rex gubernare diuersissimà regna, quæ diuersus mores, ritus, leges, consuetudines habeant: & pari ratione potest vnus Episcopus regere plurimas Ecclesias, vt patet de Patriarchis antiquis (vt omittam Romanum) quorum quilibet habuit sub se plurimos Episcopos: ergo etiam vnus homo regere vnum Episcopatum, & vnum principatum. Nam vel difficile est, regere Episcopatum, quàm principatum; vel facilius, vel eque difficile. Si primum, ergo si vnus regit duos Episcopatus, à maiori reget vnum episcopatum, & vnum principatum. Si secundum, ergo si vnus regit duos principatus, à maiori reget vnum principatum & vnum episcopatum. Si tertium, ergo si vnus regit duos principatus, vel duos episcopatus, à simili poterit regere vnum episcopatum, & vnum principatum.

4. *Ratio.* Quarto: Qui donauerunt Episcopo Rom. alijsque Episcopis, principatus temporales, pii homines fuerunt, & eà de causa præcipuè à tota Ecclesia commendati sunt: vt patet de Constantino, & Carolo Migno, & Ludouico eius filio, qui inde pius appellatus est: Et contra, qui eiusmodi principatum auferre conati sunt, vt Aistulphus Rex Longobardorum, Henricus I. v. & v. Otho I. v. Fridericus I. & I. I. ab omnibus Historicis, vt impii, & sacrilegi notantur. Neque optimi principes fuerunt solum ij, qui Apostolicam sedem ita ditauerunt, sed etiam plerique eorum, qui eiusmodi opes, & principatum receperunt. Nam Leo I. v. miraculis claruit. Leonem I. x. omnes scriptores sanctum vocant, & miraculis claruisse scribunt. Gregorius VII. miraculis claruit, & vir optimus fuit. Celestini v. vita sanctissima & miraculis plenissima fuit. Denique Adrianum I. Leonem III. Nicolaum I. Innocentium II. I. aliosque nonnullos, scriptores omnes laudant, quos tamen satis cõstat, hunc principatum vnà cum pontificatu administrasse.

5. *Ratio.* Vltimò prob. experientia. Nam & si absolutè fortè præstaret Pont. solum tractare spiritualia, & Reges temporalia; tamen propter malitiam temporũ experientia clamat, non solum vtiliter, sed etiam necessario, & ex singulari Dei providentia, donatos esse Pont. alijsque Episcopis temporales aliquos principatus. Si enim in Germanià Episcopi principes non fuissent, nulli ad hanc diem in suis sedibus permanissent. Sicut ergo in Testamento veteri diu fuerunt Pont. sine imperio temporali, & tamen vltimis temporibus non poterat religio consistere, & defendi, nisi Pontif. etiam Reges essent, nimirum tempore Machabæorum: ita quoque Ecclesiæ accidisse videmus, vt quæ primis temporibus ad maiestatem suam tuendam temporali principatu non egebat, nunc eodem necessario egere videatur. Quod autem iure habeat summus Pont. cum principatum, quem habet, faciliè prob. nam habet dono principum; vt patet ex historicis. Et extant Romæ authenticà instrumenta harum donationum. Sed etiam si nihil horum extaret, abundè sufficeret præscriptio

rio D. C. C. C. annorum. Nam etiam regna, & imperia per latrocinia acquisita, tandem longo tempore fiunt legitima. Alioqui enim quo iure Iulius Cæsar occupavit Romanum Imperium? & tamen tempore Tiberij Christus ait: *Reddite, quæ sunt Cæsaris, Cæsari.* Quo iure Franci Galliam, Saxones Britanniam, *Manh. 22.* Gothi Hispaniam inuaserunt? Et tamen quis hoc tempore regna ab illis constituta illegitima diceret?

## CAPVT XI.

## De translatione Romani Imperij.

ROMANVM Imperiũ tamen ante Cõstantini tempora modò ab vno, modò à pluribus Augustis pari potestate regebatur, vnũ tamẽ, atque indiuisum censebatur. Deinde verò, postquam Magnus Constantinus Constantinopolim, quasi alteram Romam, ædificauit, & cum ea alterum Consulem, alterum Senatum, & omnia Romanæ vrbs priuilegia communicauit, diuisum est Imperium in partes duas, quarum altera Imperium Orientis, altera Occidentis appellari cœpta est. Et, quemadmodum ante Constantinum Principem indiuisum Imperium aliquando plures Augusti administrabant, sæpius vnus, ac solus regebat: ita post Constantinum Magnum Imperium iam diuisum plerumque duo Cæsares tenuerunt, rarò vnus, ac solus Princeps gubernauit: Siquidem Constantino vitâ functo, anno Domini 341. Occidentale Imperium Constantino iuniori, & Constanti Imperium Orientis celsit. Post Constantini autem, & Constantis excessum anno 353. Constantius solus vniuerso Imperio præfuit. Constantio Iulianus, Iuliano Iouinianus successit. Sed post obitum Iouiniani, Valentinianus succedens Imperio Occidentis contentus, Orientale Imperium Valenti fratri attribuit anno Domini 364. Atque ex eo tempore vsque ad annum Domini 476. id est, vsque ad Augustulum Imp. diuersi diuisum Imperium tenuerunt. Augustulo verò ab Odoacre Herulo abdicare coacto, atque Imperio Occidentis à Barbaris occupato, soli Imp. Orientis, & in solo Oriente regnarunt vsque ad Iustinianum. Sed cum is operâ Belisarij, & Narsetis, fortissimorũ ducum, Africam, & Italiam, inde Vandalis, hinc Gothis exactis recuperasset, tandem anno Domini 556. iterum ab vno Imperatore Oriens, & Occidens administrari cœpit. Sed cum Imp. Græcus esset & Italiam per Exerchos regeret, nec eam ab infestatione Longobardorum tueri iam posset, anno Domini 801. ineunte, ipso die Natalis Domini, creato in vrbe Romæ nouo Imperatore, Carolo Magno, Rege Francorum, ac per hoc translatò Occidentali Imperio à potestate Græcorum ad Francorum dirionem, iterum Romana Resp. redijt ad eum statum, in quo eam Constantinus Magnus instituerat, & in quo permanferat à Valentino sonique vsque ad Augustu-

gustulum. Quamquam illud negari non potest, quin paulò maior Imperij diuisio fuerit à tempore Caroli magni, quàm antea: siquidem à Constantino vsque ad Augustulum, etsi diuisæ erant Imperij Rom. prouinciz inter duos Imp. quòd attinet ad regimen, & administrationem; erat tamen ita commune Imperium, vt leges vtriusque Imp. nomine, toti Imperio darentur; & si alter sine liberis discedebat, ad alterum Imperij totius gubernatio, & prouidentia pertineret. At post tempora Caroli Magni, neque leges à Latino, Grego-quoque Imp. communiter latæ sunt, neque deinceps vnquam aut Latinus Orientem, aut Græcus Occidentem gubernauit.

*Quæstio.*

*Quæritur igitur, Quisnam huius translationis auctor fuerit, quisve Carolo Magno, ac successoribus eius ius, nomen, dignitatem, ac potestatem Imperatoris Rom. ac Caesaris Augusti, in Occidente tribuerit?*

*Resp.*

Respondemus id, quod clamat consensus omnium gentium, Leonem I I I. Pont. Max. aut solum, aut præcipuum, & primarium auctorem huius translationis fuisse, eique Germanicam nationem Imperium acceptum ferre debere.

*Prop. 1.*

Docent hoc Historici omnes tam veteres, quàm recentiores; & facile esset ex confessionibus Principum, ac testimonij Pontif. idem asserere.

*Prob. 2.*

Idem prob. ratione. Sex omnino tituli sunt, quibus homines regna, atque Imperia possidere solent: ius belli, Beneficium diuinum, Successio hæreditaria, Electio populi, Donum Principis, Summi totius Ecclesiæ Præfulis decretum. Aut enim aliquis per se Imperium occupat; aut accipit illud ab alio. Si per se occupat, iure belli dicitur possidere, qui est primus titulus. Ita Cyrus, Alexander, Iulius, alijque nonnulli summa Imperia tenuerunt. Si ab alio; aut à Deo, singulari vocatione; aut ab hominibus: si à Deo, iam est secundus titulus: sique omnium iustissimus est. Quo titulo Moyses, Aaron, Saul, David, Petrus, principatum, vel Ecclesiasticum, vel sæcularem adepti sunt. Si vero ab hominibus, aut naturali successione, aut electione voluntaria: si naturali successione, iure hæreditario regnare dicitur, qui est titulus tertius; quo Salomon Dauidi, Tiberius Augusto, Ludouicus Carolo, atque alij alijs successerunt. Si electione voluntaria, aut multitudo eligit, aut Princeps: si multitudo, inde est quartus titulus, quo Claudius, Galba, Vespasianus, ac ceteri deinceps Rom. Imp. vt plurimum, electi sunt. Si à solo Principe, aut is Politicus est, aut Ecclesiasticus. Si Politicus, oritur quintus titulus; quo titulo imperarunt Lucius Verus à Marco Antonino, Maximianus à Diocletiano, Valens à Valentiniano, Theodosius à Gratiano, & si qui sunt alij Principes à præcedentibus Principibus ad Imperium vocati. Si denique à Principe Ecclesiastico, existet sextus titulus, quo nos asserimus, Carolum Magnum, & qui eum secuti sunt, Germanos Imper. ius Imperij esse adeptos. Si igitur primos quinque titulos in Imperio Germanorum locum non habere demonstrauerimus, efficiemus sanè Carolum Magnum, aut à Pont. Max. Imperium habuisse, aut omnino non habuisse. Quòd si Imper. non fuit, certe nec ceteri Francorum, Germanorumve Reges, fuerunt Imp. nec Rudolphus, qui nunc est in Imperio, iure Imp. dici potest,

*Primo,*

Primò, quod non acceperit imperium iure belli, prob. quia cum Rom. *Prob. Carolus Magn. non accepisse Imperium iure belli.*  
nunquam pugnauit, Rom. urbem v. nunquam intrauit, semper socius, & amicus; deinde etiam patricius Rom. hofus, & inimicus nunquam fuit. Id clamant omnes Historici.

Deinde; Si Carolus Magnus iure belli Rom. Imperium sibi parauit, quo tempore id fecit? Ante coronationem à Leone Papa acceptam, an postea? si antea, cur igitur vsque ad eam diem, neque ipse se in suis diplomatibus, quorum nonnulla apud Joannem Auentinum extant. Imper. Rom. vocat, neque ab vilo historicorum hoc nomine appellatur? Si postea, cur igitur ab eo die, cum Imperium nondum haberet, Imp. & Augustus, cum in proprijs litteris, tum in omnibus historijs, incipit appellari?

Alter titulus erat Dei solius donum. Nam sicut Aaronem in Rep. Iudæorum, & Petrum in Ecclesia Christiana, non humana electio, sed Dei solius benignitas summos Antistites fecit; & Moysen, Iosue, Othonielem, Gedeonem, Saulem, Imperatores, ac Principes solus Deus populo suo dedit: sic etiam fieri potuisset, vt Carolus Magnus sine vlla humana vel ope, vel vi, siue arte, aut industria, solius Dei voluntate ad Imperium vocaretur. Sed talem titulum Carolo Magno non conuenire docent omnes Historici.

Non peruenisse etiam Carolum Magnum ad Imperium tertio titulo, scilicet iure successionis hereditariæ, nemo potest negare, nisi qui aut nimium sit impudens, aut in historijs nihil legerit. Siquidem extra controuersiam est, Pipinum Caroli Magni Patrem, ex præfecto, siue magistro aulae, Regem Francorum dictum esse; idque Zachariæ, & Stephani Rom. Pontif. auctoritate. Imperatorem Rom. fuisse Pipinum, nemo scripsit. Quare, cum ex Pipini Patris successione nihil aliud Carolus habere potuerit; nisi quod Pipinus habuit, efficitur profectò, Carolum iure hereditario non Imperatorem Rom. sed Francorum Regem solum, idque non sine Pontif. Max. beneficio in Patrem eius antea collato, esse potuisse.

Deinde, certum est, Carolum Magnum post obitum Patris ab Hadriano Pont. Patricium Rom. (quæ est dignitas secunda post Imper.) esse creatum. Quis verò sibi persuadeat, Carolum Magnum passurum fuisse fieri se ex Imp. patricium? Accedit postremo, quod falsum esset, quod omnes Historici summâ consensione tradunt, fuisse Carolum Magnum primum Imper. ex gente Francorum.

Non accepisse etiam Carolum Magnum quartò titulò Imperium, scilicet beneficio S. P. Q. R. prob. primò; Nam constat aliquando Imp. inuito, ac repugnante populo Roman. creatos fuisse, quos tamen veros, & legitimos Imper. Historici omnes agnoscunt. Exemplo esse potest Fridericus primus, quem repugnante populo Rom. coronauit Romæ in templo S. Petri Adrianus I. V. *Prob. quod non beneficium S. P. Q. R.*

Deinde; Historici vetustissimi, tum Latini, tum Græci, in describenda translatione Imperij, aut nullam pop. atque Senatus mentionem fecerunt, aut ei solam acclamationem Carolo iam coronato tribuerunt.

Tertiò; Principes Rom. post constitutam à Iulio, & Augusto Monarchiâ, aut ab alio Principe nominabantur, aut ab exercitu creabantur. Quos Senatus

T. tus

tus, aut populus creauit, ij & paucissimi fuerunt, & non diu tolerati. Certè in tanto numero Principum Rom. tres tantum Onuphrius nominat à Senatu electos, Neruam, Maximum cum Balbino, & Tacitum. Neruam à Senatu creatum Dion Calsius, quem solum Onuphrius citat, non dicit: Aurelius Victor arbitrio legionum (quanquam id non in omnibus codicibus haberi animaduerti) Neruam Imp. factum scripsit. Eutropius, fauore Præfetti prætorio Neruz delatum Imperium, testatur. Ipse quoque Onuphrius sic à Senatu creatum Neruam Imp. scripsit, vt non negauerit, accepisse etiam suffragium militum prætorianorum; sine quo scilicet irrita fuisset electio. Maximus, & Balbinus inuito exercitu lecti, primâ datâ occasione à militibus interfecti sunt. Siquidem, (vt scribit Herodianus) indignabantur milites sibi à Senatu Principes datos, quos & Senatorios Principes per ludibrium appellabant. Tacitus à Senatu quidem dictus est, sed militibus iubentibus, vt Flauius Vopiscus scribit. Senatus enim ad milites Imperat. electionem reiciebat, probè intelligens, non placitum militibus Principem, quem ipsi non elegerant. Cum igitur hæc fuerit apud Rom. legendi Principis ratio, multorum sæculorum consuetudine roborata, quis credat post annos 800. Rom. Senatui, aut populum, quando nullius ferme auctoritatis erat, id fuisse ausurum in electione Principis, quod antea, cum floreret, minimè audebat?

*Prob. non  
donatione  
Græcorum.*

Non accepisse quoque Carolum Magnum Imperium donatione Græcorum, patet duplicatione. Primum enim Historici, tum veteres, quàm recentiores, scribunt, Græcos Imp. cum primum ad eos fama perlata est coronationis Caroli, vehementer commotos, atque indignatos fuisse. Quod sanè argumentum est euident. Deinde ex Historicis constat, agnouisse Græcos Imp. tandem vel inuitos Imperium Caroli, sed non antequam is à Pont. Imperator appellatus est, & Augustali diademate insignitus. Extant Annales Francorum accuratissimi ipso Caroli tempore conscripti. In his anno Domini 798. ponitur prima legatio Irenes Imperatricis ad Carolum nondum Imp. quâ legatione non Imperij communicatio tractata est, sed restitutio captiuorum. Deinde, anno 801. adscribitur Caroli coronatio Romæ facta à Pont. Leone. Tum anno 802. qui fuit vltimus Irenes, narratur alia legatio eiusdem Irenes pro pace inter Græcos, & Francos impetranda. Sed neque in eâ legatione vlla mentio communicationis Imperij facta est. Anno 803. describitur legatio Nicephori Imperat. qui Irenæ successerat, pro impetranda pace: de Imperij communicatione nulla mentio fit. Pacem enim optabant Græci à Rege Francorum potentissimo, sed nondum Carolum Imp. & Augustum salutare dignabantur. Anno 812. qui fuit vltimus Nicephori, commemoratur legatio Michaelis, qui successerat Nicephoro, & tum demum scribit auctor Annalium, à Legatis Græci Imp. Carolum Magnum, cum iam annos 12. imperaret, Imperat. & Augustum salutatum. Denique anno 814. scribit auctor obitum Caroli, quem annis 14. in Imperio fuisse testatur: & proinde non numerat annos Imperij à consensu Græcorum, sed à coronatione, quam Romæ à Leone Pont. suscepit. Consentiant his Annalibus omnes Historici grauiores. Iure autem suo id Pontif. potuisse facere superius demonstrauimus.

*Pontif.  
Rom. Max.*

Hâc ergo potestate ioiada Pont. Athaliam Reginam, tyrannidem in pop. exercentem, à regno amouit, & Ioas Regem constituit. Hâc potestate Gregorius II. Leonem Imp. Iconoclastarum hæresi studentem, atque eam in Italiam inducere molientem, non solum excommunicauit, sed etiam vectigalibus Italix prohibuit. Hâc potestate Pont. Zacharias, Hilderici regnum, quod eius socordia Catholica religio in Gallijs non modicum detrimentum pateretur, in Pipinum, & filios eius transtulit. Hâc potestate Leo III. Pont. Regem Nordthumbrorum regno suo inique pulsum, atque ad se, tanquam omnium Christianorum caput, & Principem fugientem, per Legatos suos in regnum restituit. Hâc denique potestate idem Leo Rom. Imperium à Grecis ad Francos transtulit, quod iam longo vsu didicisset, Græcos aut non posse, aut nolle laboranti Ecclesiæ opem ferre: ac tum maximè id metuendum videretur, cum Imp. Constantino fraude suorum excæcato, femina, quod antea nunquam acciderat. Rom. Imperio præfideret.

Porro diuino consilio eam translationem factam, testantur inprimis victoris, ac triumphii, quos de omnibus suis hostibus Carolus reportauit. Ut enim Deus ostenderet, suum esse illud opus, ita Carolum Magnum pietate, fortitudine, iustitiâ, clementiâ, omnibusque regijs virtutibus ornauit, eiusque Imperium tantis opibus, tanta beneuolentia populorum, tot clarissimis victorijs, tot sacrarum ædium munificentissimis ædificijs nobilitauit, ut post Magnum Constantinum nullus Imp. felicior, nullus Ecclesiæ utilior fuisse videatur. Testatur deinde consensus, & approbatio Orbis terræ. Siquidem Carolo Magno à Leone Pont. Imperatore appellato non modo Rom. pop. latissimis vocibus acclamauit; nec solum vniuersa Italia, Gallia, Germania, Pannonia, totus denique Occidens nouum Imp. gratissimè excepit; sed etiam ab Asiâ, & Africâ, maximorū Regum legationes gratulatoriæ cum muneribus magnis ad Carolum aduenerunt. Inuidiam quoque suscepti nominis Constantinopolitanis Imp. super hoc indignantibus magnâ fuit patientiâ, victique eorum contumaciam magnanimitate, quâ illis procul dubio longè præstantior erat, mittendo ad eos crebras legationes; & in exemplis fratres illos appellando. Ipsi itaque Græci Imp. tametsi aliqui xmulī, & hostes Latinorum, per Legatos Imperium Caroli agnouerunt; eumque Imp. & Augustum salutauerunt. Denique, testantur omnes consequentes ætates: siquidem ab anno Domini 800. quo anno in Germanos Imperium translatum esse constat, omnes omnino Christiani Imperium Rom. apud Germanos esse crediderūt: neque ullus fuit Princeps, aut Rex Christianus, qui Caroli Magni successores, vt veros, legitimosque Imp. non agnouerit, aut qui se eis post habitum agrè tulerit.

Porro, de translatione Imperij à Francis ad Saxones, vt res facilius percipiat, narranda est historia successionis à Carolo Magno vsque ad Othone. Itaque Carolus Magnus à Leone III. Pont. Romæ anno 800. coronatus successorem habuit Ludouicum filium, quē Stephanus IV. aliàs V. Papa Remis in Galliâ coronauit anno 815. Ludouico Lotharius filius successit, quē Paschalis Papa Romæ coronauit anno 822. Lothario successit filius Ludouicus, quē Sergius Papa II. Romæ coronauit anno 844. Ludouico Carolus Caluus successit,

successit, qui huius Ludouici patruus erat, Lotharij scilicet frater, ex Patre Ludouico seniore: Carolum autē Caluum coronauit Romæ Ioannes VIII. anno 874. Carolo Caluo Ludouicus Balbus filius successit apno 877. quem idem Ioannes VII. coronauit. Ludouico Balbo successit Carolus Crassus Ludouici Regis Germaniæ filius, qui Ludouicus Caroli Magni ex Ludouico filio nepos erat. Coronauit eum idem Ioannes VIII. Romæ anno 878. Carolo Crasso Arnulphus successit, quem Papa Formosus coronauit Romæ anno 896. Fuit autem Arnulphus Carolomanni Filius Ludouici Germaniæ Regis nepos. Arnulpho successit filius Ludouicus, Ludouico Chunrardus Arnulphi ex alio Chunrardo nepos. Atque hic series desinit Caroli Magni, & gentis Francorum. Chunrardo successit Henricus I. ex gente Saxonum cognomento Auceps. Nam & si is Henricus nepos erat Arnulphi Imp. ex filia, tamen ex patre non Francus erat, sed Saxo. Porro nullus horum trium coronam Imperialem habuit, vt Historici omnes testantur. Henrico autem filius Otho successit, quem Ioannes Papa XI. Romæ coronauit.

*Quæst.  
Hisp.*

Quæstio igitur est: *Ceperitne Saxonum Imperium in Henrico, an in Othone?* Ego, Imp. primum ex gente Saxonum Othonem Magnum fuisse, eumque à Rom. Pont. Imperium accepisse, nullo negotio demonstrari posse censeo.

*Prob.*

Primum Henricum patrem Othonis Regem tantum, non Imp. fuisse, testis est idem ille Henricus, qui regio nomine contentus, insignia, & appellationes cæteras, nec non vñctionem, & coronationem à Ioanne Pont. X. oblatam, recusauit, vt custos potius Imperij, quam Imp. dici possit. Accedant secundò sequentium Princip. eiusdem nominis testimonia. Nam Henricus, Chunrardus, & tres alij Henrici, qui post Othonem III. imperarunt, in diplomatibus suis ita nomina sua inscribunt, vt nullo modo Chunrardum, & Henricum, qui ante Othonem regnarunt, inter Imp. habuisse videantur. Nō enim se scribunt Chunrardum II. & Henricus 2. 3. 4. sed Chunrardum I. & Henricos 1. 2. 3. 4. quibus etiam numerorum notis distinguunt sepulchra Chunrardi, & posteriorum trium Henricorum, quæ adhuc Spire extant, testis est Onuphrius. De Ludouicis res est manifesta. Nam si Ludouicus Arnulphi Imper. filius, qui corona caruit, Imp. fuerit, necesse est quartus fuerit. Tres enim ante ipsum Ludouici præcesserant; senior, iunior, Balbus; at si quartus est Arnulphi filius, quā ratione Ludouicus Bauarus & se ipse quartum, non quintum, in omnibus suis diplomatibus vocat; & quartus, non quintus, ab omnibus auctoribus appellatur. Accedant testimonia etiam veterum, grauiſſimorumque historicorum.



149

# DE ECCLESIA

## MILITANTE

### LIBER QVARTVS

#### CAPVT I.

De nomine Concilij, origine, &  
partitione.



**A**CTENVS de capite militantis Ecclesie, nunc de ipsa Ecclesia differendum erit. Quia verò Ecclesia bifariam considerari potest, vt in Concilijs congregata cernitur, & vt toto orbe terrarum diffusa est: propterea nos quoque primum de Concilijs, tum de ipsa Ecclesia disputabimus.

Porro Concilij nomine idem significatur in Ecclesia, *Concilij origo.* quod nomine comitiorum in regnis. Nam sicut, cum oritur controuersia in Rep. conueniunt in vnum Principes Regni, vel Magistratus, ac statuunt, quid factò opus sit: ita in Ecclesia, cum oritur controuersia aliqua de religione, conueniunt Præsules Ecclesiarum, & simul collatis sententijs statuunt, quod bonum videtur.

Ita actum videmus in Act. vbi primum cæperunt Concilia Christiana celebrari, ac deinceps singulis ætatibus. Hanc autem originem Conciliorum probabile est esse diuinam. AB. 15.

Nam Concilium Chalcedonense VI. Synodus, Celestinus Papa, & Tolletanum IIII. Concilium non procul ab initio docent, Concilia esse demonstrata à Christo illis verbis: *Vbi fuerint duo, vel tres congregati in nomine meo, illic ego sum in medio illorum sum.* Matth. 18.

Deinde; Credibile est, Apostolos, qui pleni erant Spiritu sancto, non, nisi ipso Spiritu sancto admonente, primum Concilium congregasse. Vnde etiam dicunt: *Visum est Spiritui sancto, & nobis.* Præterea; Et si ratio naturalis dicet, vt in rebus dubijs princeps consulat homines peritos; tamen vt soli Episcopi conuocentur, & ij non sint Conciliarij, sed iudices, non videtur solius humane rationis inuentum. Denique; Certum est Conciliorum celebrationem, quæ omnibus sæculis in Ecclesia fuit, de Apostolica traditione descendere; Apostolicas verò traditiones ego quidem humana inuenta appellare non auderem. AB. 15.

T 3      Nomen

*Nomen Concilij.*

Nomen Latinum Concilij inuenitur, passim in Testamento veteri & nouo, pro congregationibus Iudæorum: sed Græcum nomen, id est, *συνόδος*, non inuenitur in Script. Vbi enim Latine legimus, Concilium, in Græco textu vbique est, *συνήγορος*, vel *συναγωγή*. Inuenitur autem nomen Synodi primum in canonibus Apostolorum, vbi iubentur Episcopi singulis annis, bis celebrare Concilia.

*Diuisio I. Conciliorum.*

Sunt autem Conciliorum quatuor genera. Quædam enim sunt generalia, quædam nationalia, quædam prouincialia, quædam diocesana.

*Generalia.*

*Generalia* dicuntur ea, quibus interesse possunt, & debent Episcopi totius orbis, nisi legitime impediuntur; & quibus nemo rectè præsidet, nisi summus Pont. aut alius eius nomine. Inde enim dicuntur Oecumenica, id est, Orbis terræ Concilia.

*Nationalia.*

*Nationalia* dicuntur, in quibus conueniunt Archiepiscopi, & Episcopi vnus regni, vel nationis, quibus præest aliquis Patriarcha, vel Primas. Qualia sunt multa Concilia Romana, Toletana, & Africana. Ea autem, licet sint reuera distincta à generalibus, & prouincialibus, tamen vtrorumque nominibus interdum appellantur.

*Prouincialia.*

*Prouincialia* dicuntur, in quibus conueniunt tantum Episcopi vnus prouincie, quibus præest Archiepiscopus, siue Metropolitanus. Et huius generis sunt plurima in totis Conciliorum.

*Diocesana.*

*Diocesana* sunt, in quibus conueniunt tantum Presbyteri vnus Episcopatus, & ijs Episcopus præest. Cuius generis paucissima extra. nec immerito, nam vix dici possunt Concilia, cum in eis ordinari nullus sit, qui iurisdictionem habeat, præter vnum Episcopum, qui præest.

*Diuisio 2.*

Alterâ est particio Conciliorum. Quædam enim sunt ab Apostolica sede approbata, atque ab Ecclesiâ vniuersâ recepta. Talia sunt decem, & octo. Vt

- |                             |                      |
|-----------------------------|----------------------|
| 1. Nicænum. I.              | 10. Lateranense II.  |
| 2. Constantinopolitanum. I. | 11. Lateranense III. |
| 3. Ephesinum. I.            | 12. Lateranense IV.  |
| 4. Chalcedonense            | 13. Lugdunense I.    |
| 5. Constantinop. II.        | 14. Lugdunense II.   |
| 6. Constantinop. III.       | 15. Viennense.       |
| 7. Nicænum II.              | 16. Constantinum.    |
| 8. Constantinopolit. IV.    | 17. Lateranense V.   |
| 9. Lateranense I.           | 18. Tridentinum.     |

Quædam sunt omnino reprobata, & sunt octo.

- |                  |   |
|------------------|---|
| 1. Antiochenum.  | 5. Constantinopolitanum sub Leone Isauro. |
| 2. Mediolanense. | 6. Constant. sub Constantino Copronimo.   |
| 3. Ariminense.   | 7. Pisanum.                               |
| 4. Ephesinum II. | 8. VVitterbergense.                       |

Quædam sunt, partim confirmata, partim reprobata; & sunt sex.

- |                 |                     |
|-----------------|---------------------|
| 1. Sardicense.  | 4. Francofordiense. |
| 2. Syrmienense. | 5. Constantiense.   |
| 3. Quinisextum. | 6. Basileense.      |

Quædam:

Quædam nec manifestè approbata, nec manifestè reprobata: vt Pisanum: licet hoc membrum in Concilij particularibus potissimum locum habeat.

Ex approbatis Primum est Nicænum, quod quidem celebratum est ab anno Domini CCC. XXVII. vsque ad annum CCC. XXX. qui fuit annus XV. Siluestri Papæ, & XX. Constantini Imp. *Concilium 1. approbatum.* Conuenerunt Episc. CCC. XVIII. è quibus erant Patriarchæ, Alexander Alexandrinus, Eustathius Antiochenus, Macarius Hierosolymitanus, & Metrophanes Cōstantinopolitanus, quamuis hi duo postremi non erant eò tempore Patriarchæ, sed diu postea eam dignitatem adepti sunt. Quidam etiam Metrophanem non per se, sed per Legatum Alexandrum, qui postea ei successit in Episcopatu, adfuisse volunt. Ac duz potissimum controuersiz definitz sunt: Vna de die Paschatis. Altera de diuinitate Christi aduersus hæresin Arianorum, ipsò Ariò principe hæreses post annos decem in latinis, dum alium purgaret, fædè defunctò.

Secunda est Synodus Constantinopolitanà, quæ celebrata est aduersus Macedonium negantem Spiritus sancti diuinitatē, Theodosiō seniore Imp. ac Damasò summò Pont. Conuenerunt Episc. ex diuersis prouincijs C. L. è quibus Patriarchæ fuerunt Nectarius Constant. Timotheus Alexandrinus Miletius Antiochenus & Cyrillus Hierosolymitanus. Tēpus Synodi huius incidit teste Prosperò, in annum Domini CCC. LXXXIII. vel in annum sequentem, vt vult Socrates; aut, iuxta Onuphrium, in annum CCC. L. XXXI.

Tertia Synodus est Ephesina 1. quæ coacta est à Theodosiō iuniore Imp. & Cælestinò I. summò Pontifice. Conuenerunt Episc. CC. ex quibus Patriarchæ fuerunt Cyrillus Alexandrinus, qui locum etiam Rom. Pontificis obtinebat; Ioannes Antiochenus, & Iuuenalis Hierosolymit. Quamquā Ioannes, quia se adhuc in itinere constitutò Concilij decretum factum fuerat, initio dissentire separata à Cyrillo; postea tamen reconciliati sunt, atque idem senserunt. Causa fuit Nestorij Constantinop. Episc. noua hæresis, quæ Christum in duas personas diuidebat. Celebrata fuit anno Domini CCCC. XXXIV.

Quarta Synodus est Chalcedonenfis, quæ collecta est aduersus hæresin Eutychetis Archimandritæ, quæ vnā tantum in Christo naturam asserbat post incarnationem. Acta verò est hæc Synodus Leone I. Pont. Max. & Martino Augusto, consularu eiusdem Martiani, qui incidit in annum Christi CCCC. LIV. iuxta computum Matth. Palmerij, & Gregorij Holoandri, vel CD. LII. iuxta Marianum Scotum, & Sigebertum, vel CD. LI. iuxta Onuphrium Episc. adfuerunt DC. XXX. ex quibus Patriarchæ erant Dioscorus Alexand. qui tamen mox eiectus est; Maximus Antiochenus, Anatholius Constant. & Iuuenalis Hierosolymit.

Quinta Synodus vera apud Constantinopolim acta est summo Pont. Vigilio, & Iustiniano seniore Imp. anno XII. post consularu Basilij, qui est Dominicz incarnationis D. LIII. vel D. LVI. iuxta Psellū. cōuenerunt Episc. C. LXV. è quibus erant Patriarchæ Eutychius Constantinop. Apollinaris Alexan. Dominus Antiochenus, & Eustochius Hierosolym. qui tamen non per

per se, sed per legatos interfuit. Causa congregandi Concilij fuit Origenis hæresis, quæ tunc inualefcebat. Itaque damnatus est Origenes, & simul Didymus, & Euagrius eius sectatores: nec non Theodori Mopsuesteni, & Theodreti Cirenensis scripta, & epistola, quæ dicebatur Ibazad Marim Persam.

6. Sexta Synodus celebrata est apud Constantinopolim anno X I I. Constantini I V. qui erat annus Domini D. C. L X X X I. vel D. C. L X X X V. iuxta Pfellum. Conuenerunt Episc. C C. L X X X I X. Patriarchæ fuerunt duo, Georgius Constantinop. & Macharius Antiochenus. Nam Alexandrinæ, & Hierosolymitanæ Ecclesiarum solum legati quidam adfuerunt. Summus quoque Pont. Agatho per legatos suos interfuit, & præfedit. In eâ Synodo damnata est hæresis eorum, qui vnâ tantum in Christo voluntatem esse volebant.

7. Septima Synodus congregata est apud Nicæam anno V I I I. Constantini, & Irenæ. Fuit is annus Christi D. C. L X X X I. si Paulo Diacono credimus, vel D. C. C. L X X X V I. si credimus Cedreno. Conuenerunt Episc. C C C. L. è quibus Patriarcha vnus fuit Tharasius Constantinop. ceterorum Patriarcharum solum legati adfuerunt. Adrianus Papa per legatos suos præfedit, ac vna cum reliqua Synodo eos damnauit, qui sacras Christi, & Sacerdotum imagines omni honore spoliabant.

8. Octaua Synodus est Concilium I V. Constantinop. quod celebratum est Adriano I I. summo Pontif. & Basilio Augusto, anno tertio eiusdem Basilij, qui annus erat Domini D. C C C. L X X. Conuenerunt Episcopi C C C. L X X X I I I. è quibus vnus Patriarcha Photius, ac deinde Ignatius Constantinopolitanus; ceteri per legatos adfuerunt. Est autem obseruandum, tres Synodos in causa Photij Constantinopoli celebratas. Vna, tempore Nicolai I. Pont. & Michaëlis Imp. in qua fuit Ignatius depositus, & ordinatus Photius. Nec est dubium, hanc Synodum fuisse prophanam. Altera est ea, quam nos diximus octauam, quæ extat, quamuis imperfecta, in tomis Conciliorum, in qua deposito Photio, iterum restitutus est Ignatius. Tertia est, quæ tempore Basilij Imp. per suos legatos celebravit Ioannes V I I. Adriani successor: in quâ, defuncto iam Ignatio, iterum restitutus est Photius. Atque hæc tenus de Concilijs Orientalibus. Nunc ad Occidentalia veniamus.

9. Nonum Concilium est Lateranense I. Episcoporum D. C C C. & amplius, anno M. C. X X I I. contra Saracenos, pro recuperandâ terrâ sanctâ, tempore Calixti I I. & Henrici V. Imp.

10. Decimum est Lateranense I I. Episcoporum mille, anno M. C. X X X I X. contra Antipapas, & pro iure Cleri, tempore Innocentij I I. & Lotharij Imp.

11. Vndecimum est Lateranense I I I. Episcoporum ferè C C C. pro reformatione Ecclesiæ, & contra VValdenses anno M. C. L X X X. tempore Alexandri I I I. & Frederici I. Imp.

12. Duodecimum est Lateranense I V. Patrum M. C C. L X X X I I I. ex quibus etiam erant Episcopi C D. L X X I I. anno M. C C. X V. contra varias hæreses, & pro terrâ sanctâ, tempore Innocentij I I I. & Frederici I I I.

Deci-

Decimumtertium est Lugdunense I. anno M. CC. XLV. contra Imper. 13.  
Fredericum, & pro Terrâ sanctâ, tempore Innocentij IV. & Frederici II.  
Extant huius Concilij aliqua decreta in 6. Decretalium.

Decimumquartum est Lugdunense II. Patrum ferè mille, ex quibus E- 14.  
piscopierant DCC. LXXIV. contra errorem Græcorum, tempore Gre-  
gorij X. & Rodulphi Imp. Extant ex hoc Concilio quædam in 6. Decre-  
taliū.

Decimumquintum est Viennense, Episcoporum CCC. anno M. CCC. 15.  
XI. contra varias hæreses, tempore Clementis V. & Henrici Imp. VII.  
Extant ex hoc Concilio decreta, quæ dicuntur Clementinæ.

Decimumsextum est Florentinum (omitto Pisani, Constantiense, & 16.  
Basileense, de quibus postea) anno M. CD. XLIX. Patrum C. XLI. qui  
subscripterunt, & multorum aliorum, qui ante subscriptionem discesserant,  
vbi in fine Concilij annotatur, tempore Eugenij IV. & Alberti Imp. contra  
errores Græcorum.

Decimumseptimum est Lateranense V. Patrum C. XIV. contra scisma- 17.  
ta, & pro varijs negotijs, tempore Iulij II. & Leonis X. & Maximiliani  
Imp. Cæpit anno M. D. X. I. finem habuit anno XVI. I.

Decimumoctatum est Tridentinum anno M. D. XLV. inchoatum: anno 18.  
LXIII. finitum, contra hæreses Lutheranorum, tempore Pauli III. Iulij  
III. ac Pij IV. & Caroli V. ac Ferdinandi Imp. Numerus Patrum his ver-  
bis describitur à Gaspare Villapandxo, disp. 5. de Concilio Tridentino.  
*Assunt, inquit, sex Cardinales, quatuor Legati, Patriarchæ tres, Archiepiscopi triginta  
duo, Episcopi ducenti, viginti octo, Abbates quinque, Generales Ordinum ministri septem,  
Episcoporum procuratores plurimi.*

Ex his Concilijs nullum est, quod non sit à Pontif. probatum, & à Catho-  
licis recipiatur. Nam de primis octo Concilijs patet ex decreto. De nouem  
sequentibus Concilijs, ex eo patet esse probata, quòd in eis præfuerit summus  
Pontif. De ultimo patet ex confirmatione Pij IV. At Græci tantum  
recipiunt prima septem Concilia. Lutherani autem tantum recipiunt prima  
sex. Eutychiani, qui adhuc inueniuntur in Asia, tantum recipiunt prima  
tria. Nestoriani, qui etiam in Oriente reliqui sunt, tantum recipiunt prima  
duo: Trinitarij, qui in Hungaria, & Polonia nunc versantur, nullum reci-  
piunt.

Primum generale opinione Arianorum, reprobatum, est Concilium An-  
tiochenum, anno CCC. XI. V. in anno V. Constantij: in quo damnatus est  
Athanasius, & via patefacta ad euerisionem Concilij Nicæni I.

Secundum est Mediolanense, Episcoporum plusquam CCC. anno CCC. 2.  
LI. V. tempore eiusdem Constantij; in quo etiam obliquè fides Catholica  
damnata est.

Tertium generale est Ariminense, Episcoporum DC. sub eodem Constan- 3.  
tio, anno CCC. LXIII. in quo sublatum est de Symbolo nomen *ιουδαισας*.  
Huius Concilij fuit quasi pars quædam Seleuciense in Oriente.

Quartum est Ephesinum II. tempore Theodosij iunioris, anno CCC. 4.  
XLI. X. in quo, factione Dioscori, occisus est S. Flavianus Episc. Con-  
stanti-

Dist. 16.  
cap. Sancta  
oïa.

Concilium  
I. reprobatum.

stantinop. & Legati Pont. Rom. Leonis fugati, ac demum heresis Eutychiana confirmata. Reprobata est hæc Synodus à Leone in epist. ad Clerum, & populum Constantinop. & alij.

5. Quintum est Concilium Constantinop. sub Leone Isauro contra sacras imagines, anno D. CC. XXX. qui fuit decimustertius Imperij eiusdem. Reprobatum est, quia non interfuit vllus Patriarcha, excepto S. Germano, qui tamen non consensit, & ideo à suâ sede Constantinop. deiectus est.
6. Sextum est Concilium Constantinop. sub Constantino Copronymo, anno D. CC. LV. Conuenerunt autem Episcopi CCC. XXXVIII. sed nullus adfuit Patriarcharum, excepto Pseudoepiscopo Constantinop. Definitum est in Concilio, abolendas esse christi, & Sanctorum imagines. Reprobatum est hoc Concilium in VII. Synodo.

*Actio.* 6. Septimum est Concilium pisanum, anno 1511. congregatum ab Imp. & Rege Galliz, & aliquot Cardinalibus contra Iulium II. & reprobatum post in Concilio Lateran. sub Iulio 2.

*Seff. 2. & 3.* Octauum potest numerari Concilium VVitembergenſe, quod Lutherani Generale vocant, CCC. Pastorum, Præsidente Luthero, anno M. D. XXXVI. Primum Concilium generale, partim confirmatum, partim reprobatum, est Sardicenfè Concilium, Episcoporum CCC. LXXXVI. anno Domini CCC. LI. tempore Constantij, & Iulij I. ex quibus CCC. Episcopi Occidentales fidem Catholicam confirmarunt, quam exponit Hilarius I. de Synodis; reliqui LXXVI. Episcopi Orientales fidem Arianam scripserunt.

Secundum est Concilium Syrmienſe, quod celebratum est annis quinque post Sardicenfè, Liberio, summo Pont. & Constantio Imp. In hoc enim Concilio dux formulæ fidei dissentientes inter se, editæ sunt. Vnam composuit Gracæ Marcus Arethusius, qui postea sub Iuliano illustre martyrium pertulit: quæ quidem eadem esse videtur, quam Hilarius, in l. de Synodis propè extremum, vt Catholicam explicat. Alteram composuerunt alij Latine, plenam aperta blasphemia, quam Hilarius reprehendit, in l. de Synodis, non procul ab initio. In eodem etiam Concilio Photini heresis damnata est, quam damnationem omnes Ecclesiæ probauerunt.

*Act. 4.* 3. Tertium est Concilium Quinisextum, in quo continentur canones Trullani. Sciendum est enim ex Tharasio disputante in VII. Synodo, VI. Synodum, quæ tempore Constantini I. V. celebrata est, nullos canones edidisse, sed post annos aliquot, tempore Iustiniani, Episcopos rediisse Constantinopolim, & in Palatio, quod dicitur Trullum CII. canones edidisse, qui dicuntur Trullani, & à Balsamone vocatur Concilium Quinisextum, quia nō est hæc Synodus V. nec VI. sed canones addidit V. & VI. Synodo.

Quo tempore hæc Synodus habita sit, non est æquè certum. Nam Theophanes, quidam historicus, docet celebratam hanc Synodum anno XXVII. à veræ sextæ Synodi dissolutione, nimirum anno II. Imperij Iustiniani instaurati. At Tharasius in VI. Synodo act. 4. & Epiphanius in eadē Synodo, act. 6. tom. 1. dicunt, post quinque annos à dissolutione Concilij hos canones editos: quod certè probabilius mihi videtur. Nam alioqui non video, quæ fuerit illa erratica Synodus Constantinop. à Iustiniano habita, tempore Sergij Pa-

62. & quam idem Papa reprobauit. Nam anno XVII. à dissolutione Concilij VI. non sedebat Sergius Papa, sed Constantinus Papa: & certè Beda, & Tharasis antiquiores Theophane sunt. Hos igitur canones dicimus partim reprobatos, quia non interfuit summus Pont. nec per se, nec per Legatos, dum isti canones fierent; & apertè Sergius Papa reprobauit erraticam istam Synodum: partim autem approbatos, quia etsi canones illi ex se nullā vim habeant, tamen aliqui postea probati sunt à Pont. aut alijs legitimis Concilijs: qualis est canon LXXXII. de pingendis imaginibus receptus ab Adriano Papā, & VII. Synodo, act. 2. & 4.

Quartum est Concilium Francofordiense, quod celebratū est anno DCC. 4. XCIV. Adriano I. Pont. & Carolo Magno Rege Francorum: quod Concilium ab Adriano confirmatum fuit, quantum ad eam partem, in qua definitur Christum non esse Filium Dei adoptiuum: & ab eodem reprobatur, quantum ad alteram partem, in qua ex errore damnatur VII. Synodus.

Quintum est Concilium Constantiense, patrum fere mille, ex quibus Episcopi amplius CCC. anno M. CD. XIV. inchoatū sub Ioanne XXIII. & anno XVIII. Finitū sub Martino V. & Sigismundo Imp. hoc Concilium, quantum ad primas sessiones, ubi definit Concilium esse supra Papam, reprobaturum est in Concilio Florent. & Lateranensi: vltimo: quantum ad vltimas sessiones, & ea omnia, quæ probauit Martinus V. ab omnibus Catholicis recipitur.

Sextum est Concilium Basileense, inchoatum anno M. CD. XXXI. & continuatum Basileæ, ac deinde Lausannæ, vsque ad annum XLIX. quo tempore cecidit Nicolao V. Pont. tam Concilium, quam Papa Felix V. in scismate ab ipso Concilio creatus. Huius Concilij nihil est ratum, & probatum, nisi quædam dispositiones circa beneficia, quæ à Concilio factæ fuerant, quas (pacis, & vnitaris gratia) Nicolaus V. approbavit: Concilium verò ipsum reprobatur in Concilio Lateranensi vltimo.

Generale Concilium nec approbatum, nec reprobaturum, videtur esse Concilium Pisanum, quod anno M. CD. IX. deposuit Gregorium XII. & Benedictum XIII. & elegit Alexandrum V. siquidem Antoninus asserit, concilium illegittimum, non verum Ecclesiæ Concilium fuisse. Et euentus idem ostendisse videtur: coactum enim fuit ad scisma tollendum, & tamen illud non sustulit, sed auxit. Si autem sine dubio fuisset reprobaturum, etiam sine dubio Alexander VI. se non sextum, sed quintum appellasset. Adde, quod est fere communis opinio, Alexandrum, & qui ei successit, Ioannem fuisse veros Pontifices. Ac certè ex tribus, qui se tum pro Pontificibus gerebant, isti maxime, vt veri Pontifices, colebantur.

Self. 11.  
Concilium  
nec approbatum,  
nec reprobaturum.  
p. 3. tit. 2. 2.  
c. 6. 2. c. 3.  
summa huius  
flos.

## CAPVT SECVNDVM.

De caussa finali, efficiente, materiali,  
& formali Conci-  
liorum.

1. *Caussa  
finalis.*

**C**AUSSAE finales praecipue, ob quas Concilia celebrantur, sex numerari solent.

Prima est haeresis noua, id est, nunquam antea iudicata. Ob quam coacta sunt prima septem generalia Concilia. Semper enim Ecclesia tanti fecit periculum nouarum haeresum, vt non putauerit aliter posse resisti, quam si omnes, aut certe per multi principes Ecclesiarum coniuuctis viribus, & quasi agmine facto irruerent in hostes fidei.

2. *Caussa.*

Secunda est, scisma inter Rom. Pontif. Hanc enim de caussa celebratum est Concilium tempore Cornelij. Item aliud tempore Damasi, & rursus alia temporibus Symmachi, Innocent. 11. & Alexandri 111. & Pisanum, atque Constantiense temporibus Gregorij x 11. & Benedicti x 111. Nullum enim est potentius remedium Concilio, vt saepe probatum est.

3. *Caussa.*

Tertia est, resistentia communi hosti totius Ecclesiae. Hoc modo coacta sunt Concilia ab Vrbanò 11. Calixto 11. Eugenio 111. alijsque Pontif. pro bello contra Saracenos..

Item, ad deponendum Imperatorem celebrata sunt Concilia à Gregorio 111. contra Leonem 111. Iconomachum; à Gregorio VII. contra Henricum 1 V. ab Innocent. 1 V. contra Fredericum 11.

4. *Caussa.*

Quarta caussa est, suspicio haeresis in Rom. Pontifice, si forte accideret, vel etiam tyrannis incorrigibilis: tunc enim deberet congregari generale Concilium, vel ad deponendum Pontif. si inueniretur haereticus; vel certe ad admonendum, si in moribus videretur incorrigibilis. Ob istam causam legimus celebratum Concilium Sinuessanum in caussa S. Marcellini, & Rom. Concilia in caussa Damasi, Sixti 111. & Symmachi, & Leonis 3. & 4. quorum nullus à Concilio damnatus fuit; sed Marcellinus sibi ipse coram Concilio poenitentiam iniunxit; reliqui se purgauerunt..

5. *Caussa.*

Quinta caussa est, dubitatio de electione Rom. Pontificis. Si enim Cardinales non possent, aut non vellent Pontif. creare, aut certe omnes simul perirent, aut aliunde fieret verè dubium, ad quos pertineret eiusmodi electio, ad Concilium generale spectaret decernere de electione futuri Pont. quanquam non est verisimile, id aliquando euenturum.

6. *Caussa.*

Sexta est reformatio generalis abusu, & vitiorum, quae in Ecclesiam irrepunt: tametsi enim solus Pontif. potest leges toti Ecclesiae praescribere, tamen longè suauius res agit, cum approbante Concilio generali summus Pont.



Pont. eiusmodi leges præscribit. Hinc videmus, omnia ferè generalia Concilia canones edidisse de reformatione.

Ex his causis facile erit iudicare; *Suntne modò vitia, an etiam plaxè necessaria Concilia ad Ecclesiæ conseruationem?* Et quidem de generalibus Concilijs ita statuo, eiusmodi Conciliorum conuocationes vtilissimas, & suo quodam modo necessarias; non tamen absolute, & simpliciter necessarias esse. Id, quod mihi facile persuadeo. Primum ex eo, quòd primis trecentis annis caruit Ecclesia Concilijs generalibus, nec tamen periit. Quemadmodum enim annis illis 300. Ecclesia sine Concilijs generalibus incolumis mansit, sic etiam potuisset sine dubio alijs 300. & rursum alijs D C. atque alijs millis permanere: nam non defuerunt illo etiam tempore multæ hereses, multa scismata, multa vitia, atque abusus, quæ tamen omnia Ecclesiam Catholicam opprimere non potuerunt.

Denique, Accedit etiam illud, quòd nulla ex enumeratis causis generale Concilium absolute necessarium esse conuincit. Nam primum emendatio vitiorum, & abusus, (vt à postrema causa incipiamus) fieri potest satis commode, tum per leges summi Pontif. tum per Conciliorum provincialium decreta; licet id suauius fiat per Concilia, vt diximus, generalia. Illa autem causa de electione summi Pontif. fieri non potest, si moraliter, non metaphysicè loquamur, vt vnquam vsu veniat. Quis enim credat, futurum aliquando, vt Cardinales, aut non velint, aut non possint creare Pontificem? Quòd si etiam id accideret, vix dubium esse posset, ad quos pertineret electio. Nam cum Rom. Episcopatus euectus sit ad summum Ecclesiæ Pontificatum, eorū sine dubio est summum Pont. eligere, quorum est Rom. Episcopum eligere. Quorum autem sit Rom. Episcopum eligere, non magis dubium esse posset, remotis Pontif. constitutionibus, quàm ad quos pertineat aliarum ciuitatum Episcopos eligere. Illud constat, propter eiusmodi causam nullum hactenus Concilium generale conuocatum esse. Quòd idem de quartà causa dici potest. Nam propter suspiciones de doctrinâ, & vitâ Pont. nunquam conuenerunt, nisi provincialia, aut nationalia Concilia. Nec sanè videtur maiori Concilio opus esse: nam, dum est verè Pontif. non potest ab illo Concilio iudicari; nisi fortè tribuat ipse Concilio potestatem examinandi causam suam, & sententiam discretiuam, non tamen coactiuam, ferendi. Hanc autem potestatem potest æquè Papa tribuere Concilio particulari, atq. vniuersali.

Iam verò tertia causa non exigit necessario generale Concilium duplici nomine. Primum, quia non est absolute necessarium, vt communi hosti, qualis est Turca, resistatur. Si enim Ecclesia conseruari potuit sub immanissimis persecutionibus Neronis, Domitiani, Decij, Diocletiani, cur non posset etiam sub persecutione Turcarum? Deinde, quis non videt, etiam sine generali Concilio posse bellum indici communi hosti, quemadmodum sæpe factum est?

Denique; Nec primam, nec secundam causam necessario postulare generalis Concilij conuocationem, testantur præterita tempora. Nam, si ad extinguendas septem hereses celebrata sint septem Concilia generalia, plusquam centum hereses extinctæ sunt à sola Apostolicâ sede, cooperantibus Concilijs.

particularibus: & si vnum scisma sublatum est per generale Concilium Constantinense, scismata supra quinque, & vinginti sine Concilio generali sublata sunt.

*Necessitas  
Conciliorum.  
Matth. 18.  
1. Cor. 11.*

Quamuis autem generalia Concilia non sint absolute necessaria, tamen Concilia aliqua, siue generalia, siue particularia sint, omnino necessaria esse ad bonam Ecclesie administrationem, vix in questionem aduocari posse dubito. Nam si *neceſſe eſt, vt veniant ſcandala*, vt ait Dominus, & oportet *hærefes eſſe*, vt Apoſtolus ait, certè necesse est etiam, vt in Ecclesia sit certum aliquod iudicium, quo & scandala tolli, & hærefes damnari possint: alioqui breui tempore Ecclesia vniuersa in partes scinderetur, & periret, nam *omne regnum in ſeipſum diuiſum deſolabitur*.

*Matth. 12.*

Et si verò summus Pont. iudex est, vice Christi, omnium controuersiarum, eique obtemperare debet fraternitas vniuersa; tamen non debet Pont. in controuersijs fidei diuidicandis, aut solo suo iudicio fidere, aut expectare diuinam reuelationem: sed adhibere diligentiam, quantam res tanta postulat, & ordinaria media, & tum demum expectare aſſiſtentiam Spiritus sancti, & directionem diuinam. Porro medium ordinarium, ac proinde necessarium, esse Concilium, magnum, aut paruum, vnum, vel plura, prout ipse indicauerit, facile probari potest.

*Matth. 18.  
In epiſt. ad  
Leonem.*

Primum, ex diuinâ illâ promissione: *Vbi fuerint duo, vel tres congregati in nomine meo, illic ſum in medio eorum*. Hunc enim locum de Concilij intelligit Synodus Chalcedonenſis, & alix Synodi.

*Ad. 15.*

Secundò, ex facto Apoſtolorum, qui, cum poſſent etiam ſeorſum ſinguli deſinire controuerſias; tamen ne viderentur negligere medium ordinarium, & à Christo ipſo demonſtratum, nò ſine Concilio controuerſia de legalibus Antiochix exortam deſinire voluerunt.

Tertiò, ex conſuetudine totius Ecclesie, atque omnium ſeculorū. Semper enim fuit in Eccleſiâ iſta conſuetudo, vt ad res dubias explicandas Concilia Episcoporum haberentur. Et ipſi etiam Rom. Pont. nullam vnquam hærefin nouam ſine nouo Concilio damnauerunt. Quod autem ſemper, & ab omnibus factum eſt, quis negare audebit, ordinarium dici poſſe, & reuerà eſſe? Accedat Confirmatio ex Patribus.

*In præſatio  
me.*

Denique, Concilium Toletanum XI. multis verbis demonſtrat, Conciliorum in Eccleſiâ neceſſitatem.

*Efficiens  
cauſſa Con  
ciliorum.*

De cauſſa efficiente conuenit inter nos, & aduerſarios, Concilia Diœceſana ab Episcopo, Prouincialia ab Archiepiscopo, Nationalia à Patriarcha, vel primatè conuocari debere. At de Concilio generali maxima controuerſia eſt: verumtamen Catholici munus conuocandi Concilia generalia ad Rom. Pontificem propriè pertinere volunt; ſic tamen, vt poſſit etiam alius, Pont. conſeſcente, Concilium indicare, quin etiam ſatis ſit, ſi indiſtinctionem factam ipſa poſteà ratam habeat, & confirmet: at, ſi nec ipſe indicat Concilium, nec aliquis alius de eius mandato, vel conſenſu, nec ipſe ſaltem approbat indiſtinctionem, illud non Concilium, ſed conciliabulum fore.

*Prob. 1. P. vi.  
eſſe congrua.*

Elle autem reuerà Pont. non Imperatoris, congregare Synodum generalem

lem, primò demonstrari potest ex diuinis litteris: nam Concilium Ecclesiæ non est legitimum, nisi congregetur in nomine Christi: congregari autem in nomine Christi, nihil videtur esse aliud, quàm cōgregari auctoritate Christi; hoc est, ab eo, qui à Christo habeat congregandi auctoritatem. Nam in Script. illud, *In nomine*, vbique ferè accipitur pro eo, quod est ex auctoritate: *In nomine meo dæmonia eicient.* Et: *Ego veni in nomine patris mei.* Et: *Nonne in nomine tuo prophetauimus?* Et: *In qua virtute, aut in quo nomine hoc secistis?* *Mar. ulto.*  
*Matth. 18.*  
*Matth. 7.*  
*Act. 4.*  
*Prob. 1.*

Secundò Concilium generale ab eo indici debet ex auctoritate, qui potest omnes cogere: at nullus vnquam Imp. totam Ecclesiam subiectam habuit, etiam quoad actiones ciuiles, vt eam habet Pont. quoad actiones spirituales. Nam Imp. latissimè dominabantur tempore B. Leonis, & B. Prosperi, & tamen tunc maior erat orbis Christianus subiectus Papæ, quam orbis Rom. subiectus Imperatori. Nunc autem Imp. vix vnus prouinciæ Episcopos ad Concilium cogere posset: nec enim Itali, Hispani, Galli Imperatori subijciuntur, sed habent suos proprios Reges, vel Principes temporales. Quid si nullus esset Imp. immò etiam nullus Princeps Christianus, num idèò Concilia fieri non possent?

Tertiò; Concilia prouincialia indicuntur à Metropolitano, & nationalia à Primatè, vel Patriarchâ: igitur Concilia generalia non ab Imp. sed à summo Pont. indicenda sunt. Nam, si Imp. indicere deberet generalia Concilia, deberet Rex, aut Dux, aut Magistratus ciuilis indicere Concilia prouincialia, vel nationalia. Vt enim se habet Imp. orbis terrarum ad Concilium generale, ita se habet Rex, aut Dux vnus prouinciæ ad Concilium illius prouinciæ, vel nationis. *Prob. 3.*

Quartò prob. ex illo antiquissimo canone, quo statuitur, præter sententiam Rom. Pontificis non posse Concilia celebrari: hinc sequitur eius potissimum esse illa conuocare. *Prob. 4.*

Quintò prob. ex Concilio Chalcedonensi, vbi Dioscorus Alexandrinus iubetur non sedere inter Episcopos, ed, quòd Synodum facere ausus fuisset sine auctoritate Apostolicæ sedis: Quod, inquit, nunquam licuit, nunquam factum est. Simile quid habemus in Concilio V I I. generali, vbi irritum iudicatum est Concilium quoddam Constantinopolitanum, quia cōsensu Rom. Pontificis coactum fuisset ab Imp. *Prob. 5.*  
*Act. 1.*  
*Act. 60.*

Sextò prob. ex Concilio Rom. I V. sub Symmacho, in quo, cùm Rex Theodoricus diceret, se Synodum conuocasse, vt iudicaretur causa Symmachi Papæ; responderunt Episcopi omnes, à Papa, non à Rege debuisse vocari Synodum, etiam si Papa accusaretur Rex verò ait se ex voluntate, & cōsensu Pont. Synodum conuocasse; Episcopi verò non prius acq̃uieuerunt, quàm Rex litteras Pont. adferret, & Pont. ipse præsens testaretur, ita esse. *Prob. 6.*

Septimò probari posset testimonio antiquorum Pont. & Valentiniani Imp. qui cùm ab Episc. rogaretur vt permitteret eis Concilium celebrare, respondit, vt refert Sozomenus: *Mihi, qui sum in sorte plebis, fas non est, talia cu- riosius persequari; sacerdotes quibus ista cura sunt, quocumque voluerint loco, cōueniant.* Accedunt multi canones. *Prob. 7.*  
*L. 6 c. 70.*

Tria.

*Dubia tria.*

Tria nunc Catholicorum dubia sunt. Vnum; An non liceat Concilium indicere ab alio, quàm à Papâ, quando sit necessarium Ecclesiæ, & tamen Papa nolit illud indicere? Alterum; An non liceat Concilium indicere ab alio, quàm à Papâ, quando Papa non debeat illud indicere, eò, quòd sit hæreticus, vel scismaticus? Tertium: An non liceat Concilium indicere ab alio, quàm à Papâ, quando Papa non possit illud indicere, eò, quòd esset captiuus apud infideles, vel mortuus, vel infans effectus, aut renunciaisset?

*Resp. ad 1. l.  
3. p. 8.*

Ad primum responderet Joannes à Turrecrematâ, vix esse possibile eum casum; non enim credibile est, vllum Pont. fore tam malum, qui non velit Concilium celebrari, si aperte constet, id esse necessarium Ecclesiæ conseruationi. Quòd si etiam ipse ex se talis esset, tamen Deus, qui Ecclesiam conseruat, sine dubio vel eius mentem mutaret, vel eum de medio tolleretur?

*Diffinit. 33.*

*can. Error.*

*Œ. 1.*

*Resp. ad 2.*

*Œ. 3.*

Dicit secundò, si nihil horum fieret, posse eum haberi tanquam suspectum de hæresi: nam qui errori manifesto non resistit, cum possit, & debeat, eum approbare censetur.

Ad secundum & tertium respondeo, in nullo casu sine Pont. auctoritate posse conuocari verum, & perfectum Concilium, de quali hic disputamus, quod videlicet auctoritatem habeat definiendi quæstiones fidei. Præcipua enim auctoritas est in capite, siue in Petro, cui imperatum est, vt confirmet fratres suos, & ideo etiam Dominus pro eo orauit, ne deficeret fides eius.

Poterit tamen in illis duobus casibus congregari Concilium imperfectum, quod sufficiet ad prouidendum Ecclesiæ de capite. Ecclesia enim sine dubio habet auctoritatem prouidendi sibi de capite, quamuis non possit sine capite statuere de multis, de quibus potest cum capite. Porrò Concilium illud imperfectum fieri poterit, si vel indicatur à collegiò Cardinalium, vel ipsi per se Episcopi in locum vnum conueniant.

*Lat. 22.*

*Materia*

*Œ. aliorum.*

Sequuntur ea, ex quibus Concilia præcipuè constant, quæ quasi materia dici possunt. Sunt autem duo annotanda. Vnum est, Ecclesiam vniuersam quatuor contineri hominum generibus: Sunt enim aliqui clerici, aliqui laici; & rursus ex clericis alij prælati, alij non prælati; item ex laicis alij principes, alij priuati.

Alterum est, in Concilijs multis de causis aliquos interesse posse. Alij enim interfunt, vt iudices, qui dicuntur habere suffragium decisiuum; alij, vt disputando examinent difficultates, qui dicuntur habere suffragium consultiuum; alij, vt ministrent, quales sunt notarij, cultodes; alij, vt defendant Concilium; & dent operam, vt iustus, & extra omnia sint pacata.

*Quæst.*

*Resp.*

Quæstio igitur est: Qui sint ex quatuor illis hominum generibus vocandi ad Concilium, & quæ de causis?

Sententia Catholicorum est, solos Prælatos maiores, eosque omnes, id est Episcopos, in Concilijs generalibus, & prouincialibus, habere ius suffragij decisiui ordinarij; ex privilegio autem, & consuetudine etiam Cardinales, Abbates, & Generales Ordinum, licet Episcopi non sint de Presbyterio autem, & alijs Clericis minoribus, tantum vocari aliquos viros doctos, qui iuuent in disputando, vel alijs ministerijs: Principes autem vocari, tum, vt

Con-

Concilium defendant; tum vt testes, & conscij decretorum Concilij, postea transgressores, & contumaces pœnis corporalibus puniant. Denique, ex priuatis Laicis tantum vocari aliquos, qui videantur vtilis, vel necessarij ad aliquod ministerium Concilij.

Prob. hæc sententia primùm ratione ex Script. desumptâ. Definire in Concilio ea, quæ sunt credenda, vel agenda, est proprium munus pastorum: pascere enim propriè est docere; & ita docere, vt teneantur alij credere. Id patet ex Hierem. *Dabo vobis pastores secundum cor meum, & pascunt vos scientia, & doctrina.* Item: *Alios autem pastores, & Doctores.* Vbi notat Hieronymus, & Augustinus, coniunctum esse nomen pastoris cum nomine doctōris, quia proprium est pastorum docere. At non sunt pastores, laici, nec Ecclesiastici quicumque, sed solum Episcopi: sic enim legimus: *Attendite vobis, & vniuerso gregi, in quo vos Spiritus sanctus posuit Episcopos, regere Ecclesiam Dei.* Et Petro dicitur: *Pasce oues meas.* Si autem omnes pastores sint, vbi oues? Prob. 1. Hierem. 3. Ephes. 4. In hanc loc. Epistola 59. ad Paulinū. A.B. 30. 10am. ult.

Idem probari posset testimonijs veterum.

Prob. tertio ex Concilijshactenus celebratis: nam omnium Conciliorum decreta ab Episcopis solis facta esse, patet ex subscriptionibus. Vbiq̃ue enim inueniuntur, soli Episcopi subscripsisse, exceptis paucis generalibus, quibus Imp. etiam subscripsit, sed aliâ formâ, quàm Episcopi. Episcopi enim definiendo, vt Iudices; Imp. consentiendo subscripserunt: & quibusdam etiam paucissimis, vt Florentino, Lateranensi, & Tridentino, quibus subscripserunt etiam Abbates, & Generales Ordinum: cæteri, quamuis optimi, & doctissimi essent, nunquam sunt admissi, nisi ad consultandum, excepto Concilio Basileensi, vbi Presbyteri admissi sunt ad suffragium decisiuū, sed perperam, & contra morem omnis antiquitatis. Nec illud Concilium fuit legitimum. Prob. 2. C. 1.

Quarto prob. rationibus. Nam imprimis negotia Ecclesiastica, & publica; à personis Ecclesiasticis, & publicis, tractanda sunt, vt notum est, tales autem soli sunt Episcopi. Prob. 4.

Deinde; Si omnes homines docti admitti deberent, vel nunquam essent Concilia generalia, quia vix possent omnes docti totius Ecclesiæ conuocari; vel, si tandem congregarentur esset impossibile regere tale Concilium, propter nimiam multitudinem: præterea tunc sine dubio plures essent in Concilio inferiores, quàm superiores, & proinde tunc verè vinceret maior sententia meliorem, & in Ecclesiâ regerentur superiores ab inferioribus, non è contrario: quod absurdissimum est.

Item; Si ita esset, tunc facile posset vnus Princeps, in cuius regione sit Concilium, definire, quidquid vellet: posset enim facile colligere omnes Presbyteros, & doctos homines suæ prouinciæ, & in Conciliū introducere; id quod non possent alij Præcipes, qui longè absissent.

Denique: Nulla est resp. quæ ratione naturali docente non habeat aliquem ordinem in comitijs, ita vt non quicumque de plebe, sed tantum Principes, & capita cæterorum, locum, & suffragium habeant.

Sed mouet Catholici vnū dubium de his, qui interesse debent in Concilio: *Dubitatio.* nā vel ad generale Cōcilium faciendū requiruntur omnes Episcopi totius or-

bis, vel aliqui tantum, si omnes, nullum fuit ergò hæcenus Concilium generale, neque etiam videtur deinceps futurum; si aliqui tantum, quinam illi sunt? Non enim videtur maior ratio de vno, quam de alio.

*Resp.*

non posse istam quæstionem melius solui, quam ex consuetudine Ecclesiæ, & ex ijs Concilijs, quæ omnium consensu generalia fuerunt; qualia sunt quatuor prima. Ex consuetudine autem Ecclesiæ colligimus, quatuor conditiones & sufficere, & requiri ad generale Concilium.

1. *Conditio*  
*ad Concil.*  
*generale.*  
*AR. 6.*

Prima est, vt euocatio sit generalis, ita vt innotescat omnibus maioribus Christianis prouincijs. Id enim constat semper fuisse seruatum; adeo, vt septima Synodus ideo indicauerit Concilium Constantinopolitanum, contra imagines non fuisse generale, quia non exiit sonus eius in omnem terram.

2. *Conditio.*

Secunda, vt Episcopus nullus excludatur, vnde cunq; veniat, modò constet, eum esse Episcopum, & non excommunicatum.

3. *Conditio.*

Tertia, vt adsint per se, vel per alios, quatuor præcipui Patriarchæ, præter summum Pont. videlicet Constantinopolitanus, Alexandrinus, Antiochenus, Hierosolymitanus, quia istis suberant omnes alij Episcopi. Id patet, tum ex vfu, tum ex v. 11. Synodo, vbi censetur Constantinopolitanum contra imagines non fuisse generale Concilium, quia non habuit Patriarchas; & in v. 11. Synodo recipitur cum gaudio Vicarius Patriarchæ Alexandrini, tantum sine illo aliquid defuisset Synodi plenitudini.

*AR. 6.*

*AR. 9.*

Porro hæc tertia non omnino necessaria, sed tantum ad bene esse indicabatur; nam Synodus tertia sine Patriarchâ Antiochena damnauit Nestorium, Constantinopolitanum: & Synodus Chalcedonenfis sine Patriarchâ Alexandrino omnia ferè concludit. Et nunc non sunt necessarii isti Patriarchæ, quia hæretici, vel certè scismatici sunt.

4. *Conditio.*

Quarta, vt saltem ex maiori parte Christianarum prouinciarum aliqui adueniant, & si quidem Concilium sit in Oriente, semper visum est sufficere, si ex prouincijs omnibus Orientis Episcopi multi conueniant, ex toto autem Occidente mittantur aliqui à summo Pont. qui suppleant aliorum locum. Et è contrario, si celebraretur in Occidente, conueniant ex omnibus prouincijs Occidentis multi, ex Oriente autem pauci aliqui veniant nomine aliorum.

Sic in Concilio Nicæno I. ex Occidente solum fuerunt duo presbyteri missi ex Italiâ, vnus Episcopus ex Galliâ, vnus ex Hispaniâ, vnus ex Africa. In Concilio 11. & 111. nulli fuerunt ex Occidente, sed tamen Pont. Damasus, & Celestinus, illa Concilia confirmarunt nomine suo, & aliorum Episcoporum Occidentis, quos ipsi Romæ collegerant. In Concilio 1 v. solum fuerunt Legati Leonis, & præterea misit ipse consensum aliorum Episcoporum Hispaniæ, Galliæ, & Italiæ, qui in suis prouincijs celebratis Concilijs ad Leonem scripserant, se in omnibus sententiam eius sequi. E contrario verò ad Concilia Occidentis, vt Lateranense sub Innocentio 111. Lugdunense sub Gregorio X. Viennense sub Clemente V. ac nuper Tridentinum venerunt Episcopi frequentes ex toto Occidente, ex Oriente verò pauci dumtaxat.

Ex quo sequitur, posse interdum Concilia nationalia esse multò maiora generalibus quoad numerum Episcoporum, & tamen minora quoad auctoritatem: nam Con-

Concilium II. tantum habuit C. L. Episcopos ex varijs prouincijs, & nationibus, & Concilium Carthaginense nationale ex sola Africa tempore B. Augustini habuit Episcopos C. C. xvi.

De forma Conciliorum questio bipartita est.

Prima pars est: *An Concilium sit verum iudicium, & Episcopi veri indices?* ita vt *De forma* standum sit eorum sententia, quia ipsi sic statuerunt; sicut statuit sententia *quest. 1.* Prætoris in causis politicis: an vero sit tantum inquisitio quædam, & tantum valeat decretum Conciliorum, quantum valet eius ratio: quomodo loquimur de decisionibus Doctorum, quas vel in scholis, vel in suis commentarijs faciunt?

Nos dicimus, confessum Episcoporum in Concilij legitimis esse verum *Resp.* Iudicium confessum, & eorum decreta, & leges necessario sequendas.

Prob. primò ex tribus Script. Prima est, vbi iubentur, qui dubia habent, *Prob. 1.* recurrere ad Sacerdotum Concilia. Et: *Qui non obedierit eorum sententia, morte* *Deut. 17.* *condemnetur.*

Secunda: *Si Ecclesiam non audierit, sit tibi velus Ethnicum, & Publicanum.* Hic enim *Matth. 18.* locus & si varias expositiones admittat, tamen cum Concilium omnium consensus maxime dici possit Ecclesia, non potest ylo modo reijci explicatio, quã asserimus, Dominum iussisse, vt sententiæ legitimi Concilij obediamus.

Tertia est, vbi Paulus pertransiens ciuitates varias, præcipiebat eis custodire dogmata, quæ erant decreta ab Apostolis in Concilio Hierosolymitano. *Act. 15.* De quo Concilio tria notanda sunt. *Cap. 16.*

Primum est, in eo Concilio non ex Script. sed ad suffragia Apostolorum *Nota 1.* definitam esse questionem. Non enim questio erat, vt aduersarij iungunt, an sola fides iustificet; sed, an Circumcisio, & cæteræ legales cæremoniæ, essent necessariae Christianis? Id, quod manifestè colligitur, tum ex occasione Synodi, de quã sic loquitur S. Lucas: *Surrexerunt quidam de heresi Pharisæorum, qui crediderunt dicentes: Quia oportet circumcidere eos, præcipere quoque seruare legem Moysi.* *Act. 15.* *Conueneruntq, Apostoli, & Seniores videre de verbo hoc, &c.* Tum ex epistola Concilij, in quã nihil mandatur, nisi abstinencia à sanguine, & suffocato, & immolatitijs, & liberantur Gentes ab omnibus alijs Iudaicis cæremonijs. Certè autem nihil horum in Script. habebatur: vbi enim, quæso, scriptum erat, vt Gentes non seruarent legalia, excepto mandato de abstinencia à sanguine, suffocato, & immolatitijs.

Alterum notandum, Apostolorum sententiam non fuisse permissum examini discipulorum, sed simpliciter imperatum fuisse, vt obedirent: vt clarissimè constat ex textu. *Nota 2.*

Tertium est, Concilij Apostolici definitionem veram legem fuisse obligantem in conscientia. Id satis Lucas ostendit, modo præcepta, modo decreta, & dogmata appellans. *Nota 3.*

Secundo prob. ex ipsis Concilijs: nam Concilia omnia dicunt anathema *Prob. 2.* non obtemperantibus; vocant sua decreta canones, siue leges Ecclesiasticas: cum subscribunt, Episcopi dicunt: *Ego N. desinens subscripsi.* Præterea; In Concilio Chalcedonensi, cum decem Episcopi Egyptij nolent acquiescere iudicio maioris partis, pro hæreticis habebantur: quæ omnia sunt apertissimi *Act. 4.*

ma argumenta, quòd Concilia sint vera iudicia.

Prob. 1.

Prob. tertio; Nam, si non esset in Conciliis agendum suffragiis, sed disputationibus tantum, perperam fieret, vt soli Episcopi sententiam ferrent, cum munus disputandi sit hominum eruditorum, siue sint Episcopi, siue non. Frustrà etiam vocarentur Episc. aliqui rudes, & simplices, quales aliquos fuisse in Concilio Nicæno scribit Ruffinus.

Li. 10.

bis. 3.

Quaest. 2.

R. p.

Alterà pars quæstionis est; *An debeat aliquis præsidere, & quis ille sit?*

Catholici omnes id munus proprium esse docent summi Pontif. vt per se, vel per Legatos Synodo præsideat, & tanquam supremus Iudex omnia moderetur.

17. ad

Theodos.

47. ad Con-

cilium

Chalced.

Dicimus autem, *per se, vel per Legatos*, quia summus Pontif. nunquam interfuit Conciliis Orientalibus per se: neque id factum est casu, sed certa ratione, vt patet ex epistolis S. Leonis, vbi dicit se non venire ad Synodum, quoniam id non patitur consuetudo, nec vlla prædecessorum habet de hac re exempla. Adde, quòd Vigilius Papa erat Constantinopoli, cum fieret in eà ciuitate Concilium V. generale, & tamen noluit interesse, sed per libellum confirmauit acta Concilii. Ipsi etiam Imper. cum indicebant Concilia, alios omnes Episc. per edictum præcipiendi vocabant: Romanum autem inuitabant, vt dignaretur venire, si ei placeret. Quæ autem sit ratio huius rei, incertum est: ego suspicor has duas fuisse causas inter alias.

Vnam, quia non videbatur conuenire, vt caput sequeretur membra, cum potius membra sequi debeant caput: itaque propterea interfuit Papa Conciliis Roman. & quibusdam aliis, quæ ipse conuocauit ad se, id est, ad locum, vbi ipse erat; non autem voluit, neque debuit ire ad Concilia alibi congregata.

Alterà est, quia in Conciliis Orientalibus semper interfuit Imp. aut aliquis eius Legatus: & quamuis nec Imp. nec Legatus eius præfideret Concilio propriè, vt Iudex, tamen præfidebat saltem quoad locum materiale: & etiam si summus Pontif. ibi fuisset, adhuc voluissent illi eo modo præsidere; vt patet ex Concilio Florentino in initio, vbi Greci omnino cõtendebant, vt in summo loco federet eorum Imp. & summum Pont. præcederet. At quamuis vt cunque tolerabile sit, vt Princ. seculares in Concilio sedent ante alios Episc. tamen nullo modo conuenit, vt aut ipsum summum Pont. Ne ergò hoc tolerandum esset, vel tumultus excitaretur, non ibat ad ea Concilia, sed Legatos tantum mittebat.

Prob. 2.

summum

Pont. debere

præfideri.

Idem. vlt.

Porro ad summum Pontif. iure pertinere præfidentiam in Conciliis generalibus, prob. Primò ratione ex Script. petita. Summus Pontif. est pastor, & pater Ecclesiæ vniuersæ, adeò vt etiam Episc. & Principes omnes respectu summi Pontif. oues, & filij dicantur, vt notum est ex illo: *pasce oues meas*. Et confirm. ex eo, quòd Concilia vocant Pontif. patrem, & ipse vocat Episc. in Conciliis congregatos aliquando filios. At quis, quæso, ambigere potest, vtrum patres filijs, & pastores ouibus præfideri debeat, an filij patribus, & oues pastoribus?

Prob. 2.

Idem. 15.

11. inter

apostolos

August.

Secundò prob. ex Concilio Apostolico, in quo Petrum præfedis affirmat Hieron. in epistola ad Augustin. & idem ex eo colligitur, quod Petrus pri-

mus.



mus surgit, primus loquitur, primus quæstionē definit, & omnes, vt Hieron. dixit, sententiam eius sequuntur.

Tertiū prob. ex actis octo generalium Conciliorum: nam quod in alijs <sup>Prob. 3.</sup> Rom. Pontifex præfuerit, etiam aduersarii fatentur.

Primum generale fuit Nicænum, in quo præfiderunt Hosius Episc. & Vi- <sup>Præfides 1.  
Concilij ge-  
neralis.</sup> tus, ac Vincentius Presbyteri Legati Rom. Pontificis. Prob. hoc ex subscrip-  
tionibus: hi enim tres primi omnium subscripserunt.

Secundo ex Cedreio & Photio, qui dicunt, Syluestrum per Legatos suos <sup>In compo-  
hyst. l. 6. de 7.  
Synodis  
Epist. ad  
Solitar. v. id.  
agentes.</sup> Concilio Nicæno auctoritatem suam contulisse.

Tertiū, ex Athanasio, qui dicit, Hosium principem fuisse in eo Concilio, & ipsum esse, qui composuit Symbolum, quod dicitur Nicænum. Cū autem Hosius fuerit simplex Episcopus, & proinde inferior omnibus Patriarchis, qui erant in eo Concilio, sine dubio nunquam habuisset primum locum, nisi vicem gessisset Rom. Pontificis.

Secundum Concilium generale fuit Constantinopolitanum I. in quo con- <sup>2 Concilium  
generale.</sup> stat, non præfuisse Imperat. sed tantum misisse litteras Rom. Pontificis ad Episc. quibus ad Concilium vocabantur. Constat etiam, non præfuisse Rom. Pontificem, sed Nestarium Episc. Constantinop. Cuius rei causa est, quia Rom. Pont. non interfuit, nec per se, nec per Legatos. Pontif. enim Damasus conuocauerat quidem Episc. Orientis Constantinopolim, sed ex eo loco postea volebat eos Romam venire, vbi ipse cōegerat Synodum Episcoporum Occidentalium, vt Romæ fieret plenissimum Concilium. Ceterum Orientales excusauerunt se iustas ob causas, & coniunxerunt se animis, & sententijs cum Occidentalibus, non autem præsentia corporali. Vide epistolam Damasii ad Concilium Constant. & Conciliū ad Damasum apud Theodoretum. Quod autem, si Damasus adfuisset, sine dubio præfedisset, patet ex ipsius epistolis, vbi illi Damasum, vt caput suum agnoscunt, & ipse filios eos vocat. <sup>L. 5. 149.  
C. 10.</sup>

Tertium Concilium fuit Ephesinum primum, in quo certum est, non præfuisse Imperat. sed Roman. Pontificem per Legatos suos. Quod non Imper. nec aliquis eius nomine, patet ex epistola ipsius, scilicet Theodosij Iunioris ad Synodum Ephesinam, vbi dicit, semisse Candidianum Comitem ad Concilium, non vt misceret se quæstionibus ecclesiasticis, sed ad Synodi defensionem. Quod autem Pontif. Celestinus præfederit per legatum suum S. Cyrillum testantur omnes Historici: & ipse Celestinus in epistola ad Cyrillum.

Quartum Concilium est Chalcedonense, in quo initio, id est, in primā actione Imper. Marianus interfuit, & sedit primo loco; non tamen præfedit, vt Iudex, vt ipsemet testatus est, in oratione ad Synodum, vbi ait se venisset ad confirmandam fidem, sicut olim fecerat. Constantinus Magnus, id est, non venisse ad explicandam fidem & controuersias diiudicandas; sed ad hoc, vt fides à Concilio explicata, firma, ac tuta consisteret, defensa videlicet Imp. epe, & auctoritate. Interfuerunt denique nomine Imper. in aliis actionibus quidem Iudices seculares, qui non erant Iudices controueriarum fidei; sed tantum, au omnia fierent legitime, sine vi, & fraude, & tumultibus. <sup>Tom. 1. c. 16.  
4. Concilium.  
Ab. 1.</sup>

## CAPUT III.

## De auctoritate Conciliorum absolutâ.

**D**E auctoritate Conciliorum disputatio est bipartita. Primum enim cōsideranda est auctoritas Concil. absolutè. Deinde comparata cum alijs similibus principijs fidei, id est, cum Script. Pontificijsque decretis.

De auctoritate absolutè consideratâ dux sunt quæstiones. VIIa, *An Concilia à Summo Pont. confirmata possint errare?*

Pro quâproposito prima: *Fide Catholica tenendum est, Concilia generalia à Summo Pont. confirmata errare non posse, nec in fide, nec in moribus.*

Prob. primò testimonijs Script. quæ ad quatuor classes reduci possunt. In prima erunt testimonia propria, quæ tria sunt. Primum: *Vbi sunt duo, vel tres congregati in nomine meo, illic sum in medio eorum.* Hic argumentum fumitur non simpliciter ex his verbis, sed ex his verbis continuatis cum superioribus, & propterea additâ argumentatione à minori ad maius. Dixerat enim antea Dominus de homine incorrigibili: *Dic Ecclesia, & si Ecclesiam non audierit, sit tibi velut Ethnicus, & publicanus.* At, ne quis Ecclesiam, siue congregationem Prælatorum, contemnendam putaret, adiunxit continuò: *Amen dico vobis, quacumque ligaveritis super terram, erunt ligata & in calo, &c.* Et, ne quis dubitaret de assistentiâ Dei, quando Episc. congregati aliquem damnant, vel absolunt, subiungit: *Vbi enim sunt duo, vel tres congregati in nomine meo, ibi ego in medio illorum sum.* Quorum verborum hæc est sententia: Si duo, vel tres congregati in nomine meo, obtinent semper, quod petunt à Deo, nimirum sapientiam, & lumen, quod sufficit eis ad cognoscenda ea, quæ ipsis necessaria sunt, quândo magis Episc. omnes congregati in nomine meo semper obtinebunt, quod iuste petunt, id est, sapientiam, & lumen ad iudicanda ea, quæ ad totam Ecclesiam dirigendam pertinent? Itaque siue pauci, siue multi, siue priuati, siue Episc. congregentur in nomine Christi omnes habent Christum præsentem, & adiuuantem, & obtinent, quod eis. convenit obtinere. Sed in congregatione paucorum, & priuatorum adest Christus, ut eos adiuuet in rebus parvis, & priuatis, in congregatione autem Episcoporum adest, ut eos adiuuet in rebus magnis, & publicis.

Alter locus est: *Spiritus veritatis docebit vos omnem veritatem.* Et, ne putemus hoc dici solis Apostolis, & non etiam successoribus, alibi testatur Dominus apertè, Spiritum sanctum mansurum cum Apostolis in æternum, id est, cum eis, & cum successoribus perpetuò. At Episcopos seorsim existentes non, docet Spiritus sanctus omnem veritatem: ergò saltem Episcopos omnes in vñ congregatos docebit omnem veritatem. Et sanè, cum nō sit in Ecclesiâ maior aliqua cathedra, per quam Deus nos doceat, quàm summū Pontificis adiuncto-

Quæst. 1. de auctoritate absolutâ Concil. et op. 1.

Prob. 1. 1. Classis. Script. Matth. 18.

Iou. 146.

Iou. 17.

con-

Ad. 15.

consensu generalis Concilii, si hæc etiam cathedra falli potest, cum vniuersam Ecclesiam docet, nescio, quomodo vera sit illa promissio: *Docebit vos omne veritas a tem.*

Tertius locus est: *Visum est Spiritui sancto, & nobis.* Si autem illud Concilium, ex quo formam acceperunt omnia alia Concilia, alserit, decreta sua esse decreta Spiritus sancti, certè idem alserere possunt cætera legitima Concilia, quæ vniuersæ Ecclesiæ regulas credendi, & operandi præscribunt. Illi enim Concilio adfuit Spiritus sanctus, quia id necesse erat pro Ecclesiæ conseruatione; at non minùs alijs temporibus nouis hæresibus exorientibus id necessarium fuit, atque etiam erit.

2. Classis.

Secunda classis testimoniorum continet omnia illa loca, quibus prob. Ecclesiam non posse errare, neque in credendo, neque in docendo: qualia sunt illa: *Super hanc petram ædificabo Ecclesiam meam, & portæ inferi non præualebunt aduersus eam.* Et: *Ego vobiscum sum usque ad consummationem sæculi.* Et: *Ecclesia Dei vivit, & columna, & firmamentum veritatis;* & similia. Ex his enim locis manifestè colligitur, Concilia generalia probata non posse errare; idque duobus modis.

Mat. 16.

Mat. 28.

1. Tim. 3.

Primò, quia tota auctoritas Ecclesiæ formaliter non est, nisi in prælatis; sicur visus totius corporis formaliter est tantum in capite: ergò idem est, Ecclesiam non posse errare in definiendis rebus fidei, & Episc. non posse errare: atqui singuli seorsum errare possunt; igitur congregati in vnum errare non poterunt.

Secundò, Concilium generale repræsentat Ecclesiam vniuersam, & proinde consensum habet Ecclesiæ vniuersalis; quare, si Ecclesia non potest errare, neque Concilium OEcumenicum legitimum, & approbatum potest errare. Porro Concilio generali vniuersam Ecclesiam repræsentari facile demonstrari potest. Nam in primis apertè vocatur in libris Reg. tota Ecclesia Israël cæterus principum, qui cum Salomone conuenerant: nam nec fieri poterat, vt omnis Israël, qui superabat numerum mille millium hominum, esset in eo Templo simul; & initio capitis legimus, conuenisse ad Regem sacerdotes, & capita singularum tribuum.

2. Reg. 8.

Deinde, si in quolibet regno, siue rep. id, quod Senatus, siue comitia statuunt, totius regni, vel reip. dicitur; cur non idem dicatur de Ecclesiasticis decretis, quæ sunt consensu omnium Episcoporum?

3. Classis.

Luc. 22.

Tertia classis testimoniorum continet omnia illa loca, quæ probant, Rom. Pontificem non posse errare in fide: quale est illud: *Rogavi pro te, vt non deficiat fides tua.* Et si quæ sunt alia alibi explicata. Ex his enim colligitur euidenter, Concilium à Papa confirmatum errare non posse. Et si enim sint aliqui Catholici, qui existimant, Pontif. errare posse, illi tamen dicunt, tunc solum posse errare, quando non adhibet omnem diligentiam: at cum generale Concilium conuocatur, sine dubio adhibet omnem diligentiam in re illa inuestiganda. Quid enim amplius facere potest? ergò saltem tunc omnium consensu non errabit.

4. Classis.

Quarta classis testimoniorum continet illa loca, quæ docent Episc. habendos esse, vt Pastores; audiendos, vt Magistros; sequendos, vt Duces: qua-

li2

lia sunt: Qui vos audit, me audit. Et: Obedite praposis vestris, & subiacete eis.

Luc. 10.  
Hebr. 13.  
Act. 20.  
Ephes. 4.

Item illa, vbi dicuntur pastores: cum enim illi iubentur pascere, nos iubemur eos sequi ad pascua, præsertim cum ad eum finem dicantur ab Apostolo constituti in Ecclesia Pastores, vt non circumferamur omni vento doctrinæ.

Item, illa, quibus vocantur Doctores: vt: Docete omnes Gentes. Siquidem quo præcepto illi iubentur docere, eodem nos iubemur audire.

Matt. 28.  
1. Tim. 3.  
Tit. 1.  
Ezech. 32.

Item, illa, vbi dicuntur speculatores: *Speculatorem domui Israël dedi te*: quem locum de Episc. exponunt Hieron. & Gregor. in Ezech. Et profectò, si iubentur Episc. tanquam speculatores, & oculi, nobis viam ostendere, & nos iubemur per eam viam incedere, quam illi nobis ostenderint.

Denique, illa, vbi Episc. dicuntur patres, & ceteri dicuntur filij. Ex quibus omnibus locis ita possumus ratiocinari: Si nos iubemur à Deo audire, & sequi Episc. vt Præpositos, Pastores, Doctores, Speculatores, Patres, certè vel illi nos fallere non poterunt, vel nos poterimus culpam in Deum reijcere. Ac sine dubio singuli Episc. errare possunt, & aliquando errant, & inter se quandoque dissentiant, vt nesciamus quisnam eorum sequendus sit; ergò saltem omnes simul præsertim in nomine Domini congregati, quando vno ore nos docent, errare non possunt.

Gal. 4.  
1. Ioan. 2.

Accedat secundo testimonium, & traditio veterum Patrum. Ecclesia & Patres multa de Concilijs passim scribunt: vnde constat, eos sensisse Concilia generalia errare non posse.

Prob. 2.

Affirmant primum, Concilij generalis sententiam esse in causa fidei vltimum iudicium Ecclesiæ, à quo appellari non possit, quodque nullo modo irritari, vel retractari queat. Hinc enim apertissimè sequitur, eiusmodi Concilia non errare: nam alioqui iniquissimum esset, cogere Christianos, vt non appellent ab eo iudicio, quod erroneum esse potuit.

Secundò, docent Patres, & Concilia, esse hæreticos, & excommunicandos omnes, qui non acquiescunt Concilijs plenarijs. Ex quo manifestè sequitur, eos putasse, Concilia non posse errare, atque omnia Concilia generalia dicunt anathema contradicentibus.

Tertiò, Patres docent, esse diuina, & à Spiritu sancto edita decreta legitimorum generalium Conciliorum: ex quo sequitur, quòd non possint esse obnoxia errori.

Quartò, docent, potiùs esse moriendum, quàm recedendum à decretis generalium Conciliorum. Accedat postremò etiam naturalis ratio. Primum, Si Concilia generalia possent errare, nullum esset in Ecclesia firmum iudiciu, quo controuersæ componi, & vnitas in Ecclesia seruari posset. Nihil enim est maius generali Concilio legitimo, & approbato.

Prob. 3.

Secundò, Si non esset infallibile iudicium eiusmodi Conciliorum, possent meritò reuocari in dubium omnes damnatæ hæreses. Diceret enim Arius errasse Nicænum Concilium, Macedonius Constantinopolitanum, Nestorius Ephesinum, Eutychius Chalcedonense.

Tertiò, Nulla esset certitudo de multis sacræ Script. libris: nam de epistola ad Hebræos, 2. Pet. 2. & 3. Ioan. Iacobi, & Iudæ, & de Apocal. quos libros etià

Y Calui-

Caluinistæ recipiunt, tamdiu est dubitatu, donec à Concilio res declarata est.

Quartò; Si omnia Concilia possent errare, illud certè sequitur, vt omnia intolerabilem errorem admiserint, ac proinde nullo honore digna sint: nam error intolerabilis est, proponere aliquid credendum, tamquam articulum fidei, de quo non constat, an sit verum, vel falsum: ac Concilia præcipua, vt Nicænum, Constantinopolitanum, Ephesinum, Chalcedonense ediderunt noua symbola fidei, aut certè nouas sententias, quas voluerunt haberi, tamquam articulos fidei. Quis autem dicere audebit, illa Concilia quatuor intolerabilem errorem continere, nulloque honore digna esse, cum ea videamus etiam ab aduersarijs cum honore suscipi, & non raro in testimonium veræ doctrinæ adduci?

*Propos. 1.*      *Propositio secunda: Concilia particularia à summo Pont. confirmata, in fide, & moribus errare non possunt.* Hæc propositio non est requærecepta, ac prior. Illam enim nemo Catholicorum negat; hanc verò non desinit, qui negent. Itaque eâ solum de causâ affirmamus, hanc propositionem fidei Catholicâ non esse tenendam, quòd auctores, qui contrarium sentiunt, nondum videamus ab Ecclesia damnatos pro hæreticis. Constat enim ex Eusebio, Cornelium Papam cum nationali Concilio omnium Episc. Italiæ statuisse, non debere hæreticos rebaptizari, & eandem sententiam etiam postea approbasse Stephanum Papam, & iussisse, vt hæretici non rebaptizarentur: & simul constat ex eodem Eusebio, Cyprianum contrarium sensisse, & modicus defendisse; id quod etiam ipse fatetur, & arguit Stephanum Papam erroris; & tamen Cyprianus semper habitus est in numero Catholicorum.

Sed quidquid de hoc sit, certè temerarium, erroneum, & proximum hæresi est, existimare Concilia particularia à Pont. confirmata posse errare.

*Prob. 1.*      *Prob. primum argumentis illis, quibus supra demonstraui, summum Pont. in iudicandis ijs rebus, quæ ad fidem, vel bonos mores pertinent, non posse errare.* Si enim summus Pont. errare non potest, certè nec Concilium, quamuis exiguum, ab illo comprobatur.

*Prob. 2.*      *Secundò prob. ex eo, quòd, si eiusmodi Concilia errare possent, plurimæ hæreses, quæ damnatæ sunt à solis Concilijs particularibus, iterum reuocari possent in dubium; vt Pelagianorum, Priscillianistarum, Ioviniani, & aliorum.*

*Prob. 3. & 4.*      *Tertiò; hæcenus non est inuentum aliquod Concilium eiusmodi, quod errauerit.*

*Ad 3.*  
*Ad. vlt. san.*

Quartò; In VII. Synodo, & VII. dicunt Patres se venerari, & recipere etiam localium Conciliorum decreta, immò in eadem septima Synodo vocantur eiusmodi decreta diuinitus inspirata.

*Quæst. 2.*  
*Resp. de Provincialibus.*

Altera quæstio de auctoritate absoluta Conciliorum est: *Num Concilia à Summo Pont. non confirmata, certam fidem faciant?*

De Provincialibus primum duo ex communi sententia asserimus, posse eiusmodi Concilia absolute errare, tamen magnæ esse auctoritatis, ita vt temerarium sit, eis non acquiescere. Quòd possint errare, testis est Carthaginense Concilium sub Cypriano, quod fuit nationale celeberrimum, legitimum, Episcoporum LXXXV. quorum plerique Martyres, aut Confessores.

erant.

erant, & tamen errauit.

Secundò, testis est quinta Synodus Romana, sub Symmacho, ubi legimus, Concilia prouincialia, quia presentiam Papæ non habent, valitudinem perdidisse.

Tertiò; Prosper in Chronico dicit, hæresin Pelagianam à Concilio Africano C. C. x v i i. Episc. damnatam, non prius ab Ecclesia totius orbis damnatam, quam Zozimus Papa decreta Concilij illius probasset. Anni CCCC. xx.

Quartò, Cur Concilia generalia errare non possunt, duplex est causa precipua. Prima, quia Concilium generale totam Ecclesiam representat, & ideo ipso errante, tota Ecclesia erraret. Secunda, quia Concilium generale non fit sine summo Pont. pro quo Christus orauit vt non deficeret fides eius. At nulla harum causarum locum habet in Concilio, particulari.

Quodd autem Concilium particulare non expresse confirmatum, faciat argumentum adeò probabile, vt temerarium sit, ei non acquiescere, plañum est. Prob. p. r. r.

Primò, quia in v i i. Synodo, & in v i i i. Synodo honorantur Synodi locales, & suscipiuntur, nec fit mentio ibi confirmatorum, vel non.

*Ad. 1.  
Ad. vii. can.*

Secundò, quia plurima horum Conciliorum, vt Toletana, Bracharen-  
sia, Arelatensis, Hispalensis, &c. videntur ipso vsu Ecclesiæ quodammo-  
dò probata.

Tertiò, quia, si aliquot sancti Patres casu in eandem sententiam conueni-  
entes, faciunt argumentũ probabile, quãtò magis L. aut Lx. Episcopi simul  
conuenientes, & inuocato Spiritu S. aliquid communi consensu statuentes?

Iam verò de Concilijs generalibus variæ sunt opinioniones. Notanda duo.

Primò Legatos aliquando mitti ad Cõcilium cum instructione sedis Apo-  
stolicæ: sicut legimus factum in Concilio I V. v i i. Aliquando sine in-  
structione; vt factum est in Concilio Trident. Cuius ratio est, quia in illis  
primis Cõcilijs, vna tantum quæstio tractabatur, & ideo facile poterat Pont.  
explicare Legatis, quæ esset sententia sua de illa quæstione: at in Cõcilio Tri-  
dent. tot quæstiones, & tam variæ tractandæ erant, vt non posset commodè  
eiusmodi instructio haberi. Resp. de ge-  
neralibus.

Secundò nota, posse quatuor modis contingere, vt fiat generalis Conci-  
lij definitio.

Primò, vt Patres consentiant, & definiant, dissentientibus Legatis Apo-  
stolicæ sedis.

Secundò, vt definiant consentientibus Legatis, sed contra instructionem  
Pont. agentibus.

*Definitio  
Concilij 4.  
modis fit.*

Tertiò, consentientibus omnibus, etiam Legatis, sed qui non habuerunt  
certam instructionem.

Quartò, consentientibus omnibus cum Legatis habentibus, & sequenti-  
bus Papæ instructionem.

De primo, & secundo modo nulla est difficultas. Constat enim, talia  
Concilia errare posse. Nam imprimis de factò errauit Concilium Ephesi-  
num I I. quod repugnantibus Legatis Papæ Leonis definire voluit. Item  
Concilium Constantinopolit. tempore Nicolai I. errauit, cum Legati De 1. & 2.  
Prob.

Y 2

Nico-

Nicolai contra instructionem Papæ egerint.

Secundò, Eiusmodi Concilia non solum non confirmata, sed etiam reprobata dici debent; idem enim est, siue Pontif. expressè Concilium reprobet, siue Concilium agat contra Pont. sententiam. Coustat autem, Concilia reprobata à Pont. nullam habere auctoritatem.

Tertiò; Non possunt dici legitima Concilia, quæ pugnant cum suo capite: & similiter, quando consentiunt Legatis agentibus contra informationem; quia tunc Legati non agunt vt Legati, cum non agant nomine Pontif.

*Prob. de 3.*

De tertio modo res est sub opinione. Ego tamen existimo, tale Concilium posse errare, neque esse infallibile eius iudicium ante Pontificis confirmationem.

Primò, quia sententia eius Concilij non est vltimum iudicium Ecclesie, & tamen, si non posset errare, esset vltimum, & irrefragabile iudicium. Non esse autem vltimum iudicium, horum Conciliorum, planum est. Nam eiusmodi Concilia ad Pont. mittuntur, & Pontif. Concilium approbare potest, vel reprobare: vt patet ex praxi Conciliorum perentium confirmationem; ac nominatim ex Bulla Pij I V. in qua confirmat Conciliū Trident.

Secundò; Firmitas Concilij nascitur ex consensione, & coniunctione corporis cum capite; at caput nondum aperuit suam sententiam: & si enim Legati præsent nomina Pontif. tamen non sunt reuera Pontif. nec sciunt, quæ sit mens Pontif. nec habent illud priuilegium non errandi, quod Pontif. habet.

*Supp. de 3.*

Tertiò; Concilium Basileense vnā cum Legato Pontif. communi consensu statuit, Concilium esse supra Papam, quod certè nunc iudicatur erroneum.

Quartò, Potest errare Concilium, quod aliquid definit contra instructionem Pontif. vt de facto errauit Concilium Constantinop. consentientibus etiam errori Legatis Nicolai I. Ergò potest etiam errare, quando nulla habetur instructio: nam non tenentur Episc. in Concilio sequi illam instructionem, alioqui non essent iudices, neque libera essent suffragia.

*Prob. de 4.*

De quarto modo vix dubium esse potest: videtur enim esse certum, tale Concilium non posse errare.

Primum enim, in tali Concilio inuenitur expressus consensus capitis, & membrorum, ac proinde totius Ecclesie, quæ siue dubio errare non potest. Nec obest, quòd instructio illa à Pontif. data non videatur definitiua sententia Apostolicæ sedis: nam quando Concilium consensit cum Pontif. sententia, formaturque decretum à Legatis nomine Pontif. tunc incipit esse sententia definitiua, & vltima, non solum Concilij, sed etiam Pont. neque potest Pontif. eam retractare: nam certò intelligit sententiam suam fuisse à Deo, quando à Concilio approbatur.

Quod vt melius intelligatur, sciendum est, Pontif. mittere solere Legatos instructos de sententia Apostolicæ sedis cum ea conditione, vt, si

Conz

Concilium consentiat Apostolicæ sedis iudicio, formetur decretum; sin-  
minus, differatur decreti formatio, donec Pontif. Rom. consultus res-  
pondeat. Id patet ex Concilio Chalcedonensi; nam, cum Concilium con-  
sensisset iudicio Pontif. circa depositionem Dioscori, mox Legati formaue-  
runt decretum. Ad. 3.

Deinde, cum Concilium aliquid statuere vellet contra instructionem  
Pontif. Legati dixerunt debere prius id significari Apostolicæ sedi. Quando  
ergo Concilium definit aliquid, sequens expressam sententiam Pontif. idem  
est, ac si confirmatum esset. Ad. 16.

Accedit ad hæc, quod Concilium Chalcedonense, dum petit confirmatio-  
nem decretorum, apertè dicit, se scribere Pontif. & petere confirmationem,  
quia præter decretum de fide contra Dioscorum, alia etiam quædam statue-  
runt sine expressa Pont. sententia. Itaque solum petunt confirmationem eo-  
rum, quæ definierant præter Pont. sententiam. In epistola  
ad Leon.  
Ad. 3.

Ipsè etiam Leo in epistola, qua illud confirmat, indicat, non fuisse opus  
sua confirmatione, nisi quia dubitabant aliqui, an reuerà cum eius consensu  
factum fuisset decretum Concilij: quæ etiam ratione confirmavit Pontif.  
multa alia similia Concilia, non quia errare potuerant, sed ut omnibus cer-  
tius constaret, quæ Legati egerant, verè ex mandato expresso Pontif.  
egisse. Epist. 16.  
ad Contri-  
Chalced.

Denique, In eiusmodi Concilijs, non expectata alia confirmatione, Pontif.  
mox fit executio, id est, damnantur, qui contrarium sentiunt, ut manifesti  
hæretici, & deponuntur ab Episcopatu, vel sacerdotio. Ita in Nicæno Con-  
cilio damnati sunt, & in exilium acti sex Episc. vñà cum Ario. In Ephesino  
damnatus, & depositus est Nestorius. In Chalcedonensi depositus est Diof-  
corus: & decem Ægyptij Episc. iudicantur hæretici, quia volebant acquies-  
cere decreto prolato. Ad. 1.  
Ad. 4.  
Ad. 3.  
Ad. 4.  
C. 12.  
Ad. 13.

In Concilio VI. damnatur, & deponitur, & in exilium eijcitur Macha-  
rius, Patriarcha Antiochenus, cum aliquot suis discipulis: damnatur etiam,  
& deponitur Polychronius presbyter. At, si Concilia ista ante confirmatio-  
nem Pont. errare potuissent, non fuissent illi manifesti hæretici, qui ante con-  
firmationem resistebant..



## CAPVT QVARTVM.

De auctoritate Conciliorum comparata ad  
alia fidei principia.

Comparatur  
Script. cum  
Concilijs

**N**VNC comparanda est auctoritas Conciliorum ad verbum Dei scriptum (nam de traditionibus eadem est ratio) & ad Pontificem. Porro Catholici Script. sacram anteponunt Concilijs: neque de hac re ulla controversia est. Quod si interdū Catholici aliqui dicant Script. pendere ab Ecclesia, siue à Concilio, non intelligunt, quoad auctoritatem, & secundum se; sed quoad explicationem, & quoad nos.

Obseruandum est igitur multiplex esse discrimen inter Script. sacram, & Conciliorum decreta; ex quibus intelligitur Script. præponi Concilijs.

1. Discrimen  
inter Script.  
& Conciliū.  
2. Pet. 1.  
2. Tim. 3.

Primum est, quod Script. est verbum Dei immediatè reuelatum, & scriptum, quodammodo Deo dictante, iuxta illud: *Spiritus sancto inspirante locuti sunt sancti Dei homines.* Et: *Omnia Scriptura diuinitus inspirata.* Quod tamen nō sic intelligendum est, quasi semper Scriptores sacri nouas reuelationes habuerint, & scripserint ea, quæ antea ignorabant: constat enim, Euangelistas, Mattheum, & Ioannem, scripsisse ea quæ viderunt; Marcum, & Lucam ea, quæ audierunt, vt Lucas ipse fatetur: *Sicut tradiderunt, inquit, nobis qui ab initio ipsi viderunt.* Dicuntur igitur Scriptores sacri habuisse immediatam reuelationem, & scripsisse ipsius Dei verba, quia vel noua quædam, & antea incognita eis reuelabantur à Deo, iuxta illud: *Incerta, & occulta sapientia tua manifestasti mihi.* Vel Deus immediatè inspirabat, & mouebat scriptores ad scribenda ea, quæ viderant, vel audierant, & eos dirigebat, ne aliquo modo errarent. Vt enim verè dicitur epistola principis, quæ à principe dictatur, etiam si is, qui eam scripsit, antea sciebat, quæ scripturus erat, ita dicitur, & est immediatum Dei verbum, quod scriptum est ab Euangelistis, Deo inspirante, & dirigente, licet scripserint ea, quæ viderant, vel audierant. At Concilia non habent, neque scribunt immediatas Dei reuelationes, aut verba Dei, sed tantum declarant, quodnam sit verbum Dei scriptum, vel traditum, & quomodo intelligi debeat; præterea ex eo per ratiocinationem deducunt conclusiones. Itaque Concilia, cum definiunt, qui sint libri canonici, & diuini, non faciunt eos esse infallibilis veritatis, sed declarant solum esse tales. Sic etiam Concilium Trident. cum definit verba illa: *Hoc est corpus meum*, intelligi propriè, non figuratè, non edit, sed declarat verbum Dei. Et cum Nicanum Concilium definiuit, Christum esse homouisionem Patri, deduxit conclusionem ex Script. in quibus disertè continetur, vnum esse Deum, & Patrem esse Deum, ac Filium esse Deum; ex quibus sequitur necessariò, Patrem, & Filium eiusdem esse substantiæ, & diuinitatis. Et similiter Concilium V I.

In ijs EMAN-  
gely.

R/d: 30.

Eccl. 13. c. 1.

cum

cum definiuit, in Christo duas esse voluntates, diuinam, & humanam, deduxit conclusionem ex Script. in qua habetur, Christum esse perfectum Deum, & perfectum hominem.

Alterum discrimen ex hoc primo oritur, quod scriptores sacri non debuerint multum laborare in suis libris edendis; satis enim erat, si laborarent scribendo, vel dictando, si edebant vaticinia; vel ad summum reuocando ad memoriam, quæ viderant, vel audierant, & cogitarent verba, quibus ea scriberet, si scribebāt historias, vel epistolas, vel aliquid simile. At Patres in Concilijs debent rem ipsam querere, id est, conclusiones inuestigare disputando, legendo, cogitando. Vnde legimus, in primo Concilio magna conquisitionem fuisse factam. Idem de Nicæno testatur Ruffinus. Quocirca dicunt Patres Concilij primi: *Visum est Spiritui sancto, & nobis*, id est, Spiritu sancto nostram industriam & diligentiam adiuuante. At scriptores sacri soli Deo tribuunt ea, quæ scribunt; ac propterea tam saepe repetebant Prophetæ illud: *Dicit Dominus*. 2. Discrimen. Act. 15. c. 10. & 5. hitor. 1. 28. 15.

Tertium est, quod in Script. nullus potest esse error, siue agatur de fide, siue de moribus, & siue affirmetur aliquid generale, & toti Ecclesiæ commune, siue aliquid particulare, & ad vnum tantum hominem pertinens: tam enim est certum, & de fide, siue gratia Spiritus sancti neminem saluari, quam Petrum. Paulum, Stephanum & quosdam alios verè Spiritum sanctum habuisse, & saluos esse: vtrumque enim eadem Script. verissima testatur. At Concilia in iudicijs particularibus errare possunt. 3. Discrimen.

Quartum est, quod in Script. non solum sententiæ, sed etiam verba omnia, & singula ad fidem pertinent: credimus enim nullum esse verbum in Script. frustra, aut non rectè positum. At in Concilijs maxima pars actorum ad fidem non pertinet. Non enim sunt de fide disputationes, quæ præmittuntur, neque rationes, quæ adducuntur, neque ea, quæ ad explicandum, & illustrandum adferuntur; sed tantum ipsa nuda decreta, & ea non omnia, sed tantum, quæ proponuntur tanquam de fide. Interdum enim Concilia aliquid definiunt, non vt certum, sed vt probabile; vt Concilium Viennense, quod decreuit, tenendum, vt probabilius, infantibus in Baptismo infundi gratiam, & virtutes. Quando autem decretum proponatur tanquam de fide, facillè cognoscitur ex verbis Concilij: semper enim dicere solent se explicare fidem Catholicam; vel hæreticos habendos, qui contrarium sentiunt; vel, quod est communissimum, dicunt anathema, & ab Ecclesia excludunt eos, qui contrarium sentiunt. Quando autem nihil horum dicunt, non est certum, rem esse de fide. 4. Discrimen.

Denique; In ipsis decretis de fide non verba, sed sensus tantum ad fidem pertinent: non enim est hæreticum dicere, in canonibus Conciliorum aliquid verbum esse superuacaneum, aut non rectè positum; nisi forte de ipso verbo sit decretum formatum; vt in Concilio Nicæno decreuerunt recipiendam vocem *homoion*, & in Ephesino vocem *homoion*. 5. Discrimen.

Quintum est, quod Script. non eget approbatione Pont. vt sit authentica; sed tantum, vt probet auctoritas: at Concilia generalia, & legitima, non sunt rata, nisi à Pont. confirmentur. Comparatio Conciliorum cum Papa. Quæstio.

Iam verò de comparatione Conciliorum cum Pontif. quæstio exorta est tempore

tempore Concilij Pisani: quia, cum duo Pont. qui simul sedebant in scismate, Gregor. XII. & Benedictus XIII. non videbantur serio cogitare de tollendo scismate per spontaneam abdicationem, quemadmodum ante Pontificatum uterque vouerat, & iurauerat, Cardinales vtriusque partis secesserunt Pisam, & tractare ceperunt, an sibi liceret inuitis Pontif. illis Concilium generale conuocare, & eos Pont. deponere?

Deinde, cum paulò post fieret Concilium Constantiense, & Ioannes XXIII. qui solus ad Concilium accesserat, à Concilio clam discessisset, atque ita Concilium sine capite remansisset, tractare Patres ceperunt, An Concilium posset inuitum Pont. iudicare, & deponere?

Sed maximè controuersia creuit tempore Concilij Basileensis, quia enim Eugenius Papa IV. Concilium Basileense inchoatum dissoluere volebat, & impedire, ne ulterius progrediretur, ceperunt Patres querere, an tenerentur obedire Pont. an Pontif. potius teneretur obedire ipsis, id est, generali Concilio? & quoniam paulò ante viderant duos Pont. Ioannem XXIII. & Benedictum XII. depositos fuisse per Concilium Constantiense, & sic impostum finem maximo scismati, ceperunt metuere, ne, si Pontif. non teneatur obedire Concilio, iterum scisma renouaretur, & sine vllò remedio Ecclesia remaneret.

Itaque hac occasione tunc plurimi in eam sententiam iuerunt, vt Conciliū esset supra Pont. Sed, dum voluerunt scismatibus viam præcludere, ipsi nouū scisma fecerunt creato Pseudopapà Felice V. qui postea cognito errore abdicauit se Pontificatu. Et quamuis postea in Concilio Florentino, & Lateranensi vltimo videatur questio definita, tamen, quia Florentinum Concilium non ita expresse hoc definiuit, & de Concilio Lateranensi, quod expressissimè rem definiuit, nonnulli dubitant, an fuerit verè generale, idèò vsque ad hanc diem questio superest, etiam inter Catholicos.

*Nota.*

Obseruandum autem duobus modis posse comparari Papam cum Concilio. Vno modo, vt sumatur ab vnà parte solus Papa verus, & indubitatus; ab alterà Concilium generale, cui præsit Papa per se, vel per Legatos, ita vt nihil definiatur sine consensu ipsius: Altero modo, vt sumatur ab vnà parte solus Papà; ab alterà Concilium generale, cui Papa nec per se, nec per suos Legatos præsit. Intelligo autem non præsidere per suos Legatos, etiam quando Legatus quidem ab eo missus præsit Concilio, sed agit contra ipsius Pont. voluntatem: tunc enim non est verè eius Legatus, licet pro tali se gerat.

Questio præsens, licet nonnullis videatur versari circa priorem comparationem, quippe qui existimant, Concilium sine Papà non esse verum Concilium, & proinde sine dubio, Papam esse maiorem tali Concilio; tamen reuerà questio præcipua est de posteriore comparatione. Quod patet primò, quia ista questio introducta est propter Pont. depositionem, id est, ad inquirendum, an Papa etiam inuitis à Concilio iudicari, & damnari, & deponi posset? Ad hanc autem finem superuacanea est illa questio: An Concilium cum Papa sit maius solo Papa? Nam siue sit maius, siue minus, nunquam iudicabit, neque damnabit, neque deponet inuitum Papam. Quomodo enim hoc illud Concilium faceret, quod nihil agit sine consensu Papæ? Nam Papa seipse inui-

Inuitum volet iudicari, & damnari?

Secundò, idem patet ex Concilio Basileensi: Nam Basileenses Patres, qui definierunt, Concilium esse supra Papam, suum Concilium Basileense assererant esse supra Eugenium Papam eo tempore, quo in Concilio neque Papa, neque eius Legatus aderat: quin etiam Papam omnibus modis repugnantem deponere aggressi sunt.

Hæc est ergò præcipua quæstio, & sola tractanda, nam ex huius explanatione patebit etiam quid dicendum sit de priori. Qui enim docent, Papam esse supra Concilium sine ipso celebratum, idem docent, parem esse auctoritatem in solo Papa, & in Concilio cum Papa intensiue, licet extensiue sit maior in Concilio: & proinde non posse à tali Concilio Papam iudicari, vel damnari, nec eiusmodi Concilij decretis eum obligari coactiue, sed tantum, directiue, & posse in eis dispensare, exceptis decretis de fide, quæ immutabilia sunt. Ratio horum est, quia par in parem non habet potestatem.

Qui verò docent, Concilium sine Papa esse supra Papam, docent etiam consequenter, Concilium cum Papa esse supra Papam, & obligare Papam; tametsi illi idem fateantur, posse Papam tanquam ministrum Ecclesiæ dispensare in præceptis Concilij generalis, sed, si male dispensauerit, posse corrigi, & puniri postea à Concilio generali.

Hæc igitur primâ comparatione ommissa, sola secunda tractanda est: de qua diuersæ sunt opinioniones: sed communis ferè sententia est, quod Papa adeo sit supra Concilium, vt non possit etiam se subijcere eius sententiæ, si propriè de sententia coactiua loquamur. Ratf.

Hæc sententia videtur esse omnium Scholasticorum veterum, & Canonistarum ferè omnium. Pro qua sit prima propositio:

*Rom. Pontifex est pastor, & caput non solum omnium Ecclesiarum particularium, sed Propos. 1. etiam totius vniuersalis Ecclesiæ simul congregatæ, à Christo immediatè constitutus.*

Prob. primo ex Script. Petrus est fundamentum Ecclesiæ à Christo positum, iuxta illud: *Tu es Petrus, & super hanc petram ædificabo Ecclesiam meam.* Proinde caput, & pastor: nam quod in domo fundamentum est, in corpore est caput, & in grege pastor. Vt enim fundamentum non pender à domo, sed domus à fundamento, ita etiam caput non pendet à corpore, sed corpus à capite, & pastor non pender à grege, sed grex à pastore. Prob. 1. Matth. 16.

Quod autem per Ecclesiam eo loco intelligatur Ecclesia vniuersalis, etiam congregata, vt est generale Concilium, prob. ex Matth. vbi de eadem sua Ecclesia Christus dicit: *Si eos non audierit, dic Ecclesiæ.* Quo loco per Ecclesiam intelligunt aduersarij generale Concilium. Matth. 18.

Præterea; Ecclesia congregata, siue Concilium, proprijsimè est Ecclesia Christi: nam Ecclesia est congregatio fidelium: ergo, quò magis fideles sunt congregati, & vniti, eò magis propriè sunt Ecclesia: at stultum est, cū aliquid de alio absolute pronuntiatur, excipere id, quod proprijsimè per illud significatur. Ergo, cū Christus dicit: *Super hanc petram ædificabo Ecclesiam meam,* stultè excipitur Ecclesia vniuersalis congregata, cū ea proprijsimè sit Ecclesia.

Denique; Ecclesia Christi semper est congregata formaliter, quia est vnum regnum, & vna familia, vnus grex, licet dispersa videatur quantum ad locū:

Z

igitur,

igitur, si Pont. est Pastor, & caput Ecclesiæ, non certè dispersæ, quæ nulla est, sed congregatæ Ecclesiæ est pastor, & caput.

Joan. vii.

Idem habetur ex illo: *Pasce oves meas*. Nam etsi aduersarij dicunt, Dominum dixisse, *Pasce oves meas*, non Ecclesiam meam, tamen Ecclesia in oratione de Ecclesia sic explicat: *Deus omnium fidelium pastor, & rector, qui famulum tuum N. Ecclesiæ præfesse voluisti.*

Et præterea vel Ecclesia congregata, siue Concilium generale, pertinet ad oves Christi, vel nō; si pertinet, ergo Ecclesiæ congregatæ, & Concilij generalis pastor est Petrus; si non pertinet; ergo Christiani per congregationem desinunt esse oves Christi; quod est absurdissimum.

Prob. 2.  
Epist. ad  
Leon.

C. ubi per  
iculum de  
Elect. in 6.

Secundò prob. ex Concilijs. Nam Conciliū Chæcedonenſe diſertè fatetur, S. Leonem caput fuisse totius illius Concilij, quod fuit omnium maximum, & in quo tota Ecclesia cōgregata conspiciebatur: *Quibus, inquit, tu quidem, vt caput, præſas.* Item Concilium Lugdunenſe vocat Pont. rectorem vniuersalis Ecclesiæ: non igitur solum particularium Ecclesiarum est rector.

Similiter in Concilio Florentino definitum est, Pont. esse totius Ecclesiæ caput, & accepisse à Domino plenissimam potestatem vniuersalem Ecclesiam regendi. Concilium Constantienſe damnavit hæresin Ioannis Husi, dicentis: Papam non esse caput totius Ecclesiæ.

Prob. 3.

Prob. tertio rationibus. Primò, Papa est vnum caput: ergo vnius corporis caput: Et Ecclesiæ particulares seorsum sumptæ, non sunt vnum corpus, ergo Papa est caput Ecclesiæ vniuersalis.

Secundò; Ecclesia vniuersalis est vnum corpus visibile: ergo habere debet vnum caput visibile, alioqui videbitur monstrum, at non est fingere alium, quàm Papam: ergo Papa caput est totius Ecclesiæ simul.

Tertiò; Papa est immediatus vicarius Christi: ergo præest ijs omnibus loco Christi, quibus Christus ipse inuisibiliter præest, & quibus etiam præesset visibiliter, si adesset: Christus autem præest, & præesset visibiliter, si adesset visibiliter, non solum Ecclesijs particularibus: sed etiam toti Ecclesiæ vniuersali, & generalibus Concilijs: igitur etiam Papa præest Ecclesiæ vniuersali.

Propos. 2.

Prob. quòd  
formaliter.

Psalm. 2.  
Luc. 1.

Joan. 1. 1.

propositio secunda: *Summa potestas Ecclesiastica non est in Ecclesiâ, vel Concilio, remoto Papâ, aut formaliter aut suppletiuè.* Et quidè nō esse formaliter in Ecclesiâ, vel Concilio, summam potestatem, qualis est in Papa, ex Script. apertè colligitur. Nam secundum Script. Ecclesia non est Democratiâ, vel Aristocratiâ: sed Monarchia, siue regnum Christi, iuxta illud: *Ego autem constitutus sum Rex ab eo super Sion montem sanctum eius.* Et: *Regni eius non erit finis.* Neque dixit Christus, cum interrogaretur: *Ergo Rex es tu?* Non sum Rex; aut, regnum meum non est in hoc mundo, sed ait: *Regnum meum non est ex hoc mundo;* id est, Est quidem in hoc mundo, sed tale non est, quale tu putas, quale est Herodis, & similitum Regum.

Denique; Script. passim vocat Christum regem, & Ecclesiam regnum eius; ex qua sequitur, vt ab vno regi debeat, sicut gubernantur omnia regna.

Quòd autem non sit suppletiuè hæc auctoritas in Ecclesiâ, ostenditur hæc ratione.

Non

Non habet Ecclesia hanc auctoritatem à seipsa, nec ab alio, ergò nullo modo habet. Quòd à seipsa non habet, manifestè probat discrimen, quod est inter regnum Christi, & cætera regna: non enim est Ecclesia tale regnum, qualia sunt regna huius mundi, in quibus summa potestas est in Rege, sed à populo profecta, & deriuata, & proinde radicaliter, & suppletiuè eadem potestas est in regno. Nam in Christi regno summa potestas est in Christo, & non deriuata vllò modo à populo. In regnis enim hominum potestas Regis est à populo, quia populus facit Regem, qui alioqui esset homo priuatus, sicut cæteri; omnes enim homines naturaliter sunt liberi, & æquales, nec posset vnus cæteris imperare, nisi illi se subijceret, & super se potestatem illi concederent. At Christus est Deus, & homo; & quatenus Deus, est naturaliter Dominus, & Rex omnium creaturarum: quatenus homo, habet à Deo omnem potestatem, nec ipse ab Ecclesia factus est Rex, sed ipse potius fecit, Ecclesiam esse suum regnum. *Fecisti nos Deo nostro regnum.*

*Prob quod  
non suppleti-  
uè.*

*Apost. 1.*

Hinc est, quòd in Script. regnum Christi, quod est Ecclesia, ne putaretur tale, qualia sunt cætera, comparatur etiam familiæ: *Quis putas est fidelis seruus, & prudens, quem constituit Dominus super familiam suam?* Et Apostolus: *Moyse erat fidelis in torâ domo Dei tanquam seruus*; Christus autem erat fidelis in torâ domo suâ tanquam Dominus. Constat enim patremfam. non habere à familiâ vllam auctoritatem, sed ex se, quia ipse non à familiâ constituitur pater, sed ipse facit sibi familiam, gignendo filios, emendo seruos. Vnde paterfam. etiam si pessimus sit, nunquam potest à familiâ iudicari, vel expelli, sicut potest Rex, quando degenerat in tyrannum.

*Matth. 24.*

*Hebr. 3.*

Comparatur etiam ouili. Item corpori, & sponse; vt intelligamus, quòd, sicut non accipit auctoritatem pastor ab ouibus, nec caput à corpore, nec vir ab vxore; ita neque Christus ab Ecclesiâ.

*Iean. 10:2  
Epist. 4.  
C. 3.*

Ex his habemus Ecclesiam ex se nullam habere auctoritatem; sed omnem esse in Christo, & ijs, quibus Christus eam communicauit. Quòd autem non habeat ab alio, nimirum à Christo, prob. Nam Christus legitur quidem dedisse Petro clauas regni cælorum, & eundem præfecisse ouili suo: dedit etiâ Apostolis exteris potestatem prædicandi, baptizandi, peccata dimittendi, & alia quædam faciendi, quæ ad munus Episcopale spectant; sed hanc potestatem Christus singulis dedit, ita vt potuerit quisque eorû illa omnia exercere sine congregatione aliorum. At, quòd ipsi Ecclesiæ, id est, fidelium vniuersitati in se, id est, ratione suæ totalitatis aliquid potestatis tribuerit, nusquam legitur: immò è contrario legimus præcipi populo, vt obediant, & subiaceant pastoribus suis. Quòd si Ecclesiæ vniuersitati non est data vlla auctoritas; ergò neque Concilio generali, quatenus Ecclesiam vniuersalem repræsentat. Ergò in Concilio non est auctoritas, summa seu Papalis; sed tantum Episcopalis, seu Archiepiscopalis, prout sunt personæ, quæ ibi conueniunt.

*Matth. 16.  
Iean. 20.*

*Heb. 13. &  
Abbi.*

Prob. secundò; Nam si Concilium generale sine persona Papæ haberet Papalem auctoritatem formaliter, vel suppletiuè, non indigeret confirmatione Papæ. Id autem est falsum: constat enim omnia Concilia Catholica confirmationem petijisse.

*Prob. 2.  
de vtroque.*

Tertiò; Concilium sine Papa potest errare etiam in fidei decretis: vt patet in

*Prob. 3.*

in Concilio Sirmienti, cui subscripsit Hosius: item Mediolanensi, Arminien-  
si, Ephesino, secundo Constantinop. sub Iuliano I I. Constantinop. sub  
Leone Isauro, & alio sub Constantino Copronymo. At Cōcilium cum Papa  
non potest errare. Ergo non potest sine Papa illa omnia, quæ potest cum Papa.  
Neque potest responderi, errasse illa Concilia, quòd nō fuerint legitima; nam  
plerisque nihil defuit, nisi Pont. assensus: immo Ephesinum I J. fuit omnino  
simile Basileensi, vtrumque enim fuit indictum à Pont. in vtroque adfuit Le-  
gatus Pont. in initio; in vtroque recessit paulo pōst. Legatus Pont. in vtro-  
que fuit Pont. excommunicatus: quæ omnia patent de Basileensi. Et nihilo-  
minus errasse Concilium Ephesinum, aduersarij negare non possunt.

Quarto, Si in Ecclesia esset summa potestas principaliter, in Papa instru-  
mentaliter, vt in ministro Ecclesie, vt ipsi dicunt, sequeretur Papam non esse  
immediatum Christi vicarium, sed mediatum: immediatè enim vicaria Chri-  
sti esset Ecclesia; Papa autem esset immediatus Ecclesie vicarius, quod est ex-  
pressè contra Cōcilium Constantiense, vbi damnatur hæresis Viclefi dicen-  
tis, non esse Pont. immediatum Christi vicarium.

Suff. 1.

Propos. 3.

Prob. 1.

Propositio tertia: *Summus Pont. simpliciter, & absolutè est supra Ecclesiam uni-  
uersam, & supra Concilium generale, ita vt nullum in terris supra se iudicium agnoscat.*  
Hæc etiam est ferè de fide. Et prob. primo ex duabus præcedentibus: nam, si  
Papa esset caput Ecclesie vniuersæ, etià simul congregatæ, & Ecclesia vniuersa,  
etià simul congregata, non habeat vllam potestatem ratione suæ totalitatis,  
sequitur, Papam supra Concilium esse, & supra Ecclesiam, non contra.

Prob. 2.

Secundo prob. ratione in Script. fundata. Nam omnia nomina, quæ in  
Script. tribuuntur Christo, vnde constat eum esse supra Ecclesiam, eadè om-  
nia tribuuntur Pont.

Pont. est pa-  
terfam.

Luc. 12.

Ac primùm Christus est paterfamilias in domo sua, quæ est Ecclesia: Pont.  
in eadem est summus æconomus, id est, paterfamilias loco Christi. *Quis est  
fidelis dispensator, & prudens, quem constituit Dominus super familiam suam.* Hic enim  
per dispensatorem, siue æconomum, vt Græcè habetur, intelligunt Episcopos.  
Ambrosius, Hilarius, Hieronymus. Et quamuis Patres non loquantur expre-  
sse de Episcopo Rom. tamen sine dubio illa est sententia Script. vt Episcopi  
particulares sunt summi æconomi in suis Ecclesijs; ita esse Episcopum Rom.  
in Ecclesia vniuersa.

In cap. 24.  
Matth.

Quod autem æconomus summus sit supra familiam, & ab ea iudicari, ac  
puniri non possit, patet ex hoc eodem loco. Dominus enim ait: *Quem consti-  
tuit Dominus super familiam suam.* Et ibidem: *Quod si dixerit seruus ille in corde suo:  
moram facit Dominus meus venire, & cæperit percutere seruos, & ancillas, edere, & bi-  
bere, & inebriari, veniet Dominus serui illius in die, qua non sperat, & diuidet eam, par-  
temque eius cum infidelibus ponet.* Vbi vides Dominum seruare suo iudicio seruum  
illum, & non committere iudicio familie.

Idem etiam docet vsus omnium familiarum: nulla enim familia est, in qua  
liceat famulis inferioribus, etiam simul cōgregatis, punire, vel expellere æco-  
nomum, etiam si pessimus sit, id enim ad solum Dominum totius familie per-  
tinet.

Est Pastor.  
Ioh. 10.

Aliud nomen Christi est, Pastor. Ego sum Pastor bonus. Idem communicat  
Petro,

Petro: *Pasce oues meas.* Constat autem pastorem ita præfisse ouibus, vt nullo modo ab eis iudicari possit.

Tertium est, Caput corporis Ecclesiæ. Idem communicat Petro, & habemus in Concilio Chalcedonensi, vbi Legati sententiam pronunciant in Dioscorum; & in Epistola Concilij ad Leonem. Porro caput à membris regi, & non ea potius regere, contra naturam est: sicut etiam est contra naturam quod membra sibi caput præcidant, cum fortè grauiter egrotat.

Quartum est, Vir, seu Sponsus. *Viri, diligite uxores vestras, sicut Christus dilexit Ecclesiam, & tradidit seipsum pro ea,* &c. Idem conuenit Petro: nam in Concilio generali Lugdunensi, loquens Concilium de electione Rom. Pontificis: *Acceloret, inquit, vtilis, pernecessaria totius mundi promissio, idoneo celeriter eidem Ecclesiæ sponso dato.* Est autem contra Apostolum, & contra naturæ ordinem, vt sponsa præsit sponso, & non potius subsit.

Prob. tertio ex verbis expressis Conciliorum, & Pont. Cum enim controuersia ista sit de potestate Concil. & Pont. si inter se Concilia, & Pont. conueniant, quid opus est, vt nos litigemus?

Prob. quarto ex appellationibus à Concilio ad Papam. Sine controuersia enim semper à minore ad maiorem appellatur. Appellari autem à Concilio ad Papam, non contrà, perspicuum est ex Gelasio: *Ad sedem, inquit, Apostolicam de quolibet mundi parte appellandum est, ab illa autem nemo est appellare permittus.* Et, ne putemus eum loqui de appellatione ab aliquo Episcopo, non à Concilio, subdit sæpe Rom. Pont. soluisse eos, quos iniqua Concilia ligauerant. Cuius rei extant exempla clarissima. Nam Athanasius Episc. Alexandrinus, & Paulus Episc. Constantinop. à Concilio depositi, ad Iulium Papam appellauerunt, & ab eo in suas sedes restituti sunt. Flavianus Episc. Constantinop. appellauit à Concilio Ephesino II. generali, ad Leonem Papam. Item Theodoretus Episc. Cyri appellauit à Concilio eodem II. Ephesino, ad eundem Leonem. Denique Ioannes Chrysostomus à Concilio depositus, appellauit ad Innocentium Papam.

Prob. quinto ex approbatione, & reprobatione Conciliorum: nam omnia reuocantur tandem ad examen Rom. Pontificis, & quæ ille probat, recipiuntur; quæ improbat, reijciuntur.

Propositio quarta: *Summus Pont. non potest committere neque Concilio, neque vli-*

*lo homini supra se, iudicium coactiuum, sed tantummodò discretiuum.*

Nota in iudicio perfecto duo quedam reperiri. Primò, potestatem discutiendi causas, & discernendi, ac iudicandi, quid agendum sit. Secundò, potestatem cogendi eum, qui cecidit causa, ad obtemperandum sententiæ contra se latæ. Vtrumque inuenitur in iudice propriè dicto, qualis est Princeps, supra se constitutus. Primum autem solum reperitur in arbitris, quorum sententiæ etiam si teneantur homines stare ex iure naturæ, quia tenentur seruare promissa; non tamen ex vi sententiæ, quia non possunt arbitri cogere. Iam verò summus Pont. non potest iudicem propriè dictum supra se constituere, sed tantum quodammodò arbitros, quorum sententiæ: si non obtemperauerit, faciet, quod non debet, non autem quod non potest.

Ioan. vii.

Caput.  
Ephef. 4.  
dicit. 3.Vir sine spū  
luc.  
ephef. 5.  
Cap. vbi per  
vultum. de  
lect. in 6.  
ephef. 5.  
Prob. 3.

Prob. 4.

Epist. ad  
Episc. Dar-  
danis.

Prob. 5.

Propof. 4.

Iudicio prae-  
dicti num.



*Prob. prior  
pars.*

Prima pars prob. Primò, quia potestas Papæ super omnes est de iure diuino, vt patet. At non potest Papa dispensare in iure diuino. Secundò, quia non potest inferior committere alicui iudicium reseruaturni superiori. Non enim potest Episc. committere suo penitentiario, vt absoluat in casibus reseruatis Papæ: at iudicium in causa Pont. est reseruaturni Deo. Tertiò, quia sequeretur Papam esse superiorem, & non superiorem respectu eiusdem, quæ est implicatio contradictionis. Nam summus Pont. cum se, ac suam causam iudicio alicuius committit, non desinit esse Papa: ergò nec desinit esse superior quocunque Christiano: at nihilominus non est superior, sed inferior, si cogi potest, erit igitur simul superior, & non superior.

*Prob. poster.  
rior.*

Secunda pars patet ex Sixto III. Leone III. Symmacho, Leone IV. & alijs, qui, cum accusarentur, causas suas in Concilio Episc. discuti voluerunt, quos tamen iudicare Episc. ausi non sunt. Vnde in Concilio IV. sub Symmacho omnes Episc. cum subscribunt, affirmant, se totum iudicium Deo relinquere.

## C A P V T V.

### De nomine, & definitione Ecclesiæ.

*Nomen  
Ecclesiæ.*

*Rom 8.  
Act. 2.*

*Nota 1.*

*Psalm. 25.  
Psalm. 88.*

*AB 19.  
Nota 2.*

**E**CCLESIAE nomen Græcum est, deduciturque à verbo *ἐκκαλέω*, quod est, euoco. Itaque Ecclesia est euocatio siue cætus euocatorum, quia nemo ad hunc pop. se adiungit per se, & suo proprio instinctu sed omnes, quotquot veniunt, à Dei vocatione præueniuntur. Est enim vocatio primum beneficium, quod sancti à Deo recipiunt. Quos vocauit, inquit Apostolus, hos iustificauit, quos iustificauit, hos & magnificauit: &c: Quoscunque aduocauerit Dominus Deus noster. Hinc toties Apostolus Christianos appellat vocatos, in omnibus ferè epistolis.

Sunt autem tria circa hoc nomen notanda. Primo, nomen Ecclesiæ cum aliquo adiuncto posse & in bonam, & in malam partem accipi. Dicitur enim Ecclesia malignantium, & Ecclesia Sanctorum. Absolutè autem positum hoc nomen non intelligitur nisi de Ecclesia Christi, excepto vno loco, vbi de pop. ethnicorum dicitur: *Erat enim Ecclesia confusa.*

Secundò nota cum August. tamen si eadem sit Ecclesia veteris Testamenti, & noui quoad essentiam, tamen, quia status Ecclesiæ noui Testamenti est longè excellentior, idè etiam nomina esse distincta. Nam populus veteris Testam. propriè dicitur Synagoga, id est, congregatio: pop. noui Testamenti nusquam dicitur Synagoga, sed semper Ecclesia, id est, euocatio. Congregari enim est commune hominibus cum bestijs: at euocari proprium est hominum. Neque refert, quòd pop. Iudæorum in Testam. veteri passim vocatur etiam Ecclesia: nam tam Synagoga, quàm Ecclesia apud Hebræos dicitur

citur à congregando: sunt itaque duo nomina, sed idem prorsus significant.

Tertiò nota, quemadmodum ciuitas nunc significat cætum hominũ, nunc locum, in quo cætus ille habitat, ita etiam Ecclesiam in Script. nunc significare cætum fidelium; vt: *Salutant vos omnes Ecclesie Christi*: nunc locum ipsum, in quo fideles congregantur; *Omnis populus per totam noctem intra Ecclesiam orauerunt.*

Nota 3.

Rom. 16.

Ludh. 16.

Nos autem nunc solum de Ecclesia, vt cætum fidelium significat, agimus. De qua nostra sententia est Ecclesiam vnã tantum esse, non duas: & illam vnã, & veram esse *cætum hominum eiusdem Christianæ fidei professione, & eorumdem Sacramentorum communione colligatum, sub regimine legitimorum pastorum, ac præcipuè vnius Christi in terris Vicarij, Rom. Pontificis.*

Ecclesia de-

sanctio.

Ex qua definitione facile colligi potest, qui homines ad Ecclesiam pertineant, qui verò ad eam non pertineant. Tres enim sunt partes huius definitionis. Professio veræ fidei, Sacramentorum communio, & subiectio ad legitimum pastorem Rom. Pontificem.

Ratione primæ partis excluduntur omnes infideles, tam qui nunquã fuerunt in Ecclesia, vt Iudæi, Turcæ, Pagani; tam qui fuerunt, & recellerunt, vt hæretici, & Apostatæ.

Ratione secundæ excluduntur Catechumeni, & excommunicati, quoniam illi non sunt admissi ad Sacram. communionem, isti sunt dimissi.

Ratione tertiæ excluduntur scismatici, qui habent fidem, & Sacramenta, sed non subduntur legitimo pastori, & ided foris profitentur fidem, & Sacramenta percipiunt. Includuntur autem omnes alij, etiam si reprobi, scelesti, & impij sint.

Atque hoc interest inter sententiam nostram & aduersariorum, quòd illorum requirat internas virtutes ad constituendum aliquem in Ecclesia; & propterea Ecclesiam veram inuisibilem faciunt: nos autem, etsi credimus, in Ecclesia inueniri omnes virtutes, Fidem Spem, Charitatem, & ceteras, tamen, vt aliquis aliquo modo dici possit pars veræ Ecclesiæ, de qua Script. loquuntur, non putamus, requiri vllam internam virtutem; sed tantum externam professionem fidei, & Sacram. communionem, quæ sensu ipso percipitur. Ecclesia enim est cætus hominum ita visibilis, & palpabilis, vt est cætus populi Rom. vel Regnum Galliarum, aut Resp. Venetorum.

Notandum est autem cum Augustin. in breuiculo collationis, Ecclesiam esse corpus viuum, in quo est anima, & corpus. Et quidem anima sunt interna dona Spiritus sancti, Fides, Spes, Charitas. Corpus sunt externa, professio fidei, & communicatio Sacram. Ex quo fit, vt quidã sunt de anima, & de corpore Ecclesiæ, & proinde vniti Christo capiti interius & exterius: & tales sunt perfectissimè de Ecclesia; sunt enim quasi mēbra viuã in corpore, quamuis etiã inter istos aliqui magis, aliqui minus vitam participant, & aliqui etiam solum initium vitæ habeant, & quasi sensum, sed non motum, vt qui habent solum fidem sine charitate. Rursus, Aliqui sunt de anima, & non de corpore; vt, catechumeni, vel excommunicati, si fidem, & charitatem habeant, quod potest fieri. Denique: Aliqui sunt de corpore, & non de anima: vt, qui nul-

Nota 4.

Collat. 70.

lam.

lam habent internam virtutem; & tamen spe, aut timore aliquo temporali, possidentur fides, & in Sacram. communicant sub regimini pastorum, & tales sunt sicut capilli, aut ungues, aut mali humores in corpore humano. Definitio igitur nostra solum comprehendit hunc vltimum modum existendi in Ecclesia, quia hic requiritur, vt minimum, vt quis possit dici esse pars vltibilis Ecclesiz. De singulis igitur probandum est.

*In fideles non baptizati.*

De Infidelibus quidem non baptizatis sine dubio Paulus loquitur: *Quid enim mihi de ijs, qui foris sunt, iudicare?* Vbi generaliter eos omnes foris esse dicit, qui non dederunt nomina sua Christo per Baptismum, sed aliquas alias religiones sequuntur.

*Catechumeni.*

De Catechumenis est paulò maior difficultas, quia sunt fideles, & saluari possunt, si moriantur in eo statu; & tamen extra Ecclesiam nemo saluatur, sicut nec extra arcam Noë. At nihilominus certum est, Catechumenos non esse in Ecclesia actu, & propriè, sed tantum in potentia, quomodo homo conceptus, sed nondum formatus, & natus non dicitur homo, nisi in potentia. Nam legimus: *Qui ergo receperunt verbum, baptizati sunt, & appositæ sunt in die illa animæ circiter tria milia.* Item Concil. Florent. docet, homines fieri membra Christi, ac de corpore Ecclesiz, cum baptizantur. Idem & Patres docent.

*Obiect. Solus.*

Denique Catechumeni non habent ius ad vlla Sacram. neque ad alia, quæ sunt communia vniuersæ Ecclesiz. Non igitur actu, & propriè sunt Catechumeni de Ecclesia. Quomodo igitur, inquires, saluantur? Resp. quod dicitur, extra Ecclesiam neminem saluari, intelligi debere de ijs, qui neque reipsa, neque desiderio sunt in Ecclesia: sicut de Baptismo communiter loquuntur Theologi. Quoniam autem Catechumeni, si non re, saltem voto sunt in Ecclesia, idè saluari possunt. Neque repugnat similitudo arce Noë, extra quam nemo saluabitur, etiamsi voto in ea fuisset: nam similitudines non in omnibus conueniunt. Quocirca Baptismus comparatur arce Noë, & tamen constat sine Baptismo in re aliquos saluari.

*q. Pæt. 1. Hæretici, & Apostati. 1. Tim. 1.*

Hæreticos, & Apostatas esse extra Ecclesiam, Primò Script. indicat, cum ait: *Quidam circa silem naufragauerunt.* Quo loco per metaphoram naufragij intelligit, hæreticos, fracta vna parte nauis Ecclesiz, ex ea in mare decidisse. Quod etiam significat illa parabola Domini de reti, quod præ multitudinem scindebatur.

*Luc. 5. Tit. 3.*

Præterea Apostolus: *Hæreticum hominem post vnam, & alteram correptionem denota, sciens, quia subuersus est, qui eiusmodi est, & delinquit, cum sit proprio iudicio condemnatus.* Vbi Apostolus Episcopo præcipit, vt hæreticum viter: quod certe non faceret, si esset intra Ecclesiam. Debet enim pastor non vitare, sed curare eos, qui ad suum gregem pertinent. Et addit rationem, quia talis pertinax hæreticus, est proprio iudicio condemnatus; id est, (vt Hieronymus exponit) non est eiectus ab Ecclesia per excommunicationem, vt multi alij peccatores; sed ipse seipsum ab Ecclesia eiecit. Item: *Ex nobis exierunt, sed non erant ex nobis;* id est, ex nobis exierunt, quia erant nobiscum in eadem Ecclesia; sed non exierunt ex nobis, secundum diuinam electionem, vt Augustinus.

*1. Ioan. 2.*

Secun-

Secundò prob. ex Concilio Nicëno, vbi heretici dicuntur posse recipi in Ecclesiam, si redire velint, cum certis tamen conditionibus. Item ex Concilio Lateranensi, vbi Ecclesia dicitur fidelium congregatio. Constat enim hereticos nullo modo esse fideles.

C. 8 & 19.  
C. Firmiter.  
de summa  
Trinit.

Tertiò prob. ex Patribus.

Accedit postremò, quod cum Ecclesia sit multitudo vnita (est enim populus quidam, siue regnum, siue corpus vnum) & ista vnio præcipuè in professione vnius fidei, & eorundem legum ac rituum obseruatione consistat, nulla ratio permittit, vt eos de Ecclesiæ corpore esse dicamus, qui cum eo nullam omninò coniunctionem habent.

De Scismaticis nonnulli Catholicorum dubitant, an sint de Ecclesia? Sed non esse, facile est ex sacris litteris, & Patrum traditione docere. Nam in primis, cum dicitur: *Scindebatur autem rete*; per scissionem retis, & egressionem piscium ex reti intelliguntur scismata Ecclesiæ, & egressio hereticorum, & scismaticorum de Ecclesia, vt exponit Augustin.

Scismatici.  
Luc. 5.

Præterea, Script. vocat Ecclesiam: *Vnum ouile, Vnum corpus, Vnam sponsam, vnam amicam, vnam columbam*. Scisma autem scindit id, quod erat vnum, in partes, vt patet ex ipso nomine. Nam *σχιζω* scindere est, & *σχιζμα* scissura: ergò scismatici non sunt in Ecclesia, nec de Ecclesia. Nam pars scissa à corpore non est amplius pars eius corporis. Vnde pulchrè Cyprianus dicit, Ecclesiā significari per vestim Christi inconfutilem, quæ scissa non fuit, vt intelligeremus, Ecclesiam scindi posse, sed non eo modo, quo scinduntur vestes, ita vt omnes partes quæ maneant partes vestis: sed quomodò scinditur ramus ab arbore, qui statim moritur arbore viuente; & riuus à fonte, qui mox arefcit, fonte fluente; & radius à Sole, qui continuò deficit, Sole, vt erat permanente. Vel, si contendas, partem scissam ab Ecclesia esse etiam Ecclesiam quandam, multas Ecclesias facies, quod est contra Script. paulò ante notatas.

Tract. 122. in  
Ioannem.  
Iam. 10.  
Rom. 12.  
Cant. 6.  
I. de unitate  
Ecclesiæ.

Prob. secundò ex decretis Pelagij Papæ, qui ex professo probat, scismaticos non esse de Ecclesia.

Accedit etiam testimonium totius Ecclesiæ, quæ in Parasceue orat pro hereticis, & scismaticis, vt eos Deus ad Ecclesiam Catholicā reuocare dignetur. Quod certè non faceret, si eos in Ecclesia esse crederet.

24. quæst. 1.  
can. pudentia  
& can. Iulian.  
ma.

Huc etiam pertinet testimonium Catechismi Rom. cuius non est exigua auctoritas in Ecclesia Dei. Disertis autem verbis Cathecismus prædictus scismaticos ab Ecclesia separat.

Prob. tertiò ex Patribus.

In explicat.  
Symboli Ape.

Quarto prob. ratione. Nam de ratione Ecclesiæ est, vt sit vna vnione membrorum inter se, & cum capite, hanc autem vnionem scismaticus tollit, dum se à communione capituli, & aliorum membrorum separat.

Quòd autè vnitas essentialis Ecclesiæ cōsistat in illa cōiunctione membrorum inter se, & cum capite, prob. nam multiplex vnitas inuenitur in Ecclesia. Prima est vnitas ratione principij, id est, Dei vocantis: *Nemo venit ad me*, &c.

Ioa. 6.

Secunda ratione eiusdem vltimi finis, quod significatum est in illo vno denario omnibus operantibus promisso. Tertia est ratione eorundem mediorum, id est, Fidei, Sacramentorum, Legum, iuxta illud: *Vna fides, vnum Baptis-*

Matth. 20.  
Ephes. 4.  
Ephes. 4.

*tissima.* Quarta est ratione eiusdem Spiritus sancti, à quo tanquam externo; & separato Rectore viuueret Ecclesia gubernatur. *Diuisiones gratiarum sunt, idem autem Spiritus.* Quinta est ratione eiusdem capitis, tanquam interui, & coniuncti Rectoris; omnis enim Ecclesia eidem Christo, & eius vicario tanquam capiti pareat. *Ipsam dedit caput super omnem Ecclesiam.* Et: *Simon Petre, pasc oves meas.* Sexta est ratione connexionis membrorum inter se, & præcipue cum capite, vt est principale membrum: *Vnum corpus sumus, aliter alterius membra.*

Rom. 12.

Iam verò inter has vnitates illæ, quæ faciunt propriè Ecclesiam vnā, sunt dux vltimæ. Nam per primam Ecclesia non tam est vna, quàm ex vno. Per secundam non tam est vna, quàm ad vnum. Per tertiam non tam est vna, quàm per vnum. Per quartam non tam est vna, quàm sub vno. Per quintam, & sextam propriè est vna, id est, vnum corpus, vnus populus, vna societas. Scisma autè opponitur his vnitatibus postremis: tunc enim est scisma, quando vnu membrum non vult amplius esse membrum illius corporis, nec sub illo capite: quare tollit vnitatem essentialē, atque Ecclesiam ipsam: Scismaticus igitur non est de Ecclesia.

Excommuni-  
catus.  
In explicat.  
Symboli.  
Matt. 18.

De Excommunicatis, quòd in Ecclesia non sunt, docet Catechismus Romæ. & prob. Primò ex illo: *Si Ecclesiam non audierit, sit tibi sicut Ethnicus, & Publicanus.* Vbi Dominus de Excommunicatis loquitur secundum omnium expositionem. At Ethnicus non sunt de Ecclesia. Item ex illo: *Cur non magis lustrum habuistis, vt tollatur de medio vestri, qui hoc opus fecit?* Et infra: *Nescitis, quia modicum fermentum totam massam corrumpit?* Item: *Auferite malum ex vobismet ipsis, &c.*

1. Cor. 5.

Quibus omnibus verbis describit Apostolus, quid sit excommunicari. Iubet enim excommunicari eum, qui vxorem patris sui habuerat.

11 q. 3. can.  
Canonica.

Secundò prob. ex iure Canonico.

Tertiò ex Patribus.

Vltimò prob. ratione. Primò; Per excommunicationem priuantur homines omni commercio spirituali, quod habent homines Ecclesie inter se: igitur non sunt amplius in catu Ecclesie. Quid enim est, ciuem aliquem priuari ciuitate, nili priuari omni commercio, quod est inter homines illius ciuitatis?

Secundò; Excommunicatio eum locū habet in Ecclesia, quem pena mortis habet in Testamento veteri, & quem habet in temporalibus Repub. At per mortem separantur homines planè à tota Rep.

Tertiò; Nulla est pena grauior, quam Ecclesia infligere possit, excommunicatione: ergò per excommunicationem eicitur homo de Ecclesia. Nam grauius est, proijci de Ecclesia, quàm quilibet pena, quæ de manentibus in Ecclesia sumitur.

Quartò; Excommunicatio non potest ferri, nisi in contumaces, & incorrigibiles; vt omnes Theologi deducunt ex illo: *Si Ecclesiam non audierit, sit tibi: velut Ethnicus, & Publicanus.* Igitur excommunicatio est eiectio de Ecclesia: si enim Excommunicatio esset pena aliqua infra eiectionem, ferretur etiam quandoque in homicidas, adulteros, & alios facinorosos, licet non contumaces.

Adde;

Adde, quòd, cùm abfoluuntur Excommunicati, dicitur: *Refituo te vnitati Ecclefie, & membrorum participationi.* Quòd fignum eft perfpicuum, Excommunicatum fe paratum fuiffe ab Ecclefie vnitatem.

De Prædeftinatis, quòd non folùm Prædeftinati, fed etiam reprobi ad Ecclefiam pertinere poffint, prob. Primò ex parabolis Domini apertiffimis.

Comparatur enim Ecclefia arceæ. *Permundabit inquit, arcem suam, & congregabit triticum in horreum suum, paleas autem comburet igni inextinguibili.* Certè nomine arceæ non poteft intelligi, nifi Ecclefia: in qua tamen inueniuntur paleæ, quæ fi comburerentur igne inextinguibili, certè non fignificant electos.

Item, comparatur fagena miffa in mare, ex omni genere pifcium congreganti quorum tandem aliqui mittuntur in caminum ignis, qui certè nò erant de prædeftinatis.

Item, comparatur conuiuio nuptiali, ad quod intrauerunt boni, & mali, & poft eam mali non habentes veftem nuptialem proijciuntur in tenebras exteriores; & idèò concludit Dominus: *Multi sunt vocati, pauci electi*, id eft, multi funt in Ecclefia, quæ eft euocatio quædam, fiue cætus vocatorum, qui tamen non funt de electis.

Item, comparatur decem virginibus, quarum quinque prudentes, intrabunt in die iudicii cum fponfo ad nuptias, quinque fatuæ excluduntur.

Item, cõparatur ouili, in quo funt oues, & Hædi: & illæ, Domino ipfo expulante, fignificant electos; ifti reprobos. Et Paulus iubet expelli de Ecclefia inceftuofum, & tamen non poterat illum facere reprobum ex prædeftinato, immò nec volebat; nam eiecit illum, vt humiliatus rediret, & faluus fieret in die Domini, vt ibi dicitur.

Item: *In magna autem domo funt vafa aurea, & argentea, & lignea, & fictilia, quædam in gloriam, & quædam in contumeliam.* Nec dubium eflè videtur, quin vafa in gloriam funt electi, vafa in contumeliam reprobi, etiam fi in eadem domo funt.

Accedant præterea exempla Pauli, & Iudæ. Nam Paulus affirmat, fe perfecutum eflè Ecclefiam Dei, & idem de eo affirmat Lucas.

Quaro igitur, vel illa Ecclefia, quam Paulus perfecuebatur, erat vera Dei Ecclefia, vel non. Si vera; igitur Paulus aliquando non fuit membrum veræ Ecclefie: quomodo enim erat de illa Ecclefia, quam totis viribus oppugnabat? Si non erat vera Ecclefia; ergò Paulus, & Lucas mentiuntur, cùm eam abfolutè Dei Ecclefiam vocant.

Porro Iudas reprobus erat, vt patet ex Actis, & tamen de vera Ecclefia aliquando fuit: nam, vt dicitur ibidem, fuit Apoftolus ex duodecim, & Epifcopus vocatus à Dauid Propheta; quæ non poffunt eflè vera, nifi aliquando de Ecclefia fuerit.

Accedat quoque ratio. Nam, fi fola prædeftinatio facit hominem eflè de Ecclefia, fequitur, Turcas, Iudæos, hæreticos, & quolibet impios, fi prædeftinati funt, nunc eflè de Ecclefia, & viuæ membra Chrifti: & contra, quolibet sanctos, & pios baptizatos, fi non funt prædeftinati, non eflè de Ecclefia, neque de corpore Chrifti. At vtumque eflè faliffimum, & contra expreffiffimas Script.

**Rom. 6.** Nam, quod non baptizati, & heretici non sunt de Ecclesia, supra ostendimus. Quod autem impij non sunt viua membra, dicit Apostolus: *Qui Spiritum Christi non habet, hic non est eius*; nimirum viuum membrum. Quod autem impij non habeant Spiritum Christi, sed spiritum diaboli, patet ex operibus eorū. Non enim sunt patientes, casti, &c. quæ sunt opera Spiritus: sed sunt adulteri, homicidæ, blasphemæ, &c. quæ sunt opera carnis.

**Gal. 6.** E contrario autem, quod omnes pij baptizati sunt membra Christi, dicit Apostolus: *Omnes nos vno spiritu in unum corpus baptizati sumus*. Et: *Omnes enim filij Dei esu per fidem in Christo Iesu: quicumque enim in Christo baptizati esu, Christum induistis*. Et tamen non est credibile, omnes Corinthios, & Galatas fuisse prædestinatos.

**1 Cor. 12.** Prob. vltimò ex incommodis. Nam, si soli prædestinati essent de Ecclesia, omnia essent incerta. Nam nemo tunc cognosceret fratres suos, nec pastores cognoscerent oues suas, nec ab illis cognoscerentur; cum nemo sciat, qui sint prædestinati: & præterea nemo sciret, quæ sint veræ Script. quæ vera Sacram. quæ vera fides, &c. Omnia enim pendent ex testimonio veræ Ecclesie.

**Nō perfecti.** Non perfectos in Ecclesia esse posse, facile probari potest. Nam, si non essent in Ecclesia ij, qui habent aliquam imperfectionem, nulla fuisset, neque esset, neque futura esset Ecclesia in terris. Nam excepto Christo, & B. Virgine, qui soli non faciunt Ecclesiam, nulli sunt, quamvis sanctissimi, in hac vitâ, qui non habeant aliqua venialia peccata, quæ tamen non tollunt iustitiam, nec faciunt hominem Deo inimicum, vt Pelagiani putabant. Id quod

**Psal. 31.** testantur diuinæ litteræ: *Tu remisisti iniquitatem peccati mei, pro hac orabit ad te omnis sanctus in tempore oportuno*. Quid est enim, *Pro hac nisi pro remissione?* Et: sanctus igitur aliquis est, & tamen habet, quod sibi postulet remitti. Et: *Nec enius est homo, qui non peccet*. Et: *Septies in die cadet iustus, & resurget*. Et: *Non est homo iustus in terra, qui faciat bonum, & non peccet*. Iubentur etiam omnes dicere: *Dimitte nobis debita nostra*. Et: *In multis offendimus omnes*. Et: *Si dixerimus, quia peccatum non habemus, nos ipsos seducimus, & veritas in nobis non est*. Quæ certè testimonia clariora sunt, quàm vt explicatione vlla indigeant.

**Can. 7. & 8.** Idem testatur Concil. Mileuitanum, vbi definitur, iustos dicere non solum humiliter, sed etiam veraciter; & non solum pro alijs, sed etiam pro se: *Dimitte nobis debita nostra*. Idem testantur Patres.

**Magni peccatores.** De magnis peccatoribus, eos etiam esse in vnâ, verâ, & Catholica Ecclesia Christi, & non solum occultos, sed etiam manifestos, prob. Primò ex parabolis Euangeliorum de areâ, de reti, de conuiuio nuptiali, de decem virginibus, & de ouili suprà citatis. Præterea, sunt alia loca apertissima. Si peccauerit in te frater tuus, vade, corripe eum, &c. Si eos non audierit, dic Ecclesia, si Ecclesiam non audierit, sit tibi velut Ethnicus, & Publicanus. Hic negari non potest, quin sermo sit de verâ Ecclesia. Nam Christus loquitur de Ecclesia sua: & in hac Ecclesia constat inueniri peccatores, & tales peccatores, qui sæpe non emendantur per correptionem fraternam, nec etiam adhibitis duobus testibus: & tamen in Ecclesia manent, donec ab ipsa Ecclesia per sententiam Prælati eiiciantur.

Item;

Item Dominus præcipit de præpositis malis, vt faciamus, quod dicunt, non quod faciunt. Describit etiam præpositum malum, qui percutit confusos, comedit, & bibit cum ebrios, &c. & dicit: *Veniet Dominus eius in die, quæ non sperat, & diuidet eum, partemq; eius cum hypocritis ponet.* Vbi de præpositis Ecclesiæ agi, docent Hilarius, Hieronymus, Chrysostomus, & alij in hunc locum.

Item, Paulus dicit, scribere se Ecclesiæ Dei, quæ est Corinthi: & mox ibidè subdit: *Significatum est mihi, quod contentiones sint inter vos, &c.* Et alibi: *Audite inter vos fornicatio, & talis fornicatio, qualis nec inter gentes, ita vt uxorem patris sui aliquis habeat.* Quid hic dicent? Non esse hanc veram Ecclesiæ? At Apostolus dicit, esse Ecclesiæ Dei. Non fuisse istum peccatorem grauissimum. & manifestum? At Apostolus hoc dicit. Non fuisse in illâ Ecclesiâ? At Apostolus iubet, vt expellant eum per excommunicationem: *Tollatur, inquit, de medio vestri, &c.*

Præterea; Ioannes in Apoc. scribit septem Ecclesijs Asiæ, & serè singulas reprehendit de rebus non leuibus. Et, vt notat B. Augustinus, non solum Ecclesias, sed etiam præpositum reprehendit, significatum per Angelum Sardenfis Ecclesiæ: *Nomen, inquit, habes, quod viuas, sed mortuus es; esto vigilans, &c.*

Addo, quod tempore Testamenti veteris nunquam defuerunt grauissima peccata in populo Dei, & tamen nusquam legimus, quod Moyses, aut Samuel, aut alij Prophetæ, qui diuersis temporibus fuerunt: aut Maria, Anna, Elizabeth, Simeon, Zacharias, Ioannes Baptista, & alij iusti, quos Dominus inuenit in populo Iudeorum, separauerint se à reliquis pessimis hominibus, quantum ad templum, altare, sacrificium, & alia, quæ religionis sunt, ergo in eadè congregatione manebant boni, & mali.

Prob. secundò ex testimonio Ecclesiæ Catholicæ, quæ erat tempore B. Augustini. Refert enim ipse, collationem celeberrimam Carthagine habitam inter CCC. VI. Episc. Catholicos, quorum vnus ipse erat, & C. C. X. C. VI. Donatistas Episc. Tot enim fuisse indicat Augustinus in collatione primæ diei. Deinde, in collatione tertie diei refert, Donatistas coactos fateri esse in Ecclesia bonos, & malos, prolata à Catholicis illa parabola de reti, pisces bonos, & malos congregante: sed dixisse adhuc Donatistas, tantum occultos malos esse in Ecclesia, sicut in mari, dum est in mari, non discernuntur à piscatoribus pisces boni, à malis, sed in litore discernuntur, & mox separantur. Ad hoc autem dicit respondisse Catholicos, propterea Ecclesiæ comparatam etiam aræ, in quâ discernuntur paleæ à frumento, imino magis apparent paleæ, quàm frumenta: & etiam aræ Noë, in qua etiam post egressum corui, quo significantur hæretici, adhuc remanserunt palam animalia munda, & immunda. Prob. tertio testimonij Parrum.

Vltimo prob. ratione. Nam, si soli boni essent in Ecclesiâ, frustra esset Sacram. Pœnitentiæ, quod solis illis administratur, qui sunt de Ecclesia. Incertum est enim, qui sint reuera boni, & qui non. Item, mox, atque Prælati in aliquod peccatum incidissent, non essent amplius de



Ecclesia, nec prælati, & proinde non oporteret illis ampliùs obedire. Et similiter subditi, mox atque peccarent, non essent ampliùs de grege: & proinde liceret pastoribus curam eorum non agere; ex quo summa confusio, & perturbatio oriretur.

*Infideles  
occulti;*

De Infidelibus occultis, id est, de ijs, qui nec fidem internam, nec ullam Christianam virtutem habent, & tamen exterius propter temporale aliquod commodum fidem Catholicam profitentur, & communione Sacramentorù veris fidelibus permiscuntur, nos modum communem loquendi plurimum sequimur, qui docent, eos esse veras, partes exteriores, atque adeo etiam membra, licet arida, & mortua, corporis Ecclesiæ.

*1. Ioh. 2.*

Ac Primùm hæc sententia demonstrari potest ex illis verbis: *Et nunc Antichristi multi facti sunt, ex nobis exierunt, sed non erant ex nobis; nam, si fuissent ex nobis, mansissent vigi, nobiscum.*

Hoc loco Iohannes de hæreticis loquitur, quos Antichristos vocat, & dicit eos, antequam exirent, non fuisse ex nobis, id est, non fuisse Catholicos animo, ac voluntate, sed hæreticos, atque Antichristos, & tamen ex nobis exiisse, quia, & si non erant ex nobis animo, ac voluntate, erant tamen ex nobis externa professione: sed posteaquam se prodiderunt, & in apertum scisma proruperunt, iam desierunt omniùs modis esse ex nobis.

Secundò prob. ex Patribus, maximè ijs, qui communi consensu docent, eos, qui sunt extra Ecclesiam, nullam habere auctoritatem, aut iurisdictionem in Ecclesia.

Quod sanè ratio etiam manifestè docet. Quo pacto enim cogitari, aut fingi potest, ut is habeat iurisdictionem, & proinde sit caput Ecclesiæ, qui non est membrum?

Certum est autem, occultum hæreticum, si Episcopus, aut etiam summus Pontif. esset, non amittere iurisdictionem, nec dignitatem, aut nomen capitis in Ecclesia, donec aut ipse se ab Ecclesia publicè separet, aut conuictus hæreseos inuitus separetur.

Adde, quòd, si occulti hæretici nullam habere possent iurisdictionem, redderentur incerti omnes actus, qui ex iurisdictione dependent; quod non parum Ecclesiam vniuersam perturbaret.

Iam ergo, si is, qui non est in Ecclesia non potest habere auctoritatem in Ecclesia, & hæreticus occultus habere potest, & aliquando reipsa habet auctoritatem in Ecclesia, certè hæreticus occultus esse potest in Ecclesia.

Tertio prob. ratione. Ac primum, similitudo corporis humani id, quod quærimus, suadere potest.

*Rom. 12.  
1. Cor. 12.*

Est enim Ecclesia similis corpori humano, ut Apostolus docet: in corpore autem humano multa, & varia videmus esse partium genera, ita ut quædam viuant, & sentiant: quædam viuant, non sentiant; quædam nec viuant, nec sentiant; ut notum est. Igitur in Ecclesia quoque nihil impediet, quo minus sint aliqui, qui habeant fidem, & charitatem; quidam solam

solam fidem; quidam ne ipsam quidem fidem, sed externam dumtaxat conjunctionem.

Deinde; Si ij, qui fide internâ carent, non sunt, nec esse possunt in Ecclesia, nulla erit inter nos, & hereticos amplius quæstio de Ecclesiæ visibilitate: proinde (quod ego certè magni facio) superuacaneæ erunt tot eruditissimorum hominum disputationes, quæ hæcenus prodierunt. Omnes enim, qui hæcenus scripserunt, id obijciunt Lutheranis, & Calvinistis, quòd Ecclesiam inuisibilem faciant..

Nullam autem futuram ampliùs quæstionem, ita probò. Lutherani, & Calvinistæ signa visibilia quædam, & externa Ecclesiæ statuunt, nimirum prædicationem verbi Dei, & Sacram. administrationem & constanter doceant, vbicunque hæc signa conspiciuntur, ibi etiam esse veram Christi Ecclesiam. Quia tamen solos iustos, & pios, ad Ecclesiam veram pertinere volunt, & nemo potest certò scire, qui sint verè iusti, & pij inter tam multos, qui iustitiam, & pietatem exterius præ se ferunt, cum certum sit, multos vbique esse hypocritas, & falsos fratres; idcirco nostri rectè concludunt, eos facere Ecclesiam inuisibilem..

Porrò Lutheranis, & Calvinistis iustitia in sola fide consistit, idemque est apud eos, Ecclesiam esse cætum iustorum, & piorum; & esse cætum verè credentium: quis non igitur videt, nos cum illis planè conuenire, si omnes illos ab Ecclesia excludamus, qui veram fidem in corde non habent?

Ad hæc; Necesse est, vt nobis certitudine infallibili constet, qui cætus hominum sit vera Christi Ecclesia: nam, cum Script. traditiones, & omnia planè dogmata, ex testimonio Ecclesiæ pendeant, nisi certissimi simus, quæ sit vera Ecclesia, incerta erunt prorsus omnia. At non potest certitudine infallibili constare nobis, quæ sit vera Ecclesia, si fides interna requiritur in quolibet membro, seu parte Ecclesiæ..

Quis enim certò nouit, in quibus sit illa fides? Non igitur fides, aut aliquid aliud inuisibile, & occultum requiritur, vt quis aliquo modo pertineat ad Ecclesiam..

tarent visibile signum circumcissionis; in Testam. nouo sine dubio Ecclesia Christiana tota erat in principio in Apostolis, & discipulis Christi, qui adeo visibiles erant, vt super illis visibiliter Spiritus sanctus descenderit in die Pentecostes.

Deinde, istis additi sunt visibiliter vna die homines ad tria millia, & rursum ad quinque millia, per fidei confessionem, & Baptismum: ac deinceps semper illi omnes, & soli habiti sunt de Ecclesia Christi, qui ad illos primos se adiunxerunt per Baptismum, & confessionem fidei, & inde non recesserunt per hæreses, aut scismata, aut expulsi sunt per excommunicationem.

At. 1. 2. 3.  
¶ 4.

Quartò prob. ex ipsa ratione Ecclesiz. Ecclesia enim est societas quædam, non Angelorum, neque animarum, sed hominum. Non autem potest dici societas hominum, nisi in externis, & visibilibus signis consistat: nam non est societas, nisi se cognoscant ij, qui dicuntur socij; non autem possunt se homines agnoscere, nisi societatis vincula sint externa, & visibilia.

Prob. 4.

Et confirm. ex more omnium humanarum societatum: nam in militiam, in ciuitatem, in regnum, & alia similia non aliter homines adscribuntur, quàm signis visibilibus.

Prob. 5.

Quintò prob. ex necessitate: nam tenemur omnes sub periculo æternæ mortis, verè Ecclesiz nos adiungere, & in illa perseverare, id est, capiti eius obedire, & cæteris membris communicare. At hoc fieri non potest, si Ecclesia est inuisibilis.

Prob. 6.  
¶ 1.

Sextò ex dictis questione superiore. Si enim Ecclesia est congregatio hominum viuientium Sacram. ijsdem, & fidem Christi profitentium, sub regimine legitimorum pastorum, sequitur necessario, eam esse visibilem.

Septimò prob. idem testimonijs veterum.

Secundò, docere volumus, Ecclesiam visibilem non posse deficere: & nomine Ecclesiz non intelligimus vnum, aut alterum hominem Christianum; sed multitudinem congregatam, in qua sint Prælati, & subditi.

Prob. 1.  
Ecclesiam  
non posse  
deficere.  
Matth. 16.

Primum id ostenditur ex Script. vbi apertè nominatur Ecclesia. Super hanc petram ædificabo Ecclesiam meam, & porta inferi non præualebunt adversus eam. Cui simile est illud: Vt scias, quomodo te oporteat conuersari in domo Dei, quæ est Ecclesia Dei vini, columna, & firmamentum veritatis.

1. Tim. 3.

In vtroque loco agitur de Ecclesia visibili: & tamen audimus ipsam veritatem asserentem, portas inferorum non præualituras, contra eam Ecclesiam.

Prob. 2.  
Matth. 16.

Secundò, ex alijs locis, vbi aperta est promissio sine nomine Ecclesiz. Ecce ego vobiscum sum vsque ad consummationem sæculi. Quæ verba ad Ecclesiam visibilem dicta sunt, nimirum ad Apostolos, & discipulos cæteros, quos in die Ascensionis suæ Dominus allocutus est: & cum illi homines non essent permansuri in corpore vsque ad mundi consummationem, necesse est dicere, hanc promissionem pertinere ad eorum successores.

B b

Præter.

*2 p[er]b[os]. 4.* Præterea: Et ipse dedit quosdam quidem Apostolos, alios Prophetas, alios Euangelistas, alios Pastores, & Doctores ad consummationem Sanctorum in opus ministerij, in adificationem corporis Christi, donec occurramus omnes in unitatem fidei, & agnitionis Filij Dei, in virum perfectum, & mensuram statû plenitudinis Christi. Vbi Apostolus docet mansuram in Ecclesia ista ministeria Pastorum, & Doctorum, & continuam ædificationem corporis Christi, & proinde visibilem Ecclesiam vsque ad diem iudicij: nam quando sola esset in mundo Ecclesia inuisibilis, non inuenirentur ista ministeria, quæ non possunt exerceri, nisi se Pastores, & oues agnoscant.

Et notandum, quodd licet veteres intelligant hunc locum de spiritali mensura corporis mystici; recentiores autem de corporali mensura corporum beatorum, quæ dicunt futura tantæ magnitudinis, quantæ fuerunt, vel fuissent in perfecta sua ætate; tamen omnes intelligunt hunc locum de nouissimis diebus quando complebitur numerus electorum?

*Psal. 47.* Præterea; Deus fundauit eam in æternum. Id est, Ecclesiam suam, quæ est ciuitas eius, vt Augustinus exponit, & res ipsa clamat. Nam totus Psalmus est de fundatione Ecclesiæ Christianæ, tanquam nouæ, & visibilis ciuitatis. Incipit enim: *Magnus Dominus, & laudabilis nimis in ciuitate Dei nostri, in monte sancto eius: Fundatus exultatione vniuersa terra, &c.* Item, apud Isaiam (quod caput intelligi de Ecclesianouo Testamenti docuit Christus, cum in Synagoga citauit, & exposuit de aduentu suo initium huius capitis: *Spiritus Domini super me, &c.*) sic habetur. *Et factus perpetuum seruius eius, & scietur in Gentibus semen eorum, & germen eorum in medio populorum: omnes, qui viderint eos, cognoscent illos, quia isti sunt semen, cui benedixit Dominus.* Profectò tam est perspicuus hic locus, vt expositione non egeat. Quomodò enim inuisibilis erit ille cætus, de quo dicitur: *Omnes, qui viderint eos, cognoscent illos, quia isti sunt semen, cui benedixit Dominus?*

*Prob. 3.* Accedant tertio testimonia ex parabolis, quibus omnium consensu significatur Ecclesia. Area enim, in qua sunt granum, & paleæ, rete, in quo sunt boni, & mali pisces; ager, in quo sunt frumentum, & zizania; conuiuium, in quo sunt boni, & mali discumbentes; ouile, in quo sunt oues, & hædi, significant Ecclesiam visibilem; vt etiam hæretici fatentur. Nam Ecclesia inuisibilis non habet malos, & bonos; sed tantum bonos secundum eorum sententiã. At eadem parabolæ docent, istam Ecclesiam visibilem nunquam interituram vsque ad diem iudicij. Nam dicitur: *Ipse permundabit aream suam, & triticum congregabit in horreum suum; paleas autem comburet igni: inextinguibili, quod sine dubio non fiet ante diem iudicij.* Et: *Sinite utraq[ue] crescere vsque ad messem.* Et infra: *Mensis autem consummatio sæculi est. Et infra: si erit in consummatione sæculi, exibunt Angeli, & separabunt malos de medio iustorum, &c.*

*Prob. 4.* Quartò prob. ex Script. quæ loquuntur de regno Christi. *Thronus eius sicut sol in conspectu meo, & sicut luna perfecta in æternũ, & testis in calo fidelis.* Ibidem: *Et ponam in sæculum sæculi semen eius, & thronum eius, sicut dies cali:* Et: *In diebus autem regnorum illorum suscitabit Deus cali Regnum, quod in æternam non dissipabitur: & Regnum eius alteri populo non tradetur, &c.* Item: *Es Regni eius non erit finis.* Ista loca

non.

non possunt intelligi, nisi de vera, & visibili Christi Ecclesia nunquam interitura. Nam Regnum Christi sine dubio est vera eius Ecclesia.

Præterea; In Psalmo, vbi dicitur Christi Regnum æternum, dicitur etiam, quodd in eo sint boni, & mali, ac proinde quodd Ecclesia sit visibilis: *Si autem dereliquerint filij eius, inquit, legem meam, & iustitias meas non custodierint, &c. Visitabo in virga iniquitates eorum, & in verberibus peccata eorum; misericordiam autem meam non dispergam ab eo, &c.* Quem locum pulchrè exponit de flagellis Ecclesiæ S. Cyprianus. In illo etiam capite Danielis, vbi dicitur Regnum Christi perpetuum, legimus quoque, illud Regnum esse montem magnum implemtem omnem terram: quem Isaïas, & Michas vocant montem manifestum secundum LXX.

Psal 88.

In Sermon. de lapsis. Dan. 2.

Isa. 2. Mich. 4.

Quintò prob. testimonijs veterum.

Ultimò prob. ratione naturali. Primum enim, si aliquando sola maneret in mundo Ecclesia inuisibilis, aliquando etiam esset impossibilis salus ijs, qui sunt extra Ecclesiam. Nam non possunt saluari, nisi in Ecclesiam ingreditur: sicut tempore Noë peribant necessariò, qui non habebant aditum ad arcam: at non possunt ingredi in Ecclesiam, quam ignorant, igitur non habent remedium.

Prob. 5. &amp; 6a.

Præterea, De ratione vnus veræ Ecclesiæ est, vt sit visibilis: ergò, si Ecclesia visibilis perit, nulla vera Ecclesia remanet.

Denique; Vel homines illi occulti, qui Ecclesiam inuisibilem constituunt, profitentur palam fidem suam, & abstinent ab idolorum cultura, vel non: si profitentur; ergò non est Ecclesia inuisibilis, sed maximè visibilis, sicut erat tempore Martyrum: si non profitentur, ergò nulla est Ecclesia: nam non est vera Ecclesia, in qua nulli sunt boni, & qui saluentur; non autem sunt boni, nec saluantur, qui non confitentur fidem, sed ea in corde retenta exterius profitentur perfidiam, & idololatriam, cum dicat Apostolus: *Corde creditur ad iustitiam, ore autem confessio fit ad salutem. Et: Omnis qui negauerit me coram hominibus, negabo eum coram Patre meo.* Ergo implicat contradictionem Ecclesiam esse, & carere omni forma visibili, nisi ponatur extra mundum, vbi nunquam sit necessarium fidem confiteri.

Rom. 10. Matih. 10.

Tertio docere volumus, Ecclesiam non posse errare. Est autem sententia nostra, Ecclesiam absolute non posse errare, nec in rebus absolute necessarijs, nec in alijs, quæ credenda, vel facienda nobis proponit, siue habeantur expressè in Script. siue non. Et cum dicimus, Ecclesiam non posse errare, id intelligimus, tam de vniuersitate fidelium, quàm de vniuersitate Episc. ita vt sensus sit eius propositionis: Ecclesia non potest errare, id est, id, quod tenent omnes fideles tanquam de fide, necessario est verum, & de fide, & similiter id, quod docent omnes Episcopi, tanquam ad fidem pertinens, necessario est verum & de fide.

Ecclesia non potest errare.

Primo, de vniuersitate fidelium prob. primo ex illo: *Ecclesia Dei est columna, & firmamentum veritatis.* Vbi Apostolus vult significare, veritatè fidei, quoad nos, niti Ecclesiæ auctoritate, & verum esse, quidquid Ecclesia probat; falsum, quidquid illa improbat.

Prob. 1. de vniuersitate fidelium. 1. Tim. 3.

*Prob. 2.* Secundo, Ecclesia gubernatur à Christo, tanquam à capite, sponso suo;  
*Ephes. 1.* & à Spiritu sancto, ea iquam ab anima. *Ipsam dedit caput super omnem Ecclesiam,*  
*Ephes. 4.* *quæ est corpus ipsius. Et: Unum corpus, & unus Spiritus. Et: Vir caput est mulieris, sicut*  
*Christus caput est Ecclesie. Ergo si Ecclesia in dogmatibus fidei, vel morum, erraret, Christo, & Spiritui sancto error attribueretur. Quocirca Dominus ait:*  
*Spiritus veritatis docebit vos omnem veritatem.*

*Joan. 16.* Tertiò, Obligamur sub anathematis poena credere Ecclesie in omnibus,  
*Prob. 3.* ut patet: *Quid si Ecclesiam non audierit, sit tibi velut Ethnicus, & Publicanus: & Cõ-*  
*Matth. 18.* *cilia omnia dicunt anathema non assentiētibus Ecclesie decretis. At iniquus*  
*est sub tam graui poena obligari ad assentiendum rebus incertis, & interdum falsis.*

*Prob. 4.* Quartò; Ecclesiam esse sanctam, docet Symbolum Apostolorum: ista autem sanctitas proprie in professione dogmatum consistit. Ergò, Christiana professio nihil continet, nisi sanctum, id est, verum, quoad fidei doctrinam; & iustum, quoad præcepta morum. Et in hoc reuera excellit omnibus professionibus Philosophorum, Ethnicorum, Iudeorum, Hæreticorum. Omnes enim habent dogmata aliqua falsa admixta. veris..

*Prob. 5.* Prob. vltimò ex Patribus, qui omnes ad Ecclesiam prouocant in quæstionibus fidei quibuscunque: quod certè nullo modo facerent, si Ecclesiam falli posse existimarent..

*Prob. de vniuersitate Episc.* De vniuersitate verò Episc. quòd errare non possit, prob. primò, quia, si omnes Episc. errarent, tota etiam Ecclesia erraret, quia tenentur populi sequi suos Pastores, dicente Dominò: *Qui vos audit, me audit. Et: Quæcunque dixerint,*  
*Matth. 23.* *facite.*

Secundò ex epistola Concilij Ephesini ad Nestorium vbi cogitur Nestorius, si Ecclesie satisfacere velit, iuramento confirmare, se ita sentire, ut sentiant Orientis, & Occidentis Episc..

*Lc. 1. de Baptis. c. 18.* Item, ex Augustino, qui vocat decretum Concilij generalis, Ecclesie vniuersæ consensum; & meritò, nam Ecclesia non docet, nec decernit quidquam, nisi per suos Pastores; sicut quodlibet corpus per suum caput. Vnde etiam congregatio Sacerdotum, & Seniorum vocatur omnis Ecclesia Israël. Et Chrysostomus exponit illud: *Dis Ecclesia, id est, Prælati.*

## CAPVT SEPTIMVM.

## De notis Ecclesiæ.

**O**BSEVANDVM est, Ecclesiam Catholicam esse quasi solem quemdam, qui radios lucis clarissimos ex omni parte diffundit, vt facillime per eos cognosci possit. Habet enim plurimas notas, sive testimonia, ac signa, quæ eam decernant ab omni falsa religione. Paganorum, Iudæorum, Hæreticorum? Et non quidem efficiunt euidenter verum; ipsam esse veram Dei Ecclesiam; sed tamen efficiunt id euidenter credibile: nec enim est idem euidenter verum, & euidenter credibile. Nam euidenter verum dicitur, quod vel in se, vel in suis principijs videtur. Euidenter credibile, quod non videtur, nec in se, nec in suis principijs, habet tamen tot, & tam grauius testimonia, vt quilibet vir sapiens merito id credere debeat. Vt, si iudex videat hominem à latrone occidi, vel vulnerari letaliter, & postea mori, habet euidentiam veritatis, quòd ipse latro sit homicida; si autem eadem fieri non videat, sed habeat viginti testes viros grauiissimos, qui dicunt se vidisse, habet euidentiam credibilitatis.

Dicimus ergo, notas Ecclesiæ, quas adferemus, non facere euidentiam veritatis simpliciter, quia alioqui nulli inuenirentur, qui id negarent; sicut nemo inuenitur, qui neget sententias, quas Mathematici demonstrant: sed tamen efficiunt euidentiam credibilitatis, iuxta illud: *Testimonia tua credibilia facta sunt nimis.* Apud eos autem, qui admittunt Script. diuinas, & historicas, ac Patrum veterum scripta, faciunt etiam euidentiam veritatis. Tamen si enim articulorum fidei veritas non potest nobis esse euidentia absolute, tamen potest esse euidentia ex hypothesi, id est; supposita veritate Scripturarum. Quod enim à Scriptura euidenter deducitur, est euidenter verum suppositis Script.

Porro hæ notæ variè à varijs nominantur: nos quindecim notas proponemus, quæ, si quis velit, poterunt aliquo modo reuocari ad illas quatuor, quæ communiter à recentioribus assignantur ex Symbolo Constantinopolitano, Vnam, Sanctam, Catholicam, & Apostolicam.

Prima nota est ipsum Catholicæ Ecclesiæ, & Christianorum nomen. Nam nulla est hæres, quæ non accipiat nomen ab aliquo homine, auctore suo, & nomen Christianum ijs relinquat, à quibus discedit. Sic scismaticorum alij dicebant: *Ego sum Pauli*; alij *ego Apollonis*; alij *ego vero Cephe*. Ita nunc dicuntur alij Martinistæ, vel Lutherani, alij Zwingliani, alij Calvinistæ, &c. Nos autem ab aliquo certo homine nemo vocauit: vnde constat nostram solum esse veram Ecclesiam.

Secunda nota est Antiquitas. Nam sine dubio vera Ecclesia antiquior

B b 3,

est.

Matth. 13.

est, quàm falsa: quemadmodum Deus antea fuit, quàm esset diabolus. Quocirca prius feminatum legimus semen, quàm Zizania: & Ecclesia dicitur Catholica, quia omni tempore fuit; & Apostolica, quia fundata ab Apostolis, & proinde antiquissima.

Quod autem nostra Ecclesia sit illa ipsa, quam Christus instituit, & proinde vetustior omnibus sectis hereticorum, hæc ratiocinatione concludi potest. In omni insigni mutatione religionis, semper ista sex demonstrari possunt. Primo auctor eius. II. dogma aliquod nouum. III. tempus, quo cœpit. IV. locus, ubi cœpit. V. quis eam oppugnaverit. VI. exiguis aliquis cœtus, vnde paulatim alij accedentibus cœperit. Nam illa omnia inuenimus in ipsa Christi Ecclesia, quæ tamen non fuit noua Ecclesia, sed solum mutatio quædam status Ecclesiæ secundum Prophetarum prædictiones. Primo enim scimus auctorem fuisse Christum; vnde Christiani dicimur. Secundo, cœpisse tunc explicite credi noua dogmata Trinitatis, & Incarnationis. Tertio, cœpisse ista prædicari anno XV. Imperij Tiberij Cæsaris. Quarto, cœpisse in Iudea. Quinto, mox oppugnatam fuisse hanc religionem à Scribis, & Phariseis, deinde à Gentibus summa vi. Sexto scimus initio fuisse multo pauciores Christianos, quàm essent Iudei, cum separatio facta est. Si ergò in hac mutatione status eiusdem Ecclesiæ illa sex ostendi possunt, multo magis eadem poterunt demonstrari in quauis perfecta mutatione.

Iam vero nos illa omnia de singulis hereticorum sectis facillime demonstramus: nihil autem horum aduersarij vnquam de nostra Ecclesia post Apostolica tempora demonstrare potuerunt. Ac vt exemplis rem illustremus. Arianorum auctorem scimus fuisse Arium quendam Presbyterum Alexandrinum. Nestorianorum vero Nestorium Episc. Constantinopolit. Lutheranorum autem Martinum Lutherum Presbyterum, & Monachum ordinis S. Augustini.

Secundo, scimus, quæ dogmata inuenerint. Arius docuit, Filium Dei esse creaturam. Nestorius, in Christo esse duas personas. Lutherus, iustificari homines per solam fidem specialem, id est, per hoc solum, quod se iustos putent; item negauit, Eucharistiam esse sacrificium.

Tertio, scimus tempora. Cœpit enim Arii hæresis, anno Domini CCC. XXIV. Nestorij anno C D. XXXI. Lutheranorum anno M D. XVII.

Quarto, scimus loca. Cœpit Arianismus in Ægypto. Nestoriana hæresis in Thracia. Lutherana in Saxonia.

Quinto, scimus Arianos mox oppugnatos fuisse à Syluestro Pont. à Concilio Nicæno, ab Athanasio, Hilario, & alijs. Nestorianam à Pont. Celestino, Concilio Ephesino Cyrillo, alijsque permultis. Lutheranà à Leone X. Pont. à Concilio Trident. ab academijis omnibus Catholicis, & Doctoribus plurimis.

Sexto, scimus initia harum hæresum valde exigua fuisse; & multo plures initio separationis sine comparatione fuisse Catholicos toto orbe terrarum diffusos, quàm erant Ariani, Nestoriani, vel Lutherani; quod ne ipsi quidem negant.

Quod verò nihil horum de nobis ostendere possint, perspicuum est. Nam primo



Primò nunquam obiecerunt nobis auctorem nostræ sectæ, nec ab vlllo particulari homine nos appellarunt : quod certè libentissimè facerent, si possent.

Secundò, nunquam ostenderunt primam originem vllius dogmatis nostri, nisi tempore Apostolorum.

Tertiò, nunquam designare potuerunt tempus certum nostræ defectionis ab Ecclesia. Dicunt quidem, post primos quingentos annos cœpisse valde inualefcere hanc sectam, tamen quando cœperit absolute nunquam dixerunt.

Quartò, nunquam ostenderunt, quo loco cœperit. Nam post primos quingentos annos floruit Gregorius, cum quo totum orbem terrarum communicasse ex epistolis eius, quas ad omnes Ecclesias mittit, cognosci potest. Item, post Gregorij obitum celebratum est Concilium VI. generale, ex quo manifestè colligitur, totum Orientem, & Occidentem eo tempore cum Rom. Pontifice, vt membra cum capite, coniuncta fuisse.

Quinto, nunquam ostenderunt, quis eam oppugnaverit, tanquam nuper ortum; & quæ Concilia contra eam celebrata fuerint.

Sexto, non potest vlllo modo ostendi, quod vnquam nostra Ecclesia separauerit se ab aliquâ maiore, ita vt, qui adhærebant Rom. sedi, essent paucissimi, reliqui Christiani multo plures. Nam ex epistolis Gregorij, quas scribit ad Episcopos Orientis, Africa, Hispaniæ, Galliæ, Italiæ, constat, omnes ferè Christianos cum eo communicasse. Hoc argumento ab antiquitate semper vsi sunt veteres Patres contra hæreticos, ad ostendendam veram Ecclesiam.

Tertia nota est duratio diuturna, nec vnquam interrupta. Ecclesia enim dicitur Catholica, non solum, quia semper fuit, sed etiam quia semper erit, iuxta illud: *Regnum, quod in æternum non dissipabitur*. Et: *Si es ex hominibus Concilium hoc, aut opus, dissoluetur; si vero ex Deo est, non poterit dissolui*. De hæreticis autem S. Paulus dicit: *Sed ultra non proficiunt*. Iam vero constat, Ecclesiam nostram durasse ab initio mundi hucusque, vel, si de statu noui Testamenti loquamur, durasse à Christo hucusque per annos M. D C X. frustra eâ oppugnantibus primo Iudeis, deinde Paganis, vltimo hereticis, non solum autem durasse, sed etiam ex persecutione creuisse. Vt enimaquæ diluuij palatia regum obruerant, atque deiiciebant, arcam vero Noë semper magis ac magis attollebant: ita persecutiones regna temporalia facile destruant; Christi regnum, quod est Ecclesia, non modo non destruant, sed etiam illustrent. Itaque Iustinus dicit persecutionem id esse Ecclesiæ, quod est vineis putatio: vt enim vinearum putatione ad vberitatem prouocantur, ita quoque Ecclesia persecutionibus crescit.

Deinde, nostram esse veram Ecclesiam, probari potest etiam hoc argumento: Nam ante Lutheri tempora non erant in mundo, nisi hæ religiones, Paganismus, Iudæismus, Mahumetismus, Græcismus, Nestorianismus, Hussitarum hæresis, & Rom. Ecclesia: sed certum est, non fuisse veram Ecclesiam Christi apud vllam ex prædictis sectis, vt etiam Lutherani fatentur: ergo fuit apud Rom. Ecclesiam, aut certè periit de mundo omnis vera, & visibilis Ecclesia.

3. Nota.

Dan. 9.  
AA. 5.

2. Tim. 3.

In Tristitiam.

11 12  
1

clesia. At vero sectæ omnes hæreticæ breui defecerunt præter eas, quæ nunc sunt exortæ. Numeramus enim vsque ad tempora Lutheri C. C. hæreticorum diuersissimas familias: ex his autem non supersunt, nisi reliquæ quædam Nestorianorum, & Eurychianorum in Oriente, & Hufsitaram in Boëmia: reliquæ autem funditus interierunt.

Et mirabilis valde est in hac re providentia Dei, quod fuerint hæcenus vsque ad Lutheri tempora, vt minimum, C. C. hæresiarchæ, quorum multi habuerunt multos Episc. multas Ecclesias, multos potentissimos Patronos, & Imp. & Reges, & scripserint libros innumerabiles, vt viderentur nunquā posse deficere, & tamen ita defecerunt, vt iam non supersint nec ipsi, nec libri eorum, nec dogmata, nec nomina, aut vestigia vlla, nisi in libris Catholicorum. Itaque, si Catholici non scripsissent eorum nomina in libris suis, nesciremus quidem, eos fuisse vnquam in hoc mundo.

Quàm firmis radicibus nixa videbatur hæresis Ariana, temporibus Athanasij, & Hilarij? At nunc vbi, quæso, est? euanuit velut puluis, quem proijcit ventus à facie terræ. Ante annos C. C. regnabat in Gallia hæresis Albigen- sium, quæ præter vires doctrinæ magis abundabat copijs militum, & potentia, quàm nunc hæresis Calvinistarum; & tamen vbi nunc sunt Albigenes? Quotusquisque est, qui eos vel nominari audierit? Porro Lutherani vix nati arescere ceperunt. Cœpit regnum Lutheri anno M. D. XVII. sed vix septem annis pacificè regnauit: nam anno M. D. XXV. surrexit Zwinglius, & post duos annos surrexerunt Anabaptistæ, qui maiorem partem Lutheranorum à Luthero separatim ad se traxerunt. Qui verò manserunt Lutherani, ita immutarunt Lutheri doctrinam, vt vix vlli iam inueniantur puri Lutherani. Sed nec Zwinglius diu regnauit: nam anno M. D. XXVIII. surrexit Calvinus, qui ita breui inualuit, vt vix pauca quædam oppida Heluetiorum Zwinglianis reliquerit. Ipsi quoque Calvinistæ per Libertinos in Gallia, per Puritanos in Anglia, per Trinitarios in Polonia, & Samosatenos in Transyluania quotidie magis ad paucitatem rediguntur.

#### 4. Nota.

*Psalm 2.*

*Psalm 71.*

*Luc. vii.*

*Act. 1.*

Quarta nota est Amplitudo, siue multitudo, & varietas credentium. Ecclesia enim verè Catholica non solum debet complecti omnia tempora; sed etiam omnia loca, omnes nationes, omnia hominum genera. Et sic prædictū erat: *Dabo tibi gentes, hereditatem tuam, & possessiones tuas terminos terræ.* Et: *Dominabitur à mari vsque ad mare, &c.* Et Dominus ipse dicit, prædicandum Euangelium in omnes gentes, initio factō à Hierusalem. Sunt autem aliqua obseruanda.

*Ecclesia  
Catholica.*

Primum, vt Ecclesia sit Catholica, inprimis requiri, vt non excludat vlla tempora, loca, vel hominum genera: in quo distinguitur à Synagoga, quæ erat Ecclesia particularis, non Catholica, quia erat alligata vni temporis, id est, vsque ad aduentum Messie; item vni loco, id est, templo Salomonis, extra quod non poterant sacrificare; & vni familiæ, id est, filiis Iacob.

Secundò nota, vt Ecclesia sit Catholica, non requiri, vt sit in omnibus hominibus totius mundi; sed tantum, vt innotescat omnibus prouincijs, & in omnibus fructificet, ita vt in omnibus prouincijs aliqui sint de Ecclesia: do-

*Matth. 24.* nec enim hoc fiat, non veniet dies Domini,

Tertiò,

Tertio, nota, non requiri, vt hoc fiat simul, ita vt vno tempore in omnibus prouincijs necessariò esse oporteat aliquos fideles. Satis enim est, si fiat successiue. Ex quo id sequitur, quòd, si sola vna prouincia retineret vnam fidem, adhuc verè, & propriè diceretur Ecclesia Catholica, dummodo clare ostenderetur, eam esse vnam, & eandem cum illa, quæ fuit aliquo tempore, vel diuersis in toto mundo: sicut nunc quælibet Diocesis dicitur Catholica, quæ est continuata cum alijs, quæ faciunt vnam Ecclesiam Catholicam.

Vltimò nota, quòd, etsi Ecclesia non necessario debuit simul esse in omnibus locis, tamen hoc tempore debet necessario vel esse, vel fuisse in maiori parte orbis terræ. Nam Ecclesia omnium consensu, etiam hæreticorum, iam fenuit: si ergò in sua adolescentia, & iuuentute non creuisset, quomodo nunc in senectute cresceret?

Iam verò, nostram Ecclesiam maximam partem orbis occupasse, & esse verè Catholicam, ita prob. Nam tempore Apostolorum in toto mundo fructificare cœpit, vt Paulus dicit. *Coloss. 1.*

Item, tempore Irænei erat sparsa per totum orbem, id est, per omnes prouincias tunc cognititas. Idem postea refert de suo tempore Tertullianus. Idem postea Cyprianus. Idem postea Athanasius. Idem postea Chrysostomus, Hieronymus, & Augustinus, nec non Theodoretus, Leo magnus, & S. Prosper. Idem etiam de posterioribus temporibus demonstrabimus.

Tempore B. Gregorij, Ecclesiam nostram fuisse in toto orbe terrarum, planum est ex epistolis ipsius Gregorij ad Episcopos Orientis, Africæ, Hispaniæ, Galliæ, Angliæ, Siciliæ.

Item, ex Bedâ: nec non ex Bernardo, qui disputans coram Rege Siciliæ Rogerio, assererat Rom. Pontifici suo tempore paruissse Orientem, & Occidentè totum, item Franciam, Germaniam, Angliam, Iberos, & plurimas barbaras nationes.

Denique; nostro tempore Ecclesia Rom. præter Galliam, Germaniam, Angliam, Poloniam, Boëmiam, Hungariam, Græciam, Syriam, Æthiopiam, Ægyptum, in quibus multi inueniuntur Catholici, in ipso nouo orbe habet Ecclesias sine admistione Hæreticorum in omnibus quatuor partibus mundi: ad Orientem in Indijs, ad Occidentem in Americâ; ad Septentrionem in Iaponiâ; ad Meridiem in Brasilia, & exteriori parte Africæ. At sectæ Hæreticæ numquam totum orbem, aut certè dimidiam eius partem occuparunt. Secta Mahumeti cum hæresibus Nestorij, & Eutychetis, quæ adhuc vigent in Oriente, nunquam ad Occidentem transierunt. Hæreses autem Lutheranorum nunquam transierunt mare, nec Asiam, aut Africam, Ægyptum, aut Græciam viderunt.

Quinta nota est Successio Episcoporum in Rom. Ecclesia ab Apostolis deducta, vsque ad nos: hinc enim dicitur Apostolica. Atque omnes veteres hac successione, tanquam argumento euidentissimo, vti sunt ad veram Ecclesiam ostendendam. Sed aliqua hic notanda sunt. *5. Nota.*

Primò, non posse villo modo Ecclesiam esse sine Pastoribus, & Episcopis. Id apertè prob. ex Paulo: *Et ipse dedit quosdam quidem Apostolos, quosdam autem Ephes. 4. Prophetas, alias Pastores, & Doctores ad consummationem Sanctorum in adificationem*

Cc

corporis

43. 20.

*corporis Christi, donec occurramus, &c.* Vbi docet Apostolus futuros Pastores in Ecclesia, usque ad diem iudicii: tunc enim occurremus Domino in unitate fidei, in virum perfectum, in mensuram ætatis plenitudinis Christi. Esse autem Episcopos pastores huius gregis, docet idem Apostolus: *Attendite vobis & uniuerso gregi, in quo vos Spiritus sanctus posuit Episcopos, regere Ecclesiam Dei.* Ex quo sequitur, eam non esse veram Ecclesiam, quæ aut nullos, aut non veros habet pastores.

Nota secundo, illos solos in Ecclesia semper habitos fuisse veros Episc. qui ab Apostolis per legitimam successionem, & ordinationem descendisse ostendebantur. Omnes autem alios fures, & latrones, quippe qui non per ostium intrassent, sed ascendissent aliunde: nam constat, Christum, à quo Ecclesia noui Testamenti cepit, duodecim Apostolos tantum elegisse Episcopos, & Sacerdotes, & eis commississe omnem, auctoritatem pascendi, & gubernandi Ecclesiam; Apostolos autem postea elegisse, atque ordinasse alios Episcopos, & eis dedisse similem potestatem alios deinceps ordinandi; vt constat ex antiquis historijs Eusebij, & similibus?

48. 9. 13.  
Gal. 1.

Et hinc est, quod Paulus, qui extra ordinem à Christo post Ascensionem in cælum Apostolus factus est, non fuisset agnitus in Ecclesia pro tali, nisi prius in ipsa Ecclesia baptizatus fuisset, & ab Apostolis dexteris accepisset; imò & ab illis ordinatus fuisset. Ita quæ sicut in populo Testamenti veteris, qui per carnalem generationem propagabatur, nulli erant de populo illo Dei, nisi qui descendebant à duodecim filijs Iacob; nulli Sacerdotes, nisi qui descendebant à Leui per Aaron; & idcirco diligentissimè tunc conseruabantur genealogiæ, vt patet ex toto Testamento veteri: ita in populo Testamenti noui, qui spiritali generatione multiplicatur, nulli sunt Christiani, nisi per Apostolos, vel eorum successores, aut ab eis missos conuersi; nulli Episcopi, nisi qui eisdem legitime succedunt; & idè tam diligenter notantur à nostris, Episcoporum successiones.

Nota tertio duo requiri, vt Episcopus dicatur ab Apostolis legitime descendere, & proinde esse legitimus Episcopus. Vnum est, successio: alterum est, ordinatio. Quantum ad successionem, id requiritur, vt is, qui verus Episcopus haberi cupit, succedat alicui Apostolo; quomodo Clemens successit Petro, & Polycarpus Ioanni: vel certè succedat alicui, quem aliquis Apostolus fecit Episc. quomodo Ignatius successit Euodio, & Auianus Mareo, quos Petrus fecerat Episcopos: vel demum, si Episcopatus est nouus, vt fiet Episc. ab eo, qui habet Apostolicam auctoritatem, qui est solus Roman. Pontifex.

Ratio huius est, quia institutio nouorum Episcopatuum non potest pertinere ad vllum, qui habeat definitam regionem, quales sunt Episc. particulares: sed ad eum, qui toti Ecclesiæ præest, & cui propriè cura incumbit Ecclesiam propagandi, quales fuerunt omnes Apostoli. Petrus quidem ex officio, & ceteri ex delegatione, & quicumque aliter intrat, non est de Ecclesia Apostolica, cum non possit ostendere originem suam ab Apostolis. Nec tamen ob id negamus, quin etiam Patriarchæ, & Metropolitani possint aliquando nouos Episcopatus erigere, quod S. Athanasius in Oriente, & S. Bonifacius in

in

in Germania fecisse constat ; modo à sede Apostolica facultatem habuerint.

Quantum ad ordinationem autem requiritur, vt qui sit Episcopus, ordinetur à tribus Episcopis, qui & ipsi sint ab alijs ordinati, & illi ab alijs donec ad Apostolos veniant. Id patet ex Canone I. Apostolorum, & Concilio Nicæno, & Carthag. IV. Hoc ipsum indicat Apostolus: *Noli negligere gratiam, qua in te est, qua data est tibi cum impositione manuum Presbyterij.* <sup>1. Tim. 4.</sup> Siquidem nomine Presbyterij intelligit, cœtum Episcoporum, qui simul cum ordinante imponebant manus super caput ordinandi; vt exponunt Chrysostomus, Theophylactus, OEcumenius. Neque mirum est: nomen enim Presbyteri communerat olim Presbyteris, & Episcopis. Itaque tres, vt minimum, requiruntur Episcopi ad noui Episcopi ordinationem; nisi forte ex dispensatione cum vno Episcopo ordinante adsint Abbates infulati, qui vicem Episcoporum gerant, vt aliquando fieri solet ob Episc. raritatem.

Nota quartò antiquos hæreticos consueuisse vt plurimum Ecclesiam imitari in ordinatione Episc. & idè Patres sanctos non reprehendisse in ijs, nisi defectum successionis, & ex eo solum probasse eos non esse veros Episc. quippe qui ad Ecclesiam Apostolicam non pertinerent, cum ab Apostolis per successionem non ducerent originem. Nostri autem temporis hæretici neutrum habent, id est, nec ordinationem, nec successionem; & propterea longè inuerecundius, quàm vlli vnquam alij hæretici, sibi nomen, & munus Episcopi vsurpant.

Ex quo argumentum insolubile sumitur, hoc modo. Ecclesia non potest esse sine Episc. Apud Lutheranos non sunt Episc. nam non habent ordinationem, nec successionem ab Apostolis. Igitur apud eos non est Ecclesia. Et quidem quod nec Lutherus qui habitus est Episc. VVitembergenfis, nec Zwinglius, qui habitus est Episc. Tigurinus, nec OEcolumpadius, qui in ipso sepulchri epitaphio vocatur primus Basilex Episc. nec Calvinus, qui dictus est Episc. Geneuensis, nec vlli alij ordinati sunt à tribus Episc. neque ex dispensatione ab vno assistentibus Abbatibus, notissimum est, nec ipsi negant. Ergo saltem Patribus Nicæni, & Carthaginensis Concilij, immo & ipsis Apostolis, qui statuerunt Episcopum à tribus Episc. debere ordinari, isti non sunt Episcopi.

Sexta nota est Conspiratio in doctrina cum Ecclesia antiqua. Inde etiam vera Ecclesia dicitur Apostolica. Quare laudatur Theodosius Imp. à Sozomeno, quòd hæc arte compescuerit hæreticos sui temporis. Iussit Principes sectarum conuenire; deinde petijt, an existimarent, antiquos Patres, qui Ecclesiam rexerant ante dissidium illud, quod tunc de religione ortum fuerat, rectè consensisse, & verè sanctos, & Apostolicos fuisse: quod cum illi concessissent, subiunxit: Examinemus ergò doctrinam vestram ad illorum scripta, & si cum illis consenserit, retineatur, sin minus, abijciatur.

Iam duobus modis possemus ex hac notâ probare nostram esse veram Ecclesiam, non autem aduersariorum.

Primò, proferendo sententias veterum, quibus singula nostra dogmata confirmaremus, aduersariorum refutaremus.

C c 2

Altero,

Altero, ostendendo primò ex confessione aduersariorum, nostra dogmata esse doctrinam omnium veterum.

Deinde, dogmata aduersariorum habita fuisse in Ecclesia antiquâ pro exploratis hæresibus. Sed yterque modus prolixus est.

7. Nota  
Rom. 12.  
Cor. 6.  
Iean. 10.

Septima nota est vnio membrorum inter se, & cum capite: nam Ecclesiam esse vnum corpus, vnam sponsam, vnum ouile, passim Script. docent. Et in Symbolo Constant. dicimus vnam Ecclesiam. Præcipua autem vnitas corporis consistit in coniunctione membrorum cum capite, & inter se.

De primâ alibi disseruimus: & videmus experientiâ, omnes illas Ecclesias, quæ ab isto capite se diuiserunt, tanquam ramos præcisos à radice, continuò aruisse.

Certè Ecclesiæ Asiaticæ, & Africanæ, quæ quondam ita florebant, vt numerosissima Concilia celebrarent, & semper haberent multos homines, vel doctrinâ, vel sanctitate, vel vtroque Dei munere clarissimos, ab eo tempore, quo à Rom. Ecclesiâ scissimæ fecerunt, nulla Concilia celebrarunt, nullos habuerunt homines famâ sanctitatis, aut doctrinæ, toti orbi notos, & nunc in summâ ignoratione versantur.

Matt. 12.  
1. Cor. 14.

De consensione autem membrorum inter se certum est, Concordiam esse: signum Regni Dei, quod stare debet in æternum: Discordiam autem, Regni diaboli quod tandem ruere debet. *Omne regnum in seipso diuisum desolabitur. &c.* Non est *disensionis Deus, sed pacis.*

Iam ex hæc notâ clarissimum est, nostram Ecclesiam solam esse veram Dei Ecclesiam. Si quidem in nostrâ Ecclesiâ omnes Script. sacri mirifice inter se consentiunt, licet fuerint homines diuersi, & in locis, temporibus, ac linguis diuersi scripserint.

Deinde, omnia legitimum Conciliorum, & Pontif. decreta etiam in omnibus dogmatibus inter se conueniunt: licet edita sint à diuersis hominibus, diuersis locis, temporibus, occasionibus, & contra diuersissimas, immò sepe contrarias hæreses, quod est apertum signum vnus, & eiusdem Spiritus sancti hanc Ecclesiam gubernantis.

Denique, Nunc omnes Catholici toto orbe dispersi, de omnibus dogmatibus fidei sentiunt idem, nec possunt aliter sentire, cum omnes subijciant sensum suum sensui vnus, & eiusdem summi Pastoris ex cathedrâ Petri, cû consilio aliorum Pastorum Ecclesiam dirigentis. At nulla vnquam fuit sectæ Gentilium, aut Hæreticorum, in quâ talis consensio esset. Nostro tempore constat, Lutheranos vixdum natos diuidi cœpisse. In Anabaptistas, Confessionistas, & Sacramentarios, & rursus singulas sectas in alias, atque alias, ita vt numerentur nunc ferè 100. diuersissimæ sectæ, ab vno Luthero procedentes. Quod sit manifestâ prouidentia Dei: nam hoc modo hæreses seipsas consumunt, diuisio enim earum non est Mathematica, quæ procedit in infinitum.

Act. 19.

Vnde Isaias: *Currere faciam Aegyptios aduersus Aegyptios.* Adde quod ipsi auctores hæretici secum non ybique consentiant, quod est certissima nota falsæ doctrinæ.

Q&aua.

**O**ctaua nota est, Sanctitas doctrinæ. Vera enim Ecclesia non solum est *1. Nota.* Catholica, Apostolica, vna; sed etiam sancta, vt habet Symbolum Constantinop. Constat autem sanctam dici Ecclesiam, quia professio eius est sancta, nihil continens falsum, quoad fidei doctrinam; nihil iniustum, quoad doctrinam morum. Vnde in Psalmo appellatur *Lex Domini immaculata, testimonium Psal. 18.* *Dominici fidele, præceptum Domini lucidum.*

Ex hac notâ euidenter ostenditur, nullam esse veram Ecclesiam, nisi nostram: nulla enim est secta, vel Paganorum, vel Philosophorum, vel Iudæorum, vel Turcarum, vel hæreticorum, quæ non contineat aliquos exploratos errores, & rectæ rationi manifestè contrarios.

Nona nota est, Efficacia doctrinæ. Sola enim vera Ecclesia habet doctrinam, non solum immaculatam, sed etiam conuertentem animas, vt dicitur in Psal. & sermonem viuum, penetrantem vsque ad diuisionem animæ, ac spiritus. Iam Philosophi antiqui, tametsi magnam sapientiam ostentarent, & summâ eloquentiâ leges suas populis suaderent, nunquam tamen vel vicina oppida ad suas leges trahere potuerunt. Mahumetani autem traxerunt quidem multos, sed terrore armorum, non vi, & efficacia doctrinæ. Porro Hæretici nunquam leguntur conuertisse vltos Ethnicos, aut Iudæos ad fidem, sed solum peruertisse Christianos. At Ecclesia, verè sancta, & Apostolica olim breuissimo tempore, per homines contemptibiles externâ specie, sine armis, & sine pompâ verborum, totum mundum traxit, id est, homines magnos, paruos, doctos, indoctos, iuuenes, senes, viros, fœminas; & traxit, non ad delicias huius sæculi, sed ad res credendas supra omnem rationem, ad crucem, & angustias, & vitam perfectissimam, repugnantem carni, & sanguini; & hæc omnia propter præmium nullum in hac vita, sed solum in futura: & hoc ita persuasit, vt maluerint plurimi potius amittere omnes opes, honores, amicos, affines, & vitam ipsam, quàm Christi fidem.

Deinde, VI. sæculo iussu B. Gregorij, Anglos paganos non hæretici, qui tunc etiam non deerant, sed Monachi Pontificij ad fidem Christi conuerterunt. Tempore Cononis Papæ S. Kilianus à Papâ missus conuertit Francos. Tempore Gregorij II. & III. ac Zachariæ Pontif. conuersa est magna pars Germaniæ ad fidem, non per hæreticos Iconomachos, quibus tunc mundus abundabat, sed per S. Bonifacium Episc. & Mart. quem Papa Gregor. II. miserat. Post illa tempora, non defuerunt etiam similes conuersiones. Siquidem Adrianus Pont. IV. ante suum Pontificatum ab Eugenio Papa missus, Noruegiam ad fidem conuertit. Ab vno S. Vincentio ordinis Prædicatorum constat esse conuersos ad fidem vigintiquinque millia, partim Iudæorum, partim Saracenorum.

Denique, hoc nostro sæculo in nouo orbe multa millia Gentilium Catholici conuerterunt: Iudæorum quoque singulis annis conuertuntur; & baptizantur Romæ aliqui à Catholicis Pontifici Rom. additis: nec defunt etiam Turcæ, qui tum Romæ, tum alibi, à Catholicis conuertantur. Lutherani verò vix vnus, aut alterum conuerterunt, cum tamen comparent se cum Apostolis, & Euangelistis, & habeant in Germaniâ plurimos Iudæos, & in Poloniâ, & Hungariâ vicinissimos Turcas.

10. Nota.

Decima nota est, Sanctitas vitæ auctorum, siue primorum Patrum nostræ religionis. Ecclesia enim vera non solum habet doctrinam sanctam, & efficacem, sed etiam Doctores sanctos, & signorum gloriâ clarissimos. Si quis enim consideret magistros Ecclesiæ Catholicæ, primum Patriarchas, & Prophetas; deinde Apostolos, tum Doctores, qui contra singulas hæreses dimicarunt; denique institutores ordinum religiosorum, inueniet omnes tam sanctos; castos, pios, sobrios fuisse, vt aduersarij nihil habeant, quod reprehendant, nisi inimiā sanctitatem. At Ethnicorum Doct. fuerunt vel Poetæ leues, vel Philosophi superbi, vtrique autem impurissimi.

De Hæresiarchis plurima dici possent, sed vnum est vitium omnibus commune, superbia. Omnes scētæ enim exortæ sunt ex ambitione, superbia, inuidentia, odio. Initium primum omnium hæresum huius temporis constat fuisse inuidentiam, & ambitionem Lutheri, ægrè ferentis munus promulgandarum indulgētiarum à sui ordinis Monachis ad Monachos ordinis Prædicatorum translaturum fuisse.

11. Nota.

Vndecima nota est, Gloria miraculorum. Quod autem miracula sint necessaria ad nouam fidem, vel extraordinariam missionem persuadendam, prob. Primò Script. testimonio. Cùm Moyses mitteretur à Deo ad populum, ac diceret: *Non credent mihi neque audient vocem meam*; Non respondit Deus, debent credere, velint nolint, sed dedit illi potestatem faciendi miracula, & ait: *Vt credant, quod apparuerit tibi Dominus*, &c. Et in nouo Testamento: *Euntes prædicate docentes: Appropinquauit regnum cælorum, infirmos curate, mortuos suscite, leprosos mundate, dæmones eijcite*. Et: *Si opera non fecisse in eū, quæ nemo alius fecit, peccatum non haberent*.

Exod. 4.

Matth. 10.

Ioh. 15.

Præterea; Qui mittitur, debet ostendere testimonio eius, à quo mittitur, suam auctoritatem, alioqui nemo tenetur eum recipere: omnis autem, qui mittitur ad prædicandum, vel mittitur à Deo per ordinarios prælatos, vel extraordinariè à solo Deo. Et quidem, qui mittitur per ordinarium prælatum, debet ostendere testimonium ordinarij prælati, nimirum litteras eius sigillo munitas.

Qui verò mittitur à solo Deo, debet ostendere sigillum Dei, quod nihil est aliud, quàm miraculum. Sic enim dicitur: *Illi verò profecti prædicauerunt vbique, Domino cooperante, & sermonem confirmante sequentibus signis*. Et: *Teste autem Deo, signis, & virtutibus*.

Marc. vii.  
Hebr. 2.

Iam verò, quod miraculum sit testimonium sufficiens, & vbi est verum miraculum, ibi sit vera fides, facile prob. potest: siquidem vera miracula non possunt fieri, nisi Dei virtute.

Dicitur enim miraculum, quod superat vires omnium creaturarum, & ideo omnibus creaturis est mirabile, & propterea etiam in Script. dicuntur testimonia Dei: quare quod miraculo confirmatur, Dei testimonio confirmatur: Deus autem non potest esse testis mendacij: igitur quod miraculo confirmatur, verum sit necesse est.

His positis facile erit colligere, apud Ethnicos, Turcas, Iudæos, Hæreticos non esse veram fidem: nulla enim apud eos vera miracula sunt, & tamen omnes illi nouam doctrinam prædicant, & non sunt missi ab ordinarijs prælatis.

De



De Paganis notum est: nam solum leguntur quædam leuia, quæ facillimè arte dæmonis fieri possunt; qualia sunt, quæ refert Valerius Max. de statuis, *Valer. Max. l. 8. de* de brutis loquentibus, de quæ Virgine Vestali aquam cribro hauriente: & M. Tull. de augure, qui nouacula cotem scidit: quæ omnia à dæmonibus facillimè fieri possunt. *diuinat.*

De Iudeis post Christi aduentum notum est, non habuisse eos vlla miracula, & id ynum de piscina, quod adhuc durabat Christo prædicante, postea interisse.

De Mahumetanis, fatetur ipse Mahumetus, Christo miracula, sibi gladium esse datum; dicit tamen semel tantum in lunâ se, nescio quod, miraculum fecisse, non enim clarè explicat: expositores autem dicunt aliquando lunam in duas partes fuisse diuisam, tunc Mahumetum eam in manus accepisse, & reparatam ad cælum emisisse; sed neminem fuisse, qui videret hoc miraculum, nisi auctorem, id est, Mahumetum. *Alteram. c. 64.*

De falsis prophetis, & hæreticis, non minus est certum, eos & sæpe miracula facere conatos, & semper spe sua esse frustratos. Notæ est historia Prophetarum Baal. *3. Reg. 18.*

Pari ratione delusum Simonem Magum scribit Egesippus: nam & mortuum excitare, & per aërem volare tentauit, sed nihil ei successit. Manichæum frustra conatum filio Regis ægrotanti sanitatem adferre, scribit Epiphanius.

Cyrolam, Patriarcham Arianorum planè excacasse miserum quendam, qui se cæcum sinxerat, & ab eo præsidium implorabat, scribit Gregor. Turonens.

Eunomianum quendam à S. Machario victum in contentione de resurrectione hominis mortui, scribit Cassianus.

Polychronium Monothelitam frustra sudasse in excitatione alterius cuiusdam defuncti, testantur publica acta V I. Synodi.

De Donatistis, quod contra se miracula fecerint, dum ampullam Christomatis proiecerunt in saxa, quæ Angelica manu sustentata frangi non potuit, & dum Eucharistiam canibus dare vouerunt, & ipsi ab eisdem canibus discepti sunt, scribit Opatius.

De Timotheo Æluro Eutychemo scribit Theodorus Lectòr, per multas noctes eum habitum nigro indutum per cellas Monachorum discursisse, dicentem, se esse Angelum à Deo missum, vt illis significaret, ne Proterio (is erat vir sanctus, & Catholicus Episc. Alexandriæ) communicarent; sed eius loco Timotheum Ælurum Episc. designarent.

De quodam Iconomacho scribit Paulus Diaconus, eum in sepulchro quodam inclusum, inde Constantinum Iconomachum laudibus in cælum vehere cõpisse, vt nimirum ita quasi mortuorum responsis hæresis confirmaretur.

De nostri sæculi hæreticis idem omnino constat. Lutherus bis tentauit miraculum facere. Voluit enim aliquando de quadam discipula sua diabolum eicere, sed periculum fuit, ne ipse à dæmone occideretur. Rursum, Nescenum in Albi miserè submersum, spe miraculi Lutherus, vanis immurmurationibus

bus frustra in vitam reuocare tentauit. Sed quamuis uiuenti miracula non successerint, idem tamen post mortem miraculo insigni claruit: nameius cecidauer, cum deferretur in mediâ hyeme, quo tempore corpora mortua in multos dies seruari solent, & esset inclusus in arcâ stanneâ optimè clausa, vt V Vitzembergæ sepeliretur, tam tetrum odorem spirare cœpit, vt nemo eum ferre potuerit: proinde coacti fuerint corpus relinquere in itinere. Aliud miraculum refert Felicianus Ninguarda, Lindanus, & Alanus Copus cuiusdam Ministri, qui in finibus Poloniæ, & Hungariæ anno M. D. LVIII. excitare uoluit hominem nomine Matthæum, cui ipse persuaserat, vt se mortuum fingere, & reuera mortuum effecit.

In vita  
Caluini,  
c. 13.

Simile narratur de Caluino ab eisdem, sed fusius ab Hieronymo Bolfeco: *Præterire non debet, inquit, uasram eius, & subtilem inachinationem, qua tum usus est, cum quendam, cui Brulco nomen, & pasria Ostunum, in vitam reuocare cogitaret, molireturque, ut sancti, atque gloriosi Dei Propheta, miraculorumque patris nomen sibi, & famam pararet. Bruleus Ostuno Genenam demigrauerat, & cum inopi esset ipse, & uxor eius, Caluini gratiam aucupabantur, ut ei commendati peculij pauperum fierent participes. Eis Caluinus uita subtilia benignè pollicetur, si ipsi contra suam operam non denegarent ad rem quandam, quam per eos fieri uellet: sed opus esse fide, & magna taciturnitate. Vicissim illi ad id, quod iubere uellet, promptos se offerunt, & sicut à Caluino instructus fuerat, miser hic Bruleus morbum simulat. Ministri pro concione populo commendat, ut precibus iuarent, & elcëmofynis pauperum succurrerent: non diu post personam mortui induit, & mortuum se simulat. Ille Caluinus clam admonitus quafi tum omnino ignarus deambulatum prodit, sed comitatus magna ceterna amicorum, postquam eò uentum esset, ubi clamores, & eiulatus uxoris exaudiret, quidnam hoc esset, cisciscitatus, domum ingreditur, ubi in genua, & reliqua cetera prouoluitur, precibusque alta uoce profusus Deum obtestatur, potentiam suam ostendere, & mortuo huic uitam restituere, gloriamque suam sic uniuerso pop. declarare uellet, simulque manifestum facere, se peculiarem, eique gratum seruum esse, & à se ad Euangelij sui ministerium, atque Ecclesiæ reformationem singulariter, & uere uocatum. Post quas preces ad mortuum appropinquat, & miserî domini manu apprehensa in Dei nomine imperat, ut se erigas: repetit iterum, sepiusque eisdem sermone uoce etiam altius elcua. Quid sit neque audiri, neque loquisci, neque commouet se mortuus. Et uxor, qui quid eum ageret, nullam uocem, aut motum extorquere potuit. Quo animaduerso plorare, ululatus serid eiecit: cepit uxor, & in Caluinum inuecta impossitorem eum, sicarium, latronem, qui maritum interemisset, appellans ex ordine rem gestam clara uoce exposuit.*

At nostram Ecclesiam esse ueram Dei Ecclesiam, demonstrari facile potest ex miraculis omnibus seculis editis. Primo seculo habemus miracula Christi, & Apostolorum, in Euangelij, & in Actis. Secundo seculo habemus, miracula Christianorum militum in exercitu M. Antonini. Tercio seculo habemus miracula Gregorij Thaumaturgi. Quarto habemus miracula Antonij, Hilarionis, Martini, Nicolai, & aliorum. Quinto habemus miracula plurima, quæ describit S. Augustinus suo tempore facta. Sexto habemus miracula, quæ narrat Gregorius in Dialogis, ubi narrat duo facta à Rom. Pontificibus, Ioanne, & Agapeto. Septimo seculo habemus miracula facta in Angliâ à S. Augustino, & socijs. Item ab Osualdo Rege, per lignum crucis.

Octauo

L. 22 de ci-  
uit. Dei. c. 1.

L. 1. Dial. c.  
2. c. 3.

Octauo habemus miracula S. Cuthberti, & S. Ioannis in Anglia. Nono miracula Tharufij. Item, alia innumerabilia omnis generis facta in ciuitate Suefionensi, in translatione reliquiarum S. Sebastiani martyris, quæ facta est anno Domini D. CCC. XXXVI. Decimo miracula S. Romualdi. Item S. VVenceslai, Regis Boëmorum, S. Vdalrici, & S. Dunstani. Vndecimo miracula S. Eduardi Regis, & Virginis, S. Anselmi, Gregorij Papæ VII. & aliorum. Duodecimo seculo claruerunt B. Malachias, & B. Bernardus. Hic enim pluribus miraculis clauit, quàm vllus Sanctorum: nam vna die, in Constantiensi diœcesi, constat eum illuminasse cæcos vndeim, curasse mancos decem, & claudos decem, & octo. Difficile etiâ sit alia omnia enumerare.

Decimo tertio seculo claruerunt multi; sed præcipuè B. *Franciscus*. Item B. Dominicus, quem tres mortuos excitasse constat. Item, B. Petrus Martyr, & B. Thomas ex Ordine Prædicatorum: B. Antonius, ac B. *Bona Ventura* ex Ordine Minorum. Et ad finem eius seculi clauit miraculis plurimis S. Celestinus V. Rom. Pontifex, tam ante Pontificatum, quàm postea. Decimo quarto seculo claruerunt miraculis etiam multi: sed præcipuè S. *Bernardinus*, S. Catharina Senensis, S. Nicolaus Tolentinas. Decimo clauit S. Vincentius viuus, & mortuus, miraculis plurimis, adeo vt B. Antoninus dicat, constare de XXXVIII. mortuis per eum excitatis. Idem etiam B. Antoninus eo seculo miraculis clauit.

2. art. huius  
lib. 23.

Denique hoc nostrum seculo clauit in primis S. *Frâciscus* de Paula plurimis miraculis. Clauit etiam in Iudijs omni genere miraculorum B. *Pater Franciscus Xauerus* Societatis Iesu Presbyter. Constat enim ex Indicis litteris, ab eo paralyticos, surdos, mutos, cæcos esse curatos; mortuum quoque ad vitam reuocatum: & cum mortuus deferretur ad Insulam Goam ex Malacca, maris tempestatem sedatam: denique, corpus eius post XV. menses à morte, integerrimum, & suauiter oleus repertum, cum tamen iacuisset per multos menses calce obrutum; nec dubium est, quin vsque ad hunc diem integrum, & incorruptum conseruetur.

Duodecima nota est lumen Prophetici. Sicut enim Christus promittit Ecclesiæ donum miraculorum; ita etiam apud Ioëlem, exponente Petro, promittit donum Prophetiæ: quod certè est maximum, cum certum sit, neminem cognoscere futura contingentia, excepto Deo, *Annunciate, quæ ventura sint in futurum, & sciemus, quia Dixeritis vos*. Et è contrario in Deut. ponitur tanquàm nota falsæ doctrinæ, si Propheta prædixerit aliquid, & non euenerit. Iam apud Ethnicos, & hæreticos nulla fuerunt vera vaticinia, sed multa falsa; nisi forte fierent in testimoniū nostræ fidei, vt fuerunt vaticinia Sybillarū, & Balaam. Et si enim Ethnici habuerunt plurima oracula Apollonis; tamen illa vel per ambages respondebant, quando scilicet Apollo non sciebat reuera, quid esset futuri, vel ea, quæ cepta erant fieri ignorantibus nunciabant, tamquam futura; vel demum ea prædicebant, quæ naturales habent causas nobis ignotas, illis autem notas propter maiorem naturæ subtilitatem. Hæretici quoque, quotiescunque aliquid prædicere vouerūt, decepti sunt. Id patet de falsis Prophetis in Testam. veteri. Tempore autem noui Testamenti fuit olim Montanus, qui Prophetam videri voluit cum duabus Prophetissis, Prisca, &

12. Notæ.  
Mar. ult.  
161. 2.  
Act. 2.  
1sa. 44.  
Deut. 18.

3. Reg. 22.

Maximilla, & prædixerunt bella, & nescio quæ alia tunc futura; sed planè contrarium accidit.

*In aff.*  
*Luth. anni*  
*1530.*  
Nostris temporibus Lutherus, quem Lutherani constanter Prophetam Germanicum vocant, & etiam, teste Cochleæ, prædixit fore, vt, si ipse adhuc per duos annos suam doctrinam prædicaret, euanesceret Papa, Cardinales, Episcopi, Monachi, Moniales, turres, campanæ, Missæ, &c. Et tamen prædixit posse non duos, sed ferè XXII. annos: obiit enim anno M. D. XLVI. & tamen non euauit Papa, Cardinales, Episcopi, Monachi, &c.

*In aff.*  
*Luth. anni*  
*1530.*  
Ibidem refert Cochleus de Thoma Muncero, qui se Gedeonem vocabat, & infinitos rusticos armauerat contra Principes Germaniæ, quòd prædixerit certam victoriam suis, & se in manicâ excepturum omnes globos tormentorum bellicorum, & tamen casu ferè sunt omnes rustici, & Thomas captus, & securi percussus. Idem scribit tam constanter asseruisse Lutheranorum Prophetas, illo anno futurum diem vltimi iudicii, & ipsum etiam diem designasse, vt multi nec arare, nec serere voluerint: qui tamen mendaces inuenti sunt.

*Ad. 11.*  
At in Ecclesiâ Catholicâ, præter Prophetas Testamenti veteris, & eos, qui fuerunt primis quingentis annis à Christi aduentu, vt Agabunt, Gregorium Thaumaturgum, Antonium, & Abbatem Ioannem, fuerunt etiam posteriores sæculis veri Prophetæ, & quidem Monachi, ac Rom. Pontifici addictissimi. Vt de S. Benedicto refert Gregorius. De S. Bernardo scribitur in eius vita, eum quatuor hominibus prædixisse conuersionem, tribus de ea nihil cogitantibus, quarto etiam ab ea re alienissimo. Sed mirabile est prorsus, quod ibidem de nobili viro quodam narratur: nam cum pro eius conuersione vt S. Bernardus oraret, quidam illius filius peteret, respondit Sanctus: *Ne timeas, ego illum probatum Monachum in hac Claraualle sepeliām.* Quot sunt in hac vna sententia vaticinia? Nam & Monachum illum aliquando futurum, & in ordine monastico vsque ad mortem perseueraturum; & sancte, ac pie diem extremum clausurum; idque ante ipsum Bernardum, & in Claraualle, & ipsius Bernardi manibus sepeliendum. Sex vaticinia sunt inter se diuersa: omnia tamen, nec sine singulari Dei prouidentia, impleta. De S. Francisco etiam exemplum refert S. Bonauentura.

*In vita S.*  
*Franc. c. 11.*  
*13. Nota.*  
Decimatertia nota est, Confessio aduersariorum. Tanta est enim veritatis vis, vt etiam aduersarios cogat interdum sibi testimonium dare, iuxta illud: *Non enim est Deus noster vt Dij eorum, & inimici nostri sunt iudices.* Iam nusquam inueniuntur Catholici laudasse, aut approbasse doctrinam aut vitam vllorum Ethnicorum, aut hæreticorum. Scimus enim vnam tantum esse veram fidem, & sine ea nullam esse veram iustitiam. Itaque nos constanter asserimus, errare omnes, qui doctrinam nostram non sequuntur. At non sic de nobis loquuntur Pagani, Iudei, Turcæ, Hæretici.

*Apolog.*  
*6. 3. & 5.*  
Tertullianus affirmat, eos Imp. qui sunt habiti optimi, fauisse Christianis, vt M. Aurelium, Vespasianum, Antoninum Pium: eos autem persecutiones mouisse, qui sunt habitii pessimi, etiam ab ipsis Gentilibus, vt Neronem, & Domitianum. Extat quoque epistola M. Aurelij Imp. in qua testatur, in

Ger.

Germania, cum per dies quinque siti laboraret exercitus, & essent Rom. circumdati ab incredibili multitudine Germanorum, vt esset impossibile humanis viribus euadere; tunc se ad Deos patrios confugisse; sed frustra: deinde, aliquot milites Christianos, qui erant in exercitu, rogasse, vt etiam ipsi Deum suum orarent. Porro vix illos in genua ad orationem procubuisse, cum statim de celo in Rom. quidam iucundissimus imber descendit; in hostes vero ignis, & grando permixta.

Denique, S. Antonium, S. Hilarionem, & S. Martinum fuisse honori, & reuerentiæ Paganis, scribunt Athanasius, Hieronymus, & Sulpitius. De Iudeis habemus testimonium Iosephi, qui affirmat, Christum plusquam hominem esse, & verè Messiam. Philo scripsit librum insignem de laudibus eorum Christianorum qui sub Marco Euangelista in Ægypto viuebant. Mahumetus docet, Christianos saluari: & Christum maximum esse Prophetarum, & ipsam Dei animam habere. Testatur quoque S. Bonauentura, Sultanum Ægypti, licet Mahumetanum, in summo honore, ac reuerentia habuisse S. Franciscum, quem tamen sciebat Christianum, & Catholicum esse.

Idem de hæreticis dici potest. Nam S. Benedictum Catholicum à Rege Torilâ Ariano summo honore affectum, vt verum Deiseruum, & Prophetam, scribit S. Gregorius. Caluinus Bernardum vocatum scriptorem. Philippus vocat sanctos Bernardum, Dominicum, & Franciscum: quod idem facit Lutherus.

Decima quarta nota est, infelix exitus, seu finis eorum, qui Ecclesiam oppugnarunt. Et si enim Deus punit suos, & flagellat, tamen tandem projicit virgam in ignem. *Laudate Gentes pop. eiu, quia sanguinem seruorum suorum vlsif. e.* Deut. 32: 14. Nota.

De misero fine Pharaonis, primi persecutoris Ecclesiæ legimus. Item, de Dathan, & Abiron, primis scismaticis. Item, de Iesabel. Item, de Antiocho. De Pilato, quod seipsum interfecerit, scribit Eusebius. Herodes Ascalonita obiit scætons vermibus, cum prius occidisset vxorem, & filios, & seipsum occidere voluisset. Herodes Tetrarcha amisso regno in exilium relegatus perpetuum, miserrimè vixit. De Herode Agrippa in Act. Neronem, Domitianum, & cæteros Imp. qui Christianos persecuti sunt, omnes, vel à seipsis, vel ab alijs crudeliter necatos, vel certè miserè perijsse constat ex Chronicis, & Historijs omnibus. Nam Traianus horrenda paralyfi, & simul hydropisi extinctus est: Diocletianus imperium deposuit præ dolore, quod Christianos delere non posset: Galerius Maximianus, & Maximinus tam horrendis doloribus correpti sunt, vt etiam medici Ethnici dicerent, diuinam esse plagam.

Veniamus ad Hæresiarchas, & Apostatas. Simon Magus, cum orare vellet, orationibus B. Petri deiectus, tibias fregit, & paulò post cum summa ignominia obiit. Excoriatus est à Rege Persarum Manichæus, non ob fidem, sed quia filium Regis curaturus occidit. Montanus, Theodotus, & Prophetiæ eorum, à quibus seipfos necauerunt. Donatistæ quidam, cum canibus Eucharistiam projicerent, ab iisdem canibus lacerati sunt. Arius, cum in Ecclesiam intrare vellet, subito motu alui ad latrinas publicas accessit, & simul

D d 2 cum

cum excrementis intestina omnia, & animam effudit. Iulianus Apostata diuinitus occisus, communi etiam caruit sepultura: nam à terra sponte aperta absorptus est. Valens Arianus, qui Iuliano in persecutione Christianorum successit, viuus à Gothis etiam Arianis crematus est. Nestorius lingua impia à vermibus consumpta, miserrimè interijt. Hunericus Rex Vandalorum Arianus, & persecutor Ecclesiæ, vermibus toto corpore scatens, consumptus est. Athanasius Imp. fautor hæreticorum Eutychianorum fulmine ictus interijt. Tempore Leonis Iconomachi pestilentia confecta combustionem imaginum, in foro Constantinop. trecenta millia hominum sustulit Constantinopoli.

Lutherus morte repentina est sublatus: nam, cum vesperi opiperam cenam sumpsisset lætus, & sanus, & facietijs suis omnes ad risum prouocasset, eadem nocte mortuus est. Swinglius in bello contra Catholicos trucidatus est, & paulò post Basileæ frater eius spiritalis, OEcolampadius, cum vesperi sanus cubitum iuisset, manè inuentus est ab vxore mortuus in lecto. Andreas Carolstadium à dæmone interfectum, ministri Basileenses scribunt. Ioannes Caluinus vermibus consumptus expirauit, vt Antiochus, Herodes, Maximinus, & Hunericus. Addit etiam Hieronym. Bolsecus, eum dæmonibus inuocatis, blasphemantem, & execrantem obiisse.

*In epistola,  
de morte  
Caroli.*

*In eiu. vita.*

15. Nota.

Decimaquinta nota est, Felicitas temporalis diuinitus ijs collata, qui Ecclesiam defenderunt. Nunquam enim Catholici Principes ex animo Deo ad hæserunt, quin facillimè de hostibus triumpharent. Notæ sunt in primis victoriæ in Testamento veteri Abrahæ, Moysis, Iosue, Gedeonis, Samuëlis, Dauidis, Ezechie, Iosue, Machabæorum. In Testam. nouo Constantinus, qui primus publicè ex Imp. Ecclesiam defendit, eo ferè modo Maxentium vicit, quo Moyses Pharaonem. Theodosio seniori, quod verè pius, & Catholicus esset, adeò prosperè omnia successerunt, vt in prælijs hostium tela in auctores Deo agente retorquerentur. Addit Theodoretus, sanctos Ioannem, & Philippum Apostolos apparuisse in equis albis in eodem prælio pro Theodosio Imp. pugnantes. Pro Honorio etiam planè Catholico, & Rom. Pontifici additisimè ita Deus pugnavit, vt vno prælio multò amplius quàm centum millia Gothorum prosternerentur, & Rex ipse, Radagaisus cum filijs caperetur, & occideretur, ex Rom. ne vno quidem vuluerato, nedum extincto. Theodosio iuniore, cum exercitus eius pugnaret cum Barbaris, in vrbe precibus apud Deum vacante, circiter centum millia Saracenorum ab Angelis acta in Euphratem, miserè perierunt. Iustinianus senior, donec Catholicus fuit, felicissimè imperauit, ita vt Italiam, Africam, aliasque multas provincias Rom. Imperio restituerit. At vbi hæreticus factus est, & editum proponere voluit de sua hæresi recipienda, mox repentina morte sublatus est, & Ecclesiam magno metu liberauit. Heraclius quoque, dum Catholicus esset, præclarissimam victoriam de Persis reportauit, & crucem Domini recepit, quando res Rom. desperatè omninò esse videbantur. At cum in hæresin incidit Monothelitarum, omnia illi infelicitè successerunt, & ipse nouo, atque inaudito morbi genere extinctus est.

*L. 5. histor.  
c. 24.*

*Socrates l. 7.  
histor. c. 18.*

Constat item ex Græcorum historijs Imp. Orientis ab eo tempore, quo  
pro-

propter dissidium circa imagines se ab Ecclesia Rom. separauerunt, semper indies deterius se habuisse, donec tandem Imperium penitus amiserunt, in Occidente verò ex Latinorum historijs manifestè colligitur, semper Imp. magis, vel minus floruisse, vt magis, vel minus Rom. Ecclesie addicti fuerunt.

Tempore Urbani I I. ad annum Domini M. XCVIII. Christiani in bello sacro à Papa indicto pro recuperatione Hierosolymæ, cum essent Antiochiz in summa desperatione, eò quod propè adesset infinitus exercitus Turcarum, & Persarum, & ipsi pauci essent, & diuturna fame prope euecti, ita vt etiam viri fortissimi baculis innixi incederent, nec equos haberent, nisi paucissimos, ita vt præcipuus Princeps Godefredus equo commodato vteretur, & multi Principes in asinis equitare cogerentur. Tandem Deus reuelauit, vbi esset lancea, & ea prælata in bello victoriam dedit, ita vt occiderint centum millia Turcarum, & ex ipsis vix quatuor millia ceciderint. Cecidit etiam ros diuinitus in illos, quæ animis, & corporibus vires addidit. Denique, apparuerunt tres viri sancti pro illis de cælo pugnantes. Tempore Innocentij I I I. in Gallia ab octo millibus Catholicorum cæsa sunt vno prælio centum millia Albigensum hæreticorum.

Nostris temporibus anno M. D. XXXI. quinque prælia commiserunt pro fide Catholici Heluetij cum hæreticis Heluetijs, & semper Catholici vicerunt, cum tamen essent numero, & armis multo inferiores. Carolus V. victoriam retulit de Lutheranis anno M. D. XLVII. miraculo diuino. In Gallia quoque, & Belgio multas victorias Catholici de hæreticis non sine miraculo reportarunt: immò vix vnquam fuerunt hæretici superiores, quando iusto prælio dimicatum est.

## CAPVT OCTAVVM.

### De nomine Clerici, & Laici.

QVID hæc nomina sibi velint, nemini dubium esse puto. Tamen si enim Græcam originem habeant, tamen citata sunt, ac peruulgata. Quis enim ignorat idem esse λαός Græcis, quod populum Latinis? Idem illis κληρικός, quod fortem, siue hæreditatem nobis? Inde igitur laici dicti sunt, quasi plebei, & populares, quibus nulla pars susceptionis Ecclesiasticæ demandata est: Clerici autem quasi Domini fors, & hæreditas, qui diuino cultui consecrati, procuranda religionis, ac rerum sacrarum, Deo ipse iubente, prouidentiam, ac sollicitudinem susceperunt.

Cur autem hæreditas fortis nomine appelleretur, illa ratio reddi solet, quòd hæreditas in plures plerumque sorte diuidatur. Vnde illud: *Sorte diuisti illis terram in funiculo distributionis.* Accedit, quòd licet ad vnū aliquē hæreditas tota perueniat, id tamen non electione, sed sorte fit: nascuntur enim, vt plurimum, non sicut hæredes. Quis autē laborauit, quis operā dedit, vt huius potius, quā illius

Caloff. 1.  
Apof. 4.

filius nasceretur, & hæretes? Atque huc Apostolus Paulus respexit, cum ait: *Dignos nos fecit in partem sortis Sanctorum.* Et rursus: *In quo nos forte vocati sumus.* Non quòd (vt Lutherani volunt) æterna beatitudo nullis meritis acquiratur, sed quod ad gratiam, & adoptionem filiorum Dei, sine vllò opere nostro vocemur. Falluntur enim Pelagiani, qui priores partes homini, posteriores vero Deo tribuunt in conuersione, ac pœnitentia peccatoris. Quomodo enim forte vocamur, si nos ipsi Deum vllò nostro vel opere, vel conatu præueniamus? Nemo igitur gratiã inuocat, nisi præuentus à gratiã; nemo elegit Deum, nisi p. ius electus à Deo; nemo diligit, nisi prius dilectus, auersos ille conuertit, errantes reuocat, inuenitur à non querentibus, palam apparet non interrogantibus: quia tamen, quod nobis fors est, Deo providentia, & prædestinatio est, propterea Apostolus sapienter iungit vtrumque cum ait: *In quo nos forte vocati sumus, prædestinati secundum propositum voluntatis eius.*

Quaest.

Hinc iam prima inter nos, & hereticos questio nascitur; *Reclene, an secus, quidam inter Christianos Clerici, quidam Laici nomenclantur?*

Resp.

Resp. Hæc appellatio deprompta ex diuinis litteris, in ore omnium Conciliorum, omnium Patrum, totius Ecclesiæ, orbis terrarum vniuersi, omnibus ætatibus, ac sæculis fuit. Et quidem, si de Conciliorum decretis, & SS. Patrum voluminibus agitur, non tam querendum est, vbi Clericorum. & Laicorum nomen, & distinctio habeatur, quàm vbi non habeatur, ita passim in singulis propè paginis, tum Patrum, tum Conciliorum veterum, appellatio illa occurrit. Sanè in Concilio Nicæno I. œcumenico, vetustissimo, frequentissimo, celeberrimo, appellatio Clericorum in singulis ferè canonibus inculcatur. Quid, quod in ipsis etiam Apostolorum canonibus à S. Clemente descriptis, distinctio, & nomen clericorum, Laicorum, non semel legitur?

Ierem. 12.

Quòd si verbum Dei requiras, apud Ieremiam ita Spiritus sanctus loquitur: *Clericorum non proderunt eis.* Testes huius rei habemus omni exceptione maiores, Origenem, Epiphanium, Hieronymum, qui nò modò Script. diligentissimi tractatores fuerunt, sed etiam penè soli inter omnes Ecclesiæ Patres Hebraicæ linguæ, quâ Ieremiæ volumen scriptum esse constat, scientiam habuerunt.

Num. 16.

Accedat postremò Dei ipsius grauissimum testimonium, non solum verbo prolaturum, sed etiam horribili quodam prodigio, quasi sigillo proprio signatum. Quod enim hoc tempore Lutherus, & Caluinus aduersus Clericos clamant, idem olim Dathan, & Abyron aduersus Sacerdotes Testamenti veteris clamabant. *Sufficiat vobis, aiebant, quòd omnis multitudo Sanctorum est. & in ipsis est Dominus, cur eleuamini super pop. Domini?* At qualem exitum reperit illa contentio veterum scismaticorum? Acerbum omnino, & luctuosum: siquidem continuò ad imperium Domini, qui scissinata, & seditiones aduersus ministros suos ferre non potest, *dirupta est terra sub pedibus eorum, & aperiens os suum deuorauit illos cum vxoribus, cum liberis, cum tabernaculis, cunctisque opibus, descenditque viui in infernum, aperti humi, & perierunt de medio multitudinis.* Hæc videlicet pœna iustissima est illorum, qui diuersos in Ecclesia gradus, ordinemque pulcherrimum ab ipsa Dei sapientia constitutum confundere, ac per-



perturbare nituntur, vt ad ea inferorum detrudantur loca, vbi vmbra.  
mors & nullus ordo, sed sempiternus horror inhabitat.

## CAPVT NONVM.

## De institutione Ministrorum Ecclesiæ.

**P**RAEMITTENDVM est, appellatione creationis Episc. tria contineri: *Nota 1.*  
Electionem, Ordinationem, & Vocationem, seu Missionem. Electio ni-  
hil aliud est, quàm designatio certæ personæ ad Ecclesiasticam præfecturam.  
Ordinatio sacra cæremonia est, qua certo ritu futurus Episcopus inungitur,  
& consecratur. Missio, seu vocatio iurisdictionem tribuit, ac reipsa Pastore,  
& Præsulem facit.

Existit igitur inter nos, & aduersarios controuersia, cui potissimum ius sit  
in Ecclesia Episc. creandi, id est, eligendi, vocandi, atque iniitiandi.

Rursus, obseruandum electionem multis, ac varijs modis fieri posse. Nam *Nota 2.*  
aut Deus solus eligit; quomodo Aaron, & Petrus fuerunt electi: aut Deus per  
homines. Cùm autem per homines Deus eligit, aut id facit naturali propaga-  
tione; quomodo filij Aaron, & nepotes olim ad sacerdotium proueniebant:  
aut certè voluntaria electione. Et hoc aut vnus electione; sicut Clemens à  
Petro electus dicitur; aut plurium. Si plurium, aut populi, aut cleri, aut v-  
triusque. Sit igitur prima nostra propositio.

*Ordinatio tum Episc. tum aliorum Ecclesiæ ministrorum, non ad plebem, sed ad solos* *Propos. 1.*  
*Episc. pertinet.* Testantur id passim diuinæ Script. testantur decreta Concilio-  
rum: testantur veteres Patres: testantur denique mos pop. Dei, & exempla  
maiorum. Aaronem, & filios eius, Sacerdotes primos Testam. veteris, solus  
Moyse Sacerdos, & Pont. ordinauit, & consecrauit. Moysem autem Sacer-  
dotem fuisse testatur Dauid: *Moyse, & Aaron in Sacerdotibus eius: & Patres.* In  
Testam. nouo, vbiçunque mentio sit manus impositionis, quoritu etiam  
apud aduersarios celebratur ordinatio, semper ea Apostolis, caterisque Epis-  
copis, nunquam verò plebi tribuitur. Soli Apostoli per manus impositionem  
Diaconos ordinarunt. Et Apostolus: *Noli negligere, inquit, gratiam, quæ in te est,* *Ab. 6.*  
*quæ data est tibi per impositionem manuum presbyterij.* Quo loco presbyterium Ep-  
isc. cœtum significare, testantur omnes fere interpretes, et præsertim Græci,  
Chrysostomus, Theodoretus, OEcumenius, Theophylactus. Item, in eodem  
loco loquitur Apostolus: *Manus cuius nemini imposueris.* &c. At rursus: *Resuscites,* *1. Thm. 4.*  
*inquit, gratiam, quæ data est tibi per impositionem manuum mearum.* *2. Thm. 2.*

Accedat antiquissima, ac perpetua Ecclesiæ consuetudo, quæ optima iuris  
interpret esse solet. Nam à seculo non est auditum, vt Episcopum non Episcopus  
ordinaret: neque huiusce rei vllum vnquam vel institutum ex discipuli-

Neque his repugnat exemplum S. Matthiæ, qui electus fuit forte. Nam in primis non fuerunt forte illæ sortes propriè dictæ, sed cœlesti aliquod lumē super Matthiam à Deo effusum. Aut certè sortes illæ propriæ, & veræ fuerūt; sed privilegium, atque inspiratio Dei peculiaris causâ fuit, cur ijs Apostoli vterentur. Quia enim Apostoli ceteri à Christo electi fuerant, ne videretur S. Matthias ceteris inferior, voluit fortasse idem Christus per se illum eligere. Itaque inspirauit Apostolis, vt forte vterentur. Sed privilegium nō debet trahi in exemplum ordinarium electionum. Aut postremò sine villo priuilegio sortibus Apostoli in ea electione vti voluerunt, quòd Matthias, & Barnabas ad eum essent pares sanctitate, & doctrina, vt humano iudicio discerni non posset vter præponendus esset. In eiusmodi enim casibus licitus est sortium vsus, tum quia non tentatur Deus, cum id ab eo exquiritur, quod humano iudicio declarari non potest: tum quia nullum est periculum, quicunque forte exeat, etiamsi planè casu exiret, quando pares sunt, de quibus præficiendis agitur, & tollitur materia querimoniarum, nullique fit iniuria. Sic etiam apud Iudeos, ex multis sacerdotibus forte eligebatur vnus, qui certo tempore thus Domino adoleret: Vnde: *Sorto exiit, vt Zacharias incensum poneret, &c.*

Luc. 1.

Propositio quarta. Non dequit Christianos Sacerdotes carnali successione propagari. Confirmatur Primò ex figura, quæ in lege naturæ præcessit. Nam Melchisedech, secundum cuius ordinem Christus, & Christiani Sacerdotes esse dicuntur, idcirco sine patre, sine matre, & sine genealogia fuisse describitur, vt intelligeremus, Sacerdotes Christianos non debere nasci, sed fieri.

Propositio 4a  
Prob. 1.

Secundò idem prob. ex Isa: *Assumam, inquit Dominus, ex eis Sacerdotes, & Leuitas.* In quem locum obseruat S. Hieronymus, idè dixisse Prophetam, *Assumam ex eis*, quia in Testamento nouo, de quo apertissimè ibi loquitur Isaias, non erant Sacerdotes nascituri ex vnâ aliquâ familiâ, sed assumendi ex omnibus Gentibus.

Hebr. 7.  
Prob. 2.  
1/a. 66.

Tertio prob. ex differentiâ Testamenti noui, & veteris. Vt enim in Testamento veteri populus Dei propagabatur per carnalem generationem ex Iacob; in nouo autem propagatur per spiritualem regenerationem ex Christo: ita quoque par erat, vt in Testamento veteri Sacerdotes carnali successione propagarentur; in nouo autem spiritali electione assumerentur. Item, quemadmodum Sacerdotium Aaronicum carnale fuit, quippe quod totum in bobus, & ouibus mandandis occupabatur; Christianum autem Sacerdotium spirituale est, cum in hostia spiritali, & diuina sacrificanda occupetur: sic etiam æquum erat, vt Sacerdotum propagatio in Testamento veteri carnalis, in nouo spiritalis esset. Adde, quòd illi vxores, & liberos habebant: proinde facile potuit illa ratio institui, vt parentibus filij succederent; nostri autem cœlibes esse debent. præsertim secundum ritum Ecclesiæ purioris: quare non potest villo pacto fieri, vt sacerdotium Christianum successionem carnalis generationis consequatur.

Quartò idem prob. naturali ratione. Christianæ enim Reip. (quæ sanè est perfectissima) perfectissima ratio conuenit instituendi Ministros. At longè melior est ratio per electionem, quàm per generationem: nam, si electio va-

Prob. 4.

Ec

leas

*num Pont. ut vel ipse eligat, vel prescribat eligendi modum.*

Prob. primò, quoniam ex Euangelio nihil aliud habemus, nisi vniuersam Ecclesiam S. Petro esse conmissam. Itaque ad illum pertinet providere Christianis de ijs, qui curam eorum gerant. Deinde, Si ad Clerum pertineret electio iure diuino, ad totum Clerum pertineret. Non enim ius diuinum definiuit, vt hi potius, quàm illi ex Clericis eligant. Non omnibus autem Clericis conuenire electionem, satis prob. ex eo, quòd eadem ferè incommoda acciderent ob multitudinem Clericorum, quæ accidebant in electione populari. Quocirca multis iam seculis soli Clerici primarij eligunt, quod tamen fieri non potuisset, si iure diuino omnes Clerici electores fuissent. Denique; S. Petrus, qui ius diuinum certè non ignorabat, non solum in Ecclesia Catholica successorem sibi delegit Clementem, neque expectauit, vt is à Clericis eligeretur; sed etiam ad plurimas prouincias Episc. misit.

*Prob.  
Ioan. v. b.*

Propositio septima: *Ratio eligendi summum Pont. per solos Cardinales est omnium optima, & merito conseruanda; etsi absolute posset Pont. eam mutare, si vellet.*

*Propositio 7.*

Secunda pars est euident, quia de iure positiuo est, vt Cardinales eligant.

Prob. prima pars. Primò inductione. Non debet Pont. creari per sortes, nec per carnalem successionem, nec per solius predecessoris nominationem, nec ad suffragia pop. nec ad suffragia totius Cleri, vt iam probatum est: ergò ad suffragia primorum ex Clero. Tales sunt Cardinales: sunt enim præcipui Episc. Presbyteri, & Diaconi Rom. Ecclesiæ.

Secundò; Nulli melius iudicare possunt, qualis debeat esse Episc. eligendus, quàm ij, qui sunt Episc. Conciliarij, & cum eo Ecclesiam regunt, & optime norunt Ecclesiastica negotia: tales sunt Cardinales.

*Prob. 2.*

Tertiò ex duratione. Nulla enim forma electionis diu durare potuit, præter istam per solos Cardinales. Constat enim anno M. C. LXXIX. vsque ad hoc tempus per annos C D. semper electos Pont. à duabus partibus Cardinalium, iuxta decretum Alexandri III. promulgatum in Concilio Lateranensi. Nec tamen tunc cæpit electio fieri per solos Cardinales, sed diu antea videtur incæpisse. Porro ante hoc tempus per annos M. C. annos XVII. mutationes inueniuntur in electione Rom. Pontificis.

*Prob. 3.*

Quartò prob. experientia, quia nunquam fuerunt pauciora scismata, quàm hoc tempore. Annotauit Onuphrius scismata XXIX. in Ecclesia Rom. ex quibus X XVI. fuerunt vsque ad Alexandrum; toto reliquo tempore solum tria, ex quibus etiam tribus vnum solum accidit vitio Cardinalium, nimirum illud, quod factum est tempore Urbani VI. Nam illud alterum, quod accidit tempore Ioannis XII. ab Imp. Ludouico IV. excitatum est; postremum verò temporibus Eugenij à Concilio Basileensi.

*Prob. 4.*

*L. de Rom.  
Pont.*

Quintò prob. Nam hæc forma eligendi temperata est ex omnibus alijs bonis, & legitimis formis. Sciendum est enim, quinque modis potissimum consueuisse eligi Episc.

*Prob. 5.*

Primus fuit, vt ipse summus Pont. per se eligeret; qui modus præsertim seruabatur olim in nouis Episcopatibus erigendis, nouisque Episcopis mittendis.

Secundus fuit, vt Episcopum eligerent Episc. omnes eiusdem provincie, vel maior eorum pars, postulato tamen testimonio, & consensu Cleri, & populi eius loci, cui Episc. dabatur. Et eodem modo eligebantur Metropolitani, & Patriarche, & ipse summus Pontif. nimirum ab Episc. vicinis, seu provincialibus. Et hic modus antiquissimus fuit, & durauit satis diu.

Tertius fuit, vt eligerent Clerus, & pop. ciuitatis. Hic modus fuit in vsu tempore Chrysost. Ambrosij, Augustini, Leonis, Gregorij.

Quartus fuit, vt Imp. & Reges vel soli, vel cum Clero, & pop. eligerent. Constat enim, Iustinianum seniore post recuperatam Italiam noluisse ququam creari Rom. Pontificem, sine sua approbatione: quod seruatum est vsque ad Constantinum I V. qui iuri suorum predecessorum in hac parte cessit. Constat item Carolo Magno ius eligendi Rom. Pontificem, & alios Episc. concessum ab Adriano I. & deinde simile ius concessum Othoni à Leone VIII.

Quintus modus fuit, vt soli Canonici, id est, primarij Clerici Episcop. eligerent, qui modus seruatur à longo tempore in multis Germanie locis.

Ex his quinque formis prima non potest reperiri in electione summi Pontif. nam non expedit, vt predecessor eligat successorem: reperitur tamen aliquo modo, quatenus hæc forma electionis ab ipsius Pontif. decreto manauit.

Secunda reperitur in hac forma, quantum ad id, quod erat in ea præcipuum: nam eligunt nunc Episc. vicini, vt tunc eligebant, nimirum sex Episc. Cardinales.

Tertia non reperitur, quia erat omnium maximè incommoda.

Quarta non reperitur etiam, quia, quòd Imp. se miscuerint electioni, factum est vel vi, vel quasi tyrannide Imp. vt quando Græci Imper. nolebant creari Pontif. sine suo iussu; immò etiam nisi pecuniariam summam acceperissent: vel quia Pontif. ipsi id necessarium iudicabant ad Ecclesie defensionem; vt quando Carolo Magno, & Othoni id Pontif. concesserunt. At nunc nec Imp. tyrannicè se ingerunt electioni, nec id requiritur ad defensionem Ecclesie. Immo etiam vix inuenitur aliquis pius Imp. qui hoc iure sibi concesserit, uti voluerit; & e contrario extat aperta renunciatio huic iuri, facta à Ludouico Caroli filio, & ab Othone I.

Quinta denique reperitur: nam, quòd sunt Canonici in alijs vrbibus, id sunt Presbyteri, & Diaconi Cardinales in Vrbe.

Propositio octaua. Si nulla extaret Pontificia constitutio de electione summi Pontif. vel casu aliquo omnes electores à iure designati, id est, omnes Cardinales, simul perirent, in electionis ad Episc. vicinos, & Clerum Rom. pertinere, cum dependentia tamen aliqua à Concilio generali Episc.

In hac propositione non videntur omnes conuenire. Quidam enim existimant, seculo iure positiuo, ius eligendi deuolui ad Concilium Episc. Alij ad Clerum Rom. pertinere ius eligendi. Sed conciliari possunt hæc duæ opiniones. Nam ad Concilium Episc. pertinet sine dubio primaria auctoritas eligendi in illo casu: siquidem mortuo Pontif. non est in Ecclesia villa maior auctoritas.

*Can. Ego  
Ludouic.  
dist. 63. can.  
Constitutio.  
dist. ead.  
Propos. 5.*

ritas, quàm generalis Concilij; & si Pontif. non esset Episcopus Rom. nec allicuius particularis loci, sed solum generalis Pastor totius Ecclesiæ, ad Episc. pertineret vel eligere successorem, vel designare electores: tamen posteaquã vnitus est Pontificatus orbis Episcopatu i vrbis, immediata auctoritas eligendi in illo casu deberet ab Episc. totius orbis permitti Episc. vicinis, & Clero Rom. Ecclesiæ.

Quod prob. duplici ratione. Primò, quia ab omnibus Episc. vicinis, & *Prob.* Clericis Rom. translatum est ius eligendi ad Cardinales, qui sunt quædam pars Episc. & Clericorum Rom. Ecclesiæ: Ergò Cardinalibus deficientibus deberet redire ius eligendi ad omnes Episc. & Clericos Rom. Ecclesiæ.

Secundò, quia hæc est antiquissima consuetudo, vt Episcopum, tam Rom. quàm alios eligant Episc. vicini Clero præfente. Nec vnquam est auditum, quòd Episc. aut Archiepiscopi totius orbis conuenirent ad electionem summi Pont. nisi in casu, in quo dubitatur, qui sint legitimi electores. Hoc enim dubium à Concilio generali explicari debet; vt factum est in Concilio Constantensi.

## CAPVT X.

De distinctione Ministrorum  
Ecclesiæ.

QVÆSTIO hæc in tribus rebus posita est. Dissentimus enim ab aduer- *Quæst.*  
sarijs de numero, de antiquitate, & de officio Clericorum. Ac vt à nu- *Numerus*  
mero incipiamus, Catholici certum, ac statum numerum esse volunt Cleri- *Ordinum.*  
corum, qui propriè ordines Clericorum nominatur. Est autem obseruandum duobus modis accipi solere apud auctores ordinem Ecclesiasticum. Vno modo propriè; alio modo communiter.

Propriè illi dicuntur ordines, qui certo ritu sacro, & solenni conferuntur *Ordines*  
ab Episc. & ad certum ministerium sacrificio diuino exhibendum referun- *proprie*  
tur. Qua ratione septem dumtaxat ordines numerantur, videlicet, Sacerdos, *dicti.*  
Diaconus, Subdiaconus, Acolutus, Lector, Exorcista, & Ostiarius. Et si enim Episc. & Presbyter distinguantur, tamen quantum ad sacrificium idem omnino mysterium exhibent, proinde vnum ordinem, non duos faciunt: sicut etiam Lector, & Cantor, seu Psalmista.

Quare Cornelius Papa in epistola ad Fabianum apud Euseb. dicit, in Ec- *L. 6. 2. 2.*  
clesia Rom. suo tempore, id est, ante annos M. CCC. fuisse Presbyteros *6. 31.*  
XLVI. Diaconos VII. Subdiaconos VII. Acolutos XLII. Exorcistas  
cum Lectoribus, & Ostiarijs LII. Vbi nullam facit mentionem Cantorum,  
vel laborantium, vel aliorum, quos alij numerant, quia nimirum illi nec ha-  
bent propriam ordinationem, nec referuntur distincta ratione ad sacrifici-  
um.

Cap. 3.  
Can. 2. &  
seq.

In Concilio item Rom. sub Syluestro numerantur iidem septem ordines. In Concilio autem Carthaginensi I V. præter ordines iam nominatos additur ultimo loco Psalmista, seu Cantor; sed ibidem Concilium monet, Psalmistam non ordinari ab Episc. sed etiam sine licentia Episc. sola iussione Presbyteri posse officium canendi suscipere. Ilidorus, Rabanus, Amalarius, Hugo de S. Victore eosdem septem ordines numerant, & explicant. Idem facit Magist. Sententiarum, quem omnes Theologi sequuntur.

In 4. d. 24.  
In instrum.  
Armen.  
Sess. 23. c. 2.

Denique eosdem numerat Concilium Florent. & Tridentinum: & Ecclesie vsus idem testatur; non enim alij ordines præter istos conferri solent. Nā prima tonsura nullus est ordo, cum nullum habeat officium annexum, sed est præparatio ad ordines; vt est Catechismus ad Christianismum.

Ordines  
communiter  
dicti.

Communitè autem dicuntur ordines illi omnes, qui quomodocunque dedicantur diuinis obsequijs, etiam si non referantur ad sacrificium: & hoc modo etiam Monachi, Virgines, & viduæ Deo sacratæ, nec non laborantes in sepeliendis defunctis, ordines aliquando dicuntur à Patribus: sicut etiam Diaconissæ virgines, aut viduæ, quæ seruiebant Ecclesie in institutione mulierum, quæ baptizandæ erant.

Antiquitas  
Ordinum.

De antiquitate ordinum, Clemens, & Ignatius, Apostolorum discipuli, eorum meminerunt. Ad hæc; tempore S. Cypriani omnes ordines erant in Ecclesia, nec tamen tunc cœperunt. Nam vt de antiqua re, & vbique recepta loquuntur auctores illius temporis; qui sanè non multum aberant ab Apostolicis temporibus. Eodem tempore scripsit epistolam S. Cornelius ad Fabianum Antiochenum apud Eusebium ordinum omnium mentionem faciens. Omitto Concilium Laodicenum: & Carthaginense I V. in quibus omnium ordinum mentio fit: quorum hoc celebratum est ante annos M. C. illud ante annos M. C. C.

L. 6. hystor.  
c. 33.  
Can. 24.  
Cap. 2. &  
seq.

1. Tonsura.

De officijs Ministrorum singulis dicamus. Exordium in Ecclesia sumitur à prima tonsura, quæ quidem non est ordo, cum nullum habeat certum officium annexum, sed est quædam dispositio, & præparatio ad ordines. Proficiscitur enim se ordinibus iniciandos, & à seculi negotijs ad militiam Ecclesiasticam transituros, qui ita tenduntur.

Ostiarj.

Primus igitur ordo Ostiariorum est, quorum officium etiam apud veteres est, aperire, & claudere fores Ecclesie; proinde curam habere ipsius templi. Esse autem certum ordinem, & proinde rectè ordinari eos ab Episc. solenni ritu, patet ex testimonijs iam citatis, in quibus ordo Ostiariorum inter ordines Ecclesie numeratur: ac præterea in Concilio Carthaginensi I V. forma præscribitur, & ritus ordinandorum Ostiariorum, & est ille ipse, quo nunc vititur Ecclesia.

Can. 9.

Le 3. res.

Secundus est ordo Lectorum, quorum officium erat, legere ex pulpito in Ecclesia, quidquid legendum erat ex utroque Testamento: nam etiam Euangelia legi à Lectoribus consueuisse, Cyprianus testatur. Est tamen credibile, Lectoris officium non fuisse, vt legeret Euangelium tempore sacrificij (id enim Diaconorum fuit) sed solum extra illud tempus. Neque solum Concilium Carthaginense I V. præscribit ritum solemnem ordinandi Lectores, sed etiam S. Cyprianus aperte significat, lectoratum fuisse ordinem, & gradum

L. 2. epist. 5.  
Can. 8.  
L. 2. epist. 5.  
L. 3. epist. 12.  
L. 4. epist. 7.

in Ecclesia; nam passim vocat gradum, & honorem Ecclesiasticum. Item, dicit, Celerinum initio ex humilitate refugisse eum gradum, sed tandem diuina reuelatione admonitum acquieuisse. Ad hæc, excusat multis verbis, quod quosdam ordinauerit leutores, urgente necessitate; sine consilio, & consensu expresso Cleri. Denique, dicit se prius quendam Saturum nomine fecisse Clero proximum, quod ei permisisset in Paschate legere in Ecclesia; cum non esset ordinatus: denique verò in Clerum eum coaptasse, atque ad ordinem leutoris promouisse. Vbi vides, aliud esse legere in Ecclesia, aliud verò promoueri ad ordinem Lectoris.

Tertius ordo Exorcistarum est, ad quorum officium pertinet, exorcismos Ecclesia legere super Energumenos, & eo modo preparare illòs; vt sacrificij diuini participes fieri possint. Olim siquidem, quia frequentissime dæmones pellebantur de corporibus humanis, concurrebant plurimi Energumeni ad Ecclesiam; ita vt essent quasi greges Energumenorum; ac propterea iste ordo institutus fuit. Fuisse autem reuera ordinem certum Ecclesiasticum Exorcistarum; patet ex testimonijs Ignatij; Cornelij Papæ; S. Cypriani; Concilij Rom. sub Syluestro, Concilij Laodicensi; Vbi Exorcista inter ordines numerantur: sed præcipue id ostenditur ex Concilio Carthaginensi I. v.

Quartus ordo Acolutorum est, quorum id est proprium, vt cum cereo accenso sequantur Diaconum ad locum euangelij, & vrceolos, atque ampullas ad sacrificium præparent, ac Subdiaconum porrigant. Inde enim dictus est Acolutus, quasi pedisequus: ab ἀκολουθία, quod est sequor; & etiam ceroserarius à gestando cereo Pertinuisse autem ad officium eius; cereos; & vrceolos, testatur Concilium Carthaginense I. v. Nomē etiam ceroserarij est apud Isidorum; Amalarium; Rabanum, Hugonem, & alios multos.

Quintus ordo Subdiaconorum est, ad cuius officium proprie pertinet, ministrare Diacono in sacrificio; ac propterea, dum ordinatur, calicem accipit vacuum, & patinam; vt habemus in Concil. Carthaginensi I. v. & in Concil. Toletano I. v. Eiusdem est; epistolas B. Pauli ad Missam legere, vt Concilium Remense docet. Meminerunt huius ordinis omnes auctores supracitati.

Sextus ordo Diaconorum est, quos oblationibus colligendis; & opibus ecclesie administrandis prepositos fuisse, inter Catholicos, & hæreticos constat. Id enim testantur Acta Apostolorum. Idem ex Leone patet: Ex quo officio fortasse factum est olim, vt Diaconi insolescerent aduersus Presbyteros; semper enim officia pecuniaria ad maiora fuerunt præceteris: Reprehendunt Diaconorum arrogantiam Concilia nonnulla, Nicænum, Laodicenum, Toletanum I. v. Item, Patres, Cyprianus, Hieronymus, & Bernardus.

Sed præter hoc officium habebant etiam Diaconi alia nonnulla. Primo, Diaconum erat Sacerdoti sacrificanti assistere; ac ministrare, & populo distribuere Eucharistiam; & propter sacrum hoc ministerium potissimum sacram ordinationem accipiunt. Videmus enim in Act. per impositionem manuum ordinari Diaconos: qua sacra ceremoniam non est credibile Apostolos vsuros fuisse, si solum ministerium mensarum Diaconis committere voluissent: antea enim vidua ministrabat mensis, nec tamē certo ritu ordinabatur.

Idem

Idem etiam indicat Clemens, & Cyprianus: & cognoscimus ex historia S. Laurentij apud Ambrosium. Inducit enim S. Laurentium sic loquentem ad D. Sixtum: *Quò progredieris sine filio, Pater? Quò, Sacerdos sancte, sine Diacono propinquas? Tu nunquam sine ministro sacrificium offerre consueveras.* Et infra: *Cui commissi consummandorum consortium Sacramentorum, huic consortium tui sanguinis negas?* Idem patet ex Chrysostomo, & Liturgiâ eius: item ex S. Gregorio. Denique; Ildorus, Rabanus, Amalarius, Hugo, & alij, qui describunt officia omnium ordinum, hoc docent, quod diximus.

Secundo; Diaconorum erat, tempore sacrificij Euangelium legere. Id testantur, præter supra dictos auctores, Hieronymus, Gregorius: item Concilia antiqua, Vasense, Remense.

Tertio, Diaconorum erat, baptizare, prædicare, reconciliare publicos pœnitentes, Eucharistiâ deferre, & præbere laicis; ac breuiter omnia facere, quæ Episc. & Presbyteri faciunt, excepta cōsecratione corporis domini, & ordinatione Clericorum, & alijs officijs, quæ requirunt potestatem ordinis. Nam Diaconos baptizare posse, patet exemplo Philippi Diaconi. Posse prædicare, docet exemplū Stephani, & Philippi Diaconorum. Item, exemplum S. Vincentij martyris, qui, cum Diaconus esset, prædicabat tamen; vt Augustin. testatur. Idem etiam docet Gregorius. Sicut de reconciliatione pœnitentium Cyprianus: de præbenda Eucharistiæ laicis Concilium Nicenum; & deferre solitos ad absentes Eucharistiā, Iustinus.

Est tamen obseruandum hæc omnia, ac præcipuè officium prædicandi, propria Episc. esse, ita vt ne Presbyteris quidem prædicare liceat, nisi ex Episc. mandato, aut consensu. Episc. enim propriè Apostolis succedunt: Apostoli autem sunt, qui dicunt: *Non est bonum nos derelinquere verbum Dei, & ministrare mensis.*

*Sacerdotes.  
Quæß.*

Septimus ordo Sacerdotum est, de quo grauis inter nos, & hæreticos controuersia est: *Sine Presbyter idem omnino, quod Episc. ac præsertim iure diuino?* De quâ sic loquitur Concilium Trident. Proinde sacrosancta Synodus declarat, præter ceteros Ecclesiasticos gradus, Episc. qui in Apostolorum locum successerunt, ad hunc hierarchicum ordinem præcipuè pertinere, & positos, sicut Apostolus ait, à Spiritu sancto, regere Ecclesiam Dei, eosque Presbyteris superiores esse, &c. Et: *Si quis dixerit Episc. non esse Presbyteris superiores, &c. anathema sit.*

*Prob. dogma.  
1.*

Tria igitur demonstrare conabimur. Primo, iure diuino maiorem esse Episc. Presbytero, quod attinet ad ordinis potestatem. Prob. Nam solus Episc. ordinare potest Presbyteros, & eo modo generare Patres Ecclesiæ. Presbyteri autem ordinare non possunt, sed solum baptizare, & eo modo filios Ecclesiæ generare. Id autem ita esse, docent Concilia Antiochenum, & Ancyranum, & Patres: denique Ecclesiæ consuetudo. Nunquam enim est auditum, quòd Presbyteri Presbyteros, aut Diaconos, nedum Episc. ordinauerint.

Esse autem ex iure diuino, vt soli Episc. ordinent inde colligitur, quòd habebatur irritum, si quid in eâ re fecissent, qui veri Episc. non erant. At certe, si diuino Presbyteri ex ipsa sua ordinatione, id est, ex charactere suo sacerdotali, haberent, vt ordinare possent, non esset irritum, quod facerent, tam

*metu*



metu prohibente Ecclesia facerent. Præterea; Cùm ordinatio Sacramentum sit, & Sacramenta omnia à Deo sint instituta, certè, qui maior est ordinis potestate, quæ per Sacram. ordinationis accipitur, is quoque maior sit ex diuina institutione, necesse est. Idem argumentum fieri potest ex confirmatione baptizatorum, & templorum, atque altarium consecratione. Constat enim solos Episc. vt ordinarios ministros, Confirmationis Sacram. posse conferre, nec non templa, & altaria consecrare; neque id Presbyteri licere. Videmus enim Apostolos ipsos, quibus Episc. succedunt, missos, vt per manus impositionem darent Spiritum sanctum iam baptizatis. Ab. 1.

Secundò demonstrandum erit maiorem esse Episc. Presbytero iure diuino, etiam quantum ad iurisdictionem. Prob. 1. dagma. 2.

Prob. primò ex figura Testamenti veteris: (quanquam hoc argumentum, vt etiam sequens, de distinctione Apostolorum, & Discipulorum, probet etià de potestate ordinis.) Nam in Testamento veteri erat vnus summus Sacerdos Aaron, & qui ei succedebat: erant præterea minores Sacerdotes, omnes videlicet filij Aaron, & qui ab illis descendebant: ac denique erant Leuitæ ceteri, qui à Leui originem ducebant, sed non per Aaronem. Constat autem, iure diuino fuisse distinctos hos tres gradus, Pontificum, Sacerdotum, & Leuitarum: ita vt Pontif. maior esset Sacerdotibus, & Sacerdotes Leuitis: nam & consecrationes eorum distinctæ erant, & vestes, & officia. Exod. 28. & 40. Leuit. 8. Num. 3. 4. & 20. Dent. 17.

Quòd autem iurisdictioni penes Pont. esset, non autem penes cætum minorum Sacerdotum, patet ex Deuter. *Qui superbiebit, nolens obedire Sacerdotis imperio, ex sententia iudicis moriatur.* At Episc. id sunt in Ecclesia, quod erant Pont. in Testamento veteri; id Presbyteri apud nos, quod illic minores Sacerdotes; id Diaconi nostri, quod illorum Leuitæ: vt docent Damascus, Hieronymus, Leo, Concilium Hispalense I. & alij permulti grauissimi auctores. Et sanè ratio nulla permittit, vt distinctior fuerit Hierarchia in Testam. veteri, quàm in nouo, cùm illud vmbræ, istud imagini comparetur ab Apostolo. Sequitur igitur, vt, sicut in Testam. veteri iure diuino Pontif. Sacerdotibus minoribus auctoritate præstarent: ita etiam Episcop. in Ecclesia Presbyteris præstent. Hebr. 10.

Secundò prob. idem ex distinctione Apostolorum, & discipulorum L. X. X. Prob. 2. Nam Episcopos Apostolis succedere, Presbyteros autem L. X. X. discipulis, docent constanter omnes Patres. Porro Apostolos iure diuino maiores fuisse discipulis L. X. X. satis apertè colligitur. Primùm ex institutione distincta, & diuersa. Apostolos enim solum duodecim Dominus esse voluit, & eos semper ferè secum habebat, ac priuatim instituebat. Discipulos L. X. X. instituit. Præterea; Solis Apostolis dixit: *Sicut misit me Pater, & ego mitto vos.* Denique; Cùm ex Iudæ apostasia numerus duodenarius imminutus esset, assumptus est Matthias, nec sine solenni quadam caremonia, cùm tamen esset ille antea ex numero discipulorum. Lucæ 6. Luca 10. Ioan. 20.

Tertiò prob. ex illis Domini verbis: *Fidelis seruus, & prudens, quem constituit Dominus super familiam suam.* Hæc enim verba S. Hilarius, & ceteri Patres in locum, de Episc. dicta esse voluit: ex quo intelligimus, ipso Domino instituyente, Episc. propriam esse curam, & gubernationem Ecclesiæ. Quo etiam Prob. 3. Mat. 24.

F F per-

Act 10.

pertinet illud: *Attendite vobis, & vniuerso gregi, in quo vos Spiritus sanctus posuit Episc. regere Ecclesiam Dei.*

Prob. 4.

Quartò prob. ex antiquitate. Nam, si iure humano Episc. Presbyteris præessent, inueniretur certe principium aliquod huius institutionis post Apostolica tempora. At ipso tempore Apostolorum is erat Ecclesiæ vsus, vt Presbyteri Episc. subessent: nam Apostolus scribit? *Aduersus Presbyterum accusationem noli recipere, nisi sub duobus, aut tribus testibus.* Vbi videmus, Episcopum Apostolorum tempore iudicem Presbyterorum; proinde verum Principem, ac superiorem esse. Idem videre est ex Ignatio, Clemente, Dionys. Areopagitâ, Tertulliano.

Prob. degma  
3.

Tertiò, demonstrandum est, quòd Episc. auctoritas non sit in cœtu Presbyterorum, quasi Consul in Senatu; sed vt Principis in Concilio Conciliariorum sibi subiectorum. Primum colligitur ex testimonio iam citato Pauli, & Patribus. Deinde, ex Concilijs: omnia siquidem Concilia, tum generalia, tum prouincialia, etiã antiquissima, ab Episc. celebrata sunt. Constat autem, in Concilijs maxime exerceri iurisdictionem, cum leges in eis ponantur, & pœnæ præuaricatoribus decernantur.

Item, ex eo, quod multis in locis legimus, Presbyteros ab Episc. excommunicatos: nusquam autem Episc. à Presbyteris. Denique, ex eo, quod soli Episc. folium siue thronum habeant in Ecclesia, quod est potestatis indicium: vnde & imperare Principum more dicuntur à Patribus.

Cardinalis  
nomen.

De Cardinalibus pauca addenda sunt. Tria autem dicemus. Primum de antiquitate, & significatione nominis Cardinalium. Existimo autem, nomen Cardinalis primo impositum esse loco, & à loco deriuatum ad personas. Dicebantur enim tituli Cardinales, quædam Ecclesiæ principales, vbi Baptisma conferebatur: & dicebantur Ecclesiæ, vel tituli Cardinales, ad differentiã aliorum locorum sacrorum minùs principalium. Inde autem Presbyter, qui eam Ecclesiam regebat, dicebatur Presbyter Cardinalis. Pari ratione Diaconæ Cardinales erant loca quædam principalia in vrbe distincta, iuxta numerum regionum, & qui in eis residebant. Diaconi, dicebantur Cardinales. Diaconi, ab Ecclesia scilicet Cardinali, quam tenebant. Sic etiam postmodum dicti sunt Episcopatus Cardinales, & inde Episcopi Cardinales sex illi, qui ad eligendum Pont. conueniebant, & eidem Pont. à Concilijs erant, præter ceteros orbis Christiani Episc.

Officium  
Cardinalium.

Secundo, dicendum est de officio, & antiquitate officij Cardinaliũ. Tria autem sunt officia Cardinalium. Primum est commune cum Episcopis, Presbyteris, & Diaconis ceteris. Omnes enim Cardinales aut Episcopale, aut Presbyterale, aut Diaconale officium habent. Alterum officium est, summũ Pont. eligendi. Postremum, eidem Pont. perpetuò assistere, eumque in regenda vniuersa Ecclesiæ consilio, & industria adiuuare. Est autem obseruandum, omnia quidem tria Cardinalium officia esse antiquissima, & ab ipso tempore Apostolorum inchoata; sed tamen non esse æquẽ antiquum, vt soli Cardinales duobus officijs posterioribus fungantur. Nam à tempore Apostolorum per multos annos, immo etiam per aliquot sæcula, quia pauci erant Presbyteri, & Diaconi, omnes simul ad electionem Episc. & ad Concilia vocabantur, neque

quæ erat opus distinguere tunc à Cardinalibus, non Cardinales; sicut etiam in alijs Ecclesijs non distinguebantur Canonici à non Canonici. Quare Cyprianus, cum aliquoties scribat ad Rom. Clerum, non scribit ad solos Cardinales, sed ad omnes Presbyteros, & Diaconos Rom. Ecclesiæ: & similiter illi, cum Cypriano respondent, Presbyteri, & Diaconi omnes respondent.

Deinde, cum creuisset multitudo Cleri, omnes quidem vocabantur ad electionem faciendam; sed non omnes ad consilia vocabantur, sed aliqui principales, qui Romæ, & alijs quibusdam in locis Cardinales dicebantur. Id constat ex Synodo Gregorij. Nam solùm consilio interfuerunt ex Presbyteris triginta quatuor, & ij Titulares, id est, Cardinales. Certum autem est, tunc Romæ fuisse multò plures Presbyteros, quàm triginta quatuor. Nam si tempore S. Cornelij, circa annum Domini CC. L. in medio persecutionis, regnantibus idololatriæ, tamen erant Romæ quadraginta sex Presbyteri, vt ex epistola eiusdem Cornelij refert Eusebius; certè multò plures erant tempore S. Gregorij, circa annum Domini DC. quando nullus in vrbe erat Paganus. Denique; Postremis quingentis annis neque ad Concilia, neque ad electionem admisi sunt omnes Clerici, sed soli Cardinales.

L. 4. de regi.  
l. r. c. 11.

L. 6. hiflor.  
c. 13.

Cardinalis.  
cum Episc.  
comparatio

Tertiò, dicendum est de comparatione Cardinalium cum Episc. de quâ in hoc ferè omnes conueniunt, quòd, si consideremus Ordinis potestatem, maior sit Episc. Presbytero, vel Diacono Cardinali. Nam Episc. ordinat Presbyteros, confirmat baptizatos, aliaque id genus facit, quæ Cardinales Presbyteri, vel Diaconifacere non possunt. Quæ etiam ratione summus Pont. Episc. se, non Cardinalem vocat: & Episc. omnes appellat venerabiles fratres; Cardinales autem dilectos filios; quomodo vocat etiam Laicos. Pari ratione, si consideremus etiam iurisdictionem in propriam Ecclesiam, id est, Episcopi in suam Diocesim, & Cardinalis in suum Titulum, aut Diaconiam, maior est Episc. Cardinali Presbytero, vel Diacono. Nam in primis maior est ordinariè diocesis Episc. quàm titulus Cardinalis: ac præterea Episc. In sua diocesi amplissimam habet iurisdictionem, tanquam proprius, & ordinarius Pastor, ferendi leges, dispensandi, puniendi, indulgendi, &c. At Cardinalis Presbyter, & Diaconus, cum in suo titulo sit veluti Parochus Episc. subiectus, nihil potest, nisi quantum Episc. ei permiserit. At, si consideremus regimen vniuersalis Ecclesiæ, maior est Cardinalis Presbyter, vel Diaconus Episcopo non Cardinali. Nam Episc. simplices nunquam adhibentur ad regimen vniuersalis Ecclesiæ, nisi rarissimè, id est, cum ad generale Concilium conuocantur. At Cardinales ferè quotidie præsto sunt Pont. neque vllum negotium maioris momenti sine eorum concilio peragitur. Et quia hinc fit, vt Episc. à Cardinalibus, vt summi Pont. cooperatoribus, iudicentur, creentur, deponantur; non autem contra Cardinales ab Episc. propterea absolute Cardinalis Episcopum non Cardinalem præcedit.

De Chorepiscopis, nunc quorum nomen, & officium olim in vsu erat, nunc autem penè interijisse videtur, dicendum est. Dicebantur Chorepiscopi olim Presbyteri quidam, qui in pagis, aut oppidulis curam animarum gerebant loco Episcopi, vt nunc ferè Parochi faciunt. Dicebantur autem Chorepiscopi, vel, vt Damascus indicat, quasi villarum Episc. nam, & δῆμα, Epistola 38

Chorepiscopi

Epistola 38

Can. 1.

Can. 1.

Græcè, oppidum, ac regionem significat: vel potius, vt Concilium Neocaſarienſe, & Antiochenum docent, quaſi Vicarij Epifcopi, vel Vicarij Epifcoporum ſeu loco Epifcoporum conſtituti. *χώρα* enim etiam locum ſignificare poteſt. Porro eiufmodi Chorepiſcopi non poterant Presbyteros, & Diaconos ordinare, nec Chriſmate fidelium frontes inungere, nec templa, aut altaria conſecrare. Cetera ſerè omnia præſtare poterant, quæ præſtant Epifc.

Quæſt.

Reſp.

Sed quæſtio eſt: *An Subdiaconis ordinare Chorepiſc. aliquando licuerit?* Reſponſio, quosdam fuiſſe Chorepiſcopos, qui verè Epifcopalem conſecrationem acceperant, ſed Chorepiſc. dicebantur; quòd non haberent propriam Eccleſiam, ſed in aliena Diceceſi miniſtrarent: quales ſunt hoc tempore Epifc. quidam titulares, qui & Suffraganei dici ſolent. Et talibus licuit Subdiaconos ordinare. Alij autem Chorepiſc. fuerunt, qui nihil aliud, niſi Presbyteri erant, ſed in pagis, aut villis, ſeu etiam oppidalis Epifc. aliquo modo repræſentabant. Et talibus non licuit. Quòd ſi euidenter oſtendi poſſit, talibus aliquando conſeſſum, vt Subdiaconos ordinarent, dicendum erit, id fuiſſe priuilegium, & diſpenſationem quandam: qualis etiam fuit quibuſdam in locis, vt Presbyteri abſente Epifc. Confirmationis Sacramentum exhiberent.

## CAPVT XI.

## De cœlibatu Sacerdotum.

Quæſt. 1.

2. - q. 88.

art. 1. 1.

Reſp.

Prob. 1.

QVÆSTIO hæc trimembris eſt. Primum explicandum erit: *Sitne iure diuino annexus cœlibatus ordinibus ſacris?* D. Thomas diſertè docet, votum continentix eſſe annexum ordinibus ſacris ex ſolo Eccleſiæ decreto, ac propinde diſpenſabile eſſe. Idem docet Caietanus, & Sotus.

Prob. primò, quia non eſt iure diuino prohibitum, ne Sacerdotes vtantur vxoribus, quas duxerant ante ordinationem. Quod prob. ex eo apertiſſimè, quòd Eccleſia Romana multis iam ſeculis permiſit Græcis Sacerdotibus vxorum vxoribus, quas ante ordinationem duxerant. Gregorius etiam permiſit Subdiaconis, vt liberè vtantur vxoribus ſuis, quas duxerant ante ordinationem; licet prohibeat deinceps eiufmodi ordinari, niſi continentiam voueant. Non ergo eſt de iure diuino, vt Sacerdotes non ducant vxores. Nam Matrimonium non pugnat cum ordinibus ratione eſſentiæ ſux, ſed ratione officij, ſeu exercitij coniugalis. Si enim Deus prohibuit Sacerdotibus coniugium, prohibuiſſet certè propter actum coniugalem, qui hominem reddit totū carnalem, & ineptum ad diuina; nec non propter ſollicitudinem domus, & liberorum, quæ plurimas parit diſtractiones: non autem propter ſolū Sacramentum coniugij, vel propter contractum Matrimonij, qui celebratur conſenſu ſolo animorum, & eſt res breuiſſima, & honeſtiſſima.

Secundò

C. cum olim.  
De Clericis  
coniug. l. 1.  
epiſt. 42.

Secundò prob. quia in tota Script. nullum tale extat præceptum. Nam *Prob. 2.*  
Testam. veteri Sacerdotibus licitum erat vxores ducere. In nouo autem ni-  
hil de hæc re Dominus locutus est. Apostolus quidem, in epistolis ad Timot. &  
& Titum, iubet Episc. eligi castos; sed quod Apostolus præcipit, non diuinum,  
sed Apostolicum præceptum est.

Tertiò prob. ex Concilio Ancyrano, vbi dicitur, posse Diaconos cum li- *Prob. 3.*  
centia Episc. vxores ducere, etiam post susceptum Diaconatum. Ergò non est *Cap. 40.*  
de iure diuino; nec enim Episc. in iure diuino dispensant. Estque hoc Conci- *Dist. 20.*  
lium antiquissimum, & confirmatum à Leone Papa. Accedant alia Concilia, *can. de*  
& Patres, qui passim testantur, hanc legem esse Ecclesiasticam: quod etiam *libellus.*  
legimus in Concilio Trident. *Sess. 24.*

Secundò explicandum est: *An rectè factum sit, vt celibatus perpetuus sacris ordi-*  
*nibus annexeretur?* Resp. ita, vt nec ducere vxores, nec vxoribus antea ductis *Quest. 2.*  
vti liceat, post ordinationem; positiuo quidem iure, sed antiquissimo, & ex- *Resp.*  
quisitissimo, & quod nullo modo expediat, vt hoc tempore relaxetur.

Prob. primo Script. Ac primum Paulus: *Oportet inquit, esse Episc. hospi-* *Prob. 1.*  
*talem, benignum, sobrium, iustum, sanctum, continentem.* Vbi notandum, pro eo, *Tit. 1.*  
quod nos habemus, sobrium, Græcè est, *εὐπρεπός*, quod, vt Hieron. in hunc  
locum dicit, ambiguum est, & prudentem, sobrium, castum significare po-  
test; hoc autem loco significat castum. Quia verò castitas etiam coniugatis  
communis est, idèd Apostolus addit etiam, continentem; quod ibid. Hieron.  
exponit, ab vxoris amplexibus. Idem alibi: *Labora, inquit, sicut bonus miles* *2. Tim. 2.*  
*Christi lesu: nemo militans Deo implicat se negotijs secularibus.* Hic Apostolus Episcopo  
præcipit, vt strenuè militet Deo: Deinde dicit, non posse eum benè mi-  
litare Deo, si se implicauerit negotijs secularibus, qualia certè esse nuptias,  
nemo negare potest. Idem alibi iubet, coniugatos vacare ex consensu ad *1. Cor. 7.*  
tempus ab opere nuptiarum, vt orationi instare possint: ex quo per bonam  
consequentiam deducit B. Hieronymus, eum præcipere Episc. & alijs homini-  
bus sacris, vt perpetuo à nuptiarum opere vacent, cum quotidie oratione  
insistere debeant.

Præterea; In veteri Testam. continentiam ab vxoribus videmus inprimis,  
fuisse requisitam in ijs, qui Deo propinquaturi, vel rem aliquam sanctam tra-  
ctaturi erant. Nam præcipitur, vt comesturi agnum Paschalem renes suos *Exod. 12.*  
accingerent, quo significabatur, vt Gregorius exponit debere eos carnis vo-  
luptatem edomare, qui agnum Paschalem comedunt. Item, cum populus  
legem à Deo accepturus esset, ait illis Moyses: *Estote parati in diem tertium, & ne* *Exod. 19.*  
*appropinquetis vxoribus vestris.* Item, præcipit Deus, vt Aaron, & filij eius, cum *Exod. 28.*  
ingererentur tabernaculum, foeminalibus lineis à renibus vsque ad femora  
tecti essent, quo exponit Beda esse significatum, debere Sacerdotes noui Tes-  
tamenti aut virgines esse, aut contracta cum vxoribus fœdera dissoluisse.  
Item, noluit Achimelech Sacerdos dare Dauidi panes propositionis comedē- *1. Reg. 21.*  
dos, nisi prius intellexisset eum ab vxore aliquamdiu se continuisse. Ex quo  
deducit B. Hieronymus, perpetuam requiri in Sacerdotibus continentiam,  
etiam ab vxoribus, qui corpus Christi, quo ille panis propositionis significa-  
batur, conficiunt, edunt, alijs tradunt.

1. Paral. 24.  
Lev. 1.

Denique, ex Paralip. & Lucâ colligitur, Sacerdotes veteris Testamenti per vices suas ministrare solitos, & toto eo tempore, quo ministrabant in tabernaculo, à domo, & vxore abfuisse. Ex quo deducitur, quod si illi tempore, quo ministrabant, ab vxoribus abstinebant, omnino decere, vt Sacerdotes nostri, qui non per vices, sed semper ministrant, semper ab vxoribus se contineant.

Prob. 2. 3. 4.

Prob. secundò testimonijs Conciliorum antiquorum totius Ecclesiæ.

Tertiò testimonijs veterum Pont.

Quartò testimonijs veterum Patrum, Græcorum, & Latinorum.

Quintò ratione. Cùm enim coniugium vehementer impediatur Ecclesiastica munera, æquum fuit, vt Sacerdotibus, alijsque sacratissimis hominibus coniugia prohiberentur. Nam Ecclesiasticorum munera sunt, sacrificare, orare, docere, exhortari, Sacramenta ministrare, curam pauperum gerere, & similia, quæ ritè exerceri non possunt, vt Apostolus docet, nisi Sacerdos sit hospitalis, benignus, sobrius, iustus, sanctus, continens, doctus.

Tit. 1.

Quæst. 3.

Tertiò explicandum est; Num Apostolica lege prohibitum sit, ne, qui post primæ vxoris obitum alteram duxit, ad sacros ordines admittatur? Tota autem controuersia de verbis illis B. Pauli est: Oportet Episc. irreprehensibilem esse, vnus vxoris virum. Et rursum: Diaconi sint vnus vxoris viri. At sententia Catholice Ecclesiæ semper verba illa B. Pauli ita intelligenda esse docuit, vt prohibitum sit sacris ordinibus initiare eos, qui quouis modo bigami fuerint: quam sententiam probare possumus tribus argumentis.

1. Tim. 3.

Tit. 1. ad

Tim. 3.

Resp.

Prob. 1.

1. Tim. 5.

Primò ex eodem Paulo, qui de viduis ait: Vidua eligatur non minùs senex, à amorem, quæ fuerit vnus viri vxor. Ex quibus verbis refellitur in primis error Lutheri, dicentis per priora verba Paulum scortationem, & adulteria prohibuisse. Nam eadem phrasi dicitur vnus viri vxor, & vnus vxoris vir: certum autem est illud: Vnius viri vxor, non posse significare, vt vidua non fuerit adultera, vel scortatrix: nam scortatum non dicitur vxor, si ad adulterum, aut scortatorem referatur, sed adultera, vel meretrix.

Deinde; Continentia ab adulterio, & scortatione, non solum requiritur in muliere, quo tempore vir eius viuit, sed etiam postea, dum in viduitate degit; & tamen Paulus non loquitur hoc loco, nisi de tempore, quo vir eius viduæ viuerebat: non enim dicitur vxor vnus viri fuisse, nisi quando virum habebat. Ergò illis verbis: Quæ fuerit vnus viri vxor, non potest significari, vt eligatur vidua, quæ non fuerit scortatrix, aut adultera, sed quæ vnum solum maritum habuerit.

Ex eodem loco refellitur error Caluini, & aliorum, qui volunt, Paulum prohibuisse, ne habeat Episc. vel Diaconus duas simul vxores. Nam eadem phrasi, & in eadem epistola, & ab eodem Apostolo iubetur esse Episc. vnus vxoris vir, & vidua vnus viri vxor. At nulla ratio permittit, vt Paulus iubere voluerit, ne vidua eligatur, quæ fuerit vxor multorum virorum simul. Id enim frustra Paulus iussisset, cùm nusquam, & nunquam fuerit eiusmodi vsus, vt vna mulier esset plurium virorum vxor; habuerunt quondam Iudæi multas vxores, vt etiam nunc habent Turcæ; at nunquam est auditum, vt vna mulier plures maritos habuerit.

Al.

Alteratio ducitur à tempore, quo hæc Paulus scripsit: nam eo tempore Prob. 2.  
non erat consuetudo, neque apud Iudeos, neque apud Gentiles, & multo minus apud Christianos, vt vnus vir duas simul vxores haberet; proinde, quod non fiebat, non erat, cor tam serio prohiberetur.

Et quidem quod ad Gentiles attingit, satis patet ex eo, quod in Imperio Rom. quo tunc orbis terrarum regebatur, semper infamis, & prohibita fuit polygamia. Quòd verò attinet ad Christianos, nec non etiam Iudeos, ex Testamento nouo facile colligi potest. Semper enim de coniuge in numero singulari loquitur Script. Testamenti noui. *Qui dimiserit vxorem suam. Et: Si* Math. 5.  
*licet homini dimittere vxorem suam. Et ibidem: Omnis, qui reliquerit domum, vel agros,* Math. 19.  
*aut patrem, aut matrem, aut vxorem, &c. Et: Qui non odit patrem, & matrem, & vxorem,*  
*& filios. &c. Et: Vnusquisque suam vxorem habeat. Item: Aliquis vxori, noli quare-* Luc. 14.  
*re solutionem, solutus es ab vxore, noli quare vxorem. Et: Vnusquisque vxorem suam,* 1. Cor. 7.  
*sicut seipsum diligit. Quin etiam legimus, Zachariam, vxore sterili vsque ad* Ephes. 5.  
*senectutem permanente, non superduxisse alteram, quod haud dubie fecisset,* Luc. 1.  
*si eo tempore id fieri licuisset. Scribit quidem Iosephus Herodi Regi no-* L. 17. anti-  
*uem vxores fuisse: at priuati homines etiam apud Iudeos iam diu delierant* quis. c. 2.  
plures vxores accipere.

Tertia ratio est auctoritas Patrum, qui semper hunc locum de monoga- Prob. 3.  
mia ita intellexerunt, vt non liceat eum Episcop. vel Diaconum creari, qui duas vxores, etiam diuersis temporibus habuerit. Accedit vltimò totius Ec- Epist. 22. ad V.  
clesiæ consensus. Nam, vt scribit Innocentius, in toto Oriente, & Occidente hoc seruabatur, quod etiam nunc seruari videmus. Neque solum vbiq; sed etiam semper seruatum fuit. Quod autem semper, & vbiq; seruatum est, sine dubitatione vllà ab Apostolicâ traditione descendit.

## CAPVT XII.

## De temporalibus bonis Clericorum, &amp; libertate Ecclesiastica.

**T**RIA sunt bonorum genera, de quibus ambigi potest, an Clericis conueniant. Primo loco sunt Decimæ, quæ debentur Clericis ex iustitia. De quibus quatuor inuenio errores.

Primus error fuit Ioannis VVicleffi, qui docebat, Decimas esse puras elemosynas, & nullo iure deberi Sacerdotibus. Eundem errorem sequuntur hodie Anabaptistæ Trinitarij. Error est manifestus: facile enim doceri potest, esse de iure naturæ, & diuino, quod aliquid soluant laici Sacerdotibus, & præterea de iure Ecclesiastico, vt id, quod soluitur, sit pars decimæ.

Quod sit de iure naturæ, prob. Nam certè ratio dicat, vt ijs, qui pro pop. laborant, populus alimenta præbeat: vnde enim deducimus deberi Regibus tributa, & militibus stipendia, & iudicibus, alijsque ministris publicis salaria:

De Decimis  
1. errores  
sollunt.

riat inde etiam deducere possumus, deberi Sacerdotibus decimas, vel aliquid earum loco. Itaque tempore legis naturæ videmus, Abraham dedisse decimas Melchisedech Sacerdoti, qui tunc erat.

*Gen. 14.  
Leuit. vii.  
Num. 18.  
Malach. 3.  
& alibi.*

Quòd autem de iure diuino sit, prob. ex vtroque Testamento. In Testam. veteri iussit sæpe Deus, Decimas Leuitis dari: quæ quidem præcepta, licet nõ obligent Christianos, vt iudicialia erant; obligant tamen, quatenus moralia, id est, quòd aliqua pars fructuum sit Sacerdotibus danda; vt rectè docet Clemens, & Patres.

*Seff. 25, cap.  
13.*

Deberi autem iure Ecclesiastico, prob. quia multa sunt antiqua Concilia, in quibus id aperte præcipitur. Sunt etiam Concilia generalia, vt Lateranense sub Innocent. 111. Viennense, Constantiens: demum Concilium Trident. docet, solutionem decimarum debitam esse Deo, & iubet, vt excommunicetur, qui eas subtrahunt, aut, ne ab alijs dentur, impediunt, nec debere absolui, donec integrè restituant. His accedunt plurima decreta summorum Pont.

*2. Error res.  
soluitur.*

*Matth. 22.*

Alter error VVicleffi est, quòd Decimæ non modò sint puræ eleëmofynæ, sed etiam nullo modo sint dandæ malis Sacerdotibus. Refellitur primò ex illo: *Reddite, quæ sunt Cæsaris, Cæsari, & quæ sunt Dei, Deo.* At certum est tempore Domini, non solum Cæsarem impium, & infidelem, sed etiam Sacerdotes improbißimos ac deprauissimos fuisse. Secundò, ex Innocent. 111. epistola ad Vercelsensem.

*6. Thaum.  
De decimis.*

Denique, quia Decimæ non dantur Clericis, quia boni sunt, sed quia Clerici sunt: sicut tributa dantur Regibus, non quia probi, sed quia Reges sunt.

*3. Error res.  
soluitur.*

*Matth. 22.*

Tertius error est eorum, qui dicuntur Fratricelli, seu Pseudoapostoli, qui docebant, non posse percipere Decimas eos, qui non viuunt in paupertate, more Apostolorum. Error est sine fundamento: nam ratio, cur debeantur Clericis Decimæ, est, quia laborant in pop. vtilitatem: hæc autem ratio non minùs in diuite, quàm in paupere inuenire potest. Accedit, quòd Dominus iussit dari Decimas Sacerdotibus Iudæorum, qui in paupertate non viuebant.

*4. Error res.  
soluitur.*

Quartus error est multorum Cautionistarum, qui contendunt, Decimas, etiam quoad determinationem quantitatis, esse de iure diuino, nec posse vlla humana lege, aut consuetudine aliam statui quantitatem. At sine vilo dubio error est manifestus, vt non solum Theologi omnes, sed etiam ex Cautionistis docent Syluester, Nauarrus.

*2. 2. q. 87.  
ad. 7.*

Prob. præceptum de soluendis Decimis, quantum ad determinationem talis quantitatis non esse nunc de iure diuino. Tale enim præceptum nusquam inuenitur Christianis impositum, nec in noua, nec in veteti lege. Quòd non in noua, patet. Quòd non in veteti, prob. Nam præceptum legis veteris, quoad illam determinationem, non erat morale, nec propriè cæremoniale, sed iudiciale: vt Alexander docet, & B. Thomas, quos omnes Theologi sequuntur.

Et quòd non sit morale, patet, quia moralia semper obligauerunt: lex autem de Decimis non fuit ante tempora Moysis, nec ratio dicitur, vt Sacerdoti dentur



dentur decem partes, sed vt detur, quantum satis est ad sustentationem eius. Vnde Iacob vouit, se daturum decimas Deo omnium, quæ possideret, si Deus eum dirigeret in via, &c. At impium fuisset vouere decimas cum tali conditione, si absoluit fuisset obligatus eas soluere. Præterea; Si moralis fuisset ista determinatio decimarum, certè etiam morale esset præceptum, quod ibidem additur, vt, qui decimas habent, nullum aliud patrimonium habeant; atque ita iure diuino tenerentur Clerici dimittere patrimonium.

Quod autem non sit propriè cærimoniale, sed iudiciale, prob. nam non ordinatur immediatè ad colendum Deum, sed ad æquitatem inter homines constituendam: idè enim iussit Deus dari decimam partem omnium bonorum Leuitis, non octauam, aut vicesimam, vt esset proportio inter opes Leuitarum, & aliorum. Erat enim familia Leuitica ex duodecim tribubus Israël, vel potius ex tredecim: nam etiam si duodecim fuerint filij Israël, tamen Ioseph duas tribus fecit, id est, Ephraim, & Manasse, & secundum æquitatem tertiam decimam partem bonorum habere debuissent; tamen, quia erant ceteris nobiliores, & quia Deus prouidebat, non defuturos transgressores, qui non integrè soluerent, idcirco attribuit eis partem decimam, id est, amplius, quam ceteris, vt sic ad æqualitatem venirent, non obstantibus transgressores.

Sed dubium primum est: An præceptum de soluendis Decimis possit contraria consuetudine abrogari? *Dubium.*

Resp. Certum est, præceptum de soluendis Decimis, quia parte diuinum est, & naturale, non posse vlla lege humana, vel consuetudine contraria aboleri, ac proinde certum est, Ecclesiam habere ius petendi decimas, etiam vbi consuetudo est, vt non soluantur. In hoc enim omnes Theologi, & Canonistæ conueniunt.

Dubium tamen est: An præceptum de decimis, quatenus positium, & humanum est, possit mutari consuetudine? Sotus dicit non posse, & hanc putat esse mentem B. Thomæ. Contrarium vnto verum cum Syluestro, & Nauarrio. Nec dubito hanc esse mentem B. Thomæ: nam docet præceptum de decimis, quatenus humanum est, posse ab Ecclesia mutari, ita vt teneatur populus non decimam, sed duodecimam, vel octauam soluere: At non minorem vim habet consuetudo legitime præscripta, quàm lex quælibet humana.

Præterea; B. Thomas, posteaquam docuit, consuetudine nunquam abrogari legem de soluendis decimis, subiungit rationem, quia lex ista diuina, & naturalis est. Ergo non negat, legem de decimis, quatenus Ecclesiastica est, posse mutari consuetudine, sed solum quatenus naturalis, & diuina est.

Hic accedit cap. in aliquibus. De decimis, vbi dicitur, soluendas esse decimas secundum determinationem, aut legis diuinæ, aut consuetudinis approbatæ:

Hic tamen obseruandum est, quòd; sicut consuetudo tollit legem, ita lex tollit consuetudinem, si iustis de causis feratur ab eo, qui habet auctoritatē. Itaque, vbi nunc est consuetudo soluendi solum tricesimam, aut quinquagesimam loco decimæ, non tenentur soluere quidquam amplius; tamen si nunc:

C. g. Pont.

Pont. aut Concilium iustis de causis iterum legem ferat, vt integræ Decimæ soluantur vbique, non obstante consuetudine, sine dubio tenerentur soluere: sicut omnium iudiciorum tenentur soluere, qui in ijs locis agunt, vbi non est consuetudo soluendi minus, quàm Decimarum.

**Dubium 2.** Dubium secundum: *An Laici pauperes teneantur Decimas dare Clericis diuitibus?* Ratio dubitationis est, quia, sicut laicus tenetur alere Sacerdotem, quia Sacerdos est, ita Sacerdos tenetur alere laicum, quia pauper est. Respondet B. Tho. sine dubio debere pauperem laicum dare Decimas Clerico diuiti, quia obligatio Decimarum ad iustitiam commutatiuam pertinet, in qua non consideratur conditio personæ, sed æqualitas rei ad rem. Qui enim v. g. emit, debet soluere, quantum res valet, siue ipse diues, siue pauper. Neque argumentum in contrarium valet, quia non tenetur Clericus hunc pauperem potius alere, quàm alium.

**Dubium 3.** Dubium tertium. *An excusari possint à peccato, qui nullas Decimas soluant, vbi non est consuetudo soluendi?*

**Resp.** Tribus modis peccare posse, qui nullas Decimas soluant. Primò, si Ecclesia propter defectum Decimarum notabiliter patiat: tunc enim siue ipsa Decimas petat, siue non, tenetur pop. omnino ei providere. Secundò, si Ecclesia iure petat Decimas, siue egeat notabiliter, siue non, tenetur populus soluere, etiam si consueuerit non soluere. Tertiò, si populus eo animo esset, vt non solueret, etiam si iustitissimè eas à se peti intelligeret. Extra hos casus sine vilo dubio excusantur, quia, vt B. Thomas dicit, Ecclesia, dum non petit Decimas, censetur eas condonare: non autem peccat, qui non soluit debitum sibi condonatum. Alioqui Apostolus peccare fecisset Corinthios, qui stipendia sibi debita ab eis accipere nolebat, ne impedimentum poneret Euangelio.

**Dubium 4.** *Qua ratione ostendi possit, iustam esse determinationem Ecclesiæ, quod Christiani decimam partem suorum fructuum Ecclesiæ tribuant?* In veteri lege iustum erat, quia Leuitæ erant pars duodecima, vel tertia decima totius populi Hebræorum: At Clerus in noua lege non videtur esse centesima pars Christianorum: qua igitur equitate decimam partem habere debet omnium bonorū, quæ sunt in orbe Christiano? Caietanus respondet, se non posse aliā rationem reddere, quàm idè iustum esse, vt clerus decimam partem habeat, quia debet pauperes alere, qui sine vilo numero sunt. Sed quamuis hæc ratio optima sit, cum videamus Canones passim id præcipere, vt Clerici ex decimis alantur, pauperes, tamen non est hæc sola ratio, cur iustæ sint Decimæ.

Primum enim non est verum, Leuitas fuisse tertiam decimam partem populi Iudaici, & nostrum Clerum non esse centesimam partem populi Christiani: nam Hebræi numerati sine Leuitis erant sexcenta tria millia, quingenti, & quinquaginta, & non numerabantur pueri ante annos viginti, neque senes: nam cum his sine dubio erant plus, quàm duplo plures, id est, circiter mille millia, & trecenta millia. Leuitæ autem omnes ab infante vsque ad senem numerantur viginti duo millia tantum. Iam igitur addendo Leuitas ceteris Hebræis, & diuidendo totum numerum per viginti duo millia, efficiuntur partes diuise sexaginta: ergo Leuitæ non erant pars, tertiadecima, sed

sed vix sexagesima totius populi. Porro Clerus Christianorum fortè maior est, quam sexagesima pars Christiani pop. Nulla est enim ferè ampla familia, ex qua non sit aliquis Ecclesiasticus, & nullus est pagus, vbi non sit templum vnum, aut plura, & aliquot Sacerdotes.

Deinde, Christianus Clerus maioribus laboribus, & sumptibus obnoxius est, quam tribus Leuiticus erat apud Iudzos, vt omittam dignitatem Sacerdotij nostri incomparabiliter maiorem, quam sacerdotij Aaronici. Tunc vnum templum erat, vnus Pont. & pauci quidam Sacerdotes ex sola familia Aaron, qui per vices in templo ministrabant; reliqui omnes erant turba famulorum. At nunc sunt innumerata templa conseruanda sumptibus Ecclesiæ; sunt etiam plurimi Episc. & Prælati, nec non innumeri Sacerdotes, qui docti esse debent, & proinde multum in studijs ex patrimonio suo insumere, & postea non per vices, sed perpetuo Ecclesiæ ministerijs adesse, quos certè honestè pro status sui conditione viuere oportet ex bonis Ecclesiæ.

Hic accedit, quod multi sunt liberi à soluendis Decimis, multi ex malicia non solvunt, aut certè non plene, & fideliter: sæpe etiam Reges, & Principes non solum non solvunt, sed etiam impetrant ab Ecclesiæ decimarum partem in subsidium belli, aliorumque publicorum sumptuum.

Denique; Cùm populus Christianus debeat esse perfectior, quam Iudaicus, si ille decimam partem bonorum suorum dabat Deo, cur non tantundem saltem faciet Christianus? Itaque verum est, quòd dicit B. Thomas, hanc determinationem Ecclesiæ respectu populi esse humaniorem, & benigniorem, quam rigor iustitiæ absolutæ pateretur.

Secundum genus bonorum Ecclesiasticorum sunt agri, domus, ac possessiones ceteræ, quas dono Laicorum, maxime Principum, Ecclesiæ possidet. De his fuit error V Viclef non licere Clericis habere vllas possessiones. Fundamenta eius hæc sunt. Primum, quia Sacerdotes Testamenti veteris prohibebantur habere possessiones. *Dixit Dominus ad Aaron, in terra eorum nihil possidebitis, nec habebitis partem inter eos: ego pars, & hereditas tua. Et: Quamobrem non habuit Levi partem, nec possessionem cum fratribus suis, quia ipse Dominus possessio eius est. Et: Tribuni autem Levi non dedit possessionem, quoniam Dominus Deus Israel ipse possessio eius.*

At hunc errorem esse manifestum, prob. Primò de Sacerdotibus, & Leuitis Testamenti veteris. Nam etsi in partitione terræ non erant habituri agros, & vineas, erant tamen habituri, & possessuri vrbes ad habitandum, & suburbana ad alenda pecora. Poterant etiam agros, & vineas emere, & etiam ex oblationibus populi habere, vt modò habet Ecclesiæ. Dicitur enim: *Præcipe filiis Israel, vt dent Leuitis de possessionibus suis vrbes ad habitandum, & suburbana eorum per circuitum, quæ à muris civitatum forinsecus per circuitum in iussu passuum spatio tenduntur.* In Iosue autem id impletum legimus. Fuisse autem eos veros Dominos, patet ex Leuit. vbi legimus, vrbes, & suburbana Sacerdotum esse corum possessionem, & posse illas vendere, & redimere domos, vt alij faciebāt. Et de Hebron legimus, solos agros, & vineas, quæ erāt in territorio Hebron, fuisse Caleb; urbem autem, & suburbana Sacerdotum. Item, præcipitur, vt, si quis agrum Domino vouerit, eum Sacerdotes possideant.

- G g 2

Dicit.

3. Reg. 1.  
Hierem. 32.  
Ab. 4.

Dicit etiam Rex Abiathar Sacerdoti: *Vade ad agrum tuum.* Item; Hieremias Sacerdos erat, & tamen scribit ipsemet, se emisse, ac possedisse agrum, qui fuerat patruelis sui. Legimus etiam Barnabam fuisse Leuitam, & vendidisse agrum, quem habebat.

Solutur  
obicit.

Et ex his diluitur fundamentum VViclefi. Quando enim Script. dicit, Sacerdotes non debuisse habere quidquam, sed Dominum esse eorum hereditatem, vult dicere, non debuisse eos habere quidquam more aliorum, tanquam filios Iacob, & ex paterna hereditate: sed solum debere habuisse ea, quæ debebantur Deo, cuius ipsi ministrerant. Et sic factum est, nam tota terra Palestina quasi quædam hereditas diuisa fuit in duodecim partes pro numero tribuum, exclusa omnino tribu Leui, quæ erat decima tertia. Nam etsi duodecim tantum fuerint filij Iacob, tribus tamen fuerunt XIII. quia Ioseph duas tribus faciebat, Ephraim nimirum, & Manasse.

Deinde; Terra iam diuisa, & Leui exhereditato, Deus voluit sibi, tanquam proprio Regi Iudzorum, dari loco tributi decimam partem omnium fructuum, & XLVII. ciuitates cum suburbanis suis, & hæc omnia donauit ipse Leuitis: quæ portio Leuitarum maior fuit quacunq; portione aliarum tribuum; nam habuerunt decimam partem, cum ipsi vix essent sexagesima pars totius populi, & significant illa verba: *Ego Dominum hereditari Leuitarum sum.* Vbi nota miram Dei providentiam erga Sacerdotes. Iacob exhereditauit filium Leui propter peccatum ipsius: *Diuidam illos in Iacob, & dispergam eos in Israël.* Deus autem ratam habuit sententiam Israël, sed eam impleuit cum summo honore Leuitarum, & totius populi vtilitate: nam dedit ipse Leuitis suam hereditatem, & totus populus maximum commodum inde consecutus est. Si enim fuissent Leuitæ collecti in vnum locum, vt erant aliz tribus, non potuissent omnes populi facile ab eis doceri: dispersi autem in omnibus tribus facile omnibus adesse, eosque instituere in lege Domini potuerunt.

Gen. 49.

Prob. iam hoc idem de Sacerdotibus noui Testam. Nam & si in Script. nihil legimus de possessionibus Ecclesiarum, legimus tamen in antiquissimis Pontif. & Conciliorum decretis, & in libris sanctorum Patrum. Sunt etiam Concilia omnium Ecclesiarum, quæ prohibent, alienari possessiones Ecclesiarum, & earum curam Episcopo committunt.

3. Genus  
bonorum  
Ecclesiastic.

Tertium genus bonorum Ecclesiasticorum sunt bona, quæ habentur titulo planè seculari; vt hereditate paterna, emptione, venditione, &c. De quibus certum est non obligari Clericos propter Clericatum ad dimittendum patrimonium.

Prob. veri-  
tas  
1. Tim. 3.

Prob. Script. Nam Apostolus iubet eligi Episc. *Hospitalem, & qui domui suæ bene præsit, & filios subditos habeat.* At hæc omnia præsupponunt diuitias proprias.

2. 3. hys.  
6. 19.

Præterea; Philemon habuit seruum, & diues erat, vt patet ex epistola ad Philemonem, & tamen Episcopus erat; vt Hieronymus, & Anselmus docent. Scribit etiam Eusebius de consanguineis Domini, quod habuerint possessiones quasdam, licet modicas, ex paterna hereditate, & tamen fuerint Ecclesiæ duces, id est, Episcopi. Idem patet ex Patribus.

Posset

Possent tamen debitari; *An. qui bona patrimonialia habent, possint simul bona Ecclesie. Distinguo.*  
*aplica habere?* Nam S. Prosper docet, non posse Clericum sine grauissimo pec-  
 cato viuere ex bonis Ecclesiasticis, si habeat bona propria, vnde futi ciens  
 ter alatur. Et probat ratione: Bona Ecclesiastica non dantur Clericis in prae-  
 mium laboris, sed solum, vt sustententur, & necessaria ad vitam habeant,  
 quia praemium laboris est vita aeterna, & simonia esset dare spiritualia pro  
 temporalibus. Et confirm. ex Canonibus Apostolorum. & Concilio Antio-  
 cheno: quare, qui ex patrimonio viuit, nec eget sustentatione, non potest per-  
 cipere fructus bonorum Ecclesiasticorum. *Can. 13. 6. 25.*

At contrarium docet Glosa & Ioan. de Turrecrem. & ratio est, quia Do-  
 minus dicit: *Dignus est operarius mercede sua.* Et: *Quis militat (sui stipendij) vnam?*  
 Ergo potest Clericus laborans pro Ecclesia, percipere alimenta, & parcere  
 suis proprijs rebus. Adde, quod praxis est, & fuit pro opinione hac secunda.  
 Nam B. Prosper dicit, sententiam suam visam esse duram permultis, & ideo  
 duram, quia noua esset. *Resp. Mat. 10. 1. Cor. 9.*

Itaque ex his opinionibus prima est tutior, & si fortasse secunda sit verior:  
 nisi hoc modo concilietur, vt dicamus S. Prosperum loqui de illis, qui planè  
 sufficientem habent sustentationem ex patrimonio, aut beneficio; tunc enim  
 alterum est superfluum, & proinde pauperibus debitum: alios verò auctores  
 loqui de illis, qui neque ex patrimonio; neque ex beneficio sufficientem om-  
 ninò sustentationem habent; hi enim vtrumque retinere possunt, modò ex  
 vtroque nihil accipiant vltra sustentationem.

De libertate Ecclesiastica fit propositio prima: *In causis Ecclesiasticis, iure di-*  
*uino, liberi sunt Clerici à secularium Principum potestate.* Vocatur causae Ecclesia-  
 sticae illae, quae non pendunt ex legibus civilibus, sed ex Euangelio, aut cano-  
 nibus Conciliorum, & Pontif. quales sunt controuersiae de ordinibus Eccle-  
 siasticis, de Sacramentis, de fide, & aliae id genus. *De libertate Ecclesiastica Propos. 1.*

Prob. primò: Iure diuino regimen Ecclesiasticum est distinctum à politi-  
 co, & illo etiam sublimius: ergo causae Ecclesiasticae iudicari non debent à  
 politicis Magistratibus. Præterea; Tota auctoritas regendi Ecclesiam à Chri-  
 sto commissæ est Apostolis, & præcipuè Petro, adeò vt omnes Laici in rebus  
 Ecclesiæ sint oues, & subditi, non pastores, vel iudices. *Prob. 1.*

Secundò prob. ex Concilij.

Tertiò ex Patribus.

Quartò, ex Apostolorum exemplo. Apostoli enim Ecclesias gubernauerunt,  
 quo tempore nulli Principes erant Christiani, & proinde nunquam ad eos  
 causam Ecclesiæ iudicandam deferrebant. Nam si Apostolus iubet, lites etiam  
 civiles Christianorum non deferri ad iudicium Paganorum, quomodo per-  
 misisset ad eos deferri lites Ecclesiasticas? *Prob. 2. 3. 4.*

Quintò, idem asserit Iustinianus.

Propositio 2. *Non sunt exempti Clerici vilo modo ab obligatione legum civilium, quæ*  
*non repugnant sacris canonibus, vel officio clericali.* Loquimur hic præcipuè de legi-  
 bus politicis, quæ dirigunt actiones humanas in rebus temporalibus; vt cum  
 Princeps constituit lege sua pretia rebus venalibus, vel iubet noctu nemi-  
 nominecedere cum armis, aut sine lumine, aut non asportare frumentum  
 G g 3 extra

*Novell. 89. Propos. 2.*

extra provincia, &c. Nec volumus dicere, his legibus teneri Clericos obligatione coactiua, sed solum directiua, vt sunt leges Principum: quanquam istidem legibus, vt ab Ecclesia approbantur, & ratæ habentur, etiam coactiua obligatione teneantur.

*Prob.*

*Prob.* Nam Clerici, præterquam quod Clerici sunt, sunt etiam ciues; & partes Reipublicæ: igitur, vt tales, viuere debent citilibus legibus. Non sunt autem alia, quam quæ à Magistratu politico latæ sunt: igitur illas Clerici seruare debent; alioqui magna confusio, & perturbatio in Rep. oriretur, si Clerici non seruarent politicas leges in rebus humanis, & politicis.

Secundo prob. ex confessione Pont. & Imp.

*Propositio 3.*

*Propositio tertia.* Et si Clerici teneantur leges ciuiles seruare, non tamen possunt à iudice politico puniri, vel: alio modo trahi ad secularis magistratus tribunal. Explicò. Si Clericus violat ciuilem legem, vt carius vendendo, quam lex patiatur, peccat, & restituere tenetur; non tamen poterit accusari apud iudicem secularem, sed apud Episcopum tantum.

*Prob.*

*Prob.* primo ex Concilijs. Secundo ex Imp. constitutionibus. Tertio ex Pont. decretis. Quarto ratione: Nam absurdum videtur, vt quis pastorem suum iudicet quocunque modo. Deinde; adhuc absurdius esset, si hodie Prætor posset vocari ad tribunal Episc. & cras Episc. ad tribunal Prætoris. Præterea; Absurdum etiam videtur, vt terrenus iudex summi iudicis seruos, sacratosque homines capiat, vel puniat. Vnde laudatur ab omnibus vox illa Constantini Magni, qui ad Episc. quosdam, qui collegas suos de, nescio, quibus criminibus accusauerunt, ait: *Vos dy estis, à summo Deo constituti; conueniens non est; ut homo iudicet Deos.*

*Propositio 4.*

*Propositio quarta.* Bona Clericorum, tam Ecclesiastica quam secularia, libera sunt; ac meriti esse debent à tributis Principum secularium. Quod sunt exempta, patet ex Concilijs, iure Canonico, & legibus Principum aliquorum. Nota tamen ante Iustiniani tempora legibus priorum Principum immunes fuisse Clericos à tributis personalibus: non tamen fuisse liberos à tributis, quæ pendi solent ratione possessionum.

*Prob.*

Quod autem hoc æquum fuerit, prob. Nam in primis habemus exemplum hominum viuentium in lege natura. Nam Ioseph subiicit Pharaoni omnes Aegyptios, voluitque eos certum tributum pendere, exceptis solum Sacerdotibus, quos immunes, & liberos esse debere iudicauit: Deinde; Bona Ecclesiastica sunt Deo consecrata; vnde in Canonibus Apostolorum dicunt bona Dominica. Æquum est igitur, vt illa libera sint ab exactionibus Regum, ne Deus ipse soluere tributum Regibus videatur.

*Can. 40.*

*Propositio 5.*

*Propositio quinta.* Exceptio Clericorum in rebus politicis, tam quoad personas, quam quoad bona, iure diuino introducta est, non iure diuino. *Prob.* primo ex illo: *Omnis anima potestatibus sublimioribus subdita sit.* Et infra: *Idèò tributa præstatis.* Illud, *Omnis anima*, includit etiam Clericos, teste Chrysost. Ergo illud, *Idèò tributa præstatis*, dicitur etiam Clericis. Ergo Clerici, nisi eximantur priuilegio Principum, obligantur soluere tributa. Secundo prob. testimonijs veterum. Tertio, quia nullum profecti potest Deiverbum, quo ista exceptio confirmetur.

*Prob.*  
*Rom. 13.*

## CAPVT XIII.

De origine, ratione, & varietate  
Religionum.

**V**T à nomine Religionis incipiamus, quinque apud Græcos nomina inueniuntur. Vocant enim professorem huius vitæ *θεραπευτήν, ασκητήν, ιερέα, φιλόσοφον, μοναχον*. Latini tenuerunt vltimum Græcum vocabulum, & addiderunt Regularem, & Religiosum. *θεραπευτής* significat cultorem. Vtitur hoc nomine Dionysius, qui idè sic Religiosos vocatos dicit, eò quòd ipsi purè præter ceteros Deum colant. Vtitur etiam Philo, qui dicit, eos idè sic vocari, vel quòd Deum diligentissimè colant, vel quod animas suas colant, & curent à morbis vitiorum. Significat enim hoc nomen, & cultorem, & medicum. *ασκητής* significat pugilem, seu exercitorem, quo nomine passim vtitur Basilus. Idè autem sic vocantur, quia totum eorum officium debet esse in virtutum palæstra. *ιερέας* supplicem significat, quo nomine vtitur Philo. Idè verò sic vocantur à præcipuo eorum munere, quod est orare, & laudare Deum. Philosophi nomine passim vtitur Chrysostomus, & Nilus, quia eum locum tenent Religiosi apud Christianos, quem Philosophi apud Ethnicos. Dicebantur autem Philosophi homines quidam seueri, contemptores rerum temporalium, & toti sapientiæ studio dediti. *φιλοσοφισμ.*

Nomen Monachi frequentissimum est apud omnes Patres Græcos, & Latinos: quid autem significet, non eodem modo explicatur ab omnibus. Ac verissima explicatio est apud Cassianum, & Dionysium, sic dictos, quod à coniugijs abstinere, & à parentum se consortio, ac mundi huius conuersatione secernerent, vt nimirum soli Deo per contemplationem inhererent. Dionys. dicit, Monachos dictos, quòd rebus diuisibilibus relictis Monadi, id est, diuinitati soli placere contenderent. *Monachism.*

Ex quo sequitur, propriè Monachos non esse, nisi eos Religiosos, qui soli vitæ contemplatiuæ dant operam: quales sunt Cæsarienses, Cistercienses, Carthusiani, Camaldulenses, atque alij id genus. Quòd intelligentes S. Thomas, S. Bonaventura, & alij Doctores posteriores, non vocant Monachos, Dominicanos, & Franciscanos, & similes, qui non soli contemplationi insistant, sed in actione versantur, iuuantes Episc. & Clericos in concionibus, & Sacramentis: sed Regulares, & Religiosos appellant. Regulares quidem, quòd certæ regulæ viuendi addicti sint: quo nomine passim vtuntur Concilia. Religiosos autem, quòd se totos Dei obsequio mancipauerint. Religio enim est virtus, quâ Deo debitum cultum exhibemus. Et licet hoc nomen videatur nouum, tamen reuera est omnium antiquissimum: respondet enim propriè illi Græco, *θεραπευτής*. *Regularis.* *Religiosus.*

Quant-

*Religio quid* Quantū ad rem attinet, Religio, vt hic accipitur, sic definiti potest. *Religio*  
*status est hominum ad perfectionem Christianam per paupertatem, & continentiam, & ob-*  
*edientiam vota tendentium.*

*Nota 1.*

Notandum primò veram perfectionem in charitate consistere: perfectio enim vniuscuiusque rei in eo posita est, vt fini suo vltimo perfectissimè coniungatur. Finis autem hominis, Deus est: charitas verò maximè vn̄it hominem cum Deo, iuxta illud: *Qui manet in caritate, in Deo manet, & Deus in eo.* Et: *Caritas est vinculum perfectionis:* id est, vinculum, quod ligans hominem cum Deo, hominem reddit perfectum: vel, vt Chrysost. exponit, vinculum, quod ligans, & continens in homine omnes virtutes, hominem reddit perfectum.

*1 Ioan. 4.*

*Chol. 3.*

*2. Cor. 13.*

*1. Tess. vi.*

Vt enim spiritus humanus ligat, & continet omnes humores, & partes alioqui dilapsuras; ita Spiritus sanctus inhabitans corda nostra per caritatem cōtinet omnes virtutes, alioqui facile dilapsuras. Quod & Apostolus ostendit, cum ait: *Caritas patienti est, benigna est, &c.* Itaque Irenæus exponens illud Apostoli: *Vt integer spiritus vestret, & anima, & corpus conseruetur;* dicit hominē perfectum tribus consistere, corpore, anima, & Spiritu sancto inhabitante per caritatem. Vt enim, si desit ei corpus, vel anima, erit imperfectus in genere naturæ, ita, si desit caritas erit imperfectus in genere moris. Quomodo locum illum Pauli intelligunt ferè omnes Græci, Chrysostomus, Theodoretus, Oecumenius, Theophylus, & Hieron. Denique; Quòd caritas sit Christiana perfectio, ex eo patet, quòd ad eam omnia referuntur. *In his duobus mandatis.*

*Matth. 22.*

*1. Ion. 1.*

*Nota 2.*

Nota secundò, quatuor esse gradus charitatis, proinde etiam quatuor esse gradus perfectionis: dicitur enim perfectum id, cui nihil deest in ordine ad aliquem finem. Quare non repugnat aliquid esse perfectum, & imperfectum, si comparetur ad diuersos gradus, seu etiam fines.

Primus gradus est, diligere Deum, quantum est diligibilis, id est, infinito amore. Qui gradus soli Deo conuenit, & idcirco solus Deus in ordine ad istū gradum perfectus est; Angeli, & sancti omnes sunt imperfecti: quanquam hæc imperfectio non est propriè dicenda priuatio, aut vitium, sed pura quædam negatio.

Secundus est, diligere Deum, non quantum est diligibilis, sed quantum potest creatura diligere ita vt semper actu de Deo cogitet, & sine intermissione in eum per affectum feratur, & ne primos quidem motus cupiditatis sentiat contra Deum. In hoc gradu versantur beati, quorum comparatione omnes alij sunt imperfecti. Quare Apostolus, qui dixerat: *Quicumque perfecti sumus, hoc sentiamus;* idem ait: *Non quòd iam acceperim, aut iam perfectus sim.*

*Philipp. 3.*

Tertius gradus est, diligere Deum; non quantum diligibilis est, nec quantum potest creatura quælibet absolute diligere; sed quantum potest creatura mortalis, quæ à se amouit omnia diuini amoris impedimenta, & totam se Dei obsequio consecrauit. Qui in hoc gradu versantur, imperfecti sunt respectu beatorum, sed perfecti respectu aliorum hominum, etiam iustorum, & piorum. Et hæc est perfectio, de quâ loquuntur Theologi, cum dicunt statum Episc. esse statum perfectionis adeptæ, & statum Religiosorum esse statum perfectionis acquirendæ. Hoc enim interest inter Episc. & Religiosos, quòd

Religiosi



Religiosi non tenentur continuo esse perfecti, sed tantum aspirare ad perfectionem: versantur enim in exercitatione virtutis, & remotione impedimentorum. At Episc. deberent esse perfecti, id est, ad eum gradum caritatis peruenisse, ad quem Religiosi per sua vota, & exercitia tendunt.

Quartus gradus est, diligere Deum, non quantum est diligibilis, non quantum potest creatura vel absolute, vel in hac vita diligere; sed tamen ita ut nihil æquè, aut magis, quam Deum, diligat, id est, nihil admittat contrarium diuinæ dilectioni. Et hic gradus præceptus est omnibus, & quandam habet perfectionem, licet respectu superiorum sit imperfectus. Vnde dicitur: *Qui seruat* 1. Ioan. 2.  
*verbum eius, verè in hoc charitas Dei perfecta est.* Et tamen Dominus ei, qui dicebat, *se omnia præcepta seruasse, ait: Si vis perfectus esse, vado vende omnia, &c.* Matt. 19.  
Loquitur enim Ioannes de isto quarto gradu: Dominus autem de tertio.

Nota tertio, instrumenta aptissima, atque vtilissima ad hanc perfectionem Nota 3.  
acquirendam esse illas tres virtutes; Paupertatem, Continentiam, & Obedientiam: nam, vt quis perfecte Deum diligat, debet se totum Deo tradere, & omnia impedimenta: remouere vtrumque consequimur per has virtutes. Tradimus enim Deo nos totos, quando tradimus animum, corpus, & res externas: nihil enim habemus aliud. Tradimus autem animum per obedientiam, corpus per continentiam, res externas per paupertatem. Item, per has virtutes remouentur omnia impedimenta diuini amoris. *Radix enim omnium* Tim. 6.  
*malorum est cupiditas*: quemadmodum radix omnium bonorum est charitas.

Omnis autem mala cupiditas ad tria capita reuocatur: ad luxuriam, auaritiam, superbiam. Quod & auctoritate, & ratione prob. Nam dicitur: *Quidquid* 1. Ioan. 2.  
*est in mundo, aut est concupiscentia carnis, aut concupiscentia oculorum, aut superbia vitæ.* Ratione, quia in homine duplex est appetitus, Concupiscibilis, & Irascibilis. Ille appetit bonum absolute, iste bonum arduum. Rursus; Ille prior est duplex; Naturalis, & Animalis. Naturalis appetit ea bona, quæ sunt necessaria ad naturam conseruandam, tam in indiuiduo, vt cibum, potum, quam in specie, vt actum generationis. Qui appetitus, cum est inordinatus, dicitur incontinentia, & à Ioanne concupiscentia carnis.

Animalis dicitur ille, quo appetimus ea, quæ sunt bona, secundum estimationem, vt pecunias, vestes, lapides pretiosos, & similia, quæ non appetuntur à bestiis, quibus non inest appetitus, nisi naturalis. Et hic appetitus, cum est inordinatus, dicitur auaritia, vel curiositas, & à Ioanne concupiscentia oculorum.

Denique; Appetitus irascibilis appetit excellentiam, quæ apprehenditur, vt res maxime ardua. Et, cum est inordinatus, dicitur à Ioanne superbia vitæ. Hos igitur tres fontes impedimentorum obstruunt tres illæ virtutes, concupiscentiam carnis continentia, concupiscentiam oculorum paupertas, superbiam vitæ obedientia.

Nota quarto, non sufficere ad religionem has tres virtutes, nisi accedat Nota 4.  
votum, id est, promissio sacra Deo facta, qua quis obstringit se perpetuo ita victurum. Religio enim est status quidam: status autem significat rem immobilem, & perpetuam. Quare fieri poterit, vt aliquis sit perfectus,

H h      Etus,

ctus, & tamen non sit in statu perfectionis: sicut è contrario non raro accidit, vt multi, tam Episcopi, quàm Religiosi, sunt in statu perfectionis, & non sine perfecti.

*Varietas  
Religionum.*

De varietate Religionum, veteres duo tantum agnoscunt genera Religionum. Vnum, Anachoretarum, siue, Eremitarum: alterum, cœnobarum. Addit Cassianus tertium, & quartum genus: sed illa non sunt verè genera Religionum, sed quædam relaxationes, & corruptiones religionum. Nam tertium genus vocat eorum, qui in cœnobijs degunt, sed adhuc aliquas proprias retinent facultates, nec in omnibus obtemperant prepositis: quæ sine dubio est corruptio vitæ cœnobiticæ. Quartum genus vocant eorum, qui ex monasterijs ad eremum transeunt, non vt sanctius, sed vt liberius viuant, nimirum excusso iugo superiorum, & legum cœnobitarum: quæ est corruptio vitæ eremiticæ. Quare, ista duo à Patribus vocantur deterrima genera Monachorum.

Possumus autem cum B. Thoma, & Scholasticis paulò plenius, & subtilius explicare formas, & genera religionum iuxta fines, ad quos instituuntur. Omnis enim religio ad perfectionem caritatis refertur. Possumus autem tribus modis Deum diligere, eique deseruire. Vno modo, per contemplationem, ipsum Deum in se diligens, eique inherendo. Alio modo, per actionem, Deo in membris eius seruendo: vt alendo pauperes, suscipiendo peregrinos, &c.

Tertio modo, per vtrumque simul Deo obsequium præstando, id est, per contemplationem; quæ in actionem prodeat; siue per actionem, quæ necessario requirit contemplationem. Quod faciunt, qui concionibus, & Sacramentorum administratione populo seruiunt.

Iuxta hos fines tria sunt genera religionum. Vnum earum, quæ profitentur vitam contemplatiuam solum: quod genus in multas formas diuidi potest iuxta varias constitutiones, & regulas, quas sequuntur. Alij enim sequuntur instituta S. Anthonij, alij S. Pachomij, alij S. Basilij, alij S. Benedicti, alij S. Romualdi, alij S. Brunonis, &c. Alterum genus est earum religionum, quæ profitentur vitam actiuam; quod in tot formas diuiditur, quot sunt opera caritatis. Quidam enim militando, atque Ecclesiam armis protegendo seruiunt Deo: quales sunt equites Hierosolymitani, S. Iacobi, & S. Ioannis. Quidam ægrotos curando in Xenodochijs: quidam mortuos sepeliendo: & alijs alij rationibus, dum in proximos beneuolentiam ostendunt, Deo gratum obsequium præstant. Tertium genus est eorum, qui profitentur vitam mistam: quod etiam in varias formas diuiditur iuxta varias eorum institutiones. Quidam enim sequuntur regulam S. Augustini, quidam S. Dominici, quidam S. Francisci, &c.

Iam verò, quod hæc varietas institutorum in eadem fidei consensione nihil obsit Christianæ religioni, sed potius valde prosit, hinc intelligi potest, quòd hæc ratione prouisum est omni hominum generi, vt nemo sit, qui velit ad perfectionem tendere, & non possit. Varia enim sunt hominum ingenia, variz propensiones, nec pares omnibus vires. Vnus diligit solitudinem, alius gaudet frequentia: vnus libenter orat, alius libenter legit, vel operatur, &c. Si ergo omnis religio requireret solitudinem, vel omnis commu-

nio.

tionem, & frequentiam: aut si omnis religio abstinentiam à carnibus indiceret, vel nulla indiceret, &c. pauci admodum religiosi esse possent. Nunc autem in tanta varietate religionum potest omnibus satisfieri. Altera ratio esse potest, quia, cum omnis ordo initio ferueat, ac multos homines excitet ad pietatem, paulatim autem postea feruorem illum remittat, Deus subinde novos ordines excitando quasi perpetuo feruorem in Ecclesia sua nunc per hos, nunc per illos conferuat.

Oritur autem hoc loco quædam dubitatio: *An religionum institutio liber sit, an verò egeat summi Pont. confirmatione?* Sed facilis est solutio. Duo si-  
*Ref.*  
 quidem in omni religione inueniuntur: essentia ipsæ religionis, quæ in tribus votis sita est, & determinatio illius essentia ad certum modum viuendi. Et quidem essentia religionum in Euangelio fundamentum habet; proinde ab hac parte non egent religiones Pontif. approbatione. Modus autem ille varius, quo tria vora suscipi possunt, non ita perspicue in Euangelio elucet, & non parum ex prudentia, & directione humana pendet. Quare Pont. confirmatione indigere potest, & nunc re ipsa, propter eius possumum novas religiones prohibens, omnino indiget. Itaque Antonius, Basilii, Augustinus, Benedictus, auctores religionum fuerunt, nec ullam leguntur à Pont. approbationem quesuisse, propterea quod nondum extaret ius Ecclesiasticum id præcipiens. Condendi autem noui iuris hæc fuit occasio.

Ad annum Domini circiter M. C. LXX. pauperes de Lugduno ordinem quandam religiosum instituerunt, sed multis admixtis superstitionibus, & hæreticis. Quocirca à Lucio III. Alexandri III. successore, hæreseos damnati fuerunt, & secta eorum reprobata.

Illi verò postmodum, id est, tempore Innocentij III. sedem Apostolicam adeuntes diu institerunt, vt reconciliarentur, & religio ipsorum confirmaretur, nec tamen impetrauerunt. Inde igitur factum est, vt B. Franciscus, & B. Dominicus volentes similiter novos ordines instituire, & metuentes, ne sibi accideret, quod videbant accidisse VValdensibus, noluerunt, confidere suo iudicio, sed à Pontif. confirmationem petiuerunt, & impetrauerunt. Paulò autem post in Concilio Lateranensi generali considerans Innocentius III. periculum, quod imminabat Ecclesie, si vnicuique liceret nouam religionem excogitare, prohibuit, ne deinceps vllus nouus ordo institueretur, nimirum sine approbatione Apostolicæ sedis: quod decretum renouauit Gregorius X. in Concilio Lugdunensi. Atque hinc cæpit esse necessarium, quod antea erat liberum.

Porrò de origine Religionum tria ostendenda sunt contra hæreticos. Primo, religiosam vitam diu ante quartum seculum incepisse: adeo enim vita religiosa est antiqua, vt quædam eius adumbratio fuerit in lege naturæ ante diluuium: maior quædam expressio in lege Moylis: perfectio autem Apostolorum tempore.

Habemus in primis de Enos: *Isse rapit innocent nomen Domini.* Ex quo lo-  
*Gen. 4.*  
 co colligunt auctores, hunc Enos instituisse peculiarem aliquem cultum,

*Prob. de gen.  
I contra he-  
reticos.*

& sublimiorem, quàm esset religio vulgi. Nam ante Enos, certè etiam Adam, & Abel, & Seth Deum inuocauerunt, & tamen iste dicitur primus cœpisse inuocare nomen Domini.

Rum 6.

Habemus deinde vota Nazaræorum, qui seipsos Domino consecrabant: ad quorum exemplum etiam in Ecclesia quosdam seipsos totos diuino cultui deuouere, scribit Origenes.

Habemus deinde Eliam, & Elifzum ac filios Prophetarum sine vxoribus, & diuitijs in hoc mundo vixisse.

Ierem. 15.

Habemus etiam insignem commendationem nepotum Rechab, qui, cum eis pater, siue auus præcepisset, vt domos non ædificarent, agros non seminarent, vineas non plantarent, vinum nunquam biberent, vitam durissimam, quasi extra mundum, agerent, omnia diligentissimè obseruauerunt: quos etiam nostrorum Monachorum figuram gessisse scribit Hieronymus. Denique; Ioannem Baptistam Monachorum, & Eremitarum Principem fuisse, scribunt ferè omnes Patres.

In vita  
B. Antonij.

Veniamus ad nouum Testamentum, & ostendemus, ante annum CCC. fuisse Monachos in Ecclesia. Primum id prob. ex Athanasio, qui docet ante: Antonium non fuisse quidem Eremitas, sed tamen Monachos fuisse, qui in agris, ciuitatibus vicinis monasteria sua constituebant: & Antonium, cum is. Monachus fieri vellet, ad senem quandam accessisse; qui ab ineunte ætate: monasticam exercuerat. Ex quo sequitur & B. Antonium non fuisse primum Monachum, & ante annum Domini CCC. fuisse Monachos. Nam Antonius floruit initio I V. seculi: anno enim CCC. erat XL. annorum, vt colligitur ex Chronico Hieronymi, & tamen ipso adolescente inueniebantur multi Monachi tènes.

In vita  
Dionysij.  
Eg.

Secundò prob. ex Damaso, qui scribit, Dionysium Papam ex Monacho ad Pontificatum assumptum fuisse. Constat autem ex Chronico Eusebij, Dionysij Romæ sedisse anno Domini CC. L X V I. Non ergò Monachi cœperunt post annum Domini CCC.

Tertiò idem prob. ex Cypriano, Tertulliano, Dionysij Areopagita, & Philone Iudæo.

Act. 4.

Quartò prob. ex Apostolorum exemplo, qui verè fuerunt primi Monachi Christiani. Nam, quòd vitam cœnobicam instituerint, vbi essent omnia: communia, patet ex Act. Quòd ea ratio viuendi non fuerit omnium Christianorum, sed eorum tantum, qui volebant perfectius viuere, patet etiam ex Act. Nam, cum Ananias fraudasset de pretio agri, & decipere voluisset Apostolos, audiuit à S. Petro: *Nōne manens tibi manebat, & vendundum in tua erat: potestate?* Quòd etiam voto ad eam perfectionem se obligant Apostoli, docet Augustin. Quòd denique ab Apostolorum exemplo cœperint religiones, docent plurimi Patres.

L. 17. de  
ciuitate. c. 4.

Prob.  
de gema. 2.

Secundò ostendendum est, non occasione persecutionum, & casu exortum esse vitam Monasticam. De cœnobitis non est dubium, cum extiterint ante omnes persecutiones. De Eremitis idem prob. Nam & si Paulus primus Eremita occasione persecutionis solitudinem colere cœperit, tamen An-

nus

nus non tali occasione cœpit, sed solo studio vitæ purioris. Vita autem Eremitica non à Paulo, sed ab Antonio introducta est. Et si enim Paulus primus omnium in eremo vixit, tamen non habuit ipse discipulos, nec fuit notus, nisi paulò antè mortem. Antonius autem verè princeps eremitarum dici debet, quippe qui nec ab alio didicit, & ipse docuit omnes. Quocirca uterque dici potest primus Eremita, Paulus quidem tempore, Antonius autem magisterio.

Quod etiam causa instituendæ vitæ religiosæ non fuerit, obscuratio doctrinæ de iustificatione, vel praua Essenorum imitatio, ut dicunt hæretici, manifestum est: nam auctores religionum fuerunt primum Apostoli, ac deinde Antonius, Basilius, Augustinus, doctissimi, & sanctissimi homines, quos non possumus ignorantia, vel prauæ æmulationis accusare.

Tertiò ostendendum est, quòd essentia monastica eadem sit nostrorum, *Prob. dogma 3.* & antiquorū Monachorum, id plurimis testimonijs probari posset: nunc duo sufficiunt. Essentia vitæ religiosæ in tribus illis virtutibus, obedientia, paupertate, castitate, ab omnibus huius temporis Religiosis constituitur. Idem fiebat ab antiquis: nam Augustinus vitam cœnobitarum explicatis, *L. 1. de monachis c. 1.* Pri- mum, ait, eos spreto mundi huius illecebris in vitam castissimam, & sanctissimam congregari.

Secundò, addit à nullo quidquam possideri proprium.

Tertiò, adiungit, Patres nulla superbia consulere ijs, quos filios vocant, magna sua in iubendo auctoritate, magna illorum in obtemperando voluntate. Basilius autè de monacho futuro sic loquitur: *In præf. consilij.* Nuptias veluti compedes fugit; *Monach. institut.* his autem relicto vitam suam Deo consecrat, & castitatem profectur, ut neque facultas *Mon. 2. 1.* ipsi sit conversionis ad nuptias.

Item, de obedientia fusissimè disputat, ac tandem concludit, ita oportere Monachos obedire præposito, ut oves pastori, atque ut instrumentum fabro.

Denique, disserit de paupertate, ac docet, Monachum ab omni prorsus privata rerum materialium possessione liberum esse debere. *Constitut. Monach. c. 10.*

## CAPVT XIII.

## De Consilijs Euangelicis.

*Differentia  
Concilij à  
præcepto.*

**C**ONCILIVM perfectionis vocamus opus bonum à Christo nobis non imperatum, sed demonstratum; non mandatum, sed commendatum. Differt autem à præcepto ex parte materiæ, ex parte subiecti, ex parte formæ, & parte finis. Ex parte materiæ dupliciter.

Primo, quia materia præcepti est facilior, consilij difficilior: illa enim sumpta est ex principio naturæ, hæc superat quodammodo naturam; nam adseruandam coniugi fidem natura quodammodo inclinatur, at non ita ad abstinendum à coniugio.

Secundò, quia materia præcepti bona est; consilij melior, & perfectior, loquendo de præceptis, quæ circa eandem materiam versantur, circa quam versantur consilia: consilium enim includit præceptum, & aliquid supra præceptum addit. Ex parte subiecti differunt Consilia, & præcepta, quòd præceptum commune sit omnium, consilium non item. Ex parte formæ, quòd præceptum vi sua obliget, consilium in arbitrio hominis positum sit. Ex parte finis seu effectus, quòd præceptum obseruatum habeat præmium, non obseruatum habet pœnam: Concilium autem, si non obseruetur, nullum habet pœnam, & si seruetur, maius habet præmium.

*Sententia  
catholica.*

Porro Catholicorum omnium sententia est, multa esse verè, & propriè Concilia Euangelica, sed præcipuè tria; Continentiam, Obedientiam, & Paupertatem, quæ nec sint præcepta, nec indifferentia, sed Deo grata, & ab illo commendata. Quæ sententia prob. primò ex Script. Primum testimonium: Non dicas Eunuchus: Ego lignum aridum, quia hoc dicit Dominus Eunuchis: qui custodierint sabbatha mea, & elegerint, quæ ego volui, & serauerint sedes meum, dabo eis in domo mea, & in muris meis locum, & nomen melius à filiis, & filiabus; nomen æternū dabo eis, quod non peribit. Quòd hîc agatur de continentibus voluntarijs, non de abscisis, vel secernatis, qui necessariò continent, docent Patres, & patet ex præmio, quòd Eunuchis promittitur: nec enim vlla ratio est, cur abscisis vel natis Eunuchis promittatur maior gloria, quàm sit filiorum, & filiarum Dei.

*Prob. 1.  
Isa. 56.*

Addit autem subtiliter Augustinus, si quis contendat, Isaiam loqui de veris Eunuchis, adhuc iuuari causam nostram: nam, si Eunuchis, qui continent se, quia non possint aliud facere, promittitur maior gloria quam iustis coniugatis, certè maiore ratione promittitur ijs, qui se continebunt, etiam si possent non continere. Est autem obseruandum illud: Nomen Melius à filiis, & filiabus, posse habere alium etiam sensum, videlicet, vt intelligamus promitti aliquid melius, quàm fuissent filij, & filia: nam verba Hebræa; *nomen bonum*

*pro*

*pro filiis & filiabus*, optime recipiunt hunc sensum; Dabo illis, qui carent liberis, aliquid melius, quàm sit habere liberos. Et sicetiam verterunt LXX. interpretes, *τόνόν ὁποιῶν ἡλείψῃ υἱόν, & θυγατρίαν*. Et recidit in idem cum superiore sententia: nam semper anteponuntur continentes coniugatis, cum isti liberos, illi melius aliquid habituri sint.

Quòd autem continentia Eunuchorum hoc loco non imperetur, sed consularur, docent Patres, & probat Hieron. ex illis verbis: *Qui elegerint, quæ ego volui*. Illi enim dicuntur eligere, qui non coguntur præcepto. Itaque sensus est. Qui elegerint, quæ ego volui, id est, qui transcendentes ea, quæ præcepi, accommodans me humanæ imbecillitati, sponte sua elegerint perfectiora, quæ ego cupio, & vellem.

Præterea; Idem patet ex eo, quòd, qui Eunuchi non sunt, etsi postponantur Eunuchis, tamen non excluduntur à regno cælorum; immò filij, & filiz vocantur. Ergò non tenentur omnes esse Eunuchi. Ergo non est præceptum. Quòd autem continentia non solum sit utilis in hac vita, sed sit verè meritoria gloriæ singularis, patet ex illis verbis: *Nomen æternum dabo eis, quod non peribit*.

Secundum testimonium est: *Felix sterilis, & incoquinata, quæ nesciuit thorum in sap. vi. delicto, habebit fructum in resurrectione animarum sanctarum: & Spado, qui non operatus est per manus suas iniquitatem, nec cogitavit contra Deum nequissima; dabitur enim ei fidei donum electum*, (id est, donum quoddam singulare respondens fidelitati ipsius) & fors in templo Dei. Bonorum enim laborum gloriosus est fructus, & quæ non concidis, radix sapientia. Quem locum similem esse superiori, docet Hieronymus.

Tertium est, vbi Dominus comparat regnum cælorum; id est, Ecclesiam *Matth. 13.* terræ bonæ, cuius vna pars reddebat fructum centesimum, alia sexagesimum, alia tricesimum. Quem locum exponentes Patres, docent, ea parabola distinguì meritum casti coniugij, viduitatis, & virginittis. Ex quo apparet, continentiam virginalē esse maius bonum, & magis meritorium apud Deum, quàm sit castitas coniugalit; & proinde esse concilium divinum: quod enim Deus non præcipit, & tamen commendat, & antepōnit alijs rebus, sine dubio consulit.

Quartum est, cum Apostoli dixissent: *Non expedit nubere*; Dominus ait: *Non omnes capiunt verbum hoc, sed quibus datum est: sunt enim Eunuchi, qui de matris utero sic nati sunt; & sunt Eunuchi, qui facti sunt ab hominibus; & sunt Eunuchi, qui seipsos castraverunt propter regnum cælorum. Qui potest capere, capiat*. Hic non dari præceptum de continentia, patet ex superioribus: nam initio huius cap. Dominus approbavit nuptias, dicens: *Quod Deus coniunxit, homo non separet*: ergò non prohibet hoc loco nuptias. Ergò non præcipit continentiam. Idem patet ex sequentibus: *Qui potest capere, capiat*. Nam, vt eleganter ait Augustinus, de præceptis iustitiæ non potest dici, *Qui potest facere, faciat*: sed; *Omnis arbor, quæ non fecerit fructum bonum, excindetur*. Quod autem consilium detur, patet ex eo, quòd, cum Apostoli dixissent: *Non expedit nubere*; Dominus non ait; Immo: *verò expedit*: sed ait: *Non omnes capiunt verbum hoc: qui potest capere, capiat*: Id est, verum dixistis, nuptias non expedit, nam impediunt potius, Tamen:

NON.

non omnes hoc intelligunt, sed qui potest assequi, non omitat.

Quod denique continentia non solum conferat corporalem vtilitatem, sed præmium habeat in cælo, patet ex illo: *Sunt Eunuchi, qui castraverunt se propter regnum cælorum.*

*Ibid.*

Quintum est, ubi adolescenti dicitur: *Si vis perfectus esse, vade, vende omnia, quæ habes, & dā pauperibus, & habebis thesaurum in cælo.* Quod hic non detur præceptum, sed consilium, patet ex ipsa consequentia verborum. Nam interroganti: *Quid faciam, ut saluus sim?* Dominus respondit: *Si vis vitam ingredi, serva mandata.* Vbi ostendit, mandatorum observacionem sufficere ad salutem: ac deinde subiungit: *Si vis perfectus esse*; id est, si non es contentus vita æterna, sed aspiras ad excellentem gradum in ipsa vita æterna: *Vade vende omnia.*

Præterea; Si hoc esset præceptum, certè esset præceptum caritatis. At non est: nam caritas non requirit, nisi ut diligamus proximum, sicut nos ipsos: ergo non requirit, ut demus omnia nostra proximis, & nobis nihil servemus: sed satisfacimus ei præcepto, si partim demus, partim retineamus. Quod autem dare omnia mereatur in signum præmium, patet ex illis verbis: *Et habebis thesaurum in cælo.*

*Ibid.*

Sextum testimonium est de Obedientia, ubi Dominus ait: *Et sequere me.* Nam, quod hæc sequela sit consilium, patet, quia dicitur ei soli, qui vult esse perfectus, & cui dictum est: *Vende omnia, quæ habes.* Quod autem in illo, *sequere me*, significetur obedientia, prob. dupliciter.

*Philipp. 2.*

Primo quia sequi Christum est imitari Christum: Christus autem factus est obediens usque ad mortem.

*Matth. 16.*

Secundo, quia explicat ipse Christus, quid sit sequi se, dicens: *Qui vult venire post me, abneget semetipsum, & tollat crucem suam, & sequatur me.* Quod ultimum est explicatio superiorum, ut sensus sit: *Qui vult post me venire, id est, me sequi, abneget se, & tollat crucem suam, & sic sequetur me.* Porro abnegare se, nihil est aliud, quam valedicere suo iudicio, & suis affectibus, & accommodare se alterius iudicio, & voluntati. Dicit aliquis: Abnegare se, est quidem obedire: sed hoc loco agitur de obedientia, quæ necessariò debetur Deo, non quæ sponte exhibetur homini: sequitur enim: *Qui amat animam suam, perdet eam.*

*Objec.*

*Solut.*

Resp. hoc verum esse: tamen hinc deduci etiam consilium religiosæ obedientiæ: nam hinc habemus, sequi Christum esse abnegare seipsum, id est, alterius voluntati seipsum subijcere. Habemus autem ex alijs locis duplicem esse Christi sequelam: unam communem, & necessariam in omnibus fidelibus, de qua agitur hic; & rursus aliam, quæ solis ijs consulitur, qui volunt esse perfecti, de qua alibi agitur. Ergo necesse est duplicem esse abnegacionem sui, id est, obedientiam; unam communem, & necessariam omnibus, quæ consistit in obediendo in ijs rebus tantum, quæ sunt necessariæ ad salutem; alteram maiorem, & uniuersaliorem, quæ consistit in obediendo in omnibus rebus, etiam non necessarijs, modò peccata non sint: qualis obedientia laudatur in Rechabitis, qui obediebant patri suo in ijs, in quibus non tenebantur.

*Ierem. 35.*

Septi-



Septimum testimonium est, ubi multis modis proponitur consilium continentia. Bonum est, inquit Paulus, mulierem non tangere. Item: Bonum est homini sic esse. Item: Solutus es ab uxore, noli querere uxorem. Item: Dico autem inimpis, & viduis, bonum est, si sic permanserint, sicut & ego. Item: Volo omnes vos esse, sicut meipsum: id est, continentem. Sic enim omnes veteres exponunt. Item: De virginibus preceptum Domini non habeo, consilium autem do, tanquam misericordiam consecutus à Domino, ut sim fidelis. Vbi indicat Apostolus, consilium hoc non esse humanum, sed diuinum: dicit enim se consilium dare, non ut hominem politicum, sed ut fidelem ministrum Dei. Item: Qui matrimonio iungit virginem suam, bene facit, & qui non iungit, melius facit. Denique de vidua: Cui vult, nubat, tantum in Domino: beator autem eris, si sic permanseris secundum meum consilium, puto autem, quod & ego spiritum Dei habeam. Vbi rursum vides, tribui consilium hoc Spiritui sancto.

Octauum est, ubi Apostolus toto capite conatur ostendere, se plus fecisse, quam sibi esset praeceptum, & propterea singularem gloriam apud Deum meruisse. Nam, cum Dominus ordinasset ijs, qui Euangelium annunciant, de Euangelio viuere, Paulus maluit gratis Euangelium praedicare, & sic facere opus supererogationis. Melius est, inquit, mihi mori, quam ut gloriam meam quis euacuet. Nam & si euangelizauero, non est mihi gloria; necessitas enim mihi incumbit: Va enim mihi est, si non euangelizauero. Quasi ergo merces mea? ut Euangelium praedicans sine sumptu ponam Euangelium. Vbi in toto capite nihil aliud agit, quam ut probet sibi licuisse viuere ex populi sumptibus. Id enim probat Primo exemplo aliorum Apostolorum.

Secundo exemplis militum, Pastorum, Agricolarum. Tertiò ex lege Moysis. Quarto ex Christi ordinatione. Quintò ex ipsa natura. Et ita exposuerunt omnes Patres.

Nonum est: Nemo poterat dicere canticum, nisi illa centum quadraginta quatuor millia: hi sunt, qui cum mulieribus non sunt coinquinati, virgines enim sunt, & sequuntur Agnum, quocumque ierit. Ex quo apparet, singulare praeium habere virgines.

Secundò prob. veritas exemplis primitiue Ecclesie. Nam constat, initio mox nascentis Ecclesie, plurimos cepisse colere continentiam, & vitam communem, rebus omnibus diuendis, quod in Testamento veteri rarissimum fuerat. Nec potuit eius nouitatis alia esse causa, nisi praedicatio Christi, & Apostolorum. Legimus enim, quotquot erant possessores agrorum, & domorum, ijs venditis pretia attulisse ad pedes Apostolorum. Vnde hoc nisi quia audierat, Dominum id consuluisse. Porro continentiam tam multi certatim arripiebant ut legamus, vnum Philippum quatuor filias habuisse, & omnes virgines: quas certe non ad tempus aliquod virgines fuisse, credere debemus, sed perpetuo, & ex electione. Refert enim id Lucas, tanquam aliquid magni, quod videlicet vni homini essent quatuor virgines filiae. At quid magni est habere quatuor filias virgines, quæ ubi maturæ fuerint, nupturæ sunt?

Tertiò prob. clarissimis Patrum testimonijs, tum Græcorum, tum Latinorum. Quarto prob. ratione, desumpta, tum ex corporibus naturalibus, tum ex politicis Rebus publicis. Videmus enim, in qualibet re naturali duplicem

esse perfectionem: vnam necessariam ad esse; alteram ad bene esse: vnam, sine qua rei natura non est perfecta; alteram, sine qua non est ornata. Homo, si habeat animam, & corpus, perfectus est, quoad naturam attinet, etiamsi alioqui deformis, & imperitus, atque improbus sit. At, cum est elegans, politus, formosus, doctus, probus, aliam quandam habet perfectionem: ergo eodem modo homo Christianus duplicem habere debet perfectionem: vnam necessariam ad esse, id est, per quam sit verè filius Dei, & hæres regni, quæ consistit in præceptorum obseruatione; alioqui enim non esset Christus bonus legislator, si legem tulisset, quæ non perficeret hominem Christianum: alteram necessariam ad bene esse, quæ consistit in consilijs. Videmus item, in omnibus bene institutis Rebus publicis; præter præmia, & pœnas constitutas seruantibus, aut transgredientibus leges; esse etiam præmia quædam decreta heroicis operibus. Hinc apud Rom. præter cætera stipendia debita militibus non violentibus militiæ disciplinam; fuisse etiam coronas ciuicas, ouationes, supplicationes; ac triumphos de cæteris factis heroicis, omnes nouerunt. Ita ergo non abhorret à ratione, immo potius conforme est rationi, vt præter vitam æternam, promissam obseruantibus legis diuinæ, sint etiam certa, præmia, singulares honores proijs, qui non solum Dei legem seruant, sed etiam virtutes heroicas ostendunt.

## CAPUT XV.

## De Votis Monasticis in genere.

Votum nomen.

**N**omen Voti apud Latinos ambiguum est: significat enim promissionem, & orationem, ac desiderium. Dicimus enim, Suscepi votum continentia; id est, promisi Deo continentiam. Item, Pro voto mihi continentia succedit; id est, vt desiderabam. Et, Vota pro continentia Deo fudi; id est, preceus sum à Deo continentiam. Apud Græcos non est idem nomen pro voto, & oratione; tamen sunt duo affinia nomina. Nam *ῥησις* significat votum, *προσευχη* orationem. Apud Hebræos voti, & orationis nomina nullam habent affinitatem. Cuius rei causa est ratio, quod apud Græcos, & Latinoſ, cum hæc nomina inuenta sunt, non erat vlla vera pietas; & ideo nihil homines Deo, vel Dijs vouebant, nisi ad id, quod desiderabant, impetrandum, & propterea semper votis antecederant preces. Hinc etiam Græci vocabant orationem, *προσευχη*, quia post votum fiebat, quod vocabant *ῥησις*. Latini autem eodem nomine promissionem Deo factam, & preces ad Deum appellabant. At Hebræi, quia Deum piè colebant, & absoluta etiam vota facere consueuerant, sine vlla relatione ad preces, vt nos quoque Christiani, facimus, propterea proprijs, & diuersis nominibus hæc duo appellabant.

Definitio.  
voti.

Potest autem definiri votum, Religiosa promissio alicuius excellentioris boni, Deo

scilicet.

*facta libera voluntate.* Promissio dicitur, quasi contractus quidam inter Deū, & hominem. Nec enim sufficit ad votum proposuisse, & statuisse aliquid facere, nisi etiam promittatur. Votum enim includit obligationem vnius ad alterum: non enim obligat votum solum ratione veritatis, id est, quia tenetur, qui vult, verum facere, quod dixit, sed etiam ratione fidelitatis, quia tenetur alteri fidem datam seruare: Hæc autem obligatio non potest nasci ex proposito solo, quod quis apud se concipit, sed necessario promissionem requirit.

*Religiosa* dicitur, vt significetur, cuius virtutis actus sit votum, nimirum religionis.

Est autem obseruandum, in voto semper esse duas actiones, alteram materialem, alteram formalem. Materialis est, de qua fit votum, vt ieiunare, sacrificare, &c. Formalis est ipsa promissio ieiunandi, vel sacrificandi, & promissionis adimpletio. Quare formalis impletio semper est actus religionis; materialis autem interdum est religionis, vt si quis voueat quotidie facere sacra; interdum alterius virtutis, vt si quis voueat sexta feria semper ieiunare.

*Excellētioris boni* dicitur, vt determinetur materia voti; nec enim voueri potest, nisi id, quod melius sit facere, quàm omittere.

Ex quo perspicuum est, quinque rerum genera excludi à materia voti. *AB. 28.*  
Primò, peccata; vt cum Iudæi vouerant se occisurum Paulum; nam vouere peccata, non est Deo munus promittere, sed minari. Secundò, opera indifferētia; vt non ire ad forum; non enim potest Deo placere, quod vanum est, & inutile: *dispicit enim esultata promissio.* Tertiò, opera impossibilia; vt si quis voueat, se profecturum in Hierusalem sine nauis. Quartò, opera necessaria; vt si quis voueat, se moriturum, quando placuerit Deo. Quintò, opera bona, quæ tamen maiora bona impediunt; vt si quis voueat, se ducturum vxorem. Quamquam hoc ipsum certo tempore, ac certæ personæ potest esse melius facere, quàm omittere; proinde tum erit legitima voti materia, etsi absolute contra iudicandum sit.

*Deo facta* dicitur, vt intelligamus, vota differre à iuramentis, licet vtraque sint actus religionis & in materiâ ferè conueniant. Vota enim fiunt Deo, iuramenta hominibus per Deum. Non autem hinc excluduntur vota, quæ fiunt Sanctis: nam vel ea sunt vota materialiter, non formaliter, vt quidam docent; qui putant, in votis Sanctorum duas esse promissiones; vnam Sanctis, quibus aliquid promittitur; alterum Deo, cui promittitur adimpletio promissionis factæ Sanctis; & hanc solum propriè votum esse dicunt: vel (quod verius puto) vota fiunt verè Sanctis, sed vt Sancti sunt, id est, vt excellentissimo modo participant Dei naturam, & gloriam.

Addimus vltimò, *Libera voluntate*, vt distinguatur votum à lege cōmuni. Votum enim est lex quædam priuata, & obligat more legis; sed lex communis obligat etiam nolentem, & inuitum; votum autem est lex, quam nos ipsi nobis ferimus, & proinde non obligat, nisi eum, qui sponte votum fecerit: & hinc non habentur rata vota facta ante vsum rationis, nec ea, quæ propter ignorantiam aut metum censentur inuoluntaria.

- Propositio. 1.* Sit igitur propositio prima: *Omne, quod fit ex voto, etiamsi aliqui non sit à Deo præceptum, verè, & propriè est cultus Dei.* Est contra Lutherum, & Calvinum. *Prob. 1.* primò: Vouere est actus religionis: ergò & reddere, siue implere votum, est actus religionis, siue fiat de re præcepta, siue nò præcepta. *Prob. Anteced. ex illo: In illudie cognoscent Aegyptij Dominum, & colent eum in hostijs. & muneribus, & vota vouebunt, & soluent.* Vbi posteriora sunt: explanationes priorum: vota enim munera sunt. Præterea; hæc est natura voti, vt rem alioqui non ordinatam ad Dei cultum, ordinet ad cultum Dei, iuxta illud: *Quidquid sanctificaueris, & veneris, &c.* *Prob. conseq. nam promittere, & soluere ad eandem virtutem pertinent: sed per id, quod fit ex voto, etiamsi non præceptum, impletur votum ergò per id colitur Deus.*
- Prob. 2.* Secundò prob. propositio: *Omne votum est promissio Deo facta: ergò votum quodcunque implere, est fidem Deo seruare: at seruare fidem Deo, est Deum immediatè colere, & honorare: sicut è còtrario, fidè ei non seruare, est iniuriam illi facere.* Ergò cuiuslibet voti impletio cultus Dei est.
- Prob. 3.* Tertiò prob. *Omne iuramentum est cultus Dei, etiamsi fiat de re non præcepta, vt, si quis iuret, se nò bibiturum vinum, ergò etiam votum de eadem re: erit cultus Dei.* *Prob. conseq. Nam adeò similia sunt iuramenta, & vota, vt in Script. sepe iuramentù pro voto accipitur. Si mulier habens virum, venerit aliquid, & verbum de ore egrediens animam eius obligauerit iuramento, voti reueris, reddet, quod promisit, &c.* Præterea; Sicut per iuramentum de re non præcepta honoramus Deum, quia protestamur, eum esse immutabilem veritatè, & veritatis assertorem; ita per votum de re non præcepta, sed tamen bona, Deum honoramus, quia protestamur ei, vt summo bona, placere actus virtutum.
- Prob. 4.* Quartò, *Soluere ex voto aliquid non præceptum, sed tamen bonum, falsum: Dijs, est peccatum, & non aliud, quàm idololatriæ: ergò soluere Deo vero ex voto rem eandem, erit actus latræ.*
- Prob. 5.* Quintò, *Si quis voueat, abstinere per triduum à vino, & non faciat, sine dubio peccat: at non peccat peccato intemperantiæ; non enim est actus necessarius temperantiæ abstinere à vino; ergò peccat, quia Deum afficit iniuria, non seruando illi fidem: ergò, si abstineat, Deum honorat.*
- Prob. 6.* Sextò, *Omni actu virtutis, etiam non præcepto, nec ex voto facto, sed factò tamen propter Deum, colitur Deus: ergò multò magis, si is actus fiat ex voto, eo Deus colitur.* *Prob. Antec. primo Script. testimonio: nã Anna dicitur seruasse, Deo ieiunijs, & orationibus, & est verbù, λατρεύουσα, quod propriè cultum significat. Et: Repletus sum acceptis ab Epaphrodito, quæ misisti in odorem suauitatis, hostiam placentem, & acceptabilem Deo. Et: Beneficentia, & communicationis nolite obliuisci, talibus enim hostijs promouetur Deus. Et: Religio munda apud Deum est, visitare pupillos, & viduas, &c.* Quæ omnia intelliguntur etiam de eleemosyna non præcepta.
- Deinde prob. ex Patribus.
- Prob. 7.* Septimo: *Votum de re præcepta nò est verum, & proprium votum, nisi quatenus res illa concipitur, vt non præcepta: igitur vel votum de re nò præcepta cultus Dei est, vel nullum votum est cultus Dei: sed hoc est falsum, ergò & illud. Octauo: Si votum de re non præcepta non est cultus Dei: ergo nec ipsu-*

**sum** vouere absolute est cultus Dei : nam ipsum vouere nullquam est preceptum. At hoc est contra ipsum Caluinum.

**Nono prob. exemplis Script.** Nam primum votum legitur de Jacob: *Votum vouit Iacob, si fuerit Dominus mecum &c. eris mihi Dominus in Deum, & lapis iste, quem erexi, vocabitur domus Dei, cum dormiſſem, qua dederis mihi decimas offeram tibi.* Quod hoc sit votum de re non precepta patet, quia aliqui peccasset Iacob: faciendo votum conditionatum de re precepta. Quod autem hoc votum fuerit factum ad colendum Deum, patet: nam habere lapidem pro domo Dei, id est, pro ara: & offerre decimas sunt actus religionis. Aliud votum fuit Dauidis de extruendo templo, de quo: *Votum vouit Deus Iacob, &c.* Quod hoc votum fuerit de re non precepta, patet: nam Deus audito hoc voto Dauidis, & laudata eius voluntate, dicit, se non precepisse, ut sibi fieret templum, nec velle fieri à Dauide. Quod autem Dauid hoc loco voluerit colere Deum, patet, quia extruere templum, est actus religionis.

**Denique:** Omnia vota, quæ leguntur in Script. vota erant de rebus non preceptis, ut ex ipsis locis patet: & tamen, quod placerent Deo, patet, quia seuerissime illorum solutionem exigebat. Si votum voueris, inquit, non tardabis reddere, quia requirit illud Dominus; & si moratus fueris, reputabitur tibi in peccatum: si non lueris polliceri, absque peccato eris. Vbi clare vides, votum liberè factum à Deo seuerè exigi.

**Propositio secunda:** Non fuit Iudeorum proprium, vota facere, sed cum Christianis etiam id est commune. Prob. primo ex illa prædicatione: *Colent enim in hostijs, & muneribus, & vota vouebunt Domino, & soluent.* Hæc enim de Christianis prædicta esse, S. Hieronymus & S. Cyrillus, & ceteri omnes in comment. huius loci apertissime docent. Secundo prob. ex illa exhortatione: *Vouete, & reddite Domino Deo vestro, &c.* Tertio ex Apostolo, ubi de viduis quibusdam dicit: *Cum luxurias à fuerint in Christo, nubere volunt, habentes damnationem, quia primam fidem irritam fecerunt.* Quo loco per primam fidem omnes omnino interpretes, tum Græci, tum Latini, intelligunt votum continentiar. Vltimo prob. Votum non est cæremonia Iudaica: nulla igitur causa est, cur solis Iudeis, & non etiam Christianis liceat vouere: Nam in primis vouendi actus solà mète perfici potest. Tamen enim ore quoque vouere solemus, tamen etiam sine vlla voce solo cordis motu votum emitti potest: cæremoniarum autem omnes, res sunt exteriores, & sensibiles, ut notum est: non igitur vota ad cæremonias, sed ad internum cultum pertinent.

**Deinde;** Licet vota cæremoniarum essent, non continuo Iudaicæ essent: multæ enim sunt cæremoniarum omni hominum generi, & omni religioni communes: ut genua flectere ad orandum, manus attollere, cælum aspicere, tundere pectus. Et denique: Illæ solo dicuntur propriæ cæremoniæ, quæ vel à Moyse sunt institutæ, vel Christum venturum significabant, quamuis ante Moysen cæperint, & proinde Christo adueniente cessauerint.

**Porro vota non cæperunt à Moyse:** nam Iacob Patriarcha: *votum vouit* longe antequam Moyses nasceretur. Neque vota ad Christum significandum instituta sunt. Quid enim habent cum Christo venturo vota ieiuniorum, continentiarum, elemosynarum, & similia? Nec demum cum Moyse cessauerunt: nam, licet in

Ecclesia Christi post Evangelij plenam promulgationem cessauit circumsilio, sacrificia ouium, & bouum, & alia id genus: tamen vota, nunquam cessauerunt.

*Propositio 3.* *Propositio tertia: Promissio, qua fit in Baptismo, non est propriè votum. Sunt autem quedam prenotanda.*

*Quæst.* Primum est, quæstionem esse inter Theologos: *Nam res à Deo imperata sub votum propriè cadere possunt? Quidam enim id negant, vt S. Thomas, S. Bonaventura. Alij verò affirmant, vt recentiores quidam, Dominicus à Soto, Alphons. à castro. Sed conciliari possunt hæc sententiæ. Nam duobus modis fieri potest votù dere præcepta. Vno modo, cum intentione se obligandi, etiam si res illa præcepta non esset: alio modo, cum intentione solum acceptandi: & testificandi obligationem, quæ antea erat. Priore modo loquuntur auctores posteriores, & rectè docent res etiam à Deo imperatas propriè posse voueri, si concipiuntur, vt libera, & qui vouit, intendat ad eas se obligare noua obligatione. Nam, qui cælibatum Deo vouit, non minùs propriè censetur sacrilegus, si fornicetur, quàm si nubat. Ex quo sequitur, non fornicari, esse etiam materiam voti propriè dicti, licet alioqui præceptum sit pari ratione qui post votum paupertatis furatur, non minùs sacrilegus est, quàm si res suas quas iam dimiserat, repetat. Ex quo intelligimus, non furari, quod præceptum est, posse sub votum cadere: vt, res sua dimittere, quod non est præceptum, sed consilium. Posteriori modo loquuntur auctores priores, qui rectè docent res præceptas non cadere propriè sub votum, si accipiuntur, vt præcepta, id est, si quis, dum eas recipit se facturum, nihil noui promittit, sed solum agnoscit, & recipit obligationem, quam lex ipsa secù assert: qualis fuit illa promissio Hebræorum: *Cumtâ, quæ locutus est Dominus, faciemus.* Vbi enim non est intentio nouæ obligationis, nullum esse votum propriè dictum constat.*

*Exod. 19.*

*Quæstio.*

Secundò prenotandum, in Baptismo omnes Christianos promittere se legem Dei seruaturus, ex eo tempore abrenunciare Diabolo, & pompis eius. Id enim ritus Baptismi testatur, & Patres apertissimè docent. Quæstio igitur est, *An ea promissio sit solum quadam testificatio, & acceptatio obligationis, quam lex Dei secum assert: proinde non appellando votum, nisi fortè impropiè, & largo modo: An verò sit noua promissio, nouam obligationem inducent, atque ad id votum propriè dictum? Lutherus, & Caluinus votum primarium esse docent, promissionem illam, quam facimus in Baptismo, cuius contrarium affirmat communis sententia Theologorum.*

*Resp.*

*Prob. 1.*

*Dant. 23.*

Prob. hæc sententia primò: Vota, vt in Script. accipiuntur, spontanea, ac voluntaria, non necessaria esse debent. Sic enim legimus: *Si votum voueris, non tardabis reddere, quia requirit illud Dominus: & si moratus fueris, reputabitur tibi in peccatum, si nolueris polliceri, absque peccato eris.* At promissio, quæ fit in Baptismo, necessaria est: neque de illa potest dici: *Si nolueris polliceri, absque peccato eris.* Omnes enim ad Baptismum suscipiendum diuina lege obligantur, neque Baptismus sine illa promissione ab Ecclesia datur.

*Prob.*

Secundò: Vota paruulorum à parentibus edita rata non sunt, nisi ab ipsis, quorum nomine facta sunt postmodum in ætate aduoca confirmantur: Id apertissima ratio confirmat, quia votum est lex particularis, quam sibi quisque

que imponit, si vult; ac proinde voluntatem propriam necessario exigit. At promissio, quæ fit in Baptismo, paruulos obligat, ita vt postea, velint, nolint, cogantur eam habere ratam, etiamsi non per se, sed per alios eam ediderint; igitur non ex voto, sed aliunde vim habet obligatio.

Tertio; Si ea promissio votum esset propriè dictum, omnia Christianorum peccata essent duplicia, quia contra legem, & contra votum; omnia essent sacrilegia, quia contra voti religionem; nec minus peccaret secularis fornicando, aut furando, quàm religiosus; vt patet. At hæc omnia communi fidelium sententiæ, ac iudicio repugnant: non igitur illa promissio votum est propriè dictum.

Quarto, Illa promissio, quæ fit in Baptismo, si votum esset, certè aut explicite, aut implicite voti obligationem contineret. At non explicite continet, nec enim fideles, dum baptizantur, explicitam intentionem habent, aut habere debent se obligandi, nisi quantum ex ipsis Dei legibus obligantur.

Quod autem nec implicitam obligationem contineat, prob. Si esset implicitum votum in Baptismo, aut esset ex lege Ecclesiæ annexente hoc votum Baptismo, quomodo adiunctum est votum continentis Sacramento Ordinis, talis autem Ecclesiæ lex nusquam extat: aut esset ex natura ipsa religionis Christianæ, vt, quemadmodum annexa sunt vota monastica ordinibus religiosi, ita etiam annexum esset Christianæ religioni votum remittendi diabolo, & pompis, atque operibus eius. Sed neque hoc dici potest, nã religio Christiana, cum sit omnibus necessaria, vincula habere debuit, diuinas leges, quæ necessariò ab omnibus seruandæ sunt: Ordines verò Religiosi, quia non necessitatis, sed voluntatis sunt, vincula quoque non necessaria, sed voluntaria habent, qualia sunt omnia vota propriè dicta.

Accedat postremo, quòd, cum non sit villo modo necessarium, neque etiam admodum vtile de ijs rebus, quæ sunt in præcepto, vota facere, non est credibile, Deum, aut Ecclesiam voluisse, vt omnes fideles ad eiusmodi vota facienda obligarentur. Non esse autem admodum vtile, de rebus ijs, ad quas ex lege obligati sumus, vota facere, nisi fortè ea vota coincidunt cum votis de rebus non præceptis; ex eo perspicuum est, quòd vota de rebus non præceptis idèò laudabiliter fiunt, præter alias causas, vt homo eo modo firmus, & stabilis perseveret in bono opere iam concepto: qui enim se liberos tenunt, facillè mutant propositum bonum. Cum igitur ad opera legis faciendâ satis ligati simus ex ipsa lege, non opus est noua vincula querere, ne occasiõem grauius peccandi nobis ipsis sine magna vtilitate procuremus.

## CAPVT XVI

## De Votis Monasticis in particulari.

*Prob. votum  
paupertatis.  
ad ant. 3.*

*Plal. 24.*

*Isa. xli.*

In primis Paupertatem voluntariam rectè suscipi, ac Deo voueri, primo prob. ex illo: *Beati pauperes spiritu, quoniam ipsorum est regnum celorum.* Vbi notandum, pauperes in Script. tribus modis accipi solere.

Primo, dicuntur pauperes, qui sunt afflicti: *Vnicuique, & pauper sum ego, tribulationes cordis mei multiplicatae sunt.*

Secundo, qui sunt humiles. *Ad quem respiciam, nisi ad pauperculum, & contritum, & tremementem sermones meos.*

Tertio, dicuntur pauperes propriè, qui non sunt diuites: idque tribus modis, aut actu, sed non affectu, aut affectu, sed non actu, aut actu simul, & affectu. Est igitur horum verborum sensus, vt beati dicantur, qui propter Deum sponte eligunt paupertatem, & proinde etiam humilitatem, & pauperes spiritu hoc loco nominari eos, qui sunt voluntariè pauperes, & proinde etiam humiles: nam, vt plurimum, diuitiarum elationem, paupertas humilitatem gignit. Ita exponunt Patres, & recentiores: & rectè. Nam in primis verbum Græcum, *πτωχοι*, mendicum propriè significat, vt etiam Latina vox pauper, non humilem propriè, sed egenum significare solet. Deinde, Præmiū illud: *Quoniam ipsorum est regnum celorum*, proprijsimè respondet veræ paupertati. Præterea, Apud Lucam pauperes, qui beati esse dicuntur, non superbis, sed diuitibus opponuntur. Sic enim paulò post subiungit Dominus: *Va vobis diuitibus.* Denique, Christus actu, & affectu pauper fuit, & docuit sine dubio id, quod ipse fecit. Præterea, Sæpius diuitias periculosas esse dixit: nam comparauit spinis, quæ suffocant sementem. Et: *Quam difficile, inquit, qui diuitias habent intrabunt in regnum celorum. Et: Facilius est, camelum intrare per foramen acus, quam diuitem in regnum celorum.*

*Luce 6.*

*Mat. 13.*

*Mat. 19.*

Hinc ergo sic argumentari possumus: Id omne Deo rectè vouetur, quod ex eius testimonio scimus esse bonum, & illi gratum: sed paupertas voluntaria testimonio Christi bona est, & Deo grata, cum beati dicantur eiusmodi pauperes, & illis promittatur regnum celorum in præmiū: igitur eiusmodi paupertas Deo rectissimè vouetur.

*Mat. 19.*

Secundum testimonium est: *Si vis perfectus esse, vade, vende omnia, quæ habes, & da pauperibus, & habebis thesaurum in celo.* Et ibidem: *Ecce nos reliquimus omnia, & secuti sumus te. Quid ergo dabis nobis?* &c. Ex utroque testimonio non solum colligitur, paupertatem rectè voueri posse, quod tamen ad rem nostram sufficit, sed etiam colligitur, hortatum esse Dominum ad vouendam hanc paupertatem. Parum enim prodesset, dare omnia pauperibus, & fieri pauperem spiritu, si quis paulo post iterum rediret ad lucra, & opes comparandas quo

*curā*



circa SS. Patres intellexerunt, his testimonijs commendari paupertatem perfectam, quæ suscipitur cum proposito, & voto semper ita permanendi.

Tertium testimonium est: *Multitudinis autem credentium erat cor vnum, & anima vna, nec quisquam eorum, quæ possidebat, aliquid suum esse dicebat: sed erant illis omnia communia.* Quod autem ex voto ita viverent primi illi Christiani in Hierusalem, docet S. Augustinus, qui dicit, id ipsum se cum suis facere voluisse, quod primos Christianos fecisse, testantur Acta Apostolorum iam citata, & tamen ibidem sæpius repetit, nemini licere in tali vita habere quidquam proprium, idque ex professione facta Deo.

AR. 4.

Serm. 1. de  
communibus  
vita Cle-  
ricorum.

AR. 5.

Quartum est, vbi Ananias, & Sapphira vxor eius, cum vitam communem profiteri velle viderentur, & tamen aliquid proprii sibi clam retinuisissent, continuo ab Apostolo detecti, & increpati, atque à Deo visibiter percussi interierunt. Vouisse autem Ananiam, & Sapphiram, & tanquam sacrilegij reos esse punitos, colligitur ex illis verbis: *Fraus autem de pretio agri conscia vxore sua.* Non enim fraudasse diceretur, nisi rem iam obligatam promissione, subripuisset. Quod autem rem non præcepit voverint, patet ex illis verbis: *Nonne manens tibi manebat, & venditum in tua erat potestate?* Quod denique, votum illud Deo factum esset, & proinde eius violatio sacrilegium fuerit, testantur verba illa: *Anania, cur tentauit Satanas cor tuum mentiri te Spiritui sancto, & fraudare de pretio agri?* Quid enim est mentiri Spiritui sancto, nisi fallere fidem datâ Spiritui sancto? Posset quidem vtrunque dici mentitus Spiritui sancto, si mendacium tantum S. Petro dixisset, in quo sine dubio erat Spiritus sanctus: tamen nemo negare potest, quin magis propriè dicatur mentiri Spiritui sancto, qui promittit aliquid Deo, & non feruat.

Præterea; Seuerissima illa pœna, quam Deus ipse continuo sumpsit de Anania, & Sapphira, omnino clamat, maius illud peccatum fuisse, quàm simplicis mendacij, & auaritiæ, & ambitionis, atque hypocrisis. Quomodo enim potuit puniri culpa vltâ atrocior? Itaque sine dubio sacrilegium fuit, quod eo modo puniri meruit.

Accedat communis expositio sanctorum Patrum. Sicut etiam votum paupertatis ex traditione Patrum confirmari potest.

Iam vero, Obedientiam religiofam rectè voueri Deo, his rationibus probari potest.

Primo; Grata est Deo Obedientia, etiam in ijs rebus, quas ipse non præcepit. Nam laudantur, & remunerantur à Deo filij Ionadab, qui, vt obediunt patri suo, non bibebant vinum, non serebant agros, non habebant domos; sed habitabant perpetuo in tentorijs: omne autem, quod Deo gratum est, voueri illi potest; igitur Obedientia, etiam alioqui non debita, Deo voueri potest.

Prob. 1. vocat  
Obedientia.  
Isa. 55.

Nec obstat, quod Deus inserit, vt filij obedirent parentibus; ac proinde videantur id solum fecisse, quod facere diuino præcepto tenebantur. Nam Rabanus dicit, filios Ionadab plus fecisse, quàm lex diuina præceperet.

In comment.  
loci illius.

Secundo, Deus eo exemplo filiorum Ionadab reprehendit populum

K k suum,

suum, quod illi obedierint voci vnus hominis; ipse autem voci ipsius Dei obedire noluerit. *Firmauerunt, inquit, filij Ionadab, filij Rezbab, præceptum patris sui, quod præceperat eis, populus autem isre non obediuit mihi.* Quæ Domini ratio planè frigeret, si filij Ionadab diuino præcepto obstricti fuissent obedire patri suo in rebus illis, vt non biberent vinum, &c. Tunc enim nulla esset antithesis inter Deum, & creaturam; nam & filij Ionadab obediissent Deo, filij Israël non obediissent.

Tertiò; Idem colligitur ex laude, & remuneratione diuina. Non enim tantopere Deus laudasset filios Ionadab, nisi aliquid singulare fecissent. Postremo; Idipsum ratio manifesta suadet. Nam, etiam si tenentur filij obedire parentibus, non tamen tenentur obedire in omnibus rebus, postquam ad annos pubertatis peruenerint. Est enim vnusquisque sui iuris in deligendo statu, & genere vitæ; alioquin nihil inderoisset inter seruos, & liberos, si semper, & in omnibus rebus filij in patris potestate essent.

*Quòd verò S. Paulus ait: Filij obedite parentibus prout omnia: vel ita intelligi debet, vt illud (per omnia) significet omnia, ad quæ se extendit patria potestas. Sicut si quis diceret, oportere milites obedire Imperatori per omnia, exponendum esset, per omnia, quæ ad militiam pertinent. Vel certe tenentur filij, per omnia obedire parentibus, sed dum paruuli sunt. Nam quanto tempore haeres paruulus est, nihil differt à seruo. Et Dominus ipse parentibus subditus erat, cum puer esset.*

*Secunda ratio ex Testam. nouo sumi potest. Nam consilium perfectionis est, sequi Dominum perfecte abnegando seipsum, vt colligitur ex illo: Qui vult venire post me, abneget semetipsum, & tollat crucem suam, & sequatur me. Nam: et si in preparatione, animi abnegare seipsum, præceptum sit, cum Dominus addat: Qui enim voluerit animam suam saluam facere, perdet eam: tamen extra articulum necessitatis, abnegare seipsum perfecte, & omnibus in rebus subiiciendo iudicium suum, & voluntatem alterius iudicio, & voluntati, non est: præceptum, sed consilium. Idèò emendicatur: Si vis perfectus esse, vade, & vende omnia, &c. & veni, sequere me. Porro perfecta sequela Domini, quæ in abnegatione sui ipsius, id est, in perfecta obedientia consistit, necessariò includit votum, quo quis ita seipsum abneget, vt non possit retrocedere: non enim perfecta est abnegatio sui, obedire alteri ad tempus, & paulò post non obedire. Quocirca Dominus ibidem addidit: Et tollat crucem suam. Nam verus, & perfectus Monachus similis crucifixo esse debet. Qui enim cruci affixus est, non solum non ambulat, quòd vult, nec facit, quòd vult; sed nec potest ambulare, aut operari, nisi ab alio moueatur.*

*Tertia ratio: Rectè faciunt homines, qui cupientes vitam communè agere, communi consensu eligunt sibi aliquem in Præpositum. Idem enim & recta ratio suadet, & Script. etiam monet. cum dicit: Ne inuitatis prudentia tua. Rursus, Præpositi constituto, bonum est, & Deo gratum, vt illi obediatur, cum scriptum sit: Qui vos au. it, me audit. Et: Obedite præpositis vestris. At omne, quod Deo placere constat, testimonio ipsius, rectè voueri potest. Poterit igitur Obedientia exhibenda Præposito à nobis ipsi electo, & cui alioqui obedire non teneremur, rectè voueri.*

[Quarta]

Quarta ratio sumitur ex vsu antiquæ Ecclesiæ: certum est enim, apud veteres sanctos obediendam monasticam in vsu fuisse. Prob. 4.

Accedant postremo miracula, quæ Deus ad confirmandam obedientiam ostendit.

Porro Continentiæ votum primò prob. ex Scriptura. Primum testimonium est: *Quomodo fiet illud, quoniam virum non cognosco?* Quibus verbis virgo sanctissima significat, impedimentum se habere, quò minus filium conciperet, & parere posset: impedimentum autem illud non aliud esse potuit, quàm votum continentiæ iam emissum. Illa enim verba: *Virum non cognosco*, non significant iam actum non cognosco; sed, Non licet mihi cognoscere: alioquin ineptissima interrogatio fuisset, cum posset statim responderi: Etsi nunc virum non cognoscis, tamen paulo post cognosces. Itaque sicut dicimus in Quadragesima, Ego non vescor carnibus, id est, non licet mihi hoc tempore carnibus vesci: sic B. Virgo dixit: *Virum non cognosco*, id est, prohibeor virum cognoscere. Cur autem prohiberetur, nulla ratio potest reddi, nisi votum. Nam & virum habebat, & iuuenis erat, nec est credibile, sterilem, aut impotentem fuisse: vel certe id ipsa nondum scire poterat, cum ad virum nondum peruenisset. Nec denique prohibebatur virum cognoscere lege aliqua communi, ut notum est: igitur lege particulari, id est, voto. Idem confirmatur, ex Patribus.

Alterum testimonium est, ubi Dominus quosdam esse dicit *Eunuchos*, qui *se castrauerunt propter regnum celorum*. Et addit confirmationem: *Qui potest capere capiat*. Ipsa enim Eunuchorum appellatio perspicue indicat votum. Non enim est Eunuchus, qui solum continet, sed qui non potest non continere. Eunuchi autem, de quibus hic agitur, non coguntur continere ex vitio naturæ, nam ab his eos Christus ipse seiunxit: neque coguntur lege aliqua communi, nulla enim est lex prohibens nuptias absolute: igitur id solum remanet, ut non possint ex lege particulari sponse assumpta, id est, ex voto. Idem etiam colligitur ex illo: *Qui se castrauerunt*. Nam, si Dominus loqueretur de his, qui sine vilo voto cœlibes viuunt, diceret: *Qui se castrant quotidie*, non, *Qui se castrauerunt*. Significat ergo, eos vnica actione voluntaria amputasse sibi omnem facultatem contrahendi nuptias. Et confirmatur explicatio ex Patribus.

Tertium est Apostoli: *Adolescentes viduas deuota: cum enim luxuriata fuerint in Christo, nubere volunt, habentes damnationem, quia primam fidem irritam fecerunt*. Quo loco per primam fidem nihil aliud intelligi potest, nisi continentia votum, ut omnes omnino veteres intellexerunt. Nam, cum Apostolus dicat, eas primam fidem irritam facere, quæ nubere volunt, necessario colligimus, eum loqui de fide seruandæ continentia, quæ per nuptias violatur. Ista autem fides seruandæ continentia, aut est fides data marito carnali, aut Christo, sponso spirituali. Non potest esse fides data marito carnali: illa enim tam diu durat, quàm diu maritus viuunt: mortuo autem viro soluta est mulier, & cui vult nubere potest, ut Apostolus ait. Igitur sequitur, ut intelligatur fides data spirituali sponso, Christo. Non potest autem hæc fides Christo data esse simplex propositum, seu voluntas continendi sine

promissione, ac voto; ut, quia simplex propositum non habet relationem ad aliud, nec fides dici potest: unde non irritatur fides, cum mutatur propositum: tum etiam, quia propositum scilicet sine ulla culpa mutare. Apostolus autem absolute dicit, eas damnationem habere, quia fidem irritam faciunt; sequitur igitur, ut fides hoc loco votum significet.

Ex quo sequitur, votum continentie non esse impossibile, nec illicitum, quia nullum tunc fuisset peccatum, illud violare. Ita exponit Concilium Carthaginense IV. *Si qua vidua, quantumlibet in minoribus annis posita, se deuoverunt Domino, & veste laica abiecta, sub testimonio Episcopi, & Ecclesie, religioso habitu apparuerint, postea vero ad nuptias seculares transierint, secundum Apostolum damnationem habebunt, quoniam fidem castitatis, quam Domino vouerunt, irritam facere ausa sunt.* Hæc sententia est. C. C. X IV. Episcopi, qui in hoc Concilio interfuerunt. Idem habetur in Concilio Toletano IV. vbi LXX. Episcopi fuerunt. Ita exponunt etiam tres summi sanctique Pontifices, Clemens, Innocentius I. & Gelasius I. Ita Patres, & omnes expositores huius loci, tum Gregorius, tum Latinitas.

Asseritur etiam votum Castitatis testimonio omnium Ecclesiarum, quod ex Concilijs antiquis facile haberi poterit. Idem patet ex responsis, aliquot veterum, & sanctorum Pontificum, quibus accedant responsa etiam Principum Politicorum.

Scribit enim Eusebius, fuisse abrogatam à Constantino antiquam legem Romanorum, qua priuabantur successione hæreditaria homines steriles, vel orbiati liberis. Causam autem abrogationis scribit fuisse, propter eos, qui religionis, & pietatis gratia ex voto cœlibatum colebant, ne videretur lex politica pietatem velle punire. Rursus; Cùm tempore Iuliani Apostatæ cœpissent quidam factas virgines in coniugium petere, Iovinianus Imp. Christianus, qui Iuliano successit, legem tulit, ut capite plecteretur, qui sacram virginem vel ad coniugium petere, vel etiam impudice aspiciere deprehensus fuisset. Scribit Sozomenus, & extat adhuc ea lex in Codice L. si quis. C. de Episc. & Cler. Idem asseritur testimonio Patrum.

Postremo prob. ratione. Prima ratio sumitur ex dignitate continentie. Idem enim omne Deo recte vouetur, quod est illi gratius, si fiat, quàm si non fiat. Eiusmodi autem continentia est, cùm longè excellat coniugio, & cùm formatione ne comparati quidem debeat. Poterit igitur continentia rectè Deo voueri. Assumptio prob. primum ex Scriptis. *Igitur, qui matrimonio iungit virginem suam, bene facit, & qui non iungit, melius facit.* Et infra: *Cui vult, nubat, tantum in Domino: beatus autem erit, si sic permanserit.* Huc etiam pertinent testimonia superioris allata.

Secundò prob. ex Patribus, qui passim hunc vitam perfectam esse dicunt. Docent etiam summo consensu, vitam virginum angelicam esse: coniugale vero hominum.

Altera ratio ex utilitate vouendi sumitur. Melius est enim, & Deo gratius, ex voto aliquid facere, quàm sine voto. Igitur non solum licet, sed etiam expedit continentiam vouere. Anteced. his argumentis confirmatur. Primo, Scriptis.

Script. hortatur ad vouendum: *Vouete, & reddite*. At, si melius eſſet abſque voto operari, deciperet nos Spiritus ſanctus. Secundò; Opus eò melius eſt, & Deo gratius, quo ex pluribus, aut maiori virtute procedit. Continere ſine voto eſt temperantiæ; continere ex voto eſt actus ſimul temperantiæ, & religionis; quæ quidem religio temperantia ipſa longè eſt nobilior. Igitur continere ex voto, melius, & Deo gratius eſt, quàm ſine voto.

Tertiò; Quod fit ex voto, maiori charitate, & liberalitate fit, quàm quod ſine voto. Qui enim ſine voto aliquid facit, opus dumtaxat offert Deo: qui autem vouet, atque ex voto facit, & opus, & facultatem offert Deo. Sicut plus donat, qui arborem cum fructibus, quàm qui ſolos fructus donat.

Quarto, Melius eſt, quod fit ex voluntate confirmata in bonum, quàm quod fit ſine cuiusmodi firmitate. Sicut peius eſt, peccare ex voluntate obſcurata in malum, quàm ex fragilitate: Et quemadmodum, qui peccant ex voluntate confirmata in malum, ſimiles ſunt damnatis; ita, qui operantur ex voluntate confirmata in bono, ſimiles ſunt beatis.

Quinto, Qui vouet, non ſolùm id lucratur, quod excellentius opus faciat, ſed etiam munit ſeipſum aduerſus tentationes diaboli, & humanam fragilitatem, ac mutabilitatem. Homines enim in ijs rebus, ad quas non ſunt alligati vinculis legum, etiamſi optimæ ſint, & vtiliſſimæ, facile mutant propoſitum, diablo inſurgente, & etiam ſine diaboli artibus, ex propria mutabilitate. Quocirca videmus in rebus humanis ſæpe requiri iuramenta, vt alligetur voluntas, ne facile mutari poſſit. Ita milites, magiſtratus, ſponſi, atque alij id genus iurare coguntur.

## CAPVT XVII.

De ijs, qui vota Monaſtica ſuſcipere, ac nuncupare poſſunt.

QVATVOR ſunt genera perſonarum, quibus præ ceteris aduerſarij negant facultatem huiusmodi vota ſuſcipiendi. Primo, Iuniores. Dicimus autem de ijs primo, ad vota ſuſcipiendi continentia, obedientia & paupertas. Requiritur quidem eam ætatem, in qua ſit vſus liberi arbitrij; ſed, ubi is adfuerit, in quacunque ætate licere talia vota nuncupare.

Prob. primo ex Script. *Bonum eſt viro, cum portauerit iugum a' adoleſcentia ſua.* *De iuniorib.*  
Et: *Sinite paruulos venire ad me.* *Toma. 3.*

Secundò prob. exemplis. Nam Ioan. Baptiſta à pueritia ſeceſſit in eremum. B. Maria adoleſcentula vouit perpetuam continentiam. B. Antonius, Paulus primus Eremita, Hilarion, Benedictus, Bernardus, Franciſcus, aliqua permulti in adoleſcentia facti ſunt Monachi. Pari ratione omnes ferè ſanctæ Virgines, quas Eccleſia publicè colit, adoleſcentulæ vouerant continentiam;

vt Thecla, Agnes, Cecilia, Agatha, Lucia, Clara, Catharina, & alie propemodum infinitæ. Tertiò prob. ex Patribus.

*Regm. 2.*

Dicimus secundò, ad professionem publicam, expetendam etiam eam gratè requiri, quam leges Ecclesiæ præscribunt, quæ pro temporum, & locorum diuersitate variæ extiterunt. Nam Concilium Cæsaraugustanum, & Agathense iubeant expectari annum XL. antequam mulieres publicam professionem emitterent. Concilium autem Carthag. III. iubeat expectari annum XXV. quod expositum est in Concilio Miluæ: debere intelligi, nisi aliqua necessitas cogat, ante illud tempus virginem velari. B. Gregorius in insulis, ubi est molestior habitatio, iubet, ne recipiatur aliquis ad monasticam professionem ante annum XVIII. Ex quo rectè deducunt Canonistæ, in alijs locis posse recipi in minori ætate, nimirum ex anno XIV. quam ætatem multi canones definiunt. Porro Concilium Trullanum, & Tiburinum permittunt professionem etiam ante annum XII. sed nostro tempore Concilium Trident. statuit, professionem non debere fieri ante annum XVI.

*Ess. 2, 4. 15*

Alterum genus sunt filij familia, de quibus quæstio est: *An inuitis parentibus fieri possint religiosi?*

*De filijs fami-  
liæ.  
Gen. 12.  
Dan. 13.*

Respondemus breuiter, licere filiis inuitis parentibus ad religionem transire, duabus seruatis conditionibus. Vna, quòd ad annos pubertatis peruenierint. Porro pubertas in viris est anno XIV. in feminis anno XII. Altera est, vt parentes non sint in tali necessitate, vt sine filiorum auxilio viuere non possint. Tunc enim tenentur ex præcepto Dei parentibus adesse.

*Prob. 1.*

Prob. hæc sententia primò ex Script. Et si enim Script. disertè hoc non doceant, tamen eis valdè conforme est. *Egredere de domo tua, & de cognatione tua, & de domo patris tui. Et: Qui dixeris patri suo, & matri suæ, Nescio vos: & fratribus suis, ignora illos: hi custodierunt eloquium tuum, & pactum tuum seruauerunt.* Vbi Moyses in laudibus Levitarum ponit, quòd parentes & fratres deseruerint, vt Deo liberius vacarent. Vnde Glossa interlinearis exponit: *Qui dixerunt, Nescio vos, patri, & matri, cursum mentis impredientibus.* Item: *O: iuscare populum tuum, & domum patris tui, & concupiscet rex decorem tuum.* Item: *Qui amat patrem, vel matrem plusquam me, non est me dignus.* Et non permittit Dominus eum, quem vocabat, vt iret domum ad salutandum, vel sepeliendum parentem.

*Gen. 12.  
Dan. 13.*

*Psal. 44.  
Matth. 10.  
Luc. 9.*

*Prob. 2.  
L. De vir-  
ginitate.*

Secundò prob. ex sacris canonibus.

Tertiò testimonijs Patrum.

Quartò prob. ratione B. Ambrosij: *Cui licet, inquit, maritum eligere, cui non licet Deum præferre?* At licet filiis, parentibus inuitis matrimonium contrahere, cur non liceat etiam iisdem inuitis continentiam profiteri? Præterea; Licet viro, inuita vxore, ad religionem transire, quando matrimonium de presenti quidem contractum erat, sed nondum consummatum: ergò multò magis licebit inuito patre. Præterea: Quilibet ingenuus post annos pubertatis est iuris sui, quantum ad ea, quæ ad personam, & statum suum pertinent. In hoc enim differunt serui à liberis. Denique; Magis obediendum est Deo, quam hominibus. Deus autem consulit perfectam vitam omnibus in genere, & in particulari interna inspiratione vocat quosdam; ergò, si parentes resistent, audiendi non sunt.

*AB. 5.  
Matth. 19.*

Tertium

Tertium genus sunt coniugati: de quibus questio est: *An liceat eis ex consensu mutuo suscipere vota perpetua continentia?* Quod sic, prob. primò ex Paulo. Nam, postquam ait: *Iterum reuertimini ad id ipsum;* subdit: *Hec autem dico secundum indulgentiam, non secundum imperium.* Vbi illud: *Secundum indulgentiam*, non potest referri ad illud: *Nolite fraudare inuicem.* Ibi enim locum habet imperium, non indulgentia. Neque ad illud: *Nisi ex consensu ad tempus, ut vacetis orationi.* Nam abstinere ad tempus ex consensu, propter orationem, non eget indulgentia. Id enim dicimur indulgere, quod non libenter concedimus, sed quasi coactè. Paulus autem maximè cupiebat, ut continerent, cum dicat: *Cupio omnes esse sicut me ipsum.* Ergò illud: *Secundum indulgentiam*, refertur ad illud: *Iterum reuertimini in id ipsum.* Id enim Paulus non libenter concedit, sed indulget, propter incontinentiam eorum: ut exponunt Patres. Ergò, qui perpetuò continent ab vxore ex consensu, rem gratissimam Paulo faciunt; tantum abest, ut ipse id prohibuerit.

Secundò prob. ex Patribus.

Prob. 2. 68.

Tertiò, exemplis eorum, quos rectè fecisse, quòd ex consensu continentiam vouerint, nullo modo negari potest, cum sancti fuerint, & miraculis claruerint. Primum exemplum est, Mariz, & Ioseph. Quòd enim veri coniuges fuerint, pater ex Euangelio: *Ioseph, fili David, noliti timere accipere Mariam Matrem tuam.* Et: *Ioseph, vir eius, cum esset infans.* Quòd autem ex consensu perpetuo continuerint, certum est. Fuit enim error Heluidij à tota Ecclesia damnatus, quòd B. Maria non fuerit semper virgo.

Secundum est, Ammonis Monachi, qui cum vxore virgine ex consensu semper virga permansit, teste Palladio. Et quòd hoc Deo placuerit, ex eo manifestè colligitur, quòd eius animam S. Antonius in cælum ab Angelis defferri cum summa gloria vidit, ut refert S. Athanasius. Tertium exemplum est apud Cassianum, qui refert laicum quendam, quia cum vxore sua ex consensu continentiam virginalem colebat adeò claruisse miraculis, ut demonem quendam ferocissimum, quem Ioannes Abbas expellere ab obsessò corpore non poterat, ipse sola presentia mox expulserit.

Quartum est S. Paulini, & Therasiz vxoris, qui ex consensu votum perpetuè continentiz susceperunt.

Quintum est S. Maruriani, & Maximæ vxoris. Sextum est apud Gregor. Turonicum, qui refert, quòd cum ex duobus coniugibus, qui semper ex consensu castè vixerant, altera mortua esset, alter in hæc verba prorupit: *Gratias tibi ago omnipotens Conditor, quòd hunc prolium, sicut eam tradidisti impollutam, & ab omni voluptatis contagio puram, ita tibi restituo.* Illa vero, etiamsi mortua esset, subdant autem Sola, vir Dei, quia non est necesse proloqui nostrum nemine interrogante, secretum.

Septimum est, Eduardi Angliæ regis, de quo Surius ex antiquo manuscripto refert, quòd cum vtracum vxore, virgo permansisset, multis miraculis claruit, & post annos centum à morte innocentus est omnino integer, adeò, ut ne barba quidem illi, quæ prolixè, & cana fuerat, decidisset. Octauum est, S. Henrici, primi Imp. sed secundi Regis, & Kunegundis vxoris eius, qui similiter ex consensu virginis permanserunt, & miraculis claruerunt, adeò, ut vomerem cadentem sine læsione calcauerit S. Kunegundis in testimonium virginis.

virgi.

virginitatis. Nonum est Petri Vrſeoli, Ducis Venetorum, qui cum vxore ex consensu caſte viuens clariuit miraculis. Decimum est S. Catharina Suetiz, quæ cum viro ſuo virgo permanlit, & miraculis clariuit. Vndecimum est Boledai, pudici Polonorum Regis. Duodecimum est Alphonſi, ſecundi Regis Caſtellæ, qui etiam miraculis clariuit.

Prob. 4.

Quartò prob. ratione. Nam tota cauſa, cur non liceat viro profiteri continentiam, eſt, quia non habet poteſtatem corporis ſui: & nemo poteſt rem alienam donare inuito Domino. At iſta cauſa ceſſat, cum ex conſenſu fit vorum.

Quæſt. 2.  
Reſp.

ſeſſ. 24.  
can. 6.

Quarta difficultas eſt: *An per vota ſolemnia Matrimonium ſoluantur?* Eccleſiæ ſententia eſt, Matrimonium ratum ſolui per monaſticam profeſſionem; non autem conſummatum. Ita habemus in multis canonibus, quibus acceſſit Concilium Trident. *Si quis dixerit, Matrimonium ratum, non conſummatum per ſolemne profeſſionem alterius coniugum non dirimi, anathema ſit.*

Prob.  
pari 2.  
Mat. 19.  
1. Cor. 7.

Prob. ſecunda pars huius ſententiæ, primò ex Script. Nam, quod Chriſtus ait: *Quos Deus coniunxit, homo non ſeparet.* Et: *Qui dimiſerit vxorem, facit eam mœcham.* Et quod ait Apoſtolus: *Iis, qui matrimonio iuncti ſunt, præcipio non ego, ſed Dominus, mulierem à viro non diſcedere, &c.* in aliquo Matrimonio locum habere debet. Ergò ſaltem in Matrimonio conſummato. Si enim in hoc non habet locum, in nullo habebit. Secundò ex Patribus.

Prob. 1.  
pari 1.

Prima pars huius ſententiæ prob. testimonijs Eccleſiæ. Eriſi enim aduerſarij ea non recipiant, tamen, cum nulla ipſi in contrarium adferant, recta ratio docet, potiùs credendum eſſe multis ſanctis Pontificibus in iure Canonico, & Concilio generali Trident. quàm ſimplici inſciationi paucorum hominum.

Prob. 2.

Secundò prob. exemplis Sanctorum. Primum, quòd S. Theclam ante Matrimonij conſummationem S. Paulus à nuptijs reuocauerit, teſtantur Epiphanius, & Ambroſius. Secundum exemplum eſt S. Alexij, qui prima nocte nuptiarum vxorem intactam relinquens, peregrè profectus eſt, caſtamque vitam perpetuò duxit. Ita reſert Simeon Metaphraſtes in eius vitæ cuius hiſtoria totius Eccleſiæ à multis ſeculis celebratione confirmata eſt. Tertium exemplum eſt S. Euphrasiz, de qua ſimile reſert idem Metaphraſt. Quartum exemplum eſt S. Ceciliz, quæ, teſte eodem, prima nocte nuptiarum negauit viro ſuo Valeriano coniugale debitum, quia nimirum continenter viuere volebat. Quintum eſt apud Auguſtinum, qui ſcribit, duos milites, ſecta Antoniij vita, mox vota Monaſtica ſuſcepiffe, relictis ſponſis, quas habebant: illas verò, cum id cognouiſſent, ſimiliter feciſſe. Sextum eſt S. Leobardi, qui, teſte Gregor Turon. rupit fœdera nuptialia cum honeſta puella inita, & inuitis parentibus Monachus factus eſt. Septimum eſt apud Gregor. qui dicit, Gregoriam ſacram virginem, nuptijs iam conſtitutis, ad Eccleſiam conſugiſſe & ſancti monialis vitæ habitum petiſſe, & impetraſſe.

L. 8. confeſſ.  
c. 6.

L. 3. Dial.  
c. 14.

Prob. 3.  
1. cano.

Prob. vltimo duplici ratione. Prima eſt, quia ratio ipſa docet, ſemper eſſe licitum tranſiſe de ſtatu minus perfecto ad perfectiorem, ſi id poſſit fieri ſine vilius detrimento. At ſtatus coniugij eſt imperfectior ſtatu religionis: ergo poterit ab vno ad alium fieri tranſitus, quando id fiat ſine vilius detrimento.

Fit



Fit autem sine vllus detrimento, quando matrimonium estratum, sed non consummatum. Nam, cum matrimonium est consummatum, duplex detrimento oritur, si dirimatur. Vnum proliam natæ, vel conceptæ, quæ non poterit tam bene educari. Alterum ipsi coniugi, quæ manet ligata, nec potest alteri nubere: quando etiam posset, non tam commodè, cum non sit amplius virgo. At nihil horum inuenitur in matrimonio non consummato. Ibi enim nulla est proles, & vxor potest alteri nubere, & æquè bene, atque antea, cum adhuc sit virgo, & nihil infamiae incurrat ex tali reprobio.

Altera ratio est: Nam in Matrimonio duplex inuenitur vinculum: vnum spirituale, quod ex solo consensu nascitur, alterum carnale, quod nascitur ex copula: sed istud carnale dirimitur per mortem corporalem. Ergo vinculum spirituale per mortem spirituale, & ciuilem. Talis est monastica professio, quæ homo toti mundo quodammodo moritur: Ergo, &c. Et ex hac etiam ratione patet, cur non dirimatur tale Matrimonium per ordinem sacrum: nam facer ordo non requirit mortem illam spirituale, seu ciuilem, qua quis opibus, & propriæ voluntati renunciet.

## CAPVT XVIII.

## De Eremitis.

VITAM Eremiticam, sanctam, perfectam, & Deo gratam esse prob. I. Testimonio Script. quæ vehemeter laudat Eliam, & Ioannē, qui Eremitarum Principes fuerunt, siue solitudinem, siue asperitatem vitæ consideres. Nam de Ioanne dicitur: *Inter natos mulierum non surrexit maior Ioanne.* Helias autem quantus fuerit, vel ex eo patet, quod in laudibus Ioannis Angelus posuerit, futurum illum similem Helix. *Ipsē, inquit, præcedet in spiritu, & virtute Helia.* Porro Helias, vt plurimum, versabatur in monte Carmelo, & pilis induebatur, zona pellicea præcinctus erat. Similiter Ioannes vixit in deserto ab infantia ad finem vsque vitæ, & pilis camelorum induebatur, præcinctus zona pellicea, victusque eius erant, locustæ, & mel syluestre. Quocirca veteres Patres Heliam, & Ioannem, Eremitas, & Principes Eremitarum faciunt.

Fuisse autem Ioannem in verissimo deserto, prob. primò, quia vox, desertum, quæ in Script. frequentissima est, semper accipitur pro vero deserto. Secundo prob. Nam dicitur: *Erat in deserto vsque ad diem ostensionis suæ ad Israël.* Ergo non viderunt illum Israëlites vsque ad annum eius 30. quo nimirum se ostendere, & prædicare cœpit. Ergo toto illo tempore non habitauit in domo parentum, vel in oppidis, & pagis; sed in verissimo deserto. Terriò ex illis verbis: *Factum est verbum Domini super Ioannem Zaccaria filium in deserto, & venit in omnem regionem Iordanis, prædicans Baptismum; ænitentia.* Vbi notandum

est, eam regionem Iordanis, ubi Ioannes. predicabat, fuisse etiam desertam. Sic enim ait Matth. de eadem re loquens: *In diebus illis venit Ioannes Baptista in deserto, predicans Baptismum penitentia.* Ergo Ioannes venit à deserto in desertum: sed prius illud desertum, ubi mansit Ioannes, antequam predicare inciperet, adeò erat desertum, ut eius comparatione illud alterum non videretur desertum: nam aliqui cur Lucas diceret: *Venit à deserto in regionem*; si hæc regio erat æquè deserta? Itaque vera est Euthymij sententia, duplex fuisse in Iudæa desertum. Vnum interius, quò nimirum nemo, aut rarissimi penetrabant. Alterum exterius, ubi non habitabant quidem homines, tamen per illud sæpius iter faciebant: Ac Ioannem quidem vsque ad annum xxx. fuisse in interiori deserto; deinde postremo vitæ suæ anno in exteriori. Possumus addere quartam rationem ex dubitatione Iudeorum, qui petunt à Ioanne, quis ipse sit; num Helias, aut aliquis alius? Si enim versatus fuisset semper in domo parentum certè sciuisset, illum esse Ioannem filium Zachariæ, & Elizabeth. Et quia videbant eum vestitum eo modo, quo Script. testatur, indui consueuisse Heliam, & simul sciebant, rediturum Heliam ante Christi aduentum, ideò quærent: *Helias es tu?* Accedunt vltimò testimonia Patrum.

Iam verò de Ioannis veste, quod non fuerit ex panno, nec vllò modo mollis, & delicata, patet ex illis verbis Domini: *Quid existis in desertum videre? hominem mollibus vestitum? ecce qui mollibus vestiuntur, in domibus regum sunt.* Vnde Chrysost. dicit, Ioannis vestem compunctioni, & penitentia accommodatam fuisse, ac cilicinam fuisse ad mundi contemptum indicandum. Et cur quæso, S. Euangelista tam sollicitè nobis Ioannis vestem descripsit, si ea communis, & ordinaria erat? Cur vestem Christi non etiam descripserunt Euangelistæ, si persona, & non ipsius vestis ratio habebatur?

Porrò de victu, quòd locustæ illæ non fuerint pisces delicati: sed aut veræ locustæ, quæ sunt minuta animantia, vel certè herbarum summitates, patet primo, quia vox Græca, *ἀκρίδες*, nihil aliud potest significare, ut Euthymius docet. Secundò, quia Christus ait: *Venit Ioannes non manducans, nec bibens*; id est, vsque adeò tenui cibo, & potu utens, ut nullo uti videatur. Terriò, quia sic exponunt omnes Patres.

Prob. secundò vitæ eremiticæ institutum ex testimonijs SS. Patrum, qui vno consensu illud approbant.

Tertiò prob. rationibus. Prima ratio sumitur ab effectu. Videmus enim magnam partem veterum Eremitarum euasisse viros perfectissimos, & miraculis clarissimos: cuius rei testes sunt omnes earum rerum scriptores. Ac, ut de ceteris taceam, certè Paulum, primum Eremitam, Deus non pauiserat annos LX. mittens ei per coruum singulis diebus dimidium panem; neque Antonius vidisset animam eius ad chorum Apostolorum in celum deferri; neque leones sepulchrum illi effodissent, nisi summa illius solitudo 100. fere annorum, & maxima vitæ austeritas Deo placuissent.

Secunda ratio: Vita Eremitica est culmen, & fastigium vitæ religiose: nam omnes ferè Patres docent, ad vitam Eremiticam non debere quenquam transire, nisi prius diligeat in cœnobio se exercuerit, propterea quòd Eremitus non adferat perfectionem, sed præsupponat. Et hæc fortasse est ratio, cur liceat.

Luc. 7.

Prob. 2. Vita

Eremitica.

Prob. 3.

1. Ratio.

2. Ratio.

liceat omnibus ferè Religiosis transire ad Ordinem Carthusiensem, quia nimirum vita illorum est solitaria, & proinde perfectiorum. Cùm igitur vita Eremitica perfectissima sit, non potest Deo non esse grata.

Tertia ratio: Austeritas, & solitudo sunt optima media ad optimum finem. *3. Ratio.* Nam finis austeræ, & solitariae vitae est, contemplatio Dei, rerumque celestium: eam autem optimam partem Dominus vocat. Medium autem ad contemplationem omnium optimum est, habere animum collectum, & intentum; cui rei mirum in modum deferuit solitudo, quæ omnem strepitum rerum, quæ animum distrahere possent, procul arcet. Hinc Dominus, quotiescunque orare volebat, pergebat in montes, & loca deserta: *Ipse autem secedebat in desertum, & orabat.* Moysi quoque cùm Deus loqui vellet, iussit ut solus ascenderet in montis verticem, & caliginem intraret, nimirum ut nihil videre posset, quod animum eius à Deo auocaret. *Luce 10. Luc. 5.*

Scribit etiam B. Hieronymus, adeò hoc esse verum, ut etiam multi Philosophi ductu naturæ in desertis habitauerint, & quidam etiam oculos sibi eruerint, ut sine distractione contemplari possent. Idem de ieiunio, & reliqua vitae severitate dici potest. Nam, quòd Ieiunium medium sit optimum ad orationem, patet ex eo, quòd in Scriptura ubique iungitur orationi. *Bona est oratio cum ieiunio.* Et: *Hoc genus non excitar, nisi in oratione, & ieiunio.* Item: *Et hac non discedebat à templo, ieiunans, & obsecrationibus seruans nocte, & die.* Et: *Vi vacetis orationi, & ieiunio.* Dicit Chrysost. ieiunium esse animæ instar alarum, ut sursum ferri, & summa contemplari queat. Et quisque experitur, cùm caro viget, & floret, & in delitijs agit, animum quoque fieri quodammodo carnalem, & terrenum, & magis de luxuria, quàm de temperantia cogitare. Quocirca etiam Plato locum pestilentem elegit, ubi verfaretur, & doceret, ut discipuli eius nihil amarent, nisi sapientiam. Et Pythagoræi vitarunt non solum vrbes, sed etiam hortos, & omnia loca, quæ voluptatem adferunt, ne animi mollescerent, & à studio sapientiæ retardarentur. Similiter Sacerdotes Aegyptiorum, ut vacarent contemplationi syderum, neque uxores habebant, neque ullam propinquorum videbant & cibo tenuissimo utebantur.

Scribit etiam Galenus, animas hominum voluptatibus deditorum in multo sanguine, tanquam in luto, demersas, nihil subtile, & cæleste contemplari posse. *In exhortatione medicina.*

Quamquam autem sancti illi Eremitæ non solum propter contemplationem ita seuerè vivebant, sed etiam alijs iustissimis de causis.

Primò, quia loci natura id exigebat; nec enim poterant, etiamsi voluissent, eas commoditates vitæ in deserto reperire, quæ in vrbus reperiuntur. Et hæc est causa, cur Paulus primus Eremita folijs palmarum indueretur, & fructibus eiusdem arboris aleretur, quia nimirum nihil aliud ibi erat. Et similiter, cur Ioannes locustis, & melle siluestri viveret, quia eiusmodi rebus illa Eremita abundabat.

Secundò, quia occupati delitijs animi, partim obliuiscabantur corporis, ut de Ioanne Abbate refert Cassianus, qui non recordabatur, an pridie comedisset, nec ne: partim etiam egrè ferebant istam corporis seruitutem; & idè quo rariùs, & breuiùs poterant necessitati corporeæ satisfacere, eo se feliciores

putabant. Multi enim propter auiditatem spiritualium epularum, vix quinto, aut sexto quoque die corpus reficiebant. Tertiò, quia nouerant, Deo gratissimam esse victoriam cupiditatum, & patientiæ exercitationem. Quia enim caro semper concupiscit contra spiritum, placet Deo, vt spiritus semper concupiscat aduersus carnem.

Quartò, ad fructus dignos pœnitentiæ peragendos, & pro peccatis satisfaciendum. Sancti enim, qui seriò iustitiam esuriunt, & leues culpas grauiter vindicare solent. Et hæc est vna ex præcipuis causis, cur Ioannes Bapt. tam seuerè vixerit. Nam & si ipse nulla fortasse peccata actualia habuit, tamen quia missus à Deo fuerat, vt pœnitentiam prædicaret, voluit exemplo, & verbo eam prædicare.

## C. A. P. V. T. X. I. X.

## De habitu, &amp; tonsura Mönachorum.

*Habitus Monachorū.* **D**E habitu, quod antiquissimum sit institutum, vt, qui profitentur mundi contemptum, & pœnitentiam, singularem, & notabili habitu induantur, patet ex antiquis Patribus. Adde duo Concilia. Nam Gangense reprehendit eos Monachos, qui ob habitum superbiebant, & contemnebant alios Christianos, qui communibus vestibus utebantur. Concilium Carthag. I. V. distinguunt habitum laicalem ab habitu religioso. Quod autem ad rationem habitus monastici attinet, ea redditur à Patribus. Nam, cur vestem muret Monachus futurus, rationem dicit esse Dionysius, vt significetur vitæ mutatio. Cur proprio, & certo vtantur Religiosi vestium genere, rationes duas reddit Basilius.

Prima est, ad designandam propriam professionem. Si enim conuenit, vt aliter vestiantur Senatores, aliter milites, aliter nobiles, aliter rustici: & si Paulus iubet virum aperto capite orare ad significandam potestatem, mulierem verò velato ad significandam subiectionem, cur non conueniet Religioso, certam vestem deferre ad significandum statum suum?.

Secunda ratio est, vt Religiosi saltem inniti cogantur rectè viuere. Nam, si non haberent certum habitum, non internoscerentur ab alijs; at nunc ab omnibus statim cognoscuntur, & obseruantur, & si quid agant contra suam professionem, ab omnibus notantur, & reprehenduntur. Cur autem vtantur cucullis, rationem esse dicit Cassianus ad designandam simplicitatem, innocentiamque infantilem, ad quā Mönachi redire cupiunt. Infantes enim, dū adhuc in fascijs, & sinu nutricis versantur, velis quibusdā, quasi cucullis teguntur. Cur autem veste horrida, vt sacco; aut certe simplici, & vili vtantur, causam reddunt Hieron. & Cassianus, tum ad agendam pœnitentiā, tum ad mundi contemptum demonstrandum. Nam saccos, & asperas vestes habitum esse pœnitentiū, Script. testatur, cum inducit Achab pœnitentē, sacco indutum, & Eliam veste pilosa tectū, & Ninuitas sacco vestitos: & Ioannē pilis camelorū vtentem.

3. Reg. 21.

4. Reg. 1.

Iona.

Matth. 3.

tem: & denique multos alios *circumcumes in melioris, & in polibus caprinis:*

Porrò antiquitas tonsuræ patet etiam ex Patribus: quibus adde Concilia. Nam Concilium Carthaginense IV. prohibet, clericos alere comâ, aut barbâ. Concilium Tolet. IV. iubet, vt omnes Clerici toto capite tonsos solû circulum capillorum supra aures relinquant. Ex quo apparet, olim eandem fuisse coronam Clericorum, & Monachorum: sed Monachi quidem seruârunt antiquâ consuetudinem, Clerici verò magna ex parte illam mutauerunt. Ratio autem tonsuræ adfertur ab Isidoro; quòd nimirum Monachi tondebantur ad imitationem Nazaræorum, qui in die consecrationis suæ tondebantur: Nazaræi autē sunt Monachi Testamenti veteris. At hæc ratio mihi non probatur: quidem Nazaræi tunc solûm tondebantur, cum Nazaræi esse desinebant; insignesque illorum erat longa cæsarëis, vt patet ex eodem cap. Numm.

Imò Epiphanius probat, nostros Monachos debere esse tonsos, quia gere comam longam est proprium Nazaræorum Testamenti veteris. Sicut etiam Augustin. dicit, Patres Testamenti veteris meritò gestasse longos capillos, quia mysteria redemptionis nondum reuelata erant. Idem enim significabant velamen positum in facie Moysis, & coma longa Sanctorum. At nunc, posteaquam Christus apparuit, conuenit, vt, qui Christo sunt consecrati, contrarium significant ablatione comarum. Et hæc est prima ratio tonsuræ.

Secundam reddit Bedâ, ad exprimendam imaginem spinæ & coronæ Christi. Vt enim omnes Christiani signo crucis communi ornantur, ita parerat, vt Clerici, & Monachi, qui specialius Christum patientem imitari volent, speciali signo ornentur.

Tertiam, & quartâ rationem reddunt Isidorus, & alij. Dicunt enim, tondere capillos, qui sunt superflui quædâ corporis partes, ad significandum, debere Clericos, & Monachos omnia superflua, & præcipue vitiosas cupiditates amputare, vt sic maneat vertex, id est animus, liber, & apertus diuinis contemplationibus, & illustrationibus. Et rursus, sic tonderi dicunt, vt relinquatur circulus capillorum, ad significandam regiam coronam; quandoquidem seruire Deo regnare est.

Quintam reddit Dionysius, vt significetur illâ nudatione capitis vita pura, & aperta, non fucata vlla specie, quam Monachus exhibere debet.

Possent addi sexta ratio: nimirum, vt signum esset Pœnitentiæ, & cōuersionis: nam pœnitentes olim non, nisi confisi, recipiebantur. Porrò tonsura Sanctorum testimonialium reddit Hieron. rationem, quoniam non lauabant vnquam, nec vnguebant caput, & periculum erat, ne à paruis animalibus, quæ inter cutem, & crines oriuntur, & conerētis sordibus opprimerentur. Quiaquam negari non potest, quin etiam id fiat ad contemptum mundi demonstrandum: solent enim scilicet capillos plurimi facere: Est autem obseruandum olim nō tam rasuram, quam tonsuram fuisse in vsu. Tondebantur enim dimissæ quidem, sed ita tamen, vt cutis tecta maneret. Id apparet ex antiquis Patribus. Nec tamen propterea reprehendimus vsu huius temporis, quo monachi, & Clerici raduntur: nam nec vnquam fuit prohibitum radi; & præterea eiusmodi ceremoniæ pro temporum, & locorum diuersitate variari possunt.

## CAPVT XX.

## De bonis Monachorum.

4. Modi viuendi Religioſorum.

QUATVOR ſunt modi viuendi apud homines Religioſos. Vel enim viuunt ex labore proprio, vendentes aliquid, & ementes aliud: vel viuunt ex bonis ſuis communibus, id eſt, ex bonis, quæ Religioſi ipſi ad Monasterium adferunt, & in commune conſtituunt: vel ex bonis relictis, & donatis à pijs viris: vel ex mendicatione.

Prob. Licet Monachis laborare. 2. Theſſ. 2.

Ad. 20. Ephes. 4. 1. Theſſ. 4. 8. Cor. 9.

De primo genere, Primum licere Monachis ex proprio labore viuere, patet ex Apoſtolo, qui ſe laboraſſe, & operatum dicit, ne quenquam grauaret, & alios monet, vt operentur, & laborent. Quia verò reſpondent heretici, B. Paulum loqui de opere ſpirituali, id eſt, de oratione, & exhortatione, notanda ſunt alia loca, vbi expreſſè ponitur labor manuum. Et: *Ad ea, quæ mihi opus erant, & his, qui mecum ſunt, miniſtrauerunt manus iſtæ.* Et: *Qui ſurabatur, iam non fuerit, magis autem labores operando manibus ſuis.* Et: *Operamini manibus veſtris.*

Ad hæc; Idem Apoſtolus dicit, ſe operatum, cùm tamen liceret ſibi ſecundum Domini ordinationem non operari. At certè non licebat ei ſecundum Domini ordinationem non concionari, & non orare. Ait enim: *Si non euangelizauero, va mihi.* &c. Loquitur igitur de corporali labore, cùm dicit, ſe laboraſſe, cùm tamen non teneretur.

Porro Dominus quidem prohibet ſæpe in Euangelio immoderatam, & ſuperfluam ſollicitudinem: non autem moderatam, quærendo cibum proprio labore. Poſſe autem tribus modis eſſe immoderata ſollicitudo.

Ad. 13. 6.

Primo, ratione finis, vt ſiquis quærat cibum præcipua intentione, quaſi ſit ille vltimus finis: vt faciunt, qui euangelizant, vt comedant; cùm deberent comedere, vt euangelizent. Atque hoc reprehendit Dominus, cum ait: *Primum quærite regnum Dei, &c.* Et: *Operamini non cibum, qui perit, ſed qui permanet in vitam æternam;* id eſt, primaria intentione quærite cibum ſpiritualem, ſecundaria corporalem.

Ad. 13. 6.

Secundo, ratione diffidentie immoderata eſt ſollicitudo; vt, cum quis adeo ſollicitus eſt de rebus temporalibus, vt vix poſſit credere, ſibi Deum ad futurum in illis acquiſendis, etiam ſi adhibeat ipſe quoque ſuum laborem. Et hoc reprehendit Dominus, cum ait: *Noliſte ſolliciti eſſe,* &c. Vult enim perſuadere fidelibus confidentiam in Deum. Et ſanè perſuadet efficacisſimis argumentis: nam, ſi Deus, inquit, paſcit aues, & veſtit lilia, quæ eum non norunt: immo etiam prouidet Gentilibus, qui eum blaſphemant: quomodo vobis cultoribus ſuis poterit deeſſe? Et, ſi vobis corpus, animam donauit, quæ maiora ſunt, quomodo credibile eſt, non daturum cibum, & veſtes, quæ ſunt minora?

Tertio,

Tertio, immoderata est sollicitudo ratione temporis; vt cum quis homine sollicitus est pro ea re, pro qua satis tempestiue cras inciperet sollicitus esse. Et hoc reprehendit Dominus, cum ait: *Nolite solliciti esse de crastino. Ibid.*

*Sufficit diei malitia sua.* Vbi notandum non reprehendi providentiam parandi necessaria pro tempore futuro: alioqui peccasset Ioseph, qui recondidit frumenta pro futura sterilitate. Etiam Dominus ipse habebat loculos, vt emeret cibos. Itaque vocatur sollicitudo de crastino, & mala est illa, quæ non convenit præfenti temporis secundum rectam rationem.

Gen. 41.  
Iam 19.

Secundò; Non teneri Monachos ad victum labore manuum quærendum magis, quàm sæculares, prob. primò. Vel laborare manibus est præceptum, vel concilium. Si primum, omnes obligat, tam sæculares, quàm Religiosos. Præcepta enim dantur omnibus: omnibus enim dicitur: *Si vis ad vitam ingredi, serva mandata.* Si secundum; ergò nemo tenetur laborare manibus, nisi qui sponte ad huius concilij obseruationem se obligauerit: talis enim est natura omnium consiliorum: ergò Religiosi, qui id consilium non repperunt, non tenentur manibus laborare. Non enim tenentur Religiosi ad omnia consilia; sed solum ad illa, quæ sponte suscipiunt.

Prob. 1. non teneri Monachos laborare.

Secundò; Si tenerentur Religiosi laborare manibus magis, quàm sæculares; aut id esset ex præcepto naturali, aut ex positiuo: neutrum autem dici potest. Quòd enim non ex positiuo, patet, quia nullum tale extat. Quòd non ex naturali, prob. Nam præceptum de laborando, vt est naturale, dupliciter obligat. Vno modo absolute, alio modo in certo casu. Primo modo, non obligat singulos, sed Remp. vt patet; debent enim in ea alij esse opifices, alij agricolæ, alij medici, alij iudices, &c. Et ex hac parte non convenit Religiosis laborare manibus: illi enim officium habent in Rep. orandi, psallendi, & similia faciendi. Secundò modo, tenentur quidem singuli hoc præcepto, sed non minus sæculares, quàm Religiosi: nam omnes casus, in quibus obligantur singuli laborare manibus, non minus accidere possunt secularibus, quàm Religiosis. V. gratia, vnus, & præcipuus casus est, si quis nihil habeat, vnde viuat, nec possit licite habere, nisi operando. Alius casus est, si quis teneatur providere alteri de cibo; & non possit licite eum inuenire, nisi operando. Tertius est, si quis non possit otium fugere, vel tentationes carnales superare, nisi operando corporaliter. At omnes tã sæculares, quàm Religiosi, tenentur providere, ne moriantur fame, & ocium fugere, ac superare tentationes omnes: igitur tenentur eodem modo laborare.

Prob. 2.

Tertio prob. ex Apostolo, qui non scribit Monachis, sed sæcularibus. Nunquam etiam præcipit operari absolute, sed solum ad evitandum furtum, vel scandalum, vel ocium. Nam ait: *Qui furabatur, iam non furetur, magis autem laboret operando manibus suis.* Et alibi, posteaquam dixerat, vt operarentur, subiungit rationem: *Vt honeste ambuletis ad eos, qui foris sunt, & nullius aliquid defideretis.* Vbi illud, *defideretis*, non significat, concupiscatis; sed, careatis. Sic enim est in Græco: *ἵνα μὴ ὀφείλητε τι*, id est, vt nullius indigentiam habeatis. Scandalizabantur enim infideles, cum videbant, Christianos ex alienis bonis velle vivere. Et postquam dixerat: *Qui non laboret, non manducet;* subdit: *Audimus enim, quosdam inter vos inquietos esse, nihil operantes, sed curiosi*

Prob. 3.

Ephess. 4.

1. Tess. 4.

2. Tess. 3.

AGEN-

*agentes.* Qui ergo possunt furtum euitare, & scandalum, & ocium alio modo, quàm corporaliter operando, eos Paulus non obligat corporaliter operari.

*Obser.  
Solus.*

Nec obstat consuetudo antiquorum Monachorum: nam Monachi illi fuerunt obligati operari manibus ex proprijs regulis. Cur autem eiusmodi regulam constituerint, causa est duplex. Vna, quia non poterant aliter sustentari: nam nec habebant pradia, & possessiones sibi relictas, vt nunc habeant multi Monachi; & eleemosinas à populo petere nec audebant, cum populo non seruirent; nec villo modo id sufficeret; nam vno in loco sub vno Abbate debebant terna, vt minimum, hominum millia. Altera ratio, quia illi Monachi, cum non essent Clerici, sed laici omnes, excepto Abbate, non erant satis occupati; & ideo ad fugiendum ocium necessarium erat illis laborare.

*Prob. modus  
vivendi 2.  
Act. 4.*

De secundo modo viuendi nulla potest dubitatio esse: nam in primis talis fuit vita primorum Religiosorum sub Apostolis: vnusquisque enim adferbat precia suorum rerum Apostolis, & inde diuidebatur cuique, sicut cuique opus erat. Deinde, talis etiam fuit vsus antiquorum Monasteriorum, vt reciperet, si quid ij in commune dare volebant, qui Monachi fiebant. Et hinc nata sunt illæ leges Iustiniani, in quibus statuitur, bona eorum, qui Monachi fiunt, eo ipso ad Monasteria, quæ illi ingrediuntur, pertinere, quanquam hoc tempore multæ religiones huic privilegio renunciauerint.

*Prob. 1.  
modus.  
Concione 3.  
in Psal. 103*

De tertio modo nulla quaestio esse deberet. Nam Augustin. explicans illud: *Cedri libani, quas plantauit, illic passeris nidificabunt;* dicit, cedros esse homines potentes, & diuites; passeris autem esse Religiosos pauperes. Nidificare vero passeris in cedris significare, quod Religiosorum monasteria à diuitibus huius seculi eligantur, & sustententur. Hieron. laudat S. Paulum, quod ex rebus suis quatuor monasteria edificasset, & sustentasset: vnum Monachorum, & tria sacrarum virginum. Gregorius Papa, vt scribit Ioannes Diaconus, ex patrimonio suo septem monasteria erexit, & singulis pradia, & possessiones attribuit; sex in Sicilia, vnum Romæ. Similia exempla Caroli Magni, Caroli IV. Henrici II. & aliorum optimorum Principum plurima adferri possent.

*Prob. 1.  
modus 4.*

De quarto modo viuendi præcipua est difficultas. At nihilominus vitæ Religiosorum mendicantium approbarunt, tanquam sanctam, & perfectam, multi summi Pontif. vt Innocent. III. Honorius III. Gregor. III. Innocent. IV. Alexand. IV. Nicolæus IV. nec non Concilium Lugdunense generale, & Constantiense. Rectè autem hanc vitam esse approbatam, ostenditur rationibus.

*Lac. 9.*

Primò, exemplo Domini: nam Dominus non habuit possessiones, neque proprias, neque communes: vt patet: *Vulpes foueas habent, & volucres cæli nidus; Filius autem hominis non habet, vbi caput suum reclinet.* Et quod non operetur manibus, sed ex eleemosynis fidelium vixerit, patet ex eo: *Mulierem aliquam ministrabant ei de facultatibus suis.* Item, ex tota eius vita: siquidem natus est in domo aliena, vixit in domibus, & ex rebus alienis; nunc enim prahdebat apud Marthâ, nunc apud Simonem leprosum, nunc apud Zacharum, nunc

*Luc. 6.*

in



In domo Petri, nunc in domo Matthæi, equitavit in fumento alieno; fecit ultimarum cenarum in domo aliena: sepultus est in sepulchro alieno. Vnde dicit: *Ego autem mendicus sum, & pauper.* Et: *Qui per seculum est hominem inopem, & mendicum.* Quibus in locis vox Hebræa habetur etiam in Deut. ubi dicitur: *Non erit in te mendicus.* Certum autem est utrumque Psalmum de Christo intelligi. Nam priorem allegat Paulus de Christo: *In capite libri scriptum est de me.* Posteriorem allegat Petrus: *Scriptum enim in libro Psalmorum, Episcopatum eius accipiat alius.* Item: *Propter vos egenus factus est, cum esset dives.* Græcè, *ἐν τῷ χυλῷ.* Significat enim *πτωχὸς*, mendicare. Vnde apud Homerum: *δαῖτα πτωχῶν*, prandium mendicare.

*Psalm. 109.*  
*Psalm. 108.*  
*Deut. 14.*  
*Heb. r. 9.*  
*Ab. 1.*  
*Odiss. 17.*

Secundò prob. exemplo Apostolorum. Nam illi omnia dimiserunt: *Eccē nos reliquimus omnia.* Nec habuerunt possessiones in communi, ut patet: *Non habite possidere aurum, neque argentum in zonis, nec duas tunicas, &c.* Nec operabantur manibus, sed vivebant ex liberalitate eorum, quibus prædicabant. Talis autem est vita mendicantium. Vnde S. Franciscus, qui cum S. Dominico primus auctor fuit huius instituti, pro regula suscepit decimum caput Matthæi.

*Prob. 2.*  
*Matth. 19.*  
*Matth. 10.*  
*1. Cor. 9.*

Tertiò prob. ex euentu. Nam hoc genus vitæ innumeris signis, & prodigijs confirmatum est, quæ Deus edidit per sanctos Franciscum, & Dominicum auctores huius vitæ: deinde ab eo tempore conuersio Gentilium, confutatio Hæreticorum, pietas populi Christiani, conseruatio Theologiæ, & innumera alia bona ordinibus mendicantium maxima ex parte accepta referenda sunt.

*Prob. 3.*

## CAPVT XXI.

## De ipsa politica potestate.

DE hac dux sunt quæstiones. Prima: *An politica ista potestas sit res bona, & proinde Christianis licita?* Resp. quòd sic. Et prob. primò ex Script. Nam Script. Testam. veteris plena est testimonijs. Iudices populi à Deo ipso vocantur Dij: sicut etiam ibi: *Deus stetit in synagoga Deorum, in medio autem Deos diiudicat:* cuius vocabuli rationem explicat Iosaphat, qui dicit, iudices non hominum, sed Dei iudicia exercere, id est, loco Dei iudicare. Et similiter monet Moyses iudices populi, ut iuste iudicent, quia Dei iudicium est. Et Christus: *Si illos dixit Deos, ad quos sermo Dei factus est, quem Pater sanctificauit, & misit in mundum, &c.* Vbi Christus vult dicere; Si Principes Deus vocat Deos, quia ad illos mandatum diuinum factum est, ut iudicent loco suo, cur non magis, &c. Non enim quadrat, quod alij dicunt, vocatos Deos eos omnes, quibus Deus locutus est. Si ergo Principes vocantur Dij, quia locum Dei tenent, non potest reprehendi munus Principum, nisi reprehendatur Dei ipsius munus.

*Quæst. 1.*  
*Exod. 22.*  
*Psalm. 82.*  
*2. Paral. 19.*  
*Deut. 1.*

*1. Cor. 10.*

M m

Præ-

Deut. 17.  
Ind. vñ.

Præterea; Moyses describit leges Regi futuro; & in libro Iudicum causam reddere volens Spiritus sanctus omnium malorum, quæ acciderunt illo tempore, dicit: *In diebus illis non erat Rex in Israël, sed unusquisque, quod bonum sibi videbatur hoc faciebat.* In eodem libro Iudicum, & in lib. Regum passim habemus, Deum excitasse Israël iudices, aut Principes, per quos pop. liberaret.

Pren. 2.  
Prob. 2.

*Per me Reges regnant.*

Secundò prob. ab exemplis. Nam si res mala esset Principatus, numquam viri sancti eum gessissent: at habemus in Script. plurima exempla sanctorum Principum, vt Melchisedech, Regis Salem; Iosephi Patriarchæ, qui toti Ægypto vtilissimè præfuit; Moysis, Iosue, omnium ferè Iudicum, Davidis, Salomonis, Ezechiz, Iosaphat, Iosue, Danielis, Mardochæi, Nehemiz, Machabzorum, & aliorum. In Testamento nouo videmus, Regulum credidisse in Christum, nec tamen iussu renunciare Principatui: Et similiter Proconsulem conuersum à Paulo non propterea deposuisse Magistratum. Videmus deinde à Fabiano Papa, & Martyre, & à tota Ecclesia admissum fuisse Philippum Imp. nec illi imperatum, vt deponeret Imperium.

Laon. 4.  
Añ. 13.

Quòd autem non sit in Testam. nouo maior copia exemplorum, ratio est, quia Deus voluit Ecclesiam suam inchoare ab hominibus pauperibus, & vilibus, ne putaretur augmentum: Ecclesiæ opus humanum, si fauere Princip. creuisset. immò è contrario voluit Dominus primis CCC. annis vt Ecclesia totis viribus oppugnaretur ab Imp. totius mundi, vt inde ostenderet opus suum esse, Ecclesiæ; & plus posse illam patiendò, quàm possent illi cruciandò. Vnde Augustin. dicit, Deum voluisse primo tempore impleri illam partē Psal. *Astiterunt Reges terra, &c.* Deinde sequenti tempore illam aliam: *Et nunc Reges intelligit, &c.* Sicut reuera impletum videmus in Constantino, & successoribus eius: siquidem videmus Constantin. diuinitus edoctum, & vocatum à Deo singulari miraculo, vt Euseb. scribit. At si res mala esset Principatus, quare Christus ipse Constantinum ad Ecclesiam vocasset?

1. Cor. 1.

Epist. 50.  
Fol. 2.

L. 1. De vita  
Constant.

Vbi nota obiter dissonantiam circa hanc historiam. Nam Eusebius refert, eum corporeis oculis vidisse in itinere supra solem signum crucis, cum illis litteris: *In hoc vince*: & idem signum à toto exercitu conspectum; & noctu. postea ei apparuisse Christum; qui mysterium explicauerit: atque hæc omnia se ab ipso Constantino coram audiuisse. At in historia Ecclesiastica Euseb. à Rufino versâ habetur, Constantinum per sompnum vidisse signum crucis in cælo, & deinde Angelos ei dixisse: *In hoc vince.* Itaque verisimile est, quod in historia habetur, à Rufino additum fuisse.

L. 9. c. 9.

Alia plurima exempla addi possent, Iouiniani, Gratiani, Theodosij iunioris, & senioris, Caroli Magni, Ludouici Pij, Othonis I. S. Henrici Imper. S. Ludouici, Regis Franc. aliorumque multorum, qui vel in Britannia, vel in Hungaria, vel in Boëmia, vel in alijs regionibus sanctissimè regnarunt.

2. ad 30.

Tertiò prob. à fine Principatus enim politicus adeò naturalis, & necessarius est humano generi, vt tolli non possit, quin natura ipsa destruat; hominis enim natura est, vt sit animal sociale. Nam bruta quidem sunt à natura ita instructa, vt possint sibi sola sufficere: homo autem tam multis rebus indiget

diget, vt solus viuere nullo modo possit. Nam bruta nascuntur vestita, armata, & habent æstimatiuam ita determinatam ad omnia, quæ sibi conueniunt, vt naturaliter sine vll'o doctore statim nouerint nidos ædificare, alimenta querere, & medicinam etiam sibi ipsis facere: at homo nascitur sine vestibus, sine domo, sine alimentis, omnium rerum egenus; & quanquam habet manus, & rationem, quibus omnia instrumenta parare potest, tamen singula longum tempus requirunt, & adeo longum, vt sit impossibile sibi vnum hominem sufficere ad omnia, præsertim cum nascamur rudes, & artes magis doctrina, quàm experientia discantur. Ergo necesse est, vt simul viuamus, & vnus alium iuuet.

Præterea; Etiam si quisque sufficeret sibi ad viuendum, tamen numquã sufficeret ad prætegendum se ab impetu ferarum, & latronum; sed ad hoc necesse est conuenire, & collatis viribus resistere: & licet sufficeret sibi etiam contra hostes, tamen semper maneret rudis, & expers sapientiæ, & iustitiæ, multarumque aliarum virtutum, cum tamen ad hoc nati sumus, vt mentem, & voluntatem præcipue exerceamus; nam scientiæ, & artes longo tempore, & à multis inuentæ sunt, & sine doctore percipi non possunt; iustitia autem non, nisi in societate, exerceri potest.

Denique; Donum loquendi, & audiendi, id est, percipiendi distinctè verba, quorsum homini collatum est, si debeat solitarius viuere? Itaque rectè Aristot. dicit, hominem naturæ ciuile esse animal, magis, quàm sint apes, & græues, & quæcunque animalia: & si quis solitarius viuat, aut esse bestiam, aut Deum, id est, aut minus, aut maius homine. Neque id est contra Eremitas nostros: nam qui penitus solitarij vixerunt, vt Paulus I. Eremita, Maria Magdalena, Maria Ægyptiaca, & si qui sunt alij, dici possunt aliquid amplius homine habuisse, non natura, sed gratia: non enim sine miraculo alebantur à Deo, vt notum est. Ceteri autem, etsi in solitudine degerent, tamen frequentes simul conueniebant, & Abbatibus suis subiecti erant.

Iam verò, si natura humana socialem vitam requirit, certè requirit etiam regimen, & rectorem: nam impossibile est, multitudinem diu consistere, nisi sit, qui eam contineat, & cui sit curæ bonum commune. Sicut in vnoquoque nostrum, nisi esset anima, quæ contineret, & coniungeret partes, & potentias, & elementa contraria, ex quibus constamus, statim omnia soluerentur. Vnde: *Vbi non est gubernator, pop. corruet.* Deinde, Societas est multitudo ordinata; non enim dicitur societas multitudo confusa, & dispersa: ordo autem quid aliud est, quàm series quædam inferiorum, & superiorum. Necessariò igitur rectores habendi sunt, si societas futura est.

Quarto prob. ab Efficiente. Nam certum est, Politicam potestatem à Deo esse, à quo non, nisi res bonæ, & licitæ, procedunt. Id prob. Nam Sapientia Dei clamat: *Per me Reges regnant.* Et infra: *Per me Principes imperant.* Et alibi: *Deus cæli regnum, & imperium dedit tibi.* Et: *Cum bestijs, ferisque eris habitatio tua, fœnum, vt bos, comedes, & rore cæli infunderis, septem quoque tempora habitabuntur super te, donec scias, quod dominetur excelsus super regnum hominum, & cuiusque vulneris, des illud.* Sed hic aliqua obseruanda sunt.

Mm 2

Primò

Nota 1.

Primò, politicam potestatem in vniuersum consideratam, non descendendò in particulari ad Monarchiam, Aristocratiam, vel Democratiam, esse immediatè à solo Deo: nam consequitur necessàrio naturam hominis, proinde est ab illo, qui fecit naturam hominis. Præterea; hæc potestas est de iure naturæ: non enim pendet ex consensu hominum; nam, velint, nolint, debent regi ab aliquo, nisi veliat perire humanum genus, quod est contranaturæ inclinatio. At ius naturæ est ius diuinum: iure igitur diuino introducta est gubernatio. Et hoc videtur propriè velle Apostolus, cum dicit: *Qui potestati resistit, Dei ordinationi resistit.*

Rom. 13.

Nota 2.

Secundò nota, hanc potestatem immediatè esse, tanquam in subiecto, in tota multitudine: nam hæc potestas est de iure diuino: at ius diuinum nulli homini particulari dedit hanc potestatem: ergò dedit multitudini. Præterea; Sublato iure positio non est maior ratio, cur ex multis æqualibus vnus potius, quàm alius dominetur: igitur potestas totius est multitudinis. Denique; humana societas debet esse perfecta. Resp. ergò debet habere potestatem seipsam conferuandì, & proinde puniendi perturbatores pacis, &c.

Nota 3.

Tertiò nota, hanc potestatem transferri à multitudine in vnum, vel plures eodem iure naturæ: nam Resp. non potest per seipsam exercere hanc potestatem: ergò tenetur eam transferre in aliquem vnum, vel aliquos paucos. Et hoc modo potestas Principum in genere considerata est etiam de iure naturæ, & diuino; nec posset genus humanum, etiam si totum simul conueniret, contrarium statuere, nimirum vt nulli essent Principes, vel rectores.

Nota 4.

Quartò nota, in particulari singulas species regiminis esse de iure gentium, non de iure naturæ: nam pendet à consensu multitudinis, constituere super se Regem, vel Coss. vel alios Magistratus, vt patet: & si est causa legitima, potest multitudo regnum mutare in Aristocratiam, aut Democratiam, & è contrario; vt Romæ factum legimus.

Nota 5.

Quintò nota, ex dictis sequi, hanc potestatem in particulari esse quidem à Deo, sed mediante consilio, & electione humana, vt alia omnia, quæ ad ius gentium pertinent. Ius enim gentium est quasi conclusio deducta ex iure naturæ per humanum discursum. Ex quo colliguntur duæ differentię inter potestatem politicam, & Ecclesiasticam. Vna ex parte subiecti: nam politica est in multitudine; Ecclesiastica in vno homine tanquam in subiecto immediatè. Altera ex parte efficientis, quòd politica vniuersè considerata est de iure diuino, in particulari considerata est de iure gentium, Ecclesiastica omnibus modis est de iure diuino, & immediatè à Deo.

Prob. 5.

Prob. quintò ab antiquitate. Nam, & si subiectio seruilis cœpit post peccatum Adæ, tamen politicus principatus fuisse etiam in statu innocentię. Ecce prob. primò, quia etiam tunc homo fuisse naturaliter animal ciuile, & sociale, ac proinde rectore opus habuisset. Secundo prob. ex ipsa creatione: nam ideo fecit Deus mulierem ex viro, & non creauit simul multos viros, sed vnum tantum, ex quo omnes alij nascerentur, vt indicaret ordinem, & præfecturam, quam inter homines esse volebat: quia in illo statu fuisse disparitas sexuum, statuum, ingeniorum, sapientię, & probitatis: ergo & præfectura, ac subiectio. Nam in humana societate debuit esse ordo. Rectus autem ordo postu-

postulat, vt inferior à superiore regatur, scemina à viro, iunior à seniore, minus sapiens à sapientiore, minus bonus à meliore.

Quod autem hæc diuersitates tunc etiam locum habuissent, sic ostendi potest. In illo statu fuissent generationes, vt patet: *Crescite, & multiplicamini.* Ergo Gen. 1. & sexus disparitas, quæ necessario præcedit generationem, & disparitas ætatum, quæ necessario sequitur generationem, & disparitas sapientia, & probitatis, quæ sequitur ætatem disparitatem. Non enim fuissent nati homines perfecti in illo statu, sed debuissent paulatim discere, & proficere. Fuissent quidem omnes nati in gratia Dei, & cum maiori cognitione, quàm nunc: at sine dubio non fuissent tam perfecti, quàm adulti, & inter ipsos adultos poterant per liberum arbitrium alij magis, alij minus applicari ad discendum. Denique, Ingeniorum varietas oritur ex varietate corporum: fuisset autem tunc corpora varia magnitudine, forma, robore, & similibus, vt patet, quia corpora illa non erant exempta à legibus naturæ, & egebant cibo, ætis inspiratione, cælorum influxibus: fuisset igitur etiam tunc ingeniorum diuersitas. Quarto, inter Angelos est præfectura, & subiectio, cur ergo inter homines nõ fuisset in statu innocentie? Certè Beelzebub dicitur Princeps demoniorum, qui sanè principatum non acquisiuit peccando, sed retinuit, quem autem habebat: in eos Angelos, qui eum secuti sunt. Et in Apoc. *Michaël & Angeli eius.* Apoc. 12. *L. Celestis.* Dionys. etiam dicit, primam hiærachiam Angelorum præfesse, & imperare secundæ, & secundam terciæ. *hierar. c. 9.*

Secunda questio est: *An principatum in impij esse possit?* Resp. affirmatiuè, & prob. primo ex Script. *A Domino data est potestas vobis, & cum essetis ministri regni illius, non restit iudicatis,* &c. Et: *Hæc dicit Dominus Christo meo, Cyro, &c. Et: Ego dedi, inquit Dominus, omnes terras istas in manu Nabuchodonosor Regis Babylonis, &c. Et: Tu es Rex Regum, & Deus calii dedit regnum tibi, &c.* Apostoli etiam Petrus, & Paulus docent, Regum potestatem esse à Deo, & illis obediendum, cum tamen nulli tunc essent Reges, nisi infideles. Secundo prob. ex Concilio Constantiensi, vbi contrarium errorem Ecclesia damnauit. Tertio ratione. Nam dominij fundamentum non est ratio, sed natura. Homo enim, quia factus est ad imaginem Dei, ac proinde mente, & ratione præditus est, ideo dominatur rebus inferioribus. At natura in infidelibus manet, licet gratia careant. Igitur & dominia vera habere possunt. Ad hæc, Cum gratia, & iustitia sit occultissima, & nemo sciat de se, vel de alio, an sit verè iustus, si gratia esset titulus dominiorum, sequeretur nullum dominium esse certum. Ex quo nasceretur incredibilis confusio, & perturbatio inter homines. *Quæst. 2. Resp. Prob. 1. Sap. 6. Isa. 45. Hierem. 27. Dan. 2. Rom. 13. 1. cor. 2. Prob. 2. Sess. 6. c. 13. Prob. 3. Gen. 1.*

## CAPVT XXII.

De officio potestatis Politicæ in  
rebus politicis.

**Q**UÆST. 1. **P** R I M A quæstio est de officio Magistratus in cōseruanda Rep. ab improbitate ciuium, per leges, & iudicia, tam ciuilia, quàm criminalia; id est: *An liceat Christianis leges condere, iudicia exercere, & gladio ferire noxios, qui sunt actus proprij Magistratus?*

**Propositio 1.** Pro resp. sit prima propositio: *Licet Christiano Principi leges condere.* Prob. nam imprimis proprium est Principis, leges condere, iuxta illud: *Per me Reges regnant, & legum conditores iusta decernunt.* Et: *Dominus Rex noster, Dominus legislis noster.* Nam Regis est iubere, & iubendo dirigere. Porro lex est ipsa iussio, & regula: ergo, si Christiani esse possunt Principes, certè etiam possunt leges condere.

**Prob. 2.** Secundò prob. ex necessitate legum ciuiliū. Christiani, ex eo, quod Christiani sunt, nō desinunt esse homines, & ciues, & proinde membra Reip. temporalis: ergo debent habere regulam aliquam actionum suarum humanarum, quā dirigantur in commercijs, & consuetudine cum alijs hominibus. Non sufficit autem lex naturalis, quia solū principia generalia ostendit, neque ad particularia descendit. Non sufficit etiam lex Euangelica, quia illa tractat solū de rebus diuinis, & cœlestibus: lex autem diuina politica Testamenti veteris iam celsauit: solū enim conueniebat vni populo Iudeorū, & in illo statu. Ergo necessaria est aliqua regula humana, nimirum arbitrium Principis, aut lex ciuilis, auctoritate Principis constituta. Et quanquam arbitrium Principis aliquo modo sufficere possit, quādo Princeps est sapiens, & populus est exiguus; tamè absolutè necesse est, populum regi legibus, non solū arbitrio Principis, si rectè regi debeat.

**L. 1. histor.** Quòd interdum sufficiat arbitrium Principis, patet, quia antiquiora sunt regna, quàm leges. Iustinus dicit olim populos sine vllis legibus, solo Principum arbitrio, gubernari solitos. Et ex Līuio constat Rom. Remp. ad annos CCC. sine legibus gubernatam. Denique; Antiquissimus legislator, vel est Moyses, vt Iosep. contendit: vel certè Phoroneus, qui CCC. annis Moyse fuit antiquior, vt Euseb. & Augustin. docent. Atqui ante Phoroneum constituta sunt regna Assyriorum; Argiuorum, Ægyptiorum, & aliorum.

**L. 3. polit.** Quòd autem melius sit regi pop. legibus, quàm solo Principis arbitrio, immò quòd sit hoc aliquo modo necessarium, affirmat Aristot. Et prob. Primo quia facilius est, inuenire vnum, vel duos bonos, & sapientes, quàm plurimos. Si Resp. debeat regi arbitrio boni Principis, indigebit infinitis bonis

his Principibus, quorum vnus alteri succedat. At, si gubernetur legibus, sufficit semel fuisse aliquos, vel vnum sapientem, qui legem fecerit. Secundo; Qui leges condunt, multi sunt, & diligenter eas examinant: At Princeps est vnus, & sæpe repente debet iudicare. Tertio; Qui leges fecerunt, sine amore, & odio iudicarunt: nam de rebus absentibus iudicarunt. Princeps de presentibus iudicat, vbi locum habent amici, propinqui, muneris, terrores, &c. Vnde iudicium legum est iudicium solius rationis: iudiciū hominis est iudiciū rationis, & libidinis, id est, hominis, & bestię. Quarto; iudicium Principis, etiamsi rectissimum sit, vix vnquam caret suspitione, inuidia, querelis, maledictis. At iudicium legis his omnibus caret, quippe quod scitur non posse corrumpi muneribus. Quinto; Gubernatio per leges potest longissimo tempore eadem perseverare; at iudicia hominum sæpe mutantur. Sexto; Gubernatio per leges potest reduci ad artem. & facilius effici, non autem gubernatio ad arbitrium hominis. Septimo; Melior est gubernatio Principis per se, quàm per vicarios. Gubernatio autem sine legibus necessario requirit multos vicarios, qui omnes ad arbitrium suum iudicent. Quando autem per leges gubernatur, ipse Princeps omnia per se iudicare censetur, cum eius legibus iudicetur.

Tertio prob. Nam, si non liceret Principi Christiano legibus obligare populum, id esset propter libertatem Christianam. Sed hoc dici non potest: nam tantum abest, vt lex opponatur libertati Christianę, vt potius opponatur seruituti contrarię eidem libertati. Id quod ostendo ex ipsa natura libertatis Christianę: Nam libertas Christiana opponitur seruituti peccati. Amen. Amen dico vobis, qui facit peccatum, seruus est peccati: seruus autem non manet in domo in æternum; Filius manet in æternum: si ergo vos Filius liberauerit, vere liberi eritis. Et: Liberati à peccato, serui facti estis iustitię. Vocatur autem hæc iustificatio à peccato, libertas quædam, quia, qui in peccato est, donec non liberatur per gratiam, non potest velle bonum ordinatum ad vitam æternam. Habet quidem liberum arbitrium, quia potest ex pluribus malis eligere vnum, & etiam eligere bonum morale: at eligere bonum diuinum non potest, nisi saltem liberari incipiat per Dei gratiam præuenientem, quia captiuus tenetur à Diabolo ad ipsius voluntatem. At liberum arbitrium liberatum per gratiam potest bonum diuinum velle, & facere. Sed maior adhuc erat libertas in statu innocentię, quia tunc homo poterat nullum vnquam velle malum, quod nunc etiam iusti non possunt. Maxima autem erit in cælo, vbi non poterimus velle vllum malum.

Itaque triplex est gradus libertatis: sicut etiam triplex gradus vitę corporalis. Primus est, Beatorum, qui sic poterunt viuere, vt non possint mori, & sic poterunt bene agere, vt non possint peccare. Secundus est, Adami, & Eux in statu innocentię, qui sic poterant viuere, vt non possent etiam nunquam mori, & sic poterant bene agere, vt possent etiam nunquam peccare. Tertius, noster, qui sic possumus viuere, vt non possimus aliquando non mori, & sic possumus bene agere, vt non possimus non peccare, saltem venialiter. Infra hos gradus non est quartus, nisi non viuere, & non bene agere: qui gradus ad damnatos pertinet. Cum ergo libertas consistat

in

ideo, ut possimus eligere bonum, & reijcere malum; manifestum est, legem non pugnare cum libertate: non enim impedit, quod minus possimus eligere bonum, & reijcere malum, sed contra potius iuvat, nam præbet materiam exercendæ libertatis. At semituti rectè opponi potest lex, quia non potest impleri à seruo peccati. Vnde Paulus: *Quid ergo, inquit, legem destruimus per fidem? Absit, sed legem statuimus.* Deinde probatur hoc idem. Lex diuina non pugnat cum libertate: ergò nec lex humana. Antec. patet, nam Adam liber creatus est, & tamen lex ei imposita fuit, ut non vesceretur ligno scientiæ boni, & mali. Prob. conseq. nam lex diuina, & humana, quoad obligationem, sunt omnino æquales.

Rom. 9.

Gen. 2.

Propositiō 2.

Propositiō secunda: *Lex civilis non minus obligat in conscientia, quàm lex diuina, et si minus firma, & stabilis sit hac, quàm illa.* Explico: Lex diuina, & humana differunt quoad firmitatem, quia diuina non potest abrogari ab homine, humana potest. At quoad obligationem non differunt: vtraque enim obligat in conscientia, nunc ad mortale, nunc ad veniale peccatum pro rerum ipsarum gravitate: ita ut nulla sit melior regula ad discernendum, utrum lex humana obliget ad mortale, an ad veniale, quàm cogitare, legem illam esse diuinam, & videre, si diuina esset, quomodo obligaret.

Prob. 1.

Prob. primò: Obligatio vel est essentia, vel propria passio legis: ergò omnis lex, & à quocunque feratur, siue à Deo, siue ab Angelo. siue ab Episcopo, siue à Rege, siue patre, eodem modo obligat. Prob. conseq. à simili. Nam, quia hominis essentia est, rationale esse, & propria passio, esse risibilem, omnis homo est rationalis, & risibilis, siue sit creatus à solo Deo, ut Adam; siue à Deo ex alio homine, ut Eva: siue ab hominibus genitus, ut Cain. Antec. patet: nam lex est regula morum, regulæ autem proprium est intrinsecè ita dirigere, ut recessus ab ipsa sit peccatum in moribus: sicut recessus à regula in naturalibus dicitur peccatum naturæ, ut sunt monstra; & recessus à regula in artibus est peccatum artis.

Vbi notandum, quòd sicut res ceteræ, quoad existentiam, pendunt ab agente, non quoad essentiam: essentia enim sunt æternæ; sunt enim quædam participationes possibiles diuinæ essentia: ita etiam lex, quoad existentiam pendet à legislatore; non enim erit lex, nisi dicatur ab eo, qui habet auctoritatem. At quoad essentiam, non pendet: quòd enim lex obliget, est quid æternum, & immutabile, & participatio quædam legis æternæ Dei, quæ est prima, & summa regula. Vnde siue quis præuaricetur legem naturalem, siue positiuam, siue diuinam, siue humanam, semper peccat contra legem æternam; quia omnis lex est legis æternæ participatio. Et quanquam non potest fieri, ut aliqua vera lex non sit à Deo, cum lex non possit condi, nisi ab habente potestatem, & non sit potestas, nisi à Deo; tamen si (per impossibile) esset lex non à Deo, adhuc obligaret ad culpam: sicut, si (per impossibile) homo existeret non factus à Deo, adhuc esset rationalis.

Rom. 13.

Prob. 2.

Prob. secundò. Nam si obligaret solum lex, quia diuina, omnes leges diuinæ equaliter obligarent; nam eadem esset obligationis ratio in omnibus. At hoc est falsum: nam magis obligat lex: *Non occides*, quàm lex; *Non furaberis*; & magis lex; *Non furaberis*, quàm lex, *Non mentieris*; & lex, *Non mentieris*.



*seris, quàm lex; Non loqueris verbum ociosum.*

Prob. tertio ostensiuè. Illa lex diuina magis obligat, cuius violatio est magis *Prob. 3.*  
 cōtraria fini legis, id est, charitati: ideò enim peius est occidere, quàm furari, quia  
 magis contra charitatem: & ideò mortale est mentiri perniciosè; veniale, offici-  
 ose; quia illud est contra charitatē, hoc verò præter charitatem. Sed lex hu-  
 mana etiam habet pro fine charitatem, & ordinat media ad hunc finem. Quòd  
 enim ait Apostolus: *Finis præcepti est charitas*, de omni præcepto intelligitur. Et *1. Tim. 1.*  
 patet, nam lex ciuilis iusta, semper est, vel conclusio, vel determinatio legis  
 diuinæ moralis: ergò habent eundem finem: & solum in hoc videntur differ-  
 re, quòd lex humana dirigit actus humanis in ordine ad actus externos dile-  
 ctionis, id est, ad pacem, & conseruationem Reip. Lex autem diuina di-  
 riget etiam in ordine ad internos actus charitatis: igitur eadem est ratio le-  
 gis diuinæ, & humanæ, quod attinet ad obligationem.

Quartò; Lex diuina positiua ideò obligat ad peccatum, quia constituit *Prob. 4.*  
 actum, quem præcipit in genere virtutis, cùm Antea non esset: nam, si Iudas  
 non ex contemptu, sed ex cibi appetitu, moderatè comedisset carnem suillam  
 in lege prohibitam, sine dubio peccasset. Non autem peccasset contra obe-  
 dientiam, quia non ex contemptu: ergo contra temperantiam. At mode-  
 ratè vesci carnis suilla, ex se non est contra temperantiam, sed res quædam in-  
 differens: ergò lex fuit, quæ illam abstinentiam fecit actum temperantiæ ne-  
 cessarium. At hoc idem videmus in lege humana: nam lex diuina non alia de  
 causa facit esse actum virtutis ex m. qui ex se erat indifferens, nisi quia est re-  
 gula morum ab eo posita, qui habuit auctoritatem præcipiendi. Sed homo  
 etiam potest præcipere, & regulas morum constituere: potest igitur lege sua  
 constituere actum, aliqui indifferenter, in genere virtutis: proinde pares  
 sunt lex diuina, & humana, quoad obligationem.

Prob. quintò. Lex diuina, & humana ita differunt, vt lex Regis, & Pro- *Prob. 5.*  
 regis, siue lex Pont. & eius Legati. At istæ obligant eodem modo, & solum  
 differunt firmitate: ergò & illæ. Propositio patet: nam Script. passim testan-  
 tur, Reges esse ministros Dei, & ab illo habere auctoritatem, & loco eius iu-  
 dicare. Assumptio etiam patet: nam auctoritas Proregis est à Rege, & Le- *Prov. 8.*  
 gatus à Papa, & experientia idem testatur: & confirmatur à SS. Patri- *Sap. 6.*  
 bus. *Rom. 13.*  
*1. Pet. 2.*

Prob. sexto: quia videtur implicare contradictionem posse Principes obli- *Prob. 6.*  
 gare ad pœnam, & non ad culpam, siquidem culpa, & pœna relativa sunt.  
 Quomodo igitur possunt Principes damnare ad mortem eos, qui leges suas  
 præuaricantur, si illi nihil peccauerunt, si culpam in conscientia non contra-  
 xerunt?

Prob. septimò ex Apostolorum doctrina. Nam Paulus multis modis id asse- *Prob. 7.*  
 rit. Primò, cùm ait: *Omnis anima potestati bus subdita sit; non enim est*  
*potestas, nisi à Deo.* Secundo, cùm ait: *Qui potestati resistit, Dei ordinationi resistit.* *Rom. 13.*  
 Tertiò cùm ait: *Qui autem resistunt, ipsi sibi damnationem acquirunt.* Id enim de  
 aterna damnatione exponunt Patres Græci, & Latini, in hunc locum. Quar-  
 tò, cùm ait: *Ideò necessitate subditi estote.* Quintò cùm ait: *Non solum propter*  
*iram, sed etiam propter conscientiam.* Sextò, cùm ait: *Miistri enim Dei sunt.* Et:

Na

Petrus:

Petrus: *Subiecti estote propter Deum, id est, non solum timore pœnz.*

Propositio tertia. Iudicia publica enervare, non est illicitum Christianis. Prob. primò, quia proprium est Principis, indicare. Script. enim confingere fere-  
*soler Regem, & Iudicem. Et nunc Reges intelligite, erudimini, qui iudicatis terram.*  
 Et: *Dominus Rex noster, Dominus legislator noster, Dominus Iudex noster. Et: Regnabis Rex, & sapiens eris, & faciet iudicium, & iustitiam in terra.* Si ergò licet Christianis habere Principem, cur non & iudicem? Secundò, quia nihil prodesse leges, si nulla esse deberent iudicia. At leges tolli non debent: ergò nec iudicia. Tertiò; Script. vtriusque Testamenti iudicia admittit. Sic enim legimus: *Iudices, & Magistros constitues in omni bus portis tuis, ut iudicent populum iusto iudicio. Et: Secularia iudicia si habueritis, contempnibiles qui sunt in Ecclesia, hoc constituit ad iudicandum. Sic non est sapiens quisquam in vobis, qui indicare possit fratrem suum.* Vbi Apostolus monet Corinthios, ut in ijs causis, in quibus non tenebantur necessarii adire tribunalia Gentilium, constituerent inter se iudicem.

Propositio quarta: *Licet Christiano Magistratus gladio punire perturbatores publicæ quietis.* Prob. primò Script. Nam in lege naturæ, Moysis, & Euangelica, habemus præcepta, & exempla eius rei. Nam Deus ait: *Qui effuderit humanum sanguinem, fundetur sanguis illius.* Quæ verba non possunt sonare prædicationem, quia prædictio huiusmodi sæpe esset falsa; sed ordinationem, & præceptum. Vnde Chaldaica paraphrasis vertit: *Qui effuderit sanguinem cum testibus, ex sententia iudicis fundetur sanguis illius.* Dixit etiam Iudas. *Produceite eam, vt comburatur.* Vbi Iudas Patriarcha, tanquam Princeps familiz, adiudicavit adulteram ad ignis supplicium. In lege Moysis plurima sunt præcepta, & exempla. *Qui percusserit hominem valens occidere, morte moriatur.* Et ipsæ Moyses, Iosue, Samuel, David, Helias, alijque sancti viri plurimos occiderunt. In Euang. *Qui acceperit gladium, gladio peribit.* Quæ verba non possunt rectè intelligi, nisi hoc modo: Omnis, qui eadem iniustam fecerit, debet à magistratu pariter occidi. Reprehendit enim Dominus Petrum, non quòd iusta defensio sit illicita, sed quod non tam se, aut Dominum defendere, quam iniuriam Domino factam vlcisci veller, cum tamen ipse non haberet publicam auctoritatem. Apostolus etiam: *Si malè gesseris, time, non enim sine causa gladium portat: minister enim Dei est.* Vbi Apostolus dicit, datum gladium à Deo principibus contra facinorosos: ergò, si in Ecclesia tales reperiantur, cur gladio feriri non poterunt?

Prob. secundò ex Patrum testimonijs.

Tertiò ratione. Nam ab bonum Principem, cui bonum commune tuendum commissum est, pertinet impedire, ne partes, quæ sunt propter totum, illud corrumpant, & idèò, si non potest omnes partes integras conferuare, potius debet vnâ partem amputare, quam sinere, vt bonum commune pereat: sicut agricolæ amputant ramos, & sarmenta, quæ efficiunt viti, vel arbori: & medicus amputat membra; quæ totum corpus inficere possent.

Quæstio 2a. Altera quæstio est de officio Magistratus, in protegenda Rep. ab hostibus externis: quæ tres habet partes. Primò demonstrandum erit licita aliquando esse Christianis bella. Dicimus enim, vt semper docuit Ecclesia tota, & verbis, & exemplis, bellum ex natura sua non esse illicitum; & non so-

lpm

Jum Iudæis, sed etiam Christianis fas esse bellum gerere, modo seruentur conditiones.

Id prob. Script. testimonio. *Ha sunt gentes, quas Dominus dereliquit, ut erudiret in eis Israël, & omnes qui nō nouerant bella Chanaanorū, & postea discedent filij eorum certare cum hostibus, & habere consuetudinem praliandi.* Hæc sanè verba non permissionem, sed absolutam Dei voluntatem ostendunt. Item: *Hac dicit Dominus exercituum: Reuersi, quacunque fecit Amalech Israël: nunc ergo vade, & percute Amalech, & demolire vniuersa eius, non parcas ei.* &c. Hic etiam non permissionem, sed præceptum videmus. Et familium plenum est testamentum vetus. Item: *Interrogabant eum & milites dicentes: Quid faciemus & nos? Et ait illis: Neminem concitatis, neque calumniam facitis, & contenti estote stipendijs vestris.*

Prob. 1. *Isa. 1. 2. 3.*  
*Isa. 1. 2. 3.*  
*Isa. 1. 2. 3.*

1. Reg. 1. 3.

Luc 3.

Prob. 2.

Prob. secundo exemplis Sanctorum, qui bella gesserunt. Nam, si bellum esset malum, certè à Sanctis non gereretur. In veteri Testamento Abraham, Moysen, Iosue, Gedeonem, Samsonem, Dauidem, Iosiam, Machabæos magna cum laude bellum gessisse, legimus. In nouo Testam. Centurio, cum diceret Christo: *Habeo sub me milites, & dico huic, vade, & vadit,* &c. eius fidem Dominus laudauit, non, ut militiam desereret, præcepit. Cornelius item Centurio dicitur *uir iustus, & timens Deum.* Ita, ut etiam Angelum videre meruerit, nec postea, cum à S. Petro viam salutis doceretur, dictum est ei, ut militiam desereret. Deinde; Post Christi in cælum ascensionem, semper fuisse Christianos aliquos vere sanctos, & Deo gratos in militia, etiam sub Ethnicis Principibus, docet Tertull. qui refert miraculum insigne à Christianis militibus factum, cum sub M. Aurelio in Germania bellum gererent; qui certè, vel non militassent, si hoc esset malum; vel, si militassent, non ita Deo grati fuissent, ut etiam miracula facere possent. Constantinum quoque, Theodosium, Valentinianum, Carolum Magnum, S. Ludouicum Regem Galliarum, S. Mauritium cum sua legione Thebeorum, aliosque plurimos sanctos Christianos bella gessisse, constat, quos S. Episcopi nunquam reprehenderunt: immò Theodosius consulebat de euentu belli Ioannem Abbatem.

Matth. 8.

Act. 10.

Apol. 1. 3.

Prob. tertiò, quia Deus sæpe iusta bella adiuuat, quod nullo modo faceret, si bellum esset illicitum: nam mala permitti possunt, sed non etiam ad ea faciendū auxilium dari. Abraham, cum debellasset quatuor reges cum solis CCC. XVIII. famulis suis, dictum est à Melchisedech: *Benedictus Deus excelsus, quo protegente hostes in manibus tuis sunt.* Ad preces etiam Moysis, Deus dedit victoriam Hebræis contra Amalech. Iosue pugnante, Sol stetit, & Dominus pluebat de cælo lapides magnos, & plures occidit Deus lapidibus grandinibus, quàm filij Israël hastis, & gladijs. Angeli quoque in specie equitum pro Machabæis pugnabant. Legimus etiam, Deum non secundum armorum potentiam, sed, prout ipsi placet, dare dignis victoriam. Constantinum Dei auxilio miraculis euidenter ostensis vicisse in bello, testatur Euseb. Cum Theodosio S. Ioannem, & S. Philip. Apostolos palam pugnasce contra hostes eius, testatur Theodoret. Pro Theodosio iuniore pugnasce Angelos contra Sacratenos, scribit Socrates. De Clodoueo vide Gregor.

Prob. 3.

Gen. 14.  
Exod. 17.  
Ios. 10.

2. Mach. 10.  
2. Mach. 11.  
L. 9. hist. c. 9.  
L. 5. hist. c. 24.  
L. 7. hist. c. 18.  
L. 2. hist. c. 30.

L. 5. de  
iur. Dei  
c. 23.  
Prob. 4.

Turonicum. Honorij exercitum diuino miraculo victoriam incredibilem retulisse, scribit B. Augustinus.

Prob. quarto ratione. Licet Reip. suos defendere ab internis hostibus pacis, eos necando varijs generibus suppliciorum: ergo etiam licebit bello atq; armis, quando alia via non potest, defendere eos ab hostibus externis: quia, vt possint conseruari Resp. necessarium est, vt omnes hostes, tam internos, quã externos, arcere possint. Et, cum hoc sit ius naturæ, nullo modo credibile est per Euangelium esse sublatum.

Prob. vltimo testimonijs Patrum.

Part. 2.  
qual.

Secunda pars huius questionis est: *Quot sint, & quæ iusti belli conditiones?* Quatuor autem numerare solent. Auctoritatem legitimam, Causam iustam, Intentionem bonam, & Modum conuenientem.

Auctoritas  
legitima.

Prima est, Auctoritas legitima. Nam ordo ille naturalis mortaliū paci: accommodatus hoc poscit, vt suscipiendi belli auctoritas, atque consilium, penes Principem sit: exequendi autem iussa bellica ministerium, milites debeant paci, salutiq; communi.

Et ratio idem probat. Nam priuati homines, & qui superiorem habent, si ab aliquo iniurias accipiant, possunt ad superiorem confugere, atque ab eo iudicium petere. At Principes, si ab alijs Principibus aliquid patiantur, non habent commune aliquod tribunal, ad quod illos acculerent; & ideo licet illis bello iniurias publicas propulsare. Residet autem hæc auctoritas indicendi belli, secundum communem sententiam, in omnibus Principibus & populis, qui in temporalibus superiorem non habent. Item; Resp. Venetorum, & similes. Item, nonnulli Duces, & Comites, qui nulli subsunt in temporalibus, non autem Duces, & Comites, qui subsunt Regibus immediatè: qui enim subsunt alijs, non sunt per se capita Reip. sed potius membra.

Nota tamen, hanc auctoritatem non requiri ad bellum defensiuum, sed solum ad offensiuum. Nam defendere se, vnicuique licet, non solum Principi, sed etiam priuato: at indicere bellum, & hostem inuadere, solius est supremi capitis.

Iusta causa.

Altera conditio est, causa iusta. Non enim sine causa bellum indici potest; nec etiam propter, quodcunque peccatum, sed tantum propter iniuriam propulsandam. Ratio autem huius est, quia Princeps non est iudex, nisi hominum sibi subditorum: ergo non potest quæcunque peccata aliorum hominū punire, sed solum ea, quæ cedunt in detrimentum populi sibi subiecti. Nam & si non est iudex ordinarius aliorum, est tamen suorum defensor, & ratione huius necessitatis efficitur etiam quodammodo iudex eorum, qui suis iniuriâ fecerunt, ita vt possit eos gladio punire.

Sic ut.

Est verò obseruandum, causam belli debere esse non leuem, neque dubiam, sed magnam, & certam, ne fortè plus incommodi bellum afferat, quam sit utilitas, quæ inde speratur. Si autem sit dubia, distinguendum est de Principe, & militibus. Nam Princeps ipse sine dubio peccat: nam bellum est actus iustitiæ punitiue: iniustum est autem punire aliquem, causa nondum probata. Milites autem non peccant, nisi constaret certò, bellum esse illicitum: debent enim subditi parere superiori, nec debent discutere imperia eius, sed po-

tius.

tius præsumere debent, Principem suum habere bonam causam, nisi manifestè contrarium nouerint. Sicut etiam, cum dubia est culpa alicuius particularis, peccat iudex, qui eum damnat; non carnifex, qui damnatum occidit: non enim tenetur carnifex discutere sententiam iudicis.

Nota tamen, hoc intelligi de militibus, qui sunt obligati ei Principi, qui bellum gerit; quales sunt subditi eius, & etiam ij, qui ordinarij ab eo stipendium habent, etiam tempore pacis; non autem de alijs, qui aliunde adueniunt, cum est bellandum. Qui enim non sunt obligati militare, non possunt tuta conscientia ad bellum accedere, nisi sciant bellum esse iustum. Qui autè nihil cogitant, sed parati sunt militare, siue bellum sit iustum, siue non, modo stipendium habeant, ij in statu damnationis versantur.

Tertia conditio est, Intentio bona. Nam, cum finis belli sit pax, & tranquillitas publica, non licet bellum suscipere propter alium finem. Unde grauiter peccant tam Reges, quàm milites, qui, vel vt noceant alicui, vel vt imperium dilarent, vel vt exerceant fortitudinem bellicum, vel alia de causa bellum suscipiunt, quàm propter commune bonum, etiam si auctoritas legitima, & causa iusta non desint.

Sunt autem duo notanda. Primò, quoniam bellum est medium quoddam ad pacem, sed valde graue, & periculosum, ideo non esse mox inferendum bellum, cum causa existit, sed esse prius procurandam pacem alijs rationibus facilius; nimirum pacifice ab hostibus petendo debitam satisfactionem. Si quando accesseris ad expugnandam ciuitatem, offeres ei primum pacem. *Deut. 20.*

Sed quaeret aliquis: Quid si hostis nolit initio satisfacere, sed paulo post, bello iam inchoato, petat pacem, an tenebitur alter à bello cessare? Dicendum est, (saluo meliori iudicio) quod ex iustitia nunquam tenetur, qui habet iustam causam, acceptare satisfactionem, nec ante bellum inchoatum, nec postea: tamen ex charitate vtrique tempore tenetur, nisi per accidens aliud expediat. Prioris ratio est quia Princeps habens iustam causam belli, gerit personam iudicis respectu alterius Principis, qui iniuriam fecit: iudex autem non tenetur ex iustitia condonare mortem reo, etiam si offerat satisfactionem; quanquam possit condonare ex misericordia, si sit supremus iudex, verbi gratia, Rex non tenetur vitam donare furi, etiam si restituat, & si ex misericordia possit. Ratio posterioris est quia bellum est grauissimum supplicium, & quod non solum punitur, qui peccauit, sed etiam per accidens multi innocentes inuoluuntur: ideo Christiana charitas semper id videtur exigere, vt à bello cessetur, quando, qui nocuit, debitam satisfactionem offert; nisi forte per accidens aliud expediat, id est, nisi talis sit hostis, contra quem pugnatur, vt bono communi expediat, eum vel subiectum esse alteri, vel funditus interire: quales erant Amorrhæi, quos Deus iussit penitus deleri.

Secundò notandum, differre hanc tertiam conditionem à duabus primis, quod illæ, si desint, faciunt bellum esse iniustum, hæc vero, si desit, facit bellum esse malum, sed non iniustum propriè. Qui enim sine auctoritate, vel sine iusta causa bellum mouet, non solum contra charitatem, sed etiam contra iustitiam peccat, & non tam est miles, quàm laico. Qui vero auctoritatem, &

causam iustam habet, & tamen amore vindictæ, vel augendi imperij, vel propter alium finem malum bellat, non agit contra iustitiam, sed solum contra charitatem, nec est latro, sed malus miles. Ex quo deducitur, quod, cum solum deest hæc tertia conditio, non tenentur milites, nec reges ad ullam restitutionem, sed solum ad penitentiam: cum autem deest prima, vel secunda, tenentur omnes ad restitutionem damni illati, nisi excusentur ignorantia inuincibili. Ignorantia enim crassa, & culpabilis, sicut à peccato non excusat, ita nec à restitutione. Qui autem laborat ignorantia inuincibili, non tenetur restituere donec ea ignorantia laborat, at, cum cognouerit, bellum fuisse iniustum, tenetur restituere, non damnum tempore belli illatum, sed si quid habet alienum ex illo bello: & si nihil habet in specie, sed tamen rebus venditis factus est ditior, tenetur restituere tantum, quantum ditior est factus: nam res aliena retineri non potest, etiam si propter ignorantiam sine peccato acquisita sit, sed reddi debet vel Domino, si scitur, vel pauperibus.

C. fin. de  
iniurijs. &  
dam. dato.

Modus  
debitus.  
Loco 3.

Quarta conditio est, modus debitus, qui in eo præcipue consistit, ut nulli innocenti noceatur. Quod explicuit Ioannes Baptista: *Neminem concutatis, nulli calumniam faciatis, contenti estote stipendijs vestris.* Quibus verbis prohibet iniurias, quas milites inferre solent innocentibus, aut vi, aut fraude, vel in persona, vel in bonis. Cum dicit: *Neminem concutatis*, prohibet iniuriam, quæ aperta violentia infertur personæ, ut, cum rusticos cadunt, nisi ad nutum obediunt. Cum dicit: *Nuli calumniam faciatis*, prohibet iniuriam, quæ fraudibus, vel calumnia infertur, ut, cum dicunt aliquem esse proditorem, vel hostem, etiam si contrarium nouerint esse verum, & eo nomine, vel ipsi eum spoliare, aut occidere, vel deferunt ad Ducem, aut Præfectos. Cum vero addit: *Contenti estote stipendijs vestris*, prohibet iniuriam, quæ alicui non in persona, sed in bonis infertur, ut cum furantur, & rapiunt, vndeunque possunt vel etiam exigunt, & extorquent ab ijs, à quibus non debent.

Etia.

Est autem obseruandum tria esse genera personarum, quibus milites damnum inferre non possunt, secundum regulam Ioannis Baptiste. Primum est eorum omnium, qui ad Remp. hostium non pertinent. Ex quo excusari non possunt milites, qui damnum inferunt ciuibus, aut rusticis amicis, apud quos hospitantur, vel per quorum loca transeunt. Neque excusantur, si dicant sibi stipendia non solui: nam non propterea illis obligata sunt bona priuatorum ciuium, neque luere debet pœnam ciuis, aut rusticus, si Rex, aut Dux peccat, non soluendo stipendia militibus, nisi fortè iusta de causa damnati sint homines alicuius loci ad hanc pœnam; ut milites alant: quod tamen rarius accidit.

Secundum est quorundam, qui, & si aliquo modo ad Remp. hostium pertinent, tamen excipiuntur, c. Innouamus, De treuga, & pace. Vbi sic dicitur: *Innouamus, ut Presbyteri, Monachi, conuersi, peregrini, mercatores, rustici cuncti, vel redeuntes, vel in agricultura existentes, & animalia, quibus arant, & semina portant ad agrum, congrua securitate lætentur.* Vbi nomine mercatorum non videntur intelligi ij, qui in ciuitate hostium resident, & sunt pars quædam ciuitatis, sed solum ij, qui transeunt, vel ad nundinas veniunt, qui non sunt pars ciuitatis.

Ter-

Tertium gens est hominum ineptorum ad bellum: quales sunt pueri, senes, mulieres. Tales enim, etsi capi, & spoliari possint, quia sunt pars ciuitatis, tamen occidi iuste non possunt, nisi forte casu, vel per accidens occidantur, vt, cum miles iaculatur in cuneum hostium, & forte occidit puerum, aut mulierem, aut etiam; Sacerdotem, non peccat, sed tunc peccat, cum ex intentione occidit, & potest, si velit, non occidere. Nam & ratio naturalis hoc docet, & etiam Deus hoc iubebat Hebræis, nimirum vt parcerent paruulis, & mulieribus. Et Theodosius grauiter ab Ambrosio reprehensus fuit, quod, cum punire vellet Thessalonicenses, sine delectu obuios quosque necari iussit: vc refert Theodoretus. Quod si Moyses iussit aliquando etiam mulieres, & paruulos occidi, non propterea id etiam nostris militibus licet: nam ille Dei reuelatione clarè cognoscebat, Deum sic velle, cui nemo dicere potest, cur ita facis?

Deut. 10.

Deut. 2. qd  
1. & alibi.3. Pars  
quæst.

Tertia pars huius quæst. est de bello contra Turcas. Habere autem Christianos iustam causam huius belli, pater: nam constat Turcas nullo iure occupasse regna Christianorum, & quotidie plura occupare velle: constat etiã, eum extinguere velle omnem religionem, & dare omnem operam, vt homines ex Christianis fiant Mahumetani. Denique; constat & antiquos Pont, vt Vrbanum II. Paschalem H. Eugenium III. & alios multos; nec nõ Concilia generalia, vt Lateranense, Lugdunense, Viennense, & alia, generale bellum indixisse Mahumetanis, & S. Bernardum, aliosque sanctos viros concionibus suis publicis excitasse populos ad hoc bellum, & sermonem miraculis confirmasse. Vt etiam omnem plurimas victorias de Turcis relatas, certè cum primum armata sunt in terrâ promissionis, felicissimo euentu Hierusalem à nostris recuperata fuit, & regnauerunt Christiani annis L. XXXVIII. & semper plura, & plura recuperabant, donec oriri coeperunt inter ipsos Christianos Principes contentiones: sicut & nunc Turca plura occupat ob discordiam nostrorum, quàm sua virtute: & harum discordiarum potissima causa fuit Lutherus ipse. Nam Hungaria periit. quia Germani vocati in auxilium à Rege Hungariæ, maluerunt Luthero parere tunc concionanti contra bellum in Turcas, quàm cogitare, quid bonum commune postularet. Satem hoc boni habet bellum, quod impeditur Turcæ, ne tactum noceat, quantum vellet. Nisi enim cum eo hætenus pugnatum esset, iam dudum omnia obtineret.

CAPVT

## CAPVT XXIII.

De officio potestatis politicæ in  
caussa Religionis.

Quæst. 1.  
Resp.

Prob. 1.  
Fron. 20.

Isal. 2.

Apo. 2.

Rom. 16.  
Gal. 5.  
Ier.  
Ijaia 49.

Prob. 2.

L. cunctos  
pop. l. de  
summa  
Trin. & fide  
Cathol.  
In oratione  
funebris.  
L. Nepes.  
C. cod.

Prob. 3.  
I. Ratio.

DE hoc dux quæstiones. Prima est: *An ad Magistratum pertineat cura religionis?* An vero permittere possit, ut quisque credat, ut voluerit? Teneri autem Principes Christianos non permittere subditis suis libertatem credendi, sed dare operam, ut ea fides seruetur, quam Episcopi Catholici, & præcipue summus Pontifex docet esse tenendam, prob. primò ex Script. *Rex, qui sedet in solio iudicij, dissipat omne malum inuisum suo.* Item: *Dissipat impius Rex sapiens.* Porro impios esse hæreticos, negari non potest. Item: *Et nunc Reges intelligite, erudimini, qui iudicatis terram, seruite Domino in timore.* Præterea; In Testamento nouo reprehenditur Angelus Pergami, quòd haberet apud se aliquos tenentes doctrinam Nicolaitarum, & Angelus Thiatyræ, quòd permitteret Iezabel seducere seruos Dei. Ex quibus intelligitur, noxium esse Ecclesiæ mixtionem hæreticorum cum Catholicis. Et Apostolus iuber Christianos declinare hæreticos. Et: *Vinam, inquit, abscondantur.* Item: *Increpa illos dure, sanè sint in fide.* Ergo Reges, qui sunt Ecclesiæ nutrij, non debent permittere istam confusionem.

Secundo prob. testimonijs Pont. Leonis, Anastasij II. Gregorij, Agathonis. Imperat. etiam pij idem senserunt. Nam Theodosius radicitus euulsit libertatem credendi, quam aliqui Principes permiserant, & iussit omnes credere eo modo, quo Rom. Pontifex docet esse credendum. Valentinianum iuniorem laudat Ambros. quod Romæ repetenti antiquam libertatem in religione, ut colere posset sacrificijs Deos, fortissimè resistit. Similiter Martinus seuerè prohibet, ne quis ea, quæ sunt in Concilij Episc. definita, reuoluat, aut de eis publicè disputare præsumat. Constantinus Magnus initio quidem imperij permisit libertatem religionis omnibus, tamen postea iussit claudi templa idolorum, & solam Christianam religionem vigere: quem filij sunt imitati, Constantius, & Constantinus. Exilium etiam minatus est Constantinus ijs omnibus, qui non acquiescerent Nicæni Concilij definitioni. Qui libertatem credendi concesserunt, tres inueniuntur. Iouinianus, qui tamen ne Catholicos cum hæreticis misceret, grauiter admonitus est à Concilio Antiocheno. Valens Imp. Arianus omnibus hæreticis, & Ethnicis liberam permisit religionem. Denique; Iulianus Apostata, qui ideo permisit libertatem, quia sic sperabat posse interire Christianismum.

Prob. tertio rationibus. Primò; Potestas temporalis, & spiritalis, in Ecclesia non sunt res disjunctæ, & separatæ, ut duo regna politica; sed sunt coniunctæ, ita ut vnum corpus faciant: vel potius ita se habent, ut corpus, & ani-

ma



ma in vno homine! est enim potestas spiritualis quasi anima, & temporalis quasi corpus. Ergo debet potestas temporalis spirituali seruire, eamque ab hostibus suis protegere, ac defendere, ac terrenum regnum celesti famulari. Sed Ecclesie exitialis est hæc libertas: nam vinculum Ecclesie est vnus fidei confesio; *Vna fides*; & ideo dissentio in fide Ecclesie est dissolutio. Debeant *Epif. 4.* igitur Principes hanc libertatem nullo modo permittere, si fungi munere suo volunt.

Secundò; Quando apud Iudæos vera religio florebat, non poterant Reges *1. Ratio.* permittere libertatem religionis: ergo multo minus debent permittere Reges Christiani; non enim minus ordinata debet esse Ecclesia, quam fuerit Synagoga. Antec. patet. Nam ex sententia iudicis politici iubentur occidi, qui non obediunt Sacerdoti. Et Pseudoprophetae similiter exterminari iubentur. Idem patet exemplis de Ezechia, Iosaphat, Iosia, & alijs pijs Regibus, qui destruebant lucos, & templa idolorum, & seuerè puniebant idololatrias, & populum ad veri Dei cultum compellebant. Quod autem ante Christi tempora ceperint permitti variz hæreses, ac præcipue Sadducæorum, qui negabant resurrectionem, non est mirum, quia Synagoga tunc ad interitum propinquabat, nec habebat Regem verò Iudæum, qui ista curaret, sed Iduum Herodem Pontifices autem nihil poterant.

Tertiò; Libertas credendi est perniciofa, etiam temporali bono regnorum, *1. Ratio.* & publice paci. Nam, vbi seruatur fides, & obedientia Deo, ibi etiam seruatur Principi: nam fides ipsa hoc docet & exigit. Item; Dissensio in fide parit animorum, & voluntatum disentionem: omne autem regnum in seipso diuini defolabitur; & experientia nostri temporis adeò manifestè hoc ostendit, vt frustra id probare nitamur.

Quartò; Libertas credendi perniciofa est illis ipsis, quibus conceditur. *4. Ratio.* Nam libertas credendi nihil aliud est, quam libertas errandi, & errandi in re omnium periculossima. Nam fides vera non est, nisi vna. Ergo libertas ab ista vna fide recedendi est libertas in errorum barathrum ruendi. Sicut ergo non salubriter permittitur auiibus libertas vagandi per montes; & salubriter non liberatur gubernaculo, nec sinitur liberè à quolibet vento circumferri nauis; ita quoque salubriter non conceditur populis libertas credendi, posteaquam vni veræ fidei se adiunxerunt.

Altera quæstio est: *An Magistratum debeat hæreticos ab Ecclesia indicatos, & damnatos punire, tam in libris eorum, quam facultatibus, & in personis, etiam vsque ad mortem.* *Quæst. 2.*

Et primùm quidem libros hæreticorum iure interdicti, & exuri, prob. primo ex antiqua, & perpetua consuetudine, non solum Christianorum, sed etiã Ethnicorum. Refert Valer. Max. quòd, cum Romæ reperti essent libri quidã, qui non nihil videbantur soluere Religionem, Prætor Vrbanus ex auctoritate Senatus in conspectu populi eos cremauit. M. Tullius refert, Protagoram Abderitè, quod libros noxios religioni scripsisset, Atheniensiu iussu vrbe atq; agro exterminatũ, librosq; eius in concione combustos. Deinde, tẽpore Apostolorũ refert Lucas, multos ab Apostolis cõuersos, libros curiosos, & vanos

*Prob. 1. de libris hæreticis. L. 1. c. 1.*

*L. 1. de natur. Deorum.*

*Ad. 19.*

Li. 1. *confit.*  
*Apost. 67*  
*L. 1. lib. 1.*  
*s. 6a.*  
 contulisse, & combussisse coram omnibus. Et Clemens dicit, Apostolos prohibuisse initio fidelibus libros Gentilium & falsorum Prophetarum. Scribit etiam Euseb. Dionysium Episc. Alexandrinum, qui floruit circa annum CC. L. à fidelibus reprehensum, quòd libros hæreticorum legeret. Consequente postea tempore creuit zelus fidelium contra libros hæreticorum. Nam Nicænum Concilium libros Arii igni adiudicauit: & Constantinus id executioni mandari iussit, proposita pœna capitis, si quis libros Arii occultasset. Marcellus etiam Ancyranus damnatus fuit, quòd libros suorum errorum comburere noluisse: non enim recipiebantur ad pœnitentiam heretici, nisi prius libros suos combussissent. Circa eadem tempora Epiphanius, in Synodo Cypri coacta, vetuit libros Origenis legi. Et Concilium Carthaginense IV. permittit solis Episcopis, vt tempore necessitatis libros hæreticorum legant. Non diu postea, cùm Nestorij hæresis in Concilio Ephesino damnata fuisset, libri quoque Nestorij in eodem Concilio interdicti sunt & à Theodosio Imp. exuri iussi. Circa idem æmpus prodijt lex Honorij & Theodosij, qua iubetur Mathematici omnes libros suos, in quibus aliquid est aduersum Catholicæ religioni, in oculis Episcoporum cremare.

Par ratione in Concilio Chalcedonensi damnantur libri Eutycheris, & ab Imp. Valentiniano, & Martino seuera lege prohibetur, ne vllus eos legere, aut habere audeat: sed omnes diligentissimè quæsit crementur. Eodem tempore B. Leo interdixit lectionem librorum hæreticorum quorundam, & addidit eos Episcopos, qui eos in domibus fidelium haberi sinerent, hæreticos censendos. Paulo post Gelasius in Concilio LXX. Episcoporum proposuit Indicem hæreticorum, quorum libros à fidelibus vitandos esse dicit. Postmodum in V. Synodo, damnato Anthymo, damnantur etiam eius libri, & Iustinianus grauem pœnam statuit, nimirum amputationis manuum, in eos, qui eiusmodi libros describunt, ac iussit vbique comburi. B. Gregorius refert, iussu Tiberij Imp. crematum librum Eutychij, quem ipse Gregorius hæresi conuicerat. In VII. etiam Synodo interdicuntur, & comburi iubentur libri hæreticorū, excommunicantur etiam, qui libros hæreticorū legunt. Concilium Constantiense confirmat decretum Concilij Rom. quo interdicta fuerat lectio librorum Ioannis VViclef.

Denique Concilium Trident. Indicem librorum hæreticorum fieri iussit, vt omnes scirent, qui libri cauendi, & exurendi essent. Ex quo apparet, semper eandem fuisse consuetudinem in Ecclesia: Accedit etiam argumentum huius rei, quòd nulli ferè extant libri veterum hæreticorū. Quomodo enim, euauerūt tot volumina Valentini, Marcionis, Arii, Eunomij, Nestorij, Pelagij, & aliorum, quibus sancti Patres respondent.

Prob. secundo ratione. Nam colloquia hæreticorum sunt periculosissima, & ideo diligenter vitanda: ergo multò magis libri sunt noxij, & pestilentes, ac vitandi. *Rogo autem vos, Fratres, vt obseruetis eos, qui diffensiones, & offensa- cula præter doctrinam, quam vos didicistis, faciunt, & declinate ab eis: nam per dulces sermones, & benedictiones seducunt corda innocentum.* Et: *Hos deuota.* Et: *Hæreticum deuota.* Et Ioannes: *Si quis venit ad vos, & hanc doctrinam non adfersi, nolite recipere in domum, nec Aue, ei dixeritis.*

Idem patet ex Patribus. Si ergo tantopere vitanda sunt colloquia Hæreticorum,

ticorum, quāto magis libri? Nam oratio in libris scripta est magis compo-  
 sita, & artificij plena, quā quæ in colloquijs vsurpatur. Deinde, est semper  
 ad manus: nam conciones, & colloquia sunt rara, & verba ore prolata mox  
 transiunt; at verba in libris manent perpetuò, & semper nobis adsunt, no-  
 biscum peregrinantur, nobiscum domi sedent.

Præterea; Libri magis sparguntur: potest enim aliquis per libros toti ferè  
 orbi terrarum simuloqui; & multorum domos, & cubicula libri penetrant,  
 quos auctor libri nunquam vidit, & ad quos fortè nunquam admitteretur.  
 Denique; Experientia idem docet. Nam Ioannes V Vicef. viua voce pau-  
 cissimos peruerit; docuit enim solum in Anglia, & ibi penè nullos reliquit  
 hæresis sui hæredes: at per libros totam Boëmiā peruertit.

Iam verò hæreticos incorigibiles, ac præsertim relapsos, posse, ac debere  
 ab Ecclesia reijci, & à secularibus potestatibus temporalibus poenis, atque  
 ipsa etiam morte mulctari, docent omnes Catholici, atque aliqui etiam ex  
 hæreticis. Et prob. primò ex Script. Vetus Testamentum feuerissimè iu-  
 bet, falsos Prophetas, qui suadent colore Deos alienos, sine vlla misericordia  
 occidi. Et postquam dictum fuerat, vt in rebus diuinis consuleretur sum-  
 mus Sacerdos, mox subditur: *Qui autem superbiuit, nolens obedire Sacerdotis im-*  
*perio, ex sententia iudicis moriatur.* Errursum Propheta falsus occidi iubetur.  
 Et reipsa legem hanc seruauerunt Elias, Iosias, Iehu, & alij, qui falsos Pro-  
 phetas plurimos occiderunt. Nullum est autem ferè discrimen inter nostros  
 hæreticos, & falsos Prophetas illius temporis. Nec solum sancti Reges, &  
 Prophetae, blasphemos morte malctarunt, sed etiam Nabuchodonosor: edi-  
 ctum constituit, vt, quicumque blasphemaret Deum Danielis, id est, verum  
 Deum, interficeretur, & domus eius vastaretur: in quo edicto, Deo vero ob-  
 sequium iustissimum fecit.

In nouo Testamento habemus inprimis, posse Ecclesiam eos, qui obedi-  
 re nolunt, à se reijcere, & habere vt Ethnicos, & Publicanos; ac proinde  
 permittere eos potestati seculari, tanquam non ampliùs Ecclesiæ filios. Ha-  
 bemus deinde, secularem potestatem posse scelestos homines gladio punire.  
 Non enim, inquit Apostolus, *sine causa gladium portat.* Ex quibus locis aper-  
 tè colligitur licitum esse hæreticos, qui omnium iudicio sunt rebellis Ecclesiæ,  
 & publicæ pacis perturbatores, ab Ecclesia abscindi, & à seculari iudice mor-  
 te mulctari.

Præterea; Christus, & Apostolus eius, hæreticos ijs rebus comparauerūt.  
 quæ sine controuersia ferro, & igni repelluntur. *Attendite à falsis Prophetis,*  
*qui veniunt ad vos in vestimentis ouium; intrinsecus autem sunt lupi rapaces.* Et. Ego  
*scio, quia intrabunt post discessum meum lupi rapaces.* Nominis luporum certum est  
 hæreticos debere intelligi, vt Ambros. explicat. At lupi rapaces optimo iure  
 occiduntur, si aliter abigi non possunt: plures enim faciendū est vita ouium,  
 quā mors luporum. Item: *Qui non intrat per ostium in ouil, sed ascendit aliun-*  
*de, ille fur est, & latro.* Vbi nomine furis, & latronis, intelliguntur hæretici,  
 & omnes seductores, ac sectarum inuētores, vt Chrysost. & Augustin. ex-  
 ponunt: fures autem, & latrones quomodo puniantur, notum est. Item;  
 Hæresis comparatur cancro, qui non curatur medicamentis, sed ferro ex-  
 scindi

scindi debet, alioqui perpetuo serpit, & totum corpus corrumpit.

Denique; Christus flagello coëgit negotiatores egredi templum. Petrus Ananiam, & Saphiram; quia mentiri auli fuerant Spiritui sancto, occidit. Et Paulus falsum Prophetam, qui proconsulem à fide impedire conabatur, excitate percussit.

Prob. 2.

Prob. secundò sententijs, & legibus Imp. quas Ecclesia semper probauit. Constantinus I. Imp. ad petitionem Nicenæ Synodi, Arium cum aliquot socijs, in exilium relegauit: item, Donatistas supplicio affecit. Deinde; Theodosius, Valentinianus, Martianus, & alij religiosissimi Imp. leges tulerunt in hæreticos, quibus eos interdum aliquot libris auri, interdum omnibus bonis, interdum exilio, & verberibus, interdum vltimo supplicio multari voluerunt. Iustinianus lege edita omnes hæreticos de finibus totius Imperij eiecit, concessis trium mensium ad conuersionem inducijs. Deinde; Michael Imp. capitalem pœnam in hæreticos constituit.

Prob. 3.

Prob. tertio legibus Ecclesiæ, quæ definiuit hæreticos incorrigibiles seculari potestati tradendos, vt ab eis debito modo puniantur. Item, Constantiensæ Concilium damnauit sententiam Ioannis Husij, & ipsum Ioannem, & Hieronymum de Praga tradidit seculari potestati, à qua ambo exusti fuerunt. Denique, Leo X. articulum Lutheri damnauit.

Prob. 4.

Q. 5.

Prob. quartò testimonijs Patrum.

Quintò, ratione naturali. Primò, hæretici excommunicari iure possunt, vt omnes fatentur: ergo & occidi. Prob. conseq. quia excommunicatio est maior pœna, quàm mors temporalis. Secundò, experientia docet non esse aliud remedium: nam Ecclesia paulatim progressa est, & omnia remedia experta. Primò solum excommunicabat: deinde addidit multam pecuniariam: tum exilium: vltimò coacta est ad mortem venire. Nam excommunicationem contemnuunt hæretici, & dicunt esse fulmina frigida. Si muneris multam pecuniariam, nec Deum timent, nec homines reuerentur, scientes non defuturos stultos, qui illis credant, & à quibus alantur. Si in carcerem concludas, vel in exilium mittas, corrumpunt vicinos verbis, & longè positos libris, ergo solum remedium est, mittere eos maturò in locum suum. Tertio; Falsarij omnium iudicio merentur mortem: at hæretici falsarij sunt verbi Dei. Quarto; Grauius est, non seruare fidem hominem Deo, quàm fœminam viro: sed hoc, morte punitur, cur non illud? Quinto, Tres causæ sunt, propter quas ratio docet homines occidendos esse. Prima est; ne mali bonis noceant, neue in nocentes à nocentibus opprimantur. Atque hinc iustissimè omnium iudicio occiduntur homicidæ, adulteri, latrones. Secunda est, vt paucorum supplicio multi corrigantur, & qui noluerunt prodesse Reip. vinendo, profint moriendo. Atque hinc videmus, etiam iustissimè omnium iudicio quædam horrenda flagitia mortem puniri, licet proximis non noceant, nisi exemplis, vt Necromantiam; quædam nefanda, & contra naturam. Ista ideo grauissimè puniuntur, vt ceteri intelligant, immania esse scelera, & non audeant similia perpetrare. Tertia est, quia ipsis hominibus, qui occiduntur, sæpe vtile est occidi, quando videlicet semper sunt peiores, & non est probabile, eos ynquam ad sanitatem mentis reuersuros.

Ha

Hæ autem omnes rationes suadent, hæreticos occidendos. Nam primum, nocent proximis magis, quàm vllus pyrata, vel latro, quandoquidem animas occidunt; immo tollunt fundamentum omnis boni, & Remp. tum multis replent, qui necessario religionum diuersitatem sequuntur. Deinde; Plurimis prodest eorum supplicium: multos enim, quos impunitas faciebat torpentes, supplicia proposita excitant, vt cogitent, qualis sit hæresis, quam sequuntur. & videant, ne fortè vitam præsentem miserè finiant, & ad futuram beatitudinem non perueniant. Itaque B. Augustinus testatur, plurimos conuersos esse, postquam leges Imp. non sinebant hæreticos impunitos, & nos quotidie idem videmus tueri in locis, vbi viget inquisitio. Denique, hæreticis obstinatis beneficium est, quod de hac vita tollantur: nam quò diutius viuunt, eo plures errores excogitant, plures peruertunt, & maiorem sibi damnationem acquirunt.

# DE PURGATORIO.

## LIBER QVINTVS

### C A P V T I.

¶ Ostenditur Purgatorium esse.

*Tria Purgatoria.*

*Hebr. 1.  
Ioh. 1.*

*Malach. 3.*

*Isap. 15.*

*Eccle. 27.*



**T**RIA in Script. reperiuntur, quibus tribuitur purgatio peccatorum, & purgatoria dici possunt. Primò, Christus ipse, de quo dicitur; *Purgationem peccatorum faciens. Et: Ecce agnus Dei, ecce qui tollit peccata mundi.* Sed de hoc non loquimur, tum, quòd non soleat Christus vocari Purgatorium; tum, quòd sit extra controuersiam, eum purgatorem peccatorum esse. Secundò, tribulationes huius vitæ, de quibus ad litteram videtur intelligendus Malachias: *Ipse sedebit, quasi ignis conflagrans, & quasi verba fulgonum, & purgabit filios Leui, & colabiteos, quasi aurum, & quasi argentum.* Nam, vt rectè exponit B. Hieron. hic agitur de tribulatione, quæ præcedit diem iudicij ad purganda peccata fidelium. Et: *Omnem palmitem in me non ferentem fructum, tollet eum, & omnem, qui fert fructum, purgabit, vt fructum plus afferat.* De hoc purgatorio non loquimur, tum quòd sit extra controuersiam; tum etiam, quòd non semper tribulatio huius vitæ sit purgatoria. Nam multi iusti affliguntur, non vt purgentur, sed vt exerceantur, & probentur, iuxta illud: *Vasa figuli probat fornax, & homines in solentatio tribulationis.* Et multi iniusti affliguntur, non vt purgentur, sed vt incipiant damnationis suæ pœnas gustare. Vocatur ergo tertio Purgatorium locus quidam, in quo, tanquam in carcere, post hanc vitam purgantur animæ, quæ in hac non plenè purgatæ fuerunt; vt nimirum sic purgatæ, in cœlum ingredi valeant, quòd nihil intrabit coinquinatum.

*Prob. 1. esse  
Purgatoriū.*

*2. Mach. 12.*

Itaque Purgatorium esse, prob. primò ex veteri Testamento. Primus locus est, vbi, posteaquam Script. narrauit, Iudas Machabæum misisse in Hierusalem 12000. drachmarum argenti in sacrificia pro mortuis expendenda, subiungit: *Sancta ergo, & salubris est cogitatio pro defunctis exorare, vt à peccatis soluantur.* Hinc enim sequitur. Primò, posse mortuos post hanc vitam à peccatis solui, ac proinde esse Purgatorium. Secundò, sacrificia, & orationes viuorum pro defunctis. Tertio, non expiari semper in morte omnes reliquias peccatorum, vt Lutherus dicit; nam isti, pro quibus orari iussit Iudas, mortui erant morte violenta, & pro religione, tamen credebat Iudas, adhuc illos

illos non plenè purgatos. Quartò, posse hominè sanctè, & piè mori, & tamè habere debitum aliquod soluendum, vel propter venialia peccata non remissa in vita, vel propter satisfactionem pro mortalibus remissis non plenè expletam: nam Script. hoc loco dicit, eos, pro quorum peccatis iussit orari Iudas, cum pietate dormitionem accepisse. Quinto, hoc esse de fide.

Secundus locus est: *Panem tuum, & vinum super sepulturam iusti confisue, & 1ob. 4. noli ex eo manducare, & bibere cum peccatoribus.* Huius loci non potest esse alius sensus, quàm is, quem communiter expositores tradunt, videlicet; Instrue conuiuium, & voca fideles pauperes, vt ipsi post acceptam eleëmofynam orent pro anima defuncti.

Tertius est, vbi habitatores Iabes Galaad, audita morte Saul, ieiunauerunt septem dies. Et Dauid fleuit, & ieiunauit pro Saule, & Ionatha, & alijs occisis; quod idem fecit pro Abner. Quamuis enim hæc videbantur fieri in signum doloris, & tristitiæ, tamen credibile est, præcipuè facta esse ad iuandas animas defunctorum, vt Beda exponit. Id ex duobus colligimus. Primo ex eo, quod irrationabile fuisset, in signum doloris septem dies ieiunare. *1. Reg. 10. 2. Reg. 3. In h. 1. Reg. 2. Reg. 12. Gm. 47. 50.* Secundo ex eo, quod Dauid ieiunauit, & orauit pro filio suo infantulo, dum ægrotaret; postea vero, quando audiuit eum esse mortuum, non amplius ieiunauit: quo facto suo ostendit, se ieiunare solitum, vt aliquid à Deo impetraret. Ideo enim pro morte pueri non ieiunauit, quia sciebat non esse puerum ad vitam rediturum, & præterea eum suffragijs non egere. Quo etiam spectat illa sollicitudo Patriarcharum, qui cupierunt in terra promissionis sepeliri: nimirum vt essent participes precum, & sacrificiorum, quæ ibi offerebantur.

Quartus est: *Domine, ne in furore tuo arguas me, neque in ira tua corripas me.* Psal. 37.

Et si enim hæc verba variè exponi possint, tamen B. Augustinus ita exponit, vt in furore argui à Deo, sit in æternum damnari, & in ira corripì, sit puniri seuerè post hanc vitam, ad correctionem tamen, & emendationem. Eodem modo exponit Beda, Haymo, Dionys. Carthus. & alij.

Quintus est: *Transiimus per ignem, & aquam, & eduxisti nos in refrigerium.* Psal. 63. Hic etiam locus potest habere varios sensus, tamen Origenes, & B. Ambros. exponunt per aquam, Baptismum; per ignem, Purgatorium.

Sextus est: *Purgabit Dominus sordes filiorum, & siliarum Sion, & sanguinem emundabit de medio eorum spiritu iudicij, & spiritu combustionis.* Hunc locum exponit B. Augustinus de pœna Purgatorii.

Septimus est: *Succensa es, quasi ignis, impietas, vepres, & spinas deuorabit.* Bas. 1sa. 9. Ilius in hunc locum dicit, per confessionem peccatum afferri, vt igne purgatorio post hanc vitam possit absumi, & ex hoc loco probat.

Octauus est: *Ne lateris inimica mea; nam, si cecidi, resurgam, cum sedero in tenebris, iram Domini portabo, donec causam meam indicet. Adducet me in lucem, vi-debo iustitiam eius.* Hunc locum afferri solitum pro Purgatorio, docet Hieronymus, & Glossa ordinata exponit: *iram Domini portabo;* Hic, vel in Purgatorio.

Nonus est: *Tu autem in sanguine Testamenti noui eduxisti vin-dictas tuas de lacu, in Zamboni, quo non est aqua.* Et si enim locum hunc adducant passim pro liberatione Pa-trum:

trum ex limbo, tamen melius conuenit liberationi animarum ex Purgatorio, quas Christus eduxit, cum eo descendit post mortem suam. Primò, quia isti rectius dicuntur uincti. Secundò, quia in Purgatorio non est aqua conso-

Lucæ 16.  
Malach. 3.

lationis, quæ est in limbo: ut patet de Lazaro: *Hic uero consolatur.* Decimus est: *Ipse sedebit, quasi ignis conflagrans, & purgabit filios Leui, & colabit eos.* Hunc locum exponunt de pœna purgatoria Origenes, S. Ambrosius, B. Augustus, B. Hieronymus. Et quamquam pœna illa purgatoria non est ea, de qua nunc agimus, nam illa purgabit uiuentes, nos autem agimus de pœna mortuorum, tamen inde rectè inferitur Purgatorium. Nam ideo tunc præcedet tribulatio grauissima, & postea etiam ignis descendet, & purgabit celerrimè omnes reliquias peccatorum, in hominibus iustis, quia tunc repente Ecclesia, quæ est in terris, assumenda erit ad sponsum, nec erit tempus purificationis ulterius, ut nunc est post mortem ante iudicium.

Prob. 2.  
Purgatoriū.  
Matth. 12.

Prob. secundo ex Testamento nouo.

Primus locus est, ubi Dominus dicit, esse quoddam peccatum, quod non remittitur, neque in hoc sæculo, neque in futuro. Hinc SS. Patres colligunt, quædam peccata remitti in futuro sæculo per orationes, & suffragia Ecclesiarum.

1. Cor. 3.

Secundus est: *Ipse autem saluus erit, sic tamen quasi per ignem.*

Notandum istum locum Apostoli esse unum ex difficillimis, & utilissimis totius Script. nam ex eo statuunt Catholici duo Ecclesiastica dogmata, Purgatorium, & venialia peccata, contra hæreticos. Hæc autem sunt Apostoli uerba: *Secundum gratiam Dei, quæ data est mihi, ut sapiens Architectus, fundamentum posui. Alium autem super adificat, unusquisque autem uideat quomodo super adificet: fundamentum enim aliud nemo potest ponere præter id, quod positum est, quod est Christus Iesus. Si quis autem super adificat super fundamentum hoc aurum, argentum, lapides pretiosos, lignum, fanum, stipulam, unuscuiusque opus manifestum erit. Dies enim Domini declarabit, quia in igne reuelabitur, & unuscuiusque opus, quale sit, ignis probabit. Si cuius opus manserit, quod super adificauit, mercedem accipiet; si cuius opus arserit, detrimentum patietur, ipse autem saluus erit, sic tamen quasi per ignem.* Vtitur uero Apostolus in hac sententia similitudine duorum Architectorum, quorum unus super fundamentum lapideum, & solidum, erigit domum ex preciosa materia, & quæ ignem non timet: qualia sunt aurum, argentum, lapides preciosi, ut Iaspis, Porphyreticus, Parius lapis. Nam ex auro, & argento fiunt laminæ, & columnæ, ut de templo Salomonis legimus: ex lapide pario, & porphyretico etiam integri parietes erigi possunt. Alter uero super simile fundamentum, id est, lapideum, & solidum erigit domum more pauperum rusticorum, ex afferibus, & stipitibus, eamque tegit feno, & stipulis. Hac posita similitudine, fingamus utrique domui adhiberi ignem, uidebimus priorem nihil penitus lædi, & si Architectus intus fortasse sit, similiter nihil pati. At posteriorem domum uidebimus continuò ignem concipere, & breui tempore totam consumi, & si Architectus intus sit, & velit saluus egredi, uidebimus eum exire non posse, nisi per ignem. In quo transitu non quidem morietur, sed tamen barba, & capilli non egredientur incolumes, nisi fortasse fiat miraculum trium puerorum, qui in fornace Babylonica non comburebantur.

Sunt



Sunt autem quinque hic difficultates. Prima est: Qui sint Architecti, qui superædificant? B. Augustin. censet, omnes Christianos dici hic ab Apostolo Architectos, & omnes superædificare super fidei fundamentum, vel opera bona, vel mala. Idem docere videntur Chrysostomus, Theodoretus, Theophylactus, & Oecumenius in hunc locum. Alij permulti docent, Architectos hic ab Apostolo non vocari, nisi Doctores, & Prædicatores Euangelij. Ita Ambrosius, & Sedulius in hunc locum. Idem insinuat Hieron. & recipiunt B. Anselmus, & B. Thomas, etiamsi priorem sententiam non rejiciant. Idem multi recentiores, vt Carthusianus, Lyranus, Caietanus, & alij in hunc locum. Vtraque sententia est bona, & ex vtraque deducitur assertio Purgatorij, & peccatorum venialium: tamen magis litteralis est posterior. Id patet manifestè ex verbis præcedentibus, & sequentibus eius capituli. Dixerat enim antea: *Ego plantavi, Apollo rigauit.* Deinde in eodem sensu statim subiungit: *Ego, vt sapiens Architectus, fundamentum posui, alius autem superædificat.* Et ibidem: *Qui plantat, & qui rigat vnum sunt.* Vnusquisque autem propriam mercedem accipiet secundum suum laborem: Dei enim sumus adiutores, Dei agricultura estis, Dei ædificatio estis. Vbi apertissimè comparat se, & alios prædicatores Euangelij, agricolis, & architectis; populos autem, qui docentur, comparat agris, & ædificijs. Item, in verbis sequentibus iterum loquitur de Doctoribus, cum ait: *Si quis videtur inter vos sapiens esse, stultus fiat, vt sit sapiens.* Et rursum: *Nemo itaq; gloriatur in hominibus; omnia enim vestra sunt. siue Paulus, siue Apollo, siue Cephas;* id est, nolite gloriari in Doctoribus, & Prædicatoribus vestris, & dicere: *Ego sum Pauli, ego verò Apollo.* Nam omnes sunt vnum, & pro vobis omnes laborant. Itaque, sicut dixerat, se plantasse, & Apollinem rigasse; ita nunc dicit: *Ego fundamentum posui, prædicans Christi fidem; alij autem superædificant, docentes ea, quæ ad vitam, & mores pertinent, & etiam explicantes latius fidei nostræ mysteria.*

Architecti.

Altera difficultas est: Quid nomine fundamenti intelligatur? Varix de hac re sunt sententiæ: sed verissima est, qua nomine fundamenti intelligitur Christus à primis prædicatoribus annuntiatus, quales erant Apostoli, qui Christi fidem, & Euangelium detulerunt ad eos populos, qui nihil vnquam de Christo audierant. Hinc enim B. Paulus ait: *Ego plantavi, & ego, vt sapiens Architectus, fundamentum non posui.* Hinc etiam, qui primi in aliqua regione fidem prædicant, dicuntur Apostoli eius regionis.

Fundamentum.

Nomine verò auri, argenti, & lapidum preciosorum intelligitur doctrina vtilis, & salutis aliorum prædicatorum, qui eos docent, qui iam fidem receperunt, & docent non solum verbo, sed etiam exemplo, ita vt verè auditores suos ædificent, & promoueant in religione, & pietate.

Aurum, argentum, lapides preciosi.

Nomine autem ligni, fœni, & stipulæ intelligatur doctrina, non quidem hæretica, vel mala, sed tamea curiosa, inutiles, superuacaneæ eorum prædicatorum, qui ad Catholicum populum Catholicè concionantur, sed absque eo fructu, & vtilitate, quam Deus requirit, ita vt, sicut priores cum magno merito concionantur, ita isti non solum sine magno merito, sed etiam non sine peccatis venialibus concionentur.

Lignum, fœnum, stipula.

Hæc expositio maxime prob. propter tria. Primò, quia nomine ædificantium

P p

tium

rium soli Doctores intelliguntur, ergo nomine operis ipsorum intelligi debet doctrina. Secundò, quia valde conuenit hæc similitudo sic explicata, Doctoribus Corinthiorum. Erant enim plus æquo dediti eloquentiæ, & philosophiæ, quæ, licet ex se iuuent, tamen interdum impediunt fructum concionum, quocirca B. Paulus de utroque Corinthios in hac epistola reprehendit. Tertiò, quia hoc totum caput optimè explanatur: siquidem B. Paulus in hoc capite tres similitudines posuit. Primam, de agricolis plantantibus, & rigantibus, quæ solum bonos Doct. complexus est. Secundam, de ædificantibus super bonum fundamentum, quæ non solum bonos, sed etiam malos Doct. comprehendit. Tertiam, de corruptoribus templi, quæ solos malos contineri voluit, & malos non quomodocunque, sed perfectè malos, vt hæreticos errores pro veritate, & vitia pro virtutibus docerites, de quibus non dicit, quod salui erunt, quasi per ignem, sed quod disperdet illos Deus.

*Dies  
Domini.*

Tertia difficultas est de die Domini. Et si autem plures sint sententiæ, omnes tamen veteres videntur accepisse per illam diem, diem vltimi iudicii, vt Theodoretus, Theophylactus, Anselmus, & alij, quorum mihi videtur verissima sententia. Primò, quia vbique in Script. dies Domini significat diem vltimi iudicii. Secundò, quia dicitur, *In illa die*, quod designatur vna quædam certa dies, quo omnium hominum opera simul probantur. At dies iudicii particularis non est vna, sed multiplex, neque in ea probantur omnium hominum opera. Tertiò, quia dicit Apostolus, *Dies Domini declarabit*, quasi dicat, tunc erunt omnia omnibus manifesta: vt capite sequenti dicit: *Donc veniat Dominus, qui illuminabit abscondita tenebrarum, & manifestabit consilia cordium*, id autem non fiet, nisi in nouissimo iudicio. Quartò, quia sequitur: *Quia in igne reuelatur*. Dicitur enim dies iudicii reuelari in igne, quia vltimum signum, & omnium notissimum erit conflagratio totius mundi, & propterea semper ferè dies iudicii describitur per ignem: *Ignis ante ipsum pracedet*. Et: *Ante faciem eius ignis vorax*. Et: *In reuelatione Domini nostri Iesu Christi de cælo, cum Angelis virtutis eius in flammâ ignis*. Et: *Elementa ignis ardore tabescent*. Quod si non placet hic per ignem accipere ignem materiale, sed ipsum iudicium Dei, vt alij exponunt, adhuc non potest intelligi per hanc diem, nisi dies vltimi iudicii. Nam tunc sensus est, quia in igne reuelatur, id est, quia illa dies erit notissima propter iudicium acerrimum, & maximum, quod in illa exercabitur. At dies iudicii particularis non est notissima propter iudicium, sed magis propter mortem. nam ipsum iudicium particulare paucis est notum.

*2. Cor. 4.*  
*2. Cor. 4.*  
*2. Thess. 1.*  
*2. Pet. 3.*

*Ignis  
probans.*

Quarta difficultas est, quis sit ignis, qui in die Domini vniuscuiusque opus probabit. Verissima videtur sententia eorum, qui dicunt, hic Apostolus loqui de igne seueri, & iusti iudicii Dei, qui non est ignis purgans, & affligens, sed probans, & examinans. Ita exponunt Ambrosi. Sedulius, Dionys. Carthus. Lyræ. Caietanus, & alij in hunc locum. Quod hæc sententia verissima sit, prob. primò, quia non aliter potest intelligi, quomodo ignis probet eos, qui aurum, & argentum ædificauerunt. Secundo, quia hæc expositio optimè conuenit verbis Apostoli, cum ait: *Vniuscuiusque opus, quale sit, ignis probabit: si cuius opus manserit, mercedem accipiet; si cuius opus arserit, detrimentum patietur*. Licet enim opera transierint ab oculis hominum, & igne materiali examinari non possint.

possint, tamen non transferunt ab oculis Dei, sed *cuncta, quæ sunt, adducet Deus Eccl. 1. sol.* in iudicium, & ea examinabit; & si cuius opus manserit, id est, si cuius opus iudicium Dei sustinere potuerit, sicut aurum sustinet ignem, *mercedem accipiet,* probabitur, & coronabitur à Deo: si cuius opus arserit, id est, si cuius opus iudicium Dei non sustinuerit, sicut fœnum, & stipula non sustinent ignem, *detrimētum patietur,* reprobabitur, & reijciatur. Tertiò, quia iudicium Dei reëctissimè vocatur ignis, cum sit purissimum, celerrimum, efficacissimum, & maxime penetratiuum. Vnde Daniel: *Fluuius igneus egredietur de ore eius.* Et etiam quia Deus totus est iustitia, totus iudicium: iude enim in Script. vocatur ignis: *Ipse quasi ignis conflagr.* Et: *Etenim Deus noster ignis consumens est.*

Dan. 7.

Malach. 3.

Hebr. 12.

Ignis

saluans.

Quinta difficultas est, quid per ignem intelligatur, cum ait: *Ipse autem saluus erit, sic tamen quasi per ignem.* Communis Theologorum sententia est, (licet varix sint sententiæ) intelligi pœnam aliquam purgatoriam; & temporalem, ad quam post mortem adiudicantur, qui in iudicio particulari inueniuntur ædificasse lignum, fœnum, aut stipulam. Hæc expositio, præterquam quod optimè conuenit textui, satis probatur ex communi consensu Patrum.

Tertius locus est: *Quid facient, qui baptizantur pro mortuis, si mortui non resurgunt? ut quid baptizantur pro illis?* Hic locus apertè conuincit, quod volumus. Sex expositiones sunt, sed vera, & germana est, quod loquatur de Baptismo lachrymarum, & pœnitentiæ, qui suscipitur orando, ieiunando, eleemosynas faciendo, &c. vt sensus sit: *Quid facient, qui baptizantur pro mortuis, si mortui non resurgunt?* id est, quid facient, qui orant, ieiunant, genuunt, affligunt se pro mortuis, si mortui non resurgunt? Ita exponunt Ephrem, Per. Cluniacensis, Dionysius, Hugo, Gagneitis, & alij in hunc locum.

1. Cor. 15.

Hæc expositio verissima est: primo, quia, baptizari, passim in Script. & Patribus accipitur pro affligi. *Potestis bibere calicem, quem ego bibiturus sum, & baptismo, quo ego baptizor, baptizari?* Patres passim vocant pœnitentiæ afflictionem, baptismum laboriosum, & secundam tabulam. Secundo, quia ipsa pœna Purgatoriæ in Script. & Patribus vocatur Baptisma: nam quod legimus: *Ipse vos baptizabit in Spiritu sancto, & igni,* B. Hieronymus exponit de Spiritu sancto in hac vita; igne vero in futura, sicut & alij. Itaque elegantissimè Apostolus dixit, eos baptizari pro mortuis, qui affligentes se oratione, & ieiunio, sumunt in se partem illius Baptismi ignei, quo animæ baptizantur in Purgatorio. Tertiò, quia hæc expositio maxime quadrat cum sequentibus: *Vt quid nos periclitamur tota die?* quali dicat: Cur quidam se affligunt orando pro mortuis, & ego affligo me predicando Euangelium, si mortuorum resurrectio non est? Quarto, quia ista sententia eadem est cum illa: *Si mortui non resurgunt, sum-*

Marc. 10;

Matth. 9.

2. Mach. 12.

Matth. 5.

Lucæ 12.

*peritum est, & vanum, orate pro mortuis.* Quartus locus est: *Esse consentiens aduersario tuo citò, dum es cum eo in via, ne forte tradat te aduersarius iudici, & iudex tortori, & mittaris in carcerem. Amen dico tibi, non exies inde, donec reddas nonissimum quadrantem.*

Sex hic exponenda sunt. Primò, via. De qua Chrysostomus docet, eam accipi pro vera via, qua itur ad iudicem in hoc mundo. Existimat enim, nullam hic esse parabolam, sed Dominum ad litteram terrere dissidentes communi- catione humani periculi, ita vt etiam iudex intelligatur homo, tortor homo,

carcer materialis huius vitæ, & quadrans verus nummus creus. Quo etiam modo contendit Ochinus, esse hunc locum exponendum.

De qua explicatione duo dico. Primò, eam simpliciter non esse probabilem; tum, quod repugnent omnes alij expositores, Origenes, Cyprianus, Hilarius, Ambrosius, Hieron. Augustinus. Beda, Anselmus; & recentiores, Abulenſis, Lyranus, Caietanus, Iansenius, & alij, qui omnes docent, viam hic significare vitam præsentem: ut cum dicitur: *Beati immaculati in via*; & magna ex parte hunc sermonem esse Metaphoricum: tum etiam, quod non soleat Dominus tam seriò docere, & instruere humanam prudentiam, cum ipse sæpe testatus sit, filios huius sæculi prudentiores esse filijs lucis. Adde quod non tam assertiuè Dominus diceret: *Amen dico tibi, non exies inde, donec reddas novissimum quadrantem*; si loqueretur de humano iudicio, cum sæpe videamus contrarium accidere, ut reiliberentur favore alicuius, vel perse fugiant, & nihil soluant.

Dico secundò, Si Chrysostomi sententia recipi debeat, ut probabilis, solum recipi posse pro ijs verbis, quæ habentur apud Matth. quæ ipse exponit: pro ijs autem, quæ apud Lucam, nullo modo recipi posse. Bis enim Dominus hæc verba est locutus, diuersis oblatiis occasionibus. Nam apud Matth. dixit hæc verba, cum loqueretur de amore inimicorum, & de iniurijs condonandis; & idèò tolerari vtcunque ista expositio potest. Apud Lucam vero Dominus loquitur de iudicio futuro. Dicit enim: *Sint lumbi vestri præcincti*. Et postea: *Vigilate, quia, quæ hora non putatis, Dominus veniet*. Et in fine concludit: *Cum ergo vadis cum aduersario tuo ad Principem*. Vbi apertè ostendit, se loqui de futuro iudicio, quod erit post hanc vitam. Quod etiam confirmatur ex verbis immediatè præcedentibus: *Quid autem & à vobis ipsis non indicatis, quod iustum est? Cum enim vadis cum aduersario tuo*. Vult enim eos admonere, parabolam hanc sumptam ex ijs, quæ homines facere solent. Ut enim debitores dant omnem operam liberandi se à creditore, antequam ad iudicium veniantur; ita, &c. Quocirca Theophylactus, & Euthym. in Matth. sequuntur Chrysostomum; in Lucam tamen dicunt rectè intelligi per viam, vitam; per iudiciem, Deum, &c.

Secundò, quis sit Aduersarius, multa sunt opiniones: sed verissima expositio est, Aduersarium esse Dei legem; siue Deum ipsum, quatenus præcipit contraria carni; siue conscientiam, quæ Dei legem semper obijcit peccanti. Ita exponunt Patres. Nam lex Dei, & conscientia nostra, semper sunt in via, semper aduersantur prauis desiderijs, eisque vtilissimum est citò consentire, & ab eorum inimicitia liberari: denique accusatores, & testes erunt contra nos in iudicio.

Tertiò, quis sit Iudex, conueniunt omnes, Iudicem esse Christum: nam Script. passim hoc docent: *Pater omne iudicium dedit filio*. Quartò, qui sint Ministri, Ambrosius & Augustinus intelligunt per Ministros, Angelos bonos: Gregorius, & Theophylactus malos, scilicet dæmones. Vtrumque est probabile. Quintò, quis sit Carcer, omnes conueniunt esse infernum, in quo tamen multe sunt mansiones. Aliæ pro damnatis; aliæ pro his, qui purgantur.

SECTO.

Sextò, conueniunt etiam ferè omnes per nouissimum quadràntem intelligi, minuta peccata: quadrans enim est minima moneta. Quia tamen non vult Dominus dicere, solum quadrantem soluendum, sed totum debitum vsque ad vltimum quadrantem, dubium manet, An hæc solutio fiat in Gehenna, an in Purgatorio? Alij dicunt in Gehenna. Alij in Gehenna, & Purgatorio simul. Alij denique intelligunt in solo Purgatorio. Quæ sententia verissima est.

*Nouissimus quadrans.*

Prob. primò, quia hoc modo hunc locum intellexerunt vetustissimi Patres.

Prob. secundò, quia illud, *Donec soluas vltimum quadrantem*, non videtur rectè posse dici, nisi aliquando sit futurus finis solutionis. Inferimus enim inde rectè; Ergò aliquando soluet vltimum quadrantem, & consequentur exitus inde.

Prob. tertio ex fundamento, & scopo ipsius parabolæ. Nam similitudo non est sumpta ab homicida, vel adultero, vel proditore qui damnantur ad mortem, vel ad perpetuos carceres, vel triremes, sed à debitore, qui non propter crimen, sed propter debitum pecuniarium conijcitur in carcerem, donec soluat. Solent autem eiusmodi homines ordinari egredi post aliquod tempus, vt patet. Itaque scopus parabolæ est, vt in hac vita componamus cum Deo, quando faciliè impetramus remissionem pœnæ peccatis nostris debitæ, nec expectemus seculum futurum, in quo seuerissimè agetur.

Quintus locus est: *Qui irascitur fratri suo, reus erit iudicio: qui dixerit fratri suo, Ratha, reus eris consilio: qui dixerit, satuo, reus erit Gehenna ignis.* Certum est, hic agi de pœna iniungenda in foro Dei, vt patet ex illo: *Reus eris Gehenna ignis.* Certum etiam est, hic distingui tria genera peccatorum, & pœnarum, & damnationem æternam solum tribui tertio generi peccatorum, id est, criminibus.

Alijs autem, vtpote leuioribus peccatis pœnas leuiiores, ac proinde temporales. Ex quibus inferitur, animas aliquas post hanc vitam puniri temporalibus pœnis. Potest enim fieri, vt aliquis moriatur cum peccatis leuibus, quia potest mori repente, vel dormiens, ita vt nullum habeat spaciū pœnitentiæ. Ergo in hac vita purgabitur: alioqui vel ibit in cœlum aliquid coinquinarum, vel iniuste damnabitur ad pœnas æternas, qui non merebatur, nisi temporales.

Sextus est: *Facite vobis amicos de mammona iniquitatis, vt, cum defeceritis, recipiant vos in æterna tabernacula.* Per, *deficere*, intelligunt omnes mori. Per, *amici*, intelligunt sanctos, qui cum Christo regnant: ex quibus sequitur, homines post mortem iuari precibus Sanctorum. Sed quia posset aliquis dicere, hic agi de virtute eleemosynæ, & sensum esse, eos, qui eleemosynam fecerunt, cum moriuntur, saluari propter opera illa bona, quæ fecerunt, obseruandum est, non hoc solum velle Dominum, sed etiam velle post mortem iuari animas precibus Sanctorum. Nam primo, ad id conueniunt verba illa: *Facite amicos qui recipiant.* Nam eleemosyna, quæ datur malis hominibus, bona tamen intentione, meritoria est, & tamen non facit amicos.

P p 3.

qui

qui possint recipere in æternatabernacula. Secundò; Ad id nos cogit ipsa similitudo; nam parabola sumpta est ab œconomo quodam, qui depositus ab officio, & egenus factus opem implorabat amicorum suorum. Quòd autem in applicatione parabolæ, deponi ab officio, sit mori, Dominus ipse explicat. Adde, quòd Augustin. ex hoc loco purgatorium esse demonstrat.

*Luc. 23.* Septimus est: *Memento mei, dum veneris in regnum tuum.* Nunquam hoc diceret bonus ille vir à Spiritu sancto edoctus, nisi crederet, post hanc vità posse remitti peccata, & auxilio animas indigere, & iuari posse.

*Act. 2.* Octauus: *Quem Deus suscitauit solutis doloribus inferni, iuxta quod impossibile erat, teneri eum ab illis.* Hunc locum ita intelligit B. Augustinus, vt sit sensus, Christum, cum descendit ad inferos, multos liberasse à cruciatibus inferni. Quod, cum non possit intelligi de damnatis, necessariò videtur intelligendù de ijs, qui purgabantur. Quod etiam affirmat Epiphanius. Et prob. ex ipsis verbis: nam illud: *Solutis doloribus inferni*, non potest intelligi, nisi de doloribus ipsius Christi. Dolores enim Christi in cruce finiti sunt, vt patet ex illis verbis: *Hodie mecum eris in paradiso.* Nec de doloribus damnatorum, vt patet, quia illi æternis ignibus addicti sunt. Nec de doloribus sanctorum Patrum: illi enim nullos patiebantur dolores; vt Augustin. & Gregor. docent. Relinquitur igitur, vt de doloribus animarum Purgatorij hoc loco agatur.

*Philip. 2.* Nonus est: *Vt in nomine Iesu omne genu flectatur, cœlestium, terrestrium, & infernorum.* Vtitur hoc loco B. Augustinus: quanquam per illud, *Infernorum*, non improbabiler accipiantur Dæmones. Similis huic est ille locus: *Quis dignus est aperire librum, & soluere septem signacula eius? & nemo inuentus est, neque in cœlo, neque in terra, neque sub terra.* Per eos, qui sunt in cœlo, intelliguntur Angeli. Per eos, qui in terra, homines iusti. Per eos, qui sub terra non possunt intelligi, nisi animæ Purgatorij. Nec enim id damnatis tribueretur: Patres autem, qui fuerant in limbo, iam liberati erant. Vtuntur nostri hoc loco: sed tamen non videtur multum vrgere. Nam probabile est, intelligi per eos, qui sunt iuxta terram, Patres, qui erant in limbo. Etsi enim, quando Ioannes hæc scripsit, Patres exierant ex limbo, non tamen exierant eo tempore, de quo loquitur. Loquitur enim de tempore, quod præcessit Christi mortem: idè enim subiungitur: *Vicit Leo de tribu Iuda, radix David, aperire librum, &c.* Christus autem sua morte aperuit mysteria librisque ad illam diem clausa. Similiter, quod assertur ex hoc eodem capite, vbi dicuntur creaturæ, quæ sunt in cœlo, & quæ in terra, & quæ sub terra, dedisse laudem Deo, non conuincit: nam possunt hic per creaturas intelligi res inanimæ, vt:

*Psal. 148.* *ignis, grando, &c.* quæ in Psal. ad Deū laudandum inuiantur: præsertim cum Ioannes addat etiam ea, quæ sunt in mari.

*Prob. 3. Purgatorium.* Prob. etiam Purgatorium ex totius Ecclesiæ consuetudine, & Concilij generalibus, Lateranensi, Florent. Tridentino, & omnibus Liturgijs, in quibus sit oratio pro defunctis. Idem prob. ex Patribus Græcis, & Latinis.

*Prob. 4. Ratio.* Prob. etiam rationibus. Prima ratio: Quædam peccata sunt venialia, solo-

que

quetemporalipœna digna. At fieri potest, vt cùm solis talibus homo de-  
 dat ex hac vita: igitur necesse est in alia vita posse purgari. Esse autem que-  
 dam peccata venialia, prob. ex Iacobo: *Vnusquisque tenetur à concupiscentia sua;*  
*concupiscentia autem, cùm conceperit, parit peccatum; peccatum, cùm consummatum*  
*fuert, generat mortem.* Hic describitur peccatum veniale ex imperfectione  
 actus, & explicat hic Iacobus peccatum veniale secundum se, ac docet post  
 tentationem concupiscentiæ, quæ sine peccato esse potest, continuò sequi  
 peccatum, si quis non caueat: nam ex concupiscentia oritur delectatio in parte  
 inferiori, quæ nonnullum est peccatum, non tamen mortiferum, si non  
 addit consensus mentis deliberatus. Idè enim subiungit: *Peccatum cùm con-*  
*summatum fuerit, generat mortem;* accedente nimirum pleno consensu. Præ-  
 terea Apostolus: *Qui superadificat ligna, fœnum, stipulas, saluus erit quasi per ignem.* 1. Cor. 3.  
 Hic describitur veniale ex leuitate materiæ: &, quomodocunque intelliga-  
 mus verba Apostoli, siue de hac vita, siue de alia, siue de doctrina, siue de om-  
 nibus operibus, necessariò cogimur exponere per ligna, fœnum, stipulas,  
 peccata venialia, quandoquidem, qui ista habet, saluatur, quasi per ignem.

Prob. vltimò ratione. Nam intelligibile non est, quomodo verbum ocio-  
 sum ex natura sua dignum sit perpetuo odio Dei, & tempiternis flammis.  
 Hinc enim in terris, stultissimus haberetur, qui ob leuissimam offensionem  
 amici, nec malo animo factam, nollet amplius esse amicus; immò vsque ad  
 mortem persequeretur eum, quem amicum paulò antè habuerat.

Quòd autem cum eiusmodi peccatis aliqui interdum de hac vita migrent,  
 ac proinde in alia vita purgatione temporali egeant, prob. Nam potest quis,  
 dum moritur, habere voluntatem permanendi in peccato veniali: igitur tale  
 peccatum deleri in morte non potest. Præterea; Cùm septies in die cadat in-  
 stus, & multi moriantur repente, quomodo credibile est, nò mori aliquos cum  
 peccato veniali? *Prov. 24.*

Secunda ratio: Cùm reconciliantur Deo peccatores, non dimittitur sem-  
 per cum peccato tota pœna temporalis: at potest fieri, & læpe fit, vt in tota  
 vita aliquis non satisfecerit plenè pro temporali illa pœna: ergò necessariò  
 statui debet Purgatorium. Maior prob. Nam, cùm Dauid dixisset: *Peccaui*  
*Domino,* ait Propheta: *Deus quoque transfudit à te iniquitatem, sed quia blasphemare*  
*fecisti inimicos Domini, filius, qui natus est tibi, morte morietur.* Cùm Maria  
 murmurasset contra Dominum, punita est morbo læpræ: orante autem pro  
 ea Moyse dimissa est ei culpa; & tamen pœnam voluit Deus vt illa lueret per  
 vnâ hebdomadam. Prob. assumptio: Nam multi, qui plurima peccata cõ-  
 miferunt, in mortis articulo conuertuntur, quando nullam possunt agere  
 pœnitentiam: ex quo certè illud sequitur, vt post hanc vitam, satisfacere  
 debeant. *2. Reg. 12.* *Numer. 12.*

Tertia ratio sumitur à communi opinione omnium Gentium. Id enim cõ-  
 fiteatur Hebræi, Mahumerani, Gentiles, quoque tam Philosophi, quàm  
 Poëtæ. *3. Ratio.*

Neque dicat aliquis, hoc potiùs argumentum esse erroris, & fabularum:  
 nam illa, in quibus omnes ferè nationes conueniunt, vix possunt aliunde pro-  
 venire, quàm à naturali lumine omnibus hominibus communi: quæ enim  
 sunt.

sunt excogitata ab hominibus, varia sunt, pro Gentium diuersitate. Sic ut ergo, Deum esse, in quo omnes nationes conueniunt, dicimus verissimum esse, nec tamen recipimus in particulari Deos varios, & multiplices, quos sibi qualibet natio fabricauit: & sicut post hanc vitam esse pœnas, & præmia, in quo etiam conueniunt omnes, recipimus vt verum, nec tamen recipimus varias fabulas, quibus hoc explicant: ita etiam Purgatorij confessionem, in qua omnes conueniunt ferè Gentes, oportet dicere esse confessionem luminis naturalis. Eiusdem enim prouidentie diuinæ cognitio docuit Purgatorium, quæ docuit infernum, & Paradisum, saltem generali, & confuso quodam modo: quia nimirum videmus pœnas, & præmia ita distribui in hac vita, vt plura bona habeant mali, & plura mala boni, vt plurimum: inde iudicamus, diuinâ prouidentia in aliam vitam distulisse iudicium, & veram distributionem præmiorum, & pœnarum. Rursum, Videmus ex ijs, qui migrant ex hac vita alios esse valdè bonos, alios valdè malos, alios mediocriter bonos, & mediocriter malos: quocirca iudicamus, post hanc vitam esse pœnas æternas pro valdè malis, & præmia æterna pro valdè bonis, ac pœnas temporarias, & per eas transitum ad præmia pro ijs, qui sunt mediocriter mali, vel boni.

4. Ratio.

Quarta ratio sumitur ab apparitionibus animarum, quæ se in Purgatorio esse renunciauerunt, atque opem à viuis implorauerunt: quas apparitiones, cum viri grauissimi retulerint, non immerito veras esse credimus.

5. Ratio.

Vltima ratio esse potest, quia ista opinio, quæ tollit Purgatorium, nō solum est falsa, sed etiam perniciosa: siquidem homines socordes facit in peccatis cauendis, & bonis operibus faciendis. Qui enim cogitat, nullum esse Purgatorium, sed omnia peccata per mortem aboleri in ijs, qui moriuntur cū fide, facile dicit apud se: Quorsum ego laboro in ieiunijs, precibus, continentia, eleēmosynis, &c.

Dogma fidei.

Porro Purgatorium esse, dogma fidei est, adeò, vt, qui non credit, Purgatorium esse, ad illud nunquam sit peruenturus, sed in Gehenna sempiterno incendio cruciandus. Nam dogmata fidei quatuor modis probari solent. Primò, ex testimonio expresso Script. cum Ecclesie declaratione. Quomodo probamus, Christum esse *θεωσαν*. Patri, ex illo: *Ego, & Pater vnus sumus*, addita Nicæni Concilij declaratione: nam alioquin nunquam lis cum Arianis finire potuisset, cū meum locum, & omnia alia, quæ afferri solent, ipsi aliter exponerent. Secundò, per euidentem deductionem ex ijs, quæ habentur expressè in Script. Quomodo probamus, Christum habere duas voluntates, diuinam, & humanam, quia secundum Script. Deus, & homo est, addita Concilij VI. declaratione. Tertiò, ex verbo Dei per Apostolos non scripto, sed tradito. Quomodo probamus, Euangelia, & epistolas Pauli esse diuinas Scripturas. Quartò, per euidentem deductionem ex verbo Dei tradito. Quomodo B. Augustinus passim probat, peccatum originale esse in pueris necessario credendum, etiamsi in Script. non haberetur, quia deducitur euidenter ex traditione Apostolica de Baptismo paruulorum. Sufficiencia horum quatuor modorum inde patet, quia id solum est de fide, quod à Deo est reuelatum mediatè, vel immediatè: reuelationes autè diuinæ partim scriptæ sunt,

Ioh. 10.



sunt, partim non scriptæ. Itaque decreta Conciliorum, & Pontificum, & Doctorum consensus, & omnia alia ad ista quatuor deducuntur, tunc enim solùm faciunt rem de fide, cum explicant verbum Dei, aut inde aliquid deducunt.

Iam verò his omnibus modis prob. Purgatorium. Nam de primo modo patet ex locis Script. supra allatis, quorum aliqua à tota Ecclesia exponuntur de Purgatorio. De secundo modo patet ex duabus primis rationibus, quas fecimus. De tertio modo perspicuum est ex eo, quòd non inuenimus initium huius dogmatis; sed omnes veteres Græci, & Latini ab ipso tempore Apostolorum constanter docuerunt, Purgatorium esse. Talia enim ad Apostolicam traditionem referenda esse, B. Augustin. affirmat. De quarto modo patet ex Clemente, Tertulliano, Epiphanio, & Chrysostomo, qui asserunt, orationem pro defunctis esse Apostolicam traditionem; & nulli unquam veterum contrarium dixerunt. Hinc enim euidenter colligitur Purgatorium esse.

## CAPVT II.

## De personis, quibus Purgatorium conuenit.

**P**RI MA quæstio est: *Quibus personis purgatio post hanc vitam conuenit?* Multi <sup>Quæst. 1.</sup> <sup>Resp.</sup> de hac re extiterunt errores: sed vera sententia, & Catholica est, Purgatorium pro istantùm esse, qui cum venialibus culpis tantùm moriuntur, de quibus agitur apud Apostolum. Illi enim sunt, qui ædificant super fundamentum ligna, & stipulas, & salui erunt quasi per ignem. Et rursum, pro illis, qui decedunt cum reatu poenæ, culpis iam remissis, de quibus ibi: *Non exies inde, donec reddas nouissimum quadrantem*: & alijs locis supra citatis. <sup>1. Cor. 3.</sup> <sup>Luce 12.</sup>

Altera quæstio est: *An in Purgatorio sit locus meritis, & peccatis.* Resp. negatiuè, & prob. ex Script. <sup>Quæst. 2.</sup> <sup>Prob.</sup>

Primus locus est: *Mortui nihil nouerunt amplius, nec habent ultra mercedem.* Vt exponit Hieronymus. <sup>Resp.</sup> <sup>Eccle. 9.</sup>

Secundus est: *Quodcumque potest agere manus tua, instantè operare, quia nec opus, nec ratio, nec sapientia est apud inferos, quò tu properas.* Non possumus dicere, in alia vita nihil agi, aut sciri, cum de Epulone legamus, eum & uidisse Lazarum in sinu Abraham, & primùm pro se, deinde pro fratribus opem implorasse: quare loquitur de opere meritorio, vt exponit Hieronymus. Neque loquitur de inferno inferiore, sed de inferno in genere, vt omnia loca complectitur, ad quæ descendebant omnes homines ante Christi resurrectionem, vt idem Hieron. exponit. <sup>Ibid.</sup>

Eccles. 11.

**Tertius locus:** *Si cecideris lignum, siue ad Austrum, siue ad Aquilonem, ubicumque cecideris, ibieris.* Hieron. & Bernardus exponunt de immutabilitate animæ post hanc vitam, quæ non potest de bona fieri mala, nec bona de mala.

Eccli. 14.

**Quartus est:** *Ante obitum tuum operare iustitiam, quia non est apud inferos inuenire cibum.*

Eccli. 14.

**Quintus:** *Ne verearis usque ad mortem iustificari.* Quare usque ad mortem, nisi quia post mortem non erit amplius tempus?

Ioan. 9.

**Sextus est:** *Venit nox, in qua nemo potest operari.* Quod exponunt Patres summo consensu per noctem, tempus alterius vitæ; per operari, facere opera meritoria, significari.

1. Cor. 5.

**Septimus.** *Omnes nos manifestari oportet ante tribunal Christi, ut referat unusquisque propria corporis, sicut gessit, siue bonum, siue malum.* Quem locum exponens Augustinus, monet propria corporis non vocari opera corporalia, quasi spiritualia iudicanda non sint; sed vocari omnia opera, quæ fiunt, dum sumus in corpore, quia post hanc vitam non superest tempus operandi, sed præmium, aut penas recipiendi.

Gal. 6.

**Octauus est:** *Qua seminaveris homo, hæc & metes.* Et infra: *Bonum autem facientes non desiciamus; tempore enim suo metemus non deficientes: ergo, dum tempus habemus, operemur bonum.* Hieronym. in hunc locum docet, tempus sementis non extendi ultra hanc vitam: serere autem esse, bene operari.

Luc. 15.

**Nonus locus est:** *Redde rationem villicationis tuæ, iam enim non poteris amplius villicare.* Exponunt omnes interpretes per depositionem à villicatione, mortem; per non posse amplius villicare, non posse amplius mereri, & lucrari.

Apo. 10.

**Decimus est,** ubi Angelus habens unum pedem super mare, & alterum super terram iurat per viuendum in secula seculorum, quia tempus non erit amplius, nimirum bene operandi. Denique; Scripturæ hoc passim testantur. Idem prob. ex Patribus.

**Quæst. 3.**  
**Resp.**

**Tres gradus  
certitudinis.**

**Tertia quæstio est:** *Sintne in Purgatorio anima certa de sua salute, an incerta?* Communis Theologorum sententia est omnes animas, quæ in Purgatorio sint, habere salutis suæ certitudinem. Ut autem intelligatur, quantā habeant certitudinem, notandum est tres esse gradus certitudinis. Primus est ille, qui excludit omnem spem, & omnem timorem. Talis est beatorum, quibus beatitudo non est futura, sed præsens. Secundus est ille, qui excludit omnem timorem, sed non omnem spem. Et talis est in Purgatorio: nam beatitudo est illis futura, non præsens; & ideo non tollit expectationem. & rursum est ardua, quia per penas ad eam peruenient; & ideo illorum expectatio potest vocari spes. tamen non est contingens, sed necessaria, quia non possunt amplius ab ea excidere; & ideo tollit omnem timorem. Tertius est ille, qui neque spem, neque timorem excludit, & diei potest coniecturalis certitudinis gradus. Talis est noster: nobis enim beatitudo est bonum futurum, non præsens, arduum, non facile, contingens, non necessarium, vel impossibile; & ideo proprijs simè speramus, & timemus; sumus enim adhuc in prælio, in studio, in agone.

**Prob. resp.**

Nunc ostendamus rem ita esse. Si animæ non haberent certitudinem salutis, id necessariò fieret propter vnam ex quatuor causis. Vel, quia adhuc pos-

sunt

sunt mereri, & demereri: vel, quia nondum sunt iudicatz, vel, quia ignorant sententiam iudicis, licet lata sit: vel, quia propter magnitudinem dolorum ita absorbetur, vel obscuratur earum iudicium, vt non possint videre, & cogitare hanc certitudinem. Sed nihil horum habet locum. Non primum, vt patet. Non secundum, quia licet iudicium vniuersale nondum sit factum, tamen prater illud est particulare, quo iudicantur statim à morte, vt Theologi docent. Prob. autem hoc iudicium particulare ex illo: *Facile est coram Deo* Eccli. 11.  
*indie obis retribuere unicuique secundum vias suas.* Item: *In fine hominis denudatio operum illius.*

Idem etiam colligitur euidenter ex alia veritate: nam de fide est, mox à morte impios descendere ad æterna supplicia: vt patet de diuine: & iustos ad Luc. 16.  
 æterna gaudia; vt patet de latrone: *Hodie mecum eris in Paradiso.* At non est vl- Luc. 23.  
 lo modo credibile prius distribui pœnas, & prœmia, quàm fiat iudicium. Idem docent Patres.

His accedant exempla eorum, qui se iudicatos testati sunt. Extat inter alia memorabile exemplum in vita S. Brunonis de quodam Parisiensium Doctore. Est autem notandum circa talia exempla, tam iudicium eorum, quod ante mortem peractum est, quàm istius Parisiensis, quod in triduum post mortem dilatum fuit, pertinere ad particularem quandam, & extraordinariam providentiam, qua Deus vtitur ad nos, siue instruendos, siue terrendos. Alioqui regulariter credendum est, iudicium fieri statim à morte: nam ordinariè tempus pœnitentiæ vtile durat vsque ad extremum spiritum: nec est ratio, cur post mortem retardetur iudicium, cum Deus non neget testibus, nec allegatione; sed in instanti possit iudicare.

Est etiam obseruandum non posse certò definiri, an animæ deferantur ad iudicem, an ibi iudicentur, vbi corpus relinquunt: & similiter an iudicentur immediate à Christo in forma humana sententiam proferente; an solum diuina virtute, quæ vbique præsens est; An verò per Angelos sententia manifestetur. Quod enim Script. passim dicit, Christum hominem esse iudicem viuorum, & mortuorum, intelligitur de nouissimo generali iudicio: nam etiam ante Christi incarnationem iudicium particulare exercebatur.

Quantum ad tertiam, quod sententia iudicis lateat animas, quæ iudicantur, & falsum est, & impertinens. Falsum quidem, quia iudicium particulare præcipue fit ad hoc, vt innotescat sententia ei, qui iudicatur: nam propter alios erit iudicium generale: propter Deum non est necessarium iudicium: ipse enim omnia nouit: ergò solum fit, vt innotescat illi animæ, quæ iudicatur. Est etiam impertinens, nam, etsi non eis innotesceret sententia iudicis, tamen facile possent per se cognoscere, qualis sit, ab effectu, quia videbunt se statim in inferno, aut in cœlo, aut in Purgatorio.

Quantum ad quartum, quòd animæ illæ propter nimios dolores impediuntur à cognitione sui status, & proinde putent se esse in inferno, & in quadam turbatione animi, & desperatione versentur, est falsissimum. Nam primum, Luc. 16.  
 anima diuinit in inferno non impediatur à cognitione sui status, quanto minus impediuntur animæ, quæ sunt in Purgatorio? Secundò; Quòd in hoc mundo impediuntur homines à recto iudicio ex intentione dolorum, proue-

nit ex lésione organi corporei: at ibi est pura mens spiritalis, & incorruptibilis. Tertiò, quia Ecclesia in Canone Missæ dicit: *Memento, Domine, famulatum, famularumque tuarum*, &c. ubi orat pro animabus Purgatorij. Nam subdit: *Ipsi, Domine, & omnibus in Christo quiescentibus*, &c. At certè, quæ dormire dicuntur in somno pacis, non sunt anxie, nec desperant; sed potiùs habent admixtam cum summis cruciatibus incredibilem consolationem propter certam spem salutis. Quartò, quia, si crederent se damnatas, non peterent suffragia viuorum, nec dicerent se breui liberandas, si pro eis oretur, ut ex multis patet exemplis.

## CAPVT III.

## De loco, &amp; tempore Purgatorij.

*Locus Purgatorij.*

*Quæstio  
prim.*

DE loco Purgatorij nihil Ecclesia definiuit. Sunt autem multæ opinionēs: sed communis Scholasticorum est, Purgatorium esse infra viscera terræ inferno ipsi vicinum. Constituunt enim Scholastici communi consensu intra terram quatuor sinus, siue vnum in quatuor partes diuisum. Vnum pro damnatis: alterum pro purgandis: tertium pro infantibus sine Baptismo abeuntibus: quartum pro iustis, qui moriebantur ante Christi passionem, qui nunc vacuus remanet. Quorum sufficientia sumitur penes genera pœnarum. Sunt enim hæc omnia loca pœnalla. Omnis autem pœna, aut est tantum dampni, aut etiam sensus: & rursus, aut æterna, aut temporalis. Pro pœna ergò solius dampni æterna est limbus puerorum: pro pœna solius dampni temporalis erat limbus Patrum: pro pœna dampni, & sensus æterna est infernus: pro pœna dampni, & sensus temporalis est Purgatorium. Ac quòd intra viscera terræ sit locus aliquis animarum, quæ Infernus vocatur generali vocabulo, alibi demonstratum est. Ad quæ argumenta accedunt varix eruptiones ignis, quæ in terra apparent, quas non temerè B. Gregorius putat, esse iudicia quædam inferni intra viscera terræ existentis. Nam scribit se certa relatione cognouisse, eadem ipsa hora, qua obiit Rex Theodoricus Arianus, visam fuisse animam eius iactari in foueam Vulcani, quæ est in Sicilia. Et Surius scribit, circa montem Heclam insulæ Islandiæ, vnde erumpunt flammæ, & audiuntur, quasi quædam tonitrua horribilia, sæpe apparere animas, quæ dicant, se mitti ad illum montem. Nunc de singulis.

*L. 4. Dial.  
p. 30.*

*In hislor.  
anni 1537.*

*Prob. Infernus  
damnatorum  
est sub  
terra.  
Locus 16.*

Ac primùm, quòd infernus damnatorum sit in profundissimis terræ partibus, prob. primò, quia intra viscera terræ est infernus: sed anima diuitis Epulonis dicitur fuisse in inferno, & non solum in inferno, sed etiam in loco profundissimo; quandoquidem, ut videret Lazarum, qui tunc etiam erat in locis subterraneis, sursum versus aspicere debuit.

*Præ-*

**Præterea;** Ratio ipsa dicat, vt, sicut locus beatorum est in summo cælo, locus damnatorum sit in loco remotissimo à cælo: nihil autem remotius centro terræ.

Deinde; Quod Purgatorium sit etiam sub terrâ, & inferno damnatorum *Prob. Purg. vicinum, prob. I. ex illis verbis: Solutus doloribus inferni; quæ intelliguntur de penis Purgatorij ab Auguft. Vnde etiam Ecclesia in Missa de defunctis dicit: Libera animas defunctorum de penis inferni, & de profundo lacu.* Deinde; Id confirm. ex visione, quam refert Beda, vbi apertè visum est Purgatorium inferno dâ- *Ad. 2. Epist. 99. L. 5. hist. c. 13.* natorum contiguum. Denique; Theologi ferè omnes docent, eodem loco esse, & eodem igne torqueri damnatos, & animas Purgatorij.

Quod autem limbus puerorum sit in inferno, prob. Nam Concil. Florent. *Prob. limbus* disertè definit, tam eos, qui moriuntur cum peccato mortali, quàm eos, qui *puerorum.* cum solo originali, mox in infernum descendere, penis tamen disparibus puniendos. Est tamen communis opinio Scholasticorum, limbum puerorum esse in loco inferni altiore, quàm sit Purgatorium, ita vt ad eum ignis non perueniat.

Quod denique limbus Patrum sit in inferno, sed in parte suprema, prob. *Prob. limbus* Nam anima Samuëlis de locis subterraneis ascendere visa est. *Patrum.* *Vidi, inquit Phythionissa, Deos ascendentes de terra.* Quod autem verè anima Samuëlis fuerit, quæ apparuit, prob. Nam auctores, qui contrarium tenent, aut incerti, aut obsecuti sunt: at, qui istud docent, certi, & clarissimi sunt, tam veteres, quàm recentiores. Sunt etiam fortissimæ rationes. Primò, quia Script. perpetuò vocat Samuëlem eum, qui apparuit. *Cum vidisset, inquit, mulier Samuëlem.* Et rursum: *Dixit Samuël ad Saul.* Et, *Intellexit ergò Saul, quòd Samuël esset.* At certè non diceret: *intellexit:* sed, cogitauit, vel putauit, si id non esset verum. Secundò, quia ponitur in laudibus Samuëlis, quòd mortuus prophetauerit, & annunciau- *Eccl. 46.* erit Regi, quæ ventura erant. At quæ est laus, quòd diabolus alicuius speciem assumat, & decipiat? Tertiò, quia prædixit Sauli futura, quæ diabolus scire non poterat: nimirum sequenti die eum cum filiis periturum, exercitum dissipandum, Dauidem regnaturum, &c.

De prædictis locis subterraneis animarum duo quædam à Theologis tractari solent. Primò quærent: *An præter hæc loca sit aliquis alius locus, vbi retineantur anime, antequam ad regnum celorum perueniant?* Secundò: *An ex his locis egredi possint.* *Questiones duæ.*

Quantum ad primum, difficultas est satis magna: quia ex vna parte omnes *Resp. ad 1.* Theologi docent, non esse alia receptacula præter quatuor numerata; & Concil. Florent. definit, animas, quæ nihil purgandum habent, mox recipi in cælum. Ex altera parte narrat Beda visionem valdè probabilem, cui ipse fidem adhibere non dubitauit. Fuit autem ostensum in illa animæ cuidam, quæ ad corpus postea redijt, præter infernum, & Purgatorium, & regnum cælorum, quoddam quasi pratum lucidissimum, florentissimum, odoratum, am- *Sess. ult. L. 5. hist. c. 13.* num, in quo debebant animæ, quæ nihil patiebantur, sed tamen ibi manebant, quia nondum idoneæ erant visioni beatæ. Cui reuelationi multas alias conformes adducit Dionys. Carthus. & Gregorius. Videtur mihi dicendum, non esse improbabile, talem aliquem locum reperiri: ceterum eiusmodi locum ad *Dial. de iudicio portio calari, art. 3. L. 4. Dial. c. 36.*

Purgatorium pertinere, etiam si ibi nulla sit poena sensus; tamen est poena damni: poena autem non conuenit, nisi animæ, quæ nondum plene purgata est. Itaque erit locus iste mitissimum Purgatorium, & quasi carcer quidam senatorius, atque honoratus.

Alterius questionis triplex potest esse sensus.

*Resp. ad 2.*

Primò, An possint exire nondum redituræ, quia nimirum transferantur de vno receptaculo ad aliud.

Secundò, An possint redire, vt rursum redeant ad suum locum.

Tertiò, An possint ita egredi, vt hic nobiscum iterum uiuant? Quantum ad primum faciliè responderi potest, ex inferno damnatorum, limboque puerorum non dari regressum: ex Purgatorio, limboque Patrum dari. Sunt enim animæ impiorum damnatæ ad perpetuos carceres, & ignes Gehennæ; & similiter animæ puerorum ad perpetuum exilium, & tenebras. Animæ autem S. S. Patrum damnatæ erant ad exilium temporale; & animæ Purgatorii ad carceres temporales. Ratio est, quia causa carceris, vel exilij damnatorum est culpa mortalis, actualis, vel originalis, quæ nunquam remittitur: causa autem exilij Patrum fuit debitum temporale, contractum ex peccato primi parentis: ille enim peccato suo cælum clauserat, quod aperiri non potuit, nisi Christi sanguine re ipsa effuso. Causa verò Purgatorii est reatus temporalis: quæ penæ necessario finem habent.

Quantum ad secundum, existimant quidam, animas non posse vnquam de suis receptaculis egredi; sed omnes appariciones esse dæmonum, qui fingunt se esse animas de Purgatorio exeuntes, & suffragia postulantes. Verissima tamen est S. Augustini sententia, nimis impudentiæ esse, negare, animas interdum ad nos redire Deo iubente, vel permitteute. Habemus enim testimonia grauissimorum auctorum de regressu animarum ex omnibus receptaculis: præterquam ex limbo puerorum.

*L. de cura*

*pro mort.*

*S. 13. & 17.*

Quantum ad tertium, quod aliqui ex Purgatorio, & limbo Patrum fuerint ad vitam reuocati, nulli dubium esse potest. Nam mortui, quos excitauit Helias, Helizæus, Dominus Christus, & Petrus, & Paulus, cum fideles fuerint, creduntur fuisse in Purgatorio, aut limbo: neque vllum sequitur inconueniens, si ex his locis aliqui resurgant; siquidem hoc nihil aliud est, quàm mutare illis exilium, vel carcerem.

Quod autem ex cælo, aut inferno reuocari possint ad vitam, videretur incredibile, nisi extarent exempla, quæ negari non possunt.

*L. 1. Dial.*

*6. 9.*

*C. 12.*

Nam B. Gregorius scribit à S. Fortunato excitatum fuisse Marcellum quendam, virum sanctum, qui ab Angelis in optimum locum ductus fuerat. Et scribit à S. Sequero excitatum quendam virum pessimum, qui à dæmonibus in infernum deducebatur.

*L. 3. c. 2.*

*Serm. 2. de*

*S. Agnetæ.*

*L. 1. de*

*mirac.*

*S. Stephani.*

Hegesippus scribit, B. Petrum excitasse affinem quendam Cæsaris Ethnicum à morte. Nec dubitari potest, quin Apostoli aliquos Ethnicos excitauerint. Maximus dicit, à S. Agnetæ excitatum filium Præfecti, qui in peccato mortali obierat. Euodius dicit, puerulum mortuum ante Baptismum, ad reliquias S. Stephani excitatum. Dico igitur, Beatos iam existentes non posse reuocari ad vitam; siquidem beatitudo includit certitudinem de non

amic-

amittenda felicitate. Et ratio est manifesta: quia beatitudo est status omnium bonorum aggregatione perfectus. Non habet autem omnia bona, qui non habet illam certitudinem. Si igitur aliqui S. viri redierunt ad corpus, non fuerunt beati; sed Deus prouidens eorum excitationem distulit eorum beatificationem, & interim detinuit eos in optimo aliquo loco.

De damnatis similiter dico, damnatum absolute ad penas æternas non posse reuocari ad vitam, quia alioqui fieret incerta eorum damnatio. Dicit enim Veritas omnibus, quos damnat, tam in particulari, quam in vniuersali iudicio: *Ite in ignem æternum*. Præterea; Nullus esset damnatorum, qui non posset sperare salutem, & pro quo non possemus orare: nunc enim non oramus pro infidelibus damnatis, quia secundum fidem credimus, eos non posse saluari. At, si possunt, saltem ex priuilegio, saluari, certè pro illis orandum esset: sicut in hoc mundo oramus pro obstinatis in malo, vt Deus det illis gratiam efficacem, quæ certè non datur, nisi ex priuilegio. Si qui autem sunt à morte excitati, cum mererentur æternas penas, dico non fuisse damnatos, sed suspensam eorum sententiam, & interim punitos secundum præsentem iniustitiam. De tempore Purgatorij res incertissima est, & non, nisi temerè, definiiri potest.

Matth. 24.

Tempus Purgatorij

## CAPVT IV.

## De penis Purgatorij

DE penis Purgatorij quædam sunt certa, & quædam dubia. I. Certum est, Purgatorij penam non esse desperationem, & metum Gehennæ. 2. Certum est etiam, vnam Purgatorij penam esse, carentiam diuinæ visionis. Non enim possunt animæ illæ non dolere, quod videant se propter suas culpas impediri à fruitione summi boni; quæ vocatur pena damni. 3. Certum est, præter hanc penam, esse etiam aliam penam, quam Theologi vocant penam sensus, quæ consistit in aliquo dolore, proueniente aliunde, quàm ex carentia visionis Dei. Vt enim, qui peccat, auertit se à summo bono, & conuertit inordinate ad creaturas; ita postea puniri debet non solum carentia summi boni, sed etiam afflictione inflicta ab aliquo alio creato obiecto. 4. Certum est, in Purgatorio, sicut etiam in Inferno, esse penam ignis; siue ignis accipiarur proprie, siue metaphoricè; siue significet penam sensus, siue damni. Quod enim aliquis ignis sit in Purgatorio, & in Inferno, patet tum ex illis verbis: *Saluus eris quasi per ignem*. Et: *Ite in ignem æternum*: tum ex testimonijs Patrum; omnes enim ignem appellant penam Purgatorij.

Certa de penis Purgatorij

1. Cor. 9. Matth. 25.

Sed dubium I. est: *An ille ignis sit propriè dictus ignis, an metaphoricè?* Communis Theologorum sententia est, verum, & proprium esse ignem, & eiusdem speciei.

Dubium II. Resp.

speciei cum nostro elementari. Quæ sententia non est quidem de fide, quia nusquam ab Ecclesia definita est: immò in Concil. Florentino Gracii aperte professi fuerant, se non ponere ignem in Purgatorio, & tamen in definitione facta definitur Purgatorium esse, nulla mentione facta ignis. Tamen est sententia probabilissima: I. propter consensum Scholasticorum, qui non potest, nisi temere, contemni. II. Propter Augustini, & Gregorij auctoritatem. III. Quia in Script. passim poena impiorum vocatur poena ignis: & regula Theologorum est, ut verba Script. accipiantur proprie, quando nihil absurdum sequitur. IIII. Quia corpora damnatorum puniuntur igne post resurrectionem: *Ita in ignem æternum*. At corpora non possunt uti, nisi igne corporeo. Est autem idem ignis corporum damnatorum, & spirituum corpore vacantium. Nam ibidem dicitur: *Qui paratus est diabolo, & Angelis eius*. V. Quia per quæ peccat quis, per hæc & torquetur: sed homines peccant sæpe, sensibilia oblectamenta inordinatè cupiendo: ergo sensibilibus obiectis puniri debent. Ignis igitur, quo puniuntur, est sensibilis. VI. Id confirm. ex eruptionibus ignis in monte Æthna, alijsque locis.

**Dubium 2.**  
**Resp.** Dubiū secundū: *Si sit ignis ille propriè dictus, quomodo agere possit in animas separatæ?* Verissima sententia est, non posse in hac vita sciri, quomodo ignis corporeus agat in animam incorpoream. Posse tamen id fieri, docetur alio simili. Videmus enim, animam incorpoream vniri corpori humano, & ei vitam dare, & cum illo simul gaudere, & pati, cū tamen modus huius vnionis sit plane ineffabilis: nulla enim inter corpus, & spiritum est proportio.

**Dubium 3.**  
**Resp.** Dubium tertium est: *A quibus ministrentur istæ poenæ, & demonibus, an ab Angelis bonis, an per se agant?* Res est omnino incerta. Nam, quod non torquentur à demonibus, nec ab Angelis, sed à solo igne, docent Scholastici. Et rationem reddunt; quia omnes animæ Purgatorii in ultimo conspectu diabolum superauerunt; ideo non decet iustitiam diuinam, ut sinat eas ab hoste deuicto vexari. Deinde, hic in terris etiam perfectos viros demones vexant, quia sperant, se posse eos ad peccatum pertrahere: at animas Purgatorii sciunt in gratia confirmatas non posse cadere, & vexationem illis necessario profuturam ad celeriore purgationem. Non igitur credibile est, demonum opera animas illas cruciari. Ex altera parte, quod à demonibus torqueantur, docent multæ reuelationes.

**Dubium 4.**  
**Resp.** Dubium quartum: *An ista poena sit maior omnibus poenis huius vite?* Poenas Purgatorii esse atrocissimas, & cum illis nullas poenas huius vite comparandas esse, docent constanter Patres. Idem probant multæ reuelationes. Ratio etiā idem probat, saltem de poenæ sensus. Nam tam ad dolorem, quàm ad gaudium, tria concurrunt: potentia, obiectum, & coniunctio vnus cum altero.

Quantum ad potentiam, sine comparatione capior est doloris potentia rationalis, quàm animalis. Nam quantum ad apprehensionem, intellectus est veluti fons; sensus veluti riuulus: quantum ad appetitum, voluntas est veluti fons; appetitus inferior veluti riuulus. Cū ergo anima ipsa nuda immediatè torqueatur, maximus debet esse ille dolor ex parte patientis: nunc enim non tam anima, quàm corpus torquetur, & per corpus aliquis etiam dolor ad animam transit.

Quantum



Quantum ad obiectum, si sibi est verus ignis, erit omnino acerrimus, cum ad hoc solum sit institutus, vt sit instrumentum iustitię diuinę. Si non sit ignis verus, erit aliquid multo horribilius, quale Deus parare potuit, qui potentiam suam in hoc offendere voluit.

Quantum ad coniunctionem, maxima erit: Nam hic, vbi sunt omnia corporalia, non fit coniunctio, nisi per contactum extremitatum, & superficiem. At ibi anima ipsam intimę pęna illa penetrabit.

Quamuis autem aliquo modo omnes admittant, pęnas Purgatorij esse maiores pęnis huius vitę; tamen dubium est, quomodo hoc intelligatur. D. Bonauentura, docet primò pęnam damni in Purgatorio non esse maiorem omni pęna, siue Purgatorij, siue huius vitę. Secundò docet, Purgatorij pęnas esse maiores pęnis huius vitę solum hoc sensu, quia maxima pęna Purgatorij est maior, quam sit maxima pęna huius vitę; licet aliqua pęna Purgatorij reperitur minor aliqua pęna huius vitę. Quę sententia mihi placet: nam, licet absentia summi boni ex se generet in amante summam tristitiam; tamen in Purgatorio mitigabitur hæc tristitia, & leuatur magna ex parte, propter certam spem illius boni acquirendi. Ista enim certissima spes affert incredibile gaudium, & quò magis propinquat finis illius exilij, tantò magis gaudium crescit. Itaque solum in Inferno pęna damni est summa, quia est annexa desperationi certissimę. Confirm. quia, si pęna damni esset grauissima, etiam in Purgatorio, sequeretur, Patres in limbo passos fuisse grauissimam pęnam; quod adeò falsum est, vt dicat Abraham diuiti damnato de Lazaro: *Tu cruciaris, hic verò consolatur.* Luce 16.

Alterum dictum Bonauent. prob. I. quia ex certis reuelationibus constat aliquorum pęnam esse tam exiguam, vt nihil pati videantur: quales sunt illi, qui albis vestibus induci visi sunt in locis amēnis, & lucidis apud Bedam. II. Quia potest fieri, vt quis moriatur, nullum debitum secum ferens, nisi vnus verbi otiosus: at incredibile videtur, propter vnum solum otiosum verbū pati debere aliquem supplicia grauiora omnibus pęnis huius vitę. III. Quia, licet sit quęstio: An pęnz Purgatorij semper crucient equę grauiter ab initio, vsque ad finem purgationis; au verò paulatim minuantur, donec finem accipiant; tamen probabilior sententia est, paulatim remitti. Hinc autem sequitur, non quamlibet pęnam Purgatorij esse maiorem maxima pęna huius vitę: nam pęna illa Purgat. quę est prope finem, debet esse adeò remissa, vt amplius remitti non possit; hic autem pęnz inueniuntur intensissimę, quę plurimum remitti possent. L. 5. h. 12.

Prob. ea sententia; nam S. Bernardus scribit, oranti Malachiz pro sorore defuncta, ipsam defunctam ter apparuisse. I. In veste nigra, & extra Ecclesiam. II. In veste subfusca, & intra limen Ecclesię. III. In veste alba, & ad ipsum altare cum ceteris Sanctis. Ex quibus ipse intellexit, animam sororis, paulatim remittentibus se pęnis, ad finem purgationis venisse. In vita S. Malachiz.

## CAPVT VI

De Suffragijs, & Funere  
defunctorum.

Quæst. 1.  
Resp. prob.

1. Cor. 12.

Act. 1.

Matth. 27.

Luc. 7.

Matth. 9.

Luc. 19.

Luc. 23.

Luc. 23.

Mar. 1.

1. Act. 10.

& alibi.

Matth. 9.

Luc. 7.

1. Cor. 11.

Heb. 7.

1. Cor. 2.

1. Cor. 1.

4. Reg. 13.

Luc. 10.

2. Mach. 13.

**Q**UATVOR de Suffragijs explicanda sunt. I. *An suffragia viuorum profint defunctis?* Quod profint, probari potest Script. Concilijs, Patribus, & apparitionibus animarum, quæ omnia ex I. quæst. peti debent. Prob. nunc ratione: Ecclesia tota est vnum corpus, cuius caput est Christus: ergo debet habere communicationem tam capitis cura membris, quam membrorum inter se. Nam pro inuicem sollicita sunt membra, & si quid patitur vnum membrum, compatiuntur omnia membra. Sed iusti defuncti sunt membra huius corporis, nam sunt colligati nobiscum, & cum Deo in fide, spe, & charitate. Ergo viuientes possunt, ac debent iuuare defunctos, vt membra eiusdem corporis.

Præterea, Christus, qui caput est, profuit viuens in terris viuentibus, mortuus mortuis, viuens mortuis, & mortuus viuentibus. Ergo etiam decet, vt membra inter se ita agant, vt iusti viuientes viuentibus, mortui mortuis, viuientes mortuis, & mortui viuentibus profint.

Ac primum membrum de Christo prob. quia remisit peccata Magdalenz, Paralytico, Zachæo, Petro, Latroni: curauit etiam corporaliter plurimos.

Secundum membrum patet: nam descendens ad inferos soluit plurimos: à doloribus inferni: & simul aperuit sepulchra, & multa corpora Sanctorum excitauit.

Tertium membrum prob. nam puellam in domo, adolescentem in via, Lazarum in sepulchro, mortuos reuocauit ad vitam.

Quartum membrum patet: nam morte sua vitam nobis æternam promeruit, vt nunc in cælo semper interpellat pro nobis, & aduocatum nostrum agit.

Prob. 3. Nam ex quatuor membris diuisionis tria sunt certe manifesta: ergo & 4. debet habere locum. Nam, quod viuientes iuuentur à viuentibus, nemo negat, cum videamus, doceri, instrui, pasci verbo, & Sacramentis, alios: ab alijs: & Iacobus dicit: *Orate pro inuicem, vt saluemini.* Quod etiam mortui mortuis profint, patet. Nam Helizeus mortuus, mortuum alium suscitauit: Abraham mortuus, in sinum suum Lazarum mortuum recepit. Nec vlli dubium esse debet, quin Sanctorum defunctorum animæ cum Christo regnantes, orent pro Sanctorum animabus in Purgatorio laborantibus: nam & Ecclesia tota in illa oratione: *Deus veni a largitor* &c. supplicat Deo, vt B. Maria intercedente, & omnibus Sanctis, animas defunctorum ad perpetuam beatitudinis consortium peruenire concedat.

Quod autem mortui profint viuentibus, patet: nam legimus, Oniam, & Hier-

Hieremiam, iam dudum defunctos, visos fuisse orare pro populo Iudaeorum viuentium. Porro beneficia exhibita à Sanctis, hominibus hic viuentibus, innumerabilia sunt, & certissima. Non est incredibile etiam animas Purgatorij pro nobis orare, & impetrare; quandoquidem anima Paschasij, & S. Seuerini, miracula operabantur, etiam si in Purgatorio degerent: vt patet ex Gregor. & Petro Damiano. Nam, si animæ illæ non orant pro nobis, vel causa est, quia non vident Deum, vel quia sunt in maximis tormentis, vel quia sunt nobis inferiores. Sed nihil horum dici potest. 2. Dial. c.  
Epist. de mi-  
rac. iustemp.

Non primum, quia tempore veteris Testam. orabant Sancti defuncti pro viuus, cum tamen nec illi Deum viderent. Non secundum, quia diues in Inferno orabat pro fratribus suis, cum esset tamen in maioribus tormentis, quæ sint animæ in Purgatorio. Præterea; Martyres in hoc mundo in tormentis constituti orabant pro se, & alijs: vt patet de S. Stephano. Item; Dolor in animabus non perturbat villo modo iudicium rationis, nec impedit affectum bonum voluntatis: ista enim nobis accidunt ratione corporalium organorum, quibus illæ carent. Denique, Non videtur dubium, quin pro seipfis orent, non obstantibus tormentis. Non etiam tertium, quia in hoc mundo nos oramus pro Episcopis, & SS. Pontif. qui sunt nobis superiores: & etiam oramus pro ijs, quos non dubitamus nobis esse sanctiores: sicut orabant Christiani olim pro Apostolo Paulo, qui eorum orationes petebat. 2. Mach. vlt.  
Luc. 16.  
Act. 7.  
Rom. 15. c.  
alibi.

Præterea, Animæ Purgatorij etiam si nobis sint inferiores ratione pœnarum, tamen superiores sunt ratione gratiæ, & charitatis, in qua iam confirmatæ sunt. Oratio autem, quæ ex charitate procedit, hanc potissimum superioritatem requirit, si vllam requirit. Ergo probabile est eas pro nobis orare.

Sed quamquam hæc vera sint, tamen superfluum videtur ab eis petere, vt pro nobis orent, quia ordinariè non possunt cognoscere, quid agamus in particulari; sed solum in genere scimus, nos in multis periculis versari; sicut nos de illis solum in genere scimus, eas valde torqueri: nam nec rebus nostris intersum; nec in Deo orationes nostras vident, cum non sint beatæ; nec est verisimile, eis reuelari ordinariè, quid agamus. Si ergo viui profunt viuus, mortui mortuis, mortui viuus, cur non etiam prodesse poterint viu mortuis.

Quantum ad II. tria sunt genera suffragiorum: Sacrificium Missæ, Oratio, & opera quælibet pœnalia, & satisfactoria: vt eleëmofyna, ieiunia, peregrinationes, & similia. Porro distinguimus Orationem ab operibus satisfactorijs, cum tamen etiam ipsa sit satisfactoria, quia Oratio duobus modis iuuat defunctorum animas. Vno modo, vt opus quoddam pœnale, & laboriosum: & sic poterat comprehendi sub opere satisfactorio. Alio modo, vt est impetratoria; quod est ipsi Orationi proprium: quomodo etiam Beatorum orationes profunt nobis, & animabus Purgatorij, licet satisfactoriz non sint. 2. Tria ge-  
nera Suffra-  
giorum.

Ad hæc; Iuuantur etiam defuncti indulgentijs: sed idèd non faciunt illæ quantum genus suffragiorum, quia indulgentia nihil est aliud, quam ap-  
Et a  
plicia

plicatio satisfactionum, seu pœnalia operum Christi, & Sanctorum, defunctis. Nam idcirco dicuntur indulgentiæ concedi defunctis per modum suffragij, non per modum absolutionis. Non enim potest Pontif. absolueri defunctos à pœnis, quomodo absoluit viuentes; quia illi non sunt ei subiecti, isti sunt. Potest tamen, tanquam summus dispensator thesauri Ecclesiæ, communicare illis bona opera pœnalia, quæ in thesauro sunt.

Quòd hæc ita sint, patet ex testimonijs Patrum.

*Dubium.*

Vnum hic solum est dubium: An non etiam restitutio rei alienæ profit defunctis, ac proinde sit quartum genus suffragij? Nam dicuntur sepe animas apparere, ac petere, vt restitutio pro ipsis fiat earum rerum, quas ipsi obliti sunt, aut non potuerunt restituere.

*Resp.*

Resp. eiusmodi restitutionem non iuare, si fiat; nec obesse defuncto, si non fiat. Nam Deus non punit, nisi pro culpa propria in hac vita contracta. Vel ergò defunctus peccauit non restituendo, vel non peccauit: si non peccauit, quia fortè non potuit, aut bona fide possedit, non debet etiam puniri: si autem peccauit, punietur pro culpa negligentia illius in Purgat. Sed postquam pœnas debitas dederit, saluabitur, siue res illa restituitur, siue non: ille enim iam est factus impotens simpliciter ad restituendum, neque debet pendere salus eius ab alterius voluntate: alioqui posset anima in Purgatorio manere in æternum, si nimirum hæres nunquam restitueret. Quare, si restitutio possit fieri, & non fiat negligentia hæredis, peccabit quidem hæres, non tamen id nocebit animæ: si verò fiat, nihil animæ proderit, quia restitutio non est satisfactio pro culpa: satisfactio enim est opus bonum pœnale; pœnale autem est dare suum, non restituere alienum.

Ad illas apparitiones resp. fortè animas non petere restitutionem, vt restitutionem, sed vt eleëmofynam: licet enim non profit animæ, si restituat rem alienam ille, qui tenetur restituere; tamen bene proderit, si restituat alius, qui non tenetur: illa enim eleëmofyna quædam est, & proinde satisfactio.

*A quibus  
solent fieri  
suffragia.*

Quantum ad 3. qui potest suffragijs suis iuare animas, est is, qui est iustus: homo enim iniustus non potest pro se satisfacere, multò minus pro alijs.

*Quibus  
prosumt.*

Quantum ad 4. certum est, Ecclesiæ suffragia non prodesse beatis, nec dannatis; sed solum ijs, qui in Purgatorio degunt; quia priores non egent; posteriores non possunt iuari.

Conueniunt itaque Theologi in duobus: in vno non conueniunt.

Conueniunt I. quòd suffragia omnia prosumt omnibus, saltem quatenus adferunt nouum gaudium. Id enim commune est omni bono operi, vt de illo gaudeant omnes boni, iuxta illud: *Particeps ego sum omnium timentium te.*

*Psal. 118.*

II. Conueniunt, quòd suffragia communia quæ sunt pro omnibus defunctis, prosumt etiam omnibus animabus Purgatorij, non solum in ratione gaudij, sed etiam in ratione satisfactionis; nulla est enim causa,

caussa, cur aliqui excludantur.

At dissentiunt de suffragiis particularibus. Sed communis sententia est in medio, quod nimirum suffragia particularia omni, & soli illi prosint in ratione satisfactionis, pro quo fiunt. Quod omni, patet; quia fundamentum communicationis suffragiorum non est aliquod peculiare meritum, sed status gratiæ. Quod soli, patet: nam applicatio talium bonorum pendet ex intentione applicantis.

Nunc de Sepultura corporum est dicendum. Afferimus itaque, Sepulturam rem esse bonam, & utilem; & ritus omnes Ecclesiæ in sepeliendis mortuis esse bonos, & sanctos. Quod sit res bona, & meritoria, prob. *Benedicite vos a Domino, qui fecistis misericordiam hanc cum Domino vestro Saul, & sepelivistis eum: & nunc retribuet vobis Dominus.* Angelus etiam extollit inter alia opera Tobix, quod mortuos sepelierit. Et: *Opus bonum operata est in me: mittens enim unguentum hoc, ad sepeliendum me fecit.*

Quod sit res antiqua, & utilis, facile potest demonstrari: nam omnia, quæ nunc in Ecclesia servamus, semper in usu Ecclesiæ fuerunt.

I. Corpora mortuorum nunc lavantur: id etiam olim fiebat; ut patet de Tabitha.

II. Corpora cum honore, & multitudine comitantium deferuntur ad sepulchrum: ita etiam legimus olim factum.

III. Corpora fidelium in templis, & locis sacris sepeliuntur: ita olim Iacob, & Ioseph, Patriarchæ in terra Ægypti mortui, in terra promissionis sepeliri voluerunt, unde Christus erat nasciturus, & ubi templum Domini futurum erat. Deinde, temporibus Christianorum corpora fidelium in templis sepulta fuisse, testantur Patres.

IV. Corpora fidelium cum Hymnorum, & Psalmorum cantu sepelienda testantur Patres.

V. Ad funus fidelium lampades, & cerei accensi adhibebantur; ut nunc etiam fit.

VI. Sacrificium altaris pro ijs offertur: ita etiam olim testibus Patribus.

VII. Non solum, cum sepeliuntur, sed etiam die anniverfaria pro defunctis offertur, & oratur.

VIII. Non solum die anniverfaria; sed etiam die 3. 7. & 30. id quod etiam nunc servatur.

IX. Eriguntur tituli: idem factum olim fuit.

X. Dantur elemosinæ pauperibus: idem olim.

Dicimus autem, multiplicem utilitatem sepulturæ, tam viuis, quam defunctis: Et viuis quidem quadruplicem. I. Quod per sepulturam arcetur fœtor, & horror cadaverum, quæ non parum viuis nocerent. II. Quod eo studio testantur viui fidem resurrectionis, & immortalitatis animarum. Non enim tam diligenter corpora mortuorum curaremus, nisi putaremus eas resurrectura. Neque cereos accenderemus, nisi animas vivere corporum post mortem significare vellemus. III. Quod admonetur propriæ mortis: unde etiam tumuli defunctorum, monumenta dicuntur.

R r 3

4. Quod

*Dubium  
Resp.*

*Prob sepul-  
tura corpo-  
rum.*

*2. Reg. 2.*

*Tob. 12.*

*Matt. 26.*

*Ritus  
sepulcrum*

*Ab. 9.*

*Gen. 50.*

*Luc. 7.*

*Gen. 46.*

*Gen. 50.*

*Gen. 37.*

*1. Mach. 13.*

*Utilitas  
sepulcrum.*

4. Quòd eo officio satisfaciant viui aliquo modo affectui suo, quo mortuos prosequerentur. Si enim vestes, & annulos bene collocari volumus, multo magis corpora.

Porro mortuis ex sepultura alia quadruplex accedit vtilitas. I. Quòd cōsulitur honori eorum, adhuc in hominum memorijs viuientium. Non enim caret ignominia quadam, quòd fœditas nostri corporis aliorum conspectibus pateat. Quocirca non leuis pœna iudicatur, cùm quis à iudice priuatur sepultura, & in patibulo, aut rota pendens iubetur esse auium esca. 2. Satisfit desiderio eorum, quod, dum viuerent, habuerunt. Nemo est enim, qui carnem suam odio habeat: & idè quisque, dum viuit, cupit etiam corpus suum honestè tractari: imò credibile est, animos corpore solutos, etià si fortè nesciant, quid corporibus eorum accadat, tamen cupere, vt honestè habeantur; sicut etiam cupiunt ad ea reuerti. Atque hinc videmus, Prophetæ inobedienti datum in pœnam, vt non sepeliretur cum patribus suis. 3. Vtilitas nascitur ex eo, quòd à multis deducuntur ad sepulchrum: hinc enim per accidens fit, vt à multis pro eis oretur. 4. Ex eo oritur, quòd in templis Sanctorum sepulchrum habent. Inde enim fit, vt eorum amici, cùm eorum recordentur, simul etiam recordentur eius Sancti, in cuius templo sunt sepulti, & frequenter eius patrocinio eos commendent.

*Ephes. 5.*

*1. Reg. 13.*

DE

## DE INDVLGENTIIS.

## LIBER SEXTVS.

## CAPVT I.

De nomine Indulgentiæ, &  
Iubilæi.



NDVLGENTIA remissionem, & facilitatem; siue con-  
descensionem in Script. sacris & alijs auctoribus, præsertim  
Ecclesiasticis solet significare. Et quidem priore significa-  
tione vsurpatur ab Isa. interprete S. Luca. Nam, quod legi-  
mus in Isaia: *Prædicare captiuis indulgentiam*; in Euangelio  
Lucæ redditum videmus: *Prædicare captiuis remissionem*. Ea-

Isa. 16.  
Luc. 4.

dem notione passim veteres Patres vsi sunt. Posteriore significatione, qua  
nomen Indulgentiæ pro lenitate, & condescensione accipitur, vsus est Apo-  
stolus: *Hoc autem dico secundum indulgentiam, & non secundum imperium*. Eadem  
significatio apud alios Script. tam sacros, quam profanos, frequentissima est.  
Ecclesia igitur, & scholæ Theologorum ytramque significationem coniun-  
gentes Indulgentias vocant remissionem penarum, quæ sæpe remanent luen-  
dæ post remissionem culparum, & reconciliationem in Sacram. penitentia  
adeptam: quas remissiones summi Pont. ex paterna lenitate, & condescen-  
sione in filios suos compatiens eorum infirmitati, certis temporibus, &  
non sine iusta causa concedere solent. Videtur autem Ecclesia ad hanc rem  
significandam nomen hoc deriuasse ab vsu veterum Imp. & Iureconsultorū:  
siquidem illi Indulgentiam solenni, proprioque vocabulo vocant remissio-  
nem generalem criminum, quam aliquando Principes sæculi publicæ lætitiæ  
causa faciebant.

1. Cor. 7d.

Porrò Iubileus dicitur à voce Hebræa, *Iobel*. Et quamuis aliqui malint Io-  
belem, vel Iobileum, quam Iubileum dicere: nos tamen S. Hieronymum  
sequimur, qui vocem *Iobel* perpetuò *Iubileum* reddit. Significat autem Iubi-  
leus annus remissionis, qui apud Hebræos erat quinquagesimus. Siqui-  
dem eo anno remittebantur labores omnes agriculturæ: non enim arabatur,  
nec serebatur, nec metebatur; sed ex frugibus anni superioris, quas Domi-  
nus triplo plures suppeditabat, omnes commodè sustentari poterant. Resti-  
tuebantur etiam agri, ac domus venditæ prioribus dominis; &, qui seruituti  
addicti fuerant, libertati pristinae reddebantur. Deriuatur autem eymologia  
Iubi-

Leuit. 25. Cui  
27. Num.  
vlt.

Iubi-

Iubilei, vt existimo, à *Iabal*, quod significat germinare, & producere, vnde est nomen *Iabal*, quo fruges, & fructus omnes significari solent. Fuit autem sine vilo dubio Iubileus Hebræorum typus, & figura Euangelij, per quod homines remissionem peccatorum, & liberationem à seruitute Diaboli, possessionem paradisi, & domum cœlestem, ac denique fructus bonorum operum, & innumerable alia beneficia per Christum acquirunt. Ad quod alludens Isā. sic ait: *Spiritus Domini super me, quod vnxeris me ad annuntiandum mansuetis misit me, vt moderer contritis corde, & predicarem captiuis indulgentiam, &c.*

Isa. 61.

## CAPVT II.

## An sint Indulgentiæ.

**D**VO hic nobis querenda sunt. Vnum: An extet in Ecclesia thesaurus aliquis satisfactionum Christi, & Sanctorum, qui applicari possit illis, qui rei sunt penam luenda post culpam in Sacram. penitentia remissam? Communis Theologorum, tam antiquorum, vt S. Thomæ, & S. Bonauenturæ, nam recentiorum omnium sententia thesaurum satisfactionum: tum Christi, tum Sanctorum, semper agnouit. Itaque sit I. propositio: In bonis actionibus hominum iustorum duplex valor, seu pretium assignari potest: meriti videlicet, & satisfactionis.

Prob. I. ex Script. Eleemosyna delet peccatum, quod est satisfactorium esse: Eleemosyna ab omni peccato, & à morte liberat. Et: Sicut aqua extinguit ignem, ita eleemosyna extinguit peccatum. Et tamen eadem eleemosyna, quia est opus bonum, & Deo gratum, est meritoria vitæ æternæ. Percipite regnum, quod vobis paratum est ab origine mundi: esuriui enim, & dedistis mihi manducare, &c. Idem dici potest de ieiunio, quod verè est satisfactorium, quia pœnale, vt perspicuum est ex facto Niniuit. & tamen est meritorium, si fiat ex charitate cum Dominus dicat: Tu autem, cum ieiunas, unge caput tuum, & faciem tuam lava, ne videaris hominibus ieiunans, sed Patri tuo, qui est in abscondito. & Pater tuus, qui videt in abscondito reddet tibi. Quid autem reddet, nisi mercedem? Sic enim paulò ante de hypocritis dicitur, qui cupiunt videri ab hominibus ieiunantes: Amen dico vobis, receperunt mercedem suam. Idem de Oratione dici potest. Nam in Oratione Dominica petimus, vt dimittantur nobis debita nostra, atque hac petitione satisfacimus pro peccatis venialibus: & tamen de eadem oratione Dominus dicit: Tu autem, cum oraueris, intra in cubiculum tuum, & clauso ostio ora patrem tuum in abscondito, & pater tuus, qui videt in abscondito, reddet tibi.

Lev. 4.

Eccl. 3.

Matth. 23.

Ier. 17.

Matth. 6.

Ibid.

Prob. etiam rationibus. Principiò, Opus bonum ex charitate factum meritorium est vitæ æternæ. At nihil detrahitur de bonitate, & dignitate eius operis, si acceptetur à Deo ad satisfactionem pro pœna. Igitur idem opus meritorium,



ritorium, & satisfactorium erit. Ad hæc; Qui orat pro alijs, eisq̃ue impetrat remissionem peccati, vel quoduis aliud beneficium Dei, certè non minus bene operatur, & Deo placet ita orando, quàm si pro se tantum oraret; imò melius facit, ac magis Deo placet, quia simul exercet charitatem in Deum, & in proximum. Igitur non perdit mercedem suam apud Deum, quamvis etiam proximo beneficium aliquod ipso opere impetrauerit.

Præterea; Si duo pii viri cum æquali charitate, & pietate erga Deum erent, aut eleemosynas tribuant, & vni remittatur pœna aliqua temporalis, cui erat obnoxius; alter non eget vlla remissione; quæro: an par præmium sibi acquirant in vita æterna, an diuersum? Si par; igitur opus bonum meritorium, & satisfactorium simul esse potest; neque aliquid amittit de ratione meriti propterea quod ratio satisfactionis accedit. Si diuersum, igitur opus bonum, aut meritorium non integram à Deo mercedem accipit: nam non potest tam parum detrahi de præmio vitæ æternæ, & augmenti gratiæ, quin illud sit multò preciosius, & maius, quàm remissio cuiuscunque pœnæ temporalis. Hoc autem esset absurdum.

Postremò, Potest vni, atque idem operi duplex merces deberi: altera ex iustitia commutatiua, altera ex distributiua. Atqui operi satisfactorio debetur remissio pœnæ ex iustitia commutatiua, operi meritorio debetur præmiũ ex iustitia distributiua, secundum substantiam, quamvis secundum modum debeat, & reddatur secundum commutatiuam. Igitur potest vnum, atque idem bonum opus simul satisfactorium esse, & meritorium. Propositio huius argumenti est certissima. Nam euangelizanti debetur ex iustitia commutatiua victus, & vestitus. *Dignus est enim operarius mercede sua.* Et Apostolus affirmat Dominum ordinasse, vt, qui Euangelium annunciant, de Euangelio viuant: ac, vt ostendat id exigi secundum iustitiam commutatiuam, mercedem illam appellat stipendium: *Quis, inquit, militat suis stipendijs vnquam?* Eidẽ verò Euangelizanti debetur præmium in vita æterna secundum iustitiam distributiua. *Pascite, qui in vobis est, gregem Dei, & cùm apparueris Princeps Pastorum, accipietis immarcescibilem gloriam coronam.* Et: *Vnusquisque mercedem accipiet secundum suum laborem.* Videmus id etiam quotidie in rebus humanis. Porro assumptio argumenti non minus est certa. Quod enim compensatio pœnæ pertineat ad iustitiam commutatiuam, perspicuum est ex sacris litteris. *Pro mensura peccati erit & plagarum modus.* Neque de hac re vlla dubitatio esse potest. Quod autem meritis bonorum operum respondeat præmium secundum iustitiam distributiua, saltem secundum substantiã, docent Theologi ex eo, quod in Script. Deus, vt iudex, distribuit vnicuique secundum opera sua. vt patet in parabola de talentis, & ex illo: *Reposita est mihi corona iustitiæ, quam reddet mihi Dominus in illa die iustus iudex.* Et passim in sacris litteris dicitur Deus non esse acceptor personarum, quod vitium contrarium est iustitiæ distributiue.

Propositio 2: *Opus bonum, quã parte meritorium est, non potest alijs applicari; potest tamen, quã satisfactorium est.*

Prior pars huius sententiæ extra controuersiam est: nam is dicitur mereri, qui bene operatur, & ex bono opere dignus est præmio. Nō potest autem fieri, vt

S f

ex

Luc. 10.  
1. Cor. 9.

1. Pet. 5.  
1. Cor. 3.

Deut. 45.

Matth. 5.

Ad. 10.  
Rom. 2.

ex eo, quodd vnus bene operatur, alter censeatur bene operari, vt dignus p̄mio habeatur.

1. Cor. 2.  
Psal. 61.

Psal. 118.

Deinde; Nemo potest proprio merito spoliari, quantumvis pro alijs oret, vel ieiunet, vel eleēmosynas faciat: Non igitur meritum suum cum alijs cō-  
municare potest. Et hoc est, quodd Script. passim docent, cūm dicunt: *Vnus-*  
*quisque propriam mercedem accipiet.* Et: *Reddes vnusque secundum opera sua.* Potest  
quidem vnusquisque per opera sua bona impetrare alijs diuina aliqua benefi-  
cia; potest etiam communicare opera sua bona, quod artinet ad satisfactio-  
nem pro reatu p̄nx, vel ad gaudium, quod inde percipitur. Sicenim Dauid  
affirmat se participem fuisse omnium timentium Deum. Sed, vt alius ex me-  
rito alterius sit dignus p̄mio, vel vt, qui bene operatus est, merito suo pri-  
uetur, fieri non potest. Posterior pars huius sententię non difficulter proba-  
ri potest. Nam satisfactio est compensatio p̄nx, vel solutio debiti: potest  
autem vnus pro alio ita p̄nam compensare, vel debitum soluere, vt ille sa-  
tisfecisse merito dici possit. Præterea; Qui pro alio satisfacit, non potest eo-  
dem opere pro se satisfacere: igitur verē satisfactioem suam cum altero cō-  
municauit.

1. Pet. 4.

Propositio tertia. *Extat in Ecclesia thesaurus satisfactioem ex Christi passionibus*  
*infinis, qui nunquam exauriri poteris.* Hęc propos. in dubium vocari non  
potest: nam Christi passio pretij fuit infiniti, cūm esset passio personę infi-  
nitę, verbi videlicet incarnati. Sicenim Apostolus loquitur: *Attendite vobis,*  
*& vniuerso gregi, in quo vos Spiritus S. posuit Episcopos regere Ecclesiam Dei, quam ac-*  
*quisiuit sanguine suo.* Itaque Deus est, qui sanguinem fudit pro Ecclesia, sed in  
carne humana hypostaticę assumpta illā fudit, vt ait S. Petrus: *Christus, inquit,*  
*in carne passus.* Dignitas autem satisfactioem mensuram accipit a dignitate per-  
sonę satisfaciētis: sicut grauitas offensionis a dignitate personę læsę.

1. Cor. 5.  
1. Ioan. 2.

Matth. 20.  
Matth. 7.

Heb. 7.

2. Cor. 5a  
1. Pet. 2.

Deinde Christus pro omnibus hominibus mortuus est: *Pro omnibus mortuus*  
*est Christus.* Et: *Ipse est propitiatio pro peccatis nostris: non pro nostris autem tantum, sed*  
*pro totius mundi.* Certum est autem non omnibus hominibus, qui hæcenus vi-  
xerunt, pretium mortis Christi reip̄a applicatum fuisse ad eorum expianda  
peccata: imò maiorem partem hominum morti æternę addictam esse. *Multi*  
*enim sunt vocati, pauci vero electi.* Et: *Lata est porta, & spaciofa via, quæ ducit ad per-*  
*ditionem, & multi ingrediuntur per eam.* Superest igitur multum illius pretij,  
quod semper applicari possit, etiam si infinitum non esset, sicut reuerā est, &  
redundabit: præsertim cūm tota Christi satisfactio applicari nobis possit, cūm  
ipse nulla satisfactioe indiguerit, qui peccatū nō fecit, nec facere potuit. Nā,  
vt dicit Apostolus: *Nō habuit Christus necesse prius pro suis delictis sacrificium offerre,*  
deinde pro populi, cūm fuerit semper sanctus, innocens, impollutus, segregatus a peccatori-  
bus. Et, vt idem ait: *Factus est peccatum, id est, hostia pro peccatis, is, qui pec-*  
*catum non nouerat.* Ipse enim peccatum non fecit, nec inuentus est dolus in ore  
eius.

Propositio quarta. *Ad hunc thesaurum superreducentium satisfactioem etiam per-*  
*tinent passiones B. Marię virginis, & omnium aliorum Sanctorum, qui plus passi sunt,*  
*quàm eorum peccata requirerent.*

Prob. I. ex passionibus B. Marię. Constat enim virginem Mariam actua-  
linqu-

li nullo peccato maculatam fuisse: pium quoque est, existimare ab originali etiam peccato eam fuisse immunem; sed hoc in presenti ad rem nostram non pertinet. Non igitur eguit vlla satisfactione pro se: & tamen plurima passa est propter Deum, ac præsertim cum animam ipsius doloris gladius pertransiuit.

Luc. 2.

Prob. 2. ex passionibus S. Ioannis Bapt. quem constat in vtero sanctificatum, innocentissimam vitam duxisse, vt vix leuissimis culpis, & paucissimis obnoxius fuerit. Et tamen ex Euang. discimus totam eius vitam adeo seuerè, & duriter actam, vt exemplar pœnitentis omnibus esse potuerit, & tandem pro veritate vincula, carcerem; & ipsam capitis obruncationem passum esse. Quare indubium reuocari non potest, quin ingens omnino cumulus passionum eius superfuerit, quo ipse ad expianda propria peccata non eguit.

Prob. 3. ex passionibus SS. Prophetarum. Fugerunt enim omnes viri sanctissimi, ita vt modica omnino pro suis culpis satisfactio opus habuerint; & tamen tot angustijs, & afflictionibus oppressi fuerunt, vt plurima, & maxima peccata expiare potuerint. De se B. Iob vnus ex vetustissimis Prophetis sic ait. *Vtinam appenderentur peccata mea, quibus iram merui, & calamitas, quam patior, in statera, quasi arena maris hæc grauior apparet.* Similiter dicere potuisset Helias, Helizeus, Isaias, Hieremias, Ezechiel, & alij sanctissimi Prophetæ, qui ab impijs grauissimas persecutiones, vel etiam mortem pertulerunt. De his etiam scribit Apostolus: *Alij verò ludibria, & verbera experti, in super & vincula, & carceres, lapidati sunt, secti sunt, tentati sunt, in occasione gladij mortui sunt: circumerunt in melotis, in pellibus caprinis, egentes, angustijati, afflictij, quibus dignus non erat mundus: in solitudinibus errantes, in montibus, & speluncis, & in cauernis terræ.*

Iob. 6.

Heb. 11.

Quartò. Idem clarissimè potest demonstrari ex passionibus Apostolorum. Nam de se Apostolus Paulus ait: *Ministri Christi sunt, & ego, vt minus sapiens dico, plus ego, in laboribus plurimis, in carceribus abundantius, in plagis supra modum, in mortibus frequenter, &c.* Et tamen, quàm parum ipse deberet pro suis culpis satisfacere, indicat, cum ait: *Nihil mihi conscius sum.* Et: *Gloria nostra hæc est testimonium conscientia nostra, quod in simplicitate cordis, & in sinceritate Dei conuersati sumus in hoc mundo.* Porro de omnibus Apostolis idem Paulus: *Puto, quod Deus nos Apostolos nouissimos offendit, tanquam morti destitutos.* Et infra: *Usque in hanc horam & esuriimus, & sitimus, & nudi sumus, & colaphis cadimur, & instabilis sumus, & laboramus operantes manibus nostris: maledicimur, & benedicimus: blasphemamus, & obsecramus: tanquam purgamenta huius mundi facti sumus omnium peripsa usque adhuc.*

2. Cor. 11.

1. Cor. 4.

2. Cor. 1.

1. Cor. 4.

Quinto. Idem prob. ex passionibus Martyrum, quæ planè innumerabiles fuerunt. Constat enim Martyrium tam plenam satisfactionem esse, vt expiare possit reatum contractum ex quantumvis ingenti numero, & magnitudine peccatorum. Nam, dummodo constat aliquem esse verè martyrem, Ecclesia non dubitat eum inter sanctos, & beatos numerare, etiamsi ante martyrium multis flagitijs fuerit coopertus. Promissio enim Domini generalis est: *Omnis, qui confitebitur me coram hominibus, confitebor & ego eum coram patre meo.* Et: *Qui perdidit animam suam propter me, inueniet eam.* Cum igitur

Math. 10.

tur martyrium omnem reatum, quamvis grauissimum, expiare possit, & multi martyres leuissimos reatus, aut etiam nullos habuerint ipso tempore martyrij, certè sequitur, vt ingens cumulus satisfactorum martyribus superfuert.

Sexto. Idem prob. ex fructibus pœnitentiæ plurimis, & maximis, quos protulerunt tam multi sancti Confessores, ac præsertim Heremitæ, qui longissimo tempore vitam sanctissimam, & laboriosissimam, id est, asperissimam, & durissimam peregerunt, quos non dubium est multum in hoc spirituale ætarnum contulisse.

Altera quæstio est: *An in Ecclesia sit potestas applicandi thesaurum satisfactionum, ac per hoc indulgentias concedendi?*

Pro quâ sit I. propositio: *Satisfactiones Christo, & Sanctis supernacanea applicari possunt alijs, qui rei sunt luenda pœna temporalis.*

Prob. I. ex articulo Symboli Apostolici, *communione sanctorum.* Docemur enim in hoc articulo, fideles omnes esse inuicem membra, & quasi viuum quoddam corpus, vt etiam B. Paulus affirmat: & sicut membra viuæ se inuicem iungunt, ita fideles inter se bona sua communicare, præsertim cum ea, quæ vni superflua sunt, alteri necessaria, & valde vtilia esse possint.

2. Potest probari ex verbis Apostoli: *Ego libentissimè impendâ, & superimpendâ ipse pro animabus vestris.* Et: *Omnia sustineo propter electos.* Et: *Gaudeo in passionibus pro vobis, & adimpleo ea, quæ desunt passionum Christi, in carne mea, pro corpore eius, quod est Ecclesia.* Quamvis enim possint hæc verba ita exponi, vt significant Apostolum passum esse multa propter electos, & propter Ecclesiam, quia non potuit Euangelium prædicare, nisi se multis periculis exponeret, & multos labores subiret; & rursum, passum esse propter electos, & propter Ecclesiam, vt exemplo suo infirmos confirmaret, & ad brauium supernæ vocationis accenderet: tamen negari non potest, quin possint etiam rectè exponi de communicatione satisfactionum: nam sensus isti inter se non pugnant, & possunt omnes simul admitti. Optauit enim Apostolus fidelibus prodesse omnibus modis, quibus id fieri poterat. Nihil enim excepit, quod dicebat: *Libentissimè impendâ ipse pro animabus vestris.* Potuit autem prodesse communicando passionibus suas ad expiandum reatum temporalem, cum sibi eiusmodi satisfactiones abundarent: igitur optauit, & voluit etiam hac ratione fidelibus prodesse. Quod autem optauit Apostolus, operantur sine dubio ceteri S. Apostoli, alijque pii viri, qui Dei, & proximi charitate flagrant.

Propositio 2. *Ecclesia pastoribus auctoritas diuinitus concessa est, thesaurum satisfactionum dispensandi, ac per hoc indulgentias concedendi.* Prob. I. ex illis verbis Domini: *Quodcumque solueris super terram, erit solutum & in calis.* Est enim hæc promissio generalis, & amplissima, nec restringitur ad peccata, qualis est illa: *Quorum remiseritis peccata, &c.* sed complectitur omnia vincula, quæ impedire possunt homines à consecutione salutis æternæ. Itaque in hoc verbo fundatur potestas, non solum absoluedi à peccatis in Sacram. Pœnitentiæ, sed etiam absoluedi à censuris quibuscunque, nec non dispensandi in legibus, votis, & iuramentis, dum rationabilis adest causa. Promittitur enim his verbis Apostolo Petro supremum tribunal Ecclesiasticæ potestatis, vt loco Christi

Rom. 12.  
1. Cor. 12.]

2. Cor. 12.  
2. Tim. 2.  
Col. 1.

Matth. 16.

Ioan. 20.

Christi Ecclesiam omnem regere, & iudicare summa cum potestate possit. Quod ei tum demum exhibitum est, cum à Christo audiuit. *Pasce oves meas.* Quare, quemadmodum Petrus, ut supremus iudex, loco Christi absolvere potest homines peccatores rite dispositos à culpis quibuscunque, applicando illis per Sacram. Baptismi, vel pœnitentiæ Christi merita: ita etiam potest absolvere eosdem extra sacramentum à pœnis temporalibus applicando eis Christi, & Sanctorum pœsiones.

Ratio autem, cur reatus culpæ in Sacram. solvatur; reatus autem pœnæ extra Sacram. est in promptu: quamvis enim potestas soluendi sit generalis, tamen debent omnia solui, prout exigit eorum natura. Culpæ autem lethales non solvuntur sine infusione gratiæ: infusio verò gratiæ non datur humano ministerio, nisi per Sacramenta. At reatus pœnæ remanentis post dimissam culpam solvuntur extra Sacram. quia non requirit infusionem nouæ gratiæ, sed eam iam adeptam præsupponit. Eodem pertinent illa verba: *Quæcunque alligaueritis super terram, erunt ligata in cælis; & quæcunque solueritis super terram, erunt soluta & in cælis.* Ne quis enim Ecclesiam contemneret, de qua paulò antè dictum erat: *Si te non audieris, dic Ecclesiæ; si Ecclesiam non audieris, sit tibi sicut ethnicus, & publicanus;* addit Christus tantam fore potestatem Præfultum Ecclesiæ, ut, quæcunque ipsi ligauerint, & soluerint, sint etiam apud eum ligata, & soluta; cum hæc promissio generalis sit, & cum ipsos Præfultum loco suo iudices, & Principes Ecclesiæ esse voluerit, nulla est ratio, cur non possit extendi ad solutionem reatus pœnæ temporalis, præsertim cum diuinæ iustitiæ satisfiat ex redundantibus satisfactionibus Christi, & Sanctorum.

Prob. secundo propositio ex praxi, & vsu perpetuo Ecclesiæ Catholicæ. Quod enim Ecclesia semper in vsu habuit, dubitari non potest, quin sit à Deo, etiam si fortè fundamentum eius consuetudinis lateret nos. Ipso Apostolorum tempore concessam fuisse indulgentiam, perspicuum est ex illis verbis: *Cui autem aliquid donassis, & ego: nam ego, quod donavi, si quid donavi propter vos in persona Christi, ut non circumueniamur à Sathana.* Rogauerunt Corinthij B. Paulum, ut incestuoso excommunicato, & seriam pœnitentiam agenti ignosceret, & condonaret, quod spererat, pœnitentiæ: annuit B. Paulus, & iussit, ut ipsi nomine suo indulgerent. Ac, ut videamus nihil defuisse eorum, quæ ad veram pœnitentiam pertinent, quæ tria à Theologis numerantur; nimirum auctoritas in concedente, pietas in causa, & status gratiæ in suscipiente; Apostolus in persona Christi, id est, auctoritate à Christo accepta, indulgere se dicit, idque propter ipsos, id est, propter communem ipsorum utilitatem, ut non detur locus insidijs Diaboli ob nimiam Prælati seueritatem. Denique, constat ex eadem epist. Corinthium incestuosum tantum de suo peccato dolorem concepisse, ut periculum esset, ne nimia tristitia absorberetur: ex quo intelligimus, eum per veram pœnitentiam ad statum gratiæ peruenisse. Post Apostolica tempora extant testimonia Tertulliani, & Cypriani, de remissione pœnæ, quam Pont. faciebant, vel ad Martyrum intercessionem, vel alijs de causis. Post illa tempora extant Concilia Ecclesiæ antiquissima, partim generalia, partim etiam diuersarum provinciarum, in quibus

Sess. 25.

bus per Episc. indulgentiæ penitentibus conceduntur. Concilium etiam Trident. probat vsum indulgentiarum, & emendat abusus.

Prob. 3. ratione petita ab his signis, in quibus internoscuntur Catholica dogmata ab hæresibus. Nam Catholicorum dogmatum hoc est proprium, vt non inueniatur eorum origo, nisi ad Euangelium, vel Apostolos ascendamus: hæresum autem semper potest assignari certus auctor, & locus, & tempus, in quo exoriri cœperunt. Iam vero nullus hætenus indicare potuit auctorem indulgentiarum, neque locum, vel tempus, quo prædicari cœperint: omnes enim, qui de Indulgentiis mentionem faciunt, siue Doctores, siue Pont. sint, siue etiam Concilia, ita de ijs loquuntur, vt de re vñcata, & recepta.

L. 3. c. 4.

Quinto prob. ex diuinis testimonijs reuelationum, & miraculorū. Nam S. Bernardus prædicauit multis in locis indulgentias, quas Eugenius III. Papa concessit ijs, qui accepta cruce ad bellum sacrum Hierosolymitanum proficiscerentur, & prædicationem suam miraculis plurimis, & maximis confirmauit, vt cognosci potest ex vita eius fideliter scripta. S. quoque Franciscus diuinæ reuelatione indulgentiam à Domino, & eius vicario Rom. Pontifice obtinuit pro Ecclesia S. Mariæ de Angelis. S. Brigitta vidua sanctissimæ, cuius reuelationes diligenter examinatz, & approbatæ per viros doctissimos fuerūt, ab ipso Christo non semel admonita fuit de indulgentiis maximis, quæ sunt Romæ.

L. 6. reuelat.

c. 102.

103.

Vltimò prob. ratione ducta à simili. Nam in omni Rep. bene instituta pertinet ad Principes, & Magistratum dispensatio bonorum communium: & rursum ad eosdem pertinet admittere satisfactionem vnus pro altero, si ita iudicent expedire vtilitati Reip. At certum est Episcopos Principes esse populi Christiani, & Rom. Pontificem in vniuersa Ecclesia loco Christi summum Magistratum gerere. Nec minus est certum, extare in Ecclesia thesaurum satisfactionum ex passionibus Christi, & Sanctorum, quo ipsi nõ egent, & in communem fidelium vtilitatem erogari desiderant. Denique, certum est multos esse fideles homines, & Dei filios, & amicos, qui tamen reatu pænæ temporalis adhuc tenentur obstricti. Curigitur non poterunt Episc. ac potissimum Pont. Max. si rationabilis causa subit, ex thesauro illo pro debitoribus satisfacere Deo, & nomine ipsius Dei eandem satisfactionem pro debitoribus illis acceptare, atque ea ratione indulgentias illis dare, eosque à reatu pænæ temporalis absolueret?

Propositio 3. *Praelati Ecclesie dispensare possunt Christi passionem, tum per Sacramenta, tum per indulgentias: passionem vero Sanctorum non nisi per indulgentiam.* Ratio est in promptu. Nam Christi passio, qua parte dispensatur pro iustificatione, & reconciliatione peccatorum, non potest ab Ecclesiæ Praelatis dispensari, nisi per Sacram. Gratiam enim, & gloriam, vt omnes Theologi fateantur, non potest donare extra Sacram. nisi Deus potestate propria, & Christus per potestatem sibi communicatam à Deo, quam vocant excellentiæ.

Qua parte autem eadem passio Christi dispensatur pro remissione pænæ temporalis, potest & per Sacramenta, & extra Sacramenta dispensari. Nam Sacram. Baptismi virtute passionis Christi remittitur omnis pænæ, siue temporalis,

poralis, siue æterna: in Sacram. verò Pœnitentiæ remittitur semper pœna  
 sent. pœterna, & pars aliqua pœnæ temporalis. Pœssiones verò Sanctõrum nunquã  
 per Sacram. dispensari queunt: nunquam enim in Sacram. remittitur pœna  
 sine remissione culpæ; culpæ autem pœssionibus Sanctõrum non possunt ex-  
 piari, vt illud omitam, quòd Sacram. sint instrumenta pœssionis solius Chri-  
 sti, nec vllam vim habeant à pœssionibus Sanctõrum, cum ipsi etiam Sancti  
 per Christi Sacram. sanctificati fuerint. Restat igitur, vt pœssiones Sanctõrum,  
 si vllò modo dispensari debeant, extra Sacram. solùm, idque pro solutione  
 solius reatus pœnæ temporalis dispensari debeant.

## CAPVT III.

## Quid sit Indulgentia.

**D**V O hic quærenda sunt. I. *An Indulgentia propriè sit absolutio, an solutio?*  
 Posteriores Theologi definierunt, vtrumque simul in Indulgentiis re-  
 periri; solutionem scilicet, id est, compensationem pœnarum ex thesauro me-  
 ritorum Christi, & Sanct. depromptam, & applicatam auctoritate Pontifi-  
 cis; & iudiciariam absolutionem. Sit igitur I. *propositio: Indulgentia propriè est*  
*absolutio iudiciaria, annexam habens solutionem ex thesauro.*

Prob. pars prior propositionis I. ex testimonijs Script. in quibus fundari  
 diximus Indulgentias. Nam illud: *Tibi dabo claves regni celorum, & quodcumque* Matth. 16.  
*solueris super terram, erit solutum & in celis:* & illud: *Quicumque solueritis super*  
*terram, erunt soluta & in celis;* intelliguntur sine dubio de potestate iudiciaria  
 absoluendi.

Prob. secundo ex testimonijs sacrorum canonum.

Prob. tertio ratione. Nam cur, quæso, pro defunctis non conceduntur  
 indulgentiæ, nisi per modum suffragij? Certè nulla est ratio, nisi quia de-  
 functi non possunt propriè iudicialiter absolui. Ergò indulgentia, quæ viu-  
 entibus simpliciter datur, absolutio iudiciaria est. Deinde; Si non esset ne-  
 cessaria iurisdicctio ad indulgentias concedendas, quicumque applicare vellet  
 alteri satisfactionem suam, is dici posset indulgentiam dare: quod tamen est  
 omninò inauditum.

Posterior pars prob. I. auctoritate Clementis VI. qui manifestè hoc do- Extr. mag.  
Vigenim.  
 cet. Deinde ratione: nam Prælati Ecclesiæ, & ipsi etiam summi Pontifices  
 non sunt absoluti domini, vt possint pro arbitrio, sine vlla compensatione,  
 condonare hominibus culpas, vel pœnas, quarum rei sunt in foro Dei: sed  
 sunt iudices à Deo constituti, qui possunt quidem pro potestate sibi à Deo cõ-  
 cessa remittere culpas, & pœnas nomine Dei; sic tamen, vt iustitiæ satisfiat. Et  
 confirm. à simili. Nam, cum Sacerdotes in Sacramento Pœnitentiæ absolunt  
 reos pœnitentes à culpis, & ab aliqua parte temporalis pœnæ, non id faciunt  
 sine compensatione; sed applicant pretium sanguinis Domini, vt diuinæ iu-  
 stitiæ

strix satisfiat. Igitur eodem modo, cum per indulgentias Prælati Ecclesiæ subditos suos absoluant à pœnæ temporalis reatu, id faciunt applicando satisfactiones Christi, & Sanctorum.

Propositio 2. *Quantumvis Indulgentiis absolutio cum solutione ordinariè coniungatur, possit tamen summus Pont. indulgentiam concedere per solam solutionem; non tamen per solam absolutionem.* Quod per solam solutionem, certum est ex indulgentiis, quæ dantur pro defunctis. Nam quemadmodum defunctis indulgentiæ conceduntur per hoc solum, quod summus Pont. applicat ex thesauro, quantum satis est ad compensandam pœnam, quam illi in Purgatorio luituri erant; sic etiam possit viuenti alicui applicare satisfactionem ex thesauro Ecclesiæ, & eo modo eum liberare à debito pœnæ, etiam si non propriè illum absoluerit. Ceterum illa non esset eiusdem rationis indulgentia cum ea, quæ ordinariè viuentibus tribuitur. Altera pars perspicua est ex dictis.

Altera questio est: *A quo vinculo per indulgentias solvamus, vel absolvamur?* Sciendum, duplex esse vinculum seu debitum, siue reatum peccati: alterum culpæ, alterum pœnæ. Rursus autem reatum pœnæ iterum esse duplicem: alterum pœnæ naturalis, qualis est mors, morbus, ignorantia, concupiscentia, & similia; alterum pœnæ personalis, quæ consequitur peccatum actuale, qualis fuit pestis immissa in pop. ob peccatum Davidis. Rursus, reatum pœnæ personalis, alterum pertinere ad forum externum; alterum ad forum internū. Rursus, reatum pœnæ debet in foro interno, seu penitentiali, alterum esse pœnæ iniunctæ, alterum iniungendæ. Denique, reatum eiusdem pœnæ, siue iniunctæ, siue iniungendæ, vel esse debitum, vt satisfiat soli Ecclesiæ, vel vt satisfiat etiam Deo.

Sit itaque I. propositio: *Per indulgentias non absolvimur, nec solvimur à reatu culpæ ullius, id est, nec lethalis, nec venialis.* Et quidem de culpa lethali nulla dubitatio esse potest: nam, cum ea tolli non possit, nisi infusione gratiæ, & gratia non infundatur ministerio humano, nisi per Sacramenta, pro comperto habendum est, eam per indulgentias non posse tolli. De veniali probabilis est sententia communis, per indulgentias non tolli, nisi reatum pœnæ temporalis, qui remanet culpa dimissa: siquidem indulgentia supplet locum satisfactionis penitentialis.

Præterea; Cum Pont. indulgentias concedunt, sæpe declarant se condonare penitentiam iniunctam; sæpe etiam dicunt se largiri certum numerum annorum, vel dierum indulgentiæ, quæ nullo modo ad peccata venialia, sed ad solas pœnas accommodari possunt. Item; Si quando in litteris indulgentiarum legatur, concedi absolutionem à culpa, & pœna, intelligendum est id propterea dici, quod indulgentia coniungitur ordinariè cum Sacramentali confessione, & facit, vt, qui per Sacramentalem confessionem fuit absolutus à culpa, per indulgentiam absolatur à pœna. Pari ratione, cum dicunt Pontifices se per indulgentias absolvere penitentes à peccatis, vel condonare omnia peccata, vel dimidiam, aut tertiam partem peccatorum, semper loquuntur de peccatis, quoad pœnam, non quoad culpam, quæ ante indulgentiam remissa esse creditur.

Propositio secunda, *Per indulgentias non liberamur à pœnis naturalibus.* In hac con-



conueniunt omnes Do&. Constat enim definitum esse à Deo, vt pœnæ illæ naturalæ non tollantur, nisi cùm natura ipsa mutabitur, id est, cùm per resurrectionem mortale hoc induet immortalitatem.

1. Cor. 15.

Propositio tertia. *Nec pœnas, quæ in foro externo, contentioſo, siue Ecclesiastico, siue ſeculari infliguntur, indulgentia tollere poſſunt.* Nam pœnæ fori externi propter bonum Reip. infliguntur, vt facinorosi deterreantur à peccatis, & probi homines securitate fruantur. Præterea, Indulgentiæ non conceduntur, nisi pœnitentibus, & Deo reconciliatis: pœnæ autem illæ infliguntur maxime pertinacibus, & rebellibus. Denique; Indulgentiæ locum obtinent satisfactionis pœnitentialis: quare non aliam pœnam tollunt, nisi quam debemus in foro secreto, & pœnitentiali.

Propositio quarta. *Indulgentia liberant homines reatu pœnæ, non solum coram Ecclesia, sed etiam coram Deo.* Hęc propositio olim negabatur à nonnullis Catholicis: & hoc tempore à Luthero, & Caluino, ceterisque sectarijs. Et quidem aduersus Catholicos prob. propositio. Quoniam, si solum deberet Ecclesiæ satisfieri, siue tolli præceptum agendę pœnitentię ab Ecclesia positum, non esset opus theſauro meritorum Christi, & Sanctoꝝ. Secundò, Non esset vtilis, sed noxia indulgentia, & Ecclesia filios suos in hac re maxime graui decipere videretur: liberaret enim eos à pœna huius vitę mitissima, & remitteret ad pœnam atrocissimam Purgatorij. Tertiò, Non possent concedi indulgentiæ pro defunctis, quippe qui non ligantur Ecclesię præceptis, neque aut ipsi disciplina indigent, aut exemplo esse poſſunt. Quartò, Multi fideles indulgentias percepturi consentuntur Sacerdotibus peccata, & satisfactionem iniunctam expleant. Interdum etiam Pontifices in litteris indulgentiarum præscribunt, vt Sacerdotes iniungant pœnitentias salutares ijs, qui indulgentiam consequi desiderant. Igitur & populi, qui suscipiunt indulgentias, & Pontif. qui eas tribuunt, eius sententię se esse testantur, vt indulgentię potissimum profint ad pœnam Purgatorij expiandam. Denique; hoc significare videntur illa verba: *de vera indulgentia*, quæ addi solent, cùm indulgentię in sacello Pontificio promulgantur; vera enim indulgentia dicitur, quæ reatum pœnæ, non solum coram Ecclesia, sed etiam coram Deo verè tollit.

Iam verò aduersus hæreticos, prob. I. indulgentiam valere ad relaxandam pœnam coram Deo, ex verbis Christi: *Quodcumque solueris super terram, erit solutum & in celo.* Et: *Quodcumque solueris super terram, erunt soluta & in celo.* Quorum enim additur: *& in celo*, si non soluitur vinculum nisi humanum. Matt. 16.  
Matt. 18.

Prob. secundo ex Patribus.

Prob. III. ratione ducta à simili. Pœnitentię siquidem à Sacerdotibus impositæ, & ex, quæ assumuntur sponte, sunt omnino similes: constant enim ex iisdem rebus, oratione videlicet, ieiunijs, & elemosyna; & ad eundem finem tendunt, & aliz alias iuuant: immò Sacerdotes, cùm pœnitentias iniungunt, hortantur pœnitentes, vt ipsi etiã sponte assumant alias, cum credibile sit impositas non esse æquales criminibus. Certum autem est, per pœnitentias sponte assumptas satisfieri Deo, vt perspicuum est ex eo, quod occultè esse solent, iuxta illud: *Lanabo per singulas noctes lectum meum, lacrymis meis stratum meum rigabo.* Igitur pœnitentię à Sacerdotibus non solum exempli, &

Pſalm. 6.

T t

disci-

disciplinæ causa, sed etiam ad satisfaciendum Deo imponi solebant.

Præterea; Pœnitentiæ pro occultis criminibus occultè iniungebantur, sicut & ipsa confessio secreta esse debebat. Nō igitur semper iniungebantur exempli, & disciplinæ causa.

Denique; Omnia argumenta, quibus in libro de Purgatorio demonstrauimus, post hanc vitam extare loca pœnalia, in quibus exercentur animæ eorum, qui, dum uiuerent, pro suis peccatis non integrè satisfecerunt Deo, probant etiam, Indulgentias homines liberare à reatu pœnæ, non solum coram Ecclesia, sed etiam coram Deo. Nam nec ipsi Lutherani indulgentias negarent, si Purgatorium crederent.

Est etiam notandum, Indulgentias, quæ conceduntur in hac vita, immediatè, & principaliter liberare à debito pœnæ persoluendæ in hac vita: mediatè uerò, & quasi secundariò à debito pœnæ persoluendæ in Purgatorio.

*Butran. An-  
tiquorum.*

Propositio 5. *Cum in forma Indulgentiæ palam exprimitur, concedi remissionem pœnitentiæ iniunctæ, non intelligitur concedi remissio eius pœnitentiæ, quam Sacerdos in Sacramento Confessionis iniunxit.* Nam pœnitentiæ non dicitur propriè iniungi, nisi à Sacerdote, qui in particulari obligat præcepto suo pœnitentem ad certa opera pœnalia peragenda. Canones enim pœnitentiales exprimunt quidem, generatim, quæ pœnitentiæ quibus peccatis conueniant: sed, quoniā nō est satis ad iustā pœnitentiā imponendam, scire, quid congruat peccato secundum se, nisi simul attendantur varix circumstantiæ, maximè circa personam pœnitentis; ideo non potest à canone pœnitentiali pœnitentiæ absolutè iniungi, neque ullus tenetur ad eam pœnitentiā subeundam, quæ notatur in canone pœnitentiali, nisi ab aliquo iudice iniungatur. Pariratione dicitur, Deum non iniungere pœnitentiā, sed exigere eam, quæ sequitur ex natura rei, ad peccati grauitatem.

Accedat præterea, quòd, cum Indulgentiæ concessio secundum iura sit res odiosa, quippe quæ relaxat pœnitentiæ rigorem, non debent extendi uerba litterarum Pontificiarum ad pœnitentiā iniunctā largo modo, & improprie, sed restringi ad iniunctā propriè; quales non sunt, nisi ex, quæ à Sacerdotibus in Sacramento Pœnitentiæ iniunguntur. Quæ enim definiuntur in Canonibus, uel exiguntur, nō possunt dici iniunctæ, nisi largo modo, & improprie.

Conclusio 6. *Cum non sit mentio iniunctarum pœnitentiarum, sed absolutè conceduntur indulgentiæ, intelligendum est, condonari omnes pœnitentiā, siue iniunctā sint, siue iniungi potuerint.*

Prob. propositio primo ex constitutione extrauag. Bonifacii VIII. in qua legimus indulgentiam datam esse plenam, pleniorē, & plenissimam. At certè, si non concederetur indulgentia nisi de iniunctis pœnitentijs, satis fuisse dicere concedi plenam seu plenariam. Quid igitur sibi uult, plenior & plenissima? Adde, quòd Glossa scribat, Bonifacium de hoc interrogatum respondisse, per plenissimam indulgentiam se intellexisse illam omnem indulgentiam, ad quam clauos Ecclesiæ possunt extendi. Non potest autem dubitari, quin clauos Ecclesiæ ad indulgendas pœnitentiā non iniunctas, sed tamē debitas in iudicio Dei possint extendi. Adde, quòd ab eodem Pont. fuerit pro-

pro-

prohibitum pœnitentiario, ne confitentibus peccata anno illo Iubilæi satisfactiones iniungeret. Non igitur dubitari potest, quin Pont. ille indulgentias de non iniunctis dare voluerit. Simile est, quod de Pio V. refertur. Is enim priuatim interrogatus affirmavit indulgentias absolute pronunciatas non restringi ad pœnitentias iniunctas, sed etiam extendi ad non iniunctas. Et quamvis duo illi Pont. non ediderint publicam huius quæstionis explanationem, per rescriptum aliquod Pontif. tamen non est levis momenti tantorum virorum etiam priuata auctoritas.

Prob. secundo ex consuetudine nostrorum temporum. Nunc enim vix vnquam iniunguntur pœnitentiæ multorum annorum; & tamen Pont. qui hoc non ignorant, adhuc promulgant indulgentias septem, vel decem annorum, atque alias similes. Igitur non volunt Pont. hoc saltem tempore, indulgentias restringere ad pœnitentias iniunctas, sed extendunt etiam ad eas quæ merito iniungi possent, si pœnitentiæ criminibus æquales iniungerentur.

Præterea; hoc tempore, qui se parant ad indulgentias consequendas, confiteri solent peccata Sacerdoti, & iniunctam satisfactionem implere: non igitur existimant sibi tantum iniunctas pœnitentias condonari, sed alias longè maiores. Quod si hæc populorum existimatio non esset vera, manifestè falleretur pop. & huius deceptionis causa in prælatos Ecclesiæ referri posset. Denique; in litteris indulgentiarum aliquando ponitur, vt Sacerdotes imponant salutes pœnitentias ijs, qui indulgentias consecuti sunt. Non igitur indulgentia earum litterarum ad iniunctas pœnitentias, sed ad non iniunctas pertinet: neque enim Pont. relaxare intendit pœnitentias illas salutes, quas iubent imponi.

## CAPVT IV.

De varietate, & vtilitate  
Indulgentiarum.

**D**E varietate inuenio Indulgentias quinque modis consueuisse concedi: Interdum enim conceduntur aliquot dies, vel anni indulgentiarum. Interdum quadragenæ dierum; modò tertia, vel quarta, vel alia peccatorum pars; alias Indulgentia plenaria: Tandem Indulgentia plena, plenior, & plenissima in forma Iubilæi: Rursus, hæc omnia vel conceduntur in vita, vel in articulo mortis: Denique, vel sunt Indulgentiæ temporariæ, vel perpetuæ.

Et quidem *Indulgentia tot dierum, vel annorum* secundum veriolem opinionem, significat remissionem pœnitentiæ, quæ peragenda fuisset tot diebus, vel annis, secundum Ecclesiæ ritum. Constat enim pœnitentibus multa fuisse imperata, multa etiam interdicta: vt, exempli gratia, impe-

T t 2

rabatur

rabatur ieiunium feria 2. 4. & 6. interdicebatur vsus balnei, equitationis, vxoris etiam interdum, & potissimum tempore sacræ communitionis.

*Indulgentia Quadragesa* significat remissionem pœnitentiæ, quæ 40. continuatis diebus in ieiunijs, alijsque laboriosis operibus agenda fuisset. Quæ Quadragesa, quando imperabatur acrior, ita vt solo pane, & aqua contenti esse deberent, qui eam peragebant, carena dici solebat, quòd videlicet *carentiam* omnium ferè ciborum contineret. Talis carena præmitti solebat ante septennem pœnitentiam. Porro cùm Indulgentia condonat aliquam partem, vt tertiam, vel quartam peccatorum, nihil significatur aliud, nisi remitti pœnitentiam, quæ pro tanta parte pœnæ peccatis debet expianda necessaria fuisset.

*Indulgentia verò plenaria* totum pœnæ reatum tollit, qui post culpam remissionem fortè remansit. Denique, *Indulgentia plenior, vel plenissima*, etiam in Iubilæo, non differt reuerà à plenaria simpliciter, & absolute concessa: posset tamen fieri, vt Bonifacius VII. qui primus vsus est illis vocibus, retulerit plenam Indulgentiam ad remissionem totius pœnitentiæ iniunctæ; pleniorē, seu largiorem ad remissionem totius pœnitentiæ, quæ secundum Canones iniungi debuisset; plenissimam ad remissionem totius pœnitentiæ, quæ à diuino iudicio posset exigi.

Existit autem hic dubitatio: Num Indulgentia aliquot dierum, vel annorum huius vitæ respondeat in Purgatorio relaxationi totidem dierum, vel annorum? Et quidem omnes conueniunt, cùm per indulgentias condonantur pœnitentiæ aliquot dierum, vel annorum, consequenter etiam remitti pœnam Purgatorii, quæ pœnitentiæ condonatè respondet.

Sed, vtrum pœnitentia vnus diei, vel vnus anni in hac vita tantum reatus pœnæ coram Deo expiare valeat, quantum expiaret vnus dies, vel annus in Purgatorio exactus, quæstio est. Communis sententia docet, quòd sic. Quamuis enim pœna Purgatorii sit acrior omnibus pœnis, quas in hac vita experti sumus, vt Patres docent, tamen ad expiandum reatum pœnæ efficacior est pœna voluntaria huius vitæ, quàm pœna acrior Purgatorii, quia hoc est tempus misericordiæ, illud iustitiæ. Itaque in hac vita non est debitum vllum pœnæ tam grande, quod non possit vno die, vel etiam vna hora per martyrium omnino dissolui, pro quo tamen soluendo in Purgatorio vix multi anni sufficerent. Quod quidem de vehementissima contritione dici potest: de qua re multa extant exempla in historijs.

Ioan. Climachus scribit latronem quendam omni scelere genere cooperatum, tanto ardore animi peccata sua publicè patefuisse, vt reudatum sit sanctis aliquibus viris, illa omnia continuò satisfactiōe illa purgata fuisse, atque deleta.

Constat præterea ex Beda, alijsque probatis auctoribus, plurimas animas in Purgatorio vsque ad diem iudicij, id est, per multas annorum centurias cruciandas: cùm tamen nulla sit multitudo, vel grauitas peccatorum, quæ nõ possit in hac vita per pœnitentiam deleri, non solum quoad culpam, sed etiam quoad pœnam.

Denique, legimus viros aliquos sanctos ob vnum solum peccatum non paruo

Extr.  
Antiquor.

L. de scala  
parad. gra  
du 4.

L. 5. histor.  
Anglic.  
c. 13.

paruo tēpore in Purgatorio cruciatus, vt patet de Paschasio Cardinali Rom. *L. 4. Dial. c. 40.*  
 apud S. Gregorium: & de Seuerino Episcopo Coloniensi apud S. Petrum  
 Damianum: & de S. quadam virgine apud Gregorium Turonensem. In prę-  
 senti autem vita eiusmodi peccata leui, ac breui penitentia dilui possent.

De *Indulgentia in mortis articulo* quæri potest. Quid intelligendum sit per  
 mortis articulum? Sed resp. facilis est: nam, si litteris Pontificij exprimitur  
*mortis articulus verus*, tunc sine dubio non assequitur illam indulgentiam, nisi  
 qui reuera paulò post acceptam absolutionem moritur. Si verò non exprimi-  
 tur, sed generatim dicatur, *in mortis articulo*, tunc sententia communior est,  
 indulgentiam obtineri etiam in mortis articulo præsumpto, quamuis reuera  
 mors non sequatur. An autem, qui Indulgentiam consecutus est in articulo  
 mortis præsumpto, possit rursus eandem assequi, cū iterum veniet ad mor-  
 tis articulum, Docēt. dissentiunt: sed istę quæstiones, vt plurimum, ex inspe-  
 ctione litterarum dissolui possunt. *Indulgentia temporaria* dicuntur, quæ conce-  
 duntur definito spacio temporum, quo indulgentia percipi potest: vt cū de-  
 finiuntur 24. horæ, vel vna, aut altera hebdomada, vel integer annus, vt in Iu-  
 bilizis. *Perpetuæ* verò dicuntur, quæ sunt alligatę certis locis; vt Ecclesijs, vel  
 altaribus; vel etiam rebus mobilibus, vt rosarijs, granis benedictis, sine vlla  
 temporis determinatione.

Vtilitas præcipua Indulgentię est remissio pœnæ temporalis. De qua re id  
 solum quæri potest: An sit vtilis omnium hominum generi remissio pœnæ  
 temporalis? Sed apud Catholicos res est certissima, Indulgentias omnibus  
 esse vtilēs, & ab ijs etiam, qui perfectioni dant operam, recte quæri, & suscipi  
 posse. Nā omnibus vtile est, liberari ab ijs rebus, quæ retardare possent ad æp-  
 tionem summi boni: talis autem est reatus pœnæ temporalis, cum quo si quis  
 ex hac vita migraverit, non poterit continuo pertingere ad vitam æternam.  
 Sunt etiam alię vtilitates adiunctę, quando in forma Iubilzi Indulgentiæ  
 publicantur. Nam & datur facultas eligendi Confessarium, ex approbatis ta-  
 men, iuxta decretum Concilij Trident. Item, datur auctoritas confessarijs  
 absoluedi à multis casibus reseruatis, multisque censuris Ecclesiasticis, nec  
 non vota nonnulla in alia pia opera commutandi: atque alia id genus.

Sed duz hoc loco existunt dubitationes. I. Si quis tempore Iubilzi ab-  
 solutionem à reseruatis accipiat, & postea tamen negligat ea perficere, quę ad  
 indulgentiam consequendam necessaria sunt, an absolutio illa rata sit? Res-  
 ponsio communis est, ratam esse: quia absolutio non pendet à futura condi-  
 tione, & ne pendere quidem potest. II. Dubitatio: Si quis spe futuri Iubi-  
 lzi in peccatum reseruatum sponte incidat, an ab eo peccato possit absolui?  
 Respondent aliqui, non posse: sed alij contra sentiunt.

Quis possit Indulgentias concedere?

## C A P V T V.

**V**T Indulgentia rata sit, duo requiruntur ex parte concedentis: auctoritas legitima, & causa. Auctoritatem requiri, extra controuersiam est: nam absolvere, vel ligare non potest, nisi is, qui iurisdictionem habet: indulgentias autem dare, absolvere est. Præterea; Distribuire communia bona non potest nisi Magistratus, vel Princeps, cui bonorum communium administratio commissa est, & dispensatio credita: Indulgentiæ verò, præter absolutionem, continent etiam applicationem thesauri spiritualis. Porro auctoritas hæc potissimum residet in summo Pontif. ac propterea potest ipse indulgentias etiam plenarias omnibus fidelibus largiri. De qua re nulla dissensio est. Nam constat Apostolo Petro, cui summus Pontif. succedit, propriè dictum esse à Domino: *Quodcumque solueris*, &c. Deinde, constat ex iure Canonico, in summo Pontifice ad indulgentias concedendas esse plenitudinem potestatis. Denique, constat ex re ipsa, summos Pontif. frequentissimè indulgentias plenarias concessisse.

*Matth. 16.  
Cum ex eo,  
de penitentis,  
O remiss.*

De Episcopis, & Metropolitanis res est etiam extra controuersiam, posse illos in sua diœcesi, istos in sua prouincia indulgentias tribuere: sic tamen vt indulgentiam vnus anni in dedicatione Ecclesiæ, vel 40. dierum alijs temporibus de iniunctis penitentibus non excedant. Nec minus certum est, non requiri potestatem ordinis, sed solum potestatem iurisdictionis ad indulgentias concedendas: proinde poterit Pontif. Max. vel Episcopus indulgentias concedere, etiam si nondum sit sacris ordinibus insignitus. Neque amittitur hæc potestas per peccatum lethale.

*In 4. dist. 20.  
q. 4. ar. 2.  
De iubil.  
no. 31.  
num. 17.*

De Legatis Apostolicis, posse eos concedere ex commissione speciali, vel generali summi Pontif. indulgentias in omni loco, ad quem sua legatio se extendit, nemo dubitat. Summum Pœnitentiarum posse concedere centum dierum indulgentias, testatur Petrus Palud. Quod idem de alijs Cardinalibus testatur Nauarrus: quamuis id magis consuetudine, quàm lege nitatur. Atq; hæc quidem videntur esse certa, & rata.

*sess. 4.*

Primum autem quæri potest de Concilio generali: an possit plenarias indulgentias dare? Quamuis verò neminem legerim, qui expressè doceat, Concilium generale non posse indulgentias dare; tamen videntur ita sentire Doct. qui scribunt, ad summum Pontif. solum spectare potestatem indulgentias concedendi plenarias, & de Concilio generali nihil dicunt. Nam nullum huius rei exemplum habemus, nisi Concilij Basileensis: quod Concilium eo tempore erat schismaticum, neque eius decreta, & multò minus exempla, certam

certam fidem faciunt. Concilium autem Constantiense prope finem indulgentias concedit non plenarias, sed solum 100. vel 40. dierum: quod recte poterat facere, cum in eo Concilio non solum essent multi Episcopi, & Archiepiscopi, sed etiam Cardinales.

Præterea; Concilium generale, secluso Papa, non habet Papalem auctoritatem, nec formaliter, nec eminenter, nec villo alio modo. Non igitur potest Concilium, secluso Papa, ea facere, quæ proprie ad summum Pont. pertinet, sed ea solum, ad quæ se extendit Episcopalis auctoritas. Constat autem non posse Episcopos, etiam multos simul coniunctos, indulgentiam dare, nisi vnius anni, vel 40. dierum.

Altera dubitatio est de iure, quo Episcopi possunt indulgentias elargiri. Aliqui enim existimant, Episc. iure diuino id posse: alij negant. Sed hæc quaestio ex alia pendet: *Vtrum iurisdictionem accipiant Episcopi à Deo immediate, an verò per summum Pontificem?* Existimamus autem, Episc. à summo Pont. iurisdictionem omnem, ac per hoc potestatem indulgentias conferendi accipere. Cuius rei argumentum est, quod videamus à summo Pont. restrictam, & limitatam Episcopis hanc potestatem fuisse: neque dubium est, quin ab eodem penitus tolli, vel etiam angari, & extendi possit. Quod si à Deo immediate illam haberent, posset quidem summus Pont. interdicare illis vsum eius potestatis; tamen si obstinate ea vti vellent, non posset summus Pont. impedire, quod minus ratum esset, quod illi fecissent. Sicut cum summis Pont. interdicit alicui Episc. ne vtatur facultate, quam habet à Deo conferendi Sacram. Confirmationis, vel Ordinis, peccat quidem Episc. non obtemperans Pont. Max. tamen collatio illa Sacram. Confirmationis, vel Ordinis rata est.

3. Dubitatio est de Abbatibus, Parochis, alijsque Sacerdotibus; *an possint indulgentias tribuere?* At sententia communis docet, nullos esse absolute Prælatos, sed Episcopos inferiores posse iure communi tribuere indulgentias; sed solum ex commissione summi Pont. vel Episc. Extat enim de hac re expressus textus iuris. Præterea; S. Thomas pulchrè docet, nullos esse absolute Prælatos, nisi Episcopos. Ipsi enim sunt rectores integri populi, & quasi Reges in paruo regno; atque ita præsunt hominibus omnium ordinum, ætatum, sexuum, conditionum. Abbates autem sunt quasi patres vnius familiæ; & domus, & præsunt solis Monachis. Parochi quoque non præsunt, nisi vni parochiæ, quasi vni familiæ. Potestas autem dispensandi thesaurum Ecclesiæ non conuenit, nisi veris Prælatie, qui sunt Principes populi Dei.

*s. de decimis  
bus, de excessu.  
Prælatorum.  
In 4. d. 20.  
q. 1. ar. 4.*

## CAPVT VI.

## De caussa iusta Indulgentiarum.

**V**T seiungamus certa ab incertis, conuenit primo inter omnes scriptores, sine iusta caussa ratam Indulgentiæ concessione, quoad ea, quæ pendent ex solo iure Ecclesiastico: qualia sunt priuilegia eligendi Confessarium, qui possit etiam à reuerentis peccatis absolueret; & alia id genus. Ratio est, quoniam, cum summus Pontif. dispensat in iure Ecclesiastico, dispensatio est rata, etiam si non addit caussa iusta: satis enim est, si constet, eum voluisse dispensare, cum id totum ab eius arbitrio, & voluntate dependeat.

Secundò, Conuenit inter omnes, sine iusta caussa Indulgentiam non esse ratam, quod attinet ad expiandum reatum pœnæ coram Deo, vel in hac vita, vel in alia. Ratio est, quia hæc pœna expianda est iure diuino: non potest autem summus Pontif. sine iusta caussa dispensare in ijs, quæ aliquo modo pertinent ad ius diuinum, quoniam minister Dei est, non Dominus. Id quod etiã videmus accidere in dispensatione iuramenti, & voti: relaxat enim obligationem in nomine Dei, quando causam habet eiusmodi, vt credibile sit, id placiturum Domino. Quod si pro arbitrio sine vlla iusta caussa dispenseret, Deus non habet ratam dispensationem.

Præterea; Summus Pontif. non solum non est supra ius diuinum, vt possit illud pro arbitrio tollere; sed neque est Dominus, sed dispensator thesauri spiritualis: dispensator autem fidelis, & prudens esse debet; aliqui non dispensator, sed dissipator dicendus erit. Quare in litteris indulgentiarum semper exprimitur caussa, cur indulgentiæ concedantur.

Tertiò, Conuenit inter omnes, ad iustam causam non requiri, vt opus iniunctum sit in se ita satisfactorium, vt planè compenset debitum pœnæ, quod remittitur per indulgentiam: tunc enim indulgentia non esset remissio, sed commutatio, vel redemptio.

Quæstio igitur in eo solum versatur: *An ad iustam causam requiratur proportio aliquæ operis iniuncti cum indulgentia, ita vt pro maiori indulgentia maior caussa requiratur, an vero possit pro opere minimo dari indulgentia maxima?* Communior, & verior sententia videtur esse eorum, qui contendunt, ad iustam causam requiri aliquid, non solum pium, & utile; sed etiam, quod proportionem habeat cum indulgentia, ita vt non sit ratum, si detur pro caussa leuissima indulgentia maxima.

Rationes sunt hæc. I. Quia videntur abuti vocabulis, qui dicunt, requiri iustam causam ad concessione indulgentiarum; & tamen volunt pro opere quocunque, etiam leuissimo, concedi posse indulgentiam maximam.

Quomodo



Quomodo enim iusta causa dici potest, quæ nullam habet proportionem cū effectu.

II. Quoniam non solum infidelis dispensator dicitur, qui nulla de causa donat bona Domini sui, sed etiam, qui pro minima profundit, ac prodigit thesauros preciosos eiusdem Domini sui.

III. Quia si pro quacunque causa pia concessæ indulgentiæ ratæ essent, nullæ dici possent superfluz, vel indifcretæ, cū semper sit in promptu aliqua pia causa, quæ alligari possit.

IV. Quoniam non dissimilis est indulgentiæ largitio dispensationi votorum. In votis autem conueniunt omnes, non posse dispensari, nisi pro maxima causa, quæ magis placeat Deo, quàm ipsa impletio voti.

V. Quia aliqui posset summus Pontif. in momento liberare omnes animas Purgatorij: quia posset dici, non deesse causam piam, cū ad gloriam Dei pertineat, vt tot animæ citissimè volent ad cælum, vbi perpetuo Deum laudabunt.

Sed vt magis res explicetur, notandum est primo ad causam iustam, vt plurimum, duo requiri. Primo finem aliquem pium, & Deo gratum, cuius assecutio magis placeat Deo, quàm pœnitentialis satisfactio, quæ per indulgentiam relaxatur. Is enim fidelis, & prudens est dispensator thesauri, qui fideliter egit causam Domini sui, & iuxta eius voluntatem operatur. Secundo opus aliquod, per quod reuerà finis ille probabiliter obtineri possit: nam si finis quidem valde placeat Deo, sed per opus iniunctum nullo modo valeat obtineri, non videtur iusta causa dandæ indulgentiæ. Vt, exempli causa, si datur indulgentia plenaria ijs, qui semel recitant orationem Dominicam pro conuersione hæreticorum, causa non videtur iusta, quia tametsi conuersio hæreticorum res est maxima, & Deo gratior, quàm pœnitentialis satisfactio; tamen non est probabile, conuertendos hæreticos per eam solam, breuissimamque orationem.

Obseruandum secundò, non requiri ad proportionem causæ cum indulgentia, vt opus iniunctum sit in se valde meritorium, vel satisfactorium, vel difficile, vel laboriosum, quamuis hæc etiam spectari debeant: sed requiri, vt sit medium aptum, atque vtile ad consequendum finem, cuius gratia conceditur indulgentia. Itaque fieri potest, vt per opus in se satis leue, & facile, magna indulgentia acquiratur. Vt cū datur indulgentia plenaria omnibus, qui ante fores Basilicæ S. Petri adstant, dum summus Pont. in die Paschæ solenniter populo benedicit. Et si enim assistentia ista res minima sit, si per se absolute consideretur, tamen magna, & iusta causa est, quia frequentia illa populi eo tempore medium est aptum, & vtile ad protestationem fidei de capite Ecclesiæ, atque in honorem sedis Apostolicæ; qui est finis illius indulgentiæ.

Obseruandum tertio, non eodem modo iudicandum esse de causa indulgentiæ, cū datur vni alicui particulari, & cū datur in communi multis: nam, cū datur vni particulari, oportet, vt opus iniunctum illi soli sit proportionatum fini, cuius gratia indulgentia datur: at, cū datur in communi multis, non est necesse, vt opus singulorum, sed tantum vt opus omnium simul

fit proportionatum fini. Atque hinc accidere potest, ut indulgentia maxima sit iustissima, etiamsi opus iniunctum singulis videatur leue.

Obseruandum quarto plerumque in causa iusta duo contineri, ut supra dictum est: finem, & media ad finem: quoniam aliquando solus finis satis esse videtur, sine vllis medijs, id est, sine aliquo opere iniuncto; quando videlicet finis non pendet ab aliquo opere, & per se sufficit ad indulgentiam iustam efficiendam. Sic olim ad petitionem Martyrum dabantur indulgentiæ sine aliquo opere iniuncto, quia iudicabat Ecclesia, satis magnam causam esse, petitionem Martyrum, ut videlicet homines accenderentur ad martyrium, cum viderent, tanti fieri Martyrum preces. Vocabantur autem tunc Martyres, qui in carceribus inclusi, & iam aliquid passi fuerant ob confessionem fidei, & summationem martyrij expectabant. Quomodo etiam in articulo mortis hominibus bene meritis de Ecclesia dantur aliquando indulgentiæ, neque opus vllum iniungitur; quia videtur causa esse satis iusta, ipsa necessitas extrema coniuncta cum præcedentibus meritis. Itaque sine opere iniuncto concedi potest aliquando indulgentia: sine causa verò, eaque iusta, & rationabili nunquam potest.

Obseruandum quarto iustam quidem semper causam requiri, sed non esse subditorum, iudicare, utrum causa sit iusta, vel iniusta: debent enim simpliciter existimare, iustam esse. Nihilominus tamen sicut probandum non est, quod aliqui pio zelo, sed nimio fortassis, de indulgentijs quibusdam leuibus de causis concessis obloquuntur: sic laudandus est Clemens VIII. Pont. Max. quod decretum Concilij Lateranensis sub Innocent. III. de moderandis indulgentijs indiscretis, & decretum Concilij Trident. de reuocandis indulgentijs ad veterem, & probatam Ecclesiæ consuetudinem executioni mandare studuerit. Veteres enim parcissimos fuisse in conferendis indulgentijs, notissimum est. Siquidem Sergius II. trium tantum annorum dedit indulgentiam: Paschalis I I. 40 solum dierum. Testatur quoque Innocent. III. Apostolicam sedem solitam esse ordinariè non extendere indulgentias vltra condonationem poenitentiae vnius anni, vel 40. dierum: & iuxta hoc Innocent. decretum Nicolaus I V. in indulgentijs varijs, quas concessit Ecclesiæ S. Praxedis, quæ leguntur in introitu capellæ S. Zenonis, nunquam excedit annum vnum, vel dies 40. Denique; S. Thomas scribit, venientibus ad limina Apostolorum ex regionibus vltimarum montanis, trium annorum: ex alijs locis vicinioribus, vnius anni dumtaxat.

Res. 25.

4. Cum ex eo  
de poenit. &  
remiss.

In 4. dist. 20.

q. 1. ar. 3. q.

7. ad 4.

## CAPVT VII.

## De fufcipientibus indulgentias:

**I**N eo, qui cupit reuera fructum ex indulgentijs capere, duo requiruntur: vt fit in ftatu gratiæ, & vt perficiat id, quod pro indulgentia iniunctum fuerit. Et quidem exigiftatum gratiæ, docent communiter Doctores. Et ratio eft apertiffima, quia indulgentia, cum remittat reatum pœnæ temporalis relictum poft remiffionem culpæ, fine dubio requirit, vt culpa fit iam remiffa, ac per hoc translatus fit homo per infufionem gratiæ, & charitatis, de ftatu peccati in ftatum filiorum Dei.

Præterea; Nulla ratio patitur, vt pœna remittatur ei, qui adhuc hæret in culpa, vel debitum ei condonetur nomine Dei, qui adhuc eft aduerfarius à Deo, & hoftis, ac inimicus. Denique; Nomen ipfum indulgentiæ fonat paternam facilitatem in filios, quæ non debet eſſe communis cum feruis, maxime fugitiuiſ: quales ſunt omnes, qui, Deo deſerto, Diabolum ſequuntur. Pari ratione, exigi, vt opus iniunctum perficiatur, conuenit inter omnes.

Sed multæ ſunt quæſtiones. I. *An requiratur ſtatus gratiæ ſolum eo tempore, quo percipitur indulgentia; an etiam, cum perficiuntur opera iniuncta; vel etiam, cum primum indulgentiæ pronuntiantur, aut earum litteræ recipiuntur?* Aliqui contendunt, non requiri ſtatum gratiæ, cum indulgentiæ publicantur, vel indulgentiarum litteræ recipiuntur, niſi fortè idem ſit tempus publicationis, & perceptionis; vt cum in ſacello Pontificio dantur indulgentiæ omnibus, qui officijs diuinis eo loco interfuerunt: tamen requiri ſtatum gratiæ, non ſolum, cum indulgentia percipitur, ſed etiam cum perficitur opus iniunctum.

Ratio eſt, tum quia in litteris Pontificijs, vt plurimum, exprimitur, indulgentias concedi ijs, qui verè pœnitentes Eccleſiam viſitauerint, aut tale, vel tale opus fecerint: tum etiam, quia indulgentia non acquiritur, niſi per opera viua, verè meritoria, & ſatisfactoria; qualia non ſunt, niſi ea, quæ ſunt in ſtatu gratiæ. Alij tamen grauiſſimi auctores contrà ſentiant, non requiri ſtatum gratiæ, niſi cum ipſa indulgentia percipienda eſt: Ratio huius eſt, quia indulgentia non niritur noſtra ſatisfactione, ſed Chriſti; & ideo non videtur neceſſarium, vt opus iniunctum, ſit opus viuum, & ſatisfactorium. Deinde, quia Bonifacius VIII. dicit ſe concedere indulgentiam ijs, qui viſitabunt Eccleſias, pœnitentes, & confeſſi, vel qui pœnitebunt, & conſitebuntur.

*Extrem. An-  
ſignetur.*

Ex his ſententijs prior ſine dubio tutior eſt: eſt etiam certa, quando opus iniunctum in litteris Pontificijs expreſſè iubetur perfici in ſtatu gratiæ. Denique, verior mihi eſſe videtur, etiam ſi in litteris Pontificijs id non exprimitur, quando opus iniunctum tale eſt, vt non conferat ad finem, niſi fiat in ſtatu gratiæ. Vt, ſi finis indulgentiæ ſit, placare Deum Chriſtiano pop. & ideo

iniungantur preces, eleemosynæ, visitationes Ecclesiarum, & similia; cum Deus non placetur per opera mortua, necessarium esse videtur, ut opera illa fiant in statu gratiæ; alioqui nihil conferunt ad finem, & proinde non est intentio concedentis, ut indulgentiam lucrentur, qui in statu peccati illa opera faciunt. At posterior opinio vera esse videtur, quando opus iniunctum utile est ad finem, pro quo datur indulgentia, etiamsi non fiat in statu gratiæ. Vt v.g. si finis indulgentiæ sit ædificatio Basilicæ, aut subuentio pauperum, aut recuperatio Ierosolymæ, & propter ista dentur indulgentiæ contribuentibus pecunias, vel arma; quia non minus ad finem conducunt pecuniæ illæ, vel arma, si dentur ab homine peccatore, quam à iusto, probabile est, prodesse illa opera, etiamsi facta sint in statu peccati, modo is, qui fecit ea, sit in statu gratiæ, quando re ipsa percipit indulgentiam.

II. Quæstio est: *Utrum requiratur non solum status gratiæ ad indulgentiam obtinendam, sed etiam carentia omnis culpa venialis.* Sed facilis est resp. si distinctione utamur. Nam vel quæstio est de tempore, quo perficiatur opera iniuncta: vel de tempore, quo percipitur fructus indulgentiæ. Si de priore tempore quæstio est, vel peccatum veniale vitiat opus iniunctum; vt, si quis oret, vel ieiunet ex vana gloria: vel non vitiat, sed per accidens ei coniungitur, vt, si quis, dum visitat Ecclesiam, loquatur verbum ociosum. Quod si bonum opus non vitietur, certum est, non impediri fructum indulgentiæ. Si verò bonum opus vitietur, ita vt ipsum efficiatur veniale peccatum, tum sine dubio impeditur fructus indulgentiæ, si opus illud faciendum erat ad placandum Deum, vel satisfaciendum pro peccato: non enim per peccatum veniale placatur Deus, neque satisficit. Quod si opus faciendum non erat ad placandum Deum, neque ad satisfaciendum, sed solum ad subuentionem pauperum, vel alium finem, qui potest obtineri, etiamsi opus non fiat in statu gratiæ, tum non impeditur fructus indulgentiæ, quamuis opus peccato veniali fuerit vitiatum.

At si de posteriore tempore quæstio sit, respondendum erit, non impediri fructum indulgentiæ, si quis eo tempore habeat, vel committat peccatum veniale, nisi quoad remissionem pœnæ debet propter illam culpam venialem: non dimittitur enim pœna, nisi prius dimissa fuerit culpa. Nulla autem est ratio, cur non possit percipi fructus indulgentiæ, quoad remissionem pœnæ debet propter alias culpas, siue lethales, siue veniales iam remissas, etiamsi culpa aliqua venialis hæreat in anima: nam peccatum veniale non impedit statum gratiæ, qui requiritur ad hoc, vt homo sit capax indulgentiæ.

III. Quæstio est de Confessione, quæ vt plurimum, requiritur, vt pars operis iniuncti: an exigatur semper in re, an verò sufficiat in proposito? Responso facilis est. Nam, quando in forma indulgentiæ disertè ponitur, vt, qui eam lucrari cupiunt, confiteantur peccata sua intra tot dies, tunc sine dubio exigitur confessio in re, quoniam ponitur in forma indulgentiæ, vt conditio quædam, siue vt pars operis iniuncti, & non solum ad hoc, vt homo transferatur de statu peccati ad statum gratiæ: Quando autem in forma indulgentiæ nõ iniungitur expressè opus confessionis, sed simpliciter dicitur, concedi indulgentiam verè pœnitentibus, & confessis, tum non videtur requiri confessio, vt pars operis iniuncti, sed solum vt homo sit in statu gratiæ. Et ideo, si quis non habeat

habeat peccata lethalia, nō necessario confiteri tenebitur: & si habeat peccata lethalia, probabile est, sufficere illi contritionem cum proposito confitendi; nam per hoc adipiscetur statum gratiæ. Tutius tamen, & probabilius videtur, requiri confessionem in re, & non solum in voto, quotiescunque dicitur, indulgentiam concedi penitentibus, & confessis.

**I V.** Quæstio est: *An percipiat indulgentiam, qui non perficit omnia opera iniuncta, sed aliqua tantum, ob inopiam, vel morbum, vel aliam iustam causam impeditus?* Responso communis est, non percipi indulgentiam, nisi ab ijs, qui integrè omnia opera iniuncta perficiunt: concessio enim conditionata non valet, nisi conditio impleatur. Atque in hanc quoque sententiam allegari solet dictum illud commune: Indulgentiæ tantum valent, quantum sonant. Nam summi Pont. quādo volunt percipi indulgentiam ab ijs, qui legitime impediti non perficiunt omnia opera iniuncta, addere solent, vt confessarij commutent opera iniuncta in alia pia opera; vel disertis verbis explicant, obrineri indulgentiā ab ijs, qui inchoauerunt opera iniuncta, & perficere non potuerunt.

De indulgentijs, quæ accipiuntur pro defunctis **I.** quæstio est: *An prosint defunctis?* Res certissima est, & apud Catholicos indubitata, indulgentijs iuari posse animas, quæ in Purgatorio pœna luunt. Prob. ratione deducta ex Script. Concilijs, Patribus. Constat enim, animas defunctorum posse iuari suffragijs viuientium, id est, elemosynis, precibus, ieiunijs, sacrificijs Missarum, alijsque pijs operibus. Et quamuis suffragia defunctis per modum impetrationis prosint, & præsertim preces, & oblatio sacrificij: tamen nulla reddi potest ratio, cur non prosint etiam per modum satisfactionis; & præsertim ieiunia, & elemosynæ. Nam hæc opera satisfactoria esse, alibi à nobis probatum est. Et defunctos, quibus hæc suffragia applicantur à viuis, satisfactione indigere, non est dubium. Constat præterea, illam esse rationem, cur suffragia viuentiū prodesse possint defunctis, quia fideles defuncti ita coniuncti sunt cum fidelibus viuentibus eiusdem fidei, & caritatis vinculo vt vnā Ecclesiam, & vnū corpus efficiant.

Ex his duobus fundamentis apertè colligitur, posse etiam priuatos homines offerre Deo pro defunctis, tanquam membris eiusdem corporis, suas satisfactiones, ieiunia, elemosynas, peregrinationes, & similia opera laboriosa: cur ergo non posset summus Pont. applicare eisdem satisfactiones Christi, & Sanctorum, quæ sunt in thesauro spirituali, cuius ipse dispensator est? Præterea; Idem prob. ex vsu Ecclesiæ. Constat enim, Paschalem summum Pontif. ante annos 700. concessisse indulgentiam pro defunctis, quæ habetur in Ecclesia S. Prædix, in introitu capellæ S. Zenonis. Multi etiam alij Pont. pro defunctis indulgentias concesserunt. Denique; Consentiunt Theologi, & Canonistæ.

**II.** Quæstio est de modo, quo indulgentiæ possunt prodesse defunctis: *An videlicet summus Pont. possit animas defunctorum, quæ sunt in Purgat. iudicialiter absoluerè, vt facit cum viuentibus; dum indulgentias concedit?* Communis sententia est, quod non. Prob. I. quia non potest Ecclesia mortuorum animas citare, non potest earum causam cognoscere, non potest eas cogere ad obedientiam: non igitur potest absoluerè, vel ligare. **II.** Pontif. non ha-

140. 21.

betractatoratē, nisi in oues, quas pascendas suscepit, iuxta illud: *Pasce oues meas*. At animæ defunctorum non possunt pasci à Pont. cum non possint ab eo doctrinam, vel Sacramenta, vel leges, & iura percipere. Nō igitur sunt ei subiectæ: & proinde non possunt ab eo ligari, & solui. 3. Pontifices etiam ordinariē, cum extendunt indulgentias ad mortuos, addunt particulam, *per modum suffragij*.

Tertia questio est: Quid significet illud: *per modum suffragij*? Vera sententia est, indulgentias prodesse per modum suffragij, quia non profunt per modum absolutionis iuridicæ, sed per modum solutionis: quomodo profunt suffragia, quæ vel publicè, vel priuatim pro defunctis fieri solent. Sed cum suffragia tribus modis defunctos iuuent: per modum meriti de congruo: per modum impetrationis: & per modum satisfactionis; indulgentiæ autem non sint, nisi satisfactoriæ, intelligendum est, indulgentias dari defunctis per modum suffragij tantum satisfactorij. Itaque quemadmodum, cum quis dat eleemosynam, vel ieiunat, vel peregrinatur ad loca sancta, pro defunctis, non absoluit defunctos à reatu pœnæ, sed offert Deo satisfactionem illam pro defunctis, vt Deus eam acceptans, liberet defunctos à debita pœna, quam huiusmodi erant: sic Pont. non absoluit animas defunctorum, sed offert Deo ex thesauro satisfactionum, quantum necesse est ad eas liberandas; & Deus acceptans alienam satisfactionem communicatam animabus defunctorum, eas liberat ab illo reatu pœnæ. Sed hoc interest inter suffragia, & indulgentias: quòd, vt suffragia offerantur, non requiritur aliqua iurisdicctio: sed, vt indulgentiæ dentur, requiritur iurisdicctio; quia non potest thesaurū dispensare, nisi quī habet clauēs Ecclesiasticas.

Præterea, qui offert suffragia, nescit, an id, quod offert, sufficiat ad animam liberandam, vel solum refrigerandam: at Pont. potest offerre ex thesauro illo infinito, quantum requiritur ad satisfaciendum integrè pro reatu cuiuscunque pœnæ: & ideo dicitur dare indulgentiam plenariam, atque animas liberare per modum suffragij, quia offert, quantum ad plenam satisfactionem satis est.

Quarta questio est: *Utrum ex iustitia, sine certa lege, & ex condigno profint indulgentiæ defunctis, an solum ex benignitate Dei, & ex congruo?* Aliqui docent, indulgentias ex condigno, siue ex iustitia defunctis prodesse. Ratio eorum est, quia potest vnus viuens pro alio viuente ex condigno satisfacere: igitur potest etiam viuens pro mortuo satisfacere ex condigno. Eadem enim est ratio vtriusque satisfactionis, vnio videlicet, quæ est inter membra eiusdem corporis Ecclesiæ: nam viuens pro viuente satisfacit ex condigno, quia sunt membra eiusdem corporis, glutino fidei, & charitatis coniuncta: At etiam mortui qui in Purgatorio degunt, membra sunt eiusdem corporis, glutino fidei, & charitatis vnita. Quod si priuatorum suffragia ex condigno profint defunctis, certè multò magis satisfactiones Christi, & Sanctorum, iisdem mortuis fidelibus, à capite Ecclesiæ, id est, Pont. Max. applicatæ proderunt ex condigno. Alij contrà sentiunt indulgentias, quæ defunctis dantur, nisi misericordia, & benignitate Dei, ac per hoc ex congruo, non ex condigno eis prodesse.

. Ra-

Rationes sententiæ huius sunt. I. quia non videtur certum, posse viuētes pro viuētibz satisfacere ex condigno: quod erat fundamentum prioris opinionis. Vnio enim fidei, & charitatis, qua colligantur inter se viua membra Ecclesiæ, facit quidem, vt possimus inuicem adiuuare, & bona nostra communicare, & vnus pro alio saltem ex congruo satisfacere; sed non videtur facere, vt teneatur Deus ex iustitia acceptare satisfactionem pro altero, nisi ostendatur de hac re pactum, vel promissio aliqua ipsius Dei; quamuis possit Deus, & soleat acceptare ex benignitate sua. Sicut in foro externo non tenetur iudex acceptare, vt vnus flagelletur pro alio. Denique, videtur esse proprium solius Christi, posse pro alijs ex condigno, vt mereri, ita etiam satisfacere: quoniam est caput corporis Ecclesiæ, & dum pro nobis satisfecit, pro corpore suo satisfecit.

Secunda ratio, quia, etiamsi certum esset, posse in presenti vita vnum pro alio ex condigno satisfacere; tamen non videtur eadem ratio de satisfactione pro defunctis: hic enim possumus soluere pœnas eiusdem generis, vt nostro ieiunio, vel eleemosyna satisfacere pro alio, qui ieiunij, vel eleemosynæ pœnam subiturus erat: at pœnæ, quibus iam addictæ sunt animæ Purgatorio, sunt alterius generis: & ideo, sicut non tenetur iudex remittere pœnam corporalem vni alicui reo propter multam pecuniariam, quam alius offert; ita non videtur teneri Deum ex iustitia admittere satisfactiones huius vitæ pro remissione pœnarum Purgatorii, ad quas animæ illæ iam sunt addictæ.

Tertia ratio quoniam ipsæ animæ, vt ex historijs grauissimorum auctōrū colligimus, hoc ipsum declarasse videntur. Nam Petrus Damiani scribit, Animam Benedicti Pont. Rom. in Purgatorio constitutam apparuisse, Deo permittente, cuidam, atque ab eo petijisse, vt pro ipsa suffragia mereretur, & addidisse, se per ea suffragia liberandam, quādo hoc miseratio diuina decreuerit. Petrus quoque Cluniacensis scribit, animam defuncti apparuisse alicui, & postulatiss suffragijs adiecisse, per ineffabilem misericordiam Dei se liberandam, si ei per suffragia subuentum fuisset. Scribit etiam aliam animam similiter apparentem, & suffragia postulantem adiecisse, Conditoris mediante clemētia, se per ea liberandam. Quōd si suffragia nituntur pietate diuina, & indulgentiæ defunctis non dantur, nisi per modum suffragij, cerrè sequi videtur, vt etiam indulgentiæ ex diuina pietate defunctis profint. Ex his sententijs neutram reprobare audeo: videtur enim prior admodum pia: posterior verò valde rationabilis.

Quinta quæstio est: *Quid requiratur ad hoc, vt indulgentia defunctis profint?* Et quidē certum est, I. auctoritatem requiri, eamque summā, id est, Apostolicæ sedis. Nō enim Episcopi, alijsque Prælati summo Pont. inferiores indulgentiæ defunctis concedere possunt: quoniam solus Christi Vicarius habet potestatem dispensandi thesaurum Ecclesiæ absolute. Episcopi enim solum applicare possunt subditis suis secundū mensuram sibi à sede Apostolica determinatam.

Secundo certū est, requiri causam iustā. Nō enim potest summus Pont. pro arbitrio liberare animas à pœnis Purgatorii; neque sufficit pro causa vtilitas illarū animarū, vel gloria Dei, quæ redundaret ex animarū illarū liberatione:

nam

*Epist. 3. ad  
Dominicum  
c. 4.*

*L. 1. de iur.  
iur. c. 10.*

*C. 27.*

nam si ista fuſſerent, Chriſtus ipſe omnes animas liberaſſet. Ita quæ requiritur cauſa aliqua particularis, pertinens ad honorem Dei, & Eccleſiæ vtilitatē, ita vt ſummus Pontifex arbitretur, gratiorem eſſe Deo rem illam, cuius gratia indulgentiæ conceduntur, quàm executionem iuſtiitiæ, quæ exercetur in expiandis animabus Purgatorii.

Tertiò requiritur, vt, qui pro defunctis indulgentias ſuſcipit, adimpleat opus iniunctum. Nam indulgentiæ primariò, & directè non dantur, niſi viuētib; qui poſſunt opera iniuncta perficere; defunctis autem dantur ſecundario, & indirectè, quatenus viuētes pro mortuis opera iniuncta perficiunt. Ex quo etiam requiritur, vt, qui opera illa perficit, ſit in ſtatu gratiæ, ſi opera ipſa id requirant. Nam, ſi opus iniunctum id non requirat, probabiliter dici poteſt, prodeſſe defunctis indulgentias, etiam ſi is, qui pro defunctis eas ſuſcipit, non ſit in ſtatu gratiæ. Sed omninò tutius eſt, vt, qui cupit mortuis indulgentias obtinere, prius det operam, vt ipſe indulgentiam à culpa per Sacram. Confessionis obtineat.

Poſtrema quæſtio eſt: *An indulgentia proſint illis, pro quibus in particulari ſuſcipiuntur; an omnibus in communi?* Reſp. communis Doct. eſt, tam ſuffragia, quàm indulgentias, prodeſſe omnibus defunctis, quoad gaudium quoddam accidentarium: caritas enim facit omnia communia in hoc ſenſu, quod omnes qui ſunt præditi caritate, gaudent de bonis aliorum, ac ſi propria eſſent: ſed quoad ſatisfactionem, & liberationem à pœnis, ſuffragia Eccleſiæ communia prodeſſe omnibus in communi; ſed ſuffragia particularia, & indulgentijs, quæ pro certis animabus ſuſcipiuntur, non prodeſſe, niſi illis, quibus ex intentione viuētiū applicantur.

Atque hoc eſſe veriſſimum, perſpicuum eſt, I. ex ipſis Pontificijs conſeſſionibus: nam Paſchalis I. indulgentiam ita conceſſit, vt, qui pro anima patris, vel alicuius particularis perſonæ defunctæ, tot Miſſas celebrauerit in capella S. Zenonis, quæ eſt in Eccleſia S. Prædixedis, animas illas de Purgatorii pœnis eripiat. Item; Alexander VI. & Clemens VII. alijque Pont. in conſtitutionibus, de indictione Iubilæi, diſertis verbis dicunt, indulgentias illas anni Iubilæi, extendi per modum ſuffragij ad animas patris, vel matris, vel alterius perſonæ particularis, pro quibus ſuſcipientur. Secundò quoniam hieſt ſenſus totius Eccleſiæ, omniumque fidelium. Tertiò denique, quoniam nulla eſt ratio, cur ſatisfactiones vni alicui animæ per intentionem ſatisfacientis applicentur, aut illi non proſint magis, quàm alij, aut alijs villo modo proſint.

FINIS.

DE



# DE ECCLESIA

## TRIVMPHANTE.

### LIBER SEPTIMVS.

#### C A P V T I.

#### De Sanctorum beatitudine.

**P**RIMA questio est: Sintne piorum hominum spiritus, qui & corpore soluti sunt, & nulla purgatione egent, iam ad fruendam beatitudinem, qua in clara Dei visione sita est, admissi? Affirmatiua pars prob. I. ex testimonio Ecclesie, quæ in oratione de S. Gregorio dicit: *Deum, qui anima famuli tui Gregorij æternæ beatitudinis præmia consulisti, &c.*

Habemus etiam duo Concilia OEcumenica, nam hoc ipsum definitum est in Concilio Florent. in decreto vnionis Latinorum cum Græcis: & in Concilio Trident. Idem quoque disertis verbis docet Innocent. III. Idem denique post longas disputationes Benedictus XII. definiuit.

Prob. 2. ex Script. legimus enim I. *Facile est coram Deo in die obitus retribuere unicuique, secundum vias suas.* Vbi illud, *Facile est*, non significat, posset Deus, si vellet: sed, reddit Deus, & facile reddit unicuique secundum opera sua in die obitus sui: alioqui frustra nos Sapiens hortaretur hoc argumento ad benefaciendum. Præterea; cum dicat Spiritus sanctus: *In fine hominis denudatio operum eius*, indicat etiam, in fine hominis reddi unicuique secundum opera: nam ad hoc fit iudicium illud, & denudatio operum, vt sequatur remuneratio.

II. Scimus, quia, si terrestris domus nostra huius habitationis dissoluatur, adificationem ex Deo habemus, domum non manu factam, æternam in cælis. Nam in hoc ingemiscimus, habitationem nostram, quæ de cælo est, superindui cupientes, sitamen vestiti, & non auidi inueniamur: nam & qui sumus in hoc tabernaculo, ingemiscimus grauati, eò quod nolumus exspoliari, sed superuefiri, vt absorbeat, quod mortale est à vita. Vbi communis Græcorum, & Latinorum opinio pro domo hac terrestri accipit corpus hoc mortale, seu vitam præsentem corporalem. Et ratio est, quia in fine capitis superioris dixit Apostolus: *Si exterior homo noster corrumpitur, interior renouatur de die in diem.* Itaque quod hic dicit terrestrem domum, ibi dicit hominem exteriorè. Præterea; Clarius dicit infra: *Dum sumus in hoc corpore, peregrinamur à Domino.* Vbi à pertè vocat corpus, quod antea vocauerat exteriorè hominè, domum terrestrè, tabernaculū, &c. Per domū autem æternā, & cælestē, quā opponit Apostolus domui terrestri, intelligitur à Patribus, vel corpus immortalè, vel vita

X x æterna,

*Seff. vñ.  
Seff. 25.  
C. apostoli-  
cam, Ext.  
de præst.  
non hap.  
Extran. Be-  
nedictus  
Deum.  
Ecclesi. 11.  
Ibid.*

*2. Cor. 5.*

æterna, id est, visio Dei. Et sine dubio verior est posterior expositio. Nam in primis Apostolus ait de presenti; Si domus hæc terrena dissoluitur, habemus aliam æternam in cælo: debuisset enim dicere, si de corpore glorioso loqueretur; habebimus, non, habemus: nam corpus immortale non habemus nunc in cælo.

Præterea; Apostolus, cum dicit: Si hæc domus dissoluitur, habemus aliam; vult dicere, Non est, quod timeamus nobis domum defuturam unquam; nã, si hinc pellimur, habemus aliam. At si per domum cœlestem intelligit corpus immortale, non est verum, nobis unquam defuturam domum: deerit enim à die mortis usque ad diem resurrectionis.

2. Cor. 4.

Præterea; Id ipsum vocat domum cœlestem, quod paulò antè vocauerat, *Æternum gloria pondus*. Nam postquam dixerat: *Id enim, quod in presenti est laus, & momentaneum tribulationis nostra, supra modum in sublimitate æternum gloria pondus operatur in nobis: subiungit explicans: Si enim terrestris domus, &c.* At per illud: *Æternum gloria pondus*, omnes intelligunt ipsam essentialem beatitudinem.

Denique; Nisi Apostolus hic per domum cœlestem intelligeret beatitudinem, non bene concluderet paulò inferius: *Audentes igitur, & scientes, quia, dum sumus in corpore, peregrinamur à Domino, audemus, & bonam voluntatem habemus magis peregrinari à corpore, & presentes esse ad Dominum.* Nec enim sequitur: Si hoc mortale corpus corrumpitur, habebimus aliud immortale post resurrectionem: ergò bonum est nunc mori, & peregrinari à corpore. Imò contrarium sequitur, nimirum non esse bonum mori usque ad diem resurrectionis, quia et si sit melius corpus immortale, quàm mortale, tamen melius est corpus mortale, quàm nullum. At, si per domum cœlestem intelligamus beatitudinem, Apostoli argumentatio optima est; nimirum ista: Si vita hæc mortalis perit, habemus statim aliam longè meliorem in cælo. Ergò bonum est, citò mori in mundo, vt citò viuamus in cælo.

3. Est paulò infra: *Qui sumus in hoc tabernaculo ingemiscimus gravati, ed quòd nolumus expoliari, sed superuefliri. Audentes igitur, & scientes, quia, dum sumus in corpore, peregrinamur à Domino: per silem enim ambulamus, & non per speciem: audemus, & bonam voluntatem habemus magis peregrinari à corpore, & presentes esse ad Dominum.* Nota, Apostolum hic docere, duo desideria esse in nobis: vnum naturæ, ad viuendum corporaliter: alterum gratiæ, ad videndum Deum: & quidem homines pios velle quidem vtrumque, si possint, simul implere, sed, cum non possint, antepone desiderium gratiæ desiderio naturæ; & proinde appetere mortem corporis, vt possint cum Deo viuere: homines impios è contrario omnia referre ad vitam corporis, & desiderium naturæ.

Ex quibus deducitur evidens argumentum pro sententia nostra. Nam, si non possemus videre Deum, nisi post resurrectionem, non diceret Paulus, se optare, peregrinari à corpore, vt non peregrinetur, à Domino. His enim verbis ostendit, esse aliquem statum animæ, in qua peregrinetur à corpore, & non à Domino. At talis status non esset unquam, nisi ante resurrectionem videretur Deus.

4. Testimonium: *Hodiecum eris in Paradiso*. Vbi vera est expositio Theophylacti, Ambrosij, Bedæ, & aliorum, qui per *Paradisum* intelligunt regnum celorum. Ne fortè enim latro per *Regnum* intelligeret aliquid humanum, Christus declarauit, regnum suum esse paradisum, id est, summam, & sempiternam felicitatem. Lucæ 13.

5. Est: *Christus ascendens in altum, captiuam duxit captiuitatem*. Quo loco per Ephes. 4. vocem, *altum*, non potest intelligi, nisi summum cælum. Et si enim quidam intelligant crucem, tamen Paulus se exponit paulò infra, cum ait: *Qui descendit, ipse est, qui ascendit super omnes cælos*. Porro nomine captiuitatis, quam secum duxit in cælum, quid potest intelligi, nisi multitudo sanctorum animarum, quas ex limbo ad cælum euexit.

6. Est: *Cupio dissolui, & esse cum Christo*. At, si animæ seruantur in aliquo loco extra cælum, frustra hoc desiderabat Paulus: nam Christus in cælis est. Philip. 1.

7. Est: *Hoc significante Spiritu S. nondum propalata esse Sanctorum viam, adhuc priore tabernaculo habente statum*. Quod exponunt Primasius, Anselmus, Theophylactus, Oecumenius, in hunc modum: quòd in Sancta Sanctorum non possent ingredi Sacerdotes, nec populus, significabat, toto tempore Testamenti veteris non fuisse apertam viam ad cælum; & ideo etiam iustissimos quosque ad inferos descendisse: quia non poterant simul vigere figura, & figuratum. At posteaquam Christus perripuit velum tabernaculi, & figuræ cessauerunt, iam propalata est via Sanctorum ad Sanctuarium cæleste.

8. Est: *Non accessistis ad montem Sion, &c. sed ad Sion montem, & Hierusalem cælestem, & multorum millium Angelorum frequentiam, & Ecclesiam primitiuorum, qui conscripti sunt in cælis, & spiritus iustorum perfectorum*. Hic describitur (vt Anselmus exponit) Ecclesia triumphans, & in ea dicuntur esse, tanquam ciues, primum Angeli; deinde animæ primitiuorum, id est, eorum, qui primi crediderant, & iam mortui fuerant, vt Iacobi Apostoli, Stephani, & aliorum: qui dicuntur conscripti in cælis, quia adscripti sunt, & cooptati cum Angelis in ordinem ciuium cælestium: quomodo dicebantur Romæ Senatores, Patres conscripti. Nisi fortè magis placeat, per Ecclesiam primitiuorum in cælis conscriptorum, intelligi animas Patriarcharum, & Prophetarum cum Christo regnantium: per spiritus autem perfectorum, animas Apostolorum, & Martyrum. Semper tamen eadem est sententia, iam nunc spiritus sanctorum hominum beatos esse, ea beatitudine, qua sancti Angeli soli antea fruebantur. Hebr. 12.

9. Est, vbi Stephanus moriturus vidit cælos apertos, & gloriam Dei, Christumque stantem à dextris Patris. Cur autem hoc vidit, nisi vt intelligeret, sibi cælum patere, & se statim à Domino recipiendum in illam gloriam? Id enim intelligens exclamauit: *Domine Iesu, suscipe spiritum meum*. Act. 7.

10. Est, vbi dantur Martyribus singulæ stolæ albæ, quæ gloriam animæ significant: nam alteram stolam, id est, gloriam corporis, post resurrectionem habebunt. Apos. 6.

11. Est, vbi de istis dicitur: *Hi, qui amicti sunt stolis albis, sunt ante thronum Dei*. Apos. 7.

*& seruiunt die, ac nocte in templo eius. Ex quo habemus, illos esse verè in cælo, & videre Deum.*

Prob. 3. veritas ex Patribus Græcis, & Latinis.

Prob. 4. rationibus.

I. Ratio sumi potest ex supplicijs damnatorum. Siquidem Deus non est prior ad puniendum, quam ad remunerandum. Quare, cum impij iam nunc in tormentis sint, æquum certè videtur, vt etiam iusti præmia sua percipiant. Esse autem nunc impios in tormentis, Euangelium testatur: *Diues autem cum in tormentis esset.*

Luce 16.

II. Ratio: Tota Ecclesia inuocat Sanctos post Christi aduentum; & omnes Patres Græci, & Latini docent, Sanctos esse inuocandos, cum tamen ante Christi aduentum non legatur, id fieri solitum esse. At si Sancti essent etiã nunc sub terra in sinu Abrahæ, non differentem statum à Sanctorum Testamenti veteris statu haberent.

III. Ratio: Ante Christi aduentum, Sanctorum mors desolebatur. At post Christi aduentum summa cum lætitia celebramus dies mortis Sanctorum. Quare hoc, nisi quia tunc mori miseria erat, nunc est felicitatis initium? Et confirm. nam diem mortis nunc vocamus diem natalem, quia videlicet Sancti morientes in terris, nascuntur in cælo.

L. 4. Dial.

s. 17.

L. 5. hist.

s. 13.

4. Ratio ex visionibus eorum, qui viderunt animas aliquas in tormentis gehennæ, alias in Purgatorio, alias in Paradiso. Vide Gregorium, & Bedam.

5. Ratio: Sancti habent nunc meritum vitæ æternæ, vel, si non habent, nunquam habebunt quia post finem vitæ non est locus nouis meritis; & nullum est impedimentum, quò minus vitam æternam nunc habere possint, cum cælum antea clausum nunc pateat. Igitur fatendum est, eos iam nunc præmium suum accepisse.

Luce 19.

6. Ratio: Deus scribi iussit: *Non morabitur apud te opus mercenarij vsque mane: ergò, ne Deus contrarius sibi ipse videatur, non retinebit mercedem Sanctorum vsque ad mundi consummationem.*

Prov. 1.

7. Est: *Spes, quæ differtur, affligit animam.* At non conuenit, vt ij affligantur, qui nullum habent peccatum.

## CAPVT II.

## De canonizatione Sanctorum.

**Q**UATVOR hic quæstiones sunt. I. est: *An Sancti sint canonizandi?* Sed breuiter explicandum est, quid sit canonizatio. *Canonizatio* nihil aliud est, quam publicum Ecclesie testimonium de vera sanctitate, & gloria alicuius hominis iam defuncti: & simul est iudicium, ac sententia, qua decernuntur ei honores illi, qui debentur ijs, qui cum Deo feliciter regnant. Qui quidem honores 7. esse solent. 1. Qui canonizantur, inscribuntur in catalogo Sanctorum, id est, statuitur, ac iubetur, vt ab omnibus publicè habeantur, & dicantur Sancti. 2. Inuocantur in publicis precibus Ecclesie. 3. Templà, & aræ in eorum memoriam dicantur Deo. 4. Sacrificia tam Eucharistie, quam laudum, & precum, quod vulgò officium, siue horæ canonicæ nuncupatur, in honorem eorum Deo publicè offeruntur. 5. Dies festi in eorum memoriam celebrantur. 6. Pinguntur eorum imagines, addito certo quodam lumine in signum gloriæ, quam habent in cælis. 7. Eorum reliquiæ preciosis, & rebus includuntur, & publicè honorantur.

His præmissis, vtile esse, Sanctos canonizari, his argumentis potest demonstrari. I. Deus ipse voluit à sanctis scriptoribus annotari in particulari gloriosam vitam, & mortem eorum, qui tempore ipsorum floruerunt, vt patet de Ecclesiastico, qui canonizauit plurimos Sanctos, vt Enoch, Noë, Abraham, Isaac, Iacob, Moysen, Aaronem, Phinees, Iosue, Caleb, Samuelem, Dauidem, Eliam, Elizeum, &c. Item, in Testamento nouo S. Lucas in actis canonizauit stephanum, Iacobum maiorem, nec non Petrum, Paulum, Barnabam, Silam, & alios: igitur credibile est, eodem modo Deum velle, vt deinceps fiat.

2. Tenemur sanctos honorare, & laudare: tum quia script. hoc iubet: sapientiam ipsorum narrent populi, & laudem eorum nuncient Ecclesie: tum quia virtus ipsorum hoc meretur. Est enim quasi naturale præmium virtutis, honor. Tum denique, quia id nobis vtile est ad plurima beneficia eorum intercessione promerenda: at, nisi sciamus, qui sint verè sancti, & qui non, non possumus eos colere, vt oportet.

3. Prob. ex ratione imitationis. sancti enim sunt exempla quædam virtutum, & norma rectæ vitæ, & quasi lucernæ quædam à Deo accensæ, vt omnibus alijs præluceant. *Memento te Præpositorum vestrorum, qui locuti sunt vobis verbum, quorum insuantes exitum conuersationis, imitamini fidem.* At non possumus accendi ad imitationem, nisi in particulari sciamus, qui sint imitandi, & quid illi egerint, aut passi fuerint; & lucerna in candelabro poni debet; id quod fit per canonizationem.

XX 3

4. Ex

4. Ex coniunctione, quam cum illis habemus: siquidem sumus membra v<sup>n</sup>ius corporis, & membra inuicem compatiuntur, & congaudent: oportet ergo eos nobis compati, & pro nobis sollicitos esse; quod sine dubio faciunt, etiam in particulari; & è contrario nos illis congaudere, & pro illorum gloria Deo gratias agere, quæ sine particulari notitia fieri non possunt.

5. Ex incommotis. Nam nisi iudicio Ecclesiæ certi Sancti proponerentur colendi, facillè fieri posset, vt pop. sæpe erraret, & damnatos pro beatis coleret; vt accidit tempore S. Martini. Scribit enim Sulpitius, quòd, cum pop. coleret, nescio quem, hominem mortuum pro Martyre, & B. Martino suspecta esset illa religio, quòd nihil certi à maioribus de Sancto illo accepisset, tandem oranti Martino apparuit anima eius, qui ibi colebatur, & confessa est, se animam damnatam esse latronis cuiusdam, qui pro suis sceleribus extremi supplicij pœnas luerat. Idem accidit tempore Alex. III. qui reprehendit quosdam, quod hominem in ebrietate occisum pro Martyre venerabantur.

2. Quæstio est: *Quini sit Sanctos canonizare?* Notandum est, duobus modis posse aliquem canonizari. Vno modo particulariter, ita vt solum in prouincia vna, aut diocesi habeatur Sanctus, & colatur pro Sancto. Alio modo generaliter, ita vt in tota Ecclesia habeatur pro Sancto, nec vili liceat de sanctitate eius dubitare.

Primo modo, canonizare poterat quilibet Episc. vt patet de multis Sanctis, quos ita colunt quædam prouinciæ, vt tamen planè ignoti sint alijs prouincijs. Vnde in Concilio Florent. dicunt Latini, Simeonem Metaphrasten in Ecclesijs Græcorum pro Sancto coli, cuius apud Latinos nulla memoria vnquam extitit. Hoc tamen; quod olim licuit, modò non licet: siquidem Alexander III. & postea Innocentius III. videntes abusus, qui oriebantur circa cultum Sanctorum, prohibuerunt ne deinceps aliquis pro Sancto coli inciperet, sine Rom. Pontificis approbatione.

Secundo modo canonizare, communis sententia est, pertinere ad summum Pont. Nam id habetur ex iure canonico: & patet etiam ratione. Nam ad eum spectat, proponere toti Ecclesiæ, quid sit credendum, & quid agendum in ijs, quæ religionis sunt, qui toti Ecclesiæ præest. Item, ex contrario, declarare, qui sint hæretici, ita vt à tota Ecclesia pro talibus habeantur, est summi Pontif. Ergò, declarare, qui sint sancti, & colendi, eiusdem erit summi Pont.

Dices: Plurimi Sancti, qui in tota Ecclesia coluntur, quos non canonizauit summus Pont. reperiuntur. Primus enim Pont. (ni fallor) qui Sanctos legatur canonizasse, videtur fuisse Leo III. qui S. Suibertum canonizauit: postea autem Innocent. II. canonizauit S. Hugonem Episc. Gratianopolis. Inde verò Alexan. III. S. Bernardum in Sanctos retulit: à quo tempore omnes alij, qui sancti habitati sunt, vt Thomas Cantuar. Dominicus, Franciscus, & alij à Pontif. in numerum Sanctorum relati sunt. Quid ergò dicemus de tot Sanctis, qui ante ea tempora colebantur in Ecclesia?

Resp. Sanctos veteres cœpisse coli in Ecclesia vniuersali, non tam lege aliqua, quam consuetudine. Sed sicut consuetudines aliarum vim habent legis ex tati-

C. Audiuimus, ext. de reliquijs.

6. 7.

C. 1. & 2. De reliquijs. & S. 1. vener. C. audiuimus, & c. ex eo, De reliq. & S. 1. vener. C. venerabilis, de testibus & iuramentis.

tacito consensu Principis, & sine eo nullam vim habent : ita Sancti alicuius cultus ex consuetudine Ecclesiarum generaliter introductus, vim habet ex approbatione tacita, vel expressa summi Pont.

3. Quæstio est: *Sine infallibile iudicium eius, qui canonizat?* Sententia Catholicorum est, certum esse Ecclesiam non errare in Sanctorum canonizatione, ita vt sine vlla dubitatione Sancti canonizati ab Ecclesia venerandi sint.

Prob. 1. quia, si liceret dubitare, an Sanctus canonizatus sit sanctus, etiã liceret dubitare, an sit colendus. At hoc est falsum : siquidem D. Augustinus Epi. 118. insolentissimè insaniz esse, disputare, an sit faciendum, quod tota Ecclesia facit. Præterea; Omnes veteres sine vlla dubitatione Sanctos coluerunt, & colendos asseruerunt. Denique; Tenemur obedire Pontif. indicenti diem festum alicuius Sancti, nec tamen possumus contra conscientiam aliquid agere. Ergo non possumus dubitare, an sit colendus ille, quia ab Ecclesia est canonizatus..

Prob. 2. ex incommodis duobus. Nam in primis fraudarentur non Sancti suffragijs viuorum: nam pro canonizatis non licet orare. At, si in hoc Ecclesia erraret, defraudaret eum, qui haberetur sanctus, & non est, quicumque non oraret pro eo. Deinde; Fraudarentur etiam viuentes intercessionibus Sanctorum: inuocarent enim sæpe damnatos pro beatis.

Præterea; Ecclesia peteret sibi maledictionem pro benedictione, cum in orationibus Sanctorum petit, vt, sicut ille Deus glorificauit in cœlis, sic nobis gratiam largiatur in terris: & quamuis eam maledictionem non peteret, nisi materialiter, tamen hoc ipsum absurdum videtur.

Prob. 3. Miracula magna, & diligenter examinata, faciunt rem euidenter credibilem. At Sancti à Pont. non canonizantur ordinariè, nisi magnis, & certis miraculis claruerint. Et confirm. Nam, si credimus sine vlla hesitatione, Cæsarem, & Pompeium fuisse, quia id testantur communi consensu historici, qui tamen homines fuerunt, & mentiri potuerunt: cur non credemus sine hesitatione, quod testatur Deus ipse per miracula, quando nulla est ratio suspicandi contrarium?

Prob. 4. ex preparatione. Nam antequam Sancti canonizentur, indignantur ieiunia, & preces publicæ, & tota res diu, & diligentissimè examinatur. Non est autem credibile, Deum non adesse Ecclesiæ suæ sic dispositæ, & supplicanti.

Prob. vltimò à posteriori quia in alijs rebus, in quibus Pont. errare possunt, aliquando reipsaprehenduntur errores. At in hoc nullus vsquam error deprehensus fuit.

4. Quæstio est: *An liceat Sanctos nondum canonizatos colere?* Resp. licere priuato cultu, non publico; vt Doct. cõmuniter affirmant in c. 1. & 2. de reliquijs, & veneratione Sanct. Siquidem summus Pont. eo loco prohibet publicum cultum: ergo à contrario sensu priuatum censetur permittere. Vocamus autem publicum cultum, non eum, qui coram alijs exhibetur, sed qui nomine totius Ecclesiæ & tanquam ab Ecclesia institutus exhibetur. Ex quo intelligimus, quid sit dicendum de illis septem honorum generibus antè nu-

meratis..

moratis. Nam quantum ad 1. licet non canonizatum credere, & vocare Sanctum; non tamen predicare eum, tanquam ab Ecclesia inscriptum Sanctorum catalogo.

Quantum ad 2. licet inuocare non canonizatum, etiam audientibus alijs: vt patet ex Hieronymo in vita Paulæ, & Gregorio Nazianzeno in vita Athanasij, & Basilij : vterque enim inuocat, quos laudat, ante canonizationem. Præterea; Oramus viuentes, etiam si nesciamus esse sanctos, cur non defunctos, quos maiori ratione confidimus esse sanctos? At non liceret in publicis Litanijs, & sacro officio id facere.

Quantum ad 3. & 4. non videtur licere vlllo modo, eos honores sanctis non canonizatis deferre: nam templa, & altaria, & sacrificia sunt ex natura sua publici cultus: nullum est enim sacrificium in Ecclesia, nisi commune, & à Deo ipso institutum: templa autem & altaria, & sacrificia sunt ex natura sua publici cultus: nullum enim est sacrificium in Ecclesia, nisi commune, & à Deo ipse institutum: templa autem, & altaria ad sacrificia referuntur.

Quantum ad 5. non licet publicum festum celebrare: liceret tamē in die natali Sancti non canonizati peculiariter latari, & Deo vacare in memoriam eius: quod etiam veteres fecerunt.

Quantum ad 6. licet imaginem pingere, & venerari; non tamen in templo constituere eo modo, quo aliorum Sanctorum.

Quantum ad 7. non licet reliquias non canonizati hominis in templo constituit publicè honorandas: licet tamen eas habere, venerari, etiam alijs videntibus, modò scandalum absit. Id enim habet praxis Ecclesiæ: nam mox ac martyres erant defuncti, currebant fideles ad reliquias rapiendas, & similiter, quando moriuntur homines clari sanctitate, multi deuotè osculantur manus, & pedes, de vestibus eorum pro reliquijs seruant; nec id vnquam fuit prohibitum. Præterea; Si licet honorare viuentes, quos credimus sanctos, cur non mortuos?

## C A P V T III.

### De cultu Sanctorum.

**N**Otandum I. adorationem tres actus complecti I. actum intellectus, quo apprehendimus excellentiam alicuius. 2. actum voluntatis, quo nos interius illi inclinamus, & aliquid volumus facere actu interiore, vel exteriori, quo protestemur excellentiam eius, & nostram subiectionem. 3. actum exteriorum quo caput inclinamus, vel genu flectimus, vel aliquod aliud signum subiectionis ostendimus. Ex quibus actus secundus est maxime proprius, & essentialis: nam primus actus potest esse sine adoratione; tertius etiam cum irrisione.

Notan-



Notandum 2. tot esse species adorationis, siue cultus, quot species excellentiæ. Honot enim, siue cultus debetur personæ propter eius excellentiã. Sed, quod ad præsens institutum pertinet, tres sunt species excellentiæ. I. est excellentia diuina, & infinita, cui responderet prima species cultus, qui à Theologis dicitur latria. 2. est excellentia humana, seu naturalis, quæ posita est in humanis virtutibus, dignitatibus, gradibus, &c. cui responderet secunda species, quæ dicitur cultus ciuilis, & obseruantia quædam humana. Quamquam hæc in alias multas species diuidi potest: nam alius honor debetur patri, alius Principi, alius præceptori, alius sapienti, vel erudito, &c. 3. est excellentia quædam media inter diuinam, & humanam: qualis est gratia, & gloria Sanctorum. Et huic excellentiæ responderet tertia species cultus, quam Theologi vocant Duliam. Et quia inter sanctas creaturas humanitas Christi, si seorsim consideretur, singulariter excellit, propter vnionem ad Verbum; & similiter B. Virgo, vt mater Filij Dei, ita præstat alijs Sanctis, vt dici possit Domina, & Regina nostra, quod alijs Sanctis non conuenit, nisi admodum imperfectè: ideo Theologi hanc tertiam speciem, quam vocant Duliam, diuidunt in Duliam propriè dictam, & Huperduliam, tribuentes illam Sanctis ceteris, ipsam soli humanitati Christi, & matri eius.

Notandum 3. Has tres adorationis species non esse yniuocas, sed analogas. Vt enim excellentia non dicitur yniuocè de excellentia Dei, & creaturarum, ita cultus debetur ob excellentiam non potest dici yniuocè de cultu Dei, & creaturarum.

Notandum 4. Has ipsas species adorationis, quantum ad actus interiores, optimè distingui. Nam I. species, id est, latria, est summa quædam voluntatis prostratio, & inclinatio, cum apprehensione Dei, vt primi principij, & vltimi finis, atque adeò summi boni, qualis adoratio soli Deo conuenit. 2. est longè minor inclinatio voluntatis cum apprehensione certa humanæ excellentiæ. 3. est media quædam inclinatio voluntatis, cum apprehensione excellentiæ plusquam humanæ, & minùs quàm diuinæ. At, quantum ad actus exteriores, non est facile species adorationum distinguere. Nam omnes ferè actus exteriores communes sunt omni adorationi, excepto sacrificio, & quæ ad illud referuntur, templis, altaribus, Sacerdotibus. Voluit enim Deus hunc cultû sacrificij sibi soli exhiberi: vt patet ex illo: *Qui sacrificat Dijs, eradicabitur, præterquam Domino soli*. Ex alijs actibus exterioribus, qui sunt communes cultui Dei, & cultui creaturæ, non potest euidenter colligi, an aliquis cultum Deo debitum tribuat creaturis; nec ne: nam Abraham eodem actu incuruationis vsque ad terram adorauit Deum, angelos, & homines.

Notandum 5. Latriam interdum sumi pro ipso actu, quo Deus colitur: interdum pro habitu, quo homo redditur promptus ad Deum colendum: hunc autem habitum esse virtutem quandam specialem, & moralem. Et sicut charitas, & prudentia sunt virtutes speciales, quia habent speciale obiectum; & tamen simul sunt aliquo modo generales, quia dirigunt, aut ordinant actus omnium virtutum: ita latria virtus est specialis propter speciale obiectum suum, id est, honorem diuinum; & tamen simul est generalis, quia vtitur ad honorandum Deum actibus omnium virtutum, & præcipue fidei, spei, & charitatis.

Y y

Exod. 22.

Gen. 17. 18.  
23.

ritatis. Nam summus honor Deo defertur, cum per fidem protestamur, eum esse primam veritatem: per spem, potentissimum esse: per charitatem, esse optimum. Itaque ipsius actus fidei obiectum est Deus: actus autem ipse fidei est obiectum religionis: & ideo fides est virtus Theologica, quia circa Deum versatur; Religio non est virtus Theologica, quia versatur circa creaturam: actus enim fidei non est Deus, sed quid creatum. Idem dici de spe, & charitate potest: obiectum enim earum est Deus, actus verò ipsarum obiectum religionis pertinere potest.

Notandum 6. quantum ad nomina, in lingua Hebræa nullum esse nomen, quo propriè designetur cultus solius Dei; sed omnia esse communia, & idem nomen nunc tribui cultui creaturæ, nunc negari, prout nimirum aliter, atque aliter accipitur. In lingua Latina similiter non habemus vllum vocabulum, quod solum dicatur de cultu Dei: & hinc est, quod Patres vocabula adorationis, & religionis, nunc concedant creaturis, nunc negant, prout variè accipiuntur. In lingua Græca vna vox est propria cultui Dei, nempe *θεοσεβεία*, quæ non multum est in vsu. Præter istam vocem sunt alia quatuor *εὐσεβεία*, pietas: *θρησκεία*, religio: *λατρεία*, & *δουλεία*, seruitus: sed nullum horum est, quod interdum non tribuatur etiam creaturis.

Sed quamvis ista vocabula non sint propria diuino cultui, secundum primam ipsorum institutionem; tamē Schola Theologorum, non sine causa excogitauit illam distinctionem de latría, & dulia. Nam, cum in re inueniatur manifesta distinctio inter cultum Dei, & Sanctorum; oportebat etiam ad vitandam æquiuocationem inuenire distincta vocabula. Optima autem erant ista duo: primò, quia Scriptores sacri vocem *λατρεία* numquam vsurpant, nisi pro cultu solius Dei; vt patet ex nouo Testamento: vocem autem *δουλεία* vsurpant pro omni seruitute, tam Dei, quàm hominum. Deinde, antiqui Patres nunquam nomen latría tribuunt, nisi Deo, cum tamen etiam Sanctos coli dicant.

Supereſt iam, vt probemus, cultum aliquem minorem diuino, & maiorem ciuili, & merè humano, sacris rebus, sanctis Angelis, & hominibus deberi.

- psal. 98.* I. Argumentum sumitur ex illo: *Adorate scabellum pedum eius, quoniam sanctum est.* Vbi ad litteram per scabellum pedum Domini intelligitur arca Testamenti. Nam Salomon dicit: *Parauit domum, vbi requiesceret arca Domini, & scabellum pedum Dei nostri.* Nec sine causa dicebatur arca scabellum pedum Domini: nam supra arcam erat propitiatorium, quasi sedes Dei, quæ tenebatur manibus duorum Cherubim, de qua dicitur in principio huius Psalmi: *Qui sedes super Cherubim, moueatur terra, &c.* Idem habetur in illis verbis: *Introibimus in tabernaculum eius, adorabimus in loco, vbi steterunt pedes eius.* Nam in Hebræo est: *Adorabimus scabellum pedum eius.* Et, quòd loquatur de arca, patet; quia præcedit: *Introibimus in tabernaculum eius.* Et statim etiam sequitur: *Surge, Domine, in requiem tuam, tu, & arca sanctificationis tuæ.* Et hoc idem clariùs colligitur ex eo: *Arcam,* inquit, *supra quam innocatum est nomen Domini sedentis in Cherubim super eam.*

Iam verò, quòd in his locis præcipiatur aliquis cultus, patet ex verbo, *adorare,*

rare, quod Hebraicè etiam est proprium verbum adorationis. Quòd autem arca sit creatura, nulli dubium esse potest. Quòd denique iste cultus non sit ciuilis, sed religionis, patet ex ratione Dauidis: *quoniam sanctum est, hoc videlicet scabellum*. Cultus enim ciuilis debetur rebus propter ciuilem, & humanam excellentiam. Psal. 91.

II. Argumentum sumitur ex adoratione exhibita Angelis ab hominibus pijs, & prudentibus. Nam Abraham pronus in terram adorauit Angelum. Et similiter fecit Loth. Sed quia posset responderi, tam Abrahamum, quam Loth, non cognouisse Angelos, sed homines putasse in initio, cum eos adorauerunt, & ciuilitè tantum adorasse; proferamus loca clariora: *Aperuit Dominus oculos Balaam, & vidit Angelum stantem in via euaginato gladio, adorauitque eum pronus in terram*. Hic certè non prius adorauit, quam Angelum agnouit. Angelus autem, ridiculum est dicere, deberi ciuilem honorem. Item, cum vidisset Iosue virum stantem euaginato gladio, dixit: *Noster es, an aduersarius?* Ille: *Nequaquam, inquit, sed princeps sum exercitus Domini. Continuo cecidit Iosue pronus in terram, & adorauit*. Hic apertè videmus adorationem illam mediam, quam quaerimus. Nam, quòd Iosue non putauerit illum, quem adorabat esse Deum, pater, quia Angelus dixerat, se esse Dei ministrum. Quòd etiam non adorauerit ciuilitè, sed religiose, patet, quia non prius adorauit, quam intellexit esse Angelum Dei legatum. Quòd denique non malè fecerit adorando, patet, quia Angelus non solum non prohibuit eum ab adorando, sed etiam iussit adhuc maiorem honorem sibi exhiberi, dicens: *Solve calcamenta pedum tuorum: locus enim, in quo stas, sanctus est*. Non erat autem sanctus locus, nisi ob Angeli præsentiam: non enim erat tunc Iosue in loco sacro, sed in campetribus Iericho. Gen. 18.  
Gen. 19.  
Num. 22.

III. Argumentum sumitur ex adoratione sanctorum in script. Saul adorauit animam Samuelis sibi apparentem. Certum autem est, non conuenire ciuilem honorem animabus defunctorum: neque dici potest, in hoc errasse Saulem, quandoquidem nec ipse Samuel, nec script. saulem reprehendit. Abdias vir sanctus adorabat Eliam pronus in terram. Nec possumus dicere, hunc ciuilem cultum fuisse: nam, quantum ad humanam excellentiam, maior erat Abdias, quam Elias: iste enim priuatus homo erat; ille autem vnus ex Principibus regni. Adorauit ergo eum, vt Prophetam, ac Dei hominem singulati sanctitate excellentem. Filij etiam Prophetarum, cum audissent spiritum Eliæ requieuisse super Elizeum, accedentes adorauerunt eum proni in terram. Denique; Nabuchodonosor adorauit Danielelem. Quis autem diceret, aut crederet, à Rege summo adoratam ciuilitè vnus ex captiuis, qualis erat Daniel? Adorauit ergo eum religiose, vt hominem Deo plenum. Neque per errorem adorauit, Deum illum existimans: nam adorans ait: *Verè Deus vester, Deus Deorum est, & Dominus Regum, & reuelans mysteria, quoniam tu potuisti aperire hoc Sacramentum*. Quod etiam fecisse Alexandrum Regem Pontifici, Iaddo, scribit Iosephus. 1. Reg. 28.  
1. Reg. 18.  
4. Reg. 2.  
Dan. 2.  
I. 11. antiq.

IV. Argumentum sumitur ex confessione Patrum, qui à temporibus Apostolorum vsque ad nostra tempora floruerunt. c. 3.

V. Sumitur ex inuocatione, templis, festis, votis, peregrinationibus,

imaginibus, & alijs; cum hæc omnia ad cultum Sanctorum non dubium est pertinere.

6. Sumitur ex eo, quod semper Ethnici, Iudæi, Hæretici accusauerunt Christianos idolatriæ propter cultum Sanctorum: quod certè non fecissent, nisi vidissent à Christianis sanctos passim religiose coli.

7. Sumitur ex ratione. Nam, si honor ciuilib debetur virtuti ciuili, sapientiæ, potentæ, nobilitati: ergo honor plusquam ciuilib debetur supernaturali virtuti, sapientiæ, potestati, nobilitati. sed sancti quoad virtutes supernaturales excellunt omnino, cum ferueant diuina charitate, & non possint peccare: nihil enim inquinatum potest intrare in regnum cælorum: quoad sapientiam, vident ipsam sapientiam increatam, & in ea cognoscunt rerum omnium causas, iuxta illud: *Beati mundo corde, quoniam ipsi Deum videbunt.* Quoad potestatem, sunt Reges cælorum, & participes ipsius throni diuini: *Qui viderit, dabo ei sedere mecum in throno meo.* Et: *Ego dispono vobis, sicut disposui tibi Pater meus regnum.* Quoad nobilitatem, sunt filij Dei, re ipsa iam adoptione confirmata per gloriam. Igitur meritò, iureque optimo religioso cultu prosequendi sunt.

*Apo. 21.*

*Matth. 5.*

*Apo. 3.*

*Luce 22.*

*1. Reg. 2.*

*Lea. 12.*

*Rom. 1.*

Denique; Deus sanctis honorem, & gloriam promisit: *Qui honorificauerit me, glorificabo eum.* Et: *Si quis mihi ministrauerit, honorificabit eum Pater meus.* Et: *Gloria, & honor omni operanti bonum.* Ergo debetur illis honor; & certè non ab alijs, quàm à nobis, qui illis inferiores sumus non conuenit autem mortuis honor ciuilib: ergo religiosus illis debetur.

## C A P V T I V.

### De inuocatione Sanctorum.

**P**eculiaris difficultas est de cultu inuocationis de quo sit I. propositio: *Non licet à Sanctis petere, vt nobis, tanquam auctores diuinorum beneficiorum, gloriæ, vel gratiam, aliaque ad beatitudinem media concedant.*

*Psal. 83.*

*Psal. 120.*

Prob. I. ex script. *Gratiam, & gloriam dabit Dominus.* Et: *Leuaui oculos meos in montes, unde venit auxilium mihi.* Montes sunt homines sancti, vt exponit s. Augustinus. Vt autem ab ijs intelligamus auxilium expectandum, non vt ab auctoribus, sed vt ab impetratoribus; ideo statim subditur: *Auxilium meum à Domino, qui fecit cælum, & terram.* Item; *Omne datum optimum, & omne donum perfectum, de sursum est, descendens à Patre luminum.*

*1ac. 1.*

Prob. 2. ex vsu Ecclesiæ: nam in orationibus, quæ leguntur in Missa, vel in officio, in celebratibus sanctorum, nihil vnquam aliud petimus, quàm vt eorum precibus nobis à Deo beneficia concedantur.

Prob. 3. ex Patribus.

4. Ratione. Nam ea, quibus indigemus superant vires creaturæ: ac proinde etiam sanctorum. Ergo nihil debemus à sanctis petere, nisi vt à Deo impet-

impetrent, quæ utilia nobis sunt. Est tamen notandum, cum dicimus, non debere peti à sanctis, nisi vt orent pro nobis, nos non agere de verbis, sed de sensu verborum. Nam, quantum ad verba, licet dicere: s. Petre, miserere mei, salua me, aperi mihi aditum cœli: item, da mihi sanitatem corporis; da patientiam, fortitudinem, &c., dummodo intelligamus, orando pro me, aut, tuis precibus, & meritis. sic enim orat Ecclesia vniuersa:

Tu nos ab hoste protege, Et: Sanate ægros moribus,  
Et hora mortis suscipe. Nos redeuntes virtutibus.

Sic etiam Apostolus de se dicit: *Vt saluos facerem aliquos ex illis.* Et: *Vt omnes Rom. 1. 11. facerem saluos;* non vt Deus, sed iuuando concionibus, precibus, &c.

Propositio. 2. *Sancti non sunt immediati intercessores nostri apud Deum, sed quidam à Deo nobis impetrant, per Christum impetrant.* Nota, tres personas posse considerari, quando nos Deum oramus: vnam ipsius Dei, à quo petimus beneficia: alterum Christi, per cuius meritum ea cupimus nobis dari: tertiam eius, qui petit beneficia per Christum. Ex his tribus non potest prima Sanctis tribui, vt iam probauimus; nec secunda, vt nunc ostendimus; sed solum tertia: Itaque Sanctos inuocamus ad hoc solum, vt faciant id, quod nos facimus, quia melius, & efficacius ipsi facere possunt, quam nos; & melius illi, & nos simul, quam nos soli.

Prob. propositio. Solus Christus est, qui mundum reconciliauit Deo, & qui meruit nobis gloriam, & gratiam, & omnia necessaria ad salutem: *Quia Coloss. 1. in ipso complacuit omnium plenitudinem inhabitare, & per eum reconciliare omnia, pacificans per sanguinem crucis eius, quæ in terris, & quæ in cœlis sunt.* Et: *Ipse est propitiatio* 1. Ioan. 2. *pro peccatis nostris, non pro nostris autem tantum, sed pro totius mundi.* Atque hinc 1. Ioan. 10. Christus dicitur *osium*: & *via*: quia, vt ipse ait, *nemo venit ad Patrem, nisi per ipsum.* Hinc etiam dicitur: *Petite in nomine meo.* Hinc dicitur Mediator Dei, & hominum: & aduocatus apud Patrem. Ergo nihil à Sanctis petere possumus, nisi vt intercedant apud Deum, quo nobis Christi meritum applicetur, & per Christum gratiam, & gloriam consequamur. 1. Ioan. 16. 1. Tim. 2. 1. Ioan. 2.

Prob. secundò ex Patribus.

Tertiò ex orationibus Ecclesiæ. Omnes enim, quæ de Sanctis sunt, illam formam habent: *Concede nobis, Deus, intercessione huius Sancti tale beneficium, per Christum Dominum nostrum.* Habemus igitur, quomodo Sancti inuocandi non sint: nunc vt intelligamus, quomodo inuocandi sint, sit 3. propositio.

*Sancti orant pro nobis, saltem in genere, secundum Script.* Prob. 1. ex ijs Script. quæ agunt solum de sanctis hominibus. 1. *Dixit Dominus ad me: sisleterint Moyses, & Ierem. 15. Samuel coram me, non est anima mea ad pop. istum.* Ergo Moyses, & Samueliam mortui poterant, & solebant orare pro pop. Iudæorum. 2. *Locus est,* 2. Mach. ult. *vbi Iudas in visione quadam vidit Oniam Pontificem, & Ieremiam Prophetam, qui obierant, orantes pro pop. Iudæorum.* 3. Est, vbi describuntur Apoc. 5. xx 1 v. seniores in cœlo coram throno Dei procidisse, habentes phialas aureas plenas odoramentorum, quæ sunt orationes Sanctorum. 4. Est: 2. Pet. 1. *Dabo autem operam & frequenter habere vos, nimirum commendatos, siue in animo, post obitum inuam, vt horum memoriam faciatis.* Vt enim exponunt Scolia Græca apud OEcumen. aliqui veteres non ineptè hinc colligebant,

Y y 3 sanctos

Sanctos post obitum gerere curam viuientium, Et quamuis hoc non sit emi-  
dens argumentum, tamen est probabile. 5. est, vbi diues Epulo erat pro  
fratribus suis; ergo multò magis orant iusti pro tota Ecclesia. 6. est, vbi  
animæ Sanctorum Martyrum magno clamore petunt vindictam de in-  
terfectoribus suis: ergo multò magis petunt misericordiam fratribus  
suis.

Accedat vltimò, quòd Script. apertè docent communionē Ecclesiæ trium-  
phantis cum militante. Nam Apostolus dicit, nos accessisse ad Ecclesiam  
primitiuorum, qui sunt in cœlis, id est, ciues illorum esse: & dicit, matrem  
nostram esse Ierusalem, quæ est in cœlis: & dicit Christum esse caput su-  
per omnem Ecclesiam; & certè non excluditur cœlestis Ecclesia. At commu-  
nio ista exigit necessariò, vt membra pro inuicem sollicita sint, & inuicem  
se iuuent: hæc enim est natura membrorum sub vno capite viuentiũ, vt Apo-  
stolus docet.

4. Propositio: *Sancti, qui regnant cum Christo, pro nobis orant, non solum in gene-  
re, sed etiam in particulari.*

Prob. 1. Angeli orant pro nobis, & curam nostri gerunt, etiam in speciali:  
ergo multò magis id spiritus hominum beatorum faciunt. Nam in primis ni-  
hil eis deest eorum, quæ Angeli habent, quantum ad hoc munus pertinet, cū  
sint præditi intelligentia, & voluntate, & adsint semper Deo, & nos vehe-  
menter diligant, ac demum sint æquales Angelis. Deinde, aliquid habent præ  
Angelis, quod sunt membra corporis Ecclesiæ nobis magis coniuncta, quam  
sunt Angeli; & experti sunt miseras, & pericula nostra, quæ Angeli non sunt  
experti.

Prob. secundo. Nam non solum ab Angelis, sed etiam à spiritibus beatorũ  
hominum reguntur, & gubernantur fideles viuentes. Id enim promissit Chri-  
stus: *Qui vicerit, & custodierit vsque in finem opera mea, dabo illi potestatem super gen-  
tes, & reget eas in virga ferrea, & tanquam vas figuli confringentur, sicut & ego accepi  
à Patre meo. Et: Qui vicerit, faciam illum columnam in templo Dei mei. Et infra: Qui  
vicerit, dabo ei sedere mecum in throno meo, sicut & ego vici, & sedi cum Patre meo in  
throno eius.* Hic loquitur Ioannes de spiritibus mortuorum, vt patet ex illis  
verbis: *Et custodierit vsque in finem opera mea.* Et loquitur de tempore ante re-  
surrectionem, vt patet ex eo, quòd dicit: *Reges eas in virga ferrea.* Nam, regere  
in virga ferrea, non significat punire, quod etiam post resurrectionem fiet; sed  
significat, regere virga pastoralis, quod solum firante resurrectione. Dicitur  
autem virga ferrea, quia inflexibilis est ad iniustitiam: *Virga aiterationis*, id  
est, virga rectissima, *virga regni tui.* Et etiam sempiterna, nam *regni eius non erit  
finitis.* Quòd autem sequitur: *Et tanquam vas figuli, confringent eos;* non significat,  
homines perdendos; sed peccatores, Christo peccata conterente, & de-  
lente, iuxta illud: *Ocide, & manduca.* Vel reguntur, siue pascuntur electi in  
virga ferrea: reprobi autem, tanquam vas figuli, confringuntur.

Quòd verò hoc significet, regere in virga ferrea, patet 1. ex verbo He-  
bræo, quo vitur David: & ex Græco Ioannis, quod est, *ποιμαίνεις*, id est, pas-  
ces, siue pastoraliter reges. 2. ex eo, quòd dicitur: *Peperit filium, qui relictus erat  
omnes gentes in virga ferrea.* Christus autem non punit omnes gentes, sed regit  
paito-

Lucæ 16.

Apoç. 6.

Ephes. 2.

Gal. 4.

Coloss. 1.

Ephes. 4.

Rom. 12.

1. Cor. 12.

Tob. 12.

Zach. 1.

Apoç. 8.

Dan. 10.

Psal. 90.

Matth. 18.

Lucæ 20.

Apoç. 2.

Apoç. 3.

Psal. 44.

Lucæ 1.

Apoç. 2.

Matth. 10.

Psal. 2.

Lucæ 1.

Apoç. 12.

Apoç. 12.

pastoraliter. 3. quia in Psalmo illo, vnde Ioannes verba sua desumpsit, dicitur Christus totam hereditatē suam regere in virga ferrea. *Postula à me, &c. Psal. 2.*

4. quia sic exponunt Patres. Habemus igitur, spiritus hominum beatorum post mortem, ante diem resurrectionis accipere potestatem in gentes, & regere, & pascere eas: nec non esse columnas in templo Dei, id est, sustentare Ecclesiam, quod propriè sanctis Martyribus conuenit: ac demum sedere in throno Christi, id est, cum illo præsidere toti mundo, & Ecclesiam regere, & gubernare. Idem colligitur ex illo: *Beatus ille seruum, quem, cum venerit Dominus, inuenerit sic facientem: amen dico vobis, super omnia bona sua constituetur enim.* *Matth. 24.* Bona enim Domini, Ecclesia est, vt Hilarius docet: quod etiam apertè legimus in præfatione de Apostolis, quam vnam esse ex nouem antiquissimis, testatur Pelagius Papa II. qui sanctum Gregorium præcessit. Id etiam Patres apertè docent. *Epist. 4. de seraf.*

Prob. vltimò ex apparitionibus Sanctorum, qui apertè testati sunt, se orare pro nobis, etiam in particulari. Scribit Eusebius, Potamionem carnifici promississe, se, cum ad Dominum peruenisset, aliquid ei bonum impetraturū: deinde, post tres dies à consummato martyrio carnifici per quietem apparuisse, atque eius capiti coronam imposuisse, paulòque post, iuxta Martyris prædictionem, & ipsum ex impio carnifice pium Martyrem effectum. Alia id genus plurima sunt. *Luc. 4. lib. 1. c. 5.*

Propositio 5. Sancti, siue Angeli, siue homines, piè, & vtiliter à viuētib. inuocantur. Prob. I. ex Script. Iacob benedicens filiis Ioseph, sic ait: *Angelus qui eruit me de cunctis malis, benedicat pueris istis.* Hic Angelum apertè S. Iacobinuocauit. Item: *Voca, si quis es, qui tibi respondeat, & ad aliquem Sanctorum conuertere.* Vbi nomine Sanctorum intelligit Angelos, vt D. August. exponit: qui etiam illud: *Miseremini mei, amici mei;* ad Angelos dici existimat, iuxta quod dicitur: *Si fuerit Angelus loquens pro eo vnus de millibus, miserebitur eis, & dicit: libera eum.* Sicut etiam, cum dicit: *Ecce inter Sanctos eius nemo immutabilis;* nomine Sanctorum intelliguntur Angeli. Nam idem alibi habetur his verbis: *Ecce, qui seruiunt ei, non sunt stabiles, & in Angelis suis reperit prauitatem.* Quamuis autem hæc verba non videantur conuincere, quia non sunt ipsius scriptoris libri, sed Eliphaz, amici Iob; tamen idè conuincunt, quia indicant, tunc fuisse consuetudinem inuocandi patrocinium Sanctorum Angelorum. Item; Moyses orat: *Recordare, Domine, Abraham, Isaac, & Exod. 32. Israël, seruorum tuorum.* *Gen. 48. Job. 5. Annot. in Job. 19. Job. 33. Job. 15. Job. 40.*

Vbi notandum, quia ante Christi aduentum Sancti, qui moriebantur, non intrabant in cælum, nec Deum videbant, nec cognoscere poterant ordinariè preces supplicantium; idè non fuisse consuetum in Testamento veteri, vt dicerent: *S. Abraham, ora pro me, &c.* sed solum orabant homines eius temporis Deum, & allegabant merita Sanctorum, qui iam obierant, vt illis ipsorum orationes iuuarentur.

Præterea; In vtroque Testamento sæpe legimus, viuētes à viuētib. inuocatos. Nam Filij Israël dicunt ad Samuelem: *Necesses pro nobis clamate ad Dominum. Duxit vestram, vt saluet nos de manu Philistinorum.* Et: *Ite ad seruum vestrum.* *1. Reg. 7.*

Rom. 15.  
Ephes. 6...  
1. Thess. 5.  
2. Thess. 3.  
Gal. 3.  
Hebr. 12.

Luce 15.

L. 3. v. 15  
c. 5.

meum, Iob, ille orabit pro vobis. Et Paulus ait: *Obsecro vos, fratres, ut adiunetis me in orationibus pro me ad Deum.* Idem repetit alibi. Ergo licebit etiam nunc inuocare eisdem Sanctos cum Christo regnantes. Nam, si nunc non licet, vel non licet, quia nolunt; & hoc non, cum sint maiori charitate præditi, quam antea, de sua immortalitate securi, & de nostra incolumitate solliciti: vel, quia non possunt; & hoc non, quia, si poterant, cum hic essent peregrini, quanto magis nunc poterunt in patria? Vel quod non sciunt, quod oremus: & hoc non, quia, unde sciunt Angeli conuersionem peccatorum, pro qua tantopere gaudent in cælis; iude sciunt Sancti nostras preces. Vel denique, quia, iniuria fit Deo, vel Christo, si alius, quam ipse, inuocetur: & hoc non, quia tunc non liceret viuentes inuocare.

Prob. 3. ex Concilijs.

4. Testimonijs Græcorum, & Latinorum Patrum.

5. Ex miraculis B. Bernardi factis contra hanc hæresin: quibus accedant miracula infinita, quibus sæpissime Sancti demonstrarunt, se audire preces viuentium, & posse, ac velle eos iuare, à quibus iauocantur.

## C A P V T V.

### De Reliquijs Sanctorum.

Exod. 13.

Deut. ult.

4. Reg. 13.

4. Reg. 23.

1. Sa. 11.

Rom. 15.

Matth. 9.  
c. 5.

**N**unc de veneratione earum rerum, quæ ad Sanctos pertinent, id est, reliquiarum, imaginum, &c. disserendum est. Et 1. argumentum pro Reliquijs sumi potest ab exemplis script. Nam Moyses discessurus cum pop. ex Ægypto in Palæstinam, noluit ibi relinquere ossa S. Ioseph iam dudum mortui; sed ea honorificè secum asportauit, & transtulit in terram promissionis. Non ergo superstitiosum, neque nouum est, transferre ossa Sanctorum. Item; Deus ipse corpus Moyse honorauit, dum illud proprijs manibus sepeliuit. Item; Ossa Elizæ, cum tetigissent mortuum quendam hominem, continuo illum reuocantur ad vitam. Non igitur Deus contemnit ossa Sanctorum, sed ea honorat, & honorari cupit, dum per illa miraculum ram insigne patrauit. Item; Cum Iosias delubra idolorum euertret, & omnem idololatram delere vellet, tantum abest, vt reliquias Sanctorum delendam esse existimaret, vt, cum aliorum mortuorum ossa effodisset, & in ciueres redegisset, ossa tamen S. Prophetæ ibidem reperta asseruari iussit.

Ad hæc; de sepulchro Domini legimus: *In eum* (Messiam videlicet) *Gentes sperabunt, & erit sepulchrum eius gloriosum.* Hunc locum de sepulchro Christi intelligi, certum est, tum ex ipsis verbis, tum ex Apostolo. Denique; si Christus hic adesset, & nos vestem eius deuotè oscularemur, continuo nos idololatrias esse Lutherus, & Calvinus dicerent: at mulier hæmorrhoißa solam simbriam Christi fideliter tetigit, & sanata est. Neque sunt reprehensi populi, qui certatim ad vmbra Petri eo modo, quo poterant, attingendam occurrebant;

sed



sed potius fidei suæ præmium retulisse dicuntur: & tamen quæ reliquæ vi-  
liores ipsa vmbra cogitari possunt? Neque habiti sunt supersticiosi, qui Pauli *Ad. 19.*  
sudaria, & femicintia deferebant ad ægros, vt etiam nos modo facimus; sed  
potius religionem illorum miraculis confirmabat Deus.

1. Argumentum sumitur ex Concilijs diuersarum partium orbis terræ.

3. Ex Patribus.

4. Ex miraculis factis ad reliquias, quæ certè non fierent, si Deo cultus reli-  
quiarum non placeret.

5. Ex miraculis, quæ sæpe in ipsis Sanctorum mortuis corporibus cernun-  
tur, per quæ Deus apertissimè nos ad eorum venerationem quasi imitare vi-  
detur.

6. Ex inuentione, & reuelatione diuinitus facta Sanctorum corporum. Si  
enim Deo cultus reliquiarum non placeret, cur ipse seruis suis corpora San-  
ctorum, quæ larebant, ostenderet.

7. Prob. ex translatione reliquiarum de vno loco ad alium, honoris gra-  
tia ab antiquis celebrari solita: quæ certè ad honorem omnium sacrorum per-  
tinet.

8. Prob. ex eo, quòd reliquæ sub altari reconduntur: quæ consuetudo cœ-  
pisse videtur tempore Apostolorum. Nam ideo Ioanni sunt ostensæ in cœlo *Apost. 6.*  
animæ Martyrum sub altari, quia corpora eorum in terris sub altaribus re-  
quiescunt. Pertinere autem hunc locum reliquiarum ad magnum honorem,  
res ipsa docet: semper enim altaria in magno honore fuerunt, ita vt etiam suo  
modo adorentur.

9. Prob. ex vsu cereorum, & lampadum, quibus sacræ reliquæ honoran-  
tur. Nam, quòd lumen sit honoris signum, nec sit superstitiosum, lumen ac-  
cendere ante rem inanimam, etiam lucente Sole, patet ex candelabro, quod *Exod. 25.*  
semper lucebat ante arcam testimonij.

10. Prob. ratione ducta ab vtili, & honesto. Ratio ab vtili est: Nam Deus  
nihil ferè vtilius nobis reliquit ad salutem Sanctorum reliquijs: nihil enim  
efficacius repræsentat, & infigit in animo memoriam Sanctorum, quàm se-  
pulchrum ipsorum: nam statim, atque videmus sepulchrum alicuius Sancti,  
illius recordamur, & virtutum eius, patientiæ, charitatis, castitatis, pietatis;  
& simul cogitamus, quanta gloria fruatur in cælis pro labore breuissimo hu-  
ius vitæ, &c.

Ratio ducta ab honesto est multiplex. 1. enim corpora Sanctorum fue-  
runt organa animarum ad omne opus bonum. 2. Fuerunt, & sunt instru-  
menta Dei ad miracula. 3. Sunt pignora patronorum. 4. Sunt exuuiæ cha-  
rissimorum. 5. Sunt trophæa triumphantium. 6. Designata sunt ad gloriā  
incredibilem, nimirum vt sint post resurrectionem corpora Sole clariora, &  
vsque ad eò corporibus omnibus præstant, vt super omnia merito collo-  
centur.

quid solidum, sed inanes sunt. Hinc scriptores sacri, & Ecclesiastici Doct. vocauerunt idola statuas falſorum Deorum, quia, licet ſolidæ ſint quoad materiam, tamen inanes ſunt quoad formam, id eſt, quoad repræſentationem.

Nomen Simulachri eſt quidem paulò communius, nam omnis vera imago dici poteſt ſimulachrum. Verius tamen eſt, ſimulachrum dici à ſimulando, non à ſimilitudine: in Script. ſimulachra vbique ponuntur pro idolis. Semper enim, vbi Latinus interpres poſuit, ſimulachra, in Græco eſt, *idola*.

I. Quæſtio de imaginibus eſt: *An liceat habere imagines?* Pro qua ſit I. propoſitio. *Non eſt prohibitum iure diuino, effigere imagines.* Prob. I. quia ibi: *Non facies tibi ſculptile, neque omnem ſimilitudinem, ſine dubio non prohibetur omnis imago, ſed ſolùm illa, quæ dici poteſt idolum, id eſt, imago, quæ habetur pro Deo, vel quæ repræſentat, tanquam Deum, eamdem, quæ non eſt Deus.* Cùm enim additur: *Non habebis Deos alienos,* prohibetur actus interior idololatriæ. Cùm autem additur; *Non facies tibi ſculptile,* prohibetur actus exterior.

AB. 15.  
Pſal. 113.  
1. Ioan. vi.  
O abbi.

Exod. 20.

Exod. 31. O  
34.  
Deut. 4. 9. O  
10.

Exod. 15.  
Num. 21.  
3. Reg. 6. O  
7.

Exod. 20.  
Leuit. 24.

Prob. hæc ſententia, quia, ſi prohiberetur omnis imago, ſequeretur, præcepta Decalogi non eſſe tantùm decem, ſed vndecim, vel duodecim, contra Script. quæ dicit eſſe decem. Nam conſtat vnum præceptum eſſe: *Non habebis Deos alienos.* Alterum: *Non assumes nomen Dei in vanum.* 3. *Sabbatha ſanctifices.* 4. *Honora parentes.* 5. *Non occides.* 6. *Non machaberis.* 7. *Non furaberis.* 8. *Non dices falſum teſtimonium.* 9. *Non concupiſces.* Iſta nouem ſine controuerſia ſunt diſtincta. Porro illud: *Non concupiſces,* vel debet diuidi in duo, vt 9. ſit: *Non concupiſces uxorem alienam:* 10. *Non concupiſces rem alienam:* vel iſta omnia ad vnum pertinent. Si debet diuidi in duo: ergò illud: *Non facies tibi ſculptile,* erit 11. vel oportebit dicere, illud non eſſe præceptum diſtinctum à primo, vt communiter doceant Scholaſtici, & Catechiſmi omnes Latini: & tunc non prohibetur ſculptile quodcumque, ſed ſolùm ſculptile, quod pro Deo alieno habetur. Si autem: *Non concupiſces,* eſt vnum tantum, vt aliqui exiſtimant; tunc illa omnia verba erunt vnum præceptum: *Non facies tibi ſculptile,* &c. Et: *Non adorabis ea, neque coles.* Sed facere imagines abſolute, & adorare eaſdem, ſunt res diſtinctæ, vt patet: quia poteſt vnus adorare ſculptile, quod non fecit, & aliud adorare, quod fecit. Ergò vnum tantum horum eſt prohibitum: alioqui eſſent vndecim præcepta. Sed certum eſt, prohiberi cultum: ergò non prohibetur fabricatio per ſe, ſed ſolum in ordine ad cultum: proinde peccat, qui facit, vt adoret; non qui facit ad alium uſum.

Prob. 2. propoſitio ex eo, quod in ipſa Script. legimus, imagines factas Dei iuſſu. Nam Deus fieri iuſſit imagines Cherubim ſuper arcam: ſerpentem æneum: Cherubim, boues, leones, & alia.

Prob. 3. quia nunquam intelligitur prohibitum id, quod nullo modo aduerſatur fini legis: ſinis autem præceptorum primæ tabulæ eſt, vt ſeruetur Deo ſuus honos illi datus; vt patet ex initio Decalogi: *Ego ſum Dominus, Deus tuus.* Item, ex illa comminatione: *Ego ſum Deus Zetotei.* Item, ex illa explicatione: *Non facies mecum Deos anteos, & Deos argenteos.* Item: *Non facies*

Prob. 1. quia in Testamento veteri, quando Iudei propensissimi erant ad idololatriam, in templo fuerunt imagines Cherubim.

Prob. 2. ex consuetudine Ecclesie, quæ fuit primis quingentis annis.

Exod. 25.  
3. Reg. 6.

Prob. 3. ex quatuor Concilijs, duobus Orientalibus, & duobus Occidentalibus. In Oriente celebrata est VI I I. Synodus tota pro hac re. Item, in VIII. Synodo renouantur decreta VI I I. Synodi. In Occidente celebratum est Concilium Rom. sub Gregorio I I I. quod quidem nationale fuit, sed concurrerunt ad id Concilium ferè mille Episcopi. In eo Concilio damnata est hæresis Iconomachorum imagines è templis deturbantium sub ipsius initijs huius cōtentionis. Celebratum est etiam Concilium tempore Stephani, & Caroli magni pro eadem re.

Can. 3.

Prob. 4. ratione. Nam signa sacra nusquam melius, quàm in sacris locis collocari possunt. Deinde, nullum est ornamentum templorum melius, quàm sacrarum imaginum, quia imagines simul templum ornant, & continent mētes hominum, ne vagentur inanibus cogitationibus.

Præterea; Templum est imago quedam cœli: nam Apostolus comparat tabernaculū Moysaicum cum cœlo. Ita ergò decet, vt in ipso templo sint imagines eorum, qui in cœlis sunt, id est, Christi, & Sanctorum. Denique; Vbi melius collocentur imagines Sanctorum, quàm in domibus ipsorum, id est, in basilicis Sanctorum, vbi reliquæ ipsorum quiescunt?

Hebr. 9.

Propositio 4. *Imagines Sanctorum etiam extra historiam viles sunt.*

Prob. 1. quia Deus in templo suo iussit fieri imagines Cherubin, sine vlla historię notatione. Et certè non sine causa.

Exod. 25.

2. Quia semper Christiani habuerunt imagines, etiam solitarias, & extra historiam, cū tamen primi Christiani non ducerent sola delectatione.

Prob. 3. ab vtilitatibus. Prima est, instructio, & eruditio. Melius enim interdu docet pictura, quàm Script. Secunda vtilis sunt imagines, quamuis solitaria, ad charitatem erga Deum, & Sanctos fouendam, & augendam. Tertia est, excitatio ad imitandum. Quarta, conseruant in nobis memoriam Christi, & Sanctorum; & simul in angustijs docet, nos habere patronos, quos inuocemus. Quinta est, confessio fidei. Dum enim diligimus, & honoramus Sanctorum imagines, testamur, nobis placere eorum fidem, doctrinā, & sanctos mores; & simul nos detestari omnem impietatem, & idololatriam, cōtra quam ipsi vsque ad mortem pugnarunt. Sexta est, honor Dei & sanctorum. Nemo enim vquam dubitauit, quin erigere statuas, vel imagines magnis viris, ad honorem eorum pertineat.

2. Quæstio est: *An imagines Christi, & Sanctorum rectè colantur?* Nos cum Ecclesia asserimus, eas colendas esse, modo tamen (vt declaratur in Concil. Trid.) in imaginibus nō collocetur fiducia, nec ab ijs aliquid petatur, nec in ijs inesse credatur vlla diuinitas; sed solum honorentur propter eos, quos nobis representant.

Seff. 25.

Quæ sententia prob. 1. Testimonio Script. 1. genus testimoniorum est earum Script. quæ expressè agunt de imaginibus. Imagines enim Cherubim super arcam existentes necessario adorabantur ab ijs, qui

Exod. 25.

Num. 21.

arcam adorabant. Serpens quoque æneus non poterat non honorari, cum in loco sublimi à Deo positus esset, & salutem miseris in se aspicientibus adferret. Iam verò, si licuit venerari imagines Angelorum: cur non etiam sanctorum? Si licuit venerari imaginem Christi in forma serpentis: cur non potius venerabilis erit imago Christi in forma hominis.

Psal. 95.

Matth. 5.

2. Genus testimoniorum est eorum, quæ docent, creaturas honorandas religiose propter solam relationem ad Deum. *Adorate scabellum pedum eius.* Et: *Nolite iurare per cælum, quia thronus Dei est; neque per terram, quia scabellum est pedum eius.* Vbi nota, iuramentum esse actum religionis, quo honoratur primariò Deus, secundariò id, per quod iuratur. Prohibet ergò Deus iuramentum sine debitis circumstantiis, per cælum, & terram, ne contumelia fiat eiusmodi creaturis, quatenus relationem ad Deum habent. Sed similem relationem habent imagines: igitur eadem ratione colendæ sunt.

Exod. 3.

Exod. 12.

Exod. 28.

Isa. 11.

e. Tim. 3.

Ultimum genus testimoniorum est eorum, quæ docent, creaturas dici sacras, vel sanctas, propter relationem ad res sacras. *Locus, in quo stas, terra sancta est;* propter Angeli scilicet præsentiam. Dicitur etiam dies sancta, & venerabilis propter significationem, & quia dedicata erat cultui diuini. Dicuntur vestes Sacerdotum sanctæ propter eandem causam. Dicitur sepulchrum Christi gloriosum. Dicuntur Scripturæ, sacra litteræ: *Ab infantia sacras litteras nosti.* Cur autem dicuntur sacra, nisi quia signa sunt rerum sacrarum? Nec solum litteras, sed etiam verba ipsa prolata venerari consueuimus, præsertim nomen, Iesus: & Euangelium audimus stantes, detecto capite, imò etiam luminibus accensis, quamuis in meridie. At imagines Christi, & sanctorum sunt etiam institutæ ad significandas, & repræsentandas res sacras: cur ergò eas venerari non liceat? Nam rem sanctam, hoc ipso, quòd sancta est, venerabilem esse, patet ex illis verbis: *Dies prima erit sancta, & septima eadem religiose venerabilis.* Vbi vides, pro eodem accipi, rem sanctam, & religiose venerabilem.

Exod. 12.

Prob. 2. ex Concilijs Ecclesiæ.

Prob. 3. ex Patribus.

Prob. 4. à miraculis. Deus enim per imagines Christi, & sanctorum multa miracula operatur; ex quo intelligimus, placere illi, vt imagines honorentur.

Prob. 5. rationibus. 1. Ratio: homo dignus est veneratione, quia imago Dei est: ergò & ceteræ imagines Christi, vel sanctorum dignæ sunt veneratione. Quod enim vni imagini conuenit, quia imago est, id necessariò omnibus imaginibus conuenit. 2. Ratio: Imago Regis est venerabilis ciuili quodâ honore: ergò imagines Christi, & sanctorum sunt venerabiles cultu religiofo. 3. Ratio: Imago capax est iniuriæ, & contumeliæ: ergò & honoris, atque cultus. Nam Iulianus Apostata Christi statuam non deiecit, nisi eo modo Christo iniuriam fieri credidisset. Neque Deus Iuliani statuam fulmine percussisset, nisi ab eo iniuriam accepisset, & nisi ad Iuliani contumeliam id pertinere visum esset. 4. Ratio: Idola Gentilium meritò execramur, & confringimus. Et hinc laudatur valdè Theodosius Imp. quod iusserit idola vbique destrui. At certè id non fit, nisi ratione significationis, quia sunt imagi-

*imagines falſorum Deorum.* Igitur e contrario, imagines Chriſti, & ſanctorum, quia res verè bonas, & ſanctas ſignificant, ſunt honorabiles.

5. Ratio ab improbitate Iconomachorum ſumitur, & pietate eorum, qui imagines colunt, & coluerunt. Nam Iconomachi fuerunt omnes aut Iudei, aut ſamaritani, aut Mahumetici, aut Necromantici, aut manifeſtè hæretici, quos impios eſſe, negare nemo poteſt. At, qui defenderunt imagines, fuerunt ſancti viri, & docti, vt Gregorius, & Adrianus ſummi Pontif. Germanus, & Tharaſius, Epifcopi Conſtantinop. Ioannes Damascenus, Methodius, Leontius, Ionas Aurelianenſis, Paulus Diaconus, & alij pij, doctique viri omnium conſenſu. Non eſt autem credibile, Deum per hoſtes ſuos potius, quàm per amicos, & ſanctos Eccleſiam docere voluiſſe. Quid quod ipſe Diabolus odit imagines, vt patet exemplis? 6. Ratio ſumitur ab infelici exitu Iconomachorum, & felicitate eorum, qui imagines defenderunt.

Nam in primis tempore Leonis Iconomachi, poſteaquam imagines ſanctorum in foro Conſtantinopolitano concremata fuerunt, orta eſt peſtilentia tam grauis, vt Conſtantinopoli trecenta hominũ millia interirent. Item, eadem occasione amiſit idem Leo, & ſucceſſores eius, imperium Italiæ, nec vnquam ampliùs recuperare potuerunt. Eodem tempore Rex Araurum, Ezi-des, qui imagines Chriſtianorum confringi iuſſerat, non ſuperuixit vnum annum, cùm tamen XXX. anni promiſſi illi fuiſſent ab eo, qui illum ad Iconomachiam excitauit. Tempore Conſtantini Copronymi inaudita calamitates Orientem inuaſerunt. Nam terræ motus ingentes integras vrbes deiecerunt, & multa millia hominum occiderunt. Item, peſtis grauiſſima orta eſt, ita vt vineæ, horti, putei, aliaque loca vix ſufficerent ſepellendis hominibus. Et ne dubitaretur, quam ob cauſam iſta acciderent, ſimul vbique in veſtibus hominum, in velis ſacris, indumentis ſacerdotalibus diuinitus exiſtebant cruce parua, quaſi oleo designata. Deus enim indicare volebat, velle ſe vbique cõſpici crucis imaginem, quam Conſtantine Copron. eo tempore obliterare contendebat. Ad hæc tam horribile frigus acceſſit, vt Ponticum mare ad 100. millia cogelaretur, eſſetque glacies profunditatis 30. cubitorum: cui ſuperuenit nix, quæ etiam in glaciem verſa eſt ad altitudinem 20. cubitorum. Paulò poſt cœpit ſolui glacies, & fragmenta ingentia inſtar magnorum montium, vel inſularum, magno impetu diſcurrebant: quædam etiam ad Conſtantinopolim aliſſa, partem mœnium, & vicinas domos euerterunt. Eodem anno tanta ſiccitas poſtea fuit, vt flumina, fontes, putei, ſerè omnes ſiccarentur, ita vt omnes intelligerent, & dicerent, propter impietatem in Deũ, & Sanctos, quam exercebant Iconomachi, iſta omnia fieri. Denique, Imp. Conſtantine obſtinatus ita periit, vt in morte clamaret, ſe adhuc viuũ igni inextinguibili traditum comburendum. E contrario, Pipinus, & Carolus filius eius, qui cum Rom. Pontifice imagines defenderunt, ad regnum, & imperium proueſti, feliciffimè vixerunt, & regnarunt.

3. Quæſtio eſt: Quo genere cultus imagines ſint honorandæ? Notandæ ſunt tres diſtinctiones: Id enim quod honoratur poteſt honorari per ſe, vel per accidens: propter ſe, vel propter aliud: propriè, vel impropriè. *Per ſe* honoratur ſuppoſitum, in quo eſt ratio venerationis. *Per accidens* id, quod eſt

est coniunctum rei, quæ adoratur, nec est ipsa ratio adorationis: vt cum honoratur Rex, per se honoratur homo ille, qui est Rex; per accidens honoratur purpura, & reliqua illi adiuncta, & accidentia omnia eius, excepta regia dignitate, quæ licet non sit id, quod honoratur, est tamen id, quod ille homo honoratur. Itaque persona honoratur per se, vt quæ: regia dignitas honoratur per se, vt quæ: reliqua honorantur per accidens. *Propter se* honoratur, quod habet in se rationem venerationis non dependentem aliunde: & hoc modo sola natura rationalis venerabilis est. *Propter aliud* honoratur id, quod habet quidem in se causam honoris, sed illa causa tota pendet ab alio: & hoc modo signa rerum sacrarum sunt venerabilia; habent enim in se rationem similitudinis, siue representationem rei sacræ, & proinde quandam excellentiam; sed illa tota pendet ab ipsa re sacra. *Proprie* honoratur id, quod verè ratione sui ipsius honoratur. *Improprie*, quod honoratur loco alterius. Legatus Regis aliquando honoratur, vt Legatus; & tunc ipse proprie honoratur, licet propter alium: aliquando honoratur loco Regis, honore proprio Regibus; & tunc ipse *improprie* honoratur, *proprie* autem Rex.

His positis sit 1. propositio: *Imagines Christi, & Sanctorum veneranda sunt, non solum per accidens, vt improprie, sed etiam per se, & proprie, ita vt ipsa terminent venerationem, vt in se considerantur, & non solum vt vicem gerunt exemplaris.*

AB. 7.

Prob. 1. quia Concilium v 11. definiuit, imagines Christi esse venerandas, sed non latria: vult igitur, esse venerandas per se, & proprie aliquo cultu. Alioqui non diceret, non debere adorari latria: Christus enim latria adoratur.

2. Si imago non esset veneranda, nisi improprie, quia nimirum coram illa, aut in illa, aut per illam adoratur exemplar, certè licebit simpliciter negare, imagines esse venerandas. Quod enim non dicitur, nisi improprie, simpliciter negari potest. At Concilium v 11. anathema dicit ijs, qui negant, imagines esse venerandas.

3. Concilium ibidem definit, imagines esse venerandas eo modo, quo veneramus Euangelia, & sacra vasa: atque ista honorantur per se, & proprie, vt omnes fatentur; nec enim personam alicuius alterius gerunt. Igitur & imagines per se, & proprie venerandæ sunt.

4. In ipsa imagine verè inest aliquid sacrum, nimirum similitudo ad rem sacram, & ipsa dedicatio, siue consecratio diuino cultui. Ergo ipse in se, & non solum, vt prototypi vicem gerunt, honore dignæ sunt.

2. Propositio: *Quantum ad modum loquendi, præsertim in concione ad pop. non est dicendum, imagines illas adorari debere latria, sed è contrario non debere sic adorari.*

Prob. I. Quia Concilia non affirmant, sed simpliciter negant, imagines adorari latria. Igitur & nos eodem modo loqui debemus. Nam modus loquendi Conciliorum est modus loquendi Ecclesiæ; & proinde sequendus ab ijs, qui nolunt errare.

2. Quia Patres passim dicunt, imagines non esse adorandas,

AB. 1.

3. Nullæ sunt exactiores formulæ loquendi in materia fidei, quam ex, quibus vtuntur, qui hæresin abiurant. At qui in v 11. Synodo Basilius Anciranus,

nus, & Constantinus Cypri Episcopus, abiurantes heresin, dicunt, se recipe- *AA. 3.*  
re, & colere imagines, non tamen latria.

4. Dicere populo, imaginem Christi, vel crucem adorandam esse cultu latriæ, illo ipso, quo adoratur Deus, non caret magno periculo: nam, qui defendunt, imagines adorari latria, coguntur vti subtilissimis distinctionibus, quas vix ipsimet intelligunt, nedum populus imperitus.

5. Secundum rei veritatem non potest dici, adorari imagines latria, nisi per accidens, vel improprie: per se autem, & proprie nullo modo. Ordinaria enim adoratio est illa, quæ exhibetur imaginibus externis per se, & proprie. At, quod simpliciter dicitur, non intelligitur de eo, quod per accidens, vel improprie, & aliquando conuenit rei: sed de eo, quod per se, & proprie, & vt plurimum conuenit.

3. Propositio: Si de re ipsa agatur, admitti potest, imagines posse coli improprie, vel per accidens, eodem genere cultus, quo exemplar ipsum colitur. Ac primum, quod imago possit coli improprie eo cultu, quo ipsum exemplar, prob. nam aliquando imago accipitur pro ipso exemplari, & ea, quæ fierent circa ipsum exemplar, si adesset præsens, sunt circa imaginem, mente tamen defixa in exemplari. Sic concionatores alloquuntur imaginem crucifixi: & in die Parasceues, cum crucifixus paulatim detegitur, & ostenditur, & adorandus proponitur, illa omnia per imaginem ipsi Christo vero exhiberi intelliguntur. Tunc autem proprie nullus honor defertur imagini, sed soli exemplari; tamen improprie dici potest ipsa etiam imago honorari.

Quod autem possit imago adorari adoratione ipsius exemplaris, proprie quidem, sed per accidens, prob. nam aliquando non accipimus imaginem pro exemplari, nec consideramus solam imaginem, vel solum exemplar, sed consideramus exemplar, vt obiectiue relucet in imagine, & ipsum sic representatum, & quasi vestitum imagine veneramur. Tunc autem necessario adoramus imaginem eodem cultu, quo exemplar ipsum, sed per accidens: nam, qui adorat aliquem, adorat etiam omnia, quæ cum illo coniuncta sunt: sed ipsa imago concipitur eo tempore coniuncta cum exemplari, quod adoratur: igitur etiam ipsa adoratur, per accidens tamen, quia ipsa nec est suppositum, quod adoratur, nec ratio adorationis, sed quiddam adiunctum.

4. Propositio: Imago per se, & proprie non est adoranda eodem cultu, quo ipsum exemplar, & proinde nulla imago est adoranda cultu latria per se, & proprie.

Prob. I. ex Concilio V I I. vbi legimus, imaginem Christi non esse adorandam latria: id autem falsum esset, si imagini per se, & proprie deberetur idem cultus, qui debetur exemplari. Christus enim cultu latriæ adorandus est. *AA. 7.*

2. Prob. ex Augustino, Gregorio, Damasceno, & ex Concilijs Senonensi, & Moguntino, quæ docent, imagines non esse colendas cultu diuino.

3. Latria est cultus proprius Deo. Sed nulla imago per se, & proprie est Deus, siue consideretur ratione materiz, siue ratione figuræ, & colorum, siue ratione relationis. Ergo per se, & proprie non debetur vlli imagini cultus latriæ.

4. Imagini non conuenit cultus internus, nec externus veræ latriæ: nam  
AA a internus

internus cultus est apprehensio rei, vt primi principij, & prostratio voluntatis conueniens illi apprehensioni: actus autem externus proprius est sacrificium. Certè autem nec apprehendimus imaginem, vt primum principium, nec illi sacrificamus. Non igitur illam adoramus cultu latriz.

5. Imago, vt imago, opponitur exemplari, & est illo inferior: ergò non potest colieodem cultu, sed minori. Nam vnumquodque honorandum est pro sua dignitate.

6. Qui colebant imaginem Christi diuinis honoribus, inter hæreticos numeratur. Atqui isti, cum Christum colerent, sine dubio imaginem eius propter ipsum colebant. Non igitur licet imagines colere diuinis honoribus, id est, cultu latriz, etiamsi quis dicat, id se facere propter Deum, vel Christum, non propter imagines. Nam hoc ipso, quòd eas colat diuinis honoribus, conuincitur eas colere propter ipsas, non propter Deum, quiddid verbis ipse dicat.

5. *Propositio: Cultus, qui per se, & propriè debetur imaginibus, est cultus quidam imperfectus, qui analogicè, & reductiue pertinet ad speciem eius cultus, qui debetur exemplari.* Explico: Imaginibus non conuenit propriè nec latria, nec Hyperdulia, nec vllus alius eorum, qui tribuuntur naturæ intelligenti. Non enim est capax res inanima, & rationis expers, eiusmodi cultum; sed cultus quidam inferior, & varius pro varietate imaginum. Itaque imaginibus Sanctorum non debetur propriè dulia, sed cultus inferior, qui dici potest dulia secundum quid, vel dulia analogicè, siue reductiue. Similiter; Imaginibus B. Virginis nõ debetur Hyperdulia simpliciter, sed Hyperdulia secundum quid, siue analogicè, & reductiue. Denique; Imaginibus Christi non debetur latria verè, & simpliciter, sed cultus sine comparatione inferior, qui tamen reducitur ad latriam, vt imperfectum ad perfectum.

Prob. Sicut se habet imago ad suum exemplar, ita se habet cultus imaginis ad cultum exemplaris. Sed imago est ipsum exemplar analogicè, & secundum quid: nam homo pictus est homo secundum quid, & analogicè. Ergò etiam imagini debetur cultus exemplari debitus, imperfectus, & analogicus.

Præterea; Imago reducitur ad speciem exemplaris: nam homo pictus, & equus pictus differunt specie, quia homo verus, & equus verus differunt specie. Ergò etiam cultus imaginis reducitur ad cultum exemplaris.

Ex his habemus etiam, quid sit dicendum de vera cruce Domini, de clauis, spinis, aliisque reliquijs. Sunt enim hæc omnia honoranda minore cultu, quam Christus, vel Sancti, quorum reliquiæ sunt; sed tamen tali, qui analogicè, & reductiue pertineat ad speciem cultus, quo Christus, vel Sancti coluntur. Nam reliquiæ merentur ideo honorem, quia ratione contactus, vel aliquo alio modo habitudinem habent ad eos, quorum sunt reliquiæ.



## CAPVT VII.

## De Cruce.

**T**RIA hic agemus. I. de ipsa cruce vera Domini. Sciendum, hanc crucem ex tribus lignis factum esse, quorum vnum erat longum, cui adhzrebatur corpus: alterum transuersum, superpositum longo, quibus affigebantur manus: tertium lignum erat infixum in ligno longo, vt in eo pedes crucifixi starent, & posset figi clauis. Vtrum autem lignum transuersum esset superpositum ligno longo, ita vt non emineret lignum longum fursum versus, non est certum: nam Beda dicit crucem similem fuisse litteræ Γ Γ x x I. qualem etiam olim fuisse Hebraicum Thau, docet Hieron. At Augustinus dicit, lignum longum eminuisse supra transuersum. Et hoc est probabilius: nam est conformius verbis Apostoli, qui alludens ad figuram crucis nominat sublimitatem, profundum, longitudinem, latitudinem. Modus autem crucifigendi communis non erat, vt multi putant, funibus alligando, sed clauis figendo. Pictores verò solent solum Christum depingere clauis affixum: latrones autem, & S. Petrum, & Andræam funibus. Sed non ita est: omnes enim clauis figebantur; imò & omnes crucem suam ferebant, omnesque ante flagellis cædebantur. Ideò enim dubitabatur, quænam ex tribus repertis crucibus esset crux Dominica, quia omnes tres habebant similia foramina, & clauos.

His prænotatis, quòd lignum crucis venerabile sit, prob. I. ratione ex Script. desumpta. Nam Script. testantur, Christum non crucifixum casu vel inuitum, vel propter sua peccata; sed ipsum sponte elegisse crucem, & elegisse, vt altare summi sacrificij, quo placetur Deus; vt scalam sibi ipsi ad regnum; vt instrumentum liberationis generis humani; ac demum vt instrumentum, quo Diabolus vinceret, ac deo triumpharet. Ex quo sequitur, crucem illam veram misificè à Deo fuisse honoratam, & nobis omnibus amabilem, & venerabilem esse debere. Quòd sponte illam elegerit, patet: Oblatus est, quia ipse voluit. Et: Ego pono animam meam, & nemo tollit eam à me, sed ego pono eam. Et: Hunc definito Concilio, & præscientia Dei traditum interemisisti. Et: Deus, qui prænuñciavit per os omnium Prophetarum pati Christum suum, implevit sic. Et: Conuenerunt verè in ciuitate ista Herodes, & Pontius Pilatus cum Gentibus, & populus Israël facere, quæ manus tua, & Concilium suum decreuerunt fieri. Quòd crux fuerit Ara summi sacrificij, patet, quia Christus ipse crucifixus est sacrificium summum. Pacificans per sanguinem crucis eius, id est, per sanguinem eius in cruce, quasi in altari fusus. Et hoc significauit lapis erectus, & inunctus, & domus Dei vocatus à Iacob. Quòd crux fuerit scala Christo ad regnum, patet: Nunc Princeps huius mundi eicietur foras, & ego, si exaltatus fuero à terra, omnia traham, ad me ipsum. Hoc autem dicebat, significans,

AA 2 2

qua

Philip. 2.

Gen. 2.

Gen. 7.

Exod. 14.

Exod. 14.

Num. 21.

Ican. 3.

Gal. 6.

Coloss. 2.

Homil. 8.

in Iosue.

Ephes. 3.

Ican. 12.

qua morte esset moriturus. Et: Humiliauit semetipsum, factus obediens usque ad mortem; mortem autem crucis. Propter quod & Deus exaltauit illum, &c. Quod fuerit instrumentum liberationis, docent plurimæ figuræ. Id enim significauit lignum vitæ in Paradiso: arca lignea Noë domum eius saluans: virga Moysis aperiens mare: lignum aquas dulces reddens. Sed præcipue serpens æneus exaltatus in deserto: de quo Dominus: Sicut exaltauit Moyses serpentem in deserto; ita exaltari oportet filium hominis, ut omnis, qui credit in eum, non pereat, sed habeat vitam æternam. Hinc videlicet Ecclesia secuta Paulum, dicit: Nos autem gloriari oportet in cruce Domini nostri Iesu Christi, in quo est salus, vita, & resurrectio nostra. Quod cruce diabolum vicerit, & de eo triumphauerit, patet: Chirographum decreti, quod erat contrarium nobis, tulit de medio: affigens illud cruci, expolians principatus, & potestates, traxit palam confidenter, triumphans illos in semetipso. Origenes dicit, in Græcis haberi: Triumphans illos in ligno crucis: & licet nunc non habeamus, In ligno, sed, in duris, id est, in ipso; tamen optime referri potest ad crucem, de qua dixerat: *ἐν τῷ σωτῆρι*. Dicit ergo Origenes, in cruce duos fuisse affixos, Christum visibiliter, sponte sua, & ad tempus; diabolum autem inuisibiliter, inuitum, & in sempiternum eius opprobrium. Et hoc probat ex Paulo, qui isto loco vtitur metaphora triumphi, indicare volens, crucem esse currum triumphalem, in cuius summa parte sedet Christus triumphans; in parte ima trahitur diabolus alligatus, ostentatur quasi in pompa.

Prob. 2. à mysterijs in ipsa cruce significatis. Nam Patres de cruce exponunt illa verba Pauli: *Ut possitis comprehendere cum omnibus Sanctis, quæ sit latitudo, & longitudo, sublimitas, & profundum*. Nam latitudo vocatur lignum transversum: sublimitas, pars ligni, ubi est titulus supra transversum: longitudo ligni, pars à transverso usque ad terram: profundum, pars eiusdem, quæ latet sub terra. Significat autem ista figura I. totam perfectionem Christianam: profundum, fidem: sublimitas, spem: latitudo, charitatem: longitudo, perseverantiam. 2. Christi passionis effectum. Nam lignum supremum significat cælum Christi passionis apertum, & Deum placatum: lignum sub terra infixum significat infernum enacuatum, & diabolum deuictum: lignum transversum, respiciens Ortum, & Occasum, totum orbem terrarum redemptum. Itemque propterea Christum crucifixum adorant cælestia, terrestria, & inferna. 3. Duo brachia crucis sub vno titulo Saluatoris, significant duos populos sub vno capite, Christo inter se connexos; iuxta illud: *Ego, si exaltatus fuero à terra, omnia traham ad meipsum*.

Quid, quod crucis figura etiam naturaliter salutaris est? Nam aues nunquam volarent, nisi expansis alis formam crucis imitarentur: & naui non moueretur, nisi ex malo, & antenna crux fieret: & aratro terram non scinderet, nisi ex aratro, & stiuam crucem faceret; & rursus aliam ex iugo, & temone. Cælum ipsum crucem facit, si lineæ ducantur ab ortu ad occasum, & ab aquilone ad austrum. Denique etiam Ægyptijs, qui Hieroglyphicis characteribus utebantur, crux vitam venturam significabat.

Prob. 3. ab inuentione crucis: ex qua multiplex testimoniū sumitur, quod veneratio ligni crucis Deo placeat.

Primo quod non permiserit Deus lignum illud mergi in mare, vel flammis absumi.

absumi. Quod enim hostes Christianorum sint conati abolere crucem, eiusque omnia vestigia, patet ex eo, quòd altissimè crucem sub terram absconderunt, & in loco crucis, Veneris simulachrum; in loco resurrectionis, Iouis; in loco natiuitatis, Adonidis posuerunt. Cur, quæso, non cremarunt crucem, cum vellent, & possent, nisi quia Deus abstulit illis mentem, vt ad solatium piorum lignum pretiosissimum seruetur?

Secundò, quòd Deus eo tempore crucem inueniri voluerit, quo tutò poterat coli; nimirum ad initium Imperij Constantini. Nam, si antea referata fuisset regnantibus persecutoribus, magis ludibrio, quàm honore excepta fuisset. Si autem diu post tempora Constantini fuisset inuenta, fraudata fuisset sancta crux debito honore.

Tertiò, quia per euidencia miracula demonstratum est, esse veram crucem, & proinde crucis inuentionem, ac reuelationem illam esse à Deo.

Quartò, quia Helena non ex se inclinata est ad crucem Domini quaerendam, sed diuinis admonitu reuelationibus.

Prob. 4. à testimonijs veterum, qui passim referunt, quanto desiderio tenerentur fideles habendi, aut certè videndi particulas veræ crucis.

Prob. 5. ab exaltatione S. Crucis. Constat enim, Heraclium in recuperatione crucis, quam Persæ Ierosolymis abstulerant, diuinitus adiutum, ita vt etiam de cælo Deus lapidibus grandinis pugnaret contra Persas, vt olim fecerat cum Iosue. In ipsa etiam restitutione crucis in suum locum, quædam miracula contigerunt.

Prob. 6. Si locus, in quo Angelus stetit, terra sancta est, cur non, magis Exod. 3.  
crux, vbi stetit Christus? Si sudaria, & semicinctia Pauli honorabantur pro- 1 Cor. 15.  
pter contactum, cur non magis crux Christi sanguine reperfusa? Si Sacramenta honorantur, quia instrumenta gratiæ, cur non crux, quæ instrumentum est redemptionis?

2. Agendum est de Imagine crucis. De qua prob. I. *Tunc apparebit signum filij hominis in cælo:* ex qua apparitione miro modo venerabile redditur signum illud, id est, crux. Hinc multiplex argumentum ducitur ad probandum honorem crucis. Nam I. honorabilis est crux, quia ab ipso Christo vocatur signum eius, id est, vexillum Christi: si enim vexillum Imperatoris milites adorant, cur vexillum Christiani non adorabitur. 2. Honorabilis est, quia in cælo apparebit, loco scilicet sublimi, & honorifico. 3. Quia manibus Angelorum fere- Serm. 103.  
bit, vt docet Augustinus. 4. Quia splendebit clariùs Sole. Quod probant Augustinus, & Chrysost. quia tunc apparebit, & conspicietur ab omnibus, quando Sol, & Luna, & stellæ obscuratæ fuerint: vt patet ex Matthæo. Quidam au- Matth. 24.  
tem non omnino improbabiler docent, ipsam veram crucem ligneam, quæ nunc diuisa est in multas particulas, tunc reformandam, & colligendam, & apparituram in cælo. Sed si hoc non admittatur, saltem imago crucis lucida in cælo apparebit ex aëre, vel igne condensato.

Prob. 2. Venerabilem imaginem crucis testimonijs sacrorum Conciliorum.

3. Ab vsu, & testimonijs veterum.

Prob. 4. ab apparitione, & miraculis Crucis. I. Apparuit Constantino.

A A 2 3

crux.

*L. 1. de vita  
Constanti.*

*L. 2. de vita  
Constanti.*

crux lucidissima in aëre, cum illis, *in touta vixit*, id est, *in hoc vixit*; vt Eusebius tradit. Qui etiam addit, se id accepisse ab ipso Constantino iurante, rem ita se habere. Neque apparuit illi crux in somno, sed planè vigilanti, & iter facienti cum toto exercitu. Porro non frustra hoc dictum esse Constantino, patet ex victorijs eius. Nam scribit Eusebius, in prælijs iussisse Constantinum, semper deferri labarum cruce insignitum ad eam partem agminis, quæ magis laborabat, & quocunque labarum accessisset, mox etiam victoriâ sequi solitam. Addit ibidem, eum, qui labarum deferebat, cum metu hostium irruentium reliquisset labarum, necatum esse continuo: qui autem illud de manu abijcientis suscepit, nunquam feriri potuisse, etiamsi innumerabilia propè tela in illum coniecta fuissent: omnia enim (mirabile dictu) in hasta crucis insigebantur.

2. Apparuit Crux lucidissima supra montè Oliueti tempore Cōstantij Imp.

3. Apparuit tempore Iuliani Apostatæ, qui eam persequabatur. Nam, cum Iulianus inspicere exta pecudum aruspicij gratia, inuenit crucem coronatâ. Et quidem Aruspices periti dicebant, significari, religionem Christianam, quæ crucem venerabatur, fore perpetuam, nec posse vinci à Iuliano. Adulatores autem eius dicebant, significari angustias, & quali carceres crucis: sed euentus priorem sententiam veram ostendit. Eodem tempore, cum Iudæi Iuliani iussu, extruere vellent templum Ierosolymis in dedecus Crucifixi, apparuit rursum in aëre circulus ingens lucidus, crucem splendidissimam ambiens, & præterea in vestibus ferè omnium hominum eius loci apparuerunt crucis, quasi summo artificio elaboratæ.

4. Apparuit Crux in aëre tempore Arcadij, cum Imp. bellum susceperet pro fide cōtra Persas Christianorum persecutores: in quo bello diuinitus adiutus fuit.

5. Appaerunt crucis tempore Leonis Iconomachi, cum hæretici cōtra sacras imagines insanirent. Præter has apparitiones miracula sine numero per figuram crucis effecta referri possunt.

Prob. vltimò ratione. Nam, si signa rerum sanctarum sancta, & venerabilia sunt, certè quælibet crux sancta, & venerabilis est, quia gerit imaginem Christi crucifixi, id est, Christi in ipso opere redemptionis occupati: quo nihil sanctius cogitari potest.

3. Agendū de signo crucis, quod in fronte, vel in aëre, vel super quasunque res digito exprimitur. Quod signū sacrū esse, & venerabile I. ostēdi potest ex figuris Testamenti veteris. Nam sanguis Agni in postibus domorū nihil aliud significabat, nisi signū crucis in frontibus Christianorū. Item; Illud Tau, quod iubetur describi in frontibus gementium, apertissimè signum crucis, quod in frontibus potissimum pingimus, indicabat. His adde illud: *Nabentes nomē eius, & nomen Patris eius in frontibus suis*; id est, signum crucis. Item illud: *Nolite nocere terra, & mari, neque arboribus, quoad vsque signemus seruos Dei nostri in frontibus eorum*. Iacob quoque, cū cancellatis manibus benedixit filijs Ioseph significauit; fore aliquando tempus, quo benedictiones signo crucis fierent.

Prob. 2. ex testimonijs veterum, quī primis quingentis annis floruerunt.

Prob. 3. ex miraculis signo crucis tactis, quæ ferè infinita sunt.

CAPVT

*Exod. 12.*

*Exod. 9.*

*Apos. 14.*

*Apos. 7.*

*Gen. 48.*

## CAPVT VIII.

## De Templis.

**Q**UATVOR de Templis dicenda sunt. I. de Forma. De qua non est, quòd multa dicamus, cùm antiquissimæ adhuc Ecclesiæ visantur.

Duo tamè notanda sunt. Vnū, ad similitudinem templi Salomonis, in quo erat atriū, Sancta, & Sancta Sanctorū, Ecclesiæ ferè omnes habuisse tres partes. I. porticus anteingressum in templum: quem locum Græci προαὐλῶν; nostri vestibulum dicunt; vbi manebant poenitentes. Deinde, erat ναὸς, id est, templum, siue nauis. Vltimò, βήμα, siue ἱεράριον, id est, sacrarium, siue sanctuarium, siue adytū; quæ erat pars interior templi, vbi erat altare, quæque diuisa erat à reliquo templo gradibus, cancellis, & velis, siue auleis: neque penetrabant eò alij, quàm Sacerdotes cum suis ministris clericis. Præter has templi partes erat etiam domuncula annexa templo, quæ dicebatur ædícula saluatoria, vbi sedebat Episcopus, cùm se pararet ad sacra faciendā.

Alterum est; Ecclesiæ Christianorum vt plurimū ad Orientem conuersus fuisse, & quatuor latera habuisse, quibus quatuor mundi partes aspicerēt; exceptis quibusdam, quæ propter loci commoditatem aliter constitutæ sunt. Scribunt autem veteres, Apostolicam esse traditionem, vt oremus conuersi ad Orientem: id enim præcipue seruari par est in solennibus precibus, quæ in templis funduntur.

Rationes autem huius cæremoniæ sunt 5. 1. quia ad Orientem erat Paradisus secundum versionem LXX. Vbi enim habet vulgata edito: *Plantauit Deus Paradisum à principio*; Græca habet: ἐπορεύσας παράδεισον ἐν ἰσθμῷ κατὰ ἀνατολῆς. Et certè verbum Hebraicum vtroque modo rectè verti potest: significat enim, Aitæ, & Orientem, quæ est pars mundi anterior. Vnde etiam noster interpres vertit idem nomen, *ad Orientalem plagam*. Oramus igitur cōuersi ad Orientem, quia profitemur, nos peregrinos, & ad patriam nostram, vnde electi sumus, suspiramus. 2. Ratio, quia ab Oriente cælum surgere, & moveri incipit, estque propterea pars illa totius mundi corporalis excellentissima. Idè autem orantes conuertimus faciem corporalem ad corpus excellentissimū: tum, quia Deo sunt danda semper meliora, tum etiam vt admoneamur conuerrere faciem spiritualem animæ ad spiritū excellentissimū, qui est Deus. 3. Ratio: quia Christus, quem oramus, est lux mundi: *Et vis, Ioan. 1. Oriens nomen eius*. Vt igitur significemus, nos in oratione illustrari à Christo sole iustitiæ, sicut illustrantur à sole corporeo, qui ad Orientem respiciunt, idè hac cæremonia vtimur. 4. Ratio: quia Dominus ipse moriens in cruce, Occidentem respiciebat: nos ad Orientem oramus, vt quasi in faciem crucifixi intueamur. Et quia ipse *ascendit in celum calorum ad Orientem Psalm. 67.*

nos,

nos ad Orientem conuertimur, vt quasi eum ascendente votis, ac precibus deducamus. Ac demum, quia ipse ad Orientem venturus creditur ad iudicium: *Sicut fulgur exit ab Oriente, & patet vsque in Occidentem; ita erit aduentus Filij hominis*: nos ad Orientem precamur, quasi venturum iudicem expectantes. Possumus addere 5. Rationem: quia Iudæi orabant, & orant ad Occidentem: nam ostium tabernaculi ad Orientem versum fuit: *Ecce in ostio templi Domini inter vestibuli, & altare, quasi viginti quinque viri, dorsa habentes contra templum Domini, & facies ad Orientem, & adorabant ad ortum Solis*. Reprehendit enim Scrip. quosdam, qui contra ritum eius temporis adorabant ad Orientem. Nos igitur ad Orientem respicimus, dum Iudæi respiciunt ad Occidentem, vt significemus, eorum esse litteram occidentem; nostrum autem spiritum viuificantem: & velamen adhuc manere super cor eorum; nos autem conuersos ad Dominum deposuisse velamen.

2. Agendum de fine Templorum. Nam ob quatuor fines eriguntur sacræ ædes, vnde etiam quatuor nomina sortiuntur. 1. Ad sacrificandum Deo; & hinc dicuntur Tempia. 2. Ad adorandum; & hinc dicuntur Oratoria. 3. Ad Martyrum reliquias honorificè conseruandas; & hinc dicuntur basilicæ, seu memoriæ, seu martyria. 4. Ad populum verbo Dei, & Sacramentis pascendum; & hinc dicuntur Ecclesiæ.

Propositio. 1. *Reste instituntur certa loca, in quibus verbum Dei, & Sacramenta pop. ministrantur.*

Prob. 1. exemplo Christi, & Apostolorum, qui, etsi interdum data occasione in varijs locis verbum Dei seminarent, tamen ordinariè in templo, vel synagoga, quæ erant eius temporis Ecclesiæ, id faciebant. *Quotidie apud vos sedebam docens in templo, & non me tenuistis*. Et: *Ego palam locutus sum mundo: ego semper docui in synagoga, & in templo, quod omnes Iudæi conueniunt, & in occulto locus sum nihil*. Item; Angelus educens Apostolos de carcere, dicit illis: *Ite, & stantes in templo loquimini plebi omnia verba vitæ huius. Qui, cum audissent, intrauerunt diluculo in templum, & docebant*. Et Paulus, & Barnabas missi ad prædicandum, primùm intrant in Synagogam, & ibi prædicant.

Prob. 2. exemplo primorum Christianorum. Nam, quòd primi Christiani habuerunt Ecclesias à priuatis domibus distinctas, patet: *Conuenientibus vobis in Ecclesiam, audio scissuras esse inter vos*. Et quòd ista Ecclesia non esset priuata domus, patet ex sequentibus: *Numquid domos non habetis ad manducandum, & bibendum, aut Ecclesiam Dei contemnitis?* Et rursus: *Si quis esurit, domi manducet, vt non in iudicium conueniatis*. Et: *Mulieres in Ecclesiis taceant, si quid autem volunt discere, domi viros suos interrogent*. Idem confirmatur ex antiquissimis Patribus.

Prob. 3. ratione. Nam pop. Christianus debet aliquando necessariò conuenire ad res sacras: nec enim concipotest fieri ad singulos seorsim, nec etià celebratio Eucharistiæ. Et etiamsi posset, non expediret tamen, quia conuentus hominum vtilissimus est ad alendam animorum vnionem. Igitur necesse est, vt aliquis certus locus constituatur, ubi eiusmodi conuentus fiant.

Præterea; Si habemus certa loca ad alia ministeria; vt ad iudicia, conuiuia, somnum, &c. cur non etiam ad res sacras?

Propo-

Propositio 2. Ecclesie Christianorum ad sacrificia offerenda insitunt sunt; & ideo *Propos. 2.*  
*verè, & propriè templi appellari possunt.* Probari posset 1. omnibus argumentis, *Prob.*  
 quæ probant Eucharistiam esse sacrificium.

Prob. 2. Ecclesie Christianorum semper habuerunt altaria: ergo semper  
 vera templa fuerunt. Nam templum nihil aliud est, quàm locus altaris: &  
 præterea, magis indicat sacrificij ritum altare, quàm templum: nam sine altari  
 non potest sacrificari; sine templo potest. Quare, si hæretici negent templa, vt  
 excludant sacrificia, multò magis deberent negare altaria. Sed altaria nullo  
 modo negare possunt, vt patet ex illo: *Non potestis mensa Domini, & mensa demo-* 1. Cor. 10.  
*niorum participes esse.* Vbi Apostolus opponit mensam Eucharistiae mensis Ido-  
 lolythorum: mensæ autem Idololythorum erant vera altaria. Item: *Habemus* Hebr. 1.  
*altare, de quo edere non habent potestatem, qui tabernaculo deseruiunt.* Quem locum  
 Patres passim intelligunt de sacrificio Eucharistiae. Accedit traditio omnium  
 Patrum: nullus ferè est veterum, qui non meminerit altaris Ecclesie.

Propositio 3. Ecclesie Christianorum certè ad orandum, etiam priuata ratione, insi- *Propos. 3.*  
 tuntur. Prob. 1. Script. testimonijs. Salomon affirmat, templum factum esse,  
 vt sit locus orationis, & petit à Deo, vt, quicumque ibi orauerit, exaudiat. *1. Reg. 8.*  
 Item; Deus apparens Salomoni, pollicetur, ita futurum, vt ille petierat. Et: *2. Par. 6.*  
*Domus mea domus orationis vocabitur.* Quod ipsum confirmat Domitius. *3. Reg. 9.*  
*1. Sa. 56.*

Prob. 2. exemplis Script. Anna precatura Dominum ad tabernaculum ac-  
 cedit, vbi erat Arca, ibique orans exaudita est. Dauid similiter precaturus per-  
 rexit ad tabernaculum, & coram Arca Domini orare cœpit. At certè, nisi pu-  
 tasset, ibi Dominum magis esse præsentem, & facilius orationem exaudiri,  
 domi suæ mansisset. Idem etiam voluit ire ad tabernaculum Domini in Ga-  
 baon, vt oraret pro auerenda peste à populo; sed non præualuit nimio timo-  
 re perterritus: ideo in ipsa Ierusalem extruxit altare. Daniel oraturus, quia *1. Par. 21.*  
 non poterat ingredi templum, in Babylone existens captiuus, saltem aperta *2. Reg. 2.*  
 fenestra orabat ad eam partem conuersus, vbi fuerat templum Domini. Anna *2. Reg. 7.*  
 filia Phanuël non discedebat de templo, ieiunij, & obsecrationibus seruus die, ac nocte. *1. Par. 21.*  
 Et Publicanus in templo orans iustificatur. Et: *Lucæ 2.*  
*Petrus, & Ioannes ascendebant in* *Lucæ 18.*  
*templum, ad horam orationis nonam.* Eunuchus Reginz Æthiopum venerat adorare *Act. 3.*  
 in Ierusalem. *Act. 8.*

Prob. 3. ex Patribus.

4. Rationibus. 1. Ratio: Deus est in templo magis, quàm alibi: nam alio-  
 qui non diceret Paulus: *Nescitis, quia estis templum Dei, & Spiritus Dei habitet in* 1. Cor. 3.  
*uobis?* Et non diceretur: *Membra uestra templum sunt Spiritus S. quem habetis in vo-* 1. Cor. 6.  
*bis: glorificate, & portate Deum in corpore vestro.* Et: *Vos estis templum Dei vini, sicut di-* 2. Cor. 6.  
*cit Dominus, quoniam habito in illis, & inambulabo.* Apostolus enim accipit simili-  
 tudinem à veris templis: quia enim templum est domus Dei, in qua ipse pecu-  
 liari modo inhabitat, ideo ipse, vt ostenderet in nobis esse Deum peculiari  
 modo, corpora nostra appellauit templum. Magis ergo expedit orare in tem-  
 plis, quàm alibi. 2. Ratio: Deus in templo citius exaudit. Quod enim Deus *3. Reg. 9.*  
 promissit templo Salomonis, sine dubio promissit etiam templis Christianorū.  
 Nam, quod petijt Salomon, cū templum dedicauit, idem etiam petit Eccle-  
 sia, cū noua templa dedicat: nimirum, vt aures Dei in eo loco sint apertæ.

B B b

Non

Non est autem credibile, Deū exaudisse preces Salomonis, & nō exaudire etiā preces Ecclesiæ suæ: imò hic est modus, quo Deus est in templo peculiariter, nimirum, quia ibi est per exauditionem. 3. Ratio: Oratio est res nobilissima: & proinde debetur ei locus nobilissimus, qualis est locus sacer.

4. Ratio: In Ecclesia sunt omnia accommodata ad deuotionem excitandā, quæ in oratione maximè necessaria est. Nā altaria, cruces, imagines, reliquiæ, ipsi etiam parietes Deo dicati mouent ad pietatem: quæ certè alibi non inueniuntur. 5. Ratio: quia in templis ordinariè præter Dei præsentiam, quæ est vbique, est etiam præsentia Mediatoris, Christi corporaliter in Eucharistia: quæ certè auget spem, & fiduciam orantis. Non potest etiam nō incutere mēti religiosæ horrorem, & reuerentiam. Nam, vbi est Christus in Eucharistia, ibi etiam non deest Angelorum frequentia: vbi autem est talis Rex, & tales Principes, ibi est cœleste palatium, imò cœlum ipsum.

Prob. 5. ex nomine: nam Ecclesiæ à Græcis sæpe vocantur, *ἐκκλησία*; à Latinis, *Oratoria*.

Propositio 4. *Sacra domus non solum Deo, sed etiam Sanctis rectè edificantur, & dedicantur.* Prob. 1. Nam templum Salomonis nō solum fuit erectum ad sacrificia, & orationes, sed etiam ad conseruandam arcam Domini. Nam Dauid volens ædificare templum, dicit ad Nathan: *Vides, quid ego habitem in domo cedrina, & arca Dei sub pellibus.* Et: *Cogitavi, vt ædificarem domum, in qua requiesceret arca fœderis Domini, & scabellum pedum Dei nostri.* Extra hoc etiam templo introdixerunt arcam in illud cum magnaceleritate. Dauid quoque dicitur voluisse votum Deo de ædificanda domo arcæ Dei. Et legimus: *Ingredere, Domine, in requiem tuam, tu, & arca sanctificationis tue.* Sed idem honor, vel etiam maior debetur sacris reliquijs Christi, & Sanctorum, quam arca illi Moysaica. Ergò, sicut super arcam extrui potuit domus, ita etiam super Christi sepulchrum: Ergò etiam super sepulchra Sanctorum: nam eadem est ratio omniū solum enim differunt secundum magis, & minus.

Præterea, quòd reliquiæ Sanctorum sint venerabiles eo modo, quo arca Domini. prob. nam arca, quatenus lignea erat, nullum honorem merebatur; sed ideò honorabatur, quia repræsentabat sedem Dei, & quia per eam Deus loquebatur. At corpora sanctorum fuerunt vix sedes Dei, & viua organa, per quæ Deus locutus est: *Membra nostra templum sunt Spiritus S. Et: An experimentum quæritis eius, qui in me loquitur, Christus?* Ergò licebit etiam extruere sacras ædes ad sanctorum sepulchra ornanda, & conseruanda.

3. Agendū est de dedicatione, & consecratione Templorum: de qua sit 1. propositio: *Merito templa Dei cum ingenti lætitia, & solennitate dedicantur.* Prob. 1. ex Testam. veteri. Legimus enim celeberrimam dedicationē tabernaculi, & altaris. Item; Ter legimus factam templi dedicationem cum ingenti lætitia, & celebritate. 1. à salomone: 2. ab Esdra: 3. à Machabzis, cum post profanationem iterum esset renouatum, & sanctificatum, ad quam solennitatē, quæ annis singulis iterum agebatur, Christus etiam accessit.

Prob. 2. ex praxi Ecclesiæ, & veterum traditione.

Propositio 2. *Merito ab Ecclesia varijs precibus, & ceremonijs templa consecrantur.*

Prob. 1. script. testimonio, Si quidem ex Script. habemus consecrationem templi,

1. Paral. 17.

1. Paral. 28.

2. Paral. 5.

2. Paral. 13.

1. Cor. 6.

2. Cor. 13.

Num. 7.

2. Paral. 7.

1. Esd. 6.

1. Mach. 4.

Matth. 10.



templi, vel altaris, in statu naturæ, legis, & gratiæ. In statu naturæ Iacob erexit lapidem, vt ibi sacrificaret, eumque consecrauit fundens oleum desuper, Gen. 28.  
 & inde eum locum appellauit Bethel, id est, domum Dei. Rursus, monitus à Deo, vt faceret altare, ibidem erexit lapidem, eumque inungendo cōsecrauit Gen. 35.  
 & libauit super eum libamina. Certe hoc non pertinet ad magiam, cūm laudetur hoc factū ab omnibus, & constet placuisse Deo. Nec etiam pertinet ad cēremonias legis, quæ adhuc data non erat. Cur ergo non liceat nobis idem facere? In statu legis videmus, Moysen consecrasse oleo sancto, alijsque cēremonijs tabernaculum, altare, & omnia vasa eius. Et licet cēremoniz fuerint veteris legis, tamē quia non fuerunt propriæ eius, quippe quæ in ratione fundantur, nihil obstat, quò minus à nobis etiam assumi possint. Exod. 40. Num. 7.

In statu Euangelij non habemus tam expressa testimonia Script. Interim tamen ex eo, quòd Paulus Corinthios arguit, tanquam Ecclesiæ contemptores, quia in Ecclesia comedebant, satis innuitur, tunc etiam Ecclesiam aliquo modo sacratam fuisse. 1. Cor. 11.

Prob. 2. ex decretis Conciliorum.

Tertio ex Patribus.

Quarto ratione desumpta ex fine illarum cēremoniarum. Finis enim precipuus est, ad significandum, templum illud Deo, & sacris actionibus dedicari, neque esse domum prophanam, sed sacram. Nam etiam ista dedicatio essentialiter consistit in voluntate, & intentione dedicatoris; tamen necesse est, vt hæc intentio, & voluntas signis externis prodatur alijs hominibus. Quomodo etiam humani contractus consistunt in intentione, & voluntate contrahentium; tamen vt innotescat voluntas, & vt firma, & rata sit, non solum profertur verba, sed etiam multæ adhibentur cēremoniz; vt patet in nuptijs, & coronatione Regum, &c.

Quoniam ergo templum dedicatur Christo, idē ad hoc significandū pingitur signum eius, id est, crux. Pinguntur autem cruces numero XII. ita inter se distantes, vt totum templum occupent, & ad singulas singulæ lampades accenduntur, ad significandum, quòd Apostoli XII. hoc vexillum Christi per totū orbem terrarum portauerunt, & sua prædicatione mundū illustrarūt. Et quia templum non debet esse prophana, & cōmunis domus, sed sacrata: idē ad hoc significandū inungitur. Oleum enim est euidentissimum, & communissimum symbolum consecrationis. Quia enim est liquor nobilissimus, quippe qui omnibus supereminet, & maximē omnium penetrat, & sanat, ac roborat, ac demum res illustres facit, idē placuit omnibus Gentibus, & ipsi etiam Deo, illo vti ad consecrationem significandam. Quia rursus templum destinatur diuinis sacrificijs, & orationibus, alijsque sanctis, & puris actionibus, non autem sordibus, & tenebris negotiorum secularium, idē ad hanc mundiciem, & claritatem significandam aspergitur aqua, thus adoletur, cerei accenduntur. Quia etiam templum sacratur ad concionandum, & docendum fidem, quæ est fundamentū totius iustitiæ: idē describitur alphabetum in pavimēto. Describitur autē Græcè, & Latine, quia illis linguis prædicata est fides, & illis linguis vtebatur tota fere Ecclesiā eo tempore, quo hæc cēremoniz sunt institutæ. Et quia in templo non solum

docentur homines, sed etiam monentur, & inflammantur ad virtutem, & vitæ nouitatem; idcirco fit illa mixtio aquæ, cineris, salis, & vini, & inde templum aspergitur. Quia denique in templo diabolus eijcitur, neque ibi habitare sinitur, sed è contrario oratur Deus, aduocantur Angeli, alijque Sancti, vt in eo loco habitare dignentur, ideò pulsatur ostium, iubetur diabolus recedere, & reliquæ Sanctorum introducuntur.

Alius finis harum caeremoniarum est, ad significandum Christum, & Ecclesiam. Ecclesia enim materialis Ecclesiam spiritualem designat: altare verò significat Christum. Hinc igitur altare fit ex lapide, & inungitur, & summo loco ponitur, & sub ipso absconduntur reliquæ: qui Christus dicitur petra: & vnctus fuit Spiritu S. *pro confortibus suis: & caput est totius Ecclesie: & in ipso abscondita est vita, & gloria Sanctorum.* Vnde etiam in cælo vidit Ioannes animas Sanctorum sub altari.

Porro caeremoniæ, quæ sunt in ipsa consecratione, totum progressum fidelium demonstrant. Nam I. pulsatur, & aperitur templum baculo pastoralis ab Episcopo, quia prædicatores potestate à Christo accepta corda infidelium pulsant, & ad fidem suscipiendam aperiunt. 2. Ingressus Episcopi eodem baculo describit in pavimento cinere conuerso alphabetum, quia prædicatores eadē potestate in cordibus penitentium inscribunt rudimenta fidei, eosque catechumenos faciunt. 3. Aspergitur templum aqua, & cerei accenduntur, quia post Catechismum sequitur Baptismus, quod est Sacramentum illuminationis. 4. In parietibus pinguntur, & inunguntur cruces, ad significandam confirmationem, quæ post Baptismum cruce, & crismate perficitur. 5. Fit mixtio quædam aquæ, cineris, salis, & vini, quia tota vita fidelium consumi debet in mortificandis vitijs, & vitæ nouitate quærenda, & retinenda. Nam aqua significat hominem, qualis est ex se post peccatum: est enim frigidus, & insipidus. Cinis significat penitentiam, & mortificationem vitijs. Sal saporem: vinum lætitiā, & feruorem nouæ vitæ. 6. Agitur dies festus cum lætitiā, finita consecratione, quia post finem huius vitæ fideles intrabunt in gaudium Domini, vbi perpetuò lætabitur.

Propositio 3. *Templum consecratum meritis sanctum, & venerabile, ac diuina quadam virtute præditum existimari debet.* Prob. I. ex relatione ad Deum. Templum est dedicatum Deo: ergo est res Dei: ergo sanctum est. Nam omnis res Deo dicata eo ipso est sancta. *Animal, quod immolari potest Domino, si quis voverit, sanctum erit.* Et infra: *Quidquid semel fuerit consecratum Domino, sanctum sanctorum erit.* Et: *Va vobis, duces cæci, qui dicitis: quicumque iurauerit per templum, nihil est: quæ autem iurauerit in auro templi, debet. Stulti, & cæci! Quid enim maius est, aurum, an templum, quod sanctificat aurum? Vbi Dominus vult templum lapideum nobilius esse ipso auro, quod videlicet auro communicet sanctitatem: nam licet lapides sint absolute inferiores auro, tamen ratione relationis ad Deum sunt longè nobiliores, & sanctiores auro.*

Prob. 2. ex precibus, & benedictione Episcopali. *Nihil abijciendum, quod cum gratiarum actione percipitur: sanctificatur enim per verbum Dei, & orationem.* Iam, si cibi sanctificantur per verbum Dei, & orationem, cur non etiam templa sanctificentur, quæ per sacras personas publicis precibus, & benedictione consecran-

1. Cor. 10.  
Psalm. 44.  
Col. 1.  
Col. 3.  
Apost. 6.

Leuit. vii.

Matth. 23.

1. Tim. 4.

secratur? Præterea; Sanctificante Salomone templū, Deus etiam illud sanctificauit: *Exaudini*, inquit, *orationem tuam, & sanctificauit domum hanc, quam adificasti*. At non minus efficaces sunt preces Ecclesiæ, quam Salomonis. 3. Reg. 9.

Prob. 3. ex ijs, quæ sunt in templo: nam locus rerum sanctarum sanctus quoque sit, necesse est: *Locus, in quo stas, terra sancta est*. Iam verò in templo sunt multæ res sanctæ. 1. Crux, & imagines Christi, & Sanctorum. 2. Reliquiæ Sanctorum. 3. Præsentia corporis Domini in Eucharistia. 4. Præsentia Angelorum. Nam credibile est, aut semper, aut frequentissimè in templis Angelos adesse. 5. Adest Deus per singularem quandam protectionem, & virtutem: in cuius rei signum, quando tabernaculū à Moysè est dedicatum, caligo mox, seu nubes quædam gloriæ Domini tabernaculum texit. Similiter fecit, cum templum à Salomone dedicatum est: *Nebula enim gloria impleuit domum Domini*. Quare Heliodorus dixit: *In loco illo est verè Dei virtus quædam: nam ipse, qui habitat in caelis, visitator, & adiutor est loci illius*. Exod. 3. Exod. 16. 3. Reg. 8. 2. Mach. 3.

Prob. ex absentia dæmonis, vt exemplis potest ostendi.

4. Agendum est de ornatu templorum: de quo sit 1. propositio: *Opus bonum, & pium ex genere suo est, ingentibus sumptibus templa Dei edificare, aut ornare*. Prob. I. Templorum ex Testamento veteri: nam Deus voluit, tabernaculum ornatissimum esse, ita vt omnia ferè instrumenta sanctuarij aurea essent, vsque ad emunctiora lampadum: cortinas autem tabernaculi, & vestes Sacerdotis esse voluit preciosissimas, ex serico, bysso, purpura, gemmis, &c. Et, ne deessent artifices, donauit sapientiam, & artem omnia illa faciendi certis quibusdam viris: vt patet ex Exodo. Deinde, Singuli Principes obtulerunt in ornatu tabernaculi immensa donaria auri, & argenti. Dauid parauit in sumptibus templi tantū auri, & argenti, & lapidum pretiosorum, vt incredibile videatur. De ornatu. Propositio 10.

Prob. 2. ex Testam. nouo. Nā Christus laudauit viduam, quæ in gazophylacium templi misit duo minuta, id est, omnem victum suum. Quomodo ergo argui possunt, qui donant saltem partem bonorum suorum ad ornandam Dei domum? Item; Dicentibus Apostolis. *Magister, aspice, quales lapides, & quales struuntur*, Dominus occasionem habuit optimam reprehendendi magnificentiam illam templi, vel saltem instruendi discipulos, dicendo licuisse in Testamento vet. ornare templa; at in lege Euangelica non fore licitum: at Dominus nihil tale dixit. Item; Cum Iudas xgrè ferret, quòd Magdalenæ in victione capitis Domini tantos sumptus faceret, at diceret: *Vt quid perditio ista vnguenti facta est?* &c. Dominus respondit: *Bonum opus operata est in me*. At, si licuit prætermisis pauperibus tanto sumptu inungere caput Domini; cur non liceat etiā magno sumptu adificare domum ipsi Domino? Num. 7. L. 1. Paral. penul. & ult. 2. Paral. 3. 4. & 5. Marc. 12. Marc. 13. Marc. 14.

Prob. 3. ex vaticinio Isaie: nam, vbifitentur præcipui expositores, ad litteram agi de Ecclesia Christiana in terris existente, sic legimus: *Domum maiestatis Ise. 60. mea glorificabo*. Et infra: *Me enim insula expectant, vt adducam filios tuos de longe: aurū eorū, & argentū eorū nomini Domini Dei tui*. Et infra: *Aedificabunt filij peregrinorū muros tuos; & reges eorū ministrabunt tibi*. Et infra: *Gloria Libani ad te veniet, abies, & buxus, & pinus simul ad ornandum locum sanctificationis meæ, & locum pedum meorum glorificabo*. Quæ propheta ad litterā impleta est tempore Constantini, aliorumq; Principum, qui Ecclesias magnificentissimas extruxerunt, & ornarunt.

BB b 3 Prob.

Prob. 4. ex Patribus. Quintò, ex pietate eorum, qui Ecclesias ædificauerunt: nam præcipui eorū fuerunt quatuor; Cōstantinus, Iustinianus, Carolus Magnus, & Carolus I V. Constat autē, Constantinum sanctū Imp. fuisse; nam in Calendario Græcorum eius nomen inter Sanctōrū nomina habetur, & à Patribus passim sanctus, & beatus appellatur. Similiter Carolus Magnus tāquam sanctus colitur, præcipuè Parisijs, & Aquisgrani, & ab omnibus historicis mirificè laudatur. Iustinianus, excepta hæresi, in quā incidit in extrema ætate, laudatissimus Princeps fuit. Carolus I V. quoq; optimus, & religiosissimus Princeps fuit. Multas item ædificauerunt & ornauerunt Basilicas sanctissimi Pontifices, Iulius, Damasus, Leo, Symmachus, & alij, qui & ante mille annos floruerunt, & verè sancti scriptorum omnium consensu habiti sunt. Non est autem credibile, ita pios Principes, tum Ecclesiasticos, tum politicos, in eiusmodi opera conspirare potuisse, si ea Deo non placerent.

2. Paral. 1.

Prob. 6. Rationibus. 1. Ratio ex magnitudine Dei: nam domus, quò maiori Principi ædificatur, eò debet esse maior. Quis autem Deo maior? Quare Salomon: *Domus, inquit, quā ædificare cupio, magna est; magnū enim Deus noster super omnes Deos.* 2. Ratio ex ipso genere operis: nā exiuvare Deo splendidum templū, est ex genere suo actus duarum excellentiū virtutū, religionis, & magnificentig: proinde bonus ex genere suo. 3. Ratio: quia non solū est actus illarū virtutū, sed etiam est exercitium, & signum aliarum. Nam, qui magnificum templum erigit, fidei suæ magnificum testimonium edit, & charitatis erga Deum; nec non pietatis, & gratitudinis. Et quia pecuniæ summopere diligere solent, qui liberaliter eas ad honorem Dei expendit, indicat, se diligere verè Deum super omnia. 4. Ratio ab utilitate. Nam templum magnificè ornatū multas habet utilitates. 1. Attrahit hominēs facilius ad res pias, quæ in templis geruntur: nec enim obscura, & sordida loca frequentantur libenter. 2. Conseruat maiestatem Sacramentorum, & reuerentiam, quæ rebus diuinis debetur: nam, quando videmus altare splendidum, & ornatum, faciliè erigimus mentem, & cogitamus, magnum esse Deum, cui talia exhibentur: & è contrario faciliè contemnitur, quod sine apparatu proponitur. 3. Iuuat pietas, & deuotio maximè simplicium, quorum maximus est numerus. 4. Magnifica templa diutius conseruantur, & magno splendore sunt ciuitati. Multitudo quoque aureorum, & argenteorum vasorum, sæpe fuit salutis toti Reip. dum in communi captiuitate, fame, aut peste, thesaurus Ecclesiæ multis millibus miserorum opem tulit, vt quasi in id tempus diuinitus datus, & conseruatus videretur. 5. Ratio à contrario. Qui Ecclesias vastauerunt, aut diripuerunt semper facile legi, & perdit habiti sunt. Vt patet de Balthasare, Heliodoro, Antiocho. Quo tempore etiam Iulianus Apostata iussit diripi templorum ornamenta, & præcipuè sacra vasa, mox quæstor regis per medium diruptus expirauit, & Iuliani Auunculus à vermibus corrolus interijt. Leo etiam, filius Constantini Copronymi, cum abstulisset à templo insignem coronam, quam Mauricius Imp. donauerat ad ornatum templi, mox sensit in capite suo ignitos carbunculos, & inde concepta febre ardentissima periijt.

Dan. 5.

2. Mach. 1.

2. Mach. 9.

2. Propositio: *A Edificare, vel ornare templa, licet sit opus pium, & bonum; potest tamen eiusmodi opus ex defectu circumstantiarum faciliè vitari.*

Prob.

Prob. nam quatuor circumstantiæ præcipuæ sunt, ex quarum defectu malū erit, ornare templa: nimirum tempus, modus, locus, & persona. Nā in primis, quando quis tenetur iuuare proximum, ac præsertim parentes, aut filios, & non potest simul prouidere proximo, & donare templo, tum non rectè facit, si neglectis parentibus, vel proximis, ædificet templa. Aut enim Dominus: *Miser cordiam volo, & non sacrificium.* Et reprehenduntur Pharisei, qui docebant filios familias offerre templo donaria, cum detrimento parentum. Patet id etiam ex Paulo, qui docet non esse facienda mala, vt veniant bona. Denique, ex praxi Sanctorum, qui tempore magnæ necessitatis pauperum conflagrant calices, & vendiderunt.

*Osea 7.  
Marc. 7.  
Rom. 13.*

Quantum ad locum, certum est, non omnia loca æqualem ornatum requirere: nam in magnis vrbibus, ad quas multi confluunt, splendida templa esse debent. At in locis desertis, vbi Monachi soli versantur, non videtur conuenire, vt tot sumptus fiant in ædificijs templorum. Quantum ad modum, peccatur, cum ornamenta templorum sunt vana, ac potius curiositati, quàm religioni deferuentia. Quantum ad personam, peccatur, quando quis supra suum statum, & conditionem vult ornare templa. Nam si, qui paupertatem profitentur, & victum ab alijs emendicant vellent ædificare templum marmoreū, & auro, ac gemmis ornare, etiam si forte possent elemosynis hinc inde conquisitis id facere, tamen non deceret eorum professionem. Magnificetia enim non est Monachorum, sed Principum.

## CAPVT IX.

De ijs, quæ referuntur ad templa.

**P**rimo referuntur ad templa benedictiones aquæ, salis, cinerum, cerei, &c. de quibus sit I. propositio: *Rectè benedicuntur aqua, oleum, panis, cerei, cineres, rami, & similia.* Prob. I. ex Script. quæ continent exemplum, & documentum. Exemplum est Domini, qui panes multiplicatus aspexit in cælum, & benedixit eis, & ea benedictione multiplicauit. Certè, quod Dominus fecit, argui non potest. Documentum est Pauli: *Omnis creatura Dei bona est, & nihil abiectum, quod cum gratiarum actione percipitur. Sanctificatur enim per verbum Dei, & orationem.* In quem locum Chrysostomus, & Theophylactus scribunt, Apostolū loqui ex hypothesi: id est, omnis quidem creatura bona, & munda est, tamen etiam si esset immunda, faciliè posses eam sanctificare adhibito signo crucis, & oratione. Si ergo res immundæ sanctificantur per signum crucis, & orationem, quanto magis res aliqui bonæ fient meliores, & sanctiores per signū crucis, & orationem? Prob. 2. ex traditione veterum.

*Mat. 14.  
Luc. 9.  
1. Tim. 4.*

Propos. 2. *Rectè ad effectus supernaturalis efficiendos, & significandos, vtimus aqua, oleo, alijsq; rebus benedictione consecratis.* Nota, illa omnia, quæ diximus, benedici in Ecclesia propter tres fines. 1. Ad significandos spirituales effectus. Nā cineris aspersio significat penitentiam; palmæ, victoriam; cerei Paschalis, resurrectionis gloriam. 2. Ad deletionē venialium peccatorū. 3. Ad fugandos demones.

&c

& curandos morbos: vt ex precibus patet, quibus consecrantur. Verum est tamē, quod non operantur infallibiliter, sicut operantur sacramenta: tū, quia vim habent eiusmodi res non ex pacto Dei expresso, sicut sacramenta; sed ex precibus Ecclesiæ, & deuotione vtentium: tum etiam, quia aliquando nō expedit nobis, vt liberemur vel à morbo, vel à Dæmonis vexatione.

*Nam. 3.*

Prob. propositio quoad istum tertium effectum. I. exemplis Script. Nam aquæ, super quas maledictiones à Sacerdote pronuntiatæ fuerant, si ab adultera epotæ fuissent, mox ventrem eius inflari, & femur putrescere faciebant.

*Nam. 19.*

*Heb. 9.*

*4. Reg. 2.*

*4. Reg. 5.*

*Mar. 4.*

Item; Aqua cineribus mixta dicebatur aqua expiationis, eaque mundabatur Iudæi, non quidē à peccatis, sed à legalibus sordibus; vt Apostolus dicit. Similiter, Elizeus ad sanandas aquas miraculo adhibuit salem. Et ad curandam lepram Naaman Syri adhibuit aquam Iordanis. Apostoli vngabant, oleo, & ægri curabantur. Prob. 2. exemplis Patrum. Referuntur 2. ad templa Peregrinationes: de quibus dicimus, quod peregrinationes ad loca sancta piæ sunt, & religiosæ; vt Concilium Trident. docet.

*Sess. 25.*

*Deut. 16.*

*1. Reg. 1.*

*Luc. 2.*

*Ioan. 12.*

*Ab. 8.*

*Ab. 20.*

Prob. 1. ex Script. Deus instituit, vt omnes filij Israël ter in anno ad tabernaculum, vel templum Domini peregrinarentur: quod præceptum studiosè seruabat Helcana, & Anna vxor eius; nec non Christus ipse cum matre sua, & Iosepho. Gentiles etiam veniebant adorare in Ierusalem propriâ religione relicta. Eunuchus Æthiops ex longinqua regione veniebat adorare in Ierusalem. Paulus ipse festinabat in itinere, vt in Ierusalem faceret Pentecosten.

Prob. 2. ex Patribus. 3. Ratione sumpta ab vtilitate. Nam tria bonæ peregrinationes afferunt. I. Cedunt in honorem Dei, & Sanctorum nō mediocrem. 2. Sunt opus pœnitentiæ, & satisfactionum, quia laboriosum, & penale. 3. Augent deuotionem, nam præsentia loci sancti, vix dici potest, quātum incuriat horrorem, quantam excitet reuerentiam. Et licet vbique sint aliqua sancta loca; tamen sæpe alibi sunt loca sanctiora, ad quæ vtile est peregrinari: vel si non sint sanctiora, sunt tamen alia ab his, quæ in nostra patria inueniuntur, & ipsa nouitas iuuat ad excitandam deuotionem.

3. Agendum est de votis, quæ Sanctis nuncupantur: nam certissimum est, posse aliquo modo Sanctis vota nuncupari. Et prob. testimonijs veterum. Nec obstat, quod votū sit actus religionis soli Deo debitus; qualis est etiam iuramentum, & sacrificium. Nam vota fiunt Sanctis, non vt sunt creaturæ quædam rationis participes, sed vt in eis Deus habitat per gloriam, ita vt vota, quæ dicuntur fieri Sanctis, fiant Deo in Sanctis: quomodo maledicta in Sanctos dicuntur blasphemiz, quia Deus in sanctis maledicirur.

## C A P V T X.

### De Festis diebus.

*Rom. 14.*

**P**ropositio I. *Nullo modo licet Christianis, Sabbathum Iudeorum, aut alias ferias Testamenti veteris obseruare.* Prob. 1. ex tribus locis Pauli: *Alius iudicat diem iuxta diem, alius iudicat omnem diem.* Id est, alius putat, vnum diem esse sanctum, alium

alium prophanum: alius verò omnes dies putat esse æquales. Et: *Dies obseruat, & menses, & annos; timeo vos, ne frustra laborauerim in vobis.* Et: *Nemo vos iudicet in cibo, aut in potu, aut in parte diei festi.* Ad eò enim Paulus reprehendit apertè Sabbathi obseruatores, vt Ebionitz propterea non reciperent Paulum, sed Apostatam esse dicerent. Prob. 2. ex Concil. Laodicensi, vbi anathema dicitur ijs, qui Sabbathum colunt, atque in eo vacant ab operibus. Gal. 4.  
Coloss. 2.  
Cap. 19.  
L. 1. 1. epist.

Prob. 3. ex S. Gregorio. 4. Ratione: quia Sabbathum erat præcipua cæremonia Iudaica, & præcipua figura Testamenti veteris: *Aut Neomenia, aut Sabbathorum, quæ sunt vmbra futurorum, corpus autem Christi.* Igitur, vbi Christus venit, Sabbathum necessariò finem habet. Coloss. 3.

Propositio 2. *Festa Christianorum non solum ratione ordinis, & politæ, sed etiam ratione mysterij celebrantur; suntque dies festi verè alijs sanctiores, & sacratiores, & pars quadam diuini cultus.* Prob. 1. ex die Dominico: nam illum omnes celebramus, tam nos, quàm aduersarij. At certum est, diem illum celebrari in memoriam resurrectionis Domini. Prob. 2. quia alioquit tollendi essent dies solennes Natalis, Pasionis, Resurrectionis, Ascensionis Domini, & Pentecostes, quod de Apostolica traditione descendere, & in tota Ecclesia seruari, docet August. & aduersarij etiam coli volunt. Nam, si solum ratione ordinis seruaretur dies illi, temerè fuissent constituti. Quis enim est iste ordo, vt inter diem Pasionis, & Resurrectionis, nõ sit, nisi vnus dies medius: inter Resurrectionis, & Ascensionis sint quadraginta? inter Ascensionem, & Pentecosten sint decem: inter Pentecosten, & Natalem sint plusquam sex menses? Deinde; Cur sequimur lunam in festis mobilibus inueniendis? Item, cur habent ista nomina, Pascha, Pentecostes, &c. si nihil sacrum significant? Denique; Patres disertè docent, festa illa celebrari ad significanda mysteria redemptionis, & ea externo ritu representanda. Prob. 3. ex eo, quod dies festi à Patribus dicuntur sancti, sacri, mystici, & religiosi colendi: quæ cum ceteris diebus non sunt communia. Epist. 112.  
& 119.

Prob. 4. si solum ratione ordinis distinguerentur omnes dies festi essent æquales, nec vnus alio maior, vna esset ratio celebritatis omnium. At nõ ita est.

Prob. 5. Obseruatio festorum, quæ præcipitur, ad cultum Dei pertinet: nam est præceptum Dei, & præceptum primæ tabulæ. sed illud præceptum est aliquo modo naturale, & ad nos pertinet. Ergo etiam nos habere debemus aliquos dies, quorum obseruatio ad cultum Dei pertineat. Non habemus autem alia festa, quàm diem Dominicum, Pascha, Pentecosten, & similia. Ergo horum obseruatio est cultus Dei, & sancta, & religiosa. Licet enim determinatio huius, aut illius diei sit facta ab hominibus, tamen ipsa substantia festi imperata est à Deo in I. tabula. Prob. 6. ratione alia: Christus nascens consecrauit locum, id est, præsepe: moriens cõsecrauit crucem: resurgens consecrauit tumulum, vnde exiuit: cur non etiam consecrauit tempus, id est, dies illos, quibus natus, vel passus, vel redditus fuit nobis deuicta morte? Cur præ ceteris locis sanctus ille vocatur, vbi Dominus resurrexit; & præ ceteris non erit dies illa sancta, in qua resurrexit? Præterea; si templa, & altaria dicuntur domus Dei, & loca sancta, quia Deo sacrata sunt, scilicet, vt in ijs colatur Deus; cur non etiam sancti, & sacri erunt dies, qui cultui diuino sacratii sunt? Exod. 20.

Propositio 3. *Obseruatio certorum dierum festorum rectè præcipitur in Ecclesia, lege*

C C c

obli-

*obligante in conscientia, etiam citra contemptum, & scandalum.* Nota 1. Lege festorum duo quædam præcipi: 1. vt omnes inter sint Missæ sacrificio. 2. vt vacent ab opere seruii. Nota 2. opus seruiile posse tribus modis accipi. Quædam enim sunt opera, quibus homo seruit cupiditatibus suis, nimirum peccata. Et hæc non dicuntur propriè seruiilia, sed metaphoricè tantum: non enim sunt propria seruorum, sed communia omnibus, & maximè diuitibus, & nobilibus, qui alijs dominantur. Neque prohibentur hæc speciali præcepto, sed omnibus præceptis simul. Alia opera sunt, quibus homo seruit Deo; vt immolatio sacrificij, oblatio thuris, & similia. Et hæc ita seruiilia sunt, vt sint etiam regalia: nam seruire Deo, regnare est. Et hæc non modò non prohibentur, sed etiam præcipiuntur maximè die festo. Alia sunt, quibus homo homini seruit: qualia sunt, quæ per se spectant ad eos, quos propriè vocamus seruos: qualia sunt omnia mechanica artificia, agricolarum labores, & similia. Et hæc propriè seruiilia dicuntur, & prohibita in festis intelliguntur.

Nota 3. quòd, licet sola illa opera per se prohibeantur in festis, tamè iustis de causis quædam spiritalia, & liberalia etiam interdiciuntur; & quædam corporalia, ac seruiilia permittuntur. Liberalia, quæ prohibentur in festis, sunt quatuor: mercatum facere, agere causas, ius dicere, & iuramentum solenne iniudicijs præstare, nisi ob causam pacis, vel aliam necessitatem. Corporalia, quæ permittuntur, sunt etiam quatuor. 1. Ea, quæ ad opera religionis, vel spiritalia per se ordinantur. Hoc modo licet in festis campanas pulsare, vt olim licebat mactare boues, & oues ad sacrificia. *Sacerdotes in templo Sabbathum violant, & sine crimine sunt.* Sic etiam licet scribere in ordine ad intellectum, vel ad parandam lectionem, vel concionem: nò tamen licet transcribere sine necessitate libros lucri gratia. 2. Opera illa permittuntur, quæ vel propriè, vel aliorum salutis necessaria sunt; vt est labor pharmacopolarum, chirurgorum, coquorum, &c. Quomodo etiam Iudæis in Sabbatho licebat educere iumenta de fouea, si fortè cecidissent, & ducere ad fontem ad bibendum. 3. Opera à Prælati concessa. 4. Opera, quæ ex consuetudine facta sunt licita. Nunquàm enim Ecclesia tam seuerè præcepit vacare ab opere, quàm lex Iudaica. Et ratio est: quia vacatio apud Iudæos erat figura futurorum: figuræ autem debent exactæ esse; alioqui non bene significant. Nostra autem vacatio, etiam si interdum significet aliquid futurum, tamen non est hic eius præcipuus finis, sed, non impedire opera spiritalia

Prob. præpositio 1. omnibus argumentis, quibus aliàs probauimus, Ecclesiæ præcepta obligare in conscientia.

Prob. 2. Iure diuino præcipitur, vt aliqui dies festi obseruentur; & tamen nulli sunt certi dies à iure diuino determinati. Ergò debuit in Ecclesia esse potestas determinandi certos dies, & obligandi ad eorum conseruationem: quia alioqui non seruaretur ius diuinum. Si enim determinatio Ecclesiæ non obligat, poterunt fideles non seruare diem Dominicum, nec Pascha, nec alia festa indicta, & proinde nulla. Nec enim vlla alia festa sunt, quæ seruari possunt: festa enim debent esse communia toti Ecclesiæ: nulla autem possunt esse communia, nisi quæ à publica potestate indicuntur. Prob. 3. Mardocheus, & ceteri Iudæi cum Regina Esther instituerunt festum, quod Deus nò præceperat, & obligauerunt



nerunt ad illud seruandū: *Nam licet hos duos dies absque ſolemnitate tranſigere, &c.* *Eſt. 9.*  
Ergo idē licebit Eccleſiæ. Nam tota cauſa, cur credant hēretici, nō licere Ec-  
cleſiæ obligare fideles ad iſtam feſtorū obſeruatiōē, eſt, quia Deus hęc feſta in  
particulari non præcepit. At nec præceperat feſtū illud Sortium, quod Mardo-  
cheus inſtituit. Prob. 4. Antiqua Eccleſia feſta cū imperio indicēbat: nec fuit  
vllus vnquam præter hēreticos, qui eiꝰſmodi præcepta reprehenderit.

Propoſitio 4. *Non tenemur feſtis diebus ex præcepto particulari ad non peccandū, ſine  
ad actum contritionis, vel dilectionis Dei.* Prob. I. quia ius diuinū ſolum præcipie-  
bat abſtinere ab opere ſeruili: peccata autem non ſunt opera ſeruilia, niſi me-  
taphoricē. 2. Eccleſia determinauit tempus, & modū obſeruandi ius diuinum  
de obſeruatiōe præceptorū. At Eccleſia nuſquam præcipit actus illos inter-  
nos. 3. Id habet cōmunis ſenſus fidelīū. Actus ille internus eſt ſinis huiꝰ præ-  
cepti: non autē ſinis, ſed media propriē imperātur. 4. Cultus internus præcep-  
tus iam erat in I. mandato: nam hic eſt ordo I. tabulæ: in I. præcepto mādatur  
cultus cordis, in 2. cultus oris, in 3. cultus operis. 6. Præceptum de colendo  
Sabbatho eſt præceptū religionis: at contritio eſt actus pœnitentię, nō religio-  
nis. 7. quia alioqui eſſet valde noxiū, tot feſta multiplicare: eſſet enim tendere  
laqueos animabus. De Dominica die tria dicenda ſunt. I. de antiquitate. Nā  
ſine dubio feſtū Dominicæ eſt antiquiſſimum omnium Chriſtianorū feſtorū.  
Nam Eccleſia Chriſtiana propriē cœpit in die Pentecoſtes. Tūc enim impletis  
omnibus myſterijs redemptionis promulgatū fuit publicē Euangelium. Poſt  
hūc autē diem cœperunt omitti feſta Iudeorū, & eis ſubſtitui feſta Chriſtiana.  
Primus autem dies feſtus occurrens ſine dubio fuit Dominicus: nam feſtū Na-  
talis Domini, & Paſchæ, quæ antiquiſſima etiam ſunt, non niſi poſt aliquot  
menſes occurrerūt. Atteſtantur autem huic antiquitati I. Script. *Vna Sabbathi,*  
*cū conueniſſemus ad frangendū panem.* Et: *Per vnā Sabbathi vnusquisque apud ſe re-*  
*ponat,* &c. Priorem locū de die Dominico exponunt Chryſoſtomus, & Beda. *Ab. 20.*  
Poſteriore omnes interpretes Græci, & Latini. Chriſtus etiā dicitur reſur-  
rexiſſe vna Sabbathorū: at cōſtat eum reſurrexiſſe die Dominico. Præterea;  
Cōſtat, Paulū multis Hebraiſtis abundare: eſt autem Hebraiſmus frequentiſ-  
ſimus, dicere vñ pro primo. Denique Paulus arguit Colofſenſes, & Galatas  
ſeueriſſimē, quòd Sabbathū, & Iudeorum feſta ſeruaret: quomodo ergo cre-  
dibile eſt, eum ſeruaviſſe Sabbathum Iudeorū? habemus & aliud teſtimonium:  
*Ego Ioannes fui in ſpiritu in Dominica die.* Quem locū de noſtra Dominica expo-  
nunt ſerē omnes. Denique, Habemus teſtimonia Patrum antiquiſſima. *Mar. 16.*  
*Apo. 1.*

2. Dicendum eſt de ratione institutionis, quæ fuit, vt ſuccederet Sabbatho.  
Nam ius diuinū requirebat, vt vnus dies Hebdomadę dicaretur cultui diuino:  
nō autē conueniebat, vt ſeruaretur Sabbathum. Itaque Sabbathū ab Apoſto-  
lis in diē Dominicū verſum eſt. Vt autē intelligatur, quā rectē id factū ſit,  
notandum eſt, Sabbathum fuiſſe feſtū antiquiſſimum, & præſtantiſſimū apud  
Iudeos, & ideo ſolius Sabbathi mentionem factam in Decalogo. Erat autem  
Sabbathum feſtum excellentiſſimum: quia, cū omnia feſta celebrarentur vel  
in memoriam beneficij præteriti, vel ad ſignificandū aliquid futurum, Sab-  
bathum in vtroque excellebat. Nam, quantum ad præteritum, colebatur in  
memoriam primi, & comuniſſimi beneficij, id eſt, creationis mundi.

Hob. 4.

Quantum ad futurum, Sabbathum erat figura trium beneficiorum Dei, ad quæ omnia alia reuocantur. 1. Figura fuit in sensu allegorico quietis Christi in sepulchro. Vt enim Deus quieuit Sabbatho ab opere creationis; ita Christus quieuit Sabbatho ab opere redemptionis; vt Apostolus obseruauit. 2. Figura fuit in sensu tropologico quietis mentis humanæ ab operibus seruilibus peccatorum. Iudei enim, dum Sabbatho otabantur, significabant venturum esse tempus gratiæ, quo liberati homines per Christum à seruitute peccati, quiete, & otio spiritali fruerebuntur. 3. Figura erat in sensu analogico quietis sanctarum animarum, quam post mortem in sinu Abraham expectabant.

Iam verò propter has ipsas causas deducitur, vt post Christi aduentum Sabbathum mutaretur in diem Dominicum. Nam quantum ad memoriâ prætorum, Dominica dies longè excellit Sabbatho. Nam refert nobis memoriâ Natalis Christi, & Resurrectionem eiusdem, & aduentus Spiritus S. quo die quodammodo nata est Ecclesia. Nam Christus die Dominica natus est: vt patet, quia illo anno currebat littera Dominicalis B, vt omnes Mathematici docent, & potest ostendi in Cyclo litterarum Dominicalium retrocedendo: constat autem litteram B. haberi die xxv. Decembris, quo die Christus natus est. Quod autem idem Christus resurrexerit die Dominica, ex Euangelij constat. Quod denique aduentus Spiritus S. fuerit die Dominica, patet, quia fuit in die Pentecostes, id est, quinquagesimo die à Paschate, qui necessario est dies Dominicus. Itaq; Dominica dies representat nobis natalem diem Christi, & Ecclesiæ, & Christi non simplicem, sed duplicem. Representat etiam memoriâ creationis mundi non in minas, quæ Sabbathum: nam die Dominica cepit mundus fieri; imò eo die sunt factæ omnes partes mundi principales, cælum, terra, Angeli, lux, &c. Quantum ad futurorum significationem Sabbathum planè cessare debuit, quia omnia, quæ per Sabbathum significabantur futura, iâ sunt completa; nam Christus iam in sepulchro iacuit, & quies animorum in Deo iâ agitur. Porro quies spirituum defunctorum in sinu Abraham, iam est mutata in gloriam, & beatitudinem; & nunc non ampliùs expectamus simplicem illam quietem, sed quietem gloriosam: gloria autem meliùs significatur per diem Dominicam, quæ per Sabbathum. 3. Dicendū est de ritu Dominicæ, qui erat quadruplex. 1. Conueniebant in Ecclesia adlectione, concione, sacrificiū, communionem, &c. 2. Vacabant ab operibus seruilibus. 3. Non ieiuabāt. 4. Nō flectebāt genua, sed precabātur stātes. Nouidū autē sunt quingēti anni, ex quo hic ritus cessauit: nam tres priores adhuc in vniuersa Ecclesia obseruantur.

Exod. 12.

*Pascha* significat transensionē Angeli, & quasi saltum super domos Iudæorum, vt patet ex ratione. Nam, vbi dixerat Moyses: *Est enim Pascha: subiungit rationem: Transibo enim per terram Aegypti nocte illa, & percutiam primogenita Aegyptiorum: erit autem sanguis vobis in signum in adibus vestris, & videbo sanguinē, & transibo vos, nec erit in vobis plaga.* Verumtamen hoc ipsum nomen etiam traducitur ad alia tria significanda. 1. Significat transilationem Angeli. 2. Ipsum Agnum Paschalem, qui per immolationem transibat de vita ad mortē. Vnde dicitur: *Neceſſe erat occidi Pascha.* 3. Transitum populi, quia illa ipsa nocte liberatus à tyrannide Pharaonis transiuit per mare rubrum, vt iret in terrā promissionis. 4. Ipsum festum diem: *Appropinquabit dies festus azymorum, qui dicitur Pascha.*

Lucæ 22.

Ibid.

Porro

Porro hæc ipsa quatuor sunt etiam apud Christianos suo modo, id est, vt exemplaria illorum typorum. Nam Angelus transiliens, & occidens primo-  
genita Ægypti, & saluans filios Israël, est Christus magni concilij Angelus, qui,  
dum transiret de morte ad vitam, saluauit omnes, qui eius sanguine aspergendi  
erant, relictis ceteris in manu vastatoris. Agnus Paschalis idem est Christus  
pro nobis immolatus. Christum enim repræsentarunt Agnus, & Angelus: quia  
Christus occidi, & occidere debuit. Agnus autem occidi poterat, sed non occi-  
dere: Angelus occidere, sed non occidi. Transitus per mare rubrum significat tra-  
situm populorum per aquas Baptismi: & idem in Paschate olim ordinariè bap-  
tizabantur Catechumeni. Denique; festus dies illorum, nostrum festum figurabat.

Pentecostes meminit Paulus: *Manebo Ephesusque ad Pentecosten.* Et: *Festinabat,* 1. Cor. 162.  
*vt, si quo modo posset, Pentecosten ageret Ierosolymis.* Quamuis non sit omnino certum, Act. 20.  
an loquantur hæc Script. de Pentecoste Iudeorum, an Christianorum: tamen  
Epiphanius exponit de Pentecoste Christianorum. Hæres. 75.

Septuagesima, Sexagesima, & sequentes dicuntur non à numero dierum, sed  
à numero Dominicarum. Voluit enim Ecclesia ante Dominicam Passionis præ-  
mittere 7. celebres Dominicas, quibus reuocaret nobis in memoriam spiri-  
tuale nostram captiuitatem: sicut per Dominicam Passionis, & sequentem,  
commemoratur redemptio à captiuitate.

De festis Sanctorum, pium, & bonum esse, colere festos dies, facile demon-  
stratur auctoritate, & ratione. Auctoritas est totius Ecclesiæ Catholicæ, quæ  
omni tempore id seruauit. Ratio fundatur in diuinis litteris: Festi dies rectè  
instituantur ad diuina recolenda beneficia, vt patet de festo Sabbathi, & festo  
Sortium apud Iudeos, & de festis Domini apud Christianos. Sed non est paru-  
Dei beneficium, beata consummatio alicuius Sancti, & præcipue per marty-  
rium: inde enim datur toti Ecclesiæ militanti exemplum fortitudinis, & vnus  
nouus patronus apud Deum: datur etiam toti Ecclesiæ triumphanti nouum  
gaudium de accessione vnus cuius: denique tunc agitur nouus, & perfectus  
triumphus de diabolo. Confirm. Nam omnes causas, propter quas homines  
etiam profani celebrant festos dies, concurrunt in obitu Sanctorum. Homines  
enim festa celebrant ob diem natalem Principum: item, ob assumptionem alic-  
uius ad summam aliquam dignitatem: denique ob partem victoriam.

De Vigilis sciendum, quod in profestis magnorum dierum consueuerat  
Ecclesia vigilare, & ieiunare: & in primis Vigilia Pasche, quæ nocte præcedere  
Dominicam resurrectionis agebatur, celeberrima semper fuit. Ceterum quo-  
niam paulatim occasione nocturnarum Vigiliarum abusus quidam irrepere  
cœperant, vel potius flagitia non raro committi; placuit Ecclesiæ nocturnos  
conuentus, & Vigiliis propriè dictas interimere, ac solum in iisdem diebus  
celebrare ieiunia.

F I N I S .

# INDEX CAPITVM PRIMÆ PARTIS

Fundamenti Christianæ fidei.

## LIBER I.

De Verbo Dei.

- C**ap. I. De numero, & auctoritate sacrorum librorum.  
**II.** De varijs editionibus sacrorum librorum.  
**III.** De Verbi Dei interpretatione.  
**IV.** De Verbo Dei non scripto.

## LIBER II.

De Christo, capite totius Ecclesiæ.

- I.** De diuinitate Christi.  
**II.** De vocibus quibusdam in diuinis.  
**III.** Ostenditur distinctio Personarum.  
**IV.** De Incarnatione Christi.  
**V.** De communicatione idiomatum.  
**VI.** De Christi anima.  
**VII.** De Christo Mediatore, & eius Merito.

## LIBER III.

De Romano Pontifice.

- I.** Quodnam sit optimum regimen?  
**II.** Debeatne Ecclesiasticum regimen esse Monarchicum?  
**III.** Fueritne Apostolus Petrus Ecclesiæ totius caput, & Princeps loco Christi, ab ipso Christo constitutus?  
**IV.** An B. Petrus Romæ fuerit, ibique Episcopus existens mortuus sit?  
**V.** Romanum Pontificem Petro succedere in Ecclesiastica Monarchia.  
**VI.** De nomine Antichristi: & an sit vnus homo, an genus hominum?  
**VII.** De tempore aduentus Antichristi, & mortis eius.  
**VIII.** De nomine proprio, gente, sede, doctrina, miraculis, regno, & prælijs Antichristi.  
**IX.** De Ecclesiastica iurisdictione Pontificis.  
**X.** De potestate temporali Pontificis.  
**XI.** De translatione Rom. Imperij,

LIBER

# INDEX CAPITVM.

## LIBER IV.

### De Ecclesia Militante :

- I. Denomine Concilij, origine, & partitione.
- II. De caussa finali, efficiente, materiali, & formali Conciliorum.
- III. De auctoritate Conciliorum absoluta.
- IV. De auctoritate Conciliorum comparata ad alia fidei principia.
- V. Denomine, & definitione Ecclesiar.
- VI. De qualitate Ecclesiar.
- VII. De notis Ecclesiar.
- VIII. De nomine Clerici, & Laici.
- IX. De institutione ministrorum Ecclesiar.
- X. De distinctione ministrorum Ecclesiar.
- XI. De cœlibatu Sacerdotum.
- XII. De temporalibus bonis Clericorum, & libertate Ecclesiastica.
- XIII. De origine, ratione, & varietate religionum.
- XIV. De Concilij Euangelicis.
- XV. De Votis Monasticis in genere.
- XVI. De Votis Monasticis in particulari.
- XVII. De ijs, qui vota monastica suscipere, ac nuncupare possunt.
- XVIII. De Eremitis.
- XIX. De habitu, & tonsura Monachorum.
- XX. De bonis Monachorum.
- XXI. De ipsa politica potestate.
- XXII. De officio potestatis politicæ in rebus politicis.
- XXIII. De officio potestatis politicæ in rebus Religionis.

## LIBER V.

### De Purgatorio.

- I. Ostenditur Purgatorium esse.
- II. De personis, quibus Purgatorium conuenit.
- III. De loco, & tempore Purgatorii.
- IV. De pœnis Purgatorii.
- V. De suffragijs, & funere defunctorum.

## LIBER VI.

### De Indulgentijs.

- I. Denomine Indulgentiar, & Iubilæi.
- II. An sint Indulgentiar?

III. Quid

## INDEX CAPITVM.

- III.** Quid sit Indulgentia?
- IV.** De varietate, & vtilitate Indulgentiarum.
- V.** Quis possit Indulgentias concedere?
- VI.** De causa iusta Indulgentiarum.
- VII.** De suscipientibus Indulgentias.

## LIBER VII.

### De Ecclesia Triumphante.

- I.** De Sanctorum beatitudine.
- II.** De canonizatione Sanctorum.
- III.** De cultu Sanctorum.
- IV.** De inuocatione Sanctorum.
- V.** De Reliquijs Sanctorum.
- VI.** De Imaginibus.
- VII.** De Cruce.
- VIII.** De Templis.
- IX.** De ijs, quæ referuntur ad templa.
- X.** De Festis diebus.

FINIS.









